

近代中國史料叢刊續編第九十輯
沈雲龍主編

皇朝政典類

纂
席裕福
沈師徐輯

選舉一

文藻出版社
有限公司
印行

近代中國史料叢刊續編第九十輯
沈雲龍主編

皇朝政典類纂
沈席裕徐福輯

選舉二

文藻出版社
有限公司
印行

皇朝政典類纂

皇朝政典類纂卷一百九十一

選舉一

文科宗室鄉會試 鄉會試期 命題規制

凡宗室鄉會試試以文以詩 殿試則合貢士而試之會典

康熙三十六年宗人府禮部奉 諭旨國家樂育人才振興文教將使海內英雋之士靡不蒸蒸蔚起矧宗室子弟系託天潢豈無卓越之姿足稱令器允宜甄拔獎掖俾克有成考諸前史以公族應制舉入仕者代不乏人今屬籍所載日益繁衍除已授爵秩人員外閒散子姪素無職業誠恐進取之途未闢致嚮學之意漸隳嗣後八旗宗室子弟有能力學屬文書科目應令與滿洲諸生一體應試編號取中則賦質英異者咸服習於詩書而學業成就者不阻抑於仕進凡屬宗支人人得以自效而於朕興賢睦族之至意亦用是以允愜焉爾等衙門卽遵諭行通考

三十九年諭令科鄉場會令宗室者試宗室朕數加恩何患無官嗣後停其考試會典事例

雍正二年諭朕臨御以來施恩於文武官各得疏通惟宗室等並無陞遷之路欲令考試舉人進士與民人等一例搜檢亦非體統惟有宗人府司官筆帖式等員可否補用爾等議奏再宗室內有學優才美者作何考選之處一併議奏欽此遵 旨議奏因散宗室內有考取一等等者以筆帖式用嗣後遇理事官缺出以副理事官陞補副理事官缺出以經歷及主事陞補經歷及主事缺出以筆帖式陞補其補授理事官副理事官經歷主事筆帖式等缺均由宗人府擬定正陪引 見補授會典事例

乾隆三年請准宗室生徒每歲九月由宗人府奏請試以編譯及經義時務策各一道 欽命學士等官閱卷分爲大等一等二等獎賞三等四等留學肄業五等教誡仍許留學大等黜退 會典事例

八年禮部帶領宗人府考職之宗室玉鼎柱等引 見奉 旨准與乙丑科貢士一體殿試 會典事例

九年議准五年一次 欽命大臣合試左右翼學生凡本年考取一二等及往年考取一等並在家肄業願觀

光者咸准與考拔取佳卷進呈 御覽恭候 欽定名次由宗人府引 見以會試中式註冊俟禮部會試之

年習編譯者與八旗編譯貢士同引 見 賜進士以府屬額外主事用習漢文者與天下貢士同 殿試

賜進士甲第有差 會典事例

十七年奉 旨宗室等不應鄉會試 皇祖 皇考均有明旨後因條奏復令宗室等應鄉會試彼時宗人府

總理事務王大臣並未聲明草率照覆實屬錯謬嗣後仍遵 皇祖 皇考原降諭旨將宗室等鄉會試

庶吉士之例承行停止再不可條陳考試宗室內如果有學問優長者自施恩錄用也 會典事例

嘉慶四年諭宗室向有會試之例後經停止敬惟 皇考聖意原因宗室當嫻習騎射以存滿洲舊俗恐其專

攻文藝沾染漢人習氣轉致弓馬生疎然自停止考試以後騎射亦未能精熟天潢支派繁衍自當仍准應試

廣其登進之路兼可使讀書變化氣質不至無所執業別生事端且應試之前例應由射馬步箭方准入場於

騎射原不致偏廢舊制宗室不由鄉舉徑赴會試未免過優嗣後宗室應考者自辛酉科爲始與生監一體鄉

試應定中額著禮部嚴議奏聞候朕酌定欽此遵 旨議奏宗室之人除現有職守差使及應封者約計人數

尙不下數千其中讀書尙上者定不乏人若此時還定額數距應試之期尙隔二載長善日繁造就益廣轉恐

人浮於額不足仰副 聖主栽培成全之意應自辛酉科爲始凡在官學讀書及在家讀書願應鄉試者俱照宗人府奏准之例交稽查宗學漢大臣駁實考試將文理通順者由宗人府造冊彙送兵部考試馬步箭其合式之人移咨禮部劄送順天府鄉試俟三場完畢將實在人數奏請 欽定中額永遠遵行庶於鼓勵之中寓慎重之道至於會試向例滿洲蒙古漢軍及各直省俱係臨期按照人數多寡請定中額自應一律辦理再查滿洲士子鄉會試向係另撥號舍編坐其交卷彌封別立紅號字樣將來宗室應試之人亦應於號舍內分撥數號設坐其紅號字樣擬定爲宗字號編送內籙按數取中仍照滿洲設立彈壓副都統之例於宗人府左右宗人內請 旨簡派一員入場以資彈壓會典事例

又議定宗室人員既經 恩准應試 盛京閒散宗室自應一體入考查在京宗室由稽查宗學漢大臣駁實考試文理通順者方准鄉試若 盛京宗室令於本處領取咨文赴京考試恐有錄科不取之人未免徒勞往返應照 盛京滿合字號之例交與奉天府丞錄科考取後造冊呈送宗人府同在京宗室一併彙送兵部考試馬步箭再送順天府鄉試會典事例

五年諭上年推恩宗室准令應試原定以辛酉年正科爲始本年舉行恩科因給事中慶岳奏試期較近恐宗室等於艱業一時未能嫺習請暫停本年鄉試當經降旨允准仍以辛酉科鄉試爲始但思宗室應試若與士子等一同入闈於體制究有未協查乾隆年間曾兩次舉行是典自有舊規可循現當久經停止之後其應如何酌定章程及一切事宜著軍機大臣會同宗人府禮部詳查妥議具奏欽此遵 旨議定條款凡宗室錄送考試於鄉試前先用稽查宗學大臣彙考一次分別去取擇文理通順者錄送宗人府其奉天宗室由奉天宗

學會同府丞錄科造冊送宗人府並由宗人府造冊咨送順天府會試則咨送禮部屆期一體入場如鄉試有文理過於荒率者將原考送之大臣交部議處考驗騎射應照八旗考試之例先由宗人府考試馬步箭挑取合式者奏請 欽派王大臣覆試再行錄科其奉天宗室由宗學考試馬步箭挑取合式者就近咨送奉天將軍覆試再行錄科送京再查從前宗室考試本在 國史館此時該館易地房舍無多且不甚嚴密茲奉 旨考試自應在貢院扁試以昭慎重惟是鄉會兩試考官監臨知貢舉內外監試及各執事員役等向例定於八月初六三月初六等日入闈今應分於八月及三月初三日入闈其宗室應試者於八月三月初四日五鼓點名入場由宗人府派出章京數員在輒門識認至龍門外由御史點名散卷歸號並於宗人府左右宗人內先期 簡派一員彈壓巡查懷挾亂號等事如有前項情弊交與宗人府自行辦理其營弁號軍等即交與監臨知貢舉酌用若干人於初三日先行點進其餘營弁號軍照例於初六日點進彈壓士子之副都統等官仍於初六日入闈至考試題目舊例用經義時務策各一道今用制藝一篇五言八韻排律詩一首由順天府禮部先期奏請 欽命題目於點名日令宗人府府丞赴 乾清門請領捧至貢院交監臨知貢舉送入內簾啟封刊刷印俟入場點名已畢封龍門後由內簾交出按號散給即於初五日交卷出場所有辦卷事宜俱照鄉會試之例由順天府禮部備卷鈐印送入貢院交監試御史鈐用坐號散給至交卷後送外簾彌封不必謄錄送內簾主考總裁擬定中式名次封固交出至公堂鄉試派順天府官一員會試派禮部司官一員同宗人府章京一員捧至 乾清門交奏事處進呈 御定名次後鄉試由監臨會試由知貢舉拆名揭榜屆期由宗人府派員至貢院門外接榜送至宗人府衙門前張掛將試卷交順天府禮部存貯備查鄉會中式人員應

得旗扁銀兩及表裏緞疋應照舉人進士例給予其取中額數鄉試由順天府將試卷數目開單進呈 欽定
中額初次會試人數無多應令總裁擇其文理優長者封卷進呈恭候 欽取俟數科後宗室會試人數增多
仍由禮部覈明試卷數目再行請 旨定額 殿試 朝考奉 旨與新進士一體應試同日入考其坐次及
引 見排班均列在新進士之前俱由該衙門帶領引 見或用翰林或用部屬恭候 欽定入場宗室除係
祖孫父子及同胞叔姪兄弟應行迴避外其餘概毋庸迴避又查乾隆年間宗室曾經考試編譯嗣後凡遇編
譯鄉會試之年宗室亦應照文場鄉會試之例辦理會典事例

六年諭汪承霽等奏宗室鄉試人數共六十三名請定中額一摺宗室等讀書赴試志切觀光本年係開科伊
始著加恩按照人數每九名取中一名共中式七名於舉子頭二場開門之日填榜揭曉會典事例

七年諭宗室會試前經宗人府等衙門會議於三月初四日點名考試官於初三日豫行入闈較常例早至
三日第念宗室應試人數本少若先期另為一場一切稽察支應較多一番經理不若仍照鄉會試舊制於初
八日入場點名在八旗及各省士子之前並另編坐號不致擁擠頒發欽命試題先行揭曉已足優示體制而
省紛繁考試官仍照定例於初六日入闈所有本年宗室會試即照此辦理嗣後宗室鄉會試日期均著為令
會典事例

又 諭宗室會試著總裁官酌取兩三卷進呈欽定會典事例

又禮部奏宗室考試編譯應否與八旗士子同題抑或另 頒題目再查文場請題之例恭值 聖駕行圍則
順天府豫將上三次題目咨送在京總理處由總理事務大臣奏請 命題屆期由該府尹請領送入場內刊

發今本年八月繙譯鄉試恭遇 聖駕駐蹕熱河其奏請 欽命題目亦應照此辦理再宗室繙譯鄉試中額應照宗室文場之例由順天府查明人數奏請 欽定其擬取試卷例應進呈若恭值 聖駕行圍例不必進呈惟查本年宗室會試時遇 聖駕啟鑾所有擬取之卷係由內閣轉遞 行在於發還日祇領送院拆名填榜今茲宗室繙譯鄉試其試卷應否照例不必進呈抑或照文會試例由內閣轉遞 行在由禮部堂官恭進奉 旨宗室繙譯鄉試另行命題由順天府照例請領其試卷不必進呈將來繙譯鄉會試俱照此辦理會典事例

又議准宗室繙譯鄉試應照例於八月初八日入場點名在八旗士子之前另編坐號至彌封卷面紅號字樣照例戳印宗字號以示區別其揭曉應照本年會試之例另填一榜發宗人府張掛填榜日先填宗室榜後填八旗士子榜分別張掛其題名錄亦照本年會試例另頁先寫宗室名次再寫八旗士子名次共為一本進呈會典事例

八年奉准凡宗室繙譯會試應照文會試例考試一場其題目照繙譯鄉試例試以清字四書文一道繙譯一道屆期遵奉辦理○又奏准宗室繙譯鄉會試與八旗同歸併文闈三年一舉會典事例九年諭據監試署給事中皂麟等奏號舍實數止九千一百餘間本年科舉共九千二百餘名又因三場併試繙譯四百餘名不敷坐用因將彈壓等處席棚編列坐號防範難周懇請將繙譯鄉試更定日期等語本年繙譯士子於文鄉試第三場併試係屬新例初次舉行欲事簡易轉致人數過多坐號不敷自應另為改期因思考試宗室在文闈頭場與各士子一體屬試亦未周妥且祇一文一詩竟日即可交卷嗣後宗室鄉會試著

改於各士子鄉會試三場完畢後十七日點進當日完場其編譯鄉會試著於十八日進場考試來年會試即照此辦理會典事例

右宗室鄉會試

順治元年十月定鄉試俱於子午卯酉年舉行會試俱於辰戌丑未年舉行通典

二年定鄉會試日期秋八月舉行鄉試初九日第一場十二日第二場十五日第三場先一日點名放進次日交卷放出春二月舉行會試與鄉試同議考

奏准江南陝西二省鄉試以十月舉行會典事例

十六年諭雲貴新附地方綏輯需人現在候選官員尙未足用應豫爲徵取以備任使著於今秋再行會試會典事例

康熙五十二年 聖祖仁皇帝六旬萬壽 特開鄉會恩科題定二月鄉試八月會試會典事例

雍正元年 恩旨開科議准本年四月鄉試九月會試其癸卯甲辰鄉會正科改期於雍正二年二月鄉試八月會試會典事例

四年九月諭明年乃會試之期春季適有閏月則二月節候尙早天氣尙在寒冷凡應試舉子途次連來及闈中考試恐其寒冷幸朕心軫念著將明年二月入場之期改至三月令該部即行文各省諭令知之若近京各省應試之舉子俟開春起身前來亦覺甚便嗣後會試之年遇有閏月該部先期奏聞雍正內閣 上諭
五年奉 諭旨朕以今年閏月節氣稍遲二月天寒故將會試日期改至三月但自今天氣尙覺寒冷若再改

期又恐舉子盤費無多艱於旅食今照舊於初八日入場著曉諭各舉子俱許攜帶手爐以溫筆硯皮衣及厚綿衣服俱許穿進但不得乘機懷挾以滋弊端場內茶飯著供給官加意預備朕另派大臣照看料理令早晚給與盥湯并按名給發木炭以資其用通考

十三年九月諭國家大典首重掄才我朝培養多年人才日盛是以 皇考御極之初於三年六比之外特開鄉會恩科廣羅俊乂所以鼓舞而振興之者至爲周備今朕繼承統緒照雍正元年特開恩科之例舉行茲與乾隆元年係丙辰會試正科著於八月舉行鄉試乾隆二年二月舉行會試以副朕興賢育才之至意會典事例

十年正月 特命移會試場期於三月以待春溫永著爲例通典

十六年諭前經降旨今歲恭逢 聖母皇太后萬壽於壬申年特開恩科其直省鄉試恐二月天寒是以照會試例於三月舉行但思三月鄉試必至四月初旬揭曉雲貴川廣等省去會試之期稍爲愆迫外省鄉試俱著於二月舉行京城二月天氣尙寒順天鄉試仍於三月會典事例

五十二年諭王公大臣及直省督撫大吏等以乾隆五十五年朕八旬慶節請舉行萬壽慶典朕以內外臣工等隨歡祝嘏出自積誠是以降旨允行朕臨御五十餘年壽躋上壽五世一堂篤慶錫光歡騰率土宜沛特恩用光鉅典除恩詔條款屆期頒發外所有下屆鄉會試正科著於五十三年八月五十四年三月豫先舉行五十四年秋舉行恩科鄉試五十五年春舉行恩科會試以示朕樂育敷恩壽世作人至意會典事例

乾隆五十八年諭內閣朕仰蒙 昊蒼眷佑纘緒凝麻臨御以來海宇敎靈遐方向化膚功熙績壽躋十全

踐昨年滿六十實二十五卽位之人君所難得也前曾降旨於六十一年歸政允宜懜澤覃施與海內臣民敘時數錫而嘉惠士林之典尤應豫爲舉行著於乾隆五十九年秋特開鄉試恩科六十年春會試恩科至六十年秋卽爲嗣皇帝恩科鄉試丙辰春間卽爲嗣皇帝元年恩科會試所有應行事宜著該部照例豫備 聖訓
嘉慶四年諭上年籲請恭辦 皇考九旬慶典欽奉 勅旨特開鄉會恩科本年正月內猝遭 皇考大事朕當哀痛迫切之時曾降旨因慶典既不能舉行並將恩科停止茲過百日後復思開科一事乃 皇考嘉惠士林至意今朕不獲祝嘏承歡以天下養愜率士臣民之願而惟此作人盛典爲 皇考已沛之恩自應仰體 聖慈無庸停止俾天下士子仍得霽澤 遺澤倍深感慕所有恩科文武鄉試著於庚申年舉行其文武會試著於辛酉年舉行會典事例

六年諭京師自本月初旬以來雨水連綿貢院牆垣號舍多有坍塌滲漏之處現在考試期近已飭令趕緊動工修葺惟氣候蒸濕恐難如期修竣若草率從事必致內外關防不密不足以昭嚴肅且近畿一帶道路泥濘士子等來京應試跋涉維艱儻中途稍有阻隔致誤考期轉無以遂觀光之志所有本年順天鄉試或展期至八月下旬九月初旬著軍機大臣會同禮部妥議具奏欽此遵 旨議奏今歲八月鄉試應改期於九月初八日舉行至武舉會試原在九月初五鄉試原在十月初五今文闈既已改期所有武科鄉會試若以次逐月移後恐十一月天氣太寒亦宜體卹查武科鄉會兩闈均不過七日其入內場至揭曉最遲亦不過七日如於十月初五考武會試外場則武闈外場畢日正文闈揭曉之後可不礙其入內場卽於武闈進內場時就現在蘆棚馬道考武鄉試外場至十月十八九日武會試揭曉之後正武鄉試內場之期亦不相礙會典事例

道光元年諭內閣本年八月天氣尚覺暑熱京城內外兼有時疫流行因念貢院中號舍湫隘士子等萃處鬱蒸恐致傳染疾癘非所以示體恤今科順天鄉試著展期一月於九月舉行該衙門卽行曉諭俾衆咸知 聖

咸豐九年諭內閣前因江南文闈鄉試以軍務未竣兩次停止本年恩榜特開該省督撫奏請用浙省文闈舉行該部議交浙江巡撫察看辦理旋據胡興仁覆奏聲稱號舍不敷恐多窒礙等語朕以江南士子未免向隅復諭令江南浙江各督撫妥爲籌畫茲據何桂清徐有壬胡興仁會奏據稱咨商安徽學政該省距浙較遠賊氛未靖且歲科兩試久停士子等未能一律應試擬分別辦理以昭慎重著照所請本年江蘇省鄉試卽定於十月內舉行借用浙江文闈辦理安徽省鄉試著俟該省平定地方較多應如何通融辦理之處由該督撫屆時奏請補行以示朕嘉惠士林至意東華續錄

同治三年兩江總督曾國藩奏竊江南鄉試自咸豐九年在浙江借闈特開 萬壽恩榜并補行乙卯正科後尙有戊午辛酉壬戌及本屆四科歷經奏請展緩辦理逮本年六月江甯省城克復臣親勘貢院尙未全毀當卽鳩工庀材飭派記名臬司黃潤昌監視興修於八月十三日奏陳大概旋據該員以要工完竣繪圖呈驗臣於九月初一日自安慶起程初七日舟抵金陵初九日至貢院查驗工程所有主考官臨提調監試房官各屋騰錄對講彌封供給各所新造者十之九修補者十之一號舍一萬六千餘間新造者十之一葺補者十之九又因江南人文薈萃向慮號舍不敷酌覓闈外闈入隙地以備將來添建號舍之用臣逐段勘驗現僅號板未全牌坊及油飾未畢約計九月二十日前一律完竣工堅料實煥然一新兩江人士聞風鼓

舞流亡旅歸商賈雲集現在已通飭各屬出示曉諭定於十一月舉行鄉試江南監臨向係江蘇安徽兩省
巡撫分科輪辦本屆甲子及補行戊午各正科係屬江蘇輪值之年臣已咨明撫臣李鴻章請其屆時前來
入闈辦理監臨事務其提調監試各官向例於江安兩省藩臬道府大員中調派內籬十八房則於科第出
身寬缺州縣中考充如實缺人數不敷即於兩省候補之即用大挑揀發各班挑選現值地方多係新復實
缺人員寥寥無幾所有內外籬各執事應由監臨官循例分別調取至江南正副考官向章八月鄉試係於
六月二十二日 簡放主考禮部於二十日進本此次十一月舉行鄉試似應於九月二十二日請 旨簡放
考官向章江南主考由徐州臨淮滁州驛路行走目下滁州等驛尚未整飭應改由清江浦揚州馳驛南來
以免遲誤會文正奏曠

同治三年諭議政王軍機大臣等前因會國藩奏江甯興修貢院擬於本年十一月間舉行鄉試疊經諭令該
大臣酌度情形妥籌辦理茲據會國藩奏稱行抵江甯查驗貢院工程均已完竣請於十一月舉行鄉試並咨
明李鴻章屆期入闈監臨等語江甯省城新復現即舉行鄉試兩江士子聞風雲集商賈輻湊一切稽察奸宄
鎮撫地方各事宜均應加意籌度著會國藩督飭司道等官妥為經理毋得稍形疏懈蘇境雖已肅清惟善後
各項事宜仍須次第籌辦李鴻章能否馳赴江甯入闈監臨之處並著會國藩悉心酌度會籌妥辦萬取琛已
抵江甯如李鴻章不克入闈監臨該藩司能否代辦或咨明安徽學政朱蘭代辦監臨事務均由會國藩李鴻
章迅速籌商奏明辦理 聖訓

右鄉會試期

順治二年定第一場四子書三題五經各四題士子各占一經第二場論一篇詔誥表各一通判五條第三場經史時務策五道會典事例

順治二年定四書題目第一題用論語第二題用中庸第三題用孟子如第一題用大學則第二題用論語第三題仍用孟子科場條例

又定策題以關切事理明白正大為主不許搜尋僻事掩匿端倪必問者列款而示使對者可按牘而陳庶乎真才易辨會典事例

又定詔誥二道惟五經卷兼作會典事例

十六年定考官於論題間出孝經以勵士尚會典事例

康熙二年議准停止八股文體鄉會試以策論表判取士分爲二場第一場試策五道第二場四書論一篇經論一篇表一道判五條會典事例

三年更定科場試題鄉會考試自甲辰年爲始頭場策五篇二場用四書本經題作論各一篇三場表一篇判五道通考

四年禮部侍郎黃機疏言制科取士稽諸往例皆係三場先用經書使士子闡發聖賢之微旨以觀其心術次用策論使士子通達古今之事變以察其才猷今甲辰科止用策論減去一場似太簡易恐將來士子勤幾浮詞反開捷徑且不用經書爲文則人將置聖賢之學於不講恐非朝廷設科取士之深意臣請嗣後復行三場舊制庶士子知務實學而主考鑒別亦得真儒以應國家之選下部知之通考

七年定鄉會試仍以八股文取士會典事例

又定出題鑄字者正副主考官一次罰俸三月二次六月三次九月本經同考官一次罰俸六月二次九月三次一年自行檢舉者正副主考官罰俸三月同考官六月內鑄官鑄出題目字樣士子各習專經不應明監臨官傳進內鑄官改正照題紙鑄字膠錄以致中式者罰停會試二科會典事例

九年九卿議覆兵部侍郎鎮國將軍宗室德沛疏稱通鑑一書紀載累朝治蹟而千古人之大忠可以爲法大奸可以爲戒者悉具其中蓋綱目本乎春秋爲人臣者不明春秋則不知事君之道且綱目由唐宋至今釋之上古若不達方之近世實可稽爲其能承接春秋之旨也蓋欲識春秋之義必有綱目以達而綱目所載詳細而易明故士子尤必以綱目爲繩墨也我國家開科取士制定三場以試其學問經濟而士子獨於綱目一書多不留心觀看夫綱目且不明而春秋豈易解不解春秋而欲識勸懲之義安可得乎請於鄉會試第三場五策之內以三篇仍問時務以二篇於綱目中舉人臣之或忠或奸者一二條以問如舉曠稷契蕭管房杜之問則發明其忠良廉潔之實蹟以對如飛廉惡來盧杞丁謂之問則發明其奸佞貪污之實蹟以對彼士子既能分忠別奸知名節係乎千載或不致作邀人爵棄天爵之所爲庶幾策名報主知以忠相勸以奸相懲等語查制科取士試以三場立法最善遵行已久其第三場策問時務五道原欲其援古證今詳明條對以規時學至於綱目一書不但論定人品凡古人經濟事實備載其中原係士子當留心考究之書若但限以綱目所載賢奸之人發問則士子黜與史家評說易致雷同且與策問體制仍有未合請嗣後鄉會試三場策題仍照例以時務發問其中必令詳引綱目中事蹟人物凡歷代制度沿革創始何人更定何事卽事之得失以定人之

賢否務期論斷詳明折衷至當不許止空舉名目草率塞責等因奉 旨依議欽此科場條例

二十四年正月定鄉會試俱 欽命四書題從刑科給事中楊爾淑請也通典

二十六年覆准三場策題止宜簡明發問不得過三百字會典事例

二十九年議准鄉會試二場孝經論題甚少嗣後將性理太極圖說通書西銘正蒙一併命題會典事例

三十六年以各省鄉試命題悖謬 諭大學士王熙等曰鄉試為掄才大典出題理宜詳慎今覽各省所進題

名錄如福建三場策問臺灣事宜一道於地方情形事勢毫未通曉乃茫昧命題殊為悖謬其餘各省亦多未

當爾等詳加檢閱若有悖謬最甚察出參奏通典

四十一年議准五經取士務得通才須稍難其途然後行之可久查第二場舊例論一篇詔誥表各一通判五

條其詔誥表內止作表文一道二十年部議以詔誥二道直屬虛設應行刪去等語今既有願作五經之人其

第二場應仍復詔誥二題令其兼作闕書不錄其習一經者仍如現行例會典事例

五十二年敕諭中出題不得拘忌諱通志

五十四年勅科場毋出熟習擬題令同考官互相糾察併停止五經中式先是康熙五十二年以近科鄉會試

多擇取冠冕吉祥語出題每多宿構倖獲降 旨申飭茲復奉 諭旨科場出題關係緊要鄉會經書題目不

拘忌諱斷不可出熟習常擬之題朕常講易及修定天文律呂算法諸書爾等考試官斷不可以此諸書出題

表題亦不可出修書賜書等類不然則人皆可擬題倖進實學何由而得再房官亦屬緊要若房官有弊主考

亦無如之何今可將一房卷令不同省房官二人同閱如一人有情弊發覺後二人並坐則各知畏懼互相糾

察再五經中式甚屬無益十七八歲之幼穉皆能之不過手敏多寫字耳殊無實學著停止雍正元年覆准考官若仍出熟習疑題交與該部議處通考

雍正元年諭旨孝經一書與五經並重蓋孝為百行之首我 聖祖仁皇帝欽定孝經衍義以闡發至德要道誠化民成俗之本也鄉會試二場向以孝經為論題後改用太極圖說通書西銘正蒙夫宋儒之書雖足羽翼經傳豈若聖旨之廣大悉備今自雍正元年會試為始二場論題宜仍用孝經庶士子咸知誦習而民間亦敦本勵行即移孝作忠之道胥由乎此通考

十年諭令科陝西鄉試主考吳文煥李天寵策問秦省水利一條內稱秦中沃野千里水泉灌溉之利為多歷代名臣官陝土者類無不以浚渠築堰導流尋原為要務若兒寬之在漢葉清臣之在宋耿炳文項忠張瑄石永之在明其措施何地奏績何功能一一詳指否又稱京畿之間大建營田興修水利多士亦聞之熟矣秦省為桑梓之邦尤所深悉其明切陳之無隱等語朕思秦中素稱天府水泉隨在皆可疏蓄以資耕種其最著者西安等處則有鄭白龍洞諸渠寧夏則有漢唐大清等渠歷年久遠漸致淤塞堤堰大半傾圮水田僅存其名雍正五年朕敕令該督撫將鄭白龍洞諸渠動用國帑加意興修務期渠道深通堤堰堅固現今農田得其利益至於漢唐大清等渠朕特命大臣等專司其事經理數年來水泉充裕禾稼有收此秦中興修水利之大概也吳文煥等若以水利策問考試士子即當就該省所現行者令其敷陳條對或可備採擇之資或可為善後之計乃舍今而援古去近而求遠摭拾往事泛為鋪張并遠引京畿以為近日興修水利之一證而於本省工程關係利弊者無一言提及想以秦中疏濬諸渠為無裨於民生耶抑或該省工程為不足置論耶務虛文

而無實際乃為政為學之大患吳文煥等識見卑鄙如此不可不加懲儆著交部察議具奏嗣後各省鄉試題目俱著報部如有支離迂闊草率舛鄙之處該部即行指出題參雍正內閣 上諭

十一年禮部議覆福建學政楊炳條奏鄉會試論題專出孝經題目無多請與性理間出奉 諭朕前降旨令

鄉會二場論題專用孝經者誠以孝為百行之原孝經一書言簡而意深學者當時時覽誦悉心研究以為明

倫敷教之本至於性理一書乃稟集宋代諸儒論說不能有醜而無疵其精微義蘊則皆原本於論語學庸非

別有所發明也朕令天下學士大夫留心理學蓋欲其實體聖賢之德性非徒記誦宋儒之文辭今若以聖人

之孝經與宋儒之性理相並出題於義未協著仍照舊例行雍正內閣 上諭

十三年十月諭鄉會兩試考官每因避忌字樣必擇取經書中吉祥之語為題遂使士子易為揣摩倩人代作

臨場鈔寫以致薄植之少年得以倖取科名而績學之老生無由展抒底蘊嗣後凡考試命題不得過於拘泥俾士子殫思用意各出手眼以規實學會典事例

乾隆元年覆准春秋合題甚無當於經義嗣後概行停止 會典事例

又定科場取士試以三場立法最善第三場策問五道原欲其援古證今以規實學今鎮國將軍德沛請於五

策內以三篇問時務以二篇舉綱目內賢姦之人發問一二條誠恐士子勦襲史家評說易致雷同且與策問

體製亦復不合未見其果有益於經濟也嗣後鄉會試三場策題仍照舊制務取條對詳明不許士子空舉名

目草率塞責 會典事例

二十一年諭嗣後鄉試第一場止試以書文三篇第二場經文四篇第三場策五道其論表判概行刪省至會

試則既已名列發書且將搜其尤者備明廷制作之選淹長爾雅斯爲題材其第二場經文之外加試表文一道卽以明春會試爲始鄉試以乾隆己卯科爲始著爲例如此則士子闈中不得復諉之於目力不給而主考亦可從容悉心詳校無魚目混珠之混且鄉試第二場止經文四篇斯潦草完篇者當在所黜專經之士得以抒夙學而淺陋者亦知所奮勉去浮文而求實效斯足稱國家寶典可傳論該部遵行會典事例

二十二年議准御史袁芳松奏自乾隆己卯科鄉試爲始於第二場經文之外一體試以五言八韻唐律一首乾隆四十七年改詩於第一場其鄉試所出詩題限用官韻卽於場中將本韻另刻一紙給發均照會試之例一體辦理科場條例

二十三年議準鄉會試第一場四書文外仍加試性理論一篇通考

二十七年題准詩題應正其賦得某句旁註得某字五言八韻遺漏外錯者議處會典事例

四十年禁鄉試題不得割裂牽搭禮部議覆程景伊條奏禁止鄉試考官出題割裂小巧嗣後如有似此命題者將考官議處從之通考

四十二年敕鄉會試第一場主考官酌定書文三篇內承題起講起處應用虛字刊印一紙隨題分給舉子通場遵用違者貼出承題如夫字蓋字甚矣等字起講如今夫且夫嘗思等字 通志

四十七年諭本日大學士九卿科道等將從前任克溥條陳諸弊會議具奏摺內稱現在綱紀肅清前代批政俱已革除淨盡惟在大小臣工實力奉行自不致有因循廢弛之弊此語朕疑信半焉亦惟日慎一日所共無逸耳至副都御史巴彥學有請更定科場詩論以杜關節以端士習之奏所言實爲深切時弊不虛朕降旨之

意已依議行矣蓋詩題係朕所命且律句謹嚴難以揣摩又若頭場詩文既不中選則二三場雖經文策問間有可取亦不准復為呈薦倘考官仍蹈故轍監試官即可指名參處如此則防弊之一端已彥學此矣殊可嘉尚會典事例

四十七年七月定鄉會試二場排律詩移置頭場制藝後四以頭場性理論移置二場經文後以防闕節通典

五十年命鄉會試二場論題以孝經與性理二書按科輪出著為令東華續錄

五十二年奉 上諭本日召見彭元瑞據奏近日科場有傳卷聯號及彼此換卷磨錄對讀私改文字等弊鄉

會兩試關係掄才大典理應肅清弊竇遴拔真才經朕屢頒諭旨加意整飭近年已來雖風聞科場諸弊未能

肅絕而作奸犯科者尙未見有敗露之案但自明歲戊申以後鄉會兩試正科恩科連年疊舉若科場條例日

久玩生致不肖之徒執法舞弊賈緣鑽刺僥倖弋獲使白腹者濫竊科名而懷才者無由登進殊非朕旁求俊

乂鑑拔真才之意不可不嚴申例禁預絕弊源著大學士九卿將彭元瑞所奏各弊及此外尙有何項弊竇應

如何杜漸防微設法釐剔之處悉心妥議具奏務使功令森嚴弊端禁絕以副朕覈實取才之至意欽此大學

士九卿遵 旨議准鄉會試二場向用經文四篇論一篇伏思士子束髮受書原應五經全讀自應於鄉會試

二場酌改每經各出一題惟士子專習一經奉行已久明歲即屆鄉場為期甚近若即改用五經考試或致二

場不諳題解背謬經旨難於取中查宋臣朱熹有將各經分年試士之議應先請仿照其法自明歲戊申鄉試

為始鄉會五科之內以次考畢五經即選省小省經輪年考試之後亦俱能誦習五經曉悉義旨再於鄉會試

一場裁去論一篇五經各出一題此後即作為定例科場條例

又論內閣大學士九卿議奏科場條例嚴申功令預絕弊端各款所議俱屬詳悉周妥已依議行矣但鄉會試二場改用五經請自戊申鄉試爲始用易經出題以後按照鄉會科分將五經依次輪試一周再於鄉會二場五經並試一節雖極爲允當士子束髮受書原應五經全讀向來止就本經按類取中應試各生止知專治一經揣摩誦習而於他經並不旁通博涉非敦崇實學之道今改用五經既可令士子潛心經學又可以杜絕場內關節弊端而衡文取中復不至限於經類致佳卷被遺自應於分年輪試畢後卽以五經出題並試惟所請明歲戊申鄉試先用易經出題之處周易理蘊深奧猝難通曉並恐邊省未必人人誦習明歲鄉闈爲期較近若遽以易經命題考試其向非專經者或致不諳綽有難於取中因思士子以詩經爲本經者多所有明歲戊申鄉試著先以詩經出題次年會試著用書經俟下次鄉試再用易經以後按照鄉會科分輪用禮記春秋庶士子得以漸次兼通講求精熟不致臨時草率應試又首場四書文向來限用夫蓋今夫且夫等字此等字樣主試者應於臨期酌量顛倒限令遵行毋庸按年挑定卽三藝承題全用夫字或全用蓋字起講全用今夫或全用且夫俱無不可至設科取士原爲旁求俊又掄拔眞才以備國家任使應試諸生由科甲出身者大而內居卿貳外任督撫小而翰詹科道分任羣職卽州縣等官亦無不有身膺民社之責該生等積學應試爲登進初階自當束身圭璧以端其本乃不安義命之徒往往希圖僥倖舞弊作奸愈出愈巧以致人言籍籍不得不大爲之防嚴申例禁寬至典穿審宵小一律防閑覽大學士九卿所議各條朕深愧無德化之感士子也此後應試諸生務須明行修爭自濯磨以端實學而期仕進其膺衡文之任者亦應精白乃心秉公鑑拔以副朕作人雅化 聖訓

朕作人雅化

聖訓

又議准首場題紙選用詩韻數十字刻於詩題後其開寫添註涂改式樣及令各生於一場試卷磨真後默寫頭場某篇某處亦刻於每場頭紙之後與題目同時發給會典事例

五十七年禮部尙書紀昀等奏向來考試春秋用胡安國傳胡傳中有經無傳者多可以出題之處甚少胡安國嘗宋南渡時不附和議借經立說原與本義無當 聖祖仁皇帝欽定春秋傳說彙纂胡傳者甚多 皇上御製文亦多 駸其說科場試題不應仍復避用請嗣後春秋題俱以左傳本事爲文參用公羊穀梁節自下科鄉試爲始一體遵行得 旨此奏是東華續錄

嘉慶元年諭內閣本日覆勘試卷大臣進呈廣東四川等省鄉試各卷朕披閱各該省所出四書題五經題多涉頌聖詩題亦係習見語殊屬非是試官簡掄人才出題考試固不可競尙新奇然亦須擇其題句足以發揮義理敷陳經術者方可徵實學而獲真才若祇將頌聖語句命題試士何足以覘底蘊且四書五經內字句冠冕語近頌揚者皆可預擬而得並易啟揣摩宿構之弊於士習文風均有關係嗣後各省鄉試派出試官及各省學政所出題目務將四書五經內義旨精深及詩題典重者課士衡文用副朕敦尙經義崇實黜華至意

聖訓

又議准覆試但取比對文理字跡向例兩文一詩爲時太迫應改用一文一詩以昭簡易會典事例

道光十五年御史易鏡清奏三場試策請改用律例一道下禮部議尋議國家設科取士責以報稱者甚多不獨在理刑一端若於進身之始先責以名法之學無論勸說雷同無裨實用倘真心講貫者亦必荒其本業旁及專家以法律爲詩書更恐揣摩求合之士承迎風旨因緣爲奸士習之不端關防之不密多由於此不可不

不防其流弊該御史所奏應毋庸議從之東華續錄

光緒十三年總理衙門奏竊光緒十三年三月二十五日欽奉 慈禧端佑康頤昭豫莊誠皇太后懿旨御史

陳瑞堂奏請將明習算學人員量予科甲出身等因欽此欽遵集議仰見 聖慮周詳重科目而遺真材之

至意欽服莫名臣等公同詳閱該御史原奏大略謂洋務需才孔亟然求才於船政機器等局同文方言等

館及出洋學生率不免忱於先入為主之說以事事爲必效 洋不若範才於科目之內以算學取士由

此從事於泰西格致專門之學講求水師船政機器鐵路礦務洋律等事誠得忠信因實深明西學者用之

既不至若空冒洋務者之不切事情復不至如左祖泰西者之易滋流弊該御史盱衡時事長慮及茲所陳

不爲無見且等惟古今事變莫亟於今日因時世變而求人才因造人才而探西學審機度勢有不得不然

者第議者輒謂四國之強船堅礮利而已其爲學精於測算而已不知其所以張國勢者有出于政有出于

學語其政則舉國會聯商情因其俗簡其禮通工賈之業括稅礦之利以兵護商以商養兵以鐵路爲緯以

銀行爲經民教相維聯絡一氣蓋嘗就其國勢隨時變通而爲之制以大略小略之邦行大筭小筭之政其

法不可施之中國而第謂其恃船堅礮利以制勝殆不足以盡之也語其學則有所謂重學者以齊動力之

輕重疾徐而製器也有光學以求分光聚點之遠近大小而利視也有汽學以化水氣使積力而生動也有

電學以辨五令乾濕之相感觸而用之化濕以生動也有化學者其用尤宏以剖別物質升鍊金石草木之

類而成藥也此外尙有植物學動物學礦學醫學律學測地續圖之學大之有裨農田水利礮台營壘

之需小之亦關營造法式製器利用之務而皆要歸於製造而第謂其以精于測算見長齊不足以盡之也

然學之貴有次第由繙譯文字而求測算由測算而求格致化學由格致而求製造機器其不得不出於學堂練船以爲造就人才根本此事理之必然者也二十年來中外大臣關同文方言等館閩澳兩廠設製管駕學堂南北洋設武備水師電報水雷學堂及水師練船學堂以求其理練船以習其事二者相輔而行羣材亦稍稍出矣今捨實歷之學堂練船而強驅之使入於空文相應科目懸一日之短長以衡士毋乃慕虛名而不程實效乎然誠能設科目以待學算之士亦未始非鼓舞策勵之一端蓋製造各學未嘗不託始于三角八綫借根方代微積諸術萬變而不離其宗竊觀 聖祖 高宗御製數理精蘊歷象考成儀象考成日躔月離表諸書旁羅西洋之巧算融入天學之精微而天體赤道地平象限諸儀器亦同時並製行軍火器之利亦籌備采西法隨時講求康熙中用兵黑龍江命湯若望南懷仁造廠備征羅利此其證也仰闕列聖之心固已以製器測算爲學中要事 睿謨深遠開物成務度越前代萬萬而其時諸臣若李光地梅文鼎梅穀成湯厚遠龐琮何國宗之倫或推步中星節氣或測繪西域輿圖先後仰稟 睿裁研窮奧窔引申致用以待後來今誠以此項人員而入科目授之 聖訓合行者一會典載國子監額設算學肄業生滿蒙漢各若干人教以天文算法限年學成而後用之同治五年總理衙門奏准天文算學館並推廣招考人員以期由測算而通製造教之既不一其術取之亦宜廣其途考之今制合行者二唐取士之制有明算一科與明經進士明法等科並重稱之噫人子弟古列專官司天設臺代有秘笈不榮以登進之階則無以勸精微之業豈之古制合行者三聖業之輝煌自前明所用非所學所學非所用割裂經文剽襲程墨最足敗壞人材古者以三物六藝選士九數乃其一也況事變迭乘人心思奮非納之藝事之中何以鼓羣材之氣

道光中曾臣而培奏設五科內有製器通算一門近年沈葆楨亦奏請設算學科酌之時宜合行者四康熙
中習算學者人祕其書匿不傳授蓋由風氣開之自上以利祿之途爲招故也今天下風氣漸開嗜人日出
又幸西士每好炫其長絕無匿不傳人之事察之時尙合行者五算法古疏今密唐以前傳合鍾律專憑
推悟元以後修改差法漸講實測然三十年來習算學者專以步天而已至一國朝平定西域始用以測地
輿近日軍營又用以測礮準漸講漸密比年華士心思靈敏不讓西人且援以製機輪製船礮製電綫水雷
日出而方新而要以籌算筆算爲之嚆矢揆之學術合行者六臣等公同體察就該御史所奏酌中立法擬
請 飭下各省督撫學政諸臣訪求格物測算之士能通中西各學者准其咨送總理衙門試以九章四元
代數幾何諸題作爲算學生員一體准就順天鄉試頭二場照常試以四書五經義三場策問五道別以算
術發題仿官卷例另編字號立爲定額每十卷中准考官取中一名一體會試取中亦如之殿試朝考後量
授京官臨時奏明請 旨如此則優予正途進身之階卽隱寓規其器識之意趨嚮既端文理亦賾以之肄
習西學既不患其習氣太深挾先入之成見復可使之取長舍短通中西之指歸未始非鼓勵人材之一道
至學堂練船人才或學業既成或官職已顯不願投考者仍歸該管大臣核實計勞分年保獎與考試一途
兩不相妨所謂文武並用鞭策羣材乃教人用人之微權也此項人員得官以後應發往海疆省分廠局當
差及游歷外洋充出使參贊領事隨員之處由各督撫出使大臣隨時奏調俾得閱歷愈久造藝愈精如蒙
俞允其考試條例應歸禮部覈定所有臣等遵議明習算學人員准予科甲出身緣由謹合詞恭摺具陳
伏乞 皇太后聖鑒訓示施行謹奏 鄒鈔

二十四年奉 上諭我朝承宋明舊制以四書文取士康熙年間曾經停止八股改試策論未久旋復舊制一時文運昌明儒生稽古窮經類能推究本原發明義理制科所得實不乏通經致用之才乃近來風氣日漓文體日敝所試時藝大都隨題敷衍于經義罕有發明而詞賦空疏者每種濫筆充選若不因時通變何以見實學而拔真才著自下科為始鄉會試及生童歲科各試向用四書文者一律改試策論其如何分場命題考試一切詳細章程該部即妥議具奏此次特降諭旨實因時文積弊太深不得隨時改變以破拘墟之習至士人為學自當以四子六經為根柢策論與制義殊流同源仍不外通經史以達時務總期體用兼備人皆勉為通儒毋得競逞博涉徒蹈空言致負朝廷破格求才至意欽此鈔郵

二十七年江督劉坤一鄂督張之洞條奏科舉一事為自強求才之首務時局艱危至此斷不能不酌量變通半年來諮訪官紳人士衆論僉同兩廣督臣陶模山東撫臣袁世凱咨來奏稿言之甚為懇切改章大旨總以講求有用之學永遠不廢經書為宗旨擬即照光緒二十四年臣之洞所奏變通科舉奉 旨允准之案酌辦原奏乃係酌參古今求實崇正力駁侈談新學者之謬論不過原本舊章力求核實而已大略係三場先後互易分場發榜各自去取以期場場核實頭場取博學二場取通才三場歸純正以期由粗入精頭場試中國政治史事二場試各國政治地理武備農工算法之類三場試四書五經經義經義即論說考辨之類也頭場十倍中額二場三倍中額原奏經禮部通行陝西有案可查惟聲光化電等學場內不能試驗擬請刪去此係原本朱子救弊須兼他科目取人之意歐陽修隨場去留鄙惡乖誕以次先去之法而又略仿現行府縣鄉試童生學政會考優貢之章且可免寒士之候榜艱難考官之疲勞草率似乎有益無弊簡要

易行竊惟今日育才要指自宜多設學堂分門講求其學考取有據體用兼該方爲有裨世用惟數年之內各省學堂不能多設而人才不能一日不用卽使學堂大興而舊日生員年歲已長資性較鈍不能入學堂者亦必須爲之籌一出路是故漸改科舉之章程以待學堂之成就似此辦法策論乃諸生所能史學政治時務乃三場策題所有考生斷不致因改章而闕筆科場更可因改章而省費而去取漸精學業漸實所得人才固已較勝於前矣茲擬將科舉略改舊章令與學堂並行不悖以期兩無偏廢俟學堂人才漸多卽按科遞減科舉取士之額爲學堂取士之額其穎敏有志者必以漸次改業歸入學堂其學優而年長者文平而品端者儘可寬格收羅量材錄用或取作副榜多取數名或令充歲貢倍增其額或推廣大挑每科一次或挑作騰錄令其詳叙有資或舉人比照孝廉方正生員比照已滿更准其考職令其入官效用宜彙總核計以上各途推廣錄用之數足以抵每科減額之數則舊日專習時文者亦尙有進身之階十數年以後奮勉改業者日多株守沈淪者日少且仍可爲小學堂中學堂經書詞章之師其衰老者可從優賞給職銜總之但宜多設其途以恤中才之寒賤而必當使舉人進士作爲學堂出身以勵濟世之人才只可稍寬停罷場屋試士之期而不可使空疏無具者永占科目之名果使捐納一停則舉貢生員決不患其終無出路此則兼顧統籌潛移默化而不患其窒礙難行者也郵鈔

諭科舉爲掄材大典我朝沿用前明舊制以八股文取士名臣碩儒多出其中其好學者皆潛心經史文藻特其緒餘乃行之二百餘年流弊日深士子但視爲弋取科名之具勦襲庸濫於經史大義無所發明急宜講求實學挽回積習查近來各省通商智巧日出尤貴博通中外儲爲有用之材所有各項考試不得不因時變通

以期造就著自明年為始嗣後鄉會試頭場試中國政治史事論五篇二場試各國政治藝學策五道三場試
國書義二篇五經義一篇考官閱卷合校各場以定去取不得偏重一場生童歲科兩考仍先試經史一場專
試中國政治史事及各國政治藝學策論一場試四書義五經義各一篇考試差庶吉士散館均用論一篇
策一道進士朝考論疏殿試策問均以中國政治史事及各國政治藝學命題以上一切考試凡四書五經義
均不准用八股文程式策論均應切實敷陳不得仍前空行剽竊自此次降旨之後皆當爭自濯磨務以四書
五經為根本究心經濟力戒浮囂明體達用足備器使庶副朝廷求治作人之至意所有各試場詳細章程及
其餘各項考試未盡事宜著禮部會同政務處妥議具奏欽此 郵鈔

禮部遵 旨會奏光緒二十七年八月初五日內閣鈔出七月十六日奉 上諭科舉為掄才大典我朝沿
用前明舊制以八股文取士名臣碩儒多出其中其時學者皆潛心經史文藝特其緒餘乃行之二百餘年
流弊日深士子但視為弋取科名之具勦製庸濫於經史大義無所發明急宜講求實學挽回積習近來
各國通商智巧日闢尤貴博通中外儲為有用之材所有各項考試不得不因時變通以資造就著自明年
為始嗣後鄉會試頭場試中國政治史事論五篇二場試各國政治藝學策五道三場試四書義二篇五經
義一篇考官閱卷合校三場以定去取不得偏重一場生童歲科兩考仍先試經古一場專試中國政治史
事及各國政治藝學策論一場試四書義五經義各一篇考試差庶吉士散館均用論一篇策一道進士
朝考論疏殿試策問均以中國政治史事及各國政治藝學命題以上一切考試凡四書五經義均不准用
八股文程式策論均應切實敷陳不得仍前空行剽竊自此次降旨之後皆當爭自濯磨務以四書五經為

根柢究心經濟力戒浮囂明體達用凡備器使庶副朝廷求治作人之至意所有各試場詳細章程及其餘各項考試未盡事宜著禮部會同政務處妥議具奏欽此欽遵仰見 聖謨深遠洞澈源流於祛除積弊中甄拔真才於講求時務中昌明正學士林興起溥海同欽臣等伏考 本朝定章試士原有策論近因鄉會歲科各考偏重時文士學日非遂爲通人所訾諱至經義始於北宋體裁一如講義文筆亦尙雅馴溯查順治二年制科取士亦曾試以四書義經義厥後屢有變更今既一律考試論策義是準今仍以酌古天下學術所在創 國家治本所賅關繫實非淺鮮惟科舉節目頭緒紛繁考覈務極其周詳通變不離乎宗旨臣等博稽例案參酌時宜謹將各項考試事宜詳擬章程開列清單恭請 欽定伏候 命下分別咨行京外各衙門一體遵照其餘內外簾一應場規悉照科場條例辦理如尙有未盡事宜應行變通之處卽由各督撫學政隨時酌度咨由禮部另行覈議具奏

謹將變通科舉各項考試事宜詳擬章程恭呈 御覽

一第一場試中國政治史事論五篇中國歷代事蹟具詳正史其沿革大政則資治通鑑續資治通鑑中采摭略備 御批通鑑綱目 御批通鑑輯覽二書 聖斷折衷尤足昭示萬古此外如唐杜佑通典宋鄭樵通志馬端臨文獻通考 欽定續通典續通志續文獻通考等編士子平時用功均宜博覽周知以恢學識而資論斷考官命題則謹以 御批通鑑綱目 御批通鑑輯覽及歷代正史爲本上下古今已足賅括至 國朝掌故書目繁多講官學者尤宜切實討論藉以援古證今應聽考官酌舉命題不必定以專書

一第二場試各國政治藝學策五道查各國政治自以學校財賦商務兵制公法刑律天文地理爲大綱其藝學則格致算術製造聲光化電等類亦宜研究入微各求心得現奉新章以此命題試策士子講求時務肄習有素者自可各抒底蘊惟恐邊遠省分風氣尙未大開現譯各書亦未流傳悉徧擬請近科考試先以各國政治藝學中之切於實用者命題算學有應繪圖者准其於卷內繪圖迨數年後振興鼓舞造就有成再由典試學臣酌量文風高下由淺入深或酌分門類仿 國初分經試士之法以漸專精而收實效算學既歸入二場考試前定中額應回裁撤

一第三場試四書義二篇五經義一篇查向來順天鄉試及會試四書文題均請 欽命現改八股爲四書義移於後場仍合校三場以定去取擬請嗣後順天鄉試及會試第一場論題第二場策問題均由考官酌擬其第三場四書五經義題仍請 欽命庶於講求實學之中仍寓崇尚經術之意並請 飭下各省鄉試考官命題仍遵四書五經原文不得刪改增減割裂聖經

一論策義體例較之八股文律固應從寬惟考官衡文亦不得不限以程式頭場五論士子切題發揮必須上下古今指陳得失策則每舉一事亦必窮原委議論詳明總期各抒所見不蹈空言四書義經義尤宜樸實說理研究精義會通各家經說闡發無遺不得勦襲講章膚淺遷責其弊正文體之法尤不得塗澤浮豔作駢儷體鈎章棘句作怪澀體仍不准闖入雜家謬論二氏妄談異域方言報館瑣語一切離經畔道之言悉當嚴加屏黜考官選刻魁卷每場試藝均應擇尤刊刻以爲標準

一向例策題五道每道或十餘條或八九條題目字數過多故功令僅書第幾問士子對策亦論空疏寡

學者固屬依題敷衍卽實對者亦不過鈔襲坊本物說雷同今既講求實學擬此後策士命題每道約舉一二事字句無多卽可書寫全題俾士子切實敷陳自不至仍前空衍

一鄉會試向設騰錄現經政務處議准裁撤則對讀官亦應裁去主試房考等官閱卷務宜秉公衡鑒如有辨認字迹徇私濫中一鄉發覺應卽從嚴議處至試卷向有空白起草故事奉行湮成虛設今既講求實學五論五策三議士子各場竭一晝夜之力已苦不支擬一併裁去鄉會覆試卷應行起草者亦照此辦理其餘一切考試應行起草者悉仍其舊至鄉會試默寫頭二場起講所以防試卷舛錯今既改爲論策應默寫首藝前四行以憑核對外簾筆色應將騰錄硃筆對讀黃筆撤銷內簾筆色均仍其舊

一歲科兩考先試經古一場專試中國政治史事及各國政治藝學策論應由學政酌量命題生童應考與否仍聽其便童試正場試四書義五經義各一篇覆試試四書義一篇生員歲科試正場試四書義五經義各一篇覆試均試四書義一篇其應行恭默 聖諭廣訓悉仍其舊凡生員優等及文童取進者正場試卷文理同屬通順應先儘其經古場之入數者以勵實學

一各省考試拔貢優貢向例各分兩場今既變通考試拔貢頭場擬改試中國政治史事論二篇各國政治藝學策一道優貢頭場改試中國政治史事論一篇各國政治藝學策一道拔貢優貢第二場均改試四書義一篇五經義一篇拔貢優貢 朝考均改試四書義一篇中國政治史事論一篇其宗室鄉會試覆試及各直省鄉會覆試鄉試錄科並考試漢教習均照優拔貢 朝考一例改試至編譯會試頭場向計孝經論一篇四書文一篇今擬將四書文改試四書義孝經論改試中國政治史事論其餘編譯各項

其試暨考試滿教習向非八股時文悉仍其舊惟有論題著均改試中國政治史事以昭畫一

一向來 朝考 殿試散館考差以及考取優拔並中書教習磨錄等項類皆偏重小楷兼及詩賦今既改試策論詩賦已屬無用而小楷一道徒損志氣耗目力亦與實學無裨嗣後遇有各項考試但期字畫端整無庸刻意求工並准其添註塗改考官閱卷專取其文理優長不得復以小楷之優劣定去取除貢士 殿試 皇上臨軒策問體制宜崇擬仍用朱絲直格大卷其餘各場試卷有直格無橫格者均採用橫格有橫直皆無界格者均添用直格橫格以便書寫

一官辦試卷鄉會自有定制今既改試策論義並擬裁去磨錄草稿不用硃卷若仍照舊式則填寫年貌履歷及鈐蓋各項關防戳記卷面不敷卷內頁數多寡亦有不合現擬展寬卷式每頁紅格二十行每行二十五字頭二場均用十四頁三場八頁每場卷首均留空白三頁預備彌封每篇字數仍照舊例不滿三百字者不錄卷頁行數既已加增縱士子才長亦儘敷敷藝不得雙行擠寫其鄉會覆試卷仍照舊式每頁紅格十二行改用八頁至頭場題目應低二格照寫全題加論字文改爲低二格寫二場題目仍低二格照寫全題加策字文低二格寫三場照四書文經文例書寫原文文亦頂格寫所有添註塗改及一切違式應貼之處悉照例辦理

一試卷取中後向有磨勘原以正文體察弊竇功令所垂理宜核實乃行之既久漸涉煩苛或摘取字句之小疵或搜尋正草之脫落其他不勝枚舉士子拘牽避忌往往尋行數墨轉不能切 發揮文體日卑半由於此今既改試論策義但期學問之淹通何必吹求於毫末除有關弊竇及文理悖謬勦襲雷同直

犯廟諱 御名諸大端仍照例磨勘外其稍有不諳例禁無關緊要者概從寬免亦仰體 朝廷破格求賢之意也

一闕中備考書籍均係 欽頒間有調閱隨時坊間購置禮部尚存書庫卷帙紛繁兵燹之餘全行散失現又改試策論講求中國政治史事及各國政治藝學所需書籍尤多查同治年間江南浙江湖北廣東等省會將各種書籍設局刊版流傳已久所有場中備用各書擬由禮部開單咨取江南浙江湖北廣東各省官書局照單咨送至應用各國政治藝學諸書亦擬由兩江兩湖兩廣各督撫查照現已譯成之書有關鄉會試闕中備查者擇要開單一併咨送到部其學堂所有書籍亦許闕中隨時調閱

一變法之初原期盡善而奉行尤在得人士子之趨向端視考官為轉移衡文校藝之人果能明體達用深通中外各學則鑒衡不爽自得碩學而黜浮華擬請 嚴飭典試學臣及同考官等官嗣後閱卷務當悉心評定總以經術湛深史學淵博通達時務切於實用者為準儻仍有勦襲荒謬之文濫行入選一經磨勘簽出定當從重議處以為奉行不力者戒至外省臝官取於州縣大都學問荒疏者居多尤宜令各督撫慎加遴選必期衡校得人不可濫竽充數庶幾文風丕變而真才日出矣

右命題規制

皇朝政典類纂卷一百九十二

選舉二

文科試藝體裁 鄉會考官

順治二年定文有正體凡篇內字句務典雅純粹不許故摭一家言飾為宏博會典事例

又定初場文字每篇不得過五百五十字二三場表不得過千字論策不得過二千字至於士子作五經文字如果博雅不在篇數取多且恐有關節之嫌以後應行禁止會典事例

九年題准說書以宋儒傳註為宗行文以典實純正為尚今後督學將四書五經性理大全彙引存疑資治通鑑綱目大學衍義歷代名臣奏議文章正宗等書責成提調教官課令生儒誦習講解務俾淹貫三場通曉古今適於世用其有剽竊異端邪說矜奇立異者不得取錄科場條例

十六年議准場中作判務宜隨題剖斷引律明確不專以駢麗為工會典事例

康熙九年議准嗣後每年鄉會試卷禮部選其文字中程者刊刻成帙頒行天下應坊間私刻嚴行禁止等因奉 旨禁止濫刻選文應稿雖有定例作何嚴禁著再議具奏欽此遵 旨議定直隸各省濫刻選文應稿者禮部及科道督撫訪查如係現任官員罰俸三箇月未選官員於選官日罰俸三箇月舉人鄉會試一科生員降為青衣儒童行令該地方官責二十板如有冒名私刻坐罪假冒之人令該地方官責四十板會典事例

十六年議准鄉會應試諸生文字內概不許作大結科場條例

皇明政典類纂卷一百九十二 選舉二 文科

二十年題准向例第一場文字逾五百五十字者不騰但文字太短則詞意不盡若不定以字數又恐相沿冗長嗣後第一場文字每篇限六百五十字會典事例

三十三年議准會試墨卷照各省鄉墨例刊刻四書文三篇進呈 御覽類發直省學宮會典事例
雍正十年奉 上諭制科以四書文取士所以規士子實學且和其聲以應國家之盛也語云言爲心聲文章之道與政治通所關鉅矣韓愈論文云惟陳言之務去柳宗元云文者所以明道不徒務采色誇聲音而以爲能也況四書文號爲經義原以闡明聖賢之義蘊而體裁格律先具在典型可稽雖風尚日新華實並茂而理法辭氣指歸則一近科以來文風亦覺不變但士子逞其才氣詞華不免有冗長浮靡之習是以特 頒此旨曉諭考官所拔之文務令雅正清真理法兼備雖尺幅不拘一律而支蔓浮夸之言所當屏去秋闈期 近該部可行文傳諭知之雍正內閣 上諭

十一年諭國家以制科取士原以規士子所學而士子所學關乎世道人心是文體之所係因重也士子讀聖賢書果能講求明體達用之學則以平日蘊蓄發爲文章自然法正理純得聖賢語氣可以傳世而行遠作後學之津梁此則有本之學有用之文爲國家所重賴者若不於根柢講求而但以華靡相尚則氣膾連篇皆屬浮詞聖賢精義既全無發明聖賢語氣又毫不相肖國家亦安用此浮誇淺薄之士哉至於二三場策論尤足規經濟實學乃向來士子多不留心而衡文者又每以經義已經入彀遂將策論盡收摺取不復加意閱看殊非設科本意今會試伊邇著禮部先期曉諭應試士子於二三場文藝均應努力殫心毋得潦草完卷試官如以限於時日不能細心檢閱後場不妨奏請展限務得真材以收實用若所取試卷中有經義可觀而策論概

禮荒疎者朕惟於主考官是問 雍正內閣 上諭

十三年十月諭以載道與政治相通故二帝三王之盛在廷敷奏及宣諭衆庶之言皆爲謨爲詰炳著六經西漢治猶近古人心澆樸故見於文者原本經術指事類情質實曉暢猶有周人之遺降及魏晉以文滅質漸就浮靡六朝尤甚姿態益工意格益陋文運所關非淺鮮也朕思學者修辭立誠言期有物必理爲布帛菽粟之珠文爲布帛菽粟之文而後可以垂世行久若夫雕文逞辭以炫一時之耳目譬猶博土搗水塗飾丹鉛以爲器物外雖可觀不移時而剝落曷足貴耶國家累治重熙之日務學績文者正宜沐浴教化爭自濯磨近於大雅勿尚浮靡勿取姿媚斯於人心風俗有所裨益至於古人臨文原無避諱誠以言取足志一存避諱之心則必輟轉囁辭不達意嗣後一切章疏以及考試詩文務期各展心思獨抒杼軸從前避忌之習一概掃除會典事例

乾隆元年諭國家以經義取士將使士子沈潛於四子五經之書含英咀華發摠文采因以規學力之淺深與器識之淳薄而風會所趨卽有關於氣運誠以人心士習之端倪呈露者甚微而徵應者甚鉅也顧時文之風尙屢變不一苟非明示以準的使海內士子於從違去取之介瞭然知所別擇則夫比之期主司何以操繩尺以度羣才子豈能合矩矱以應搜羅乎有明制舉之業體備各種如玉唐歸胡金陳章黃諸大家卓然可傳本朝文運昌明英才輩出劉子壯熊伯龍以後作者接踵莫不根柢經史各據杼軸此皆足爲後學之津梁制藝之科律者自坊選之禁垂諸功令而大家名作不得通行士子無由觀斯文之炳蔚率多因陋就簡剽竊陳言襲取腐語間或以此倖獲功名又輾轉流布私相倣效馴至先正名家之風味邈乎難尋所弊非淺鮮也今

朕欲哀集有明及本朝諸大家時藝精選數百篇彙爲一集頒布天下以爲舉業指南學士方苞工於時文著
司選文之事務將入選之文逐一批抉其精微奧突之處俾學者了然心目間用以參服摹擬再會試鄉試墨
卷若必俟禮部刊發勢必曠日持久士子一時不能觀覽嗣後應飭坊間刻文之禁儻果有學問淹博手眼明
快者不拘鄉會墨卷房行試牘准其照前選刻但不得徇情濫觴及狂言橫議致釀惡俗朕實嘉惠士子望各
精勤厥業以底大成尙悉敷體朕意共相勗勉會典事例

又議准鄉會試三場策題仍照例以時務發問必令詳引綱目中事蹟凡歷代制度沿革創始何人更定
何人卽事之得失以定人之賢否務期論斷詳明折衷至當會典事例

八年諭旨國家設制科取士首重者在四書文蓋以六經精微盡於四子書設非讀書窮理而欲握管揮毫發
先聖之義蘊不亦相運運耶我 皇考有清眞雅正之訓朕題貢院詩云言孔孟言大是難乃古今之通論非
一人之臆說也近今士子以科名難以倖獲或故爲艱深語或矜爲俳儷詞爭長角勝風簫鎖院偶有得售彼
此倣效爲奪職爭標良技不知文風日下有關國家掄才大典非細故也古人論文以渾金璞玉不雕不琢爲
比未有穿鑿支離可以傳世行遠者至於詩賦不免組織渲染亦必有真氣貫乎其中乃爲佳作今四書文探
綴詞華以示淹博於孔孟立言相去萬里矣先正具在罔識遵循習俗難化聯此之故嗣後令各省學政時時
訓飭鄉會考官加意區擇凡有乖於先輩大家理法者卽擯棄不錄則詭進之習可息士風凜厲朕有厚望焉
該部通行曉諭中外知之通考

九年議准嗣後鄉會試及歲科試應遵 欽定四書文爲準如有錄取輕僻之作者聽磨勘官從實參奏科場

又議覆侍郎舒赫德奏科舉之制徒尚空言不適實用黑卷房行轉相抄襲經義各占一經擬題應試表判策問亦皆豫擬成文隨題敷衍請採本清源別求遴選真才之道等語查科舉之法自明至今皆出時藝窮其流弊亦不免有如舒赫德所奏者然謂時文經義表判策論皆空言剽襲無適於用此正不責實之過非立法之過也夫作文者必於聖賢義理融會貫通而又參之經史子集以發其光華範之規矩準繩以密其法律然後得稱佳文雖曰小技而文武經濟之才皆出其中未嘗不適實用也乃因積久弊生不思力挽末流之失而轉咎立法之非不亦過乎卽經義表判策論苟求其實亦豈易副今若著爲令甲經文與四書並重其餘必淹貫詞章而後可以爲表必通曉律令而後可以爲判必論斷有識而後可以爲論必通達古今而後可以爲策凡此皆內可見本原之學外可驗經濟之才何一不切於實用備必變今之法行古之制如鄉舉里選法非不賈但上以實求保無下以名應者乃無大更改而仍求之語言文字之間仍難論別真才則莫若懲循名之失求實實之效由今之道振作而補救之而司文衡課士者果能力除積習杜絕僥倖將見人文日盛而真才日出矣立法取士不過如是無事更張定制爲也會典事例

十年諭場屋制義屢以清真雅正爲訓前命方苞選錄四書文頒行皆取典重正大足爲時文程式士子咸當知所崇尚矣而浮淺之士競尙新奇卽如今科放榜前傳首題文有用九週腸之語其出自漢書屬一日而九週大率已莫能知不過剽襲纖巧謂合時尚豈所謂非法不道選言詞出者乎不惟文體卑靡將使心術恍惚所關於士習者甚大朕曩云言孔孟言大是難職是故也著將欽定四書文一節交禮部順天府存貯內鑲合

賦官知衡文正偽會典事例

十九年奉 諭旨場屋制義屢以清真雅正為訓前命方苞選錄四書文頒行皆取典重大足為時文程式士子咸當知所宗尚矣而浮淺之士競向新奇即如今科榜前傳首題文有用九迴腸之語者其出自漢書屬一日而九迴大率已莫能知不過剽襲纖巧謂合時尙豈所謂非法不道遺言而出者乎不惟文體卑靡將使心術桃薄所關于士習者甚大朕曩云言孔孟言大是難職是故也著將欽定四書文一部交禮部順天府存貯內籙令試官知衡文正偽再策問時務用規士子學識主試官不當以已見立說上年順天鄉試問黃河北行故道今春會試問黃河下流皆孫嘉淦陳世倌一己私見究亦空言無補若以此為去取將取士子窺探迎合附和之弊其漸尤不可長即如宋元以來辯析朱陸異同初因講學而其後遂成門戶標榜攻擊甚為世道人心之害嗣後有似此者必治其罪通考

二十三年議准向例五經取士經旨悉遵用先儒傳註今學宮頒行 御纂四經 欽定三禮博採諸儒之說折衷至當集古今之大成嗣後考校經文應遵奉 聖製及傳註為合旨其有私心自用與泥俗下講章一無稟承者概置不錄違者議處會典事例

二十四年諭文以明道自當以清真雅正為宗士子平日殫心經術探討古文及時文諸大家以立其體作文尤須體會先儒傳說以闡發聖賢精蘊獨出心裁屏除習語其文自然合度何必動輒千言因陳不察耶昔陸機云要辭達而理舉固無取乎冗長韓愈云惟陳言之務去二語實文章正鵠士子宜深味其言嗣後鄉會兩試及學臣取士每篇俱以七百字為率違者不錄其庸俗墨派悉行剔除又或過為新奇墮入牛鬼蛇神惡道

尤在所澄汰操觚者慎勿掉以輕心司衡者各宜示以正軌務期風會蒸蒸日上以副朕崇雅黜浮之至意會
典事例

四十三年敕鄉會試場及學臣取士每文一篇俱以七百字為率違者不錄通志

四十四年諭近時文風日壞習制義者祇圖速化而不循正軌無論經籍束之高閣卽先儒傳註亦不暇究心
惟取浮詞俗調博搜求售師以是教弟以是學舉子以是為揣摩試官卽以是為去取且今日之舉子卽他日
之試官積習相沿伊於胡底昔韓愈起衰八代尙思迴狂瀾於既倒況有移風易俗之責者豈可聽其流而不
察乎前曾降旨釐正文體務以清真雅正為宗著再明白曉諭嗣後作文者各宜體認先儒傳說闡發題義務
去陳言辭達理舉以求合乎古人立言之道試官閱卷亦當嚴為甄別講究正弊一切虛詞濫調概不錄庶
趨向益真而文教可期蒸蒸日上若再不能仰體朕意乃復掉以輕心必令將此等庸陋詞句悉行磨勘以示
懲警毋謂朕不戒視成也會典事例

四十五年定鄉會兩試及學臣取士每文一篇無逾七百字通典

十五年九月鄉試榜發 上諭大學士于敏中之孫于德裕中式舉人時文認題不真遺詞不當并是科元魁
卷均未能體會正解申嚴文體不正之禁通典

四十五年諭據磨勘試卷大臣奏江南省第一名顧問卷頭場四書文三篇純用排偶於文體有關且首藝末
經點題請將該考官及本生交部查議制藝代聖賢立言原以清真雅正為宗朕屢經訓諭不啻至再至三何
得又將駢體錄取且拔冠榜首所謂蓋正文風者安在況三藝俱用排偶場中易於辨識并不必再用字眼關

通更易滋別項情弊殊屬不合除將該舉子交部照例查議外所有江南省正考官錢載副考官戴均元著交部議處並將此通諭知之通考

五十一年議准策文原不限以字數但不滿三百字者爲幅簡率應比照規例罰停一科會典事例

五十五年奏准科場四書制義有於五經外徵引僻字者雖出古書概不取錄會典事例

嘉慶十九年吏科給事中辛從益奏近來士子希圖詭遇往往搗搗僻書字句以炫新奇不顧題義如去年鄉試各省取中之文隱居以求其志三句題文有乘麟以理駕龍而游及金策書聖銀策書賢玉策書功等語於國志注夏禹之時民千三百五十五萬三千九百有二十三周成之時民千三百七十一萬四千九百七十三等語雖出古書究于本題富教之義不切文體亦屬支離又如使天下之人齊明盛服三句題文云昔武王克殷使閔天進招華之桂于太廟使伯邑進陽朮之薑于羣廟使南宮适進九江之菌于祧廟撥之題義俱爲漫溢且此數語未見所出惟近人所刻典制文琳註釋中有之稱係出尙書大傳查尙書大傳並無此語至于編造詞句如山佩幾宮水佩幾羽詳深衣之度按公侯佩山元玉大夫佩水蒼玉見于玉藻皆非深衣所有且左傳角右宮羽凡佩玉皆然不分山佩水佩又如哲相滌山裳按哲相滌裳古無此事古者山纁于衣並不在裳若此之類不勝枚舉此臣所見關鑿刻行之文也又如易經垂衣裳而天下治題文用東都賦盛三雍之上儀一段查三雍宮立自漢朝黃帝堯舜時無之且原賦云盛三雍之上儀修衰龍之法服鋪鴻藻信景鏤揚世廟正雅樂而原卷抄用因坊本註釋服字下有音節二字遂誤認爲正文平寫作鋪書爲鋪鋪鴻藻信景鏤揚

將世廟正雅樂五字截去又如禮記非曰豐本題抄用多識於鳥獸草木之名四文俱經臣筆出此臣磨勘分卷所見之文也又近來士子爭效王廣心尤侗之文查王尤文體最爲浮靡其運用詞實往往橫字編聯於唐人鷓鴣斜戶之體體費人猜想究其義實爲膚淺是以 欽定本朝四書文概不收錄今乃復取而誦習摹倣之科名既振效尤滋多遂成風尚現屆會試之期天下人才萃于京師請 旨預飭真試分校各官嚴裁偽體務歸清真雅正其穿貫經史書符紛綸者固宜取中亦必文從字順于題義實有發明至一二三場體裁難無妨稍寬然徵引淵博總期于本題有關庶真才可得文體正而士習端矣 奏 奉 硃批 著照所請 欽此

嘉慶十九年諭內閣御史辛從益奏請益正文體嚴禁懷挾一摺所奏甚是國家設科取士朝義代聖賢立言必以清真雅正爲宗大經皆載道之文其中並無奇文僻字凡天地民物之理包括靡遺近日士子罔知潛心正學擅取詭異之詞摶摶釘鉅以艱深文其淺陋敝習相沿大乖文體況言爲心聲尤足覘人器識士子進身之初先由讀過及試以政事其於是非邪正之辨治亂得失之原皆懵然不解於心欲望其通達文體以聖賢之學坐言起行豈可得乎嗣後鄉會試考官校士衡文務各平心持鑒別裁僞體簡拔真材如有將支離怪誕之文目爲新奇妄行錄取者經磨勘官查參必將原考官嚴加懲處至策對以規博拾亦必貫通經史所對與所問相比附方稱通才乃剽竊彗彗爲懷挾以售其欺尤屬大干功令科場特擬親信王大臣搜檢原以禁絕弊端近日亦頗疏懈並著申諭遵照定例認真搜查毋得視為具文以正文風而端士習 諭 訓

同治元年諭內閣禮部奏遵議給事中吳焯條陳造就真才悉歸實學請於鄉會試責成考官覈取真才並出題不得割裂各等語我朝制藝取士人才輩出奉行既久不免有空疏剽竊之弊亟須崇尚實學力挽頹風著

照該部所議嗣後鄉會試畫成考官詳加校閱頭場四書文以清真雅正爲宗二場經文取其有關實義者若敷衍成文概棄弗錄三場策問以經史與時事分問使貫串古今通達治體者得以敷陳政事得失利弊以及籌餉用兵之道其言果有可採不必責以忌避亦不得纏以小疵庶於由舊之中仍寓青寶之意貢士射策原以覘其經濟學問乃近科以來專務繕寫相習成風嗣後著仍遵舊例不必拘以字數最長者以千字爲率其不及者以不及格論各貢士從容條對不必專事繕寫自可拔取真才士子趨向隨主試爲轉移近日各省考試題目多有割裂太甚應試生童遂各鉤心鬪角習爲穿鑿支離最爲風俗人心之害嗣後各省學政及府州縣學各官務當恪遵功令所出試題不得割裂小巧牽連無理及詩題引用僻書私集以正文體而培風化遠者照例議處 聖訓

同治十一年諭內閣御史吳鴻恩奏請釐正文體一摺考試爲揀才大典自應加意遴選以拔真才據該御史所奏近來科場或剿襲盾辭或鈔錄舊文於士習文風大有關係嗣後考官衡文務當認真校閱以清真雅正爲宗出題亦應明白正大不得割裂穿鑿致乖文體 聖訓

光緒二十三年禮部議奏光緒二十二年十二月十七日准軍機處交出給事中褚成博奏考試策問請准引用 本朝人名書名軍機大臣面奉 諭旨禮部議奏欽此欽遵到部查原片內稱科場條例第三場不得以 本朝臣子學問人品策問士子乃近來試官誤會例意竟將人名暨所著書史概禁引用以致士子動多避忌恆有引其言而匿其名者請 飭部申明例意嗣後各項考試策問凡 本朝人名書名悉聽引用惟不准違其臆見妄肆褒議等語臣等查鄉會第三場策問不准涉及 本朝臣子人品學問原以防黨同

攻訐之風惟溯我 國家右文制治代有名儒所著各書非無援古證今堪資博採者若概禁引用則士子臨場避忌轉不足對切敷陳臣等公同商酌應如該給事中所奏嗣後考試策問但求學識淹通卽 本朝臣子人名書名亦聽引用惟不准逞其臆見妄肆褒譏以符定制所有 臣遵議緣由是否有當謹恭摺具奏請 旨光緒二十三年正月十四日奉 旨依議欽此 卹鈔

山東道監察御史楊深秀奏竊自取士之法未善用非所學學非所用制藝帖括消磨人才因有建議欲變科舉廢四書文者臣竊維制藝之科行之已數百年沿襲至今適承其敝若不思變計固無以得人才若驟更成法亦復猝無善策竊嘗統籌利弊熟計重輕以爲非立法不善之爲害而實文體不正之爲害也故欲求真才必自釐訂文體始查經義之體肇自宋代因文見道意美法良宋人之文傳於今日者如王安石蘇洵蘇轍陸九淵陳傅良文天祥諸大家類皆發明經意自據偉論初無代古人語氣之謬說無一定格式之陋習故觀其說理可以知其行誼觀其發論可以知其經濟有本有文體最善矣明世沿習既久防弊日周於是創爲代聖立言之說謂不得用秦漢以後之書并禁述當世之事奪微言大義之統爲衣冠優孟之容而已說爲古言侮聖人而不顧於是史書不觀爭爲謬陋文體風俗之壞實自茲始中葉以後更盛行四股六股八股破承起講之格雖名爲說經之文實則本唐代詩賦專講排偶聲調如宋元詞曲但求按譜填砌而庸詞調言駢拇枝指又加甚焉以經意論則無所發明以文體論則毫無取義格式既定務使千篇一律稍有出入卽謂之不入格是以習舉業者陳陳相因塗塗遞附黃茅白葦一望皆同限以三百七百之字數拘以連上犯下之手法雖胸有萬卷學貫三才者亦必俯就格式不許以一字入文其未嘗學問者亦能揣

漢 謂敷衍講章弋獲巍科坐致高位是使天下之人相率於不學也今夫 國家設科舉之意有二以鼓勵天下之人使之向學以成其才也一以試學者之才不才擇而用之也今用此種所濫文體既使天下相率於不學而人才之消磨已十之八九矣苟有一二自拔流俗者其才華學識不能發見於場屋文字之中偶或發見則以不合格黜之然則使衡文者究何所憑藉以別擇其才不才哉故用今日之文體其弊亦有二能使天下無人才一也卽有人才而 皇上無從知之無從用之二也更有甚者如歲科童試縣考府考院考多出截上截下無情巧搭等惡割裂經文瀆侮聖言律以 祖制咎有應得而各省沿用毫不爲怪此種文體惟講手法不顧經意起承轉收擒釣渡挽其法視文網爲尤密其例視刑律爲尤嚴遂使天下百千萬億之生童日消磨精力於此等手法之中會織仄機械之外無所用其心恐有旁鶩而法因以疏也舍串珠類腋之外無所用其學恐有博涉而文體因以雜也夫天下之士子莫多於生童也盈廷之公卿皆起自生童也而其用心及其所學如此驅天下有用之才而入於無用之地一旦而欲舉以任天下之事當萬國之衝其可得乎今夫四書文之所以足貴者將使人讀書以明理窮經以尊聖也今截搭粘窟割裂破碎之題非以通經乃以侮聖故臣謂非立法不善之爲害而文體不正之爲害也請特下 明詔懲酌宋元明清制釐正四書文體凡各試官命題必須一章一節一句語氣完足者其制藝體裁一仿宋人經義明人大結之意先疏證傳記以釋經旨次博引子史以徵蘊蓄次發揮時事以覘學識不拘格式不限字數其有仍用八股所濫之格講章陳腐之言者損勿錄其有仍八股口氣扭於代理立言之謬說者以僭妄誣罔非聖無法論輕則停廢罰科重則或予擯黜如此則觀聽一新人務實學有經義取士之效而無其弊矣夫因文體

之極弊而並欲廢四書文者過激之說也因四書之足貴而並祖護今日之文體者不通之論也正文體乃以尋四書變流弊乃以符舊制其爲事至順其變至易其所關至大其收效至神伏乞斷自 聖衷卽降 諭旨布告天下咸使聞知似於維持正學培育真才必有大裨臣愚一得之見是否有當伏乞 皇上聖

鑒訓示謹 奏 卹鈔

右試藝總裁

順治二年定順天鄉試主考該府尹先期題請各省主考該巡按御史先期題請禮部將應差者先後疏名上請會典事例

又定題差鄉試主考官日期事例禮部將應差直省鄉試主考先後疏名上請雲南貴州四月初一日題四川廣東廣西福建五月十二日題浙江江西湖廣六月十三日題陝西江南六月二十三日題河南七月十三日題山東山西七月二十日題順天八月初四日題凡係開列具題內外簾之文武大小各官於八月初六日黎明各備朝服行李齊集 午門外聽候宣 旨凡點入闈之員一體謝 恩同入貢院如有一名不到禮部查參議處各省主考官題請後俟 命下剋期起行不許因便攜家不辭客不攜帶多人騷擾驛遞并滋奸弊所過州縣遞相防護不遊山水不接故人不交際一到提調官卽迎入公館止許監臨提調監試一拜考官不回答事完日方許相見以避嫌疑其未入貢院以前所寓公館仍用考官封條聽監察御史委官巡邏依時啟閉凡主考官 欽點後有實在患病許卽日具疏辭免如在京丁憂止用本衙門印信文書到部卽將擬補官員坐名題請其出京未達而有憂制者度其道里時日尚可差官更替者取所在官司印信公文火速差人赴部

投遞卽與題請更代俱免自奏以致耽延時日如行至中途聞有廢制等項題補無及者止行所在有司轉申

本省撫按代奏本官卽先回籍守制其現在一員或正或副卽前赴科場併力辦理通考

三年定選用會試考官例禮部議會試主考屆期禮部開列內院大學士學士六部尙書侍郎都察院堂官職名題請 簡用同考官二十員內用翰林院官十二員六科官四員吏部司官一員禮部司官一員兵部司官

一員戶刑工三部司官每試輪用一員各該衙門推舉資俸優深才望素著者送內院裁定入闈閱卷通考

五年題准各直省鄉試正副考官內院吏部禮部公同考選差往會典事例

八年定各直省試差例順天江南正副主考浙江江西福建湖廣正主考差翰林官八員浙江江西福建湖廣

副主考山東正主考差給事中五員山東副主考山西正副主考河南陝西正主考差光祿寺少卿一員吏禮

二部司官各二員河南陝西副主考四川廣東正副主考廣西雲南正主考差戶兵刑工四部司官各二員廣

西雲南副主考貴州正副主考差行人二員中書評事各一員如光祿寺乏人以戶兵刑工四部司官中書行

人充副主考後又定光祿員缺以太常太僕少卿充之皆臨期借取正陪以次題請 欽點通考

十四年諭直省典試官員各衙門堂官慎選舉行兼優者送部會典事例

十七年定各主考到省禁絕監臨提調官迎接拜望以遠嫌疑自出京以至入院務令扣定日期凡省中寓所

均用巡察封條封閉入簾行李聽監臨提調官公同驗明該地方官豫備官版書籍亦許正副主考攜帶以備

考正會典事例

康熙三年題准鄉試正副主考不必拘泥舊例指定某衙門官差往某省各衙門應差官員職名概行開列題

請 簡用會典事例

二十九年題准試差奉 命限五日內起程如故違不行許科道題參交與該部嚴加議處會典事例

三十九年定各省正副主考除應行開列外將侍郎學士京堂翰林科道部屬等官由甲舉出身者無論己未
典試通行開列通典

五十六年禮部奏請派順天鄉試正副考官及同考官將九卿舉出官員職名開列奉 諭旨棘闈弊端甚多
此番房考官即在所開正副考官內每房派二員其各省人著參雜派出每房所派二人不得派同省之人
考

雍正元年諭直省主考官爾等俱係 皇考選用之人朕諒爾等必能自好是以特簡為主考官爾等到彼處
務至公考試取其真實學問優長者爾等果能不徇私聲名好則不但無負朕之選用亦不負 皇考愛養之
恩矣回京之日朕自加陞擢如有徇私之處經朕訪聞定行從重治罪決不寬貸雍正內閣 上諭

又 諭吏部國家大典首重掄才必主司鑑空衡平內外簾官協心共事加意釐剔放榜後方得士心悅服京
師首善之地關係尤重朕於雍正元年特行開科并廣額數欲振興文教俾單寒績學之士人人自奮今順天
主考朱軾張廷玉公慎自矢細心搜閱盡拔佳文內外簾官亦能各自淬礪屏除弊端榜發之日輿論翕然朕
心甚為嘉悅其酌加議敘用示優獎兼使嗣後考官咸知激勸以副朕興賢育才之意雍正內閣 上諭
三年二月定應考試差之翰林及進士出身官員人等於 太和殿試以四書題文二篇 上親定甲乙以備
差遺通典

四年諭各省正副考官朕御極以來屢次開科取士凡屬考官皆擇其人品端方素行謹恪者爲之爾諸臣果慎守法度洗滌弊端各省榜發士林皆無異議但聞試官之內偶有學問不及而所取之文未盡滿人意者是以去年朕將在京科目出身官員應開列正副主考者通行考試分別等第記名以備簡用今鄉試屆期將記名人員聖籤命往便典試事夫文行原無二理豈有文藝優通而品行卑劣者況國家以文章取士爾等以文章發科今鷹鑑衡之任若文優而行劣使天下之人謂文章一道全無足憑即是爾等讀書通籍反爲名教之罪人國法尙可容乎料爾等必無此事但朕慎重科場大典不得不諄諄告誡爾等其共加勸勵勿負朕心肅正內閣 上諭

是年將 御試取定人員書名牙籤盛以金筒每屆按省分差之期設黃案於 午門外令書名人員會集命大學士同禮部堂官捧金筒置案上聖籤唱名宣讀 上諭畢大學士將所掣名籤恭請 欽定正副主考差往會典事例

七年諭旨考官專司衡文之任必須學問明通者始能鑒別不爽雍正三年曾將在京科目出身應充正副考官之員通行考試分別等次記名於雍正四年聖籤命往各省使典試事今已越三年從前考取人員其中陞遷外任及告假回籍者甚多卽有在京者其所學或以日久漸荒而前此之未曾入選者今用數年之功夫未必無所進益且陸續新到之員亦復不少著照雍正三年之例通行考試俟朕分別記名以備持衡之任有不願就試者亦聽其意通考

乾隆元年奉 諭旨今歲八月舉行恩科鄉試其正副考官必人品端方學問醇正者始足膺衡鑒之寄朕卽

位之初不能深知諸臣之底蘊著張廷玉鄂爾泰朱軾徐本邵基任蘭枝徐元夢福敏孫嘉淦楊名時於翰林科道部屬內各據所知多舉數員於五日內交送內閣彙奏候朕考試簡用庶得才品兼優之員以副論才之典通考

三年諭近聞奉差諸臣起程甚遲有至十餘日外者殊非遠嫌之意著禮部酌定日期著爲定例欽此遵旨議准各省主考起程日期雲南貴州四川廣東廣西福建湖南以十日爲限江南浙江江西湖北陝西以七日爲限河南山東山西以五日爲限儻有逾限逗遛者由部察實參奏會典事例

又諭每科主考差往各省彼地督撫有無餽送路費向無定例今朕酌量道途之遠近分別路費之多寡雲南八百兩貴州七百兩四川廣東廣西福建湖南六百兩江南浙江江西湖北陝西五百兩河南山東山西四百兩爾等可行知各督撫遵照此數不得以私意增減主考等亦不得於此數之外更有所受將此永著爲例會典事例

六年諭各省主考回京時例於該省存公銀內賞給路費朕念伊等出京時資斧艱難著戶部每人先給銀二百兩該省於應給路費內扣除會典事例

九年諭今年鄉試屆期著大學士尙書侍郎於翰詹科道部屬等官應差主考人員內擇其人品端方學問醇正堪膺衡鑒之寄者各舉所知交送內閣彙奏候朕簡用其非科甲出身及無真知灼見者不必強舉會典事例

又奏准今年鄉試主考特命大學士尙書保舉復加考試慎重文衡至矣惟現在保舉人員爲數無多考列

一二等者僅二十一員除建省先行典試外所餘更無幾人儻近省士子有父兄親友在京往來隨便探聽縱本員自愛而其家人親戚或乘此在外宣洩招搖亦未可知此項人員務宜肅靜候 旨慎擇交遊凡家人親戚俱嚴爲防範會典事例

十二年諭向來各省鄉試正副主考官有通行考試者亦有令大臣保舉者各科往往不同今歲大比之年著將應行開列人員通行考試其不願考試者聽仍於應行開列中著大學士九卿將學問優長精於衡鑒者各舉所知密封交內閣進呈如此考試與保舉並行內有保舉而考列優等者固可簡任衡文卽未經保舉而文藝入選者亦一併簡用其非科甲出身及無真知灼見者不必強舉會典事例

二十四年議准御史朱丕列條奏凡各衙門咨送人員有籍隸順天直隸者俱照舊例扣除但考試名單不在禮部是以前來俱未將籍貫開明隨本恭 進應如該御史所請嗣後禮部行文吏部將 御試人員註明籍貫開具清單咨送禮部隨同題本進呈恭候 簡用科場條例

又奏准本年係鄉試之期適有閏六月若照舊例題請各省正副考官未免期限太寬今酌擬將雲南貴州四川廣東廣西福建湖南浙江江西湖北陝西江南十二省典試官各展遲一月挨次題請考官遵依定限起程庶關防嚴密而於定例仍相符合至河南山東山西三省例在七月上旬題請毋庸酌改 謹案乾隆二十七年有閏五月亦照例奏明辦理 會典事例

三十三年令在京各衙門揀選開列試差人員 諭今年鄉試應考開列試差人員已降旨令該部帶領引見但此次既停其考試則應開人員爲數衆多其中間有年力就衰學殖荒落者若令概行開送恐不足副衡文

之任著該衙門於合例人員內卽速揀選送吏部帶領引見通考

三十五年議准順天鄉試考官應將協辦大學士尙書以下副都御史以上開列題請會典事例

四十四年奏准查舊例中書評事博士並國子監人員俱一併開列現在進士出身之中書等官例俱得考試
差所有國子監監丞助教等均係進士出身與中書等品級相同且每月以文字課士於校閱之事尙屬相宜
應准其一體考試至別項人員不得援以爲例會典事例

四十五年諭本日禮部開列考差各員請照雲貴正副考官一本軍內並未將各員有無事故及現點會試房
考之處詳悉註明若非朕細心覈對則會試分房之員復得典試外省邀恩未免過優嗣後著該部於請點各
省考官時將點過會試房考各員於名下開註明晰毋得再行牽混著將此次辦理不善之禮部堂官傳旨申
飭會典事例

四十六年奏准考差名單交吏部開具循環清冊送交軍機處轉交奏事處隨時覈對會典事例

五十四年奉 諭滿漢各項考試閱卷大臣吏禮二部自應按照衙門通行開列候朕酌點若預先知會各員
聽其自行咨送再爲開列其情愿列名者安知非意中實有關節之人希冀入場照應於考試實有關係嗣後
凡遇考試事宜除實係患病仍照例扣出外所有各衙門例應請派閱卷之各堂官俱著通行開列聽候點用
欽此科場條例

五十七年諭各省考官派出後在京耽延多日難免無交通囑託情弊嗣後俱著於五日內起程至禮部請派
考官向例按省分遠近以次進本行走日期本寬今考官起程既定限五日若仍循向例進本則爲期更寬該

考官等勢必在途逗遛以符到省入闈之期著該部嚴計各程站遠近較向來進本日期酌緩數日不必故泥舊例辦理以杜弊端欽此遵 旨酌改題請考官日期雲南貴州以四月下旬廣東廣西福建以五月下旬四川湖南以六月 上旬餘如例 謹案嘉慶五年四川廣東廣西湖南福建俱於五月上旬具題 會典事例

嘉慶五年遵 旨傳集滿漢二品以下進士出身之侍郎內閣學士三品京堂及未經考試試差之四五品京堂俱赴 尚書房考試不願赴考者聽 欽命論題詩題各一 會典事例

十二年軍機大臣面奉 諭旨向例禮部請簡鄉會試正副考官俱將上三科考官銜名夾單進呈嗣後順天鄉試除將上三科正副考官開單進呈外著將近三科會試正副考官一併開單進呈會試除將上三科正副考官開單進呈外著將近三科順天鄉試正副考官一併開單進呈欽此科場條例

十五年諭曹師曾奏鄉會試考官等聽候宣旨請添派御史稽查一摺每科鄉會試屆期所有正副考官及同考御史等官自應遵照定例在午門前恭候宣旨謝恩即行入場近日竟有不到午門前祇候在家得信徑赴貢院殊非敬事慎密之道著照所請嗣後添派滿漢御史各一員查收應行聽宣職名除內廷行走與是日在圓明園奏事及有執事各員先期行知都察院外如有無故不到者即將該員參奏扣除不准入場仍交部議處典事例會

又 諭內閣向來遇鄉會試大典循例豫行考試試差以備簡用每次考試外間多有稱考取名次漏洩妄生擬議者實為近時陋習本年考試前一日御史賀賢志具奏一摺請於官員點名畢後即將派出閱卷大臣予以關防殊屬無謂定例科場年分不准條奏場務况伊本係應考之員即使確有見聞自當早為陳奏何必於

考試之前一日始行奏及耶試思所派閱卷大臣曾大學士尙書侍郎等若必嚴密防諷伊等俱不足信是跡近猜疑豈君臣相示以誠之道且考試試差之卷並不易書各大臣等如平日有認識筆跡者又豈關防所能杜絕賢志違例條奏卽付之吏議處分亦不甚重著毋庸交部如伊不與考則已若現已報考即著扣除至展層考卷係由閱卷大臣將擬定甲乙另書空名之名單隨卷進呈候朕親拆封填註姓名及至點放時剛經朕簡簡有名次在後而出試差者亦有名次在前並房考官俱不用者原不約定所取之高下此次著閱卷大臣竟不必排定名次惟各於所閱之卷將取與不取分爲兩束自註銜名一體進呈候朕詳加披覽親定去取前後以杜浮議卽其所閱之卷是否公當亦無難一覽而知也

建讀

十八年奉 諭直省鄉試考官禮部向按道里遠近分次請簡官旨後考官限五日內起程其同日開卷者起程時仍須分起出京以便沿途驛站輪流付給夫馬此內第二次同日進本之廣東廣西福建湖南四川五省程站本遠近不齊派出考官十員於五日內分起行走亦覺擁擠促迫著禮部將廣東廣西福建三省定爲第一次進本湖南四川二省定爲第三次進本餘仍照舊例行欽此科場條制

二十三年二月諭向來新科一甲進士適屆大考輪磨之年以該員等尙在庶常館教習未經散館皆不就試及考試試差則以已經授職爲辭一體與考事屬兩歧該員等既不與大考之列則考差亦不應與試著自此大爲始凡一甲進士未散館者遇考試試差時亦無庸與考以歸責一東華續錄

二十四年諭內閣考試試差人員自此次爲始四書題文二篇內書減去一篇五經題文一篇仍用五言八韻排律詩一首著爲令

嘉訓

又諭昨降旨將鄉會試點派考官密本屆期派乾清門侍衛齋至午門前拆封官自著自本科會試爲始禮部於三月初四日將題本送閣初五日進呈初六日發下卽交捧本侍衛齋往至鄉試過朕燔香之年著該部豫行計算發報日期扣至八月初六日黎明到閣卽早亦必於初五日到閣初六日黎明齋至午門前照新定規制拆封宣讀考官等卽刻入闈不准在內閣先行拆封著爲令東華續錄

道光五年奉 旨由進士出身之滿漢侍郎內閣學士三品京堂及四五品京堂內未與考試差者俱著於五月初四日在宮內上書房考試其有不願赴考者聽仍向禮部聲明於開列考官本內扣除其已經考試現隸詹事之鍾昌著毋庸再行考試欽此科場條例

八年禮部奏准順天鄉試正副考官各部尙書兼管順天府尹向係開列編於道光二年議准順天鄉試漢監臨開列兼管順天府尹及府尹銜名 奏派查該府尹入場監臨所有印信係兼管府尹管理於開列考官自有窒礙現據吏部聲明尙書盧蔭溥管理府尹印信堂銜不克開送應請於具題考官本內扣除以重職守嗣後卽照此辦理又軍機大臣面奉 諭旨本年順天鄉試題本著於初四日具題欽此科場條例

十二年諭內閣三載賓興爲掄才大典各直省主試經朕特加簡任宜何如滌慮洗心認真校閱務求爲國得人順天同考官及會試同考官俱係翰詹科道部屬該員等甲第本高又經朕親加校試尙無荒謬之人充選所以得人較盛各直省同考官則年老舉人居多勢不能振作精神悉心閱卷卽有近科進士亦不免經手簿書錢穀文理日就荒蕪各省督撫雖照例考試籛官仍恐視爲具文全恃主試揆閱落卷庶可嚴去取而拔真才子擢甄懷錯三年大比一經屈抑又須三年考試或竟有終身淪棄者豈不可惜該主試俱係科甲出身

試回思未第之先苦，讀與多士何異？若祇就薦卷照常挑選，而於落卷漠不關情，設身處地於心，何忍嗣後各直省督撫務將籙官認真考校，不得以年老荒謬之員濫行充數，其典試各員必須將闈中試卷全行閱，不得僅就薦卷取中方爲不負委任。現屆簡放雲南貴州考官之時，剴切詳明，特申誥諭，各省正副考官率從事一經朕別有訪聞，即將該主試嚴懲不貸，將此通諭知之。
聖訓

十三年奉 諭御史宗廣奏點派考官拆封禁止窺探，據越一摺。順天鄉試禮部會試點派考官，密本向係大學士於午門前拆封，眼同稽察御史宣旨唱名，凡不入闈者俱應迴避。如該御史所奏近年以來，每屆拆封之期，竟有未經考差及無執事閑人混入其中，紛紛擁擠，殊非慎重關防之道。嗣後考官拆封之日，著禮部於午門中間恭設黃案，爲拆封及接收覈對之用，並責成稽察御史認真查察，倘仍有窺探據越等弊，卽行據實參奏。欽此。

同治元年諭內閣考試爲掄才大典，閱卷大臣均出自特簡，理宜悉心校閱，慎重去取，方足以昭平允。況殿廷考試人數無多，派出之閱卷大臣每人所閱多者不過一二十卷，盡日之長，何難詳細校閱？本月十五日考試試差人員經大學士賈楨等分別去取，呈覽復命議政王軍機大臣詳加覆閱，乃張之萬擬取之霍穆歡詩內藥字誤寫作藥，沈秉成詩句聲喚一輪孤，全句費解，既經簽出，仍復擬取，尤非因尋常小有疵累，簽出者可比。吳存義擬取之張丙炎詩句內款字誤寫作款，王發桂擬取之馬元瑞全詩低三格寫，寶屬違式，其餘擬取卷內添註改補以及筆畫小有錯誤未經簽出者甚多，因其無關弊竇，免其撤去。外試思考差各員係檢閱典試衡文之選，若令詩句失黏文理費解之員濫膺是選，豈能識拔真才？該閱卷大臣等如謂有心舞弊，尙可料其

不敢但卽以此一事而論其不以公事爲重任意草率亦可類推其當兩宮 皇太后親裁庶政該大臣等事
事任勞任怨尙恐不足報答 皇考文宗顯皇帝簡用之恩豈可揮以輕心稍存玩忽此次姑養深究嗣後各
部院大臣辦理一切公務須振刷精神實事求是方爲不負委任倘再有此等情事則是有心欺罔必當從嚴
懲處決不寬貸以肅紀綱而昭鄭重將此通諭知之 東華續錄

又 諭內閣給事中鍾佩賢奏併科鄉試省分請添派考官等語據稱近來各省鄉試每因軍務停止迫軍務
定兩科歸併舉行中額已加一倍更有捐輸廣額不在其內是考官取中之卷幾增倍半而考官猶循舊例
仍用正副各一人深恐校閱稍有未周棄取必多未協嗣後凡有兩科並舉者請飭部於本內聲明照順天鄉
試之例添派副考官一員同司衡校等語順天鄉試舊萃各省士子人數既衆校閱亦繁是以向例多派一二
員以崇體制至各省人數有定比年以來因軍務停止間有歸併舉行者中額雖多一倍人數並不加增各省
主考經朝廷特簡自應悉心衡鑒以期拔取真才何至有校閱未周棄取未協之處該給事中所請照順天鄉
試添派考官之處徒更成法無裨掄才所奏著毋庸議 聖訓

右鄉會考官

皇朝政典類纂卷一百九十三

選舉三

文科鄉會同考官 錄送稿紙

順治二年定順天及各省房考分校事宜禮部議定制科取士全繫司衡今後鄉試主考除翰林六科照例皆以次差遣臨期借取正陪題請 欽點外其餘各衙門咨送務遴才品不得但取資次亦不得浮濫聲華順天鄉闈用中行評博及候選進士如不足取在外推知到京卽送察院衙門關防扁鑰屆期會宴入簾分校各直省房考取本省科甲屬官不足聘鄰省科甲推知及鄉科教官掛議選謫者不與其房數悉以各直省科舉之數爲準每房分閱三百卷或二百五十卷計數分房計房取官必擇治行最年力強學識俱到者用之至於春秋禮記經孤恐易揣摩臨時聽監臨官互換房分易書詩三大經入簾次日亦聽監臨官將房考各官單密送主考官臨分卷時照單定房以杜關節之弊凡簾內官專主校閱簾外官專主糾察有越俎侵事者劾之通考

三年奉 旨首新人文宜廣用房考二十員後不爲例是年議准會試同考官用二十員內翰林院十二員六科四員吏部禮部兵部司官各一員戶刑工三部每科輪用一員各該衙門推舉資俸優深才望素著者送內院裁定入闈閱卷會典事例

五年定各省同考官該巡按提學公同考選派用會典事例

八年題准順天府考聽禮部會同吏部選用江南房考聽提學會同巡按及布按二司選用務取潔守實學每

十員用二十員公同題定會典事例

十一年題准內閣中書舊例准鄉會試而內閣中書亦充鄉試分房嗣後有內閣中書應鄉試不得開送內閣中書分房會典事例

十五年定會試同考官十八人內易經詩經各五房書經四房春秋禮記各二房其應開同考官除曾經典試及會試分房不開外其現在各官臨期移部題請 簡命會典事例

十七年定順天同考官除郎中不差外吏部取各部員外郎主事中書評事博士國子監科甲出身官及近京廉慎素著科甲推官知縣開列題請 欽定各省同考官督撫將本省及鄰省才望素著推知或科甲教職等官倍數密取到省卽日公關入閣以上皆先取進士出身者不足乃兼取舉人出身之人會典事例

康熙二十六年題准順天同考官嗣後六部員外郎主事等官及守部進士俱停開列止用直隸科甲出身知縣由順天府咨呈吏部行文直隸巡撫共起送三十員限八月初一日來京不許私寓外城屆期題請

欽點會典事例

三十六年禮部以順天鄉試同考官開列知縣等具奏奉 諭考例用十六員此疏內進士知縣止有十人若應試之人預擬此十人必爲試官有所鑽營則生弊更易著將員外主事以下小京官及知縣守部進士一併開列著爲令通考

四十一年江南巡撫宋學疏言江南文闈同考官舊例用十二員今酌增四員以重衡文之典從之通考

五十二年議准直隸江南浙江鄉試人數倍於他省應照會試例各用房考十八人會典事例

五十四年諭會試每一房之卷令不同省房官二員同閱如一人有情弊發覺二人並坐俾各知畏懼互相覺察謹案會試房考例用十八人獨是科用三十六員順天鄉試同 會典事例

雍正元年諭國家抡才大典首重試官主考憑房官閱薦之文定其去取則一榜衡鑒之當否係於分校諸臣之賢不肖亦匪輕矣近科以來 皇考慎重闈門籲俊之典於順天鄉試及會試房考官慮其人邪正不一特命每房各用二人使之互相覺察彼此鈐制用意良爲周密但法久弊生一房兩考官設有一狡黠者參雜其中卽爲賢者之累況兩人或皆不肖則朋比作姦其害不更甚乎嗣後仍舊照舊定科場條例各房止用一人校閱其責既專功非亦難推諉朕續承大統思欲善繼 皇考旁求俊乂之志務俾鎖闈清肅盡得真才故特酌復舊章防杜滋弊 會典事例

又奉 諭旨各省鄉試房考凡州縣官由科甲出身者止許入闈一次夫考官以秉公精鑒拔人才爲主何論曾否入闈嗣後凡遇鄉科各省督撫臨場調齊科甲出身之員不論已未分房監臨試以時藝一篇其文理優長者爲內簾房考荒疏者供外場執事則分校得人而佳文盡拔矣 通考

四年定江西鄉試內簾書經房考舊止用二員經撫臣裴緯度奏卷多房少請酌添書經房同考官一員從之 通考

五年諭外省鄉試房考舊例皆用現任知縣入闈朕思知縣身爲民牧所司地方政務甚爲殷繁每當鄉試屆期赴省入闈動經數月諸事必至耽延遲誤且一縣之中豈可無正印官在署管轄况知縣到任以後日理簿書錢穀之事於文藝未免荒疎倘令辦事之時猶必溫習舉業以爲房考持衡之地其勢難以兼顧又本省本

縣應試舉子皆卽縣令所管轄之子民於形迹亦涉嫌疑朕意欲將外省房考之例斟酌更定或於鄰近省分舉人進士之員在家候選者臨期調取數十人以爲房考之用交與監臨之督撫秉公掣籤令其入闈分校如此則房考非現任之官既可於政事不致遲誤而伊等候選在家仍可不時溫習舉業以備衡文之任似爲有益但必須籌畫周詳始可以杜弊端而收科場之實效著九卿悉心詳議具奏雍正內閣 上諭

遵 旨議定鄉試同考官除順天照例開列各官外其外省鄉試飭令所屬地方官各將在籍候選之進士舉人全方書下併言詞習立品不干外事文行素優者備造履歷經書清冊加結送府該府出具保結申送督撫衙門親加驗看以備鄰省調取大省十八房者取用三十名中省十四房者取用二十五名小省十二房十一房者取用二十名十房者取用十八名鄰省督撫咨文到日遣官伴送俱限八月初一日會集調取之省城照例關防不許私相交接主考官進闈之日監臨督撫將調取之進士舉人當堂公同掣籤掣得內籙者卽令入闈分校其餘俱令回籍至外籙收掌受卷彌封謄錄對讀五所官仍於本省府州縣佐貳等官內選擇委用其調取之舉人進士往來路費每人給銀三十兩應在本省公費銀兩內動支至兩省接壤之地居址相連不無親朋往來素相交好者令一體入闈亦屬未便應令該督撫酌量道里遠近互相調往其附近三百里內者不得混行咨送如咨送人員內有暗通關節舞弊者令該督撫監臨題參照律治罪其餘處分悉照科場條例至本省知縣入闈之例概行停止其各省考官調取員數江南十八房調取三十人浙江十人山東十人江西十人浙江十八房調取三十人江南十人江西十人福建十人江西十四房調取二十五人 江南九人湖北八人福建八人山東十四房調取二十五人直隸九人江南八人河南八人山西十二房調取二十人 直隸八人陝西六

六河南六人河南十二房調取二十人直隸八人山西六人山東六人陝西十二房調取二十人山西七人河南七人湖北六人福建十二房調取二十人浙江七人江西七人廣東六人湖北十一房調取二十人江南七人江西七人廣東六人湖南十一房調取二十人江西七人廣西七人貴州六人廣東十一房調取二十人福建七人江西七人廣西六人廣西十房調取十八人廣東六人湖南六人貴州六人四川十房調取十八人湖南六人陝西六人貴州六人雲南十房調取十八人貴州六人四川六人廣西六人貴州十房調取十八人雲南六人湖南六人廣西六人 會典事例

乾隆元年覆准本省屬員內缺少經書一二於鄰省教職內聘取會典事例

三年議准江寧安徽既經增額分中應將詩易二經添設同考官各二員其直省同考分經各房附列於後順天同考官十八房易經五房書經四房詩經五房春秋禮記各二房江南同考官二十二房易經七房書經四房詩經七房春秋二房禮記二房浙江同考官十八房易經五房書經四房詩經五房春秋二房禮記二房江西同考官十四房易經四房書經三房詩經五房春秋一房禮記一房山東同考官十四房易經三房書經三房詩經六房春秋一房禮記一房山西同考官十二房易經三房書經三房詩經四房春秋一房禮記一房河南同考官十四房易經四房書經二房詩經六房春秋一房禮記一房陝西同考官十二房易經二房書經二房詩經六房春秋一房禮記一房福建同考官十二房易經四房書經二房詩經四房春秋一房禮記一房湖北同考官十一房易經三房書經二房詩經四房春秋一房禮記一房湖南同考官十一房易經二房書經二房詩經四房春秋一房禮記一房廣東同考官十三房易經三房書經二房詩經六房春秋一房禮記一房廣

西同考官十房易經三房書經二房詩經三房春秋一房禮記一房四庫同考官十房易經三房書經二房詩經三房春秋一房禮記一房雲南同考官十房易經三房書經二房詩經三房春秋一房禮記一房貴州同考官十房易經三房書經二房詩經三房春秋一房禮記一房會典事例

十二年議准晉省中額按照正副榜共應錄取科舉三千九百餘名試卷較少應將內簾易書詩三經各減一房外簾受卷謄錄對讀三所各減一員會典事例

又議准湖南同考官十一員外簾官十六員今既應試人少應裁同考官二員外簾官三員會典事例

十三年諭外省房考各官例於本省科目出身之現任同知通判州縣調取委用向因入闈閱卷非隔省遠出可比所有印務例不委員署理一應案件俱准展限但計奉調之初以及揭曉之後爲期不啻一月有餘公務既不無曠誤且本省州縣等不皆科目出身之員每值鄉試皆可先期揣摩而州縣等以本任無署理之員雖經奉調其於未入簾以前甫撤棘以後一切稿案尙須攜帶辦理中間幕友吏胥家人子弟往來出入或不免與士子結納賁緣招搖生事著於本年爲始各省房考於奉文調取之日卽委員署理案件不必展限庶該房得以嚴密關防專心分校而士子等不得妄希倖獲照應關通以慎司衡以重官守著爲令會典事例

又議准陝省科舉今定四千二十名較前試卷既少請將內簾詩經六房裁二員會典事例

十五年議准滇省文闈鄉試自甲子科以後共錄科舉二千九百名人數較少內簾易經房考三員減一員詩經房考三員減一員會典事例

又諭順天鄉試房考定例分經校閱遵行已久近有委員稱欲驗內簾等查關節等語請將房考只分房數

不分某經房者查舊例房考校閱試卷原不分經後因內籙收掌官有先將紅號關通臨期分遞某房考校閱之弊因掣籤分經以限制之是分經原以除弊不必再爲更改惟是一經之中用房考數員內有籍係同省者平居素爲習熟入籙時彼此相通易於照應朕意不若於定例之中稍示變通之法嗣後房考入闈仍著照舊掣籤分經其一經之內房考有籍係同省者令主考官臨時酌量對調閱看他經亦或釐剔弊端之一道著爲令會典事例

十八年議准直省同考官查順天江南房考官各十八員無庸議減陝西房考官十二員已於乾隆九年減定科舉後奏請減去二房定爲十房雲南房考官十員已於減定科舉後奏請減去二房定爲八房毋庸再行議減至江西房考官十四員山西房考官九員廣西房考官十員四川房考官十員湖南房考官九員以上五省既據覆稱實無閒曠亦請毋庸裁減其山東房考官十四員今酌減二員定爲十二員河南房考官十四員今酌減二員定爲十二員貴州房考官十員今酌減二員定爲八員湖北房考官十一員今酌減一員定爲十員浙江房考官十八員今酌減二員定爲十六員福建房考官十二員今酌減一員定爲十一員廣東房考官十三員今酌減三員定爲十員會典事例

二十五年議准福建鄉試仍用房官十二人會典事例

二十六年諭會試取士由舉人而拔爲進士衡鑑之司較鄉闈倍宜慎重適閱該部請派同考一本所列率多鄉試主考時列在三等未用及向不知名聊且充數之員雖例載黜過試差及曾充房考者俱不開列似屬公道而不知其實爲典校者一大弊端也蓋鄉試簡差皆迴避本省其在籍子弟親屬仍可入場邀中若禮闈房

官例定子弟均應迴避其託故扣除者想已未少而又公然以爲格於例不復開列獨留劣等數人俾以掄才
安望春闈之得佳士哉嗣後凡遇會試著將考差等第全單隨本進呈以備檢派庶於重文衡杜規避兩有神
益會典事例

三十年議准江西鄉試自下科爲始易經裁去一房添入詩經會典事例

三十五年議准順天鄉試題請同考官本內將翰林讀講學士以下部屬評博以上 欽取文字入選者悉行
次單開列分南五省人員爲一單滿洲漢軍及北五省邊省人員爲一單一併進呈恭請於兩單內 簡派
乾隆四十七年奏准考差名單毋庸發出禮部通行開列 會典事例

五十年議准江南內外籓官不得調取本省籍貫人員陝甘亦照此辦理 會典事例

五十一年奏准順天鄉試南北中區字號實監數千人皆屬在京肄業國子監官員平日職司訓課誼應親近
隨時由監錄科送試若復預科場校閱現在雖無弊竇然防閑不可不嚴嗣後開列順天鄉試同考官本內將
國子監官員扣除於科場益昭慎重 會典事例

五十七年議准廣西省額設房考十人應裁去二人止留八人自下科始 會典事例

五十八年奏准會試巡撫官或提調官復奉 旨派出同考官者除令該員照例入場外其巡撫事務行文都
察院改派一員前往接辦提調事務禮部改派一員奏請接辦 會典事例

右鄉會同考官

順治二年定錄送鄉試科舉額數照各直省每額中舉人一名止許取應試生儒三十名提學考試精通三場

者方准應試不得將初學之士冒濫錄送亦不許仕宦子弟於父兄原任衙門移文起送凡在籍恩歲貢生監生願就本省鄉試者俱許與生員一體考送又在監肄業貢監生俱聽本監官考選科舉若直隸貢監生內有仍赴學政及吏部考送京府應試者通編血字號亦不許混入生員至直省現任教職年力精強文學優長者准提學者送應試臨場均不准改名改經其假滿病痊事給未經補考者不得錄場考

又定生員因訟事奉告在官候審不係緊要對證許科場畢後問理會典事例

康熙二年諭滿洲蒙古漢軍生員俱准鄉試中式者送吏部錄用不中者革去生員會典事例

八年題准八旗復行鄉試滿洲蒙古編滿字號漢軍編合字號會典事例

二十八年題准滿洲蒙古漢軍應鄉試之監生生員均由兵部驗射馬步箭能射者准其移送順天府入場鄉試會典事例

二十九年題准江南浙江每中舉人一名額定錄科六十名應試會典事例

又題准奉天府滿洲蒙古漢軍應鄉試之監生生員合奉天將軍副都統等驗射馬步箭能射者交與該府悉

分別考取移送順天鄉試會典事例

三十年題准江南浙江錄科額數每中舉人一名於舊額六十名之外加四十名會典事例

四十一年議准鄉試之年遇新任學政於本年到任者准將歲考一二等生員冊送科舉以應本年鄉試仍於鄉試後補行科考議案此後各省學政因鄉試期近科考未得題請以重作科考者均照此例 會典事例

四十四年諭凡南巡考取貢生監生帶來纂書者著翰林院移文咨關天府府尹一體鄉試內有生員亦准一

體鄉試會典事例

五十一年議准來歲二月恭逢 恩科鄉試其已經歲考者准其以歲作科起送入闈其未經歲考者准將前

學臣科考定案名次錄送鄉試通行各省一體遵照會典事例

五十三年覆准各省監生願赴京應試者於鄉試前一年起本省印文到部劄監違者照例議處會典事例

又覆准凡太醫院及各館有應舉之生監於各該管處具奏移送到日准其考試會典事例

又 論文武雖分兩途但文內亦有練習武略者武內亦有學問優長者嗣後不拘成例凡文生員舉人願入

武場武生武舉願入文場俱准照鄉會試例起送中式者造入新冊不中者仍入文武原冊不准再考會典事

例

雍正元年覆准候補天文生及補用天文生之監生生員由該監造具年貌三代履歷籍貫經書清冊送順天

府入冊字鄉試會典事例

六年題准外省貢監赴京闈者親齋地方官印文及地鄰甘結限鄉試年二月內到監其福建廣東廣西雲南

貴州四川湖南諸省路途遙遠准其展限兩月到監該監驗明印甘各結留監肄業仍於錄科時取具同考各

生互結准其收考移送順天鄉試印甘各結雖經到監而規避考課並無互結者概不准收考會典事例

七年諭各省拔貢聞已陸續來京既不能應本省鄉試則當准其應試北闈俾得觀光盛典凡拔貢之有貢單

者皆著該部咨送順天府令其應試再修書各館內從前有外省生員在館効力者若情願入場考試著取同

鄉京官印結保送順天府亦准入場會典事例

又諭凡由舉人考試補用筆帖式者皆准其與舉人一同會試至由貢監生員考取小京官筆帖式之人其中未必無通曉舉業文藝者若因其已經得官遂不得與於鄉試則彼平日之所學真由表見亦屬可惜遇有八旗凡由貢監生員考取之小京官筆帖式若願就鄉試皆准其與舉子等一同入場考試使片善寸長不致遺棄以副國家教養人丁之典會典事例

八年議准 聖廟執事官其由貢生監生充補有情願鄉試者令其一體鄉試若係生員童生准作監生應試會典事例

十二年題准遇鄉試之年除現在赴部拔貢併保舉學習之貢監俱由各部咨送及從前已有地方官印結現在肄業之監生由國子監錄送外其餘貢監生在京鄉試者俱照定例取其各本籍地方官文結地鄰甘結親身到監驗照按季考課至錄科時仍取同考五人互結儻有規避考課及無本籍文結與五人互結者不准收考并令順天府五城先期出示曉諭嚴行稽查如有借照頂名入場之弊除本身治罪外仍將出結之地方官互結之各生題參議處國子監官不行查明嚴加議處其混送入場之蠹吏交部嚴行治罪會典事例

十三年諭據國子監祭酒覺羅吳拜邵基奏稱直省貢監生錄科時無論有無本籍地方官文書請俱令取其同鄉京官主事以上印結等語朕思各省地方大小不同在京同鄉官員有無多寡不能一轍若錄科時儻令取其同鄉京官印結其中遠省貢監生無熟識之同鄉京官何從查取印結勢必敢抑勒鑽營之弊所奏尙未允協此事原係給事中王瓚條奏在伊諒有所見著吳拜邵基會同詳細妥議具奏雍正內閣 上諭
又議復貴州學政奏請土司准其鄉試一摺奉 旨土司能紹儉原由生員出身既有志觀光陳請科舉

其一體應試會典事例

乾隆元年諭凡由捐納候選之貢監舉人例不得與鄉會試從前律例內有捐應鄉會試一款今捐例已概停止此等貢監舉人有科名者勢皆不得援例與試矣朕思此等人員尙在需次選禱與既登仕籍者有間不得因捐特候選屏諸場屋之外直隸各省貢監生捐官願與鄉試舉人捐官願與會試者准令一同考試以示鼓舞人材之意會典事例

又議准在京新捐貢監若係臨場期迫本籍遙遠難取本地方文結者准其取具同鄉六品以上京官印結並取同考五人互結錄科送考如有頂冒情弊將本身及出結互結之京官貢監一并照例治罪會典事例
又覆准廣西土司徐國丞由生員承襲土職貴州土司安守仁土主簿楊世正均由廩生承襲土職俱援照龍紹儉之例准其一體鄉試會典事例

又議准各省薦舉博學鴻詞科有由生員舉報到京者准其應順天鄉試會典事例
七年諭各省應試生員貢監由學臣錄送入場向例舉人一名額取科舉三十名嗣後加至百名不爲不多矣乃學臣等博寬大之名於科舉之外遺才大收一概錄送且有督撫普收送者以致文理荒疎之人亦得濫冒入場試卷太多不但試官於倉猝之中難於別擇卽浮薄士子將以觀光爲游戲不復攻苦於寒蟬於寶興大典共有闕弊嗣後學臣各宜留心慎重辦理毋得濫溢永著爲例會典事例

又諭准文武互試原欲簡拔全才而日久弊生文場則有夾帶傳遞代做諸弊武場則有換卷之弊內嚴但恐文取中外竊又查察維艱嗣後將文武鄉會互試之處永行停止會典事例

八年獲准臺灣孤懸海外其情形與內地不同向來額中舉人二名錄送鄉試者約五百人今遵定額止送二百名即應裁減過半恐無以鼓勵邊遠士子之心應許學臣將依額錄送之例少加變通於二百名外再擇文理清通者酌量增加但不得將文理荒疎之人普收送考其內地錄科不得援此爲例會典事例

九年議准直隸江南江西福建浙江湖廣爲大省准其每舉人一名錄送科舉八十名山東山西河南陝西四川廣東爲中省每舉人一名錄送科舉六十名廣西雲南貴州等爲小省每舉人一名錄送科舉五十名其順天鄉試滿合夾巨南北中皿等字號應試人數雖屬無多亦必精通三場者方准錄送嗣後即應試人衆仍不得過八十名之額會典事例

又議准錄科定例一二等生員並三等之前五名或前十名准其科舉嗣後應令學政於錄科時酌量文風盛者一二等名數從多未盛者一二等名數從少其三等前列者仍照例酌送至因事故未與科考及科考未取者原有錄遺之例亦應視其文風之高下中數之多寡通盤計算慎選錄送會典事例

又議准八旗鄉試禮部先期行文各旗將應考生監造冊送部即咨送兵部考試馬步箭合式者造冊劄發順天府仍一面行文學政傳令八旗生員科考及錄遺併行文國子監傳令八旗貢監一體錄科皆憑文錄取造冊移送順天府該府尹查明科冊箭冊俱有名者方准入場如科冊有名而箭冊無名或箭冊有名而科冊無名俱不准應試會典事例

又議准凡孝廉方正給以頂戴榮身願應鄉試者本係生員仍由教官申送錄科本係貢監仍由州縣申送錄科會典事例

十二年廣各直省鄉試錄科額數故事學臣科試之後復取遺才錄遺之後督撫又有大收取送甚濫是以議
有科舉定額每舉人一名大省錄取八十名中省錄取六十名小省錄取五十名 上以前議但就正榜定額
尙有副榜未經議及著再加 恩准予每副榜一名大省加取四十名中省加取三十名小省加取二十名令
學政於考試遺才時不論生員貢監亦不拘縣分大小但就文理明通者照數錄送入場通考

又覆准八旗現任小京官筆帖式及在部候選人員凡由貢監出身者由國子監一體錄科由生員出身者仍
赴學政衙門錄科會典事例

十三年諭科舉定額每舉人一名大省錄取八十名中省六十名小省五十名其途本寬果係真才自不復有
遺珠之歎但近來士子因科場剔除舊習頗知自愛有志讀書期以實應又當稍展其額以示鼓舞作興之意
前議但就正榜定額尙有副榜未經議及著再加恩每副榜一名大省加取四十名中省加取三十名小省加
取二十名令各學政於考試遺才時不論生員貢監亦不拘縣分大小但就文理明通者照數錄送入場此外
不許濫送會典事例

十四年議准嗣後應令學臣於錄遺定額之外查照歷年投卷不到之數酌量錄取備補若干名行令各該提
調查照於八月初二日投卷既齊以後將原額所缺之數按照備取名次抵補其抵補不盡者仍行扣除不准
投卷入場會典事例

十六年兼管順天府府尹蔣炳奏准近科以來監臣學臣咨送鄉試名冊每多任意逾期且有主考已經入場
尙爲續送者以致試卷舛錯點名散卷俱爲紊亂仰請 勅下順天府臣國子監臣遵照定例於場期前月二

十七日送齊如有違例逾限續送一面照例駁回一面奏請將違例送考各員交部議處科場條例

又議准在浙報捐之本省及江南江西生俊准以實收應明年鄉試本省將實收呈明該學政順天將實收呈明國子監查驗會典事例

又議准編譯生員應文鄉試應令該旗自行造冊徑送順天學政錄科會典事例

十九年酌歸簡易案內題准各省貢監生丁憂起復事故遇鄉試年逐案單咨其餘年分各省將貢監生丁憂起復事故按季造冊報部通行各省畫一辦理科場條例

二十年諭明歲江省報捐生俊有願應試者若必咨部換照方准入場往返動需經月恐阻士子觀光之禮
照乾隆十六年浙省事例准以實收應南北鄉試其各省赴江報捐者亦著照此例行會典事例

又議准舉子丁憂臨場服滿但取其同鄉官印結舉人既准會試貢監即准順天鄉試會典事例

二十一年復准御史朱嵇條奏嗣後順天錄遺之貢監生員學政務與正案一體詳造年家籍貫全冊咨送以便監試按冊查覈科場條例

又議准闕里 崇聖祠向由衍聖公委曲阜縣世職知縣致祭今改為世襲六品官令專主 崇聖祠祀事

茂之俸銀二十兩其官與執事官相同如係進士舉人遇原職輪班應選者聽其薦選赴任其由貢生員補授有願鄉試者令其一體鄉試會典事例

三十年諭前經降旨八旗三品以上大臣子弟果有嫻熟國語練習弓馬者遇考試之期奏明准其入闈廣為八旗清樸素風近來未免沾染虛浮黷心詭過是以示之節制俾知崇實黜華非概從禁簡過其進取之途也

乃邇年來八旗大臣竟無奏請子弟應試者未免多生顧慮因噎廢食伊等既不潛心力學而於國語騎射又未見專攻嫻習出色自不如兼收並進猶可爲造就之資也我國家滿洲世臣宣力贊政原不藉文章一途但承平百餘年滿洲詞臣文藻雕飾亦不可少大臣子弟中延請師資擴充閱見較之寒素之家成材自易嗣後八旗大臣子弟仍准一體考試毋庸奏明請旨備伊等仍不以實學就考如前懷挾或進身之後仍蹈虛名陋習無裨實用又何難隨時懲治俾知所警惕乎會典事例

四十四年議准在京候補候選人員由吏部據呈送部行國子監錄科其現任小京官由本衙門送部徑行冊送順天府若在部行走仍係候補之員應照例由監錄科會典事例

又奏准四庫全書處謄錄內有前由寄籍順天入學旋經遵例改歸原籍併有由 召試二等在館行走各生以在館謄錄不能回籍應試俱呈請就近在順天鄉試應准其按照省分歸於南北中區字號照例由本館送監錄科鄉試會典事例

五十年議准順天府樂舞生准令生員兼充如有科考列在三等者免其錄遺一體鄉試會典事例

五十四年議准順天鄉試生員令直隸總督飭行府各派教官二員帶同該學書役屆期到京識認其國子監肄業貢監生令助教等官識認其不在監肄業雖起有本省咨文仍取具同鄉官印結令出結官識認至在部候選及在館謄錄由各衙門咨送者亦令取同鄉官印結識認會典事例

嘉慶三年覆准本年 臨雍陪祀禮各生有情願留京鄉試者應俟領照後准其由監驗明由廩生增生附生出身者照正途貢監例錄科由武生奉祀生俊秀出身者照俊秀貢監例錄科至在監讀書及在部候考之

各應生考到錄科之處仍照各省貢監鄉試例查明正途及俊秀出身分別辦理會典事例

又准八旗恩廕生有由官學生出身者業經吏部奏定給發執照應准其與貢監一體鄉試會典事例

五年復准凡廕生以旗員用先在本旗行走者其夫經得缺以前應照候補人員之例准其應試會典事例

又復准捐納人員除候補候選者例由吏部咨送外至未經投文投供之員吏部無從查覈自應仍行分別正

途俊秀與未經捐官之貢監一例辦理會典事例

六年復准外省駐防生員願應鄉試者應由該駐防衙門咨送回旗照在京八旗生員鄉試例一體辦理會典

事例

七年諭前蒙 皇考高宗純皇帝特降諭旨令軍機大臣會同部旗將國初以來殉節諸臣未經得受世職者

查明賞給恩騎尉世襲罔替仰見 皇考崇獎盡臣推恩後嗣實為 異數隆施乾隆六十年先經軍機大臣

等將在京八旗從前殉節諸臣查奏一百四十餘員補行賞給恩騎尉世職茲又據軍機大臣會同兵部將數

年以來各省陸續咨行從前殉節諸臣九百九十餘員查明開單具奏朕詳覈諸臣事蹟俱能抗節効忠成仁

取義允宜賞延於世用示褒嘉所有單開各該員子孫均著加恩賞給恩騎尉世職罔替惟念該世職等承襲

之後若照例分發各標營學習其中或有未能諳習弓馬差防者轉非成全之意所有世職人員著加恩凡遇

承襲時在各地方具呈分別咨部除情願入標學習當差者仍照舊例支給俸餉外其有願應文試者即以本

職頂戴作為文生員願應武試者即以本職頂戴作為武生准其一體應試嗣後各省凡遇應襲恩騎尉世職

著照此例辦理餘亦俱照所議行會典事例

十二年奉 旨嗣後各項拜唐阿內有係貢監生員者均著准其應試其緣事罰充拜唐阿者仍不准其應試
著為令會典事例

又覆准嗣後凡順天附生捐納候補候選人員如地方官申送者仍由學政錄科由吏部咨送者准其由國子
監錄科會典事例

又覆准福建臺灣府錄送科舉應酌定為三百名此外實有文理清通可以造就者准於定額外量為寬送會
典事例

十五年奉 旨嗣後凡指定額駙者無論舉貢各項出身均不必再應鄉會試著為令會典事例

又議准嗣後西安駐防生員赴京應文鄉試及繙譯鄉試酌於四月內考試馬步箭錄科應由該將軍酌量程
途遠近釐定起程日期赴京應考會典事例

十七年奉 旨嗣後旗人身帶額駙職銜者俱不准應試若額駙職銜業經革去俱仍准其應試著為令會典
事例

右錄送鄉試

皇朝政典類纂卷一百九十三終

選舉四

文科起送會試 科舉禁令

順治八年題准新舊舉人直隸限十二月起送山東山西河南陝西限十一月起送江南浙江江西湖廣限十月起送福建廣東廣西四川等處限九月起送如司府稽延違限聽禮部查參嘉慶十年據安徽舉人仰濂等呈稱舉人等於舊年十月初八日具呈本縣至十二月二十三日以供結未填月日奉到司駁舉人等已守候七十餘日又守候三十餘日至正月二十一日始給發咨文去會試頭場僅四十餘日以致沿途晝夜奔馳幸未誤事懇查照會試領咨一定限期核飭遵行等因查科場條例內載安徽省咨送會試例應在十月給發何以遞延至百日之久明係書吏任意勒索致令寒士守候虛糜盤費應行文安徽巡撫詳悉查明係何處稽延之處申覆到部並查取職名題參以杜吏胥留難之弊並通行各直省督撫順天奉天各府尹嗣後會試起送咨文務須將該省起咨條例敘載並該舉人等在縣何日具呈何日到府司院之處詳明敘入咨文以便本部查覈如有逾限本部照例指參科場條例

又定舉人會試由布政使給與盤費安徽二十兩江西湖北皆十七兩福建十五兩湖南十四兩廣西十二兩今十二兩七錢八分有奇浙江河南皆十兩山西七兩陝西六兩甘肅江蘇皆五兩今甘肅五兩五錢二分有奇直隸四川皆四兩今四川四兩六錢一分山東一兩廣東二十兩今二十兩一錢七分惟瓊州府增十兩每名三十兩於領咨日給發謹按戶部例直隸奉天山東山西河南江蘇安徽福建湖北湖南陝西等省今係

姓名數勻派 會典事例

又定雲南貴州舉人給與盤費每名三兩仍給驛馬謹案兵部例載給雲貴會試舉人火牌每名馬一匹不支 應糧回日准其換給若已中進士回籍者亦准給火牌 會典事例

十一年禮部奏言會試俱有定例博士筆帖式皆係六七品官各有職任優劣自有分別况歷科中式舉人願多嗣後滿洲蒙古漢軍會試止准舉人應試其在部院等衙門博士筆帖式等不准會試庶滿漢試例一體從之通考

康熙三年題准舉人考授內閣中書及現任內閣中書者皆准會試 會典事例

七年題准舉人就教仍准會試 會典事例

九年議准會試關繫取士大典展期於二月初一日以內投文准其會試 會典事例

雍正七年諭凡由舉人考試補用筆帖式者俱准其與舉人一體會試 會典事例

八年諭各省會試舉人向例給與盤費銀兩所以體恤士子助其資斧之需聞得各州縣舉人俱赴布政司衙門領取道途跋涉守候需時吏胥又多勒索扣剋之弊士子所得無幾嗣後著從本州縣衙門照數領給該州縣取各舉人領狀申詳布政司於察銷冊內報部查核庶吏胥無侵扣之事而士子亦免跋涉守候之苦若州縣稍有扣剋需索而督撫失於覺察者經朕訪聞將督撫一併議處雍正內閣 上諭

九年覆准會試舉人盤費銀兩前奉 諭旨著從本州縣領給以免其跋涉守候之苦但此項銀兩原係三年一領未便令其久儲州縣庫內致滋侵挪之弊應將各屬所徵盤費銀兩按年解交司庫至會試之年分令各

州縣於庫備雜項銀內支給布政使將所解盤費銀兩撥還原項惟是會試盤費係各州縣額編錢糧若以本州縣之額徵印支給本州縣之舉子其中多寡不等應於會試之年令各屬將應試舉子預行報明布政使該布政使將各屬所徵盤費合計通省人數均勻派定飭行各州縣按數支給庶屬均平至於應給盤費銀兩如有扣剋需索等弊應令該撫卽行查參科場條例

乾隆元年覆准凡遇會試之年該州縣於舉子具呈到日卽出具文結申詳布政使駁明勒限給咨不許胥吏任意稽延亦不得借端駁請備州縣官不卽詳請布政使不卽給咨該督撫察出指名參處會典事例

七年覆准舉子會試例由州縣起文申府由藩司給咨赴部有轉發州縣付本人者有親身赴司候領者各省原不書一自甲子年爲始於鄉試後藩司咨文限一月內發各州縣交本人自齎投部武舉均照此例會典事例

二十四年議准舉人選授教職俸滿來京引見願會試者應准其留京會試會典事例

二十八年議准舉人已任知縣因不勝民牧改補教職或八旗舉人已任知縣亦因不勝民牧改補筆帖式者俱准會試如題參降調以筆帖式補用之員不得援照此例會典事例

二十九年議准嗣後文舉人會試俱照舊例申送藩司由司駁明詳院請咨發司轉給其應造各冊一體查照送院咨部並嚴飭上下衙門各照題定起送之期隨到隨給倘有吏胥需索留難以致遲誤察出參處科場條例

又覆准順天府屬舉人由該府尹給文會試其直隸總督所屬地方應照新例州縣徑詳布政使由司駁明詳

院請咨再由院發司轉給會典事例

四十二年諭向來雲南貴州舉人進京會試一路賞給驛馬所以體恤遠方寒峻者至優極渥本年陝西鄉試中式第二名係新設迪化州阜康縣人可見關外人文漸盛殊屬可嘉第念該處進京道里較雲貴等省更遠卽每科新疆士子赴西安鄉試路亦不近而新疆車馬等項履覓維難殊堪軫念嗣後嘉峪關以外士子赴西安鄉試及進京會試並著加恩照雲貴之例一體賞給驛馬以示優恤邊陲寒士之至意會典事例

四十九年議准教諭降一級調用應以從八品之布政使照磨鹽運司知事府州縣訓導補用照舉人在京候補候選之例准其會試會典事例

五十二年定內閣中書降二級調用應以從八品國子監典簿補用照舉人在京候補候選之例准其會試會典事例

五十五年定內閣中書陞任主事主事仍降爲中書由舉人歷任知縣大計卓異推陞小京官者准其會試會典事例

五十七年覆准舉人大挑分發知縣降一級調用應以從七品之布政司都事等官補用照舉人在京候補候選准其會試之例辦理會典事例

嘉慶六年覆准舉人出身知縣緣事革職降捐教諭候選應准其會試會典事例

又覆准舉人分發知縣捐陞主事准其會試會典事例

八年諭禮部呈進科場條例於起送會試條下聲明教官降雜職者其未絕得缺以前請改照候補候選人員

之例由舉人出身者俱准其會試由貢生出身者俱准其鄉試增入新例等語殊屬非是教職一項降調佐雜等官向不准其鄉會試原因其緣事銜級已望吏議與在部候選候補人員例得應試者迥不相同况節年各營教官降為雜職遇有呈請應試者均經批駁有案若因其由舉貢出身降調輒請准其應試顯與定例不符禮部堂官於條例內率行增入未免心存邀譽俱著傳旨申飭此後教官降為雜職人員不准應試仍著照舊例行會典事例

又奏准查向來中書通政使司經歷等官由知縣推陞或由六部司員降補者因例無明文均經准其會試伏思知縣久膺民社已歷陞途卽降補之司員果能奮勉亦仍可保題似不必與士子爭進取至知縣才不勝任或由現在奏改教職或因初選引見奉旨以教職改用既經督撫考察聖明鑒定非可膺民社之才似亦不可以文字之工再中進士仍歸知縣之班銓選請嗣後此等人員俱不准其會試其州縣牧令緣事降為丞倅等官者亦請一體不准惟分發試用未補實缺而捐陞京職歸部銓選者與在部候選人員事同一體可否准其會試等因奉旨依議欽此

君場條例
十年議覆舉人由國子監助教降調候補學錄非同教官降為雜職者可比准其會試會典事例

又覆准舉人出教諭降調捐復准其會試會典事例

十四年覆准舉人現任教職押送贍錄來京事屬因公若再候起咨已誤試期應准其取結會試會典事例

十六年奏准舉人在本省填寫親供來京會試始知親供尚未到部取具同鄉京官切實印結赴部准其會試會典事例

十八年吏部等衙門會議奏准據兩廣總督蔣攸銛奏稱各省舉人大挑一等者分發各省以知縣試用近年候補人員較多補缺愈形壅滯現在廣東一省嘉慶六年分發知縣未補缺者尙有四員嘉慶十三年大挑分發知縣未補缺者尙有十五員雖有試用一年期滿減半酌留及呈請改用教職之例而曾經擬掣省分則不准復預會試卽未膺民社回籍亦不許復赴禮闈每有壯年筮仕皓首賦閒進取無由轉成頽棄似於人材亦覺可惜可否仰懇 天恩敕下部臣議定挑發人員其已經分發到省者無論試用會否期滿及告假改教回籍各員凡未經委署地方者仍准其一體會試等語查知縣才不勝任或由現任奏改教職或因初選引見奉 旨以教職改用者均不准其會試其有自行呈改教職以及告假回籍各員例內並無不准會試明文請嗣後大挑舉人以知縣試用因到省補缺尙遠有志觀光自行呈明改教並告假回籍實係未經委署各員應如該督所奏遇會試時由原籍督撫給咨赴京咨內聲敘並未委署地方字樣准其一體入場仍不得臨時告假卽行來京取結應試以杜取巧之弊科場條例

二十二年奉 上諭御史謝崧奏請速發會試盤費一摺直省舉人起送會試給與水脚銀兩原係國家嘉惠士林優卹寒賤之恩自應早爲給發俾作長途資斧乃有延至次年俟該舉子由京回籍始令補領殊乖立法本意嗣後此項銀兩著各該藩司按照定例於起送會試時飭令該州縣全數給發其本省未經給領者俱查明補給如有書吏剋扣勒捐情弊查出嚴懲以均實惠而杜侵欺欽此科場條例

二十三年奏准會試舉人必係本籍寫遠未能回籍起文者方准取結入場若大興宛平二縣舉人並非不能回籍起文之人未便僅據同鄉京官印給概准納卷且該舉人等室廬田畝近在畿內其中有無未滿年限及

未經呈明冒籍中式之人該府尹不難查察應請 旨勅下嗣後大興宛平兩縣舉人由順天府府尹給文會試如有取其同鄉京官印結納卷者概行駁回科場條例

二十五年欽奉 恩詔內開鄉試已經中式文武舉人除過犯黜革外其有磨勘原卷字句錯誤以致科者俱著寬免准其會試等因知照各該督撫欽遵 恩詔於下屆會試時一體給咨會試科場條例

道光元年湖廣總督陳若霖奏查辦苗疆事宜一摺奉 諭苗舉人有願赴京會試者即照本省舉人之例給與公車銀兩仍嚴禁書吏需索俾令踴躍觀光等因欽此科場條例

二年奉 諭孟住等奏請借項生息資助旗籍舉人會試一摺廣東距京遙遠駐防八旗文武舉人進京會試資斧維艱加恩著照所請准其於扣存兵丁馬價存貯藩庫銀內賞借一萬兩發商生息遇會試之年每名除例撥水腳銀二十兩零外加賞銀三十兩賞剩餘銀俟積有成數陸續歸還原款年終報部核銷等因欽此科場條例

三年奉 諭薩秉阿奏請撥項生息賞給旗籍舉人會試等語福建距京遙遠駐防八旗滿洲漢軍文武舉人進京會試資斧維艱加恩著照所請准其於閩海關庫貯平餘罰料裁贖三項閒款存銀內撥銀一萬兩發商一分生息遇會試之年每名除照例由藩司給水腳銀三十餘兩外加賞銀四十兩年終造冊報部核銷等因欽此科場條例

二十九年准各省駐防文舉人見在京官者一體會試東華續錄

右起送會試

順治二年定生儒入場如有懷挾片紙隻字者先於貢院前枷示一月問罪發落如有情人代作文字及受情託之人均枷示問罪其搜檢官役知情容隱者坐會典事例

又定場內供應人役或有豫將文字埋藏號舍及出入處所或巧爲傳遞又有外簾各官與諸生認識者餽送飲食往來滋弊監臨宜嚴行禁約容隱者坐會典事例

又定直省府州縣地方每遇鄉試年先期榜示禁約仍令巡捕員役嚴加緝訪如有士子營幹中舉及積年棍徒假充考官親識多方設計誑騙汚累考官者照例問擬枷號滿日發烟瘴地方充軍其士子央洩營幹致被誑騙者亦照例發遣科舉入場及開榜之日如有無賴之徒挾營忌才私寫匿名紙帖揭於街衢或編就歌謠預先傳播以致場中雖取中不敢填榜者在內聽巡城御史及五城兵馬司在外聽按察司及應捕人役緝拿到官依律治罪見者即便燒燬亦不許主試官概以避嫌妄退文卷以後部科各衙門察參須憑實據不許輕信風聞輒行章奏其果有實據者必鞠審賊證明白依律處治士子并過付人等枷號三月滿日問遣如有親識書辦家人指稱本官誑騙本官自能舉發即與紀錄以示優敘或士子有知爲棍徒所欺能自出首據實報官者特免本生之罪止重處誑騙之人若隱忍不報事發一體枷號究遣至於文體險怪鑿別不精又當別論勿得摘取一二影響字句指爲關節反滋弊端如有場後無端造謗撰搆歌謠士風薄惡莫此爲甚監生該監訪出申禮部充革生員院道訪出徑革科場條例

又定生童有籍貫假冒姓系僞謬者不論已未入學盡行褫革併將廩保懲黜若有中式者覈實題參革去舉人疑回原籍如祖父入籍在二十年以上墳墓田宅俱有的據取同鄉官保結方許應試會典事例

十二年諭鄉會考官所取士及殿試讀卷廷試闈卷學道考試優等督撫按薦舉屬吏皆稱門生實屬陋習相沿嗣後俱不許仍襲師生之號以永絕朋黨之根通典

十四年諭朕惟制科取士課吏薦賢皆屬朝廷公典原非臣子可借以罔上行私市恩報德之地至於師生稱謂必道業相成授受有自豈可攀援權勢無端親暱近乃陋習相沿會試鄉試考官所取之士及殿試讀卷廷試闈卷學道考試優等督撫按薦舉屬吏皆稱門生往往干謁於事先徑賣百出酬謝於事後賄賂公行甚至平日全未謀面一旦仕宦同方有上下相關之分輒妄託師生之稱或屬官借名獻媚附勢趨炎或上官恃權相迫恐喝要挾彼此國利相煽成風恬不知恥以致下吏職業罔修精神悉用之交結上司罔問吏治喜怒一任乎私心因而薦舉不公官評淆亂負國殃民不知理義深可痛恨朕欲大小臣工共滌肺腸痛革積弊以後內外大小各官俱宜恪守職掌不許投拜門生如有犯者即以悖旨論罪薦舉各官俱照衙門體統相稱一切讀卷闈卷考試等項俱不許承襲師生之號卽鄉會主考同考務要會集一堂校閱試卷公同商訂惟才是求不許立分房名色如揭榜後有仍前認作師生者一併重處不貸爾部卽通行嚴飭內外各衙門務令恪遵永絕朋黨之根以昭朕激勸羣士共還滂平至意會典事例

十七年諭會試舉人場前投遞詩文干謁京官者革去舉人下刑部究擬京官不行舉首事發一體治罪會典事例

十七年議准房官闈中作弊許主考不時據實糾參或主考通同房官作弊內許監試御史外許該撫按不時

糾參科場條例

又議准科場作弊有關節授受的據者許指名告發如挾讎誣捏匿名帖造作歌謠者照光棍例治罪會典事例

十八年議准主考同考御史筆帖式隨帶從人俱照定額進場時御史搜檢放入如正副主考同考暗帶主文假裝僕從隨入內簾者察出將本官交吏部議處帶進之人治罪會典事例

又覆准場內如有踰牆換卷代作等弊提調等官察出題參從重治罪如巡察不嚴事發一併治罪會典事例

康熙三十五年覆准順天鄉試雲南貴州四川廣東廣西福建湖南甘肅此八處在京應試者仍取正印京官印結或取同鄉官保結親身赴部投遞如有假冒將出結官員一併議處會典事例

三十九年覆准主考官有交通囑託賄賣關節黃緣中式事發情實者從重治罪其父兄為子弟作弊有官者革職提問無官者從重治罪科場條例

又覆准監生有餽獻禮物詩文假名士刻遺卷並招搖作弊者巡城御史察實糾參交刑部治罪會典事例

又覆准在京冒籍舉人以部文到日為始限兩月內具自首禮部駁明改歸原籍過期者不進行仍照例會典事例

又定順天鄉試大興宛平兩縣審音不詳草率送試者照收考送考官例降級其行查不據實呈報者照出結官例革職科場條例

四十七年覆准榜後不中之人如有挾私造謗希圖僥倖者令五城御史並順天府嚴挈照例治罪科場條例

五十年覆准入籍二十年者其考試定例已久恐不肖挾讎誣告著各督撫嚴禁如敢誣告從重治罪會典

事例

五十三年復准謄錄書手內有頂冒入場代人作文或閱他人佳卷抄寫弊端甚多嗣後此等弊竇將代作並賣錄之人及知情容隱通同作弊者俱從重治罪其原送官及所官酌量情弊治罪會典事例

六十年諭現任科場之弊有最大者人皆不言朕知之甚悉士子作文合三場計之祇六七日而今年放榜日期似欲遲至三月十五以後通場卷數不過三四千試官閱文乃至四十餘日方畢爲日太多諸弊皆從此而生矣士子偶有夾帶信代者原其情不過自爲功名或貧士以圖利起見犯者不過幾人其弊猶小況入場之時巡察官防閑甚嚴苟被搜獲必治以罪迨三場既畢巡察各官俱撤去貢院門名爲封鎖而每日送水菜取食物遂致內外信息時通紛傳某人已中某人中中者衆人皆爲稱喜是外間先有一榜矣又何待於出榜耶甚有更易卷子改換名次主考官俱係大臣平日以清操自居或不至若此而不肖房考官職甚微身家亦輕何事不可爲此乃弊之最大者言官等未嘗不知拘於親友師生情面且恐招後日之怨率皆緘默不言主考官日後即知有更易改換之事而業已失察不肯引咎檢舉其在內簾官員又拘於同輩不肯互相糾察考試大典豈容如此仍著原派巡察左右翼都統等入場照舊巡察會典事例

六十年議准鄉會試榜後考試官有不公之處許下第舉人生員據實赴該管衙門控告若有聚衆竟往考試官處打鬧令該地方官立即嚴拏送刑部從重治罪科場條例

雍正元年復准正副主考及同考官出場風聞某考官所中有弊卽行舉奏將中式之人請旨覆試舉考官免其失察處分儘明知而不舉則必有通同作弊之處或經科道糾參或被旁人告發交與刑部審實照律治

舉會典事例

又覆准若官士子交通作弊一應採名受賄聽情關節中式者審實將作弊之考官并賣錄中式之舉子處斬俱立決科場條例

又諭從前每逢考試常有無賴匪類生事擾犯此風斷不可長著總理事務王大臣傳諭該管衙門考試之前即嚴行曉示倘有此等無賴匪類務將爲首之人從重治罪以示儆戒雍正內閣 上諭

又諭國家養育人材首重翰苑既讀中祕之書必當立品端方居心敬慎方爲不愧官箴聞有僥倖之徒平昔結黨營私至科場年分則互相撈引轉爲請託遇謹守之人畏干法紀不肯通同作弊反羣相排詆飛語誣陷此風甚不可長亟當甄別勒令解退回籍以示勸懲著大學士張鵬翮尙書田從典徐元夢朱軾侍郎張伯行李紱會同滿漢掌院學士將翰林院詹事府官員有不安分生事有玷官箴者指名具奏不可徇情會典事例

二年諭都察院元年恩科典試諸臣皆體朕意矢公矢慎應試士子亦皆恪遵功令未敢苟且鑽營是以場前場後俱各帖然今聞應試士子不比去年安靜竟有投送詩文干謁往來親密者現今開列之同考官若少爲其所搖動乃自取罪戾也朕之賞罰悉秉至公今場前既多奔競榜後必生事端今歲同考官當十分謹慎毋蹈法網都察院即頒示曉諭應試士子皆令安分守法毋得希圖僥倖仍實心察訪如有鑽營營者即行拿參治以重罪雍正內閣 上諭

四年奉 諭科場關係大典若闕中閱卷果有不公許應試舉子親身赴都察院控告奏聞若不軌之徒假捏

汚曠之詞以洩私忿而壞公事則國法斷難寬宥著九門提督及順天府尹五城御史密訪嚴拏卽行參奏從重治罪欽此科場條例

八年議准應試舉子毋許於未發榜之前抄錄闈中文字送人批點並榜後刊刻落卷者一經發覺將舉子並加批之人交部分別議處至科場果有作弊等事許應試舉子出名赴禮部據實首告本部卽行參奏交刑部質審實則究處虛則反坐會典事例又議准鄉會試除座師房師照舊以師生往來不得袒護黨援外至對房薦卷與本人毫無關涉不得濫認師生借端交結倘有仍前濫認者或經察出或經首告交部嚴加議處至果有黨援相護實情比座師房師袒護黨援之例加一等治罪科場條例

十二年覆准寄籍之舉人副榜及恩拔歲貢勒限三個月許呈首地方官申詳督撫學政及藩司各衙門逐一查明改歸本籍聽候銓選其現任教官內有本邑及鄰邑之人亦令呈明改歸仍聽隔府調補如逾限不行呈明查出照例題參分別斥革治罪至由俊秀寄籍捐納貢監生者亦令地方官查明飭令依限改正會典事例十三年議准凡本生父母期年之服非他期親之服可比若期年中出身應試與禮不合亦於心不安應通行直省嗣後凡諸生遇本生父母之喪令其呈明期年內不許應試其有隱匿不報朦混干進者事發照匿喪例治罪永著爲例會典事例

禁八旗開戶家奴子孫考試通典

乾隆元年奉 上諭國家三載賓興擇經明學優之士登之賢書以備任用典墓重也而京師首善之區南北

貢監輻輳觀光更當樹厥風聲以立四方之準從前北闕滋弊相習成風及我 皇考御極釐剔廓清每當大比之年於司衡分校各官慎重遴選杜絕弊端飭士子提撕防範使皆循守規矩無敢生事以致十餘年來科場肅清士風安靜實爲向時所未有但恐積久法弛人情生玩苞苴賄賂未敢卽行而或探虛聲以收人望假援引以市私恩以爲薦拔之人既係寒士又有文名推挽游揚並非受賄者可比不知糊名易書乃朝廷取士之律令設防維不謹暗通關節則考官得以營私舉子得以倖進不畏刑法不安義命豈惟獲罪於君抑亦獲罪於天矣亦思科舉大典乃爲國以樹人始進不正人品早已不端國家亦安所用之乎考官奉命掄才不能存選公明乃罔上舞弊以干國法無論自困噬臍卽令彼清夜捫心又何以自容乎朕臨御方始特開恩科深期士風濟茂人材日興亦望爾臣工恪恭厥職各知自愛以襄盛事自今以後凡與校文之任者務各痛洗舊習杜絕請託之私矢慎矢公無負朕之簡用倘有絲毫未改不能謝絕親友情面鈎通關節者國法具在朕不能爲若輩寬也至於士子讀書稽古將以應嘉賓之選尤宜立品端醇居心恬澹豈可奔競鑽營妄生憤懣與不肖無賴之徒相等也倘有場前鑽刺頂報元魁及榜後生事捏造謠言爲人心風俗之害者著步軍統領衙門及五城御史密訪嚴拏按法治罪以昭尙賢簡不肖之典欽此科場條例

四年諭科場爲取士之大典士子始進不端安望其實心爲國我 世祖 聖祖歷加飭諭特置重科以懲不法 皇考世宗憲皇帝教誡淳切數科以來風清弊絕人知義命自安朕御極以來再三申命期考官士子各矢素心無得復萌奔競黨緣之陋習丙辰丁巳兩科亦稱清肅今會試屆期公車雲集風聞士子中竟有不肖之徒行險僥倖希圖弋獲奔競鑽營思逞故智者雖未有實據而浮言不盡無因此種惡習斷不可長爲此嚴

加訓飭應試士子務當洗心滌慮安命立品主考官留心覺察杜絕弊端著步軍統領衙門密行查訪如確有實據即行察究立置重典儻有造言生事之徒恣意誣讒並書匿名榜帖有意陷害者亦並歸經究處以肅風紀以端士習會典事例

六年諭旨科場懷挾之弊例禁甚嚴今鄉試在邇聞得外間不肖士子故智復萌預先賃倩善寫細字之人抄錄文藝爲入場夾帶之具若不嚴行禁止則僥倖獲售者必多而真才轉至黜落於掄才大典甚有關係著步軍統領五城御史出示曉諭並密行查拏至入場之時監試御史等必須嚴加搜檢不可虛應故事臨期朕或另遣人看視倘有寬縱疎漏之弊必將該管官員從重議處通考

八年議准副都御史彭樹葵奏稱貼白糊黃律所嚴禁誠以巧言惑聽雖若輿論之公而實則奸胥結幕惡棍刁矜淆亂白黑爲善良之陷穽也聞近日此風漸熾湖廣尤甚其始也里巷挾仇編爲西江月傳奇標目壞閩閩而許陰私暗布通衢以圖快意繼焉考試忌才者尤而效之學臣避嫌佳文遺失不惜久之健訟理屈逞忿者遂以此施之官長捕影捉風遍貼者會聚而當事置若罔聞且或冀倖其言偶中而藉以誦明察者此奚異推波而助之瀾縱風而益其熾也其爲人心之害可勝言哉等語查律載投貼匿名文書告言人罪者絞監候其或係泛常罵詈之語不坐此律又例載兇惡之徒不知國家事務捏造悖謬言詞投貼匿名揭帖者絞立決又假以建言爲由挾制官府及將曖昧不明姦賊事情污人名節報復私仇者發附近充軍各等語是刁健之徒挾私傾陷例禁至嚴且悉該地方官自應嚴行查拏按律重治並究唆使之入一體問罪以儆刁風至此等貼白糊黃所控情事定例官司不許受理如有司倖其言之偶中反藉此以誦明察是不惟不能除弊安良抑

且長奸助惡矣。雖該御史未有指實，應令該督撫留心體察，並廢飭所屬如有此等情事，卽行參處。科場條例九年議奏頭場夾帶經書文字二場夾帶表判三場夾帶策問，因有心干犯科條，俱應照例治罪。卽頭場夾帶二場二場夾帶三場者所帶，雖非所用，亦應照例處治。惟二場搜出頭場文字三場搜出表判，或有誤將字紙包裹食物等類，本非懷挾無心失誤，應照今科北闈督搜大臣奏明二場誤帶頭場文稿，訊無情弊，仍准考試之例，准其入闈，亦屬法外原情之意。奉旨依議。至本內二場三場誤帶，准其入闈等語。科場條例片紙隻字原不准夾帶，並未有限帶者仍准入場考試之例。今年督搜大臣之仍准入場者，因二場有番役裁害一事，是以如此從寬辦理。究竟祇應嚴懲番役之裁害，不應遷就從寬，以啟將來之弊竇也。若復著爲功令，旣與定例不符，且恐弊竇轉由此而起矣。嗣後誤帶者，免其黜革治罪，仍逐出不准入場考試會典事例。二十一年清順天鄉會試冒籍之弊，陝西道監察御史陳慶升奏順天鄉試及會試冒籍考中並出仕者俱準改歸本姓原籍該學政過考試之期嚴查辦理以清籍貫一摺。奉旨此奏大有關乎士習人心，著大學士會同九卿一并詳議具奏。尋議北直北員字號中式之舉人內有南人冒捐北監及冒入北員者於填寫親供時俱自行首明更正勒令改歸原籍報明禮部如不早自首別經發覺卽照例黜革再該御史所奏今科冒籍順天中式舉人李駿等三十一人已經訪知確有本姓本籍俾令首明改歸原籍實不足以示懲應將李駿等三十一人並今科之首明冒籍中式舉人俱罰停會試一科以儆冒濫其現在翰林中薛田玉之榜名田玉等皆係久經中式應改歸原籍之人內除業經首明改歸江甯原籍之人以外將翰林院編修丁田樹與以罰俸處分至該御史單開本科中式舉人三十一人之父兄身係職官者於子弟冒籍不能覺察亦屬不合均照違

令管五十公罪律罰俸九個月至從前各科南人冒捐北監冒入北員中式之舉人進士令其首明咨回本籍倘踰限不行呈改照例黜革議處其冒籍未經中式之貢監生員一體辦理得 旨允行通考

二十二年奏准會試中式乃士子進身之始理宜守恬靜而戒奔競自同考有師生之說於是撤棘之日士子皆分門投刺拜認師生趨走若鶩夫過曉之後士子尚有 殿試朝考正宜涵養靜聽何得專事交往以蹈奔走之習應令禮部通行飭知新進士未經引 見之前一概停其拜認師生會典事例

大學士九卿議覆順天府尹劉綸條奏貢監報捐一摺奉 旨依議此等捐納貢監其因應試投捐者乃圖微取科名冒佔試額自當從嚴辦理然例由國子監分堂肄業或由學政錄科其為數不過數百人年貌語音不難立辨嗣後應專其責成務令於肄業錄科時嚴加察驗以杜假冒倘仍前濫行收考一經發覺必將錄送各官嚴加議處至不應試之貢監第希頂帶之榮或有以捐納官職自與冒佔科名有關政體者殊異若必如前議限年令自改籍不能改籍者又加斥革及如該府尹所奏由該縣具結赴部始准收捐轉致胥役藉端需索種種過甚勿如聽其捐納為便欽此科場條例

二十五年議覆廣西學政鞠愷條奏查廣西各屬中向有因本地無人應試准令各省異府之人入籍考試嗣因冒籍紛紛有妨士著若盡被冒佔則士著進取為難文風日就頹廢於文教士風所關匪細此即盡行斥革實不為過抑或准照順天冒籍例議令一年之內自首改歸亦應加以處分或暫停鄉試等語奉 上諭據鞠愷奏粵西省內應試生童多有他省人冒籍現在嚴行查辦等語該省地處偏隅嚮學者少他省人士未免乘機混名冒考但自乾隆三年部議停止該省因本地應試無人准令外省及本省異府人入籍之例司學政者

應嚴爲禁飭何以尙多混行嘗試者此皆歷任學臣不能查察所致著該部查明乾隆三年以後所有廣西學臣照例議處至該學政奏請將已經冒籍入學各生准其照順天冒籍生員例辦理之處並著該部定議具奏再此等冒考弊竇在江浙等處尙少他如雲貴川廣偏僻州縣文風稍陋他省或因父兄作幕或因親友貿易遂爾乘便混考皆所不免並著各該學政留心查察毋使滋弊欽此遵 旨議准除乾隆三年以後歷任廣西學政由吏部查辦外查乾隆二十二年議覆順天學政條奏奉 旨將冒籍各生停其鄉試一科在案應令該學政徹底清釐除現在查確者勒令改歸其未經查明者於部文到日勒限一年著落本生自首咨回原籍仍取具本籍地方官及儒學印結送部查覈倘逾限不首一經發覺該生斥革仍將不行確查之地方官及儒學詳處再本年現係 恩科鄉試所有已經查出各生照例罰停鄉試一科並行文雲南貴州四川廣東等省遵照辦理科場條例

四十年奏准初八日舉子進場完畢後凡考試各官不得仍向家中索取什物並請交稽察外場御史如遇有考試各官自家中送到什物卽全行駁回不准放進會典事例

四十一年議定聲明祖籍寄籍並申明冒籍條例吏部議準侍郎蔣賜棨條奏本年八月遵 旨定議聲明祖籍寄籍將不由科目出身之各項人員責成地方官督撫及驗看大臣科道稽查籍貫如有混冒卽行糾參治罪嗣後順天中式舉人寄籍者發榜後填寫親供並令據實呈明改歸原籍如無家可歸亦令呈明原籍及因何不能改歸緣由確實註冊其實係順天土著取同中舉人互結順天府查明造冊送吏部禮部存案備查倘仍有含混隱匿情事後經查出本人治罪互結舉人及順天府承辦之員議處卽以本年丁酉科爲始遵照辦

理通考

四十二年議准御史戈源條奏查本年因紹興通判張廷泰引見奉旨以順天大興宛平兩縣土著甚少各省官員佔籍者多交吏部分別稽核詳議具奏經吏部題准令各該管官確查於文結內註明寄籍祖籍及本籍字樣如有混冒卽行究參治罪續經吏部議准侍郎蔣際榮條奏鄉試舉人寄籍者城寫親供時呈明改歸原籍如無家可歸亦令呈明註冊等因今該御史以蔣賜榮原奏內嗣後照辦一語恐無知之徒妄謂一紙親供便可無恙呼朋引類日漸增多請交禮部將歷年冒籍治罪條例通查曉諭並稱嗣後照例斥革治罪不准再請改歸等語應將歷年所奉諭旨並議准一切禁例詳晰開明交順天府通行曉諭倘仍有率混入籍者均不准改歸照例斥革治罪科場條例

五十一年諭本日據御史祝德麟條奏江浙漕務水利地畝等事又徐如澍奏請將本年廣額十五名於北皿南皿中皿試卷內一體分派二摺朕披閱之下俱係無關緊要本年係鄉試之期近來御史奏事者頗多並非留心建白不過覬覦出差地步卽如祝德麟條奏江浙漕務水利等事不過尋常事件早何不奏必待此時條陳甚至徐如澍竟不顧科場處分條例輒行入告其非希冀入簾而何所有祝德麟條奏雖爲無關緊要之件其是否可行之處著交該部議奏至徐如澍明知科場條例處分輒行陳奏且於摺內聲明籍隸貴州並無兄弟親戚應試等語試思徐如澍籍隸貴州卽無兄弟親戚豈無同鄉故舊及相識應試者更屬取巧徐如澍著交部議處嗣後科道等凡遇鄉會兩試屆期前一月之內係陳奏特參大員申冤理枉迫不及待者准其入奏外其有關科場事務及尋常事件一概不准屆期違例具奏以杜僥倖陋習著爲令會典事例

五十二年諭鄉會兩試關繫掄才大典理應肅清弊竇遴拔真才經朕屢頒諭旨加意整飭近年以來雖風聞科場諸弊未能盡絕而作姦犯科者尙未見有敗露之案但自明歲戊申以後鄉會兩試正科恩科連年疊舉若科場條例日久玩生致有不肖之徒執法舞弊竄緣鑽刺僥倖弋獲使白腹者濫竊科名而懷才者無由登進殊非朕旁求俊乂選拔真才之意不可不嚴申例禁豫絕弊源著交大學士九卿將應如何杜漸防微設法釐剔之處悉心妥議具奏務使功令森嚴弊端禁絕以副朕覈實取才之至意欽此遵 旨議定京城舉場附近之地近科以來聞有積慣姦徒窩藏鎗手專爲場內代倩文字而不肖舉子勾通外場巡緝兵役及閭中號軍將題目走漏消息用甄石等物擲出場外及文字作成或遙點燈竿連放爆竹或將馴養鴿鷓繫鈴縱放作爲記號豫行指定地方以便關通接遞仍用甄石等物擲入場內最爲積弊應請交該衙門屆期選派誠實妥幹番役會同五城順天府密訪窩留鎗手之家查拏治罪並於考試屆期凡附近居民有遙點燈竿連放爆竹及擲放鴿鷓拋擲甄瓦等弊卽嚴行拏究並先出示嚴禁以杜內外勾通傳遞文字其直省鄉試應責成監臨一體嚴密查辦會典事例

五十三年奏准查上年大學士九卿所議科場弊竇防範已爲周密更有一種姦徒頂充謄錄對讀入場將濃墨染於衣邊包攬士子改寫墨卷並於未經發謄之先乘隙代作文字買通執事胥役一經遞交號軍之手卽可傳交士子此弊在於有筆有墨且與士子同時得知題目之故嗣後謄錄對讀毋庸先發筆硯銀硃紫粉等物亦毋庸散給題紙俟第一場士子出畢始行發給會典事例

五十九年奉 旨嗣後如有未經呈明入籍卽寄籍已滿二十年例限未經呈明輒行冒考者一經發覺除照

例斥革不准應試外並著咨明原籍地方亦不准其復在原籍考試俾跨考倖進之徒知查出後寄籍原籍均無進身之路庶各知自愛不敢復蹈前轍欽此科場條例

嘉慶十二年諭通政司副使閻泰和奏請清查外省冒籍一摺據稱山西省近年以來南省士子接踵冒籍者試入學補廩者相繼而起其中獲登科第身任職官者亦不乏人請飭交山西巡撫嚴令地方官實力查禁等語冒籍混考希圖倖進之弊不獨山西爲然各直省恐亦在所不免自應一體飭禁以杜弊混惟是欲嚴冒籍之禁必先端始進之階士子報名應試總須本籍廩保出結方准與考卽由捐納等項出仕者亦必有本地方官印結與其紛紛查辦於事後曷若慎重於事先嗣後各直省督撫應飭令地方官於士子考試出仕之初實力查禁俾冒籍者無可僥倖其業經中式及現任職官准其自行呈明應改歸原籍者照舊例行將此通諭知之欽此科場條例

十三年諭內閣鄉會試爲掄才大典必須諸弊肅清真才乃出向來內場舞弊法令甚嚴人知懷畏近年朕遴派主考大員率同房考等悉心校閱尙和秉公衡鑑未必有作奸犯科之事在諸臣各知自愛朕亦不疑及此惟外場弊竇尤多定例責成監臨知貢舉綜理並特派搜檢及稽查龍門接談換卷王大臣自至公堂以及甄門復均派有御史監察卽棘闈以外又有巡撫御史並營員等周圍巡邏立法本爲周密無如近日風氣因循塞責者多實心任事者少沽名邀譽者多不避嫌怨者少近聞外場官員頗涉疏懈竟不免有傳遞代倩等弊若不嚴爲剔除則不才者妄思僥倖而實學轉致淪棄殊非慎重科場之道本年會試屆期誠恐外場官員仍蹈積習且彼時正值朕巡幸淀津或司外場者懼於啟事意存鬆懈諸務辦理草率不可不豫行申誡所有此

次會試外場事宜著黃成知貢舉並派出搜檢及稽查龍門接談換卷各大臣並科道等一體認真嚴查詳悉示諭務令士子等懷避功令恪守科條毋許有接談亂號等事其棘闈以外巡邏之御史及步軍統領衙門官員並當加意巡察不得視為具文備防範不嚴有意寬縱以致士子罔知儆惕或有傳遞代倩等弊一經發覺除將作弊士子按律治罪外所有派出大小各員均干嚴議懷之慎之

聖訓

又諭比年以來頗聞場中傳遞代倩接談換卷諸弊滋生考試為掄才大典懲姦除偽定法基嚴與其重罰於事後何若嚴禁於事前茲降旨申誡凡鄉會試派出之監臨知貢舉及有稽查巡查之責者務各振刷精神嚴查弊竇設有行險僥倖之徒一經緝獲即指參究辦不得稍取一二細故以見其查覈認真而於真實弊竇所在轉置之不問若經此番訓飭之後仍因循怠玩市惠沽名或將來有科場舞弊之案別經發覺在作弊者固身罹重典其監理稽查場務之人亦必從嚴懲處斷不能寬貸毋謂朕言之不早也將此通諭知之會典事例

二十四年奉 上諭御史余本敦奏鄉會試外簾滋弊請飭查禁一摺鄉會試為掄才大典凡派充內外簾官均應慎密從事恪守闕防如該御史所奏士子於二場入闈時託素識之提調及外簾各官點竄頭場原卷或補點詩題出處妄思倖獲實屬大干法紀恐此外傳遞代倩諸弊亦所不免著知貢舉及外簾監試官並闈門巡牆各御史一體嚴密稽查如有作奸犯科者立即指名參奏交刑部嚴審治罪以杜倖進而肅功令欽此

科場條例

道光十三年諭內閣御史劉誼奏請嚴禁直省鄉試積弊一摺直省鄉試為掄才大典必須嚴剔弊端拔取真

才如該御史所奏近來州縣調籬入省並不遵照定例徑赴公所往往在外居住以致不肖士子夤緣干謁拜
爲師生私通關節並賄囑禮房勾通內籬收掌書吏豫傳紅號竟將某卷直送某房以便呈薦且該書吏等當
未揭曉之先輒窺探消息寄信出關私相傳播似此積弊相沿殊屬大干法紀士子之夤緣干謁由州縣之
防檢不嚴卽書吏之窺探舞弊亦由州縣之轉相賄囑若不嚴行飭禁何以肅功令而拔真才著通諭各直省
督撫於明年舉行甲午正科遇州縣調籬入省務令遵照定例徑入公所不得在外居住與人交接往來致啟
士子鑽營之習如該州縣不知檢束或招致士子私通關節或賄託書吏指認紅號該督撫當不時查察一經
發覺卽嚴參懲辦至入場監臨之日尤當飭令提調暨內外監試各員慎密關防嚴查弊竇以杜倖進用副朕
興賢育才至意 聖訓

十五年諭內閣御史岳鎮南奏請嚴禁科場謄錄積弊一摺鄉會試爲抡才大典糊名易書立法極爲周密乾
隆五十二年嚴定謄錄所防弊規條責成知貢舉監臨隨時查察理宜永遠遵循以除弊竇若如該御史所奏
近來科場多有包攬謄錄之人場前議定記號擇其書寫精工者給銀修卷甚至私帶黑墨代改詩文於科名
大有關繫不可不嚴加防範嗣後鄉會試著遵照舊章責成知貢舉監臨實力奉行嚴飭謄錄各所官員加意
查覈但有夾帶黑墨代改文字諸弊立卽嚴拏究辦儻不認真查察一經發覺定將知貢舉監試一併懲處決
不寬貸 聖訓

十七年諭內閣前因鄉會試試卷繁多彌封官四員果否足敷辦理並如何責成知貢舉監臨等稽查酌定處
分之處降旨令軍機大臣會同該部議奏茲據奏稱科場定例本極周詳彌封一所關繫甚重祇在經理之得

宜不在人數之增設至知貢舉監臨總理場務例有稽查之責向無處分即該所官處分亦輕請
諸嗣後鄉會試仍照例用彌封官四員卽貢成知貢舉監臨擇其年力富強精明幹練者先行派
與各所官舉職以昭慎重並著知貢舉監臨隨時稽查務令遵照定例親自印號不准假手書吏
記用印模糊駁與弊竇無關者仍著照舊辦理至錯印紅號有關士子中式者每卷該所官照違
例一年知貢舉監臨失於查察照疏忽例罰俸三個月三卷以上該所官降一級留任知貢舉監
月如查有情弊立即嚴參備知貢舉監臨不行參處別經發覺除該所官照例究治外知貢舉監
降二級調用以上各處分俱不准其抵銷其外籟受卷謄錄對讀收掌各所官著一併責成知貢
稽查以歸畫一並著禮部纂入科場條例永遠遵行 聖訓

十九年諭御史陳光亨奏請飭禁內外臣僚競認師生一摺所言甚是鄉會試考官題文取士中
拔誼等師生尙屬禮緣義起然在官言官在朝言朝斷不可以私濫公至新進士殿試朝考一經
卷官認師生已屬非是若京察一等六計卓異者概與本官上司認師生是身荷簡擢之恩心感
鶴公朝拜恩私室非國家考績求賢之義至近來外省風氣州縣輒與府道認師生府道輒與
是以勢利爲結納拜門下者品已不端難保不恃門生之情面專事請託假上司之聲勢相與摺
皆由此起又安望其持正秉公各盡職守耶嗣後內外臣工總當守分勵品職不准藉師生稱謂
進之階至部院大臣及各省督撫等尤當正己率屬以人事君遇有藉端干謁者卽行面爲屏斥
詞卑禮薄姑容庶屬吏共知教品用以杜濫認而肅官方將此通諭知之欽此科場條例

同治十一年諭內閣御史吳鳳藻奏鄉會兩闈請整飭謄錄對讀積弊並請飭逐場校閱各摺片文問謄錄對讀等官原爲除弊而設若如該御史所奏謄錄任意潦草對讀視爲具文此等弊端亟應嚴行整頓嗣後各直省監臨知貢舉務當飭令各執事官認真辦理有犯必懲至問中校閱文藝本應三場並重不得專重第一場此後中外臣工凡與衡文之任者務當逐場校閱拔真材毋許草率從事用副朝廷籲求賢俊至意

右科舉禁令

皇朝政典類纂卷一百九十五

選舉五

文科監場規則 續考條規

順治二年定諸生領卷歸號時有在號外停立者扶送監臨請問封號後一切員役不許私開私入及傳送茶湯其交卷時監臨坐堂上嚴督受卷官分經收卷有五十卷即時封號入箱剩有餘卷亦即封銷如法諸生出闈必點數稽察有卷發籤籤完必繳毋使不完者闈出務令卷數與人數相合其大門內關防務極嚴緊一人闈入以杜傳遞會典事例

十六年議准士子進場搜檢嚴責各門搜檢官役如大門搜過無弊而二門搜出者將大門官役處治會典事例

康熙十一年正月 敕順天鄉試及會試仍兼用滿漢監察御史稽察場務順治十四年停八旗考試并停監試滿差今禮部題准八旗復行鄉會試應仍兼差滿御史監試 通典

四十七年覆准鄉會試出題次日士子務囊放出不許宿場若次日不能完卷連宿場內者將監試提調及本生一併交部議處會典事例

五十三年覆准凡考試舉人入闈皆穿拆縫衣服單層鞋襪只帶篋筐小橙食物筆硯等項其餘別物皆截留在外如違治罪會典事例

又覆准舉子進院漢人責成營弁旗人責成都統等務令按照卷號各進號會督同封固不許私從柵欄出入

若督理不嚴將該管官治罪會典事例

雍正七年諭科場乃國家取士大典關係甚重數科以來鄉會試主考同考皆廉潔功令屏除弊端輿論無異議朕亦屢加獎許然又恐其久而生玩故習復萌未嘗不隨時訓誨儆戒提撕也今年順天鄉試榜後有人密奏闕中有頂替夾帶弊朕令諸生自行出首今果有自首頂名者一人夾帶者四人此則外賄疎忽之咎已降旨將稽察官員嚴加處分又密奏今年場前有房考一二人與士子往來者夫以科場久已肅清之時不應尚萌賄通聲氣之想凡科甲出身之官員自知有衡文之分便當遠避嫌疑杜絕干謁何至以交遊形跡取人譏論之端況士子應試之先預懷饋餽營俸進之念此卽行止不端之人一旦忝竊科名豈能成有用之材爲國家分猷宜力乎爲房考者又何爲收羅此等儉邪之輩豈但不能得其相助之益且必至敗己身之聲名干朝廷之憲典亦愚之甚矣令歲外間雖有浮言却無實據姑免深問來春會場在卽各省舉子雲集京師凡在京官員有考官之責者各宜預先儆惕戒慎小心防微杜漸勿以小不檢點被人指摘致貽科甲之羞況國法具在朕不能曲爲寬假也思之慎之雍正內閣 上諭

八年奏 上諭今年會試舉人進場時天氣尙寒皮衣任其隨便帶用其所需大小板橙俱准帶用但只可用單層板橙不許用雙層夾底其搜檢之人仍照例搜檢欽此 科場條例

又遵准鄉會試舉子凡木櫃木盒嚴行禁止概不准帶進場者照科場條例治罪會典事例
十三年諭鄉會兩闈乃國家抡才大典必須防範周密令肅風清始足以遴拔真才屏除弊竇朕聞各省鄉試之年官字號士子入闈者往往監臨提調等官有差人餽送飲食果品之事此雖無關於科場作弊然當嚴防

嚴密之時有人往來號房難保日久無僱倩傳遞之弊且恐民卷中之有力者亦可借此作奸犯科不可不防其漸詞後番通行禁止倘有仍蹈前轍者一經發覺卽照科場作弊例將與受之人一同治罪雍正內閣上

又題准各省鄉試應照順天之例將號板按各號挨數編列巡緝官飭令號軍看守該舉子既歸本號如有擅出柵欄搬移號板者令號軍卽時喊稟巡緝官送監臨官究處仍令監試提調等官逐號挨查督同封固會典事例

乾隆六年諭從來順天鄉試易滋弊端多招物議必須稽查嚴密始可試事肅清今年秋闈適值朕行圍口外誠恐人心玩忽諸弊乘間而生深慮朕念如進場之懷挾場內之傳遞皆向來人所共知且有遞曉舉業之人假充應錄爲舉子改寫文藝者其他弊端種種難以悉數又聞有應試士子於場前結納新進翰林互相標榜遂成奔競鑽營之惡習夫國家之所以重士者謂其品行端方足備異日公卿之選若苟且僥倖於目前而始進不正貽誚終身尙安望其受爲服官克自樹立爲朝廷有用之材乎著都察院五城御史步軍統領衙門順天府內外籛監試御史嚴行稽查凡有闕涉科場情弊者卽行嚴拏按律治罪不稍寬貸在京之總理事務王大臣亦應不時查察以肅賓興大典副朕造士育才之至意會典事例

又諭科場懷挾之弊例禁其嚴今鄉試在邇聞得外間不肖士子故智復萌預先賃倩善寫細字之人抄錄文藝爲入場挾帶之具若不嚴行禁止則僥倖獲薦者必多而真才轉致黜落於掄才大典甚有關係著步軍統領五城御史出示曉諭並密行查拏至入場之時監試御史等必須嚴加搜檢不可虛應故事臨期朕或另

遣人看視倘有寬縱疎漏之弊必將該管官員從重議處欽此科場條例

九年諭國家寶典大典原欲得品行端方文學優贖之人以爲朝廷有用之才成菁莪棫樸之治無如科場之中易藏弊竇我 皇考加意整頓數科以來內簾之關節已覺肅清而外簾夾帶之弊一時難除近則日加益甚朕早已聞知屢行申飭至再三並非不教而罰也今當鄉試之年又復先期告誡以爲若輩自謹遵功令痛自檢改矣乃昨日頭場點名朕命親近大臣數人前往監看竟搜出懷挾二十一人或藏於衣帽或藏於器具且有藏於褰衣禪褲中者其喪心無恥至於此極朝廷之取士蓋欲用之也既欲用之朕安肯不重待之而若輩自輕自賤若此以稱先法古之徒竟同鼠竊狗偷之輩其頑不靈不可化誨若不立法嚴查則諸弊何由而除真才何由而見若欲擇人而施又何從豫知其情弊之有無而爲之區別乎滿洲原有呈身之路弓馬技藝何者不可見長而必勉強於文場以思曉倖於萬一既欲讀書進取則當潛心於學恥爲穿窬至江浙之人未必不能作文而乃存弋獲之心爲苟且之計以致惡習相沿視爲泛常違條觸法而不知虧體辱親而不顧士習日壞風俗日漓朕於執法之際實惻怛哀矜而深以不能化導抱愧於心也查懷挾生員內同隴泰乃少詹事傳保之子生員圖敏乃原任禮部郎中穆臣之子伊等平日既不能教訓其子又復縱容犯法咎亦何辭科場懷挾原有處分父師之例茲特申明其令傳保穆臣著交部嚴加叅處嗣後儻有犯者將父師一併查究今年懷挾如許之多而從前各科悉皆朦混了事著將乾隆元年以後監試之御史除內外簾俱交部查出議處至京師如此則外省情弊不問可知該撫藩等專任監臨提調之責總視爲具文一味姑容取悅於衆深負委任一後著照京師之例監臨督率各官盡心嚴查務使作弊之人不得漏網儻蹈舊轍經朕訪聞或被科道

糾參或朕差人前往搜出必將監臨提調等將今年處分從前疎防御史之例一併從重議處會典事例
又據工科給事中吳煒奏請各省科場懷挾恐監試等官不能除弊不可不熟籌於立法之始一疏奉 旨吳
煒所奏知道了科場懷挾之弊甚多不得不嚴行搜檢至於搜到寒衣之內原屬非體然若果無其人則朕將
治哈達哈等以太過之罪矣而無如竟有藏匿於禪褥中者委查之員何由預知其孰為有孰為無而分別之
則不得不概行搜查而朕雖欲全諸士子顏面竟無辭以責派查之臣為太過矣然此等敗類必係目不識丁
之人而與觀光之列總由學政濫行錄送以致紊亂考場清濁不分如此將來學政等如何慎選錄送併將搜
檢等事如何詳悉定例之處著原議之大臣一併詳奏欽此大學士九卿遵 旨詳准士子服式禱用單層氈
大小衫袍褂俱用單層氈衣去裏禪褥綢布皮氈聽用止許單層襪用單層鞋用薄底坐具用氈片其馬褥厚
襪概不許帶入至士子者具卷袋不許裝書硯臺不許過厚筆管鑲空水注用磁木炭止許長二寸蠟臺用錫
止許單盤柱必空心通底編餅餅各要切開此外字圈風爐茶鏡等物在所必需無可疑者俱准帶入至考
廳一項如京闈用柳條榻粗體可每易藏奸今議或竹或柳應照南式考籃編成玲瓏林眼底面如一以便搜
檢至禪褥既用單層務令各士子開襟解襪以杜裏衣懷挾之弊 科場條例
又奏准順天鄉試於縣門外設牌八面分立八處大書旗分令八旗派出送考之參領章京帶領應試士子各
按旗分隨牌站立聽候點名以次進縣門聽搜其餘一切送考之人概不許混入縣門違者立即鎖拿治罪仍
先期行文各旗將送考之參領章京姓名并縣門點名之參領姓名開送巡察御史如送考之參領等不按旗
分任憑士子混行及縣門之參領縱容送考人等混雜攙擠該御史立即指名參處至貢監人等向亦有送考

擁棹之弊應於轅門外各派派守備一員協同點名官給籤其應試諸生俱令隨牌聽點聽搜如有送考間人混入許該守備即行鎖擊如守備約束不嚴一併參處會典事例

十八年奏准嗣後於天開文運牌坊外寬敞之地左右設棚移近信大臣第一次搜檢於此地於牌坊內大門以外左右移近信大臣第二次搜檢於此地天開文運牌坊兩旁原有甌牆中列三路令請將中路用木欄截並自牌坊外至照壁東西各派甌牆一道堵截各留一門令士子第一次搜檢畢即由左右路序入候再搜檢不得東西混進以昭嚴密尋場條例

二十三年議准向例於出題次日有不能完卷連宿場內者始將監試提調及本生一併議處今頭場止四書文三篇二場經文四篇詩一首較舊制篇數多少懸殊不便延至次日一更後淨場嗣後以出題第二日未刻為限盡令交卷出場如有逾限者將監試提調等照例議處會典事例

三十年敕本年順天鄉試點名時增派大臣于龍門內嚴察換卷亂號之弊通典

四十五年議更定開列稽察御史條例都察院左都御史張濟濬疏稱鄉會試外場內場內簾三處派有御史監試所以稽察弊端責任甚重向例惟將資淺御史依次開列二十員指定所司之事請用十員是一年半年之前已可揣度而知保無詐託照應請嗣後一體通行開列 聖明簡用之人非資格揆定之人於關防更為周密從之通考

又 諭鄉試為抡才大典欲拔真才先清弊竇本任順天鄉試經搜檢王大臣等獲懷挾傳遞及頂名代倩不一而足各犯已交部從重辦理用昭炯戒順天科場特派王大臣等於轅門龍門逐次嚴查倘有此等弊竇何

況外台稽察搜查斷不能如京師之嚴密巡撫職任監臨摘弊防姦是其專責乃歷年披閱各該撫奏摺惟今年宮綱奏稱先於場前訪查積習出示禁諭并增築夾牆另開更道於樞運人夫逐加搜檢印用號戳並不假手胥吏等語辦理較屬認真此外則均以三場無弊一奏塞責並未免有查出懷挾傳遞頂冒之事豈作姦犯科者惟順天有之而各省竟俱弊絕風清如此乎實因各撫巨模槓市譽不肯認真任怨耳夫取怨爲作姦犯科之人亦何妨乎嗣後各省巡撫凡遇大比之期必須實力稽察防閑如有前項弊端卽當立時查獲嚴加究治務令閩中積弊肅清士子懷刑自愛庶足以甄別人材振興士習將此通諭知之並令於每科引此旨覆奏著爲例會典事例

四十七年諭大學士九卿科道等將從前任寬博條陳諸弊會議具奏摺內稱現在綱紀肅清前代批政俱已革除淨盡惟在大小臣工實力奉行自不致有因循廢弛之弊此語朕疑信半焉亦惟日慎一日所其無逸耳至副都御史巴彥學有請更定科場詩論以杜關節以端士習之奏所言實爲深切時弊不虛朕降旨之意已依議行矣豈詩題係朕所命且律句謹嚴難以揣摩又若頭場詩文既不中選則二三場雖經文策問閱有可取亦不準復爲呈薦倘同考官仍蹈故轍監試官卽可指名參處如此亦防弊之一端巴彥學此奏殊可嘉尙又御史鄭澂稱論內易藏關節一款已於巴彥學摺內準行通考

五十二年奏准舉子進場嗣後責成軀門點名御史先期嚴切曉諭務令舉子及早伺候挨牌應點卽或擁擠不前亦必隨時稟明點入如有任意遲誤於點名完畢始行補到者概不准入闈外省鄉試俱照此書一辦理

會典事例

五十四年諭向來鄉會試士子出場之日例本不准給燭聞本科順天鄉試於初十三十六等日多有遲至夜分始行交卷出場者以致昏黑易於混雜滋生弊端殊非慎重科場之道嗣後鄉會試於士子出場日期知貢舉及監臨等務須先行出示曉諭屆時嚴催早行交卷斷不准其給燭以杜弊竇著為令會典事例

五十七年奏准士子入場點名授卷後龍門內有稽查接談換卷大臣立法至為嚴密但甬道東西號舍相望最易滋越號代倩之弊應於甬道兩旁由至公堂至龍門用杉篙作成柵欄分五十二段每段派委官一員專守令其按卷驗明印戳由甬道下兩旁分送入號毋任駐足羈留交卷後均令領籤由甬道徑出不得偷歸號舍卽水夫雜項人役亦不得輕越柵木私相授受場畢收貯明遠樓臨期仍按段排立不惟可杜弊竇兼可以肅觀瞻會典事例

嘉慶六年奏准科場照入照出各籤長不滿二尺或考具內自挾相似短籤為朦混出入地步一時難以辨認俱未可定嗣後照出照入務製三尺以上綠頭籤庶易查驗仍飭受卷官吏一手接卷一手發籤登時查對點名號簿毋得含混以專責成會典事例

十九年奉 上諭鄉會試搜檢凡士子所攜場具均有限制以禁懷挾而拔真才乃奉行既久視為具文聞近日士子竟有攜帶坐褥入場者坐褥厚裝綿絮其中夾帶之弊事所必有不可不嚴行查禁著禮部先期廣張告示嚴行曉諭嗣後士子入場所攜鋪墊器具務遵照定例毫無裏皮無面以便搜查倘有不遵定制仍帶用有裏而無皮坐具者經搜檢王大臣等查出立將所帶坐具扣擲不准攜入內場若查有夾帶另行照例懲辦該士子等務各遵法度毋蹈愆尤欽此

道光元年諭內閣據御史奏近日繙譯考試多有拾冒頂替等弊甄門御史點名時親友跟役擁擠諱不遵約束請派員彈壓等語考試場規理應嚴肅繙譯事同一例何得似此漫無約束嗣後考試八旗繙譯著承辦場務衙門奏請簡派左右翼副都統各一員屆期帶領所屬官兵在點名之處稽查彈壓令士子等魚貫入場如有喧鬧冒混者按例懲辦併著該御史等據實參奏以肅場規而除積弊著為令 聖訓

二年奉 上諭御史邱家焯奏請中禁士子懷挾並查禁坊刻小本書籍售賣一摺鄉會試為掄才大典有志之士束身自愛何至故犯科條據該御史奏稱近有倩人寫成小卷或將坊刻小本書籍攜帶入場甚至有貢院夫役包攬代為帶入者殊屬大干功令嗣後著辦理科場及搜檢各官凡遇考試務遵科場條例認真查辦不得視為具文亦不得任聽搜檢人役有意栽害其坊刻小本講章策略等書著該地方官出示嚴禁以杜弊端至本年鄉試年分邱家焯遵條例奏科場事宜著交部察議欽此科場條例

六年奉 上諭朕恭閱 皇祖高宗純皇帝實錄內載乾隆四十五年九月奉 聖諭鄉試為掄才大典欲拔真才先清弊竇本年順天鄉試經搜檢王大臣奏拏獲懷挾傳遞及頂名代倩不一而足順天科場特派王大臣等於甄門龍門逐次嚴查尙有此等弊竇何況外省稽察搜查斷不能如京師之嚴密乃歷年批閱各該撫奏摺均以三場無弊一奏鑿實實因模稜市譽不肯認真任怨耳嗣後各省巡撫凡遇大比之期必須實力稽查如有弊端即當嚴加究治等因欽此仰見 皇祖遴拔真才諄諄訓誡至意科場條禁首嚴懷挾誠以始進不正則士習不端弊竇不清則真才不出於掄才大有關係鄉會試搜檢王大臣及各省督撫自宜認真整剔以期拔取人才乃近年各省學政尙有查出挾帶生童交提調懲辦者至鄉會試屆期搜檢王大臣並不認真

率以三場無弊一奏了事視成具文不肯士子竟有抄錄程文僥倖中式者掄才大典與其黜革於後孰若別弊於先嗣後鄉會試搜檢王大臣及各直省監臨等務須破除情面嚴剔弊端認真辦理查照定例不許夾帶片紙隻字一經搜出立予斥革照例懲辦庶足以杜倖進而裨文治將此通諭知之欽此科場條例

十二年諭內閣鄉會試爲掄才大典必須整肅場規嚴防弊竇方足以端士習而拔真才上年給事中劉光三陳奏科場士子恃眾玩法亟宜嚴加整頓當令大學士軍機大臣會同禮部議覆該給事中所陳十條尙屬周密本年會試屆期立法伊始除知貢舉遵照前降諭旨先期出示嚴切曉諭外恐不肯士子尙未免恃符藐法作奸犯科用再剴切誥誡各省士子務各滌慮洗心恪遵功令點名時魚貫而入毋得仍前混行擁擠如有違誤靜候補點其不遵約束肆行喧鬧者著彈壓總兵筆究已接籤者不許復出轍門已領卷者不准復出號舍如有懷挾立即懲辦誤帶書雖免治罪仍不准其入場其八旗士子令彈壓副都統親身巡查不准越號並著實成搜檢王大臣稽查接談換卷彈壓副都統兩翼在城總兵會試知貢舉遵照妥辦如不實力奉行著監試御史據實指名參奏本年鄉試卽照此次會試一律辦理朕開科取士以備國家任使此日之舉子卽異日之考官豈容魚目混珠倖邀錄取一經查出弊竇卽按律嚴懲朕言出法隨斷不輕貸毋謂訓誡之不早也將此

通諭知之 是訓

又諭內閣本日據搜檢王大臣仁壽等奏頭場搜出誤帶四書之直隸生員沈景顏李瑞符戈鏡蟾周福遐賈康吉山東貢生賀澄元廣西監生秦紹謙安徽貢生程受易等八名照例逐出又搜出攜帶詩文之直隸生員吳思同朱孔彰郭先春石俊菴李曾煥生許向辰山東貢生王之城等七名當卽斥革枷號示衆辦理尙屬

認真近來士習日壞前據科道等條奏防弊之法經朕降旨准行並諄諄誥諭幾於三令五申該士子宜如何
滿肅洗心奉公守法乃本科鄉試仍有吳思同等攜帶詩文之事該士子以身試法行險徼倖習為故常情不
知恥若令其倖得科名通籍後貴緣鑽刺更何事不可為尙望其爲朝廷出力即從前歷科派出搜檢王大臣
繼以毫無弊竇一奏塞責可見沽名釣譽全不實心任事此次搜檢尙屬認真所以鬼蜮伎倆紛紛敗露而苟
且混入者仍所難免三年大比爲士子進身之始卽倖而獲選清夜捫心自問豈不可恥本科二三場仍甚嚴
行搜檢如查有懷挾情弊卽一律懲辦嗣後該士子等務須恪遵功令敦品勵行勉爲真才實學毋再存倖獲
之心求榮反辱其搜檢王大臣及都察院堂官派出科道等總當認真辦理不可日久生懈視爲具文將此通
諭知之 聖訓

又 諭內閣朱士彥等奏二場查出亂號之順天生員陳元暉未經領卷先混入場之直隸生員徐最亭均卽
逐出辦理尙屬認真向來派出稽察接談換卷有無情弊從未查出具奏可見沽名釣譽討好士子全不以別
弊弊端爲事本年經朕降旨諄諄誥諭此次稽察卽有混亂場規之生員二名而苟且混入者仍所難免嗣後
該士子等務須恪遵功令毋以身試法求榮反辱其派出之大臣等總當認真辦理不可視爲具文日久生懈

聖訓

十五年諭內閣鄉會試爲搶才大典士子讀書當知自愛其有因人數衆多徼倖亂號以身試法者雖設有號
單底簿互相覈對誠恐稽查未清轉不無遺漏舛錯其亂號士子或託人代填或捏寫謊名卽欲杜絕弊端無
從查對專屬有名無實自無容稍存濫就茲據禮部將查號之法遵有疑議具奏於認真辦理之中立法仍歸

簡易嗣後著仍照定例辦理其士子進號既經看柵官役認明卷面字號相符如號數已滿即將號柵鎖閉封門後監臨監試等仍分段入號親查如監臨查號不力責成監試監試查號不力責成監臨互相指參毋許稍有徇庇姑容致滋弊混其八旗號會即著彈壓副都統親身巡查以專責成士子如有亂號卽行扶出設爲時已晚未便開門卽將試卷扣除並將該士子交至公堂派員看守俟放牌時扶出其有挺身肆鬧者照例治罪

聖訓

十七年諭內閣向來鄉會試大典場內有監臨知貢舉稽查甄門貢院門特派王大臣專司搜檢立法本極周備近來視爲具文漸行疏懈以致士子紛紛懷挾毫無顧忌此次於士子懷挾雖難保無遺漏幸免而每場均能搜出辦理認真尙屬可靠嗣後凡遇考試務當認真搜檢力除積弊勉副朕拔取真才至意儻意存姑息仍涉因循別經參劾必將派出之搜檢王大臣從重懲處其三場搜出之江蘇監生慕承勳攜帶書策並非無心誤帶著照例辦理

聖訓

十七年諭內閣前據御史朱清條陳科場弊竇各款當交禮部議奏茲據該部查明鄉會試試卷戳印後並無專員管理著照所議嗣後均准添派至公堂委官二員專司看守以杜書吏偷改描摹之弊所有該御史所請鄉試增添外收掌一員管理收發試卷之處著毋庸議至會試外收掌事務向由提調兼辦並著照鄉試之例設外收掌一員以專責成其受卷彌封兩所人役承辦事件完竣時由知貢舉監臨隨時查明飭令隨同外籛官一併出廳毋許逗留滋弊至三場事竣酌留委官書吏人等概不准告假出闈其業經出闈者亦不准藉端復入自此次明定章程之後會試責成知貢舉鄉試責成監臨並監試各御史認真考察如委官書吏等仍蹈

前轍別滋事端即行分別參處竊母和寬縱儻意存隱飾別經發覺定將該知貢舉監臨御史等嚴加懲處決不寬貸 聖訓

二十一年諭內閣國家設科取士原以儲蓄人材用備他日棟梁之選該士子等宜何如謹飭自愛勉副甄陶勿存倖進之心常切懷刑之懼乃近來士習未隨往往懷挾入場冀圖鈔襲本科會試經王大臣等搜出十餘名之多已照例懲辦矣因思士習首重立品文藝次之若於進身之始已存苟且僥倖之心微論事敗罹法身壞名裂即使漏網幸得科第厚顏登仕有玷科名植本已虧尙何論其異日居官行政耶每科搜檢王大臣經朕簡派並非虛應故事實欲釐剔弊端如果認真搜查毋任懷挾混入固可轉移風氣且懲一儆百肅中保全尤多此次搜檢王大臣等辦事認真可嘉之至嗣後王大臣等遇有試場簡派搜檢差使仍當嚴密搜查毋稍疏懈儻有玩法士子即時懲辦以挽頹風該士子等有鑒前車自應倍加兢惕恪守場規勿辜訓勉之詞用副作人之化儻仍蹈故轍怙過不悛朕惟執法懲辦難邀寬典也懍之將此通諭知之 聖訓

同治五年諭內閣御史盧士杰奏各省鄉試請飭部先期頒發條例暨續增事宜一摺鄉試爲國家掄才大典理宜整肅場規力祛弊竇禮部科場條例本極詳備久經頒發各省一體遵辦乃日久視爲具文弊端百出承辦鄉試書吏往往於彌封等所互相串賄通消息若不申明條例嚴加防範流弊伊于胡底嗣後每遇鄉試年分著禮部將科場條例及續增事宜先期頒發各省該提調監試房考各官務當恪守成規力杜關節以副朝廷拔擢真才至意 聖訓

十一年諭內閣御史袁承業奏考試弊竇多端請旨嚴禁一摺考試爲掄才大典功令森嚴豈容潛滋弊竇若

如該御史所奏近年考試教習謄錄各項大半冒名代借鄉會兩關並嚴廷考試各種弊端亦未盡絕實屬不成事體嗣後中外大小臣工凡與衡文之任者務各精白乃心嚴絕干謁其外籛各官亦應認真稽覈力杜諸弊庶奔競者倖獲無由而真才不至掩蔽經此次訓誡之後儻仍敢玩法營私或被人參劾或別經發覺朝廷惟有執法嚴懲決不寬貸毋謂言之不豫也 聖訓

右整肅場規

順治二年定題目字句不得錯落真稿篇數不得短少謄真不得用行草書塗抹不得過百餘字卷頁不得越幅曳白及油墨汚染三場五策題應寫第一問第二問第三問第四問第五問不得誤寫各題違者貼出會典事例

又定頭場破題用也焉矣承題用夫蓋甚矣乎歟起講用意謂若曰以爲今夫小結用蓋大結用抑大抵嗟夫等字七篇相同又二場表失書年號及賀表進表謝表錯誤之類犯者貼出會典事例

康熙二十年議准前場文字限六百五十字若將逾額之卷謄錄取中照應貼不貼例處分會典事例
二十六年復准凡科場試卷油汚墨染字畫猶可辨識卷頁稍有破損及題目字樣策內一定字樣點畫遺失撞頭小差草稿錯落等項原無關於弊賢應免其貼出仍行贈送科場條例

雍正二年議准五經應試者先另納長卷卷面填定五經字樣以杜絕場中冀倖湊助等弊又從前五經應試者其經文先寫所習本經文在前闈卷者易於揣度嗣後不論所習何經應依題紙經題次第挨寫又四書三淺草稿不准闈其餘經文章稿聽其力之所能不拘幾篇或卽全闈亦免貼出至於二場加詔誥各一道之處

仍照舊例會典事例

三年諭朕臨御以來屢降諭旨凡與御名聲音相同字樣不必迴避近見各省地名以音同而改易者頗多朕爲天下主而四海臣民竭誠盡敬如此況孔子道高千古自天子以至於庶人皆受師資之益而直省郡邑之名如首丘章丘之類今古相沿未改朕心深爲不安自今凡直省地名有同聖諱者或改讀某音或另易他字其於當用之際作何迴避著九卿會議具奏欽此遵 旨議定 至聖諱除祭 天於闕丘丘字不用迴避外若各府州縣地名有字相同者交內閣選擇字樣進呈 欽定其山川市鎮等處命名交該地方督撫更易字樣報部其姓氏相同者接通考云太公望之後食采於謝邱爲得姓之始今擬將邱姓加卩旁會典事例

十三年奉 上諭據大學士鄂爾泰等奏請迴避朕之御名上一字擬書宏字下一字擬書歷字朕思尊君親上乃臣子分詒當然但須務其大者以將恭敬至于避名之典雖歷代相沿而實乃文字末節無關於大義也中外臣工如身膺文職者當思宣猷布化裨益于國計民生官居武職者當思効力抒忠奏績于疆場牧圉士子讀書勵行黎民守法奉公方爲克盡愛戴尊崇之實若但於御名謹避將字畫更改並失其字之本義揆之古人一名不偏諱之禮既不相符且區區拘泥之見亦不足以昭忱悃甚無取焉所請改寫宏字歷字不必行嗣後凡遇朕御名之處不必諱若臣工名字有同而心不自安者上一字少寫一點下一字將中間禾字書爲木字卽可以存迴避之意矣該部可傳諭中外一體遵行欽此科場條例

乾隆元年覆准試卷內有錯誤太甚者仍行貼出不謄其餘點畫少誤遵照科場定例免其貼出仍行謄送會典事例

九年議准題目字句錯落應貼者必錯而已改落而又添方可免貼若題目錯處未經改正落處未經添註則疎忽太甚應照原例貼出至遺漏全題而於夾縫添註則較錯落題字過多者爲更甚均應貼出會典事例

二十五年議覆侍郎錢汝誠條奏字面違式有干例禁者宜預行頒示俾多士知所程式所有各條謹擬於後

聖祖仁皇帝聖諱上一字寫元字下一字寫煜字 世宗憲皇帝聖諱上一字寫允字下一字寫正字謹按

現行例 聖祖仁皇帝聖諱下一字寫煜字 世宗憲皇帝聖諱下一字寫禎字詳本卷嘉慶八年議准案內

至聖先師諱偏旁加卩字如作丩字者仍以違禁論如用 圖丘字者仍不加卩旁科場條例

又議准嗣後舉子卷內除直書 廟諱 御名 先師孔子諱及失格違禁後場違式真草不全五策誤寫各

題者仍照不諳禁例罰停會試三科論策內如擡頭不合應照文內疵謬例罰停會試一科試帖有應避字

樣未經迴避者應照不諳禁例議處其有擡頭不合者亦應照行文疵謬例議處有 御篆字樣應三擡未

經擡寫者一併改爲罰停一科會典事例

又覆准嗣後試卷內有不避 廟諱 御名 至聖諱及失格違禁應照不諳禁例議處者此等所犯較重卽

非應中之卷雖經抹出仍將主考同考官一體議處會典事例

二十七年議准大學士劉統勳奏試卷添註塗改嗣後核算字數除添註及塗而不改者計數易了毋庸置議

其塗甲改乙者不重算其塗少改多者以所改之字計算塗多改少者以所塗之字計算每卷總計添註塗改

不得過一百字令士子於每場文字之末按現行例每篇末填寫塗改幾字添註幾字每場試卷末填寫通共

添註塗改若干字自寫添註塗改共若干字字樣并用官文書體式如一二等字俱書壹貳之類以防增減如

所註已越一百字及遺漏自註者受卷所官對明貼出如字數在一百字內而登註小有不符查無弊贗應免貼出科場條例

二十八年議准鄉會試應行敬避字樣科場久有定例惟坊本經書尙全刻本字自應倣唐石經宋監本之例敬避重刊今恭擬 聖祖仁皇帝聖諱上一字如有弓金等字偏旁者並缺一點 世宗憲皇帝聖諱無加偏旁之字無庸另爲校正 御名上一字如有水系等字偏旁者並行缺筆所有經書悉依此更正至科場文字及一切文移書奏凡遇應用 御名上一字者俱寫宏字應用 御名下一字者俱寫厯字庶爲臣子敬謹之道會典事例

三十年議准嗣後貢成受卷官嚴加核算凡有添改過一百字者卽照例貼出如筆跡不對卽行查究若受卷官自混接受察出查參科場條例

三十三年議准舉子應試之卷理宜作字端謹未便如行草書札負從省便應通行各省嗣後試卷內如有率用省筆及行文重字作兩點騰寫者雖非題字亦應將舉子議處會典事例

又議准鄉會試墨卷內有挖補者卽行貼出會典事例

又奏准各生於二場試卷謄真後默寫頭場或首藝次藝或小講或起比或中後半篇或試帖一首聽考官隨時酌令默寫會典事例

四十二年諭昨檢閱內廷舊存摺奏內有康熙五十六年詹事王奕清密奏請於考官入闈後卽諭謄錄官凡七藝中破承開講等虛字概不謄寫以防關節等語王奕清所奏自屬防弊之一法但將破承開講等虛字概

不應寫於文理既不明順且篇幅不完體制尤多未協朕思與其暗防弊竇不若明示章程況近今鄉會頭場改爲書藝三篇尤易防範嗣後令順天及各省主考官於刊發題目時卽酌定三篇內承題起講應用虛字明白開列另行刊印一紙分給舉子如此科首篇承題用夫字次篇用蓋字三篇用甚矣起講首篇用今夫次篇用且夫三篇用嘗思之類下科卽將此等承講虛字錯綜更換總聽主考官臨期酌定俾衆共聞知通場一體遵用違者貼出如此於不齊之中寓以齊則雖欲暗藏關節應無所施其伎倆而定以主考官臨期酌定不出之房官之手則士子無從摹擬不致別生弊竇於防範更爲周密至會試亦著照此例行將此旨通諭中外並刊入科場條例會典事例

四十五年覆准場中應貼各卷不論頭二三場均各按照定例貼出貢院門外毋得因三場試事已畢僅以暗貼扣除致滋弊混科場條例

五十二年奏准闈中閱卷最重頭場制藝如一篇內私易數字庸劣之文便可改觀應請於四書文每篇尾及試帖詩末句下旁寫塗改數字添註幾字闈中頒刻式樣照依開寫備有以少報多至十字以上豫爲私改地步及遺漏違式者概行貼出併責成外籛各所官員詳晰查覈如受卷所應貼不貼經騰錄對讀兩所貼出將受卷官參處其騰錄對讀有私改文字等弊該管官未經查出混送內籛中式經磨勘官簽出者卽將騰錄對讀兩所官議處並將本生嚴行查辦至二三場每篇仍一體開寫添註塗改字數會典事例

五十三年諭據伊齡阿等奏去年新定科場條例內有填寫添註塗改字數一條此次查收頭場試卷填寫多不合式應貼者幾及過半等語科場條例填寫添註塗改字數原以防騰錄對讀代改文字之弊上年經大學

士九卿等議定後卽已頒行直省今歲鄉試屆期該監臨等又復豫行曉諭各士子自無不周知入場時理應恪遵新例照式填寫乃錯誤者紛紛幾及過半本應概予貼出姑念定例之初或遠鄉僻壤士子未能遍行知悉又或因風簷寸晷精神恍惚以致錯誤此等寒賤祇以未諳新例尙無大弊且應貼之卷未免過多此次除別項違式試卷仍照例貼出外所有添註塗改填寫錯誤之卷著加恩免其貼出仍准發牒此係朕軫念士子格外從寬若明春會試及下屆鄉場則此例頒行已久儻仍有似此錯誤者必當按例概行貼出不能再爲寬免也將此通諭知之會典事例

五十四年奏准士子於每場試卷未填寫通共添註塗改若干字令受卷官於收卷時登註簿册以便稽察科場條例

五十五年奏准填寫添註塗改散總字數向無一定程式今酌擬款式進呈發下刊刻通行鄉會試一體遵照一詩文策論每篇末填寫添註幾字塗改幾字有添註無塗改者則寫添註幾字塗改無無添註有塗改者則寫添註無塗改幾字添註塗改俱無者則寫添註塗改無一填寫添註塗改字數緊接詩文策論各結句用小字單行傍寫不得另行寫亦不得作雙行仍一字一格不得跨格擠寫如有本行餘格不敷准於另行接寫或結句已抵末格者亦於另行傍寫其接寫之處文論後仍頂格詩策後仍低二格一添註塗改字數除每篇末註明外並應加寫總數頭場於詩後二場於默寫頭場後三場於第五策後另一行用大字居中寫通共添註塗改若干字詩策後仍低二格寫文後仍頂格寫一覈計字數除添註之字易計外其塗改之字有塗去一字改寫一字者止算一字若塗去一字並無改寫者亦算一字至有塗去一字改寫二字者以二字計算塗去二

字改寫一字者亦以二字計算其餘字數加多者準此覈計一填寫數目務寫壹貳叁肆伍陸柒捌玖拾等字樣不得作一二等字違者貼出一添註塗改過一百字者貼出一填寫字數如有以多報少以少報多不符在十字外者貼出一添註塗改式有添註有塗改書添註幾字塗改幾字有添註無塗改書添註幾字塗改無無添註有塗改書添註無塗改幾字無添註無塗改書添註無塗改無以上四項接結句用小字旁寫一添註塗改總數式通共添註塗改若干字全卷添註塗改俱有者照此通共添註若干字塗改無全卷有添註無塗改者照此通共塗改若干字添註無全卷有塗改無添註者照此以上總數另一行用大字居中寫詩策後低二格文後頂格會典事例

嘉慶四年諭鄉會試頭場文字承題小講限用夫蓋甚矣及今夫且夫嘗思等字亦皆起自近年其實此等虛字卽不限用亦屬無關弊竇真正關節原不在此此例併著停止會典事例

又諭現在會試屆期士子文藝詩策內於朕名自應敬避如遇上一字著將頁字偏旁缺寫一撇一點書作順字下一字將右旁第二火字改寫又字書作珍字其單用馬字頁字炎字俱毋庸缺筆至乾隆六十年以前所刊書籍凡遇朕名字樣不必更改自嘉慶元年以後所刊書籍均著照此缺筆改寫欽此科場條例

又奏准宋代官韻於當時廟諱御名同音者皆不收載有禮部韻略可考又各韻部首之字有當避者則改標一字爲部首有重修廣韻改二十一殷爲二十一欣可考現在考試所用官韻係屬舊刻於廟諱尙未盡避而上聲第二十八部之首又直同御名下一字應於本韻內請旨另定一字爲部首交武英殿重刻頒行以符體制奉旨詩韻內上聲第二十八部已改儉字爲部首業於春間經武英殿奏明刊刻通行矣會典

八年具奏現在科場條例內開 聖祖仁皇帝聖諱下一字用燬字恭代係屬本字之古體未足以示敬查從前纂修四庫全書會奉 高宗純皇帝諭旨凡撰書人名同此字者有字號則書其字號無字號則以燬字恭代故現刊四庫全書總目後漢書題范蔚宗撰吳越春秋則題趙煜撰 世宗憲皇帝聖諱下一字舊例以正字恭代亦奉 高宗純皇帝諭旨以禎字恭代故原任刑部尚書王士禎之著作皆遵 旨改為科場條例應照四庫全書一律更正奉 旨 列聖廟諱恭避字樣久載科場條例今禮部請照四庫全書改定通行其應如何恭避以昭畫一之處著滿漢大學士六部尚書會同詳議具奏欽此遵 旨議定字體有古今之分雖筆畫稍殊究屬一字又恭代之字須與本字相近於選用之中仍不失本文意義方為明備今條例內開 聖祖仁皇帝聖諱下一字恭代之字係屬本字古體 世宗憲皇帝聖諱下一字恭代之字與本字體制迥殊音義亦別是以從前纂修四庫全書時 高宗純皇帝諭令館臣於 聖祖仁皇帝聖諱下一字以煜字恭代 世宗憲皇帝聖諱下一字以禎字恭代 聖慮周詳至精至當自應敬謹遵照以昭畫一並通行內外大小各衙門一切官私文字一體遵照書寫各直省學政及監臨明白出示俾士子敬謹避寫其有仍用舊文者即以違式論會典事例

又奉准向例二場默寫頭場詩文互異十數字者俱免議查二場摘寫頭場字數無多若錯至十數字恐有情弊嗣後默寫頭場惟互異在十字以內者方准免議會典事例

右繕卷條規

皇朝政典類纂卷一百九十五終

皇朝政典類纂卷一百九十五終

皇朝政典類纂卷一百九十六

選舉六

文科設立官卷 開報選遊

康熙三十九年奉 諭旨考取舉人進士特爲得人耳若或行賄賈緣而得之則出身之本源不清而欲冀他日之爲忠臣良吏得乎今朕意欲凡係大臣子弟另編字號令其於此中較閱自必選擇其文之優秀大臣子弟既得選中又不致妨孤寒之路經九卿議覆嗣後直隸各省鄉試在京三品以上及大小京堂翰林科道吏禮二部司官在外督撫提鎮及藩臬等官子弟俱編入官字號另入號房考試各照定額每十卷民卷中取九卷官卷中取一卷不必分經其副榜亦照此算取若各省鄉試官員子弟或止數人者不必另編官字號雲南四川貴州廣西四省在監鄉試亦編入南監內俱一體分別編官字號照額取中會試滿合字號南北字號亦編官字號每二十卷取一卷雲南等四省中額仍照現例行不另編官字號各項監生有願在監入場者俱由國子監錄取責令祭酒等力行考課之法考課不缺者准其入場照例分別南北官民卷其願在本地鄉試者與生監一體分別官民卷取中從之旋停止會試官卷雍正元年覆准官卷內佳文不敷中額以民卷佳者補之七年議准有本係官卷而已經出繼者不准編入官號通考

四十年覆准丁憂候補告病告老休致各官及降級官員仍在應編官號之列者其子弟自應編入官字號

會典事例

五十一年覆准陝西甘肅寧夏文武官員子弟不必編入丁聿字號彙入通省文武官員子弟內同編官卷應

文職中會典事例

又議准會試官卷停止會典事例

雍正元年覆准官卷少之省分但擇其文理清通者取中若文理荒疎者多不能足額則靈缺毋濫以缺卷與佳卷補足中會典事例

七年覆准官員子弟應試有本係嫡子孫及同胞兄弟並同胞兄弟之子若已經出繼者俱不列編列官號科場條例

十三年諭禮部向因貴州等省官生應試者少是以未有取中官卷之例今貴州居官者漸多人才亦漸好且又添撥遵義一府亦應設立官卷其應取幾名之處著該部定議具奏雍正內閣 上諭

遵 旨議定貴州鄉試其應入官卷書別編官字號將每十卷內民卷九卷官卷一卷之例取中其副榜亦照例計取如官卷內佳文不敷中額考官憑文酌取其不足之額仍將民卷補足會典事例

又覆准宣化府屬別編巨字號向未分別官民字樣應將官屬巨字號官卷併入直隸員字官號內取中又天津府屬之商鹽籍生員原編鹵字號其中或有官卷亦應照宣化府例將鹵字號官卷併入直隸員字官卷內取中會典事例

乾隆元年議准滿洲官卷於舊額之外酌增三名會典事例

六年議准廣西著一例設立官卷照定額計算會典事例

十五年奉 旨禮部議覆永興條奏官生過優一本請仍照舊例遵行甚屬偏私各省官生文術倖中者不堪

屈指數何區宗之子同中一科卽其驗也永興奏到朕交部議時卽已知該部必將指駁今果不出所料雖該部議令此後務遵定例官卷數少省分必文理清通方准取中否則甯缺毋濫等語不知從前何嘗無此例而各省試官狼狽相顧何嘗實力遵照況如各部司官同一辦事何獨吏禮二部得編官卷此例實不公當該部自應準理持正立議乃先懷私意轉云非以示優蓋以除弊此其巧於迴護尤屬紕繆該部堂官著交部查議此本發還另議欽此遵 旨議准嗣後吏禮二部員外郎主事固與各部相同卽郎中亦與各部無異其應試子弟應如戶兵刑工四部司員子弟均毋庸編列官字號並乾隆九年奏准內閣侍讀照吏禮二部司官之例將伊子弟編入官卷之處亦行停止科場條例

十六年議准京官文四品外官文三品武官二品以上及翰詹科道各官其子孫同胞兄弟同胞兄弟之子鄉試者得編官字號餘並不得混冒至官卷中額照舊額減定順天鄉試滿字號中六名合字號一名員字號四名南皿二名北皿一名各省鄉試江蘇四名安徽二名浙江六名江西五名福建四名山東河南山西各三名湖南湖北陝西四川廣東雲南各二名廣西貴州各一名必應試足十卷者別編官字號不及數者入民卷如舊文甚少不足中額者以民卷補中會典事例

十六年議准八旗武職應自副都統以上方立官卷其參領及世職二品等官均不應列官卷科場條例
十七年覆准商籍易滋頂冒嗣後本官由民籍中式者其子孫應於民籍內編入官卷不得復冒商籍若本官原由商籍中式者其子孫應於商籍內編入官卷亦不得復於本籍重編官號其同胞兄弟之子與本官同籍者照例編爲官卷若與本官民商異籍不得借名改歸以圖僥倖會典事例

二十三年諭前據莊存與條奏各省鄉試官卷應酌減中額一摺隨經蔣溥奏請將官卷裁去一併歸入民卷均交大學士九卿議奏朕昨敬閱 聖祖仁皇帝實錄內載 上諭令大臣子弟另編字號考試取中既以肅清弊端又不致有妨孤寒進取恭覽之下仰見 皇祖慎重科名嘉惠士子立法之意本爲防弊而彼時諸臣奉行者不無偏袒子姓親族之見含糊具奏分定中額未免過多遂使以憐恤寒賸之意轉成優倖摺紳之路揆之情理實未允協此議減議裁者所由來也朕思中額貴有限制而立法務在均平嗣後各省鄉試官卷於現在定額中斟酌公當大省每二十名取中一名中省每十五名取中一名邊省官卷本屬無多不妨稍寬其額每十名取中一名如此辦理則官卷既免濫取之弊亦不致有妨孤寒不必去官卷之名而於制科取士兼收並採之道庶爲平允其如何酌量妥辦無致偏枯並著大學士九卿詳議具奏欽此遵 旨議定鄉試官卷中額直隸江南江西福建浙江湖廣六大省均以入場官生每二十名取中一名山東山西河南陝西四川廣東六中省以十五名取中一名廣西雲南貴州三小省以十名取中一名順天鄉試滿洲蒙古漢軍官卷照小省以十名取中一名南北貢監生官卷照中省以十五名取中一名其各官卷或有不足二十名十五名十名定數者仍遵從前不及十卷不編官號之例無庸別編官卷以杜濫取或大省官生數至三十一名以上中省至二十三名以上小省至十六名以上計其零數已逾定數之半應照順天鄉試另編單號之例零數過半者准其計算亦各取中一名其多不及半者不准計算再官卷名數總以現在定額爲限不得於額外取中如官卷不敷照例以民卷補足會典事例

一十七年禮部准奉天夾字號應編官卷字號官卷之例歸入直隸貝字號官卷取中會典事例

五十一年議准上駟院卿與通政使等官品級無異其子孫等應行編入官卷會典事例

又議准查向來官員並無曾孫應試者是以例無明文但編列官卷防佔民卷中額原以杜弊曾孫係一服屬親非與子孫情有分別嗣後例應設有官卷各員如遇有曾孫應試者照例一體編入官卷內以防侵佔民卷之弊科場條例

五十二年覆准定例大臣官員本係民籍其子弟不得於商籍編為官卷原指隔省充商者而言所以杜規避跨考之弊若浙江商籍入學後附入杭州府仁錢三學與民籍無異其民商籍既無分別而商籍並不別編鹵字號原與各省情形不同且官卷例不分民商籍實惟本官係他省籍買其子弟不得於行商省分編入官卷若本官實係本省其子弟不分民商俱編官卷所有商籍生員內實係本籍而以商籍入學者即可由商籍編為官卷毋庸改歸民籍會典事例

五十四年覆准定例文官藩臬以上其子孫俱編為官卷若止係署任或賞給職銜究與實授者有間未便列入官卷會典事例

五十七年覆准定例京堂以上及翰詹科道等官其子孫同胞兄弟同胞兄弟之子俱准編入官卷惟已經出繼者不准編入至本官出繼其本生同胞兄弟及同胞兄弟之子應否編入官卷例無明文今即以出繼之例推之本生出繼既不准編入則本官出繼自應比照辦理不准編入官卷會典事例

嘉慶五年覆准內務府大臣之親子姪武備院卿之親子姪均應編入官卷會典事例
六年覆准那彥柱現襲一等誠謀英勇公其胞弟應編入官卷會典事例

十八年奏准據國子監咨稱錄科送試例分官民造冊內閣侍讀學士一項是否照四五品京堂編列官卷等因到部查內閣學士之子孫向係照例編入官卷內閣侍讀之子孫於乾隆十五年停止編入官卷惟侍讀學士一項例內並無明文查嘉慶九年奉 上諭內閣侍讀學士係從四品官階定例缺出時以通政使參議光祿寺少卿鴻臚寺少卿及科道各部郎中分班輪用祇因京察年分應歸大學士考覈不得與各衙門卿員同邀引見是以與京堂稍有區別該員於簡放謝恩亦由大學士據情代奏不准自遞奏摺雖係向例如此但思通政司參議光祿寺少卿鴻臚寺少卿其階級係在內閣侍讀學士之下均列為京堂自行具摺謝恩京察時帶領引見何以內閣侍讀學士轉不獲遞摺謝恩其體制介在堂司之間殊屬未協嗣後內閣侍讀學士員缺著照翰林院讀講學士之例遇京察之年同各京堂一體引見其簡放時俱著各該員自行具摺謝恩欽此所有內閣侍讀學士既與各卿員無異其子孫自應照京堂之例編入官卷科場條例

右設立官卷

順治十五年恩准凡鄉會試考官同考官監臨知貢舉監試提調之子及宗族應試者除實係同宗照例迴避外其餘同姓無干之人及先曾同譜今遵 上諭禁革連宗絕往來者應憑文去取不准仍引宗誼避嫌會典事例

雍正元年 續此番鄉試落卷著大學士王瑣齡尙書勵廷儀署吏部侍郎內閣學士史貽直戶部侍郎張伯行李周望兵部侍郎阿克敦副都御史李紱同南書房翰林檢閱如人不足於翰林院編檢內揀選十員再此番係雍正元年特恩加科有因迴避考官不曾應試者殊屬可憫卽令派出大臣擬題奏請俟朕點出於內閣

又奏定迴避子弟於 午門內試以四書文二題經文一題表策各一題限一晝夜完卷會典事例

又 諭入闈各官爲國家宣力但子弟反不得應試殊屬可憫考試迴避諸生其承書爲例會典事例

二年諭禮部鄉會試爲掄才大典內外籙官子弟理應迴避但跋涉數千里志切觀光既至京師不得與試深爲可憫朕於上科特降諭旨另行考拔然此只可暫行不便著爲定例今科凡官員入闈者其子弟著一體應試將試卷另封進呈朕派大臣校閱遴選雍正內閣 上諭

又 諭今歲應迴避子弟殊卷朕已另派官員公同詳閱進呈今朕閱定中式四名爾等可將場內所取之卷一同比較酌定名次前後填入榜內再有四卷爾等可與場內文字比較應取中者取中不應取中者不必取中此四卷係已經選出者爾等不必避嫌會典事例

乾隆元年議准會試與順天鄉試內籙主考官除同姓無服者與郎舅中表等戚不必迴避外其有服之同姓與翁媯甥舅皆令迴避不行開出者革職 奉 特旨考試迴避卷自雍正二年暫行之後不著爲例至是禮部奏請今科會試其內外籙執事官員子弟應否准令一體考試將試卷另封進 呈得 旨內外籙官子弟應行迴避者著另行考試乾隆元年會試及鄉試恩科准於常額之外寬餘取中以示鼓勵其作何另行考試出榜之處著禮部速行妥議具奏尋議迴避子弟應請仍於闈中一體考試另編坐號歸於一處以便稽亦共試題會試由禮部堂官鄉試由順天府尹先期奏請 欽命四書三題於初八日密封轉交場內刊刻給散經題及二三場仍用闈中之題一體考試至糊封之後另編字號滿洲蒙古漢軍卷面上俱列旗字其餘

各省分照鄉試之例於卷面上分別南北字樣禮部委派大臣校閱所取試卷恭候 欽定於出榜之前發出
會試由禮部堂官鄉試由順天府府尹捧入場內轉交內簾主考官酌量名次敘入榜內通考

三年議覆刑部郎中柴鶴山條奏一族之人雖服制減盡親誼尙存若五服以外概不迴避或考官閱文將本
族取中未免有涉嫌疑致滋物議似非慎重科場之意嗣後內簾官之無服本族照舊迴避其雖係同姓並非
本族者不得開入迴避項下以致混淆科場條例

六年敕順天鄉試同考官南省人迴避南皿卷北省人迴避北皿卷邊省人迴避中皿卷滿洲漢軍概令迴避
滿字合字卷以清弊竇以息浮議通典

九年諭向來主考同考官之子弟俱令迴避不准入場雍正年間蒙 皇考准其一體應試亦未著爲定例是
以每科該衙門以應否考試請旨看來各科迴避官生多寡不一若遇人少之年則入數甚易於科場條例亦
不畫一目以照例迴避爲是嗣後不必一體考試 講案此後順天鄉試迴避卷俱停考試 會典事例

又議奏迴避官生不准入場原屬歷科成例自雍正元年以後仰荷 世宗憲皇帝特旨考試迴避諸生近科
復蒙 聖恩仍准一體應試並非著爲定例本年所奉 諭旨甚明嗣後無論鄉會試自宜一體遵行每遇
應點考官禮部行文各衙門開送職名如子弟志切觀光其父兄不行開送亦聽其便則停止迴避考試實無
阻抑士子上進之階奉 旨會試迴避官生仍准考試會典事例

十七年議覆御史常海條奏內場監試各官雖無衡文之責然身在至公堂凡場內大小事務俱係伊等辦理
且日與士子相接見其子弟若不令迴避安保無代挾傳遞等弊嗣後鄉會試除外場巡綽等官子弟仍照舊

例毋得迴避外其內場監試及提調知貢舉等官子弟俱令一體迴避科場條例

十八年覆准兩翼副都統參領章京係入場督理稽察之員皆與士子相見自應同監試提調等官一體迴避

會典事例

二十一年覆准受卷彌封謄錄對讀各所均有承辦試卷之責職守匪輕若令其子弟姻族入場應試安知無潛相關照之事或禁例當貼而竟不呈堂或字句舛錯而代為改竄甚至代人傳遞諸弊叢生難以悉指又供給所及順天府委員等因公往來不時與士子相見其子弟姻戚均應一體迴避會典事例

二十七年議准順天府尹羅源漢條奏科場迴避之例原以杜請託而絕嫌疑其實係同宗者因應迴避而翁婿甥舅均為有服姻親是以一體迴避惟妻之兄弟與姊妹之夫不在迴避之例於防微之法誠有未周况近例官員中妻之兄弟及姊妹之夫為上司屬員者皆循例迴避則考試防閑尤宜嚴密嗣後凡遇有姻親郎舅應試者俱令迴避科場條例

四十二年諭科場外籬各官子弟迴避之例節經御史條奏禮部議覆准行其中尙有未甚允協者如監臨知貢舉監試提調總辦場內一切事務其受卷彌封謄錄對讀收掌等官亦各有承辦試卷之責自應令其子弟迴避以杜弊端若兩翼副都統參領章京不過入場彈壓事畢即行出關與考試文字毫無干涉至供給等所並不與士子相見即順天府所委之巡綽等官止於號外巡查不能進號關照又如驛門御史點名後例不入場亦可毋庸防範所有副都統參領章京驛門御史及供給巡綽等官嗣後俱不必迴避即自今年為始著為令會典事例

五十年定江南陝西二省迴避安徽甘肅現任官子弟例御史丁雲錦疏稱江甯司道首府首縣準用安徽籍
貢人員其子弟等即在江甯省城應試情形與各省不同迹涉嫌疑應酌定條例防於未然所有江南省城司
道首府首縣之安徽籍貢人員其子弟宗族姻親概令迴避但須查明鄉試之時現在履任者方照此辦理若
屆期改任別省及業經回籍者不在此例又內外釐官不應調取安徽籍貢人員例無明文應請一併載入科
場條例再陝西省城司道首府首縣亦準用甘肅籍貢人員其子弟等即在西安鄉試亦應照此畫一辦理從
之通考

五十三年議准江蘇安徽鄉試籍員兩省分派其情形與各省迥別雖定例防範綦嚴而嫌疑尤不可不避茲
據安徽布政使陳步瀛奏稱該員籍隸江蘇雖本員並不承辦科場子弟親族例得與試第以本省上司子弟
爲所屬州縣呈薦取中卽毫無情弊未免跡涉嫌疑嗣後籍隸江蘇人員現任安徽司道以上等官其子弟親
族概不准應江南鄉試至安徽知府直隸州中有籍隸江蘇人員遇所屬州縣開送臚員其子弟親族亦一體
迴避俱自行造報監臨提調查覈如有朦混入場者查出嚴行參處等語自爲嚴立防範起見應如所奏辦理
惟是籍隸江蘇現任安徽之府州既定有迴避屬官入臚之例則原籍安徽之現任江蘇府州者應一體迴避
以免兩歧於防範更爲周密再查陝甘鄉試向係合爲一場其現任官員之分隸兩省者亦與江蘇安徽無異
除籍隸甘肅現任陝西司道府州縣等官應承辦科場者業經奏明該員等子弟親屬均不准在西安鄉試
外其甘肅司道如有籍隸陝西之員亦應依照江蘇現任安徽司道等官迴避屬官入臚之例畫一辦理至現
任陝西之知府直隸州等官查內外釐官陝甘所用比之江南爲數減半其情形微有不同然亦不得不嚴爲

防範嗣後現在陝甘知府直隸州內如有籍隸兩省之人卽由監臨巡撫查明毋庸調取該府州所屬之州縣入籍以杜瞻徇則其子弟親族卽可毋庸迴避會典事例

五十七年安徽學政秦潮奏准乾隆五十三年議准江蘇人現任安徽道府直隸州以上者子弟親族概不准應江南鄉試而於奉差人員未經議及臣籍隸江蘇蒙 恩簡膺安徽學政三年中安徽州縣因公接見者甚多秋間辦理遺才又須親至江甯省城錄送事涉嫌疑自應將臣本家應江南鄉試之貢監生員不論親疎遠近遵照地方官之例概令迴避科場條例

六十年禮部准迴避名單僅憑入場各官自行開載向無查覈辦理往往參差不一合再申明定例凡內外籙各官應行迴避姓名先令本人自行開出彙單交知貢舉監臨及監試御史詳加覆覈凡子弟宗族外姻內如外祖父舅甥翁婿嫡姊妹之夫妻之嫡兄弟嫡姑之子舅之子母姨之子女之子概令照例迴避會典事例

嘉慶二年議覆御史繼善奏稱凡遇文鄉會試正副考官知貢舉監臨提調及內外籙監試御史雖毋庸照土子例凡屬本族近親概行迴避而祖孫父子兄弟叔姪非僅同族親誼可比應令一體迴避等語查內外籙重門封固公閉公開無事原不能相見卽進題進卷進供給亦皆監試御史與大小官員內外人役隔門肅立一言一動共見共聞實不能私通密語是以向無互相迴避之例今據該御史奏稱分屬至親恐有瞻顧迴護固屬法不厭詳之意但正副考官俱係欽遵乾隆五十四年 諭旨全行開列若處處行查人人互註迴避殊爲煩瑣查考官非止一員遇有開門原不必全出應請嗣後鄉會試知貢舉監臨如與某考官公屬至親者此一考官卽毋庸與外籙接見已足以杜嫌疑可不必於開列時紛紛互註至內外籙監試並無開卷之責應與至

公堂之監試提調均照向例毋庸迴避科場條例

八年議准鄉會考官有宜增迴避者如姑夫內姪與例應迴避之甥舅不甚懸殊應照乾隆二十七年增入妻兄弟姊妹夫之例將考試官妻之胞姪與胞姑之夫令其一例迴避會典事例

九年奏准凡考試官外姻有服親眷悉行迴避惟例載女婿迴避而孫女婿亦無服制仍在不應迴避之例伏思女與孫女相去不過一間則女婿與孫女婿相去亦不過一間其情誼關切實甚於有服外姻嗣後應令孫女婿與女婿一體迴避科場條例

又諭陳嗣龍奏鄉試科場辦理供給之順天府通判治中每日入場專司供給並照料舉子粥飯管理水火夫役備該員等有本家親戚入場應試難保無滋生弊端請照提調之例一體迴避以昭慎重等語著照所請自本年鄉試爲始均行迴避並著纂入科場條例會典事例

十二年奏准八旗覺羅入場官員迴避向無明文若本旗同族概令迴避則八旗覺羅俱係本族未免格礙難行請將同族有服制者令其迴避其餘姻親悉照入場官員之例辦理又定例宗室鄉會試祖孫父子及同胞叔姪兄弟應行迴避外其餘姻親應否迴避從前未經議及嗣後宗室應試所有切近姻親亦請照入場官員之例一體迴避科場條例

十三年議准嗣後順天文武鄉試凡內外籙監試科道及外籙各所官均照內籙考官之例一體迴避仍令都察院及各該衙門於保送時將籍隸順天直隸人員先行查明扣除以昭畫一會典事例
十五年議准江蘇安徽應行迴避各員應請比照覺羅入場人員之例同族有服制者令其迴避其餘服屬應

同凡論者自可准其考試至外姻各項除翁婿甥舅並兄弟及姊妹之夫業經迴避外外祖父妻之胞姪姑之夫嫡姑之子舅之子內姨之子女之子孫女之夫均照入場官員之例一體迴避其陝西甘肅二省亦照此辦理會典事例

道光元年吏禮二部軍機大臣會議增改科場迴避各條凡子弟及同族除支分派遠散居各省各府籍貫迴避者毋庸迴避外其餘雖分居外省外府在五服以內及服制雖遠聚族一處之各本族並外祖父翁婿甥舅妻之嫡兄弟之妻之姊妹夫妻之胞姪嫡姊妹之夫嫡姑之夫嫡姑之子舅之子母姨之子女之子妻之祖孫女之夫本身兒女姻親概令照例迴避科場條例

七年本部議覆大學士兩江總督蔣攸銛咨江南鄉試迴避成例量爲變通等因一摺查科場條例內載乾隆五十三年議准嗣後籍隸江蘇安徽人員現任兩省司道以上等官者子弟親族概不准應江南鄉試等語誠以兩省合考恐入場簾官有迎合上司情弊故定例不嫌從嚴茲據該督奏請於迴避成例量爲變通等語查巡撫兩司統轄全省學政辦理遺才至省城道府首縣本有經理場務之責如係籍隸兩省者遇鄉試時其子弟自應迴避以杜弊端此外如總河僅轄沿河州縣巡道所屬僅有數府州若概令與巡撫等官一律辦理似乎無所區別伏思簾官入場於所轄上司子弟誠恐有囑託等弊至非其所轄之上司平日本無交涉臨時亦不致瞻徇自應量爲變通應如該督所請嗣後籍隸江安兩省者除巡撫兩司學政省城道府首縣仍照向例辦理外其總河巡道等官遇所屬開送簾員亦應照例迴避如所屬並無入簾之官其子弟親族應准其一體鄉試俾得就近觀光以廣登進仍請責成監臨於派撥簾員時分別嚴查如有朦混入場者照例治罪等因具

奏奉 旨依議欽此科場條例

二十七年諭從前鄉試迴避士子雍正年間曾於內閣另行考試或將試卷另封進呈派員校閱均係出自特恩並未著爲定例迨乾隆年間卽經先後停止嗣因御史陸朝棟率行陳請瞻顧徇私當奉 嚴旨將該御史擊交刑部治罪至嘉慶四年復有御史郭儀長條陳此事經部議准仍奉 特旨駁飭是迴避士子另行考試事屬難行疊奉 聖訓昭垂豈容臣工任意瀆請祝慶蕃見任禮部尙書明知此事早經停止乃因本科迴避士子人數較多獨出己見率行面奏實屬沽名釣譽冒昧瀆陳著交部嚴加議處嗣後鄉會試迴避士子無論人數多少其另行考試之處並著永遠停止東華續錄

右開報迴避

皇朝政典類纂卷一百九十七

選舉七

文科 內編事宜

順治二年定受卷時監臨委官一員坐堂上嚴督受卷官封號入箱委官一員坐門內出必點籤稽察有卷發
籤籤完必繳毋使不完者闕出務使卷數與人數相合會典事例

又定將士子所坐字號分爲兩截如天字一號天字爲一印一號爲一印自天字起至彌字止共七十二字自
第一起至第七十止共七十號編號時先將七十二字之印逐卷輪完後將七十號之印信手探出印於各
字之下每一巡畢將此號印別收不用以防重誤但用筆卽係作弊各省號房數雖不同均仿此會典事例

又題准各省紅號順天直隸生員字號監生皿字號官鎮且字號遼學奉天府學夾字號陝西靈夏丁字號
甘肅聿字號

字號直隸八府延慶保安二州遼東宣府山東山西河南陝西四川廣西編北皿字號江南浙江江西福建湖

廣廣東編南皿字號康熙八年滿洲蒙古編滿字號漢軍編合字號二十六年臺灣編臺字號三十六年涼州

西甯五學編聿左字號甘州肅州五學編聿右字號六十年長蘆商籍編函字號六十一年廣東商籍亦編函

字號雍正元年欽天監天文生不論貢監生員俱編星字號八年陝西榆林神木府谷吳堡靖邊安塞保安七

處納木字號乾隆二年四川甯遠編卍字號四十四年熱河編承字號其南皿北皿中皿省分俱乾隆元年定

嘉慶七年且字改人員字號

又定各省貢監生願就本省鄉試者與生員一體編號不得別分皿字若直隸監生內有應試者通編皿字號
會典事例

二年定外籙關防四所須選精明強幹之員受卷彌封二所關鑰尤重當量才受任一應書役必取士著正身
以防頂替凡卷面必印官役姓名以憑稽考四所總門除送禮外一次外皆實封鎖不得晏聚提調監試輪日
稽察俟騰錄對讀完日方許撤封通考

又定內籙考官閱卷之例主考官房考共坐一堂隨分隨閱隨取隨呈去職權衡專在主考不得但憑房考薦閱
倘有執拗憤爭者即會同監臨提調指參通考

十四年議准關中閱卷停其公閱公薦每官分定硃卷若干即於卷面上刷某房印子如某房有弊即將本房
官處分會典事例

十五年題准墨卷失格違禁應貼不貼者受卷官降一級調用不應貼而貼者如之會典事例

又題准彌封一所硃墨卷而字號皆從此印弊竇最多切宜重加防範號簿封送監臨人役嚴取互結該所官
親自印號勿經人役之手卷到各官分經及生員監生信手掣籤用印不許閒人窺看墨卷號必與硃卷號相
對頭場卷必與二三場相對卷號必與簿號相對監生生員必須分別毋得相濶至於各役彌封時必須專心
閱視無使竊去以致割換見有折角鉞眼等弊登時究治封盈一箱本所官親送堂上仍約騰錄所官眼同交
收不許兩所人役近身私語會典事例

又題准騰錄各役如騰錄潦草抹印字差落些小失誤責令重錄重者枷革若裁去文字挪東移西作姦舞

文以枉法贓律治罪至硃必一色紙必一律並宜申飭如膠錄錯誤對讀生未經對出以致內籙駁出者該所官視卷後本生名字卽發學黜革對讀各生不許干與代書違者革究會典事例

又訂准如硃卷內作字草率遺落成行硃淡無色洗改洗補責在膠錄字訛句落不細心詳對註改責在對讀如有不遵各役各生及各經管官一併參處會典事例

又定膠錄錯落多至數行者將膠錄官罰俸九月儻對讀任其錯落不爲改正者將對讀官罰俸九月會典事例

又定議定向用藍筆各省參差不齊行令各省改用黃筆違者官降一級對讀生黜革治罪其因本所官之命誤用者坐本所官本生死議會典事例

十六年議准場中坐次編號令監試提調公同四所官屏去書吏親行檢點信手編印以絕弊端會典事例

又覆准受卷各役有污損試卷等弊重責枷示其有竊掠撥換迷失等弊卽交送治罪如該所官失察容隱者知貢舉及監試提調官察實會參分別議處會典事例

十六年覆准司試各官分別三場編閱合訂先錄其前諭者若首場工而後場不稱黜不與選首場平通而二三場詞理傳雅斷據詳明者並與收錄科場條例

十七年議准房考官中作弊許主考不時據實糾參或主考通同房考作弊內許監試御史外許該撫按不時糾參科場條例

又覆准關中遇有薦卷應駁者抹出不中緣由明誌批語至於同考閱卷之時同堂公閱不許私相商訂飲食

寢宿各歸房舍不許恣論縱談或主考嚴行申飭如有違立刻扶出具題處備主考官徇庇不舉該撫搜體訪得實一併題參科場條例

康熙五年覆准膳錄官查看膳寫硃卷對讀官校對硃墨卷卷面俱註明某官經營以便稽查會典事例

七年又覆准會試及順天鄉試正副主考同考入闈各歸本房不許私訪聚談至閱卷時同考官各以薦卷紙中間案上御史驗明內無私通小帖方送主考收閱如有情弊卽行糾參如同考內有暗通關節而主考姑容取中聽御史題參若同考不將佳卷呈薦或將荒謬之卷妄薦者主考會同御史覈實題參同考閱卷佳者止用句圈句點不許密圈密點御史驗明送主考詳查照例註批填榜之後卽行封鎖其各房落卷皆令同考官批出不中緣由開榜後禮部順天府出示於十日內令本生領取原卷閱看不許藏匿勒索如同考官妄據佳文本生卽赴部具呈驗實糾參若本生文原不佳妄行控告除黜革外仍交刑部照誣告例從重治罪會典事例

十八年覆准順天鄉試及會試添設內簾監試御史正副主考同考入闈各歸本房不許私訪聚談至閱卷時同考官各以薦卷置中間案上御史驗明內無私通小帖方送主考收閱如有情弊卽行糾參如同考內有暗通關節而正副主考姑容取中聽御史劄刻題參若同考不將佳卷悉行呈薦並將荒謬之卷妄薦者正副主考會同御史查明題參同考閱卷佳者止用句圈句點不許滿篇密圈密點混呈主考御史驗明送正副主考詳查照例註批填榜之後卽行封鎖其各房落卷俱令各同考官批出不中緣由出榜之後令本生領取原卷閱看如同考妄據佳文本生卽赴部具呈查明糾察若本生文原不佳妄行控告除革黜外仍交刑部照

誣告例從重治罪科場條例

又定課士之法頭場爲體後場爲用關中閱卷須立程限計自分卷以至撤棘約可半月以八日完前場以七日完後場信手繙閱過後場博雅通達前場未純粹者亦得兼收會典事例

二十年題准前場文字有逾七百五十字者不准謄送如有謄送倖中者將受卷謄錄所官及主考官同考官照應貼不貼例分別處分舉人照不諳禁例罰停三科會典事例

五十年議准主考官向止閱房考呈薦之卷今既寬限揭曉嗣後主考官應將房考薦卷外餘卷亦加徧閱庶佳卷不致遺落科場條例

五十一年議准嗣後會試不預定額數亦不必編南北官民等字號惟按直隸各省及滿洲蒙古漢軍分編字號印明卷面會典事例

五十六年覆准墨卷面上載受卷官一員職名戳記硃卷面上所官各載專管官一員職名戳記以便磨勘會典事例

雍正元年覆准中式之人如有聯號等弊密實將不行查出之監臨提調監試照容隱例降二級調用外餘各所官照瀾職例革職如通同作弊受賄者交刑部計贓治罪會典事例

又議准主考有搜落卷之責每因房官已經掛抹文字雖佳不肯取中恐磨勘時干礙房官處分今照會試例房官誤抹之佳文主考搜出仍行取中至於房官理應細心詳閱如文內字句隱僻一時不能看出以致塗抹應寬免處分若文理明顯挾私妄抹仍照定例行會典事例

又議准房考舊例照額分中各有定數雖佳文甚多不得增於額外卽甚少亦必勉強足數真才遺落多出於此嗣後惟儘佳卷取中不必拘定房分科場條例

二年奉 諭旨闈中謄錄試卷弊端甚多其有賄囑者則書寫精工否則潦草舛錯致誤佳文著知貢舉及監試御史嚴行申飭其謄寫不工者必重加責懲令其重寫併令對讀官員嚴飭各生悉心核對勿使字畫錯誤倘有外籟官失於查察日後發覺將該管官一併嚴加議處通考

六年覆准科場除違式應貼之卷受卷官照例呈明監臨貼出外其應送彌封所試卷每十卷受卷官卽用紙封固送彌封所如受卷官將試卷與提調等官先行翻閱在京許監試御史外省許監臨指名題參將受卷官并提調等各降二級儻有指示改正等弊各降三級監試監臨官隱匿疎漏不題參者各降二級皆調用會典事例

又覆准試官閱卷必將後場試卷盡行細加校閱頭場經書文藝固期純粹而作判亦須將二死三流等律引斷明確作策亦須通達時務切中利弊首場雖佳而二三場草率者不得取中若首場雖係平通而後場明確通達者亦得取中不得尊重首場忽略後場如經磨勘策判有勦襲雷同將主考官官一併照參照文體不正例議處會典事例

七年議准府省鄉試分經取中自有定額如各房校閱之時其佳卷多者准其盡數呈薦不得以本房額滿屈抑英才其實無佳卷者亦不得濫取充額主考官統閱通場之卷拔其尤者分經取中不必限以每房額數至取定之後將呈薦佳卷多者分給少者之房其會試亦照此例會典事例

十三年覆准會試試卷定例將各省字號印於卷面以便知爲某省之卷照額取中後經御史條奏以房考官知爲某省之卷有暗通關節之弊令彌封官將各省卷數編列密號交主考官密行查封取中其墨卷硃卷俱不用各省紅號部議准行今據詹事劉統勳奏稱場中關節只須於文字內用三五字作記便可知爲某人之卷若卷面僅有省分亦復何弊可作況彌封查對之法委曲繁雜考官轉致不能盡心閱卷驗後仍照舊制施行會典事例

乾隆元年議准順天鄉試皿字號分南皿北皿中皿字號取中順天鄉試除北皿南皿字號照舊額各取三十九名外其雲南貴州四川廣西另編中皿字號十五名取中一名如零數過半者亦准加中一名如人數不及十五名仍附入南皿無庸另編中皿字號通考

諭國家制科取士爲主司者務宜矢公矢慎藻鑑不爽以襄盛典乃正副考官容有各任己見不能和衷去取之間互相爭執遂有庸格而濫充中額佳文而反遭擯棄夫衡文之道公則生明似此各懷成見各挾私意已失鑑空衡平之義更何以表率房考使之虛心甄別銖兩悉稱乎且分校者取舍未當尙藉主考搜閱落卷以補缺失至於主考剛愎自用致使去取不得其平咎將誰歸茲當鄉試伊邇凡有衡文之責者各宜一洗積習無負任使至於三場取士斟酌華實定制已爲盡善士子若果知古知今二三場儘足發揮才調至頭場經義本代聖賢以立言自當循矩矱先民是程非四子六經濂洛關閩之粹言不可闕入前蒙 皇考世宗憲皇帝特降諭旨以清真雅正爲主誠以膚浮者非有物之言而詭異者非立誠之旨文品人品恆相表裏雅鄭之分淄澠之辨不可不精也司衡者尤宜留心區擇以得真才實學之士朕實有厚望焉欽此科場條例

二年議准鄉會試三場卷面所用號印令監試提調同四所各官在至公堂分卷親用不得復假書吏之手以滋弊端會典事例

三年覆准考試各官凡歲科兩試以及鄉會衡文務取清真雅正法不詭於先型辭不背於經義者擬置前茅以爲多士程式如有好爲怪異於題意毫無發明但鈔錄子書中人不經見之語以妄希詭鴻者概置勿錄儻試官仍有濫收等弊經磨勘官查出卽行據實參處並將所取之人分別議處其磨勘各官亦應照例嚴加校閱毋得稍有瞻徇會典事例

六年定順天鄉試同考分校例先是給事中朱鳳英奏請順天鄉試同考官照會試分省迴避之例北籍祇闕南卷南籍祇闕北卷經部議以房官南北籍人數不一分闕之卷多寡不齊難以均派未便准行茲奉 諭旨部議祇將南北二皿較論固難分派若將通場滿漢生員貢監各卷併數合算自無不均之處且立法必期無間而防範不嫌過周與其留滲漏以滋弊端無靈嚴界限以絕物議嗣後順天鄉試同考官南省人概令迴避南皿卷北省人概令迴避北皿卷邊省人概令迴避中皿卷滿洲漢軍概令迴避滿字合字卷如此分別可以清弊竇而息浮議亦防微杜漸之道也 通考

七年議准吏部左侍郎蔣傅奏稱外籐膳送各卷例由各房考校闈呈薦因卷數繁多爲日無幾恐有遺棄佳卷致招物議於中額已滿之後將佳卷之未經呈薦者添用薦字圖記以掩人耳目等語竊思掄才大典爲房考者自宜悉心校閱使佳卷不致遺棄庶入彀皆係真才若因卷數繁多疎忽從事復於中額已滿之後將未經呈薦之卷空用薦字圖記以沽名於場後尤非實心辦事之消此皆因房考薦卷圖記向係自行印用以致

任意增添漫無稽察伏查內簾添設監試御史原令其查覈一切呈薦之卷驗明登號今將各房考薦卷圖記一併收掌卽於驗明登號之時印用稽察更爲周密應如該侍郎所奏令各房考盡心校閱其薦卷圖記一併交付內監試御史印用科場條例

九年論科場大典爲人才所由出關係甚重我 皇考加意整飭今科場之弊雖覺漸清而因循日久外場弊竇多端尙有不可枚舉者卽如懷挾一事倩人代作文字夾帶入場主司憑文取中無從知非已出僥倖弋獲相習成風則是讀書作文皆可不用立身行己皆不可問何以名爲士子何由得覓真才而國家賓興鉅典竟成虛設矣朕已嚴飭所司於今年科場實力稽查毋得虛應故事而凡爲士子者亦宜返心自省以讀書之本業進身之階梯而不務研求於平日惟思竄取於他人詭詐潛藏行同盜賊此等之人尙何望其蒞官分職爲國爲民清夜自思得不深自愧赧乎至於內簾職司文字雖暗通關節之弊近日未有所聞然衡鑿罕能精當文風未見振起且專意頭場而不重後場頭場之中又專意四書而不重經文夫設科之始定有經義論表判策者經所以考其根柢論所以試其識見表所以覘其淹洽判所以觀其斷制策所以驗其經濟事事皆切於士人之實用而不可偏廢夫然後明通淹雜之儒經綸幹濟之士庶幾出於科目之中爲國家臂指之用也今表文率多雷同竟爲南北通病在北人於聲律素所未協尙應稍寬其限令其加意學習至於南人本屬易能而不肯盡力勦剋相沿豈可任其暴棄自今以後司文衡者務思設立三場之本意於經義表判策論逐一詳加校閱以定去取毋得軒輊其間俾僥倖之徒無從獲售若尙積習相沿儻經九卿磨勘或科道指參或被朕查出將主官與房官從重議處如是則雖未能奏效於旦夕而數科之後趨向自定實學共勉真才可得於國

家設科取士之事庶有裨益矣將此永著爲例會典事例

十五年定房考分經之法房考入闈照舊掣籤分經其一經之內房考有籍同省者主考官臨時酌量對調閱看他經通考

十九年敕欽定四書文存貯內籙令試官知衡文正鵠策問時務主試官不當以己意立說啟士子窺探迎合附和之弊通典

二十二年諭會試第二場表文昨經降旨改試唐律挖揚風雅本土人所當留意且五言八韻成篇尙不甚難但念邊方北省聲律未諧驟押官韻恐不能合有司程式可諭主考及分校各官今科各就省分酌量節取不必繩以一律至下科會試時則三年之功自宜研熟不妨嚴去取矣會典事例

二十五年諭鄉會磨勘試卷蓋以防弊竇正文風所關綦重前經降旨飭部定議實力奉行司事者勸懲既明持衡者去取自慎其有剽竊支離穿鑿險僻希心詭遇之士諒不敢濫登選格自取糾彈第矯枉無取失中而掄才務崇大體經義之制原以見理明通措詞爾雅爲正果能理明詞達有大醜而無小疵固稱上選若其學識才情大端確有可取卽一二字句失檢無妨棄瑕採錄蓋風簷寸晷中一日校藝卽在學問優通者亦不能必無疵類要不足爲全璧之玷也爲考官者儻意在求免吏議因而吹求擯棄轉謂平庸膚淺之文似是而非無可指摘遂致燕石冒玉魚目混珠則所云救弊適以滋弊殊非慎重磨勘本意況定例疵瑕謬類一條與不諳禁例等款迥別是以所得處分在舉子不過停科在考官不過罰俸使懲羹吹鑿而於文體真僞所繫概置弗論又何以杜弋獲而示正鵠耶歸後與試諸臣務擇清貞雅正文義兼優之作爲多士準繩不得因磨勘周

詳反以庸才塞責更不得因有此旨遂藉口瓊瑜不掩以致怠忽從事負朕崇實黜浮至意將此通行傳諭知之會典事例

二十五年議准主考搜出之卷同考慮心悔悟仍用薦條毋庸置議其有自執己見不願呈薦經正副主考公同研駁實係理明詞正應中之卷將緣由於卷面批出仍行取中俟硃卷墨卷到部交磨勘官平心詳閱其有干例議者專坐主考於司考無涉倘所搜允當無可訾議應將不行呈薦之同考官照例嚴加議處科場條例二十八年諭科場處分舊例皆從嚴密者蓋因內簾去取攸關自不得不嚴設科條以防弊竇若外簾之受卷彌封膠錄對讀等官原無校閱之責卽有無心過犯致干吏議者不過失察疎忽舊例所定動至降革原亦未免過重其外簾如何斟酌平允寬嚴適中之處著該部逐一分別另行定議具奏載入條例永遠遵行欽此會典事例

遵 旨酌定舊例援例載中式之人如有聯號換卷傳遞埋藏夾帶文字等弊審實將不行查出之監臨提調監試巡察各官照容隱例降二級調用外簾搜檢及各所官照瀆職例革職如通同作弊受賄者交刑部計贓治罪等語除監臨提調搜檢等官處分無庸再議外查埋藏夾帶文字自應責成外場搜檢各官本與所官無涉應免議其有聯號換卷傳遞等弊必有筆跡不符形跡可疑之處如所官不能查出答實難辭但照瀆職例革職未免過重應照失於查察例減爲降一級留任又按例載墨卷題字及文內錯寫膠錄不照樣膠寫自行改正及對讀不行對出徑送內簾者一卷膠錄對讀官罰俸九月二卷罰俸一年三卷降一級四卷降二級五卷降三級俱調用六卷以上革職等語查膠錄不照原字膠寫如果有心作弊而該管官知情容隱自應從重

究擬若不過一二不符原無弊實謄錄對讀官不行查明對出事係公錯每卷應改照疎忽例罰俸三月其原定降革之例雖行停止又按例載墨卷錯落題字及文內失格違禁後場違式真草不全等項受卷官失察致應貼不貼者降一級調用不應貼而貼出者同等語查應貼不貼而倖邀中式本生照不諳禁例議停三科罰所應得至受卷官接卷繁多耳目或不及察即干降調亦屬過重應改照失於查察例罰俸一年又按例載硃卷內存字草率遺落成行硃淡無色洗改洗補責在謄錄字訛句落不細心詳對註改責在對讀儻有不遵將各役各生及經管官一併參處又例稱謄寫錯落多至數行被對讀對出或對讀漫不經心任錯不改被內籙抹出謄錄對讀官每一卷罰俸九月以上二條事本相類應行併議查謄錄草率錯落及對讀不詳對註改該特官固難辭咎但每卷罰俸九月積算亦屬過重應將此二條一併酌減均照疎忽例每卷罰俸三月又按例載卷面籍貫不明受卷官不行詳查駁回者罰俸六月又如書經誤收詩經卷內交送彌封官仍不詳查錯印詩經字號送入內籙者受卷彌封官各罰俸三月等語查卷面籍貫不明許本生向提調官回明改正受卷官本無冊籍可查原議罰俸六月未為允協此條應請刪除其錯印經書官屬疎忽原議各罰俸三月均屬從輕毋庸議減又按例載彌封所不於試卷上用條記移送謄錄所者彌封官罰俸三月其應試試卷各有應編字號彌封所官將卷面籍貫不行詳查錯印者罰俸六月等語查失印條記議止罰俸三月亦不為重其錯印應編字號亦係無心疎忽應改照疎忽例罰俸三月會典事例

三十年諭貼例內有填寫添註塗抹字數等條立法原因防弊第關中弊實惟在司事者實心經理稽覈精嚴若必沾沾於此亦所謂不揣其本而齊其末徒令囊橐之人往往以疏略罣誤亦殊可憫所有條例應加刪正

之處著大學士會同該部定議具奏欽此遵 旨議定查例內凡試卷塗改不得混 字多者受卷所貼出果能實力奉行則添註太多之卷斷無所容應將卷尾填寫添註塗抹之例停止嗣後責成受卷所寫嚴加駁算凡試卷有添註塗抹過一百字者照例貼出如有筆跡不對者卽行查究若含混接受察出參處會典事例又議准題目字畫小差擡頭雙單小誤宜量從寬宥應令外簾官遵照辦理不得苛求通行各省一體遵照會典事例

三十一年諭據知貢舉奏稱膠錄所燭煤失落燒損墨卷五十二本不堪贈送內簾等語舉子遠來跋涉志切觀光乃辛苦風簷三場業經竣事而試藝不獲贈送內簾同邀闕選其情甚爲可憫除膠錄所經頭人等及失察各官已經分別交部外著軍機大臣傳知禮部查出被燒之卷如何加恩俾伊等文字得以一體補行膠錄送閱不至獨抱向隅之處查明辦理具奏欽此遵 旨奏定燒燬各試卷有三十四本全卷字跡不過略有缺損只須令本人仍照原卷贈寫卽間補一二字於全篇文義無關且有原卷可以校對不致有改竄之弊至燒燬零落之一十八本全卷既難辨識若令其默寫原文恐伊等曾經修飾非復風檐之舊宜另行考試於本月二十四日傳集各舉子赴 闕明國恭請 欽命四書題二道派員監試收卷後仍同伊等二三場原卷一體彌封迅速發騰送入內簾以定去取會典事例

三十三年諭前曾降旨令順天鄉試同考官南省人迴避南皿卷北省人迴避北皿卷邊省人迴避中皿卷滿洲漢軍迴避滿字合字卷所以防弊竇而慎揀才顧行之未久旋經條奏停止今御製王微奏請順天鄉試房者因卷仍應迴避所見甚是南北中皿雖總數省合編究之本籍人多或同鄉戚友適分入本房難保無暗爲

照應之事實鄉會試事同一例會試房考既迴避本省鄉試何獨當迴避乎取士大典所關甚重不可不杜漸防微以遠嫌疑而矢公明於考官士子均爲有益嗣後順天鄉試仍照乾隆六年所降諭旨行著爲令會典事例

三十五年酌議直省外籙等官直省外籙受卷等四所事竣即陸續出闈收掌試卷官有始終經理之責該督撫於事簡同知通判內不必拘定科甲遴調入闈仍於揭曉後出闈嗣汀寧等處布政使姚成烈奏請減江南外籙官之處查江南外籙官增至二十三員未免浮多應照順天十八員之例減去五員以符體制通考

三十六年嚴禁騰錄對讀選充不慎及僱替等弊國子監祭酒張裕榮奏請查向例騰錄書手係各州縣解送對讀生員係教官解送若選充不慎有僱替充數即將該員照例參處各役本身并僱替之人照例究治從之通考

又更定內外籙用藍筆禮部議覆雲南巡撫程親奏請內外籙所用藍筆應行改定嗣後正副考官仍用墨筆騰錄書手仍用硃筆外內籙自房考內監試及內收掌官外籙自監臨提調監試及受卷彌封騰錄對讀收掌等官均改用紫筆其原用紫筆之對讀生改用赭黃筆卽於本年萬壽恩科會試爲始從之通考

四十一年議定房考官無庸分經閱卷及定試卷分束章程奉諭向例鄉會試同考官分經閱卷易書詩三經卷分三四五房春秋禮記卷止分一二房以一二二人專閱一經則暗藏關節易於識認立法不能無弊況各經卷多者一房閱至數百卷甚且多至千卷其卷少者一房止閱一二百卷校閱多寡亦覺懸殊各省主考既以一人兼閱五經卷則房考官同係科甲出身諒無不能閱者他經之理著自乾隆丁酉科爲始鄉會同考試

官俱不必拘泥五經分房如房官十人試卷五千本則每房各領五百本均勻分派其額如此各房通看即欲呈送關節勢不能遍送多人於防範更爲周密而各房考均勻致滋草率之弊將此通行曉諭并刊入科場條例一體遵行嗣經議奏分給試卷係漢請再定以掣籤分卷之例先令至公堂監臨知貢舉等官於每次進試卷時照房考十八束分別登簿即用籤開寫第一束第二束等字樣鈐蓋監臨知貢舉關防送進內御史及收掌官先將第幾房掣籤次將試卷第幾束掣籤當堂分給仍填號登簿以便照頭場號簿辦理如此則各房試卷並無須逐卷分派而分卷關通之弊不禁而自除並請照此掣籤分給以昭畫一從之通考

又論大學士于敏中等將順天鄉試會試卷如何分束之處會同順天府禮部詳細有滿合南北中皿之分房考有旗員南北中籍貫之別乾隆三十三年欽奉 上諭嗣六年所降諭旨南省人迴避南皿卷北省人迴避北皿卷邊省人迴避中皿卷著爲令法至善也今議將試卷概分爲十八束若以應迴避之卷錯雜其中房考仍難於閱看字合字夾字巨字及中皿北皿等卷約在一千七八百卷及二千餘卷即分爲南籍房在九百餘卷及一千餘卷即分爲北籍房考應掣之卷如有旗員及邊省人員併入北儘數酌分十八束其貝字號試卷約在五干餘卷以外除直隸籍貫官員例應迴避順俱可通行閱看則以貝字卷量爲勻配以均十八束之數不致多寡參差其二三場試

皿貝夾口等字樣分束既送內簾令查明第一場舉卷號簿照例分給閱看如此庶於舉籤分卷之中仍與迴避之例不相違礙再查會試據省分類房考閱卷向止迴避本省鄉試分卷之法既定爲兩項分舉則會試分卷自可比照核辦臣等謹就各省卷數及中額多寡均勻搭配並照上兩科 欽派房考籍貫應行迴避之省酌分兩項其迴避員數稍多之項應閱卷數分爲十束八旗浙江江西山西河南福建湖北湖南廣東廣西雲南等省分爲十束約共二千餘卷迴避員數較少者所閱卷分爲八束奉天直隸江南山東陝西四川貴州等卷分爲八束約共一千七百餘卷每束卷約在二百以外合計總數不甚相懸知貢舉提調於分送封固後將某省若干卷標於封面至送入內簾即交主考官同內監試按照房考迴避省分員數查對卷束舉籤分閱其二三場試卷亦卽照鄉試辦理庶立法更周而查辦亦易但每科 欽點房考省分員數多寡不能一律應令知貢舉提調臨時按照 派出房考員數省分卷數做此式量爲分配具摺奏 仰遵照辦理從之通考

四十二年諭向例鄉會試同考官分經閱卷易詩書三經卷分三四五房春秋禮記卷止分一二房以一二人員閱一經則暗藏關節易於識認立法不能無弊況各經卷多者一房閱至數百卷甚且多至千卷其卷少者一房止閱一二百卷校閱多寡亦太覺懸殊辦理未爲盡善各省主考既以一人兼閱五經卷則房考官同係科甲出身諒無不能閱看他經之理著自乾隆丁酉科爲始鄉會同考試官俱不必拘泥五經分房如房官十人試卷五千本則每房各閱五百本均勻分派其每經分中卷數仍照原額如此各房通看卽欲呈送關節勢不能遍送多人於防範更爲周密而各房考均勻派閱亦不慮多寡相懸致滋草率之弊將此通行傳諭並刊

入科場條例一體遵行會典事例

又論昨檢閱內廷舊存摺奏內有康熙五十六年詹事王奕清密奏請於時官入閣後即諭謄錄官凡其
破承開諸等虛字概不謄寫以防關節王奕清所奏自屬防弊之一法但將破承起訛等虛字概不謄寫於文
理既不明而且篇幅不完體制尤多未協朕思與其防弊實不若明示章程況近今鄉試頭場改爲書藝三
篇尤易防前嗣後令順天及各省主考官於刊發題目時卽酌定三篇內承題起講應用虛字明白開列另行
刊印一紙分給舉子如此科首篇承題用夫字次篇用蓋字三篇用甚矣起講首篇用今夫次篇用且夫三篇
用皆思之類下卽將此等虛字錯綜更換總聽主考臨期酌定俾眾共聞知通場一體遵用違者貼出如此
於防範更爲周密至會試亦著照此例行將此旨通諭中外知之并刊入科場條例通考

又議准現在奉有各房間卷不必分經之論旨應再定以掣籤分卷之例先令至公堂監臨知貢舉等官於
每次進試卷時照房考十八員之數將試卷分爲十八束分別存籤卽用籤開寫第一束第二束等字樣鈐蓋
監臨知貢舉關防送進內籙考試大臣眼同滿漢御史及收掌官先將第幾房掣籤次將試卷第幾束掣籤當
堂分給仍填號登簿以便稽覈其二三場試卷卽照頭場號簿辦理至各省鄉試內籙並照此掣籤分給以昭
畫一會典事例

又議准查順天鄉試卷有滿合南北中皿字之分房考有旗員南北中籍貫之別每科試卷數滿字合字夾字
皿字及中皿北皿約一千七八百至二千餘應分爲南籍房考應掣之東南皿卷約九百至一千餘應分爲北
籍房考應掣之東旗員及邊省人員併入北籍撥計將此項卷儘數酌分十八束其具字號卷約五千餘除直
隸房考迴避外餘俱可闕將此項卷亦酌分十八束掣籤分闕二三場卷歸第一場掣定之房考閱看至公堂

按滿合南北中皿貝夾巨等字分束概送內籙令查號簿辦理再會試按省分額房考閱卷向止迴避本省今應照鄉試駁辦就上兩科各省卷數及中額多寡勻派並查房考迴避省分酌分兩項其迴避員數稍多者卷分十束少者分八束每束約二百以外知貢舉將其省若干卷寫明封送內籙主考官同內監試按房考迴避省分員數查對卷數製籤二三場辦理與鄉試同會典事例

四十三年議准直隸等省鹵字號卷應令與該商同籍之考官迴避該督撫將各省商籍列入鹵字號預期查明應試者原籍何省臨場行令內籙迴避會典事例

又議更定同考官仍用藍筆大學士于敏中奏稱同考官評閱硃卷近科改用紫筆似未妥協查向例評閱硃卷同考官用藍筆主考用墨筆三色較然巨藍筆用於硃字之旁亦不嫌太素自乾隆三十二年經禮部議定將內外籙所用藍筆悉行改易因將同考官閱卷改用紫筆紫筆稍淡即易與硃相混圈點加於字旁不甚分明設或點乙數字亦難以辨別甚至內籙書吏繕寫文移登記檔案並用紫筆尤覺非宜臣愚以為同考官閱卷應仍照舊用藍筆其內收掌及書吏並當一體更正惟內籙監試御史仍用紫筆庶足以昭慎重從之通考

四十五年議准會試房考應行迴避之卷請仍行舊例只令迴避本省所有試卷仍由至公堂均分十八束陸續送進內籙公同掣籤公閱不必分爲兩項如所分束內適值本省卷應迴避者令主考酌量改派換房分閱於分卷章程尤爲簡易周密再鄉會試事同一例所有順天鄉試滿合字號及南北中皿等應行迴避之處亦照此畫一辦理會典事例

四十七年議准硃卷紅號責令彌封官用印奉行日久誠恐假手胥吏致有漏洩情事應酌定紅號再封之法

所有頭場硃卷紅號印於卷面左邊另為一行俟磨錄對讀全畢後交至公堂督同彌封官將紅號再行彌封然後送進內鑾會典事例

四十八年奉 上諭鄉會試派出主考房官秉公閱看試卷由內監試按照卷數分為十八束籤派各房閱看此定例也各房官誠能細心檢閱矢公矢慎閱薦之後聽主考取中自可甄拔真才卽有一二不肯房官欲通關節設其人不在所分卷數之內亦無從作弊近聞關中房考于閱卷時竟有互相披閱之事如此則彼此通同其流弊何所底止嗣後房官於分卷後止准各就所分之卷悉心校閱不得互相抽看著主考官並內籛監試御史時加查覈如有仍踵前轍者指名參奏毋稍瞻徇欽此科場條例

又定停止彌封紅號並二三場佳卷通行校閱例大學士公阿桂等會議掌江南道監察御史孟生憲奏請停止彌封紅號以防割換藏匿之弊科場試卷定例糊名易書將硃卷戳印紅號分送內籛其紅號一項責令彌封所官親手用印防範本極嚴密上年御史梁景陽條奏請將頭場硃卷卷面於印號登簿後照照卷之例一體彌封經禮部議準通行誠恐不肯胥吏藉紅號關通內籛易於辨識亦為預防弊竇起見但據御史孟生憲具奏本年順天鄉試監試外場所有試卷紅號照新例彌封分送內籛辦理諸形掣肘且恐易滋割換卷面之弊自係現在實情並據查照向來舊例本極詳盡是欲嚴杜弊端惟在監試提調官遵照成例留心查察胥吏人等毋許絲毫洩漏何致內外關通況紅號一經彌封則落卷無可查對勢難保無割換藏匿情事是欲除弊轉以滋弊自未便輕改前例徒致紛更應如所奏將彌封紅號停止仍照舊例辦理再現在條例律詩改置頭場主考等官將頭場閱薦既畢再分閱二三場卽不得復為頭場從前 諭旨三場並重久經遵照辦理今概

令取中已定後再將二三場核對其頭場未經取中者主考官轉可藉名防弊全不寓目是後場竟屬其文殊非核實之道嗣後令各房考於頭場閱薦既畢即將二三場通行細閱如實有出色佳卷仍准補薦頭場聽主考官酌量取中則博採之中仍寓防閑之意從之通考

又定順天鄉試同考官南北兩籍應迴避者不得專看中皿卷並申嚴同考官不得互相閱卷之例通典

五十二年奏准試卷至彌封所戳印紅號向用千字文依次排列送入內簾但行之既久保無內外簾預先關會指定某卷戳印某字號是姓名雖已彌封而號印仍可辨認且文內無須暗藏關節其弊尤難剔除若竟將

紅號釐例停止則頭二三場之卷不能彙併內簾閱卷必至頭緒不清礙難辦理應令知貢舉監臨將千字文戳印次序先行攪亂臨時酌用若干字每字編列一百號合計通場試卷所用紅號字數多者不過百餘字少

者不過數十字於千字文內不拘前後挑取戳印庶內外簾無從關會彌封益為慎密會典事例

又奏准嗣後舉子於墨卷自行點句勾股對讀生將膠出硃卷詳加校正一一照式勾點則硃墨卷不至舛錯

行令各省一體遵照會典事例

五十四年議准令四所官於印打號戳時將號戳用繩聯珠穿起每四十號戳為一串仍立號簿按依各生名

次編列將卷分四十本為一束先行按照號簿名次同試卷逐一覈對隨手拈取號戳一串於卷簿及卷面印

用未經投卷者即於簿內本生名下用未投卷三字之戳子印上三場俱照此辦理並於簿面上填註該所官

姓名其號簿交散卷官於點名時比照試卷所戳之號是否與號簿相符如有不符立即查究併令受卷官於

試卷交齊後按省分提收號簿再行悉心比對以杜弊端會典事例

諭昨召見侍郎鐵保詢以本年會試闈內閱卷情形據奏此次中式各卷內同考官未糾呈薦經正副考官搜
閱落卷因而取中者甚多中定之後始發交同考官補用薦條殊屬非是鄉會試設有正副考官及同考官原
恐一二人衡鑒未當是以必待復加甄閱以昭慎重且使彼此互相防範難以舞弊徇私既云落卷則同考官
初閱時自必以其文不佳或詞句中定有疵類是以未薦迨經正副考官搜出後同考官亦應將其所以不薦
之故簽出相商或疵類尙小瑕不掩瑜方可取錄何得一經正副考官搜出取中卽爲補用薦條似此隨同阿
附與外省督撫保薦卓薦業經定有其人始發交兩司補詳者何異不特相率爲僞甚至通同一氣徇情作弊
何不可爲殊非公明甄錄之道況如此辦理卽設正副考官足矣又安用同考官爲耶向來同考官閱卷時於
指出疵類處所僅自登記不准於卷上批寫所以正副考官搜出取中後得以授意同考官將從前批壞之
語擊去補用薦條遂爾泯然無迹此係歷來場中之弊朕今始知嗣後應令同考官於閱卷時卽將詩文優劣
所以薦與不薦之故均在卷內註明其正副考官於原中暨搜出取中者亦應將取中之故批註卷上俱交
勘官秉公覆閱具奏候朕欽定庶得中者知其公不中者亦無可怨蓋人之衡鑒原不能毫釐無爽然於可上
可下之卷一時不能鑒別尙屬事之所有若以佳者爲劣及以劣者爲佳非任意屈抑卽屬有意營私是非顯
倒一經磨勘或科道執其卷以糾參情弊顯然如弊在同考官則應治同考官之罪如弊在正副考官則應治
正副考官之罪不得仍前隨意附和徒滋外間橫議又據鐵保奏此次取中之第二名卽係王杰搜出第三名
卽係鐵保搜出更屬非是同考官共有十八人學問豈盡平庸其所取之卷又豈盡不如王杰鐵保所搜之卷
乃必以正副考官二人所取之卷拔置前茅若曰無弊其誰信之朕臨御五十餘年辦理庶務無不兼聽並觀

折衷至當從不膠執己見乃王杰鐵保於掄才大典不能虛衷商確惟以師心自用無怪士子等退有後言也
朕若另派大臣將已中在後各卷通行覆閱且相比勘此內同考官薦中之卷恐未必竟無勝於第二第三名
者若有較勝之卷而列置在後朕亦無難治王杰鐵保以不公之罪但此乃立例之始朕從來不為已甚是以
不加深究總之落卷不搜則儘在同考官弊竇易生自應准正副考官將落卷嚴行搜閱以免遺珠但搜中之
卷亦止准列於五十名之後不得濫廁前列所有此次搜中之第二第三名俱著改列五十名以後並將此旨
恭錄刊刻懸貼於各省闈場內外俾考官觸目警心而應試士子等亦得傳觀咸喻朕掄別真才鑑空衡平之
至意將此通諭知之欽此科場條例

五十五年奉准三場對策固以淵博為長尤必與頭場合校頭場明通始可兼錄嗣後以三場取中者令主考
將合校頭場之虛批明卷內聽候磨勘仍不得叨列前茅以防冒濫會典事例

五十八年奉 上諭向來順天鄉試及禮部會試同考官分別十八房校閱時自應各就所分之卷盡心詳閱
呈薦原不得彼此互看致生弊端並將本省應行迴避之卷扣除自屬可行至於正副考官係朕特派大臣必
當將各房呈薦之卷悉行批閱如彼此意見相同方能取中何得亦同房考之例各人分看且正副考官將本
省之卷迴避不閱則外間舉子更可預擬某主考分看某省轉致揣度鑽營是防弊而適以致弊況各房考呈
薦之卷至多亦不過四五百本主考三人在闈一月之久何難逐卷共相品評以期棄取允當乎今聞此次會
試考官係屬分省闈卷殊屬非是姑念相沿舊習不加深究嗣後順天鄉試及會試正副考官務當將各房考
呈薦之卷公同批閱庶不至以一人意見遽為定評以致佳卷或有黜落而文理平庸者得以倖取若考官等

經此次訓諭之後尙敢仍前分閱滋
入科場條例永遠遵行以副朕遴選
嘉慶五年議奏闈中試卷逐日分屋
房官薦卷本交監試印用薦條嗣後
監試交送則主考得以從容緝閱而
各房考落卷由監試御史交送一節
十年奉 上諭據給事中汪鏞奏稱
伊於嘉慶四年曾充同考官闈三摺
轍主試先閱三場試卷既胸有成目
卷再閱後場以定去取不得將三場
與制藝並重然必須先閱頭場文藝
鑑拔通才卽三場試卷亦必應俱全
同考官校閱不公致令真才屈抑原
記註殊非遠嫌之道且主試官先有
頭場後閱二三場先校薦卷後搜落
一道交知貢舉傳諭總裁官知之欽

道光二年給事中王松年奏同考隨薦加批一摺奉 上諭同考官薦卷順天鄉試及會試向不加批取中後始行補加薦批亦恐取草率遷就之弊嗣後並著分校各員於呈薦之卷將所以應薦之故黏簽加批聽主考官酌定去留俟取中後仍於卷內註明以昭覈實欽此科場條例

十二年江蘇巡撫林則徐奏竊臣欽奉 上諭本年壬辰科江南鄉試著派林則徐入闈監臨欽此臣到蘇接篆已近闈期當即遵照科場條例將監臨應辦事宜預爲布置伏查本年四月內欽奉 上諭三載賓興爲掄才大典各直省主試經朕特加簡任宜何如滌慮洗心認真校閱務求爲國得人順天同考官及會試同考官俱係翰詹科道部屬該員等甲第本高又經朕親加校試尙無荒謬之人充選所以得人較盛各直省同考官則年老舉人居多勢不能振作精神悉心落卷卽有近科進士亦不免經手簿書錢穀文理日就荒蕪各省督撫雖照例考試釐官仍恐視爲具文全恃主試搜閱落卷庶可嚴去取而拔真才嗣後各省督撫務將釐官認真考校不得以年老荒謬之員濫行充數等因欽此又上年十月內欽奉 上諭著各直省督撫將書肆小木板片概行銷燬其買院左右如有公然售賣小本文策者枷責嚴辦倘士子有不知檢束壞挾微倖者卽著斥革其恃眾逞強不服約束者枷號示衆治以應得之咎士子中式後除策學援引經史語句相同毋庸議外其四書經文有全篇勦襲舊文者一經磨勘官簽出立卽斥革務期永絕此弊以端士習等因欽此仰見我 皇上慎重掄才清整積弊之至意竊查江南爲人文淵數入闈士子多至一萬四五千人額設同考官十八房每房約須校閱八百餘卷稍有草率卽恐遺濫交譏臣聞近科房官每有爭先薦卷之弊以爲薦早則獲雋者多薦遲則中額已滿難於入闈故於頭場分卷到手輒將育藝中幅略觀大概

其合意者彙爲一束以備加圈呈薦稍不稱意卽置落卷之列不爲下筆原其初心仍欲俟佳卷薦完再將落卷覆加細看以決去取乃頭場薦卷未畢而二三場試卷已陸續送入內簾因又趕覓已薦之字號連經文策問一併加圈亟隨頭場呈薦蓋恐別房之薦卷三場均已齊全而該房僅有頭場不能早供考官比校則所中卽不及別房之多是以相率效尤總以趕早薦完爲分房之捷訣直至三場薦卷俱已畢事然後將先前略觀大意之落卷批點塞責彼時中卷已定意興闌珊縱或見爲佳文亦謬謂其人之命於是誤分段落者有之誤讀破句者有之並有文非荒謬僅點首藝開講數句而卽擯棄者其批駁之詞不曰欠精警卽曰少出色此等批語竟可預先書就不論何等文字皆得以此貶之似此校閱情形定棄取於俄頃之間判升沈於恍惚之際誠如 聖諭迴思未第之先與多士何異乃於落卷漠不關情設身處地於心何忍臣前任京職曾充鄉試考官二次會試同考官一次自揣學疎識淺惟有細心勸閱庶少屈抑人才歷在闈中刊刻批語板片刷成批紙分別首藝次藝三藝及詩凡頭場四篇逐篇皆有批語被黜之卷必將如何疵累之處分篇批出自錄底本不使有一篇批語相同者此次臣職任監臨除考試簾官必擇文理優長精神振作之員不敢以年老荒唐濫行充數外竊擬將臣逐篇分批之章程責令該簾官循照辦理除二三場批語不拘外首場四篇必使逐一批出凡泛而不切字樣如欠精警少出色之類概不許用蓋三藝統批往往藉口賅括轉不切當逐篇分批則於此一篇之得失利病非了然於心不能了然於口該簾官受此繩束不敢草率了事於衡才似有裨益至揭曉之後臣仍將落卷復加查核如首場文藝非有大疵僅點數行而止者據實參奏予以處分尤足以儆惰心而免物議惟思首場三文一詩每卷約有二千餘字如果認真

校閱則窮日之力只能以四十本爲度每房卷帙八百餘本約須兼旬始可了一首場查例載大省於九月十五日內揭曉不得匆促儼辦等語近科揭曉之期往往趕早此次欽遵新奉諭旨主考官須將落卷全行校閱江南卷帙最繁則揭曉之期自應照例以九月十五日爲斷如臨時尙虞匆促或再仰懇聖恩寬展數日總不出九月中旬之期庶主考官均得悉心細閱真才自不致有遺矣林文忠政書

十三年定湖南苗生鄉試隔別號舍例東華續錄

咸豐九年諭內閣向例會試及膺隔鄉試正副考官同考官以及內外簾職事等員一經派出卽應迅速入闈乃昨自朕特派御前大臣景壽等前往貢院稽查方悉本年順天鄉試考官及職事各員有遲至申刻及酉刻始行入闈者殊非慎重關防之道姑念相習成風免其置議嗣後鄉會試年分午門聽宣之日著卽責成稽查御史於聽宣事畢後卽赴貢院門前將正副考官同考官及派出場內職事各員入闈時刻一併詳細查明於次日覆奏儻該考官等有是日並無別項差使無故遲延者卽著指名參奏以肅功令東華續錄

同治四年增設四川貢院號舍一千間添設同考官換卷官各二職對謄錄對讀官各一東華續錄

邵曰滌奏竊惟鄉會兩試爲掄才大典糊名易書所以防絕弊竇外籬之設謄錄對讀等官以各司其事法至善也及自來磨勘處分似喫重專在內籬故受卷謄錄各官往往不認真釐剔而謄錄一端其草率惡劣尤不堪問臣於今歲秋闈蒙恩恭與分校首場殊卷分閱得六百九十餘本其中謄寫潦草脫誤者十之二三二場則十之三四三場則幾及過半間有窮極目力終日摩擬一卷而不能了者一房如此各房可知伏查謄錄一項皆直隸各州縣咨送書吏必其平日書寫無誤者方准與選聞近來該書吏憚於跋涉多

半僱人代替在州縣奉行故事亦習不加察迨其來京又以場期促迫不及考核皆令充當及發卷交騰後騰錄官又漫不省覽違付對讀對讀官又以卷多人少分委應差各吏任意勾點付外監試以送內簾及至主考取中後發同考細閱必按照科場條例內開各款處分或例所未載亦恐比照獲咎必盡將此等犯議之卷呈堂撤去其實屬卷中有無此誤不及知亦不及見也而放榜伊邇勢不得不另擇薦卷而取字畫無訛者以充其數夫以已經擬中之卷尙因騰錄之誤概不可登則佳卷之因此而不能呈薦者度亦不少矣伏念 國家慎簡考官原爲拔取人才起見乃或三場文已入彀而卷因有俗字誤字未細抹出者猶不免部議是試官衡文字而兼考騰錄也是試官衡文字之責輕而考騰錄之責重也愚以爲舍本求末莫此爲甚查科場則立法綦備臣本毋庸輕議惟其故事之遵行日久則因循玩忽之弊生欲絕目前之弊則先自慎擇騰錄始既州縣有咨送騰錄之責卽責成該州縣遇有鄉會試之年務擇書吏之字畫清楚者充補並令該吏親書履歷一紙齎送禮部先場期五日前卽在禮部投到當令默寫履歷如果筆跡符合方令入場否則卽予該州縣以應得之咎入場後倘有潦草脫落諸弊許騰錄官從嚴懲治如或徇情容隱磨出後並予騰錄官以應得之咎至對讀之點句勾股原應照墨卷原本勾之若不認真對讀而遣人任意動筆者磨出後亦予對讀官以應得之咎至發騰之責在受卷官也應試士子草茅新進其或未諳 功令細故原可從寬若有顯干貼例之卷則例所載概不發騰以爲夾雜或又恐有罰而無賞難免臨時之規避臣以爲外簾不職者旣予以罰設終場無誤似宜酌加獎勵擬請嗣後三場完竣並無各項干議者可否出自天恩賞給騰錄對讀各官隨帶加一級則賞罰旣明自不敢仍蹈故轍而衡文者亦得悉心校閱無所顧慮

其有文理荒謬識見乖僻者一經磨出則惟內履是問如此各專責成似於求才之意不無小補又順天鄉試之年合滿漢及南北中皿之卷將及一萬二三千之多嗣後 欽派對讀各官可否於格外添派數員從容校對亦不致稽遲時日矣查例載考試之年不准條陳科場事宜惟現屆各直省秋闈已竣巨觴整頓場規起見不敢緘默愚昧之見是否有當伏乞 皇太后 皇上聖鑒並請 飭部核議施行又各省鄉試之膠錄生其患又不止於潦草脫誤弊費叢生積重難返應如何加意整頓之處亦請 飭部妥議 經世文積

右外內簾事宜

皇明職典類纂卷一百九十九

選舉八

文科鄉試中額

順治二年定各直省鄉試解額順天中式一百六十八名 內直隸生員字號中一百十五名監生員字號中四十八名宣鎮日字號中三名遼東奉天府學夾字號中二名 江南省中式一百六十三名 內南監生員字號中二十八名浙江省中式一百七名江西省中式一百十三名湖廣省中式一百六名福建省中式一百五名河南省中式九十四名山東省中式九十名廣東省中式八十六名四川省中式八十四名山西省中式七十九名陝西省中式七十九名 內甯夏丁字號中二名甘肅隸字號中二名廣西省中式六十名雲南省中式五十四名貴州省中式四十名至八年又奏准滿洲蒙古漢軍鄉試於順天舉人定額取中滿洲漢軍各五十名蒙古二十名通考

又定京省各經中額順天易經四十九名詩經六十名書經三十六名春秋十五名禮記十一名山東易經二十三名詩經三十五名書經二十名春秋六名禮記六名山西易經二十一名詩經二十七名書經十八名春秋六名禮記六名又春秋禮記共加一名閩二經卷之優者定之河南易經二十八名詩經三十四名書經十七名春秋八名禮記七名陝西易經二十名詩經二十七名書經二十名春秋五名禮記六名又春秋禮記共加一名閩二經卷之優者定之江南易經五十四名詩經五十三名書經三十五名春秋十一名禮記十名浙江易經三十九名詩經二十九名書經二十二名春秋九名禮記八名江西易經四十名詩經三十一名書經

二十九名春秋六名禮記五名又春秋禮記共加一名閏二經卷之優者定之福建易經三十四名詩經三十五名書經二十一名春秋八名禮記七名湖廣易經三十一名詩經四十名書經十九名春秋七名禮記八名又春秋禮記共加一名閏二經卷之優者定之四川易經二十一名詩經三十名書經二十名春秋六名禮記六名又春秋禮記共加一名閏二經卷之優者定之廣東易經二十三名詩經三十六名書經十五名春秋六名禮記六名廣西易經十五名詩經十八名書經十七名春秋五名禮記五名貴州易經十名詩經十二名書經九名春秋五名禮記四名雲南易經十六名詩經十八名書經十一名春秋五名禮記四名此內春秋禮記二經經人數若少或不足額仍做往例看某經卷多則加某經會典事例

五年定遼學生員額中舉人三名會典事例

八年禮部議定八旗科舉凡邊應考年分內院同禮部考取滿洲生員一百二十名蒙古生員六十名順天學政考取漢軍生員一百二十名鄉試取中滿洲五十名蒙古二十名漢軍五十名滿洲蒙古識漢字者編漢字一簡不識漢字作清字文一篇漢軍文章篇數如漢人例通考

九年 世祖章皇帝視學加監生中額十五名科場條例

十三年議定鄉試中額滿洲中四十名蒙古十五名漢軍四十名會典事例

又題准鄉試副榜生員照各省大小量加名數送監充監生漢軍五名順天二十名江南十二名江西十一名浙江福建湖廣各十名山東河南各九名山山西陝西四川廣東各八名廣西六名其送監副榜悉以前列名數起送其副榜前列以文字優長爲主不拘經房仍將送監硃墨卷一併解送如行習漢文字不通者將考

官一例糾參會典事例

十四年題准山東孔顏曾孟四氏子弟試卷仍同編耳字號文優者取中二名會典事例

又定甯夏等衛儒學每科鄉試另編字號額中二名通考

十七年題准鄉試照舊額減半順天一百五名內耳字號五十八名南北皿字號四十三名且字號二名夾字號二名江南六十三名浙江五十四名江西五十七名福建湖廣各五十三名河南四十七名山東四十六名內耳字號二名廣東四十三名四川四十二名山陝西各四十名內陝西丁字聿字號各中一名廣西三十名貴州二十名雲南初定首舉鄉試照舊額取中會典事例

康熙二年題准雲南鄉試照例減半中二十七名會典事例

八年 聖祖仁皇帝視學加監生中額八名科場條例

十一年議准直省鄉試仍取副榜照舊例外增滿洲蒙古五名雲南五名貴州四名會典事例

又議准直省鄉試每正榜中額五名設副榜中額一名會典事例

十六年禮部奏本年添行鄉試查直隸江南浙江三省貢監數多應各遣考試官河南山東陝西山西貢監數少應令河南省遺官一同考試湖廣江西歸併江南省福建歸併浙江省考試以入場應試人數計算於十五名中取中舉人一名不必另取副榜於本年九月內考試從之通考

二十年議准增順天府生員鄉試中額五名會典事例

又改增楚省中額先是因流逆變亂於康熙十六年改照中省取中湖南平定撫臣請仍改爲大省額數取中

從之通考

二十六年 恩詔八旗准同漢人一體鄉試欽此遵 詔議定於直隸舉人中額外照舊例滿洲蒙古取中舉人十名漢軍減五名取中五名會典事例

是年順天鄉試內浙江錢塘縣監生查嗣韓福建侯官縣貢生林文英二卷四書五經文真草各二十三篇監試題請奉 旨授為舉人後不為例會典事例

三十二年禮部議覆國子監祭酒吳苑疏言八旗之人學習制藝者日多而中式之額太少請增加名數查鄉試滿洲蒙古原取中舉人十名今增六名漢軍原取中舉人五名今增三名會試滿洲蒙古原取中進士四名今增二名漢軍取中進士二名今增一名從之通考

三十四年增雲南鄉試解額十五名增貴州鄉試解額十名通考

三十五年議准八旗及直省鄉試廣額八旗滿洲蒙古增中四名漢軍增中二名順天貝字號增中十七名南北直增中十四名夾巨字號照舊額毋庸議增江南增中二十名江西增中十八名浙江福建湖廣各增中十七名河南雲南各增中十五名山東四川廣東各增中十四名山西陝西各增中十三名廣西貴州各增中十名其副榜並分經取中之處均照例計算取中會典事例

又題定江西鄉試習詩經者較易經多三分之一於新增舉人十八名之數易經中三名詩經中十名書經中三名春秋禮記各中一名會典事例

又題准涼州西寧五學編為聿左號甘肅州五學編為聿右號嗣後遇增中一名之科准其各中一名會典

事例

三十七年准奉天府屬州縣各一名會典事例

四十年禮部奏順天鄉試副榜額中二十六名請分定直隸生員字號內中十六名南北監監生字號內各中
五名從之通考

四十一年增浙江省鄉試中額十二名照江南例共八十三名並增同考官三員從巡撫趙申喬請也通考

又增湖廣省鄉試中額十三名從總督郭琇請也通考

又增順天鄉試中額八旗滿洲蒙古三名漢軍一名順天等八府十名國子監貢監生八名奉天一名宣化一
名從順天府尹錢晉錫請也通考

又禮部疏本年鄉試監生莊令與俞長策試卷作五經文字 上俱特賜舉人并令嗣後鄉會試作五經文者
額外取中三名 順治二年以士子博雅不在多為停五經中式至康熙三十六年京闈鄉試有五經二卷 特

旨授為舉人後不為例至是始准作舉人議定其例五十年增五經中額順天二名外省一名會試增中三名五
十四年停止雍正二年議准每額中十九名加中五經一名乾隆十八年停止 通典

四十七年准雲南鄉試於額中四十二名外加中五名會典事例

五十年增各省鄉試中額先是順治十七年奏減直省鄉試中額之半嗣後屢有增加增至是 上以各省讀書
士子日盛鄉試中額酌量加增順天生員字號十八名南北監監生監字號十三名滿洲蒙古四名漢軍二

名江南浙江湖廣各十六名福建十四名江西十五名山東河南各十二名山西陝西各十名廣東四川各十

一名廣西八名雲南九名貴州六名其副榜分經取中之處俱照名數計算承爲定例通考

五十一年量增雲南貴州廣西會試中額各一名通考

五十八年覆准江西近科士子入場其眾將鄉試中額照浙江湖廣例取中會典事例

六十年定長蘆商籍生員鄉試另編鹵字號於五十卷內取中一卷會典事例

六十二年十一月奏准恭奉 恩詔於雍正元年 特行鄉試並加中額大省廣額三十名中省二十名小省

七名順天額內多滿合夾巨南北皿等字號原與諸大省不同應將順天生員照大省廣額三十名南北監生

照中省廣額二十名滿洲蒙古漢軍照小省廣額十名此十名內滿字號七名合字號三名 會典事例

又覆准粵省商籍應照直隸商籍之例另編鹵字號俟生員人數至百名酌量取中一名密缺毋濫嗣後卷數

卽增至數百卷亦不得過二名中式後改同原籍承爲定例會典事例

雍正元年諭禮部湖南士子赴湖北鄉試必經由洞庭湖湖水浩瀚無涯波濤不測六七月間風浪尤險間有

覆溺之患朕心甚爲惻然或至士子畏避險遠裹足不前又非朕廣育人材之意今欲於湖南地方建立試院

每科另簡考官俾士子就近入場永無阻隔之虞共遂觀光之願明年二月爲鄉試之期爾部可卽行文湖南

巡撫若能於二月之前預備場屋則於明春卽分湖北湖南兩闈考試倘爲期已迫預備不及則於下科舉行

至於湖廣通省取中原有定額今既分兩闈其取中之數應如何分別之處著湖南湖北巡撫公議湖廣總督

從公酌定具奏雍正內閣 上諭

又覆准閩省 試中額八十五名今人文日盛應加增四名共取中八十九名 會典事例

又覆准廣東人文日盛應照河南次省例於原額六十八名外加增六名共取中七十四名副榜亦照例加增一名會典事例

又覆准山東鄉試耳字號分中二名今廣額遞加至二十六名共七十二名其耳字號並未加增嗣後照前二十三名分中一名之數於二十六名內分中一名共取中三名會典事例

又奉 諭旨此番鄉試落卷著大學士王頊齡刑部尙書勵廷儀署吏部侍郎內閣學士史貽直戶部侍郎張伯行李周望兵部侍郎阿克敦副都御史李紱同南書房翰林檢閱如人不足於翰林院編檢內揀選十員同闈再此番係雍正元年特恩加科士子有因迴避不曾應試者殊屬可憫卽令派出大臣擬題奏請候朕點出於內閣考試尋經考試取中迴避卷四名落卷二名通考

二年 世宗憲皇帝視學將國子監本科鄉試中額加增十八名

又增福建省鄉試中額四名從福建巡撫黃國材請也通考

四年敕各省取中副榜內有兩次中副榜者亦準作舉人一體會試此係特典後不爲例通志

七年諭明年會試取中額數廣至四百名壬子科各省鄉試每正額十名加中一名其十名之外有零數者亦加中一名會典事例

又題准貴州一省原轄十一府四十州縣共計五十一學每科鄉試除加五經二名外額中三十六名以學數計之大約十學之中取中七名今新歸黔轄十有三學內除清溪玉屏係改衛爲縣南籠係改廳爲府原屬黔省管轄地方非他省新歸之府縣可比永豐一州係廣西長場等地方割附黔省向未設學毋庸議外其歸黔

之川省遵議府及所屬正安遵議綏陽仁懷桐梓五州縣並湖南之開泰錦屏天柱三縣共計九學應按十學取中七名之數於貴州中額外酌量加增六名貴州原額二十八名加六名爲四十四名乾隆九年奏減四名定爲四十名黔省既經議加則四川湖南自應議減應將四川中額內減去四名湖南中額內減去二名會典事例

又准臺灣五學應試士子另編字號雍正十三年議准臺灣應試士子取中二名科場條例

八年議准陝西榆林神木府谷吳堡靖邊安塞保安七處應照甘肅靈夏之例另編木字號於每科中額內取中一名會典事例

十二年奉 諭旨鄉試之年宣化府屬另立旦字號與奉天府屬夾字號額數相同各取中三名今宣郡人材較前漸盛又添蔚州一屬應舉人數加多查夾字號前已廣額一名則旦字號應加增中式之數下禮部議定宣化旦字號加增中額一名與夾字號各中四名通考

十三年禮部議覆福建巡撫盧焯疏言臺灣鄉試士子向係另編字號額中舉人一名今臺灣五學人文日盛請於閩省解額外將臺灣字號再加中一名以示鼓勵應如所請從之通考

乾隆元年議准順天鄉試皿字號照會試五經分南北中卷之例將奉天直隸山東河南山西陝西編北皿字號江南江西福建浙江湖廣廣東編南皿字號照舊額各取中三十九名外其四川廣西雲南貴州四省另編中皿字號十五名取中一名如零數過半者亦准加中一名如人數不及十五名仍附入南皿無庸另編中皿

字號會典事例

又議准江甯分上下江字號取中下江應照中省之二等中省小省額數曾有二等取中七十二名上江應照小省之二等取中四十八名共增額二十一名所有兩省官卷照例於正額內計算取中其五經卷併副榜亦各照定例計算取中會典事例

又議准陝西鄉試將聿丁字號量增一名每科聿字號取中二名丁字號取中二名共額中四名會典事例

三年 上詣太學行釋奠禮大學士鄂爾泰等奉 諭旨禮禮三十一人俱准入監讀書國子監本科鄉試照雍正二年例撥額十八名通考

六年議准順天鄉試其廣東應試之貢監改編中皿字號憑文取中額數仍照舊例計算會典事例

九年遵 旨議准直省中額除零數不計外於十分中酌減一分順天鄉試滿洲蒙古共額中三十名酌減三名漢軍額中十三名酌減一名南北皿均額中三十九名各酌減三名中皿向例十五卷中一名今酌改二十卷取中一名府隸貝字號額中一百八名內除夾旦字號各四名鹵字號一名均毋庸議減外貝字號酌減九名江南省上江額中五十名酌減五名下江額中七十六名酌減七名浙江江西均額中一百四名各酌減十名福建額中九十四名除臺字號取中二名毋庸議減外酌減九名廣東額中七十九名內除商籍一名毋庸議減外酌減七名河南額中七十八名酌減七名山東額中七十六名除四氏學三名毋庸議減外酌減七名陝西額中六十七名除甘肅聿字號取中二名靈夏丁字號取中二名榆林等七處木字號取中一名均毋庸議減外酌減六名山西四川均額中大十六名各酌減六名雲南額中五十九名酌減五名湖北額中五十三名酌減五名湖南額中四十九名酌減四名廣西額中五十名酌減五名貴州額中四十名酌減四名以乾隆

丁卯科爲始通行各省一體遵行會典事例

又議准御史范咸奏請順天中額尙宜分晰明白一疏內稱順天員字號除夾旦二字號外額中一百零八名加中五經五名共一百十三名其函字號取中一名在內一百零八名之內除零數不計十分之中酌減一分應酌減中額十一名從前所議因將夾旦字號取中之數歸入員字號一百零八名之內未經詳晰聲明而加中五經亦未算入應行改正將員字號中額減去十一名取中一百零二名再查湖廣中額原係九十七名加以五經五名係一百二名自湖南湖北分開以後湖北取中五十名湖南取中四十七名按湖南中額雍正元年原定四十九名關於雍正七年改三學入貴州減去二名其五經五名係或二或三兩省輪流取中原議內酌減之數雖無錯誤但未將五經輪中之處聲說今應再爲分晰以便輪流取中又滿合字號總加五經二名南北四字號總加五經四名俱係臨時酌文取中並非劃然分定所以原奏議減之處未行算入今應一併聲明以便從後遵行科場條例

十二年撥准湖南鄉試應中舉人四十五名除輪中五經二名外應中四十三名分經取中易經原中十三名今減去一名止中十二名詩經原中十九名今減去二名止中十七名書經原中九名今減去一名止中八名春秋禮記原係孤經仍照往例共中六名會典事例

又撥准江西鄉試原額取中舉人九十九名內除官卷不分經取中十名外民卷分經照額取中八十九名內易經取中二十七名詩經中二十一一名書經中二十一一名春秋中五名禮記中五名以上官民卷共取中九十九名五經取中五名共取中舉人一百四名副榜原額不分經取中十九名官卷合式應聽主考取中如有

決額並缺副榜名數俱照定例於民卷內補足會典事例

十三年覆准陝西榆林等學木字號鄉試士子准其一科歸合省大號通融考試憑文取中一科仍列木字號取中一名科場條例

十九年議准直隸之商龍籍鄉試准其統入北貝一體憑文取中毋庸另編齒字號會典事例

二十年議覆各省廣額定例並不加中副榜應通行直省遵照科場條例

三十年覆准山西額中舉人六十名按定例每正額五名取中副榜一名應中副榜十二名近科止中副榜十一名與例未符應俟下科爲始如有佳卷照例取中副榜十二名如無佳卷宜缺毋濫會典事例

三十三年申定順天副榜取中額數定例副榜中額每正榜五名取中一名如不足五名不準取中順天鄉試應分別滿合南皿北皿北貝等字號核計各號正榜之數照每舉人五名取中一名以歸畫一至夾且中皿三號合算取中副榜之處查夾且二號每號額中舉人四名中皿字號額中一二三名不等均不足五名之數應照例毋庸取中再各字號舉人中額滿字二十七名合字十二名北貝一百二名南北皿各三十八名今副榜亦分號取中除每舉人五名取中副榜一名外各號俱有奇零亦應照不足五名之例毋庸核算取中通考

三十六年議准陝西巡撫勒爾謹奏稱安西及烏魯木齊等處并涼州等府就試士子應編字號酌爲變通等語應如所請嗣後陝西鄉試涼州一府歸入通省卷內毋庸編字號甘州西甯編爲肆左號肅州安西烏魯木齊等處編爲肆右號各取中一名其一科於通省卷內公同取中一科肆左右號分中之例并行停止嘉慶二十三年奏准肆左號一科與通省士子合試一科另編取中一科場條例

三十八年覆准嗣後靈夏鄉試准其一科與通省合試憑文錄取毋庸另編字號一科仍列丁字號照舊額取
中俟將來文風益盛再行題請統歸通省合試會典事例

四十三年議准各省商籍酌量定額取中除廣東舊設有函字號中額屢科遵照辦理外其餘直隸江南浙江
山東山西陝西等省應查明從前設立函字號之例歸於該省定額內五十名取中一名雖應試人多至數百
名總不得過二名之額如有因人數過少不敷取中情願呈請改歸本籍者聽會典事例

又議准直隸函字號五十名取中一名此後人數雖多總不得過二名不及五十名不准取中亦不必攤入民
卷有願改歸原籍者聽其本地商人悉歸本籍應試至電籍一項查電戶等住居已久與土著無異應照舊歸
入員字號應試會典事例

又議准江蘇兩淮商學應行裁汰鄉試不必另編函字號取中會典事例
四十四年遵旨議准浙江商籍各生既附入杭州府仁和錢塘三學與民籍無異鄉試散入民卷取中不必
另編函字號會典事例

諭熱河自皇祖建立山莊以來迄今六十餘年戶口日滋耕桑益闢儼然一大都會禮樂百年而後興此正
其時曾於丙申秋降旨添設學校書院加廣庠額以教育而振興之並相地鳩工建立文廟茲鑿路來巡適
屆落成親詣行釋奠禮宮牆泮水間青槐環列彬彬雅可觀從此文化益當蒸蒸日上感第現在庠生已有五十餘
人均應與順天鄉試雖丁酉科曾經中式一人但邊外士子與樸者多恐尙未能與通省員字號學校藝獲售
著加恩照宣化府之例另編承字號每科鄉試取中舉人一名俾士子知上進有階愈加鼓舞俟將來文風漸

盛人數多至百餘名該督臣再行奏聞增額以示嘉惠上塞士林多方樂育至意該部即遵諭行欽此科場條例

四十八年定是科中皿中式正榜九名照五正一副之例准其取中副榜一名科場條例

五十年諭朕此次釋奠禮成臨雍講學諸生禮環集橋門允宜廣錫恩施以昭盛典著於乾隆五十一年丙午科順天鄉試皿字號卷內廣額十五名用示嘉惠膠庠鼓勵人才之至意欽此遵旨議奏乾隆五十一年

順天鄉試皿字號廣額十五名應照雍正二年乾隆三年兩次定額於南北皿字號各廣七名其畸零一名應照乾隆二十一年定例令主考官擇佳卷較多者憑文取中至中皿字號仍遵成例就二十卷取中一卷毋庸

議增會典事例

嘉慶三年 仁宗睿皇帝禮學廣國子監本科鄉試中額十五名科場條例

七年議准直隸總督奏稱據宣化府屬生員合詞呈稱該郡涵濡 聖教百數十年文風士習日就振興請歸

入員字號取中等語查宣化員字號取中三名始於順治二年至順治十七年裁減一名康熙四十一年復增一名為中額三名雍正十二年奉 上諭以宣郡人材較前漸好又添蔚州一屬應舉人數增多加中一名共

中額四名另編字號取中蓋以宣化邊陲文風未盛故另編卷號令其易雋原屬 國家格外曲成之意今該督以士子請歸員號據情代奏是該府士子有志向上自願與員號一體考試應如所奏嗣後順天鄉試將宣

化府屬員字號四名歸入順天員字號合為中額一百六名憑文取中以遂其鼓舞上進之志會典事例
十一年諭內閣承德府為每歲巡幸木蘭駐蹕之區民物豐饒殷殷向學自 皇考高宗純皇帝建立慶序

聖製碑文昭垂久遠彼時生員共祇五十餘人定取鄉試中額一名曾經欽奉 諭旨俟將來人數增多再當加恩增額本年朕臨臨熱河見接駕諸生人數濟濟即交軍機大臣查明該府闈屬生員實數現據稱查明統計四百餘名人文日盛殊堪嘉慰著加恩於承字號中額一名外廣額二名每科鄉試取中舉人三名以承朕仰承 教澤嘉惠烝髦至意 聖訓

十二年議覆福建臺灣府前額中舉人二名另編至字號現在有志觀光者不下千餘人應准其於至字號舉人二名之外再加一名定為三名會典事例

十三年議覆湖南巡撫吳安會同學政李宗瀚奏請將苗疆土子及苗生等鄉試另編字號分別取中一摺內稱苗疆鳳凰乾州永綏三廳並承順府屬之保靖一縣於乾隆六十年該土民均遭苗擾自戡定後修建碉卡均田屯勇皆能捐產急公共明大義今丁卯科鳳凰乾州永綏三廳保靖一縣鄉試者為數較增但苗疆土子魯樸者多與通省諸生較藝難以獲雋請照四川甯遠府另編甯字號之例數至三十名以上另編邊字號於本省額內取中一名又該四廳縣多係生苗地險崇深恐來反覆無常迥非承順寶慶靖州及貴州廣西兩省苗人可比查鳳凰乾州永綏三廳歲科兩試各額進苗童二名保靖苗童亦附入民籍應試近科鄉試之士亦多而未能與通省人材較藝獲雋轉恐阻其向上之心請將該四廳縣苗生照臺灣府另編至字號之例另編出字號於十五名內額外取中一名等語應如所請嗣後鳳凰乾州永綏三廳並承順府屬之保靖一縣應試士子數至三十名以上者另編為邊字號於本省額內取中一名如不及三十名仍歸通省取中毋庸另編字號至鳳凰乾州永綏保靖四廳縣苗生亦准其於應試人數在十五名以上者額外取中一名如不足十五名

仍附通省取中毋庸另編字號即將來應試人多亦不得於額外加取以示限制仍令主考官於苗疆士子及苗生應試文藝駁其果係明順者照額取中恐有他處民人託名苗疆苗生希圖僥倖者應令該地方官嚴行查禁違者從重治罪等因奉 旨依議欽此科場條條

十八年奉 上諭各省駐防官兵子弟准其於本省就近考試入學因鄉試必須來京道途遙遠者每以艱於資斧裹足不前現在駐防旗人並議准就近應武童試嗣後各省駐防子弟入學者即令其於該省一體應文武鄉試於造就人材之說較爲有益其如何編號定額取中之處著禮兵二部妥議具奏欽此遵 旨議准各直省學冊內駐防生員除直隸各駐防仍歸順天鄉試毋庸統計外現在陝西甘肅駐防生員共有八十九名福建廣東山東河南江南浙江湖北四川八省自十餘名至四十餘名不等惟山西一省查十六年學冊只有九名現在十七年科考冊尙未到部再歷下屆歲科兩考約計亦可有十餘名且各省駐防內有願報捐貢監應試者亦應准其就近一體鄉試如此統行廢計其最少者亦在十名以外應請自二十一年丙子科爲始各省駐防生員於本省鄉試編立旗字號令領取中學政錄送十名准取中一名其零數過半者亦准其照官卷例再取中一名將來人數增多總不得過三名以示限制並於入場時照依順天鄉試之例另編坐號毋令與民籍士子互相攙混再查定例八旗應順天鄉試者各旗先行咨送兵部考試騎射合式者方准入場所有各駐防生員應試時仍由各該駐防將軍副都統等考試馬步箭合式者再行咨送學政錄科以符定制科場

二十三年增甘肅鎮西迪化二府州鄉試中額一名東華續錄

選舉八 文科

八

二十五年奉 恩詔會試額數俟禮部臨期奏明人數請旨酌量廣額鄉試大省加三十名次省加二十名小省加十名滿洲蒙古加六名漢軍加三名欽此經本部議准道光元年特開 恩科鄉試並加中額應遵照雍正元年乾隆元年之例欽遵取中除滿洲蒙古漢軍應廣中額 恩詔內業經指明毋庸再議外順天江兩廣江西福建湖廣應照大省例各加三十名山東山西河南廣東陝西四川照次省例各加二十名雲南貴州廣西照小省例各加十名順天南北直隸監生照次省例共加二十名奉天夾字號加中一名山東四氏學耳字號於本省廣額二十名內分中一名順天承字號向例只中一名於嘉慶十一年奉 旨定為三名福建至字號向例只中二名於嘉慶十二年議准定為三名均應比照山東四氏學耳字號之例於本省廣額三十名內分中一名其順天中直字號並各省駐防向無定額均毋庸議增宣化巨字號於嘉慶七年經 臣部議准歸員字號一體考試亦請毋庸議增再江南中額向係江蘇安徽四六分中今加廣中額二十名仍應以四六分派江蘇加十八名安徽加十二名湖廣應加中額於湖南湖北二省分中各加十五名副榜仍應照原額取中不准加額科場條例

道光元年議覆御史程伯燮條奏順天鄉試中直士子廣額一摺查南北直隸每科定例各取中三十六名遇廣額年分各增十名約計正額三名有奇加廣一名又查近科順天鄉試錄中直每科中式七八九名不等此次恭逢 恩詔加廣中額所有中直應請比照南北直隸正額三名有奇加廣一名之例如取中在三名以上加廣一名六名以上加廣二名九名以上加廣三名即中數再多總以三名為率以示限制等因具奏奉 旨依議

欽此科場條例

三年奉 上諭朕此次釋奠禮成臨雍講學諸生觀禮環集橋門允宜廣錫恩施以昭盛典著於道光五年乙酉科順天鄉試四字號卷內廣額十五名用示朕嘉惠膠庠鼓勵人才之至意欽此 科場條例

八年禮部議覆閩浙總督孫爾準等奏臺灣人文日盛請另編粵籍生員中額等因一摺查原奏內稱臺灣孤懸海外皆閩粵之人寄居是以學校有閩籍粵籍之分閩籍生員另編字號額中文舉人三名粵籍生員乾隆六年禮部議覆俟數滿百名再請另編字號取中一名茲據臺灣道冊報粵籍生員已遠過百名之數應請於閩籍中額三名之外另編田字號粵籍中額一名即自本科鄉試為始等語查該督等奏稱粵籍文生現有一百二十三名應如該督等所奏准其於閩籍中額三名之外另編田字號即自本科鄉試為始加設粵籍中額一名科場條例

咸豐五年以捐輸軍餉承廣福建臺灣府閩籍鄉試中額一名 東華續錄

又以捐輸軍餉承廣四川鄉試中額五名 東華續錄

又以捐輸軍餉承廣浙江鄉試中額一名 東華續錄

六年以捐輸軍餉再承廣浙江鄉試中額二名 東華續錄

七年以浙江捐輸軍餉承廣鄉試中額一名 東華續錄

又以捐輸軍餉承廣湖南文鄉試中額四名 東華續錄

又以捐輸軍餉承廣河南文鄉試中額二名 東華續錄

又以捐輸軍餉承廣江西鄉試中額二名 東華續錄

又以捐輸軍餉永廣山西鄉試中額三名廣東鄉試中額四名東華續錄

八年諭內閣前因官文奏湖北紳民於捐餉外自備口糧團練防剿懇請再行加廣文武鄉試中額當交該部又議具奏茲據禮兵二部會奏該省捐助軍餉業經准加鄉試定額三名此次所請因募勇防剿再行加廣中速之處銀數既無可稽額數何從覈定所有該省紳民應如何酌予獎勵以昭激勸著該督秉公酌量議辦

煩理東華續錄

又諭內閣前據胡興仁奏官卷中額不敷請於廣額內加中一名當交禮部察駁具奏茲據奏稱該撫所請駁與例意不符等語浙江省本科應試官生僅止二十五名以每二十名取中一名駁計其零數尚不及半所缺之額例應以民卷補中且該省所加中額五名均係永遠定額若撥入官卷加中恐此後相沿竟為官卷定額殊覺過優備各省紛紛援案聲請不足以示限制惟浙江省見已揭曉如已由官卷加中其中式舉人著毋庸扣除嗣後不得援以為例此後捐輸軍餉加廣中額省分亦不得援照辦理所有違例奏請之浙江巡撫胡興仁並該省正考官寶鑒副考官馬佩瑤均著交部議處東華續錄

九年以下輪軍餉永廣湖北鄉試中額一名江蘇四名東華續錄

又以下輪軍餉永廣湖北鄉試中額一名江蘇四名東華續錄

諭內閣何桂清徐有壬奏酌議借闈鄉試事宜開單呈覽一摺本年己未恩科江南文闈鄉試借用浙闈舉行其內外簾一切事宜自應參酌舊章變通辦理除臨事務前已降旨令江蘇學政孫葆元入闈代辦外其知縣提調等照何桂清等所擬派令江蘇署臬司蔡啟斗屆期帶委員赴浙設局辦理仍由浙江撫臣加派員

任大員及印各員幫辦內解提調及監試等官皆由江蘇省酌派道府大員前往內外釐官一併由江蘇調派其巡查彈壓搜檢各武職即由浙江巡撫就近派充至該省鄉試係帶行乙卯正科所有官卷民卷中額均著加倍取中其捐輸挂廣之額均屬民卷取中不得加入官卷與考生監著學政於錄遺時通飭各府州廳縣學確實加結詳送以杜弊竇至所稱同考官擬改為十房之處前因張菁奏安徽紳士籲請舉行鄉試業經降旨准其於十月內同江蘇一併借用浙閩辦理試卷既多恐十房不敷分校著該督等酌量添派

又論內閣前邵亨豫奏院省應試士子僅徽州甯國二府廣德一州經禮部奏定例四成取中加額二名茲據該學政奏稱見在應試士子不止三屬著加恩將本年己未科恩科及補行乙卯正科以六成取中五十四名其加額四名全歸本屬取中餘四成三十六名歸入下屆辛酉及補行戊午正科取中用示朕加惠士林至

意東華續錄

又以續捐軍餉再承廣浙江鄉試中額一名 東華續錄

又以提督李世忠捐餉加河南鄉試中額三名 東華續錄

十年以續捐軍餉承廣廣東鄉試中額六名 東華續錄

十一年以捐輸軍餉承廣江西鄉試中額一名 東華續錄

同治元年廣湖北鄉試中額四名 廣山西鄉試中額一名 廣貴州鄉試中額一名 廣安徽鄉試中額二

名東華續錄

同治二年廣廣東鄉試中額一名 廣山西鄉試中額二名 廣湖北鄉試中額二名 東華續錄

同治三年廣江蘇鄉試中額四名安徽二名 廣江蘇鄉試中額一名 廣山西鄉試中額二名 東華續錄
同治五年廣浙江鄉試中額四名 廣廣西鄉試中額二名 廣安徽鄉試中額一名 廣江蘇鄉試中額一
名 廣四川鄉試中額一名 東華續錄

論內閣張亮基奏請省鄉試停科過久請舉行本年丁卯科及補行乙卯戊午兩科一摺向來各省鄉試定例
止准補行一科惟念貴州自軍興以來已逾十載停科最久該處山川險阻籌費艱難該士子等志切觀光自
應俯如所請所有貴州省舉行本年丁卯科鄉試並准其補行乙卯科並加恩准補戊午科按照定廣各額併
數取中以作士氣 聖訓

同治六年廣直隸鄉試中額二名 廣廣西鄉試中額二名 廣安徽鄉試中額一名 廣貴州鄉試中額一
名 東華續錄

同治七年廣河南鄉試中額二名 東華續錄
八年諭內閣禮部奏遵議左宗棠等奏請補行陝甘鄉試一摺陝甘鄉試前因軍務久未舉行現在陝西全境
肅清甘肅之涇慶各屬亦已安謐著准其於本年特開一科補行壬戌恩科及甲子正科鄉試陝甘中額向係
合併取中甘省軍務未竣各屬士子未能一律赴試自應酌留中額以昭平允著照左宗棠等所議辦理其恩
詔廣額亦著照禮部所議取中 聖訓

同治九年廣江蘇鄉試文武中額各八名 東華續錄

右鄉試中額

皇朝政典類纂卷一百九十九

選舉九

文科會試中額 覆試 榜錄

順治三年丙戌科會試奉 旨首科人文宜廣准中四百名會典事例

三年增廣禮部會試額禮部奏言 龍飛首科正士類輝冠之日今年二月會試天下舉人其中式名額及內
簾房考官均宜增廣其數以收人才而廣盛治得 旨開科之始人文宜廣中式額數准廣至四百名房考二
十員後不爲例通考

四年丁亥科再行會試奏准取中三百名憑文取中不分南北中卷會典事例

八年 恩詔九年會試取中四百名滿洲蒙古漢軍加額二十五名會典事例

九年正月以壬辰科會試 恩詔廣額取四百名經禮部議分定南北中卷之例南卷應取二百三十三名北
卷應取一百五十三名中卷應取一十四名從之通典

又定滿漢分榜於漢榜進士外取中滿洲進士二十五名蒙古進士十名漢軍進士二十五名會典事例

又遵 詔議定加中滿洲進士十名蒙古進士五名漢軍進士十名會典事例

十二年議准會試中額應須分南北卷其中卷安慶廬州鳳陽三府睢徐和三州原係中江南鄉試應一併歸
入南卷四川廣西雲南貴州四省一併歸入北卷每科臨場照各省應試舉人名數多寡隨時分擬中額不得
豫定南北名數以昭平允會典事例

十五年題准會試額數裁減每科取中一百五十名會典事例

十六年雲貴揚平欽奉 恩詔再行會試是科取中三百五十名會典事例

十八年禮部奏會試取士原分南北中卷後因雲貴等省未經平定將中卷分入南北卷內今各處省分俱全應仍將浙江江西福建湖廣廣東五省江甯蘇松常鎮徽甯池太淮揚十一府廣德一州爲南卷直隸及山東山西河南陝西四省奉天等處爲北卷四川廣西雲南貴州四省廬鳳安慶三府徐滁和三州爲中卷其南北中卷式類數照赴試舉人之數均派從之通考

康熙三年題准嗣後停止會試副榜 題案順治初年舉人中副榜者免其 廷試禮部卽咨送吏部授職 國初會試原有副榜至是始停 會典事例

九年題准八旗復行 試滿洲蒙古另編滿字號取中進士四名漢軍另編合字號取中進士四名 會典事例

十五年 恩詔滿洲蒙古進士加中二名漢軍進士加中二名 題案是年又停止八旗考試二十六年 恩詔

八旗准同漢人一體鄉試嗣後八旗一體會試 會典事例

二十八年九卿議覆左副都御史梅錫疏言會試定例分南北中卷後又於南北中卷之內各分左右以致閱卷者不盡衡文職算卷數以定中額請仍照定例止分南北中卷概去左右名色應如所請併將江南廬州等府滁州等州舊係中卷者俱歸南卷其雲南貴州四川廣西四省去其中卷名色每科雲南定爲雲字號額中二名四川定爲川字號額中二名廣西定爲廣字號額中一名貴州定爲貴字號額中一名康熙二十九年會試 恩詔加額應將雲南四川各加中二名廣西貴州各加中一名從之至三十年五月復分江南浙江爲南

左江西湖廣福建廣東爲南右直隸山東爲北左河南山西陝西爲北右四川雲南爲中左廣西貴州爲中右仍照定例各計卷數之多寡憑文取中至安慶鳳三府滁和徐三州改歸南卷俱照原議行通考

三十年覆准會試南北中卷內再分江南浙江爲南左江西湖廣福建廣東爲南右直隸山東爲北左河南山西陝西爲北右四川雲南爲中左廣西貴州爲中右仍照舊例合計卷數多寡憑文取中又安慶廬州鳳陽三府滁徐和三州改歸南卷會典事例

三十四年覆准查會試現行例春秋禮記十六名取中進士一名但遠省習孤經者少人數恐有不足嗣後四川廣西雲南貴州四省春秋禮記二孤經若應試人多仍照現行之例人少則合四省總算二孤經照數分中若仍不足則合二孤經擇其文佳者取中一名會典事例

三十八年議准會試南北卷內不必細分左右將廬州等府滁和等州舊係中卷者皆歸南卷四川廣西雲南貴州四省去中卷名色每科雲南定爲雲字號額中三名四川定爲川字號額中一名廣西定爲廣字號額中一名貴州定爲貴字號額中一名會典事例

三十九年會試 詔加四川雲南中額各二名廣西貴州各一名會典事例

四十一年議准會試五經卷不論南北官民於額外取中不得過三名會典事例

四十二年議准本年因廣東省舉人會試未經取中遵 旨酌議補取之法嗣後會試揭曉後如有脫科之省將未中試卷交與正副考官揀選進呈奏請取中一二名會典事例

五十年覆准會試習五經者於額中三名外增中三名會典事例

五十年奉 上諭近見直隸各省考取進士額數或一省偏多一省偏少皆因南北卷中未經分別省分故取中人數甚屬不均今文教廣敷士子俱鼓勵勤學各省赴試之人倍多於昔貧士自遠方跋涉赴試至京每限於額多致遺漏朕深為軫念自今以後考取進士額數不必預定俟天下會試之人齊集京師該部將各卷應試到部舉人實數及八旗滿洲蒙古漢軍應考人數一併查明預行奏開朕計省之大小人之多寡按省酌定取中進士額數考取之時就本省卷內擇其佳者照所定之額取中如此則偏多偏少之弊可除而學優真才不致遺漏矣著九卿詹事科道確議具奏欽此 旨議准嗣後會試不必預定額數亦不必編南北官民等字號唯按直隸各省及滿洲蒙古漢軍分編字號印明卷面於入場時禮部清查各處舉人實數奏 聞

欽定中額行文主考就各省內擇其文佳者照所定數取中 科場條例
雍正元年禮部請定取中進士名數 上諭今科進士照朕所定一百八十名之數入榜取中仍降旨與總裁官朱軾張廷玉此外不拘省分不限額數有可取佳卷選出另行具奏放榜後其落卷照今春檢閱之例檢

閱雍正內閣 上諭

是年於正額一百八十名外又取中落卷七十八名 會典事例

二年題准五經應試前經停罷今奉 恩旨復增中額必雍正四年鄉試後始有各省五經中式舉人本年八月補行正科會試除前原係五經中式外其非五經中式舉人今願以五經會試者許照面試生監例禮部先加面試實能貫通五經准以五經應試著為定例 會典事例

是年八月甲辰科會試主考官朱軾等將場內備卷七十七卷進呈奉 旨今歲會試共取中二百九十名著

接續本科前榜出榜會典事例

七年奉 旨明年會試取中額數廣至四百名會典事例

乾隆元年兵部尚書傅爾琿 諭旨朕聞今科會試遺卷內尚有佳卷今場事已竣應如何加恩增中爾可會同大學士鄂爾泰朱軾議奏等語請派大臣再行校閱揀選進 呈又奏請今科會試各省年老舉人八十歲以上劉振起等三人七十五歲以上馬應龍等五人七十歲以上李琬等十五人七十歲宋士正等二十人謹繕清單請將各卷查閱有可入選者檢出進 呈並得 旨報可大學士鄂爾泰等遵 旨校閱會試闈中未經取中之薦卷擇其尙可續取者共計三十卷暨年老舉人試卷內選出五卷一并進 呈奉 諭旨交禮部照所擬名次出榜通考

三年議准將來臺灣士子來京會試果至十名以上之多禮部再行奏請 欽定中額以示鼓勵科場條例

又 諭朕聞各省現任教諭若中進士現任訓導若中舉人副榜則有應用之缺便離原有之任以待銓補而銓補往往遲延動輒數載是一中之後轉令退居閒散矣推求其故蓋以從前品級相懸故定例令其離任今教職品級既已加增則離任之例亦應酌量變通以示鼓勵嗣後現任教諭會試得中進士例應歸班者仍令回原任以教授銜管教諭事現任訓導鄉試得中舉人副榜者仍回原任以教諭管訓導事若遇該員本班應選時照常銓選遇卓異薦舉亦照銜陞轉將此永著為例會典事例

二十年 恩詔丙子年各省鄉試廣額其丁丑年會試應廣若干之處該部隨時具奏請旨會典事例

嘉慶元年 恩詔會試額數俟禮部臨期奏明人數請旨酌量廣額會典事例

道光三年應維本科會試准至公堂知照臺灣士子實在人數共十一名經本部開單另請 欽定中額奉
旨臺灣取中一名欽此科場條例

右會試中額

順治十四年諭國家登進才良額設科目關繫甚重況京闈乃天下觀瞻必典試各官皆矢公矢慎
遴拔真才始不辱求賢大典今年順天鄉試發榜之後物議沸騰同考官李振鄴等中式舉人田相
等已經審實正法其順天鄉試中式舉人連傳來京候朕親行覆試不許遲延規避會典事例

十五年正月 上親覆試順天舉人面 諭之曰頃因考試不公故茲親加覆閱爾等皆朕赤子其安心毋畏
各抒實學朕非好爲此舉欲求真才故不獲已耳嗣以覆試之卷進 呈取米漢雲等一百八十二名仍准會
試蘇洪濬等八名文理不通革去舉人通考

又議准順天御史疏參江南榜發噴有煩言應照京闈事例覆試以覈真偽至直省士子雲集闈務不便久稽
應將江南新科舉人停其會試會典事例

上親覆試丁酉科江南舉人分別辦理准作舉人者七十四名罰停會試二科者二十四名革去舉人者十四
名至十六年閏三月 上復親試罰停會試二科者八人停一科者十人餘俱准其會試通考

康熙三十八年應順天鄉闈試卷奉 旨此科考試不公已極且聞代倩之人亦復混入科場大典豈容如
此將所取舉人通行齊集內廷覆試如有託故不到者即行黜革會典事例

三十九年正月諭本科中式舉人因有情弊爲人指參故行覆試及閱各卷俱能成文諸臣所擬三等以上者

皆可觀有自三等拔置二等者有自四等拔置三等者三等以上仍令會試四等黜革通典

五十一年諭去年順天解元以科場事發脫逃朕心甚疑今中式進士內或有不能作文令人頂替者亦未可定著於二十日齊備試卷令赴暢春園朕親加覆試會典事例

又諭趙申喬題請雲南貴州廣西三省中額量增數名今覆試中式進士可令趙申喬將所取三省備卷舉人亦帶來考試邇來浙江江南人冒直隸等處北籍及代人考試者甚多十三省語音朕悉通曉觀人察言即可識辨著出示徧曉中式進士等其中有冒籍替代等項俱赴部自首覆試之日朕前亦許面奏儻隱蔽不發朕一查出悔之無及會典事例

乾隆八年奉諭旨順天府尹蔣炳條奏外省覆試一事朕已降旨允行但如何覆試之處未曾奏及各省難以奉行科場取士首重四書文士子之通與不通總不出四書文之外應令該督撫會同學政出閱冷二題當面考試聽其盡一日之長試畢即將原卷與中式卷一併解部聽候磨勘通考

九年奉准令科鄉試仰蒙特派近信大臣監同御史等嚴密搜查將來懷挾積弊肅清淨盡至於外省亦令監臨官董率嚴察惟是諭旨頒發到各省時已在三場告竣之後外省作弊之人恐今科仍不能免欲清科場之弊莫如覆試一法從前康熙己卯順天鄉試壬辰會試諸科俱奉特有覆試並非創舉各省放榜後例於一月內中式者俱赴省填寫親供若乘此便即令本省巡撫會同學政在撫署內當面出題覆試真偽可以立分如有文理荒謬以及不能完卷即時訊得實情分別辦理其並無情弊之人即給咨赴部會試並將覆卷一併解部聽候磨勘巡撫學政仍有瞻徇則外而同省大臣內而九卿科道皆得隨時舉發會典事例

又諭昨順天府尹蔣炳條陳外省中式之人應於榜後覆試一事朕已降旨允行但如何覆試之處未曾奏及各省難以奉行必至參差不一亦屬非體從來科場取士首重頭場四書文三篇士子之通與不通總不出四書文之外今應令中式之人填寫親供時在巡撫衙門內嚴行防範該撫會同學政出四書閒冷二題不在擬議之內者當面考試聽其盡一日之長試畢即將原卷與中式卷一併解部聽候磨勘如有文理荒謬及不能完卷者該撫該學政不得瞻徇卽行舉出另行奏聞候朕降旨會典事例

十二年諭國家三載賓興所以旁求俊乂關繫綦重向因不肯士子陋習相沿臨場專事懷挾舞弊私希圖僥倖是以上科順天鄉試特派大臣侍衛等嚴加搜檢彼時外省傳諭未到恐其中有夾帶冒濫中式者因令於榜後覆試冀得真實學問以培養人材本年又當鄉試之期聞士子頗知愧悔不敢自罹罪譴奮勉下帷以圖上進向來講求巧挾之弊頗斂而閉戶讀書精研場課者有之朕嘉悅焉但若因此稍弛剔弊之令恐復蹈故轍著各該監臨等官臨時加意搜查不許攜帶片紙隻字務令諸弊悉除使場規整肅以收得人之效至上次覆試原因場期已近不及嚴查今既一體嚴行搜檢其覆試之處著停止會典事例

三十年諭明山奏據廣昌縣知縣李振文稟稱本年鄉試薦中第一名吳光槐頭場首藝係勦襲江南省夏秉衡觀風考作等語已批交部嚴察議奏但思此案情罪專在吳光槐或係懷挾漏網或係勦襲倖中必須向吳光槐徹底查究分別辦理此時卽交部察議該部亦無從查辦此摺且不必交部著該撫將吳光槐親提嚴訊究其因何抄襲之故及有無夾帶情弊該生於此等刻文尙能成誦其胸中記憶必多卽可令其默寫他文數篇以別真僞再嚴加覆試視其文理何如兩者俱不能卽爲懷挾無疑自當照例治罪縱使實無情弊而錄舊

文中式亦應褫革該撫於審明日另行具摺奏聞再交部辦理至闈中校閱文字止感文去取雖有抄襲之卷試官豈能徧查來歷所有取中吳光槐之主考房官俱可毋庸議處欽此會典事例

五十一年覆准由俊秀報捐貢監生中式舉人者應行覆試通查禮部題名錄前三科北闈中式之蘇揚廣東山西俊秀貢監各生通計二十二人除已登仕版及業經中式進士者毋庸議外應交禮部查明於會試十日
前奏請 欽派親信大臣在 文華殿試以制藝一篇排律一首恭候 簡派閱卷大臣秉公甄別至此內各生如有文理全不通順及不能完卷者若僅令罰科無以示懲應即行斥革其有疵類辭句即照磨勘例分別罰科至此內有下憂患病事故者俟下科會試前再行奏請覆試未覆試以前遇有教習磨錄各項考試權不准與考會典事例

五十三年奉 上諭士子與考官勾通關節國初年間有間擬腰斬者立法至為嚴峻其後賄賣生童如魯鴻圖喀爾欽及科場交通關節之蔡時田曹詠祖等俱節次破案無不立時伏法覆轍其在可為炯戒朕意節經整頓之後場屋諸弊自必漸次廓清乃近日鄉會試種種弊端復又漸作諸臣所奏防弊之條層見疊出闈之竄深愧歎士子等涵濡教育百有餘年不為不久今作奸犯科之徒蕩檢踰閑罔知儆畏朕即道之以德尤不得不齊之以刑嗣後鄉會試榜發後朕當特派親信大臣於城內乾清宮圓明園正大光明殿覆試凡有文理不通筆跡不對較取中原卷大相懸絕者即立行斥革嚴究倘有賄賣關節等弊即將該生及主考房官嚴律立正典刑如究出係槍信傳遞者亦分別從重治罪決不寬貸欽此科場條例

又 諭前因諸臣條奏科場弊竇者紛紛特降旨嚴定覆試之例其時軍機大臣擬寫諭旨鄉會試榜後特派

親信大臣嚴行覆試摺詞本未明晰朕亦未經看出今歲順天鄉試榜發屆期應照新例舉行覆試第思各省鄉試中式人數眾多順天取中各生尙不難調集覆試若各直省道里云遙省分甚多安能簡派如許大員於榜發後備行覆試嗣後鄉試榜後覆試一節著不必行至明歲會試各省士子雲集京師除未經中式者聽其各回本籍外其中式舉子著於會榜揭曉之後未經殿試之前該部奏請據派大臣將中式舉子嚴行覆試屆期除實有事故者豫行報明該部外儻有心懷規避託故不到者即將該舉子立行斥革如覆試之卷較取中原卷懸殊必卽從嚴究辦一惟該主考官是問至明歲舉行覆試後亦不必著爲常例該部每屆會試榜發將應否覆試之處奏請定奪候朕臨時降旨士子等尙其勉務實學懷遵功令以副朕剔弊擢才至意東華續錄

又諭前定科場條例令各省中式舉人覆試朕念各省人數眾多難以徧行覆試已降旨俟明歲會試發榜後將中式者復考一次未經中式者聽其各回本籍但前此與省欽條奏丙午以前三科由俊秀報捐貢監生中式舉人籍隸蘇揚廣東山西者覆試一摺業經大學士九卿議准仍應照舊辦理惟與省欽所指四處尙未周到著將江蘇安徽江西山西廣東浙江六省三科以前由俊秀報捐貢監生中式舉人書俱於來年會試前在圓明園正大光明殿先行覆試再准入場如遇有事故未能來京應試者著照原議下科補行覆試此六省未經覆試之人不得赴會場考試亦不准赴吏部截取銓選會典事例

五十四年奉 上諭將來會試榜發後再將榜內各省中式者通行嚴加覆試倘有文理不通與原卷懸殊及原卷本有訛誤者其弊不在內箴卽在外箴不難逐一根究仍嚴辦理其或有文風平常省分就錄取者亦

將該省落卷調齊比較如落卷文理轉比中卷爲優是考官衡鑒不公亦應查究欽此科場條例

又 命舉行順天舉人覆試例東華續錄

五十五年諭內閣此次覆試舉人業經降旨列爲四等者皆僅革去舉人仍留生員監生其未入等第者始行
概予革退此朕格外施恩特從寬宥俾讀書者知所感愧勤學自愛之至意八旗滿洲世僕等自宜勤習清語
騎射技藝如學漢文亦應盡心學習遇有考試雖未能卓越亦須列入等第方可茲覆試舒錦吉文增福既不
入等而魁亮唐古泰又列爲四等旗人之應試者較漢人爲數無多而劣者固有五人是既不勤學漢文又不
精習技藝坐荒於歧途明矣此皆由該管都統等平日不留心教訓所致卽如鐵保圖敏所學尙有規模而不
善於辦事亦屬無用去歲朕略爲鼓舞擢用今旗人仍復如是誠使朕鼓勵士子之心無望矣此等詩文陋劣
自係場中舞弊始得中式今不深究伊等卽係格外之恩其列爲四等之魁亮唐古泰如照漢人准留生員監
生似覺便宜而倖進之弊仍不能除魁亮唐古泰亦著全行革去如此輩革退後尙自以爲讀書之人至含冤
抑卽非旗下世僕之子孫也且一經審訊情弊得真不獨予革更須治罪今革去生監挑爲馬甲與拜唐阿猶
得錢糧餉口果能加意勤學技藝奮勉行走異日仍得上進之路如此辦理非謂旗人可不識漢字別項差役
漢字亦須學也著將此交八旗都統等嗣後不時訓教俾學漢文者務期於精備學力不及而希圖僥倖臨場
舞弊必從重治罪將此通諭知之 嘉訓

五十八年諭內閣昨於正大光明殿補行覆試順天等省鄉試中式舉人鄧榮春等八名經軍機大臣公同閱
看擬以准其會試者一卷罰停一科者二卷兩科者一卷三科者二卷斥革者二卷分別進呈朕逐加披閱內

廣東舉人劉綱溫題成二卷詩文處謬字畫模糊草率軍機大臣調驗原卷比對竟知出兩字其中情弊顯然但彼時取中原卷詩文明晰在主治等題文取士自與無涉而監臨關防不嚴致有代傳傳卷等弊皆無可議除三科以上年分較遠者免其追究外其在三科以內現擬罰科在順天中式者即將派出之監臨議處在本省中式者將該省監臨之巡撫議處其斥革諸卷該監臨之答更重著交部議加議處以示懲儆至覆試之例前經吳省欽條陳廣東山西等省及順天俸壽貢監鄉試中式者應行覆試現在惟會試及順天鄉試榜後方舉行覆試而各省鄉試停止因思舉人一途即使會試不能中式無論經取大挑即撥班次亦可選授知縣補用教職或身膺民社或職司秉鐸並有從此漸躋騰仕者其出身之途甚關緊要非如諸生之不得中式僅以頂帶榮身者可比豈容以文理庸劣冒名槍替之徒濫膺其選是各省鄉試後亦不可不舉行覆試但各省人數衆多若概調集京師恐邊省分長途跋涉未免資斧維艱亦非體恤寒賤之道嗣後各省如督撫同在一處者仍令巡撫監臨著於榜後交與總督嚴屬覆試其止有巡撫省分著派布政司會同鄰近提鎮一員監臨榜後交與巡撫覆試一經覆出與原卷文理字跡不符者即行據實究辦嚴參將該監臨及本生分別嚴處治罪所有各省覆試卷仍統行解京候朕欽派大臣翰林等一併覆勘備勘出情弊惟覆試之督撫是問如督撫等覆試未能究出情弊至會試中式覆試有詩文弊謬者除知貢舉照例嚴處外並將該省覆試督撫一併嚴處庶使有所責成層層嚴覈清絕弊竇以杜倖進以勵正途而拔真才至現在覆試各卷內軍機大臣擬准會試之鄧葵春一名閱其首藝內有生逢盛世之語時文係代聖賢立言在會點其人其時口氣不應有此而詩內上已與皇都又復不對詩文俱屬平常亦著罰停會試一科餘照軍機大臣所擬辦理此次覆試之卷不

特斥革者此累不一而足卽罰科者文理亦屬疎庸屬外簡之弊本應徹底根究從重嚴辦姑念專隔有年並有中在例前者是以姑從寬典現已申明覆試之例另立章程嗣後該監臨等務宜實心查察嚴密關防而主考房官尤宜悉心校閱慎重掄選卽各士子亦當洗心滌慮續學自愛以副朕諄諄訓誡讀書人駁實成全至意 聖訓

又奏准凡各省鄉試中式後覆試原以覈對文義字跡與原中式卷是否相符如文義字跡與原卷大相逕庭比對如出兩手顯係冒名頂替以及傳遞代倩等弊責在外簡應將本生究辦訊出實在情弊將不能查出之監臨監試提調等官照例議處其內簡官惟知憑文取士無從查察應毋庸議如原中卷內文義亦復荒謬將主考房官一併議處如此分定處分庶內外簡各顧考成益加嚴慎會典事例

五十九年諭內閣前因鄉試中式舉人恐有頂替鎗冒情弊是以令各省督撫於榜後通行覆試其止有巡撫省分派布政使會同提鎮監臨關務巡撫專辦覆試原係嚴防弊竇之意今思中式舉人均須會試文理庸劣者未必能屢次獲售卽或倖捷禮闈而會榜後尙當嚴行覆試已足以選拔真才清釐冒濫設有情弊儘可一併斥革將鄉試小考如何鎗替弋獲之處徹底究辦則各省可不必疊加覆試致涉紛繁且止有巡撫省分因覆試之事另調提鎮監臨辦理恐不能妥協所有覆試一事除會試後仍著嚴行覆試外其順天並各省鄉試榜後覆試及覆勘之例均卽停止如有事故尙未覆試者亦著免其補覆具各省監臨之例仍著照舊辦理

聖訓

嘉慶四年奏准榜後覆試但取比對文理字跡一文一詩儘可辨別真僞向例兩文一詩爲時太迫應改爲一

文一詩以昭簡易至闕看覆試卷如果文理荒謬與原卷大相逕庭自應從此覆究其正場如何代傳舞弊按律問擬以正僥倖科名之罪若字句偶爾失檢文章一日之短長原屬無關弊竇近科以來或指詩文一句之疵或因一時繕寫違式罰停一科至二三科不等每次榜發必有被議多人亦與政體未協自應略其小節無庸更議停科又向例凡覆試士子停科並將考官按名議處但考官間中校閱祇憑現在之文安能保所取士子中式後所作詩文盡成佳構况榜發磨勘原卷如有疵類將主考官房官議處有降級革職等條定例已不為不嚴若因覆試又將原取之考官牽連議處實非情理之平應均予寬免以昭公允會典事例

六年諭內閣本月十四日覆試新進士本令在乾清宮考試惟念本科中式人數較多天氣漸熱恐不免擁擠著在保和殿覆試此後即著為定例 嘉慶

二十四年定編鄉會試覆試例 東華續錄

道光二年大學士托津等會議 內廷考試章程嗣後毋論何項考試在 保和殿考試時於 前左門外唱

名 中左門階上散卷 乾清宮考試時於 中左門外唱名門內并亭邊散卷 圓明園正大光明殿考試

於 大宮門外階上唱名內橋以南散卷以上考試唱名皆於辨色時令承辦衙門堂官一人帶領承辦司員

在彼看視領卷後依次而入不得前後參差仍於 前左門 中左門唱名時令值宿之前鋒護軍統領 圓

明園大宮門唱名時令值宿之管理 圓明園八旗官兵大臣稽察彈壓送考人員一名不得闖入至 中和

殿階下向有 大門侍衛二十員應請將 乾清門階下 出入賢良門階下各添派 大門侍衛二十員管

束俟考試人員至階下時皆山 欽派監試王大臣帶領按名次進內列坐監試王大臣侍衛即在 殿門內

外嚴密稽察除 乾清宮 正大光明殿係屬 內廷向無 大門侍衛官員進內其 保和殿考試所派
大門侍衛在 中和殿兩旁專察闈雜人等不准進至 保和殿階下其執事人員及承辦各衙門官員除殿
試 朝考日期派有御史在 中和殿檐下稽察亦不得進至 保和殿階下外其餘執事人員散題照料事
畢卽行退出 中左門外聽候如有不依次序任意攙越或不遵定制擁擠喧嘩由該承辦衙門堂官及管門
之大臣據實指名參奏如進至 禁門有干 功令者由監試王大臣立時嚴行參辦等因一摺奉 旨嗣後
宮庭考試著照大學士御前大臣軍機大臣所議章程辦理其唱名散卷並令承辦衙門堂官一人按照議定
處所在彼看視預考人員領卷後依次而入不得前後參差值宿之前鋒護軍統領管理圍明圍官兵大臣當
認真稽察彈壓勿任送考人員闖入如有不遵定制凌蹴喧嚷者著該承辦衙門堂官及管門之大臣據實指
名參奏其進至禁門有干功令者著監試王大臣卽行參辦以昭嚴肅欽此有場條例

十五年定順天鄉試中式舉人覆試例東華續錄

二十三年諭各省中式舉人自下科始一體覆試東華續錄

咸豐八年諭內閣御史孟傳金奏中式舉人平齡殊墨不符物議沸騰請特行覆試一摺著派載垣端華全慶
陳孚恩認真查辦不准稍涉迴護並將摺內所指各情可傳集同考官一併訊辦 聖訓

又 諭內閣本年鄉試主考官各官荒謬已極應飭試卷應訊辦查議者竟有五十本之多該考官等朕聞
其中亦尙有不放昧良者除同考官有無情賄運查訊外其正考官柏葰著先行革職聽候傳訊副考官朱
鳳標程庭柱均著暫行解任聽候查辦至此案頭緒紛繁著派王大臣等毋得含混了事認真研鞫按例從

嚴懲辦

九年 上御勤政殿召見惠親王怡親王載垣親王瑞華軍機大臣彭蘊章穆蔭匡源文祥內務府大臣瑞麟麟魁文彩存佑文豐尙書肅順全慶陳孚恩趙光普乃普諭曰本日據載垣等奏會審科場案內已革大員並已革職員定擬罪名先行擬結一摺朕詳加披覽反復審定有不能不爲在廷諸臣明白宣示者科場爲掄才大典交通舞弊定例嚴嚴自來典試大小諸臣從無敢以身試法輕犯刑章者不意柏葰以一品大員乃孤恩藐法至於如是柏葰身任大學士在內廷行走有年曾在內務府大臣軍機大臣且係科甲進身豈不知科場定例竟以家人求請輒卽撤換試卷若使新祥尙在加以夾訊何難盡情吐露既有 成憲可循朕卽不爲已甚但就所供情節詳加審覈情雖可原法難寬宥言念及此不禁垂淚柏葰著照王大臣所擬卽行處斬派肅順趙光前赴市曹監視行刑已革編修浦安已革舉人羅鴻繹已革主事李鶴齡均著照例斬決以昭炯戒副考官戶部尙書朱鳳標於柏葰撤換試卷闕中並未查詢出場後又不隨行參奏若照舊例辦理知情徇隱卽應治罪卽止於失察亦應研訊惟因其供詞尙無知情弊諒朱鳳標亦不敢公然徇縱從寬卽行革職同考官降調編修鄒曰麟爲已革舉人平齡更換硃卷實屬違例著革職永不敘用其磨勘查出試卷應行查辦之舉人余汝偕等十二名並同考官徐桐鍾瑒徐覺綱何福厚對竇官鮑應鳴應得處分著交禮部查照科場條例定擬具奏至墨卷內更改馬承宇樣是否由外籙傳遞之處著原派之監臨明白回奏另片奏催未經到案之謝森垣元培李旦華等三名著江蘇巡撫卽行派員迅速解京歸案審訊嗣後科場大典秉文衡者皆當潔己虛懷杜絕干請應試士子亦各立品自愛毋蹈貪緣覆轍則朕此次執法嚴懲正爲士林維持風氣爾

廷諸臣潛能默喻朕衷也 東華續錄

同治元年諭內閣本年壬戌科會試場期已近各省來京會試舉人有因道途梗阻到京遲誤未與覆試者照例不得會試惟念該舉人等志切觀光遠道跋涉而來或因經過水陸阻滯並非有心遲誤若照定例不准入場未免向隅所有各省現在到京未與覆試之舉人著加恩准其先行一體會試俟場後再補行覆試其中如有應行罰停會試者卽由禮部知照知貢舉將該卷扣除並著禮部卽日出示曉諭於卷箱未經封送貢院以前迅速辦理俾得同沾嘉惠此係因各省軍務未竣道途多種用特格外加恩嗣後不得援以爲例 聖訓

又 諭內閣向來派閱殿廷考試試卷均於卽日閱畢分別等第開單進呈昨派出閱看各省舉人補行覆試試卷之大臣賈楨等於所閱試卷盡日之力直至酉刻尙未閱竟徑行請旨先散因爲時已晚不能不姑允所請該大臣等於欽派閱卷例應嚴密何以遲至次日始行閱竣殊非慎重關防之道賈楨瑞常朱鳳樓阜保董恂吳存義靈桂石贊清張之萬均著交部議處嗣後殿廷考試派出閱卷大臣仍各敬謹將事將派閱試卷務於卽日閱竟以符舊制 聖訓

十三年諭內閣本年補行覆試日期較早各省續到之未經覆試舉人不能一體會試未免向隅自應量爲變通以示嘉惠士林至憲著禮部查明此次如有未經覆試舉人准其先行會試俟會試後再令補行覆試備覆試時有應行罰科等事仍著該部知照知貢舉照例辦理嗣後各省應行覆試舉人務當及早晉京如期應試毋許任意遲延此係破格加恩嗣後不得援以爲例 東華續錄

右覆試

順治二年定開中閱卷須立程限計自分卷以至撤棘約可半月以八日完前場以七日完後場草榜填號外
籟皆不得與草榜已定臨填榜時方延入監臨等官公同拆卷對號拆號既畢填寫已完正副二榜同貼不得
先貼副榜致妨勘對亦不許過時方貼副榜致滋弊竇會典事例

又定會試題名榜上年月及界縫應禮部堂印鈐蓋發榜前一日禮部堂官一員滿漢司官各一員攜印
入場鈐榜其禮部堂官職名開列具題 欽派滿漢司官各一員由部揀委會典事例

又定揭榜以後刊刻試錄登科錄 皇太后 皇帝 皇后前各進呈一本會典事例

十二年奉 諭旨朕惟人臣事君勿欺爲本近來進呈登科錄及鄉會殿試等卷率多隱匿年歲以老爲壯以
壯爲少國家開科取士本求賢良進身之始卽爲虛僞將來行事可知更有相沿陋習輕聯同宗違託華胄異
姓親屬混列刊布俱違正道朝廷用人量才授任豈論年齒家世乎今科進士登科錄及以後各試卷務據實
供寫其餘陋風悉行改正毋負朕崇誠信重廉恥至意通考

康熙八年奉 旨各省取中舉人有將題名錄進呈者有並未進呈者例未畫一著察議具奏欽此遵 旨議
定嗣後鄉試題名錄令各該督撫自行恭進應行直省一體遵照辦理會典事例

二十三年諭凡人精神有限卷牘浩繁豈能一一徧閱竟有試卷未經考官點閱者儻致實學淪棄豈不可惜
况弊之有無亦不在發榜之遲速宜令展寬日期細加校閱以無虛國家求才至意會典事例

二十四年定會試三場畢主考等官遴選試卷十本繕錄進呈 御覽自第一名至十名皆由 欽定名次仍
送場內拆號填榜嗣後順天鄉試亦照此例會典事例

三十六年諭鄉試爲掄才大典出題理宜詳慎今覽各省所進題名錄中其題目多有未當如福建三場策
臺灣事宜一道於地方情形勢毫未通曉乃茫昧命題殊爲悖謬其餘各省亦未盡當爾等將各省呈覽題
目及題名錄詳加檢閱若有悖謬最甚者察出參奏欽此大學士等遵 旨察看福建雲南河南三省第三場
策問命題辭義多有未當均屬悖謬將主考等分別各降級調用會典事例

五十年寬鄉會試發榜期限先是順治二年定闈中閱卷限程自分卷以至揭曉約可半月至是年順天鄉試
發榜過期爲監試御史參奏得 旨直隸各省生員舉人增額既多赴試者較前倍衆考試官不能細心徧閱
草率錄取以致遺失佳卷此皆因出榜之期太近故耳如出榜多展數日則考試官得以詳閱試卷不致有遺
珠之嘆下九卿議奏尋議嗣後會試揭曉寬於三月十五日內鄉試揭曉大省寬於九月十五日內中省寬於
九月初十日內小省寬於九月初五日內直隸江南浙江鄉試人數倍於他省照會試例加用房官二員限期
既寬主考官閱房考官之薦卷外餘卷亦令徧閱庶不致遺失佳卷從之通考

五十三年議准 殿試登科錄內載 御製策題科場條例

雍正元年覆准順天鄉試錄該府尹恭 進其各省鄉試錄移送禮部彙齊恭呈 御覽科場條例

二年敕鄉試三場畢主考遴選佳卷合進三場揭曉後刊刻試錄登科錄進呈試錄並載三場中式文擇其尤
者每題一篇通志

七年覆准直省鄉試及會試試錄前後序文均應用小字書刻以昭敬謹之義其序文雖不用駢體而既係進
呈自應遵照入告之體不得仍用浮套陋習於陳奏中忽作誥誡士子之語徒事鋪張有違敬謹之義會典事

例

十年定各省鄉試題名錄除恭進 御覽外再繕寫三場題目併題名錄十本隨副本一同送部以憑磨勘會

典事例

乾隆六年諭各省進呈鄉試題名錄向例將中縫黏連裁口向外雖係舊式相沿然單篇背幅頗不便於觀閱今湖南巡撫許容所進試錄用書本裝法於披覽為宜嗣後各省俱照此式進呈會典事例

十二年定各省鄉試中式人員除照例將題名錄咨送吏部外俱令呈明現任候補及就職議敘捐納等項情節由該督撫咨報吏部銷冊至各省會試人等應令各督撫將本人原係候補及曾經揀選就職捐納議敘記名凡有關選補之處於咨內聲明俟中式後吏部行文禮部查明開送銷冊會典事例

十七年諭賓興大典務得真才惟在衡覽精詳庶不致有遺珠之歎從前發榜日期太速後經按省分之大小分別展限原因士子寒窗攻苦決得失於風檐寸晷之中傳秉文衡者從容研覈去取詳審不為魚目所混近來監臨因有經理地方之事如山西省即於二月二十八日揭曉為期迫促未免草率竣事嗣後主試務按照定限寬限閱卷加意精覈不得匆促價辦以副簡拔優劣求鑑拔真才大典會典事例

二十三年議准查各省鄉試填榜定例久經載入科場條例日久廢弛容有但取速完不行查對硃墨卷者應再通行直省務令遵照辦理不得仍前草率儻解卷到日經磨勘官對出硃墨不符將監臨等官一併議處會

典事例

二十八年奉 旨今日閱禮部所進會試登科錄本內俱有恭進 皇太后及皇后一本等語此係沿襲具文

非事關典禮者可比如慶賀表箋及進春進時憲書等類自應遵循舊例至若會試登科錄部本原稱交內閣照例收貯此不過循例進呈在朕尙不必親加披閱況我朝宮闈肅穆不惟一切政務從不與聞卽尋常細事亦無絲毫干與似此相沿舊套徒費抄寫自應停止此外尙有類此繁文縟節未經更正者並著大學士會同該部查詳更定妥議具奏欽此遵 旨議定政務宜歸簡易章奏無取具文若果事關典禮自應恪守舊章其餘一切沿襲繁文謹遵 聖諭奏明停止所有每科文武 殿試小金榜每科會試順天鄉試揭曉日場中繕寫題名錄各省鄉試錄向俱恭進 皇太后 皇后各一本應一併停止會典事例

三十年議准順天鄉試由府尹出榜向用該府尹印信會試由禮部出榜亦用禮部堂印外省事同一例所有出榜列銜及鈐用關防均應歸於巡撫則內外體制亦得畫一會典事例

三十九年題准山東山西四川貴州等省鄉試錄內執事字樣單檉殊屬違例又貴州鄉試錄後序副主考漏書銜名亦有不合應將該考官等交部察議科場條例

四十三年奏准填榜放榜之日外箴自知貢舉以下外監試提調俱集奎堂共襄開榜供給等官率廚匠卓役亦併入內龍門人數既衆禮部鈐榜官到時護印護榜送錄領卷官並欽天監候時官等下至書吏家人一擁而入向未設有彈壓之員應令原派之副都統二員於填榜日早赴貢院至公堂前會同外箴巡察御史查驗覈實放入臨期同入內龍門在聚奎堂外仍分兩翼各帶兵數名彈壓巡查其內龍門外卽督率所屬將備二員帶兵十餘名兩邊巡邏如有窺探門戶登跳牆屋者卽行拿住於開門時回明本官究治放榜時卽令將備等護送至張掛處所禁約搶攘擠會典事例

嘉慶四年題准戊午科各省鄉試錄山東等十四省已據陸續咨送到部惟湖北省尚未送到現屆會試期近

照例先送內閣收貯其湖北鄉試錄俟送到時再行補送應查取辦理遲延職名交吏部察議科場條例

九年定新例各省中式題名錄均於姓名下註明年歲所有恭呈御覽題名錄自應開載年歲繕寫進呈其

送部題名錄及鄉試錄亦應詳細開載以昭畫一會典事例

右榜錄

皇朝政典類編卷二百

選舉十

文科明通榜 中正榜 挑應錄 挑教習 舉人大挑 制科 解卷 磨勘

順治初年定舉人中副榜者免其 廷試禮部咨送吏部授職會典事例

九年奏准補遺舉人以會試三科爲限通考

十五年定各省舉人據選年分赴貢監考試補用例舊例舉人會試三科乃准據選就教者不拘年分今將違省舉人酌議如補其餘直隸近省舉人會試五科方准據選會試三科方准就教各項貢監已考定職銜者過堂之時滿漢公閱察其年力衰老者照投職銜例給與頂帶不必除授此外有因難於久候情願告降者許呈明察准嗣後除歲貢照舊外其餘貢監考職每百名止取正印八人餘俱以州縣佐貳用告降選授俱照舊例

行通考

雍正元年吏部疏奏舉人據選知縣每逾三十年不克及時試用除現在已經截取赴部聽其照例銓選外其餘無論已未據選之員除本科外應行令直省督撫每於鄉試事竣會同主考官秉公驗看凡年力精壯克勝吏治者給文赴部銓選其年老及才具平常者雖已經截取俱准於本籍具呈改就教職歸班銓選從之通考

五年詳准會試落卷內據選文理明通者引 見以教職即用通考

吏部奉 諭旨會試舉人著爾部據舉引見併問九卿將所知者舉出再舉人內有伊等同鄉素日推服之人亦著舉人公舉或數人共舉一人或十數人共舉一人俱將姓名註明務須有欲有爲有守之人方可推薦不

得冒濫通考

十一年奉 上諭雲南貴州廣東廣西四川福建六省舉人赴京會試路程遙遠非近省可比朕意欲於落卷中擇其文尙可觀而人材可用者添取數人俟有錄用以昭朕格外加恩之意著傳諭主考官於六省試卷遵旨取中外其次等可取之卷不拘數目秉公選出俟發榜後朕另派大臣會同主考官驗看人材再加遴選奏聞請旨再六省落第舉子內除願於下科會試者不必報名外若有情願小就以屬卽行錄用者著在禮部報名一併交與派出之大臣主考官揀選奏聞請旨該部預行出示曉諭六省舉子知之欽此內閣 上諭

乾隆元年禮部奉 諭旨雲南貴州廣東廣西四川福建六省舉人赴京應試未經中式者著照雍正十一年之例揀選奏聞其上次記名二十一人一併入於此內請旨旋於五月內引 見發往各省以知縣試用再行題請實授以主事用者一人以教職用者四人通考

二年議准此次會試之後遵照雍正五年之例揀選下第舉人文理明通者大省四十人中省三十人小省二十人引 見 欽定令回本省以學正教諭卽用會典事例

七年議准此次會試落卷卽令正副考官於正榜中額外將各房所有薦卷照乾隆二年所定大中小省額錄取明通者如有不敷將備卷內文尙清妥者補足於會榜揭曉後交禮部拆號填書姓名籍貫知會吏部請

旨命王大臣驗看揀選引 見照例補用會典事例

十年擇取落第舉子明通之奏補用教職與七年例同會典事例

又奏准士子出場多將文字謄送先達評閱現奉 特旨俟出榜後派大臣另挑落卷畀以司鐸將來所派大

臣未必非即從前送閱之人嫌疑不免請令吏部議定各省應取明通數目即咨禮部行知內饒考官於正榜外再取明通爲一榜會典事例

十七年奉 諭旨今歲 萬壽恩科各省計借雲集而中額所收列有定數其下第舉子中年力才具可以及時錄用者特予格外加恩揀選引見分別以知縣試用教職銓補俾得早列仕版目今巡幸塞外若俟回鑾再行揀選未免守候需時著在京總理事務王大臣協辦大學士阿克敦尙書舒赫德劉統勳孫嘉淦於會試揭曉後即行會同揀選大省四十人中省三十人小省二十人俟朕回鑾以次引見其年在七十以上難以復國進取者並著該部查明具奏候朕酌量加恩仍預行曉諭各舉子知之通考

十九年諭會試榜後下第舉人歷科以來間有格外加恩之典今科會試所有下第舉子亦著加恩於薦卷內選取文理明通者驗看揀選帶領引見昇以司鐸之任其奏請簡派大臣閱卷驗看及按省酌定員數分班選用之處該部察例具奏至年七十以上者著該部帶領引見酌量給與職銜以示優惠欽此遵 旨議定各省薦卷中數目多寡不等若按大中小省六十四十三十之例選取難以允協請交派出之閱卷大臣就各省薦卷中擇取佳卷多者毋過四十名少者務足十五名其薦卷僅足十五名之四川及不足十名之廣西貴州酌量擇取數名均由禮部拆號填榜移送吏部照例辦理會典事例

三十七年吏部擬覆湖廣道御史李登瀛疏言直隸山東河南江南浙江江西陝西湖北等處舉人會試五科不中方許揀選又需次數年始得補用請酌減科分揀選使得及時効力應如所請直隸等九省舉人會試三科不中准其揀選知縣一科不中改就教職者以州學正縣教諭補用從之通考

右明通榜

順治十三年內宏文院大學士覺羅巴哈納等奏言內三院機務繁多辦事撰文各有專職嗣後撰文中書請於額設員缺外另考取六員果能三年稱職卽送部選授主事其額設中書三十員止令辦職於本衙門加銜久任不復送部選授至考取之法撰文者則於舉貢內擇文理優長學問淹博者選用辦事者則於監生員內擇文理平通字畫端楷者選用庶供職得人而關務無曠矣從之尋示期考試吏部考取正副參移送內院覆試錄用至康熙六年令進士考取中書三十三年例監准貢不准考取中書而恩拔副歲正途出身者猶循舊例三十四年將貢生等盡停考試中書其缺專歸進士舉人補用至滿洲貢監生員仍得考補又定中書及部院各衙門筆帖式出缺俱令考試補授通考

雍正二年吏部詳奏內閣漢中書員缺專用景山教習之進士補授每致辦事乏人嗣後請照舊例以願就中書之進士舉人餘補內閣酌量考取擇其字畫端楷者分班選用從之通考

六年吏部議覆福建道御史李棠條奏例監考補中書三年後卽陞部屬進士舉人乃遲至十年之久始得官職嗣後例監考授中書之例應行停止將各科進士照年分前後一缺五人咨取考試得旨各科進士不必拘年分前後人數有願考者預行選取遇缺卽補通考

乾隆二十六年議准向例考試中書閱字與閱文並重既係本人書寫不無跡涉嫌疑應卽於會試薦卷中挑取但考官所校僅在文義而中書一官固須字跡端正尤須年力強壯從前考閱字跡其衰年拙滯者必不能以小楷入彀今若憑硃卷爲去取其字劣而年尙少壯者或尙可責其學習設有衰庸者亦庸其中恐難以清

就應定考取之數以四十名爲額再備取二十名主考同知貢舉各官將擬取之卷進呈交與禮部轉交該衙門傳集隨同新進士帶領引見恭候 欽定交與吏部照例選用嗣後會試之年儘內閣需人卽咨明禮部照例辦理會典事例

又議准學正額設四缺學錄額設二缺從前係九卿保舉引見補用嗣經奏准照中書之例請旨考取記名以次補用是考取補用均與中書一例今中書既於會試落卷內取錄則學正學錄自應一體辦理以省另考之煩兼可杜揣摩字跡之弊今議准取錄名數已有六十名簡用中書外尙有餘剩人員年力老成與課士相宜者卽於此內量用數員交與吏部遇學正學錄缺挨次補用嗣後遇會試之年如國子監正屆需人先期咨明禮部奏請辦理會典事例

又奉旨禮部原議此次會試所取中書內有原係中書者扣除引見但念該員等既經備選何必獨令扣除著准其一體帶領引見欽此遵旨帶領會試取中以中書學正學錄用之舉人湯上選等引見會典事例
三十三年議定中書以進士舉人輪用事例吏部準御史蔣日綸疏稱中書一官向來爲舉人進士兩項進身之路而其職掌專以字畫工楷爲重請將朝考錄取未經簡用之卷及會試薦卷內係墨各卷一併奏請欽派大臣彙總校閱擇其文字俱優者分別名單帶領引見恭候 欽定記名交部按照名次進士舉人相間輪用從之通考

三十四年奏准考取內閣中書吏部定議於已升科會試薦卷內挑取惟是薦卷一項挑取字畫須憑墨卷而墨卷省分坐號向不彌封榜發之後下第舉人坐號及曾經得薦不難查知或生希冀致滋弊端請於發榜日

主考房官填榜後先行出場知貢舉及內簾監試卷同彌封官將各房薦卷查出墨卷逐一彌封共計若干用印封固即日奏請 欽點大臣閱取共若干卷先行奏 聞俟 朝考引 見後一併挑足帶領引 見 欽定名數挨次錄用會典事例

三十六年奏准舉人中書一項前吏部奏准 朝考館選後奏派大臣於薦卷內錄用復經侍郎錢維城奏請發榜日主考等官出場知貢舉將薦卷彌封印行奏派大臣閱取但內閣中書有撰文繕寫之責文理固宜明通字書尤須端楷各房薦卷原以硃卷爲憑字書之工拙本不能知多有落卷內字畫堪以錄用因一二文藝小疵未經呈薦者今僅將薦卷一項挑取殊覺未盡請將各舉人墨卷不分曾否呈薦俱交知貢舉彌封省分紅號一併交閱卷大臣選取再各省舉人出場後應寫試藝呈送評閱情所不免若別派大臣選取其文字不無會行閱識未免涉嫌疑之跡惟主考官子弟姻親皆遵例迴避且在場匝月關外之事不會與聞應即令主考官於出場次日仍卽入闈將各墨卷校閱按數選取其所取卷數編定次序先行具奏卽行揭示繕寫名單移交禮部轉行內閣翰林院俟進士 朝考畢一同帶領引 見恭候 欽定交部錄用會典事例

三十七年奏准會試舉子內有中書學正學錄小京官六十餘名此項人員或現在供職或需次銓補俱係前次甄拔之人自毋庸於落卷內再邀錄取況該員等既前經遴選字書較工在落卷內自易入選若重複取錄徒佔名額請嗣後會試揭曉後錄取中書學正學錄時將現任及候補候選之小京官等卷逐一查明扣除毋庸封送內簾辦理更歸畫一會典事例

又奉 旨此次應取中書學正等卷著交主考官閱取所有同考官均毋庸在闈分閱其應行酌留官役人等

仍著軍機大臣會同該部定議具奏欽此遵 旨議定內籙酌留監試御史二員收掌官一員外籙酌留至公堂監試御史二員提調官一員彌封官二員以資辦理其餘各員俱令出闕所有甄門御史四員亦毋庸復任外圍其大門外封閉事宜卽交順天府尹管理至書吏人等應於內籙酌留供事四人至公堂酌留書吏六人其彌封書手應令知貢舉酌留十數名在闕應用會典事例

又吏部將錄取 朝考未用人員及會試薦卷內挑取舉人等帶領引 見奉 旨李葵等三十人以內閣中書用劉景岳等十人以學正學錄用通考

五十五年諭前經禮部奏內閣中書一項據吏部咨稱見在候補者僅有七員自本年至下屆癸丑科三年之內恐不敷用請照例於會試落卷內錄取三十名等語向例錄取中書係於會試揭曉後將未經中式墨卷送入內籙交主考閱取朕思移送落卷時拆閱彌封查對紅號恐有漏洩情弊而考官閱看墨卷筆蹟亦易於認識且其時會闈已經撤棘復行甄錄中書尤非慎重關防之道向來定例本未因密況中式舉人引見歸班者十年方能銓選知縣而落第者錄取中書轉可卽日得官補缺後六年俸滿又可內用主事外用同知比縣令階級轉大實未平允著將落卷內錄取中書及學正學錄之例卽行停止俟帶領覆試合式之新進士引見後除已經錄用之庶吉士部屬卽用知縣外其餘歸班進士再交吏部按照甲第名次通行帶領引見候朕記名二三十人以中書錄用不記名者仍行歸班如此則考官無從滋弊而歸班進士添一錄用之途實屬兩有裨益所有本年會試落卷如未經錄取竟可毋庸辦理卽已經錄取亦不必嗣後如挑取學正學錄亦照此辦理

理東華續錄

右中正榜

乾隆四十二年諭辦理四庫全書並舊要二處所用膠錄計六百餘名而應行繕錄之書籍甚多上屆甲午科京闈鄉試曾於落卷中挑取補用現在又屆鄉試之期而明年膠錄中卽有五年期滿應行議敘開缺者均須隨時頂補豫爲籌備著於發榜後將未經取中之南北中皿及貝字號墨卷彌封詳慎閱擇其字書勻淨可供抄錄者皿字號挑取八百卷貝字號挑取六百卷交與吏部按照名次拆卷填註此內如有本係膠錄卽行扣除餘俱出榜曉示註冊挨補其有本生告假或不願充當者亦聽其便至應派之閱卷官俟臨時再降諭旨會典事例

嘉慶三年吏部奏准查四庫全書並舊要二處膠錄前經甲午丁酉兩科均欽奉 諭旨京闈鄉試發榜後卽在落卷內擇其字書勻淨可供抄錄者酌取備用交與吏部按照名次拆卷填註出榜曉示註冊挨補等因欽遵在案今方略 國史二館辦理書籍現在應用膠錄經該館陸續咨取到部查上次考取膠錄除告假等項外俱已用完無從咨送茲屆本年戊午科鄉試之期應請 旨卽在順天鄉試薦卷內調取墨卷令正副考官率同房官於南北中皿並貝字號內秉公校閱擇其字書勻淨可供抄錄者酌取一百二三十名於墨卷面上擬定名次交與吏部拆卷按照名次填榜出示曉諭照例挨次咨送科場條例

四年議准定例考取膠錄舉人貢監均准考試前於戊午科順天鄉試內挑取只係貢監生員舉人一項未免向隅且現在恭纂 高宗純皇帝實錄及補行恭纂 五朝實錄並各館在在需人自應多爲錄取豫備補用應卽在本年會試薦卷內先將硃墨卷分彌封再照戊午科鄉試挑取之例令正副考官率同房官擇其字

書端楷者五分挑取於落卷面上擬定名次咨送吏部拆封註冊至舉人議敘例以知縣錄用會試人數較之鄉試亦多寡懸殊應比照鄉試人數減為三分之一挑取四十名以昭慎重再查舉人貢監生均係應考時錄之人此次既補挑舉人自應與鄉試挑取監合爲一班舉人名數較貢監止三分之一嗣後遇各館需人應按其名次將生監咨送三人舉人咨送一人庶得缺既均將來議敘班次亦不致有壅滯積壓之患並請嗣後每屆鄉會試時吏部查明候補應錄人數多寡應否挑取請 旨遵行會典事例

右挑勝錄

康熙六年禮部議八旗教習缺出舉人內有願就教習者准國子監一體考取從之通考
乾隆八年奏准嗣後禮部考試各處教習照考試中書例悉歸貢監糊名考試會典事例
三十七年諭前於乾隆三十一年丙戌會試降旨分別挑選各省舉人以疏雍滯闕今已逾六載業經加恩降旨於本年春闈後照例舉行但前次挑選所有新中舉人不應遽行入選者止扣除切近兩科而上大臣等驗看多取年力精壯之人是入選者仍係近科舉子爲多其科分較陳者仍致艱於豫列豈朕設法疏通本意自應再爲參酌使官人造士並得其中方爲允協今計切近兩科如庚寅辛卯年分竟與本年直接相推溯至戊子乙酉兩科距今亦不過五年七年舉子半屬年富力強較之乾隆初年舉人懸隔三十餘年者相去霄壤概予甄錄其非情理之平此次挑選者將乙酉戊子庚寅辛卯四科舉人均行扣除至王大臣等就應挑選舉人內量其科深而人才出色者列入一等以備分發各省試用科深而才力不至近衰堪勝司鐸者列入二等以教職銓補俱引見候旨定奪其按省酌定人數照上屆例此朕愛惜士子慎重官方不得已調劑之苦心該部

卽遵諭行嗣經吏部奏準此次大挑據禮部查覆會試舉人在壬午科以前者共二千四百八十九名各省人數多寡不齊若大中小省分別核計難以適均臣等悉心籌酌請照截取舉人分別遠近省之例近省直隸江南山東山西河南陝甘浙江江西湖北挑取十分之五遠省四川廣東廣西福建湖南貴州雲南挑取十分之六約計一千三百餘名謹將各省人數酌定應挑數開列清單恭呈御覽至其入選之員無論遠近省分俱酌取一等四分二等六分臣部將列在一等者帶領引見恭候欽定二等各員開列清單另行奏聞註册銓選悉照上屆之例從之通考

嘉慶十七年議准 咸安宮學漢教習九缺仍照向例兼用進士舉人宗學漢教習八缺覺羅學漢教習十五缺 景山學漢教習十二缺共計三十五缺則專用舉人八旗官學漢教習共三十二缺仍專用貢生凡例貢及廩生捐貢均不得與嗣後每屆鄉試之年由部行知順天府於備辦試卷時將恩拔副歲優貢生五項題卷尾後印一正字以爲標識併知照監臨官另備空白紅號簿一本於第一場彌封時交彌封官查係有正字卷之紅號仍將紅號戳印空白簿內不書姓名封固送交監臨官收貯揭曉前期由部酌定八旗官學教習應取名數移會至公堂至填榜後監臨官將空白紅號簿及酌取教習名數移交內簾監試御史將各房薦卷查對與簿內紅號相同者另歸一束由正副考官照依酌定名數秉公選取將原卷呈後交禮部拆號填榜然後照例挑取騰錄至會試薦卷均係舉人毋庸多立空白紅號簿只將 咸安宮學覺羅學 景山學應取若干名先期行文知貢舉揭曉時由知貢舉移會內簾照依鄉試辦理備所取教習內有曾經取過教習騰錄及現任七品以下官及現在衙門行走者由部於拆號時照例扣除再士子讀卷既成進士無不勝教習之任應請

於歸班甲第在前之進士照依應取名數由部奏明註冊以教習補用列在會試所取舉人之前其有不願充當者准其呈請註銷所有 咸安宮學漢教習九缺應將進士擬取十分之三舉人擬取十分之七會典事例十八年覆准本年癸酉科順天鄉試薦卷內應行挑取八旗官學漢教習於備辦試卷時將恩拔副歲優貢生五項墨卷尾後印一正字以爲標識國子監順天學政本年錄科時將各直省恩拔副歲優貢生及由廩增附加捐貢生由俊秀捐納貢生錄科冊內一體詳細分別註明造冊移送順天府查覆辦理順天府於各生填寫卷面時亦俱詳細分註不得將廩增附捐納貢生一概填寫歲貢再直省新選拔諸生及上屆未經 朝考之拔貢優貢雖係例准應順天鄉試之人但向不得考取教習錄科時除已經 朝考拔貢優貢仍照例辦理外並驗明優貢內本部未經換給部照者卽係未經 朝考其由廩增附生舉優者卷面填寫優廩生優增生優附生字樣至拔貢例不換照赴部 朝考時本部將該學政所給執照內標一驗字如無驗字卽係未經 朝考卷面止填選拔生字樣其或已經驗到因人數過少尙未補考者臨時由本部知照一併填寫選拔生均不得稱爲優貢拔貢以杜淆混科場條例

二十年大學士軍機大臣會同禮部議覆御史陶澍奏請復考教習舊例一摺請嗣後教習仍歸正科 殿試後考取庶立有定期俾各省士子皆得及時應試所有投結備卷以及應辦場務一切章程均循向例自嘉慶二十二年丁丑科爲始遵照辦理其現在小京官及各衙門行走人員並取過騰錄校錄無論已補未補仍均不准與考俱令於同鄉官印給內聲明並非職官亦未取過騰錄校錄字樣禮部方准收考如有朦混投考雖經取錄查出後仍行扣除等因奉 旨依議欽此科場條例

右挑教習

凡會試後奉 旨舉行大挑禮部查造清冊咨送吏部奏請 欽派王大臣於各省舉人內公同揀選一等者以知縣試用二等者以教職銓補會典事例

雍正二年奉 諭旨遠省州縣員缺舊例部選月官領憑赴任每至需遲累月甚而懸缺日久署印屢易其官以致貽誤地方不少朕意將揀選舉人選期尙遠者挑選命往各省聽候缺出委用署事至應選時仍來京候選庶遠省署事不致乏人於吏治有益下部定議尋議會試後下第舉人吏部揀選引 旨發往雲貴川廣五省委署試用如果才守兼優著有實效該督撫保題於本省補用下常者咨部請 旨有情願會試者聽從之通考

乾隆十七年定下第舉子禮部查造清冊送總理事務王大臣揀選帶領引 見分別以知縣試用教職銓補會典事例

二十六年諭乾隆十七年壬申恭遇 聖母皇太后六旬萬壽恩科曾經格外加恩於下第舉子中揀選引見量予錄用其在七十以上者並分員給職銜本年恭遇 皇太后七旬萬壽數天同慶特開 萬壽恩科所有未經入彙舉子應照前例一體加恩按其科分名次先後爲序派出大臣詳慎簡選擇其年力壯盛可以及時錄用者大省四十人小省三十人帶領引見分別以知縣試用教職銓補不得專取少年新科之人充數並著軍機大臣會同該部查明應試舉子中有年在七十八十以上者以揭曉後列名具奏候朕加恩降旨以專 慈恩而光盛典該部卽遵諭行俾衆舉子共知之會典事例

三十年奏准本年奉 旨大挑大省一百八十名中省一百二十二名小省七十六名會典事例

三十一年諭前以歷科舉人積次壅滯思所以籌辦疏通俾得及鋒而試特降旨令於會試時及時揀選引見候朕分別錄用乃朕嘉惠寒畯格外加恩與尋常揀選下第者不同現在士子聞風踴躍雲集京師視歷科應試者爲數倍多若循例於榜後始行揀選引見則伊等守候需時未免艱於旅食朕心深爲軫念莫若卽於月內定期揀選列爲三等其應行引見者候朕於 時饗 常雩齋戒進宮時卽行分次帶領引見亦省其赴回明園車馬往來之費其入選人員內榜發中式進士者原有簡擢甄錄之途而挑選未入者下第後卽得過程歸里不致久滯都門於寒士尤爲有益至前經大學士九卿等議奏按省分之大小酌定人數多寡雖比較向例量爲加增而覆計止七百餘人尙覺限於成格爲數無多並著廣爲挑選其列在一二等者統以二千人爲率分別簡用其年逾七十以上者著查明具奏候朕酌量加銜俾得普被殊恩各遂其彈冠慶幸之志副朕體恤士林樂育羣才至意著派簡親王裕親王誠親王和親王劉統勳阿里衮陳宏謀託恩多李侍堯福隆安公同遴選該部遵諭速行會典事例

三十七年奏准本年奉 旨大挑照截取舉人分別遠近省分之例直隸江南山東山西河南陝西浙江江西湖北等省挑取十分之五四川廣東廣西福建湖南貴州雲南等省挑取十分之六其入選之員無論遠近省分俱酌取一等四分二等六分引 見錄用會典事例

四十五年諭前以各省舉人選用知縣需次至三十餘年因於壬申辛巳丙戌壬辰等科降旨挑選分發各省試用於銓政既無壅積而士子得及鋒而試不致淹滯多年今因三十七年壬辰科挑選以後距今又屆九年

所有分發一等舉人各省將次
王大臣再行挑選並照例將近
四十六年奉 上諭各省大挑
乾隆三十七年壬辰大挑部臣
優恤起見而未思及近省中式
人科分有遠至三十五六年者
舉人會試三科後始行揀選而
用其得官已較近省爲優今大
之道未爲平允除本年已經辦
但就人數多寡均勻挑取俾遠
五十二年諭向來大挑舉人但
行挑選未免又需時日此次大
五十八年奉 上諭直省舉人
嘉慶五年諭各直省舉人自乾
大挑該部屆期查照向例奏
又 諭大挑各省舉人業經降

於吏治民生實有裨益近年例將近四科舉人扣除不挑是應挑者皆係遠科恐人數過少難以甄錄若將近科概行與挑又恐挑取者多係新進而科分較深者仍致淹滯所有明歲大挑舉人著將近年乙卯戊午庚申三科舉人扣除其甲寅以上各科舉人俱准一律與挑會典事例

六年諭內閣吏部議駁御史濟蘭條奏酌改大挑舉人章程一摺已依議行朕在藩邸時曾蒙 皇考簡派與成親王永理及大學士阿桂劉墉等一同挑選彼時朕與成親王坐位在前卽係與衆大臣公同商酌以定去取從無獨出意見之事目今派出之王大臣等自不敢意存專擅如果挑選時派出居首之一二人並不與他人參酌現有御史在旁原可據實參奏儻寬有聽受囑託情事訪查得實亦無難列入彈章何必更易舊規始能別弊若如該御史所奏令派出之王大臣於名冊內各註記號挑畢後另派親信大臣會同拆看始定去留挑額不敷再將此記號圈彼記號圈之舉人另傳覆看如此煩擾周章成何政體設覆看之大臣亦不可信又將簡派何人乎該御史又請每排不必豫定額限亦屬非是歷來挑選每排以十人爲率無論遠近省分皆挑十分之五一等者二人二等者三人按科分名次均勻選擇方有限制若不按排挑取轉得前後任意通融更滋物議該御史所奏皆斷不可行至大挑舉人原爲疏通寒峻以免淹滯其中年力精壯者自應列爲一等俾得及鋒而試卽年齒稍長而精力未衰亦可與民社之選若年力近衰之人則應列爲二等俾騰司鐸以遂其讀書上進之願惟在派出之王大臣等仰體朕意秉公挑選自必輿論翕然不在多爲條例也將此通諭知之

聖訓

又諭內閣大挑舉人原爲疏通寒峻俾免淹滯挑選時並不試以文藝祇就其人年貌分別去取立法遵行

已久亦斷無復行考試之理而希榮干進者流妄生冀幸賄囑情求均所不免並聞從前大挑有豫先私許銀數封貯於挑得後憑票交兌者士論沸騰去取未能允協嗣經劄權之條奏 皇考因特派皇子與大臣等公同揀選朕與成親王於乾隆五十二年六十年會兩與其事溯自乾隆三十八年癸巳已蒙 皇考密緘朕名續承大寶而丁未乙卯兩次大挑俱蒙 皇考簡派仰見 聖心於此一事委任至爲慎重乃彼時即有人將與挑舉子託言私宅賓友竟敢在朕前呈遞名條者朕與成親王密記所託姓名屏而不錄今其人尙在朝列亦不必明言使彼內愧於心耳試思內廷皇子尙有人敢於請託況王大臣乎此次大挑經朕派出王大臣等諒不敢爲受賄營私之事而徇情囑實不能保其必無卽有謹飭自愛者面爲拒絕亦未必肯將囑託名條遠行陳奏但此等賈緣舞弊之徒若不嚴辦一二不足示儆今特明頒諭旨尙尙有向派出之王大臣暗遞名條請託者卽著密封進呈朕必將囑託之人分別懲治王大臣給予甄敘儻有心隱匿存息事之淺見經朕訪聞或別經發覺定將王大臣一併治罪決不寬貸 聖訓

十二年奉 上諭各省舉人自嘉慶六年辛酉科大挑後至明歲會試又闕六載著於戊辰科會試後大挑照上屆之例將近年辛酉甲子及本年丁卯三科舉人扣除其庚申科以上各科舉人俱准其一律與挑該部屆期查照向例奏辦欽此科場條例

又吏部議覆御史胡大成奏請大挑舉人添註挑冊年歲一摺嗣後每遇大挑屆時由吏部行文禮部咨取會試龍門冊籍數對年歲並於挑選單內註明以憑考覈科場條例

十三年上諭內閣通政使司副使國泰和奏大挑舉班壅滯請有酌量變通一摺近年各省分發知縣班次較

多前次挑發人員尙有未能補缺者若此次仍照舊額挑發恐清次多時轉形壅滯但如閩泰和所奏請將一等較舊額酌減一半所減之額卽歸入二等班內則一等額數又未免較少而二等額數過多恐銓補亦多窒礙未爲允協朕於藩邸時兩次親理挑務其分別一二等舊額尙所稔知所有此次大挑舉人著於每班二十人內挑取一等三名二等九名以示體恤寒峻之至意 聖訓

十八年諭吏部奏各省舉人自十三年戊辰科大挑後至明歲甲戌科已閱六載應否舉行挑選請旨等語各省舉人從前 皇考高宗純皇帝加恩寒峻特予大挑俾多士及時自效朕親政以來每閱六年按次舉行惟見在分發各直省者爲數過多該舉人等挑選以後補缺無期省垣需次資斧爲難此次若再照例挑選發往更形壅滯轉非所以體恤寒士之意所有助歲大挑著暫緩一科於丁丑科會試後舉行並著嗣後每屆四科奏請大挑一次仍照例扣除近三科舉人俟各省挑往人員漸次疏通該部卽奏明再行照舊辦理 東華錄

道光五年吏部具奏查定例吏部於每科會試前查明上次大挑之後如已閱六年將應否再行挑選之處具奏請 旨遵行如奉旨挑選將近三科之人扣除等語又嘉慶十八年奉 上諭嗣後每屆四科奏大挑一次仍照例扣除近三科舉人俟各省挑往人員漸次疏通該部卽奏明再行照舊辦理等因欽此

道光三年癸未科應舉行大挑於二年七月具奏奉 上諭明歲各省舉人屆應大挑之年惟現在各省及河工候補各員人數壅滯所有癸未科大挑著暫緩一科於丙戌科會試後舉行欽此又本年七月議覆御史佛恩多條奏滿洲蒙古漢軍舉人一體准其大挑等因一摺奉 旨依議欽此欽遵各在案今查明歲丙戌科會試後理應遵 旨舉行大挑等因奉 旨依議欽此科場條例

右舉人大挑

凡制科曰博學鴻詞曰經學 詔乃舉 皇帝巡幸則 召試會典

康熙十八年 召試博學鴻詞 欽取五十人分別授職先是十七年奉 諭旨自古一代之興必有博學鴻儒拔興文運闡發經史潤色辭章以備顧問著作之選朕萬幾時暇遊心文翰思得博洽之士用資典學我朝定鼎以來崇儒重道培養人才四海之廣豈無奇才碩彥學問淵通文藻瑰麗可以追踵前哲者凡有學行兼優文詞卓越之人不論已仕未仕著在京三品以上及科道官員在外督撫布按各舉所知朕將親試錄用其餘內外各官果有真知灼見在內開送吏部在外開報該督撫代為題薦務虛公延訪期得真才以副朕求賢右文之意爾經內外諸臣保薦陸續送部又奉 諭旨所舉官人俟全到之日考試恐有貧寒難支者戶部量給衣食於是月給俸廩及柴炭銀兩至是集諸人於體仁閣考試 欽命試題賦一篇詩一首 上親覽試卷大學士掌院學士參閱分爲四等曰上上曰上曰中曰下以彭孫通爲第一共取五十卷上上卷二十作一等上卷三十作二等其中卷三等下卷四等俱落第又於上卷中片去一卷 上自取嚴繩孫卷補之爰 命閣臣取前代制科舊例查議授職尋議查得兩漢授無常職晉上第授尙書郎唐制策高者特授以尊官其次等出身因之有及第出身之分宋制分五等其一二等皆不次之擢三等始爲上等恩數比廷試第一人四等爲中等比廷試第三人皆屬制科出身第五等爲下等賜進士出身得 旨俱授爲翰林院官於是分別定議內陞道員授爲侍讀邵吳連一人候補道員郎中授爲侍講湯斌李來泰施閏章吳元龍四人進士出身之小事中行評博內閣中書知縣及未仕之進士授爲編修彭孫通張烈汪霽喬萊王瑱齡陸棻錢中諧袁佑汪琬沈

珩米漢雲黃與堅李鏡沈筠周慶曾方象瑛金甫曹禾十八人舉貢出身之推知教職革職之檢討知縣及未仕之舉貢廢監布衣俱授爲檢討倪燦李因篤秦松齡周清原陳維崧徐家炎馮勛汪楫朱彝尊邱象隨潘耒徐執尤侗范必英鐘如岳張鴻烈李潛中龐壇毛奇齡吳任臣陳鴻績曹宜溥毛升芳黎澹高詠龍燮嚴繩孫二十七人共五十人俱充史館官纂修明史又奉 諭旨杜越傅山王方震等文學素著念其年邁從優加銜以示恩榮因俱授爲內閣中書聽其回籍通考

四十二年 聖祖仁皇帝巡幸江浙 御試士子中選者 賞白金令赴京錄用有差會典事例

四十四年 聖祖仁皇帝巡幸江浙 諭江南江西總督阿山等內廷供奉諸翰林雖皆善書但朕勤心典籍卷帙繁多見在供奉人員繕寫不給爾等出示傳諭安徽江蘇舉貢生監等有精於書法願赴內廷抄寫者赴爾等衙門報名至浙江亦照此傳諭朕親加考試特諭會典事例

是年考取舉貢生監等詩字浙江顧祖雍顧寧遠二人蘇州汪泰來等五十三人江寧錢榮世等五人均記名錄用並給白金有差謹案康熙四十二年四十四年 聖駕南巡兩次考取士子自顧祖雍顧寧遠汪泰來錢

榮世外尚有江寧丁國南長洲徐葆光周鼎錢元台董永朝陸淹顧嗣立沈經錢阿瑛汪俊吳縣吳士玉許懋德鄭韻張位金珪崑山秦培王維淮錢金聲王維漢常燕鄰元斗吳江吳景果潘秉均陳王謨郭順吳學禮雙縣王綺吳光睿馮守禮華亭王時鴻高不濤徐球上海張果浚齊浦陸箕永武進楊士嶽楊祖楨莊楷趙佃駁無錫杜詔揚希曾宜興儲在文吳元豐丹徒張宏敏劉上駟范聖文鄭維新金壇于樹範于枋山陽楊開沅張有掖邱起元江都楊潛方觀貞從龍李同聲郭元軒儀徵洪慶泰州宮鴻烈沈寅俞楷田廣運宮懋諒太倉楊

雙周旋嘉定沈璠高位張大受江宏文王敬銘青陽吳襄 會典事例

雍正十一年奉 上諭國家聲教覃敷人文蔚起加恩科目樂育羣才彬彬乎盛矣朕惟博學鴻詞之科所以待卓越淹通之士俾之黼黻皇猷潤色鴻業膺著作之任備顧問之選 聖祖仁皇帝康熙十七年 特詔內外大臣薦舉博學鴻詞召試授職一時名儒碩彥多預其選得人號為極盛迄今數十年來館閣詞林儲才雖廣而宏通博雅淹貫古今者未嘗廣為搜羅以示鼓勵自古文教修明之日必有瑰奇大雅之才況朕 聖祖仁皇帝六十餘年壽考作人之盛涵濡教澤薄海從風朕延攬維殷闡門籲俊敦崇實學諭旨屢頒宜有品行端醇之才優瞻枕經研史殫見洽聞足稱博學鴻詞之選所當特修曠典嘉與旁求除現任翰詹官員無庸再薦薦舉外其他已仕未仕之人在京著滿漢三品以上各舉所知彙送內閣在外著督撫會同該學政悉心體訪遴選考驗保題送部轉交內閣務期虛公詳慎搜拔真才朕將臨軒親試優加錄用廣示興賢之典茂昭稽古之榮應行事宜著大學士九卿會議具奏雍正內閣 上諭

十三年諭朕令薦舉博學鴻詞以廣育才之典為督撫學臣者自應秉公採訪加意蒐羅以副朕愛惜人材之至意乃降旨已及兩年而外省之奏薦者寥寥無幾以江浙兩省人材眾多之地至今未見題達此非人材之不足應選乃督撫學臣等奉行不力之故也大凡薦舉之典臣工得以行其私者往往踴躍從事爭先恐後若不能行其私則觀望遲回任意延緩其跡似乎慎重周詳其實視公事如膜外也凡督撫學臣之所考取者不過就耳目見聞之所及彼伏處巖阿學問淹雅素有抱負之士未必肯以文章筆墨求售於有司以俸邀一日之遇合是在督撫學臣留心訪察加意旁求屏虛名而崇實學以佐國家右文之治如李衛吳應泰合舉二人

吳應棻又獨舉二人就中則有宣化府進士夫以宣化北邊一郡尙有可舉之人何況內地各省之大可見李衛吳應棻乃實心爲國家留意人材者若再通行宣諭無論已奏未奏之省俱著再行遴選倘因朕此旨而遂冒濫以行其私亦難逃朕之鑒察若果有才華出衆而與例不符者著具摺陳奏候朕降旨其在京三品以上之大臣均有薦舉之責將此一併曉諭知之 雍正內閣 上諭

乾隆元年定博學鴻詞試題之例吏部議覆御史吳元安奏言薦舉博學鴻詞原期得湛深經術敦崇實學之儒始足副淹雅之稱膺著作之選蓋詩賦雖取兼長而經史尤爲根柢若徒駢綴儷偶推敲聲律縱有文藻可觀終覺名實未稱應如該御史所請考試博學鴻詞定爲兩場首場試以經解一篇史論一篇二場照例試以詩賦論三題皆許白辰至酉夜則准其繼燭以盡其長疏上如議行通考

又考試博學鴻詞 欽取十五人分別選授翰林院官先是雍正十一年四月奉 諭旨朕惟博學鴻詞之科所以待淹通之士俾之膺著作之選備顧問之任 聖祖仁皇帝康熙十七年薦舉博學鴻詞召試授職迄今數十年來未嘗廣爲搜羅以示鼓勵朕延覽維殷闢門籟俊敦崇實學論旨屢頒宜有殫見洽聞足稱博學鴻詞之選者所當特修贖典嘉與旁求在京著滿漢三品以上各舉所知彙送內閣在外務撫會同該學政悉心體訪遴選考驗保題送部轉交內閣朕將臨軒親試優加錄用至是內外諸臣保薦陸續到部凡考試事宜俱如康熙十八年例經大學士鄂爾泰等奏擬一等考取五名授以翰林院編修二等十名內由科甲出身者授以翰林院檢討未經中舉者授以翰林院庶吉士奉 諭旨依議次日帶領引 見劉綸潘安禮諸錦于振杭世駿俱授編修陳兆崙劉藻夏之蓉局長發程恂俱授檢討楊度汪沈廷芳汪士鐘陳士璠齊召南俱授庶吉

士次年又補試博學鴻詞一名二名三名萬松齡張漢授爲檢討朱荃洪世澤授爲庶吉士通考

十六年大學士九卿等遵 旨保舉經學人員陳祖范等疏上 上諭陳祖范等平日研窮經義必見之著述

將親覽之以規齊學在京者交送內閣進呈其人著該部帶領引見在籍者行文督撫就近取進俟觀其著述

另降諭旨或願赴部引見及年老不能來京者俱聽尋賞給陳祖范顧棟高國子監司業職銜授吳國子監

司業梁錫瑛額外司業通考

高宗純皇帝巡幸江浙 諭朕省方觀民南巡江浙羣黎士庶踴躍趨迎就瞻慈輿紳士以文字獻頌者載道

接踵愛戴之忱有足嘉者朕已疊沛恩膏隨時賞賚細昔 皇祖聖祖仁皇帝時遠所至優獎士類一時碩學

通才多蒙 鑒拔方策所載稱盛事焉嘉之于予而來皆樸樸作人久道所貽也夫膠庠之秀志切近光其積

學有素文采穎異者加之甄錄良合於陳詩觀風育才造士之道顧工拙既殊真履錯出理應試之無使魚目

混珠得混珠玉其如何分別者試著大學士傅恆協辦大學士梁詩正侍郎汪山敦會同該總督學政詳議具

奏欽此遵 旨議准江南省自入堦以後江蘇各屬進士舉人生監人等陸續進呈詩文業經學政詳有恭遵

旨詳閱奏 開共二十九名並蒙 御覽賞給緞疋之翁照陸遵書陸授詩等俱應令其與考其安徽各屬

進獻詩賦之生監等亦令該學政分別去取入選者與江蘇獻詩人等俱在江甯恭候 駕到時一體考試至

現在浙江香士子進獻詩文應交學政雷銜分別去取彙齊開單進呈所有應考士子卽令在杭州省城靜候

考試應於 駕至杭州及江甯日會同酌議日期奏 聞請 旨命題並派監試大臣侍衛護軍人等監視稽

查以昭嚴肅會典事例

又諭此次考中之謝墉陳鴻寶王又曾皆取其最精者且人數亦不多著加恩特賜舉人授爲內閣中書學習行走令其與考取候補人員一體補用併仍准其會試會典事例

又諭此次考中之蔣雍植錢大昕吳頌緒寶堯吳志鴻著照浙省之例特賜舉人授爲內閣中書學習行走與考取候補人員一體補用其進士孫夢達著授爲內閣中書遇缺補用會典事例

二十二年 高宗純皇帝巡幸江浙 諭浙江進獻詩賦考取一等之童鳳三陳華組顧震錢受穀著照乾隆十六年之例俱特賜舉人授爲內閣中書學習行走與考取候補人員一體補用其二等之沈初等十二名著各賞緞二疋會典事例

又諭江蘇安徽二省進獻詩賦考取一等之進士王昶著授爲內閣中書遇缺卽補曹仁虎章謙恆吳省欽緒廷璋吳寬徐曰理俱著特賜舉人授爲內閣中書學習行走與考取候補人員一體補用其二等之劉濱等十四名著各賞緞二疋會典事例

二十七年 高宗純皇帝巡幸江浙 諭浙江進獻詩賦考取一等之進士孫士毅舉人汪孟錫俱著授爲內閣中書遇缺卽補沈初王壽俱著特賜舉人授爲內閣中書學習行走與考取候補人員挨次補用其二等之李巨華等十三名著各賞緞二疋會典事例

又諭江蘇安徽進獻詩賦諸生考取一等之進士吳泰來陸錫熊郭元濂俱著授爲內閣中書遇缺卽補程晉芳趙文詰嚴長朗徐步雲錢襄俱著特賜舉人授爲內閣中書學習行走與考取候補人員挨次補用其考列二等之劉濱等十四名著各賞緞二疋會典事例

三十年 高宗純皇帝巡幸江浙 諭浙江進獻詩賦考取一等之進士張培馮應榴舉人吳壽昌俱著授爲內閣中書遇缺卽補陸寶壟著特賜舉人授爲內閣中書學習行走與考取候補人員挨次補用其二等之黃瀛元等十四名著各賞緞二疋會典事例

又 諭江蘇安徽進獻詩賦諸生考取一等之舉人鄧灃張熙純俱著授爲內閣中書遇缺卽補鮑之鍾金榜秦潮周發春吳楷洪朴陳希哲蔣寬劉種之俱著特賜舉人授爲內閣中書學習行走與考取候補人員挨次補用其二等之程世鎔等二十一名著各賞緞二疋會典事例

三十六年 高宗純皇帝巡幸山東 諭此次考試山東省進獻詩賦之生員初彭齡監生寶汝翼俱著加恩賞給舉人准其一體會試會典事例

三十八年諭此次天津召試一等生員顧莖李廷敬貢生閔思毅陸伯焜賞給舉人杜兆基以內閣中書用列在二等之進士張虎拜舉人張方理等六人生員陸馨三人貢監生邱人龍四人俱賞緞二疋通考

四十一年諭朕因平定兩金川集勦奏凱巡幸山左告成泮林山東及各省士子聯袂迎鑾抒誠忭頌進獻詩賦者甚多因照從前巡幸之例命題考試就其文義量加甄錄所有列在一等之貢生黃道張李憲喬監生蔡廷衡俱著賞給舉人其舉人寶汝翼秦瀛著以內閣中書用其列在二等之舉人貢監生員李佩鸞等十六人俱著賞給緞二疋以示優武修文慶惠士林之至意通考

又 諭朕因平定兩金川告成 闕里回鑾舉行郊勞盛典踴途經過津門直隸各省士子祇迎道左抃頌抒誠進獻詩賦者甚多應照此次在東省召試之例就其文義量加甄錄所有列在一等之進士邱桂山等五人

俱著以內閣中書補用蔡萬年等三人俱著賞給舉人其列在二等之舉人員監生員周光裕等二十人俱著賞緞二疋以示嘉惠士林之至意通考

四十五年 高宗純皇帝巡幸江浙 諭浙江進獻詩冊考取一等之馬履泰沈曉李彤沈叔埏著特賜舉人授為內閣中書學習行走與考取候補人員挨次補用其二等之吳純等十三名俱著賞緞二疋會典事例

又 諭江蘇安徽進獻詩冊諸生其考取一等之舉人汪履基著授為內閣中書遇缺即補呂光復等十人俱著特賜舉人授為內閣中書學習行走與考取候補人員挨次補用江西省考取一等之蔣知讓葉元復著照

直隸山東召試之例賞給舉人準其一體會試其江蘇安徽江西三省考列二等之葉恩綬等三十三名著各賞緞二疋通考

四十九年 高宗純皇帝巡幸江浙 諭浙江福建進獻詩冊考取一等之張師誠費錫章何金姚祖同俱著特賜舉人授為內閣中書學習行走與考取候補人員挨次補用浙江省考列二等之吳純等十七名福建省

列為二等之鄭光策等二名俱著賞緞二疋會典事例

又 諭江蘇安徽進獻詩冊考取一等之進士莊選辰著授為內閣中書遇缺即補劉召揚鄭宗洛黃文輝汪彥博司馬廩葉銓孫一元繆炳泰莊復旦程振甲張曾獻鮑勳茂金應琦朱承龍俱著特賜舉人授為內閣中書學習行走與考取候補人員挨次補用江西省考取一等之譚光祥吳本著照上屆之例賞給舉人准其一

體會試其江蘇安徽江西三省考列二等之周愛蓮等三十五名著各賞緞二疋會典事例

員賞給舉人似此逾格之恩原所以獎勵績學而心存躁進者每思弋獲濫叨在送考之學臣閱卷之大
 臣均係欽命大員必皆秉公自矢而考試之地既非殿廷貢院可比易於傳遞代倩所考之人又皆各省
 雜湊學臣向俱一體送考不加甄別其中設有冒名頂替即監考大臣亦無由查察並恐有豫購重卷臨期探
 聽題目倩人代做代膠防閑稍疎即乘機傳換以致閱取之佳卷不盡出於本人之手筆現在舉行期近似不
 可不為嚴防相應請旨飭下順天學政將此次恭獻詩冊之應召試諸生詳加確覈毋令混冒其需用試
 卷按照人數慎密鈐印不許更胥私行多備並令監考大臣嚴禁隨從及閒雜人等出入並仿照科場新例不
 准換卷至取入一等者不過數人試卷進呈欽定發下拆開緘封後請交軍機大臣及同監看本生當面覈
 對文理筆跡與原卷相符方准引見邀恩如有不對即奏明扣除究治

又諭御史龔駿文奏此次天津恭獻詩賦士子有由三分四厘全書總校賞給舉人者又有兩侍郎一巡撫

兩藩司親子及京堂翰詹科道子弟遇鄉試之年例入官卷者應逐一查明嚴加防範以祛替倩等語朕向來
 省方輿民涉歷所臨士子迎鑾賦舉行召試量才錄取分別賞給中書舉人原以振拔單寒為苦志力學者
 勸若此等士子因其父兄已登仕籍均得邀恩以官卷入場應試則自有出身之途又何必於巡幸時進獻詩
 賦冀圖錄取侵占寒賤之路至由三分四厘全書總校釐敘賞給舉人者伊等以警校微勞得廁舉科已為僥
 倖若又應召試復思倖藉尤屬不知足豈朕嘉惠寒素勸勵績學之意所有此次進獻詩賦士子內而京堂
 外而營撫藩臬及翰詹科道子弟並校書賞給舉人及由俊秀報捐貢監生者竟著毋庸考試嗣後巡幸各省
 殿有召試之典即以此為例會典事例

又論此次巡幸天津直隸及各省士子迎鑾獻賦因令分別考試所有考試一等之舉人陳煜著賞給內閣中書與考取候補人員照例挨次補用貢生王蘇王世孫生員吳鎔著賞給舉人准其一體會試其考取二等之劉寶楮等四名俱著各賞緞一疋會典事例

五十五年 高宗純皇帝巡幸山東 諭此次東省及各省士子迎鑾獻賦特加考試其考取一等之貢生杜

塢生員程拱宇俱著賞給舉人准其一體會試其考取二等之元保等八名俱著各賞緞一疋會典事例

五十九年 高宗純皇帝巡幸天津 諭此次直隸及各省士子迎鑾獻賦因令分別考試所有考取一等之

浙江舉人姚文田著賞給內閣中書與考取候補人員挨次補用其考取二等之江蘇生員汪廷楷浙江舉人

周嘉猷江蘇生員袁廷極順天舉人俞煥煥生員黃焜望俱著各賞緞一疋其八十三歲完卷之山西生員范

大齡亦著賞緞一疋銀牌二面至不完卷並抄馮詩句之湖北貢生吳煥章著卽斥革以示朕壽考作人懲勸

儒林至意會典事例

嘉慶十三年 聖駕巡幸天津 諭此次巡幸天津直隸及各省士子迎鑾獻賦蹈詠抒誠因命題考試其

文義高下量加錄取所有列在一等之安徽廩生龍汝言安徽貢生齊彥槐廩生李大壯安徽增

生方士淦順天附生許春頤俱著賞給舉人准其一體會試至龍汝言昨日所進冊賦恭集御製之疊上下平

韻俱能穩愜著加恩賞給大緞二疋其考列二等之張廷選等十二名各賞大緞一疋其中有願在文穎館効

力者准其在館行走俟有騰錄缺出卽令充補以示優獎 觀風嘉惠儒林至意會典事例

十六年 聖駕巡幸五臺 諭周系英奏辦理召試章程請旨遵行一摺向來迎鑾士子加恩召試雖經辦有

成然但未明定章程辦理未能畫一自應以其父兄官職之大小爲子弟應試之限制此次朕巡幸五臺所有應行召試士子京官除現任京堂及翰詹科道軍機章京外官除督撫藩臬及道府以上之親子姪兄弟俱著迴避鄉貢與試仍准其進冊其業經病故離任職事在籍及其餘京外各官之親子姪兄弟俱准其與考嗣後巡幸各省設有召試之典卽照此例行會典事例

又論本日召試山西及各省迎鑿士子就其文義高下分別錄取所有列在一等之安徽舉人龍汝言四川舉人張斐然浙江舉人楊鈺源俱著賞授內閣中書照例補用山西附生李堂棟拔貢生雷百里廩生段可傳郝臺魁田贊年安徽訓貢生崔垣俱著賞給舉人一體會試其考列二等之郭安鈺元勳孟垣劉登龍魏宣教劉廷輔張之煦張湘在曹鳴鑾詹英俱各賞小卷綴二件令充文穎館膠錄以示朕省方設教樂育人材至意會典事例

光緒二十四年總理各國事務和碩恭親王等遵旨議奏光緒二十三年十一月二十三日軍機處鈔交貴州學政嚴修奏請設特科以收實用一摺軍機大臣面奉諭旨著總理各國事務衙門會同禮部妥議具奏欽此臣等查該編修原奏所陳各節大抵以近世士夫頗多講求實學然書院學堂之設所成就者僅及於少年新進而耆儒宿學及已經通籍之輩不入院堂肄業轉無由邀朝廷特達之知因請設經濟特科仿照從前博學鴻詞之例由京官四品以上外官三品以上以及各省學政核實保送不限京官外官未仕已仕一體考試分別錄用其所擬科立專名不限額數試憑保送嚴實成破資格籌經費六條辦法籌畫亦更周密方今時事多艱需材孔亟誠非有破格非常之舉不足以錄外人之視聽而鼓舞海內之人心第

原奏請設特科又請設立年限按之事理竊恐難行夫既曰特科事固不能歲舉而歲舉之例行之科目亦斷不能概加超擢與以破格之選除 朝廷立賢無方議法必通而後久非特科無以勸一時之耳目非歲舉無以供歷久之取求二者兼資可分辦而不宜合辦查 國朝康熙乾隆年間兩舉博學鴻詞本依據唐人銓目以網羅海內人材唐制舉博學鴻詞者大抵皆明經進士律算諸科有出身人復經朝官薦送試之吏部優等或竟除給舍若陸贄薛愈等皆由此以登清要當時號爲得人宋沿唐制所薦送者亦皆已由科目出身若洪邁王應麟諸人皆以進士召舉非布衣所能與康熙乾隆年間意在訪求遺逸故不限布衣與朝官外職一皆薦送而一時剡牘山林之數倍於搢紳立法因時各收宏效其在於今則宜倣康熙乾隆年間特科舊制以甄錄學堂書院外之人材准現今科目階級以登進學堂書院中之髦俊一爲歲舉一爲特科先舉特科次行歲舉庶幾積榦不遺亦且施行有序臣等公同商議其特科擬略宗宋臣司馬光十科朱子七科之例以六事合爲一科一曰內政凡考求方輿險要群國利病民情風俗諸學者隸之二曰外交凡考求各國政事條約公法律例章程諸學者隸之三曰理財凡考求稅則礦產農功商務諸學者隸之四曰經武凡考求行軍布陣駕馭測量諸學者隸之五曰格物凡考求中西算術聲光化電諸學者隸之六曰考工凡考求名物象數製造工程諸學者隸之其保送官應請如該編修所奏 飭下京官三品以上外官督撫學政各舉所知無限疆域無論人數悉填姓名籍貫已仕未仕並其人何所專長咨送總理衙門定期考試由臣衙門會同禮部奏請試期 欽命題目 簡派閱卷大臣在 保和殿試以策論差次優劣分別去留錄取者再請 殿廷覆試一場另請 簡派閱卷大臣詳定等第以昭慎重覆試後由臣衙門會同禮部

帶領引見應如何量材擢用或悉照鴻博成案略與變通權衡鼓舞出自聖裁非臣等所敢擅擬應臨時由軍機大臣請旨辦理此爲特科或十年而一舉或二十年而一舉統俟特旨不爲常例此特科議辦之大略也若設爲年限之利則卽以新增講求算藝各書院學堂爲造端之始每屆鄉試年分由各省學臣調取各書院各學堂高等生監鄉會試皆以策問試之初場試專門題次場試時務題三場仍試四書文以端趨向中式者另爲一榜名曰經濟正科舉人貢士其覆試殿試朝考仍與尋常舉人貢士合爲一場同試一題第於卷面另編字號不責以楷法不苛其訛脫一以學問爲高下自不至屈抑真材而亦可免諸生之歧視此爲常科三歲一舉此臣等就該編修所請考試年限酌與變通之議辦大略也臣等竊維學問以磨勵而後成人材以激揚而愈重察看近來風尚上之所求與下之所學精神所注未嘗不並出一途徒以科舉未開故相需殷而相遇疏當官每歎乏才而處士恆嗟不遇誠使丕煥縮音廣開賢路風聲所樹羣士嚮臻因風尚以激揚較之藉激揚以開風尚者其勢彌順其程效亦當彌捷拔十得五理可預期惟其間詳細章程或需咨商外省或需參考舊章斟酌施行茲先將大槩辦法恭摺具陳如蒙特旨俞允恭候命下之日再由臣等分別咨商擬定詳細章程開列清單進呈御覽請旨定奪所有遵議開設經濟特科緣由理合恭摺具陳伏候 皇上聖鑒訓示遵行 謹 奏

上諭總理各國事務衙門會同禮部奏遵議貴州學政嚴修請設專科一摺據稱就該學政原奏分別酌擬一爲歲舉一爲特科先行特科次行歲舉特科約以六事一曰內政凡考求方輿險要郡國利病民情風俗者隸之二曰外交凡考求各國政事條約公法律例章程者隸之三曰理財凡考求稅則礦產農功商務者隸之四

曰經武凡考求行取布陣管駕測量者隸之五曰格物凡考求中西算學聲光化電者隸之六曰考工凡考求名物象數製造工程者隸之由三品以上京官及督撫學政各舉所知無論已仕未仕註明其人何所專長咨送總理衙門會同禮部咨請在保和殿試以策論簡派閱卷大臣嚴定去留詳擬等第覆試後帶領引口聽候擢用此爲經濟特科以後或十年一舉或二十年一舉候旨遵行不爲常例歲舉則每屆鄉試年分由各督學政調取新增算學藝學各書院學堂高等生監錄送鄉試初場試專門題次場試時務題三場仍試四書文中式者名曰經濟科舉人與文章舉人同場覆試會試中式經濟科貢士者亦一體覆試殿試如考等語國家造就人才但期有裨實用本可不拘一格該衙門所議特科歲舉兩途洵足以開風氣而廣登進著照所請准行其詳細章程仍著該衙門會同禮部妥議具奏現在時事多艱需才孔亟自降旨以後該大臣等如有平素所深知者出具切實考語陸續咨送不得瞻徇情面徒採虛聲俟咨送人數彙齊至百人以上即可奏請定期舉行特科以資觀感至歲舉既定年限各該督撫學政務將新增算學藝學各書院學堂切實經理隨時督飭院長教習認真訓迪精益求精該生監等亦當思經濟一科與制藝取士並重爭自濯磨力圖上進用副朝廷旁求俊乂至意將此通諭知之欽此 邸鈔

總理各國事務和碩慶親王奕劻等遵 旨議覆竊臣衙門會同禮部議覆貴州學政嚴修請設專科一摺光緒二十四年正月初六日奉 上諭國家造就人才但期有裨實用本可不拘一格該衙門所議特科歲舉兩途洵足以開風氣而廣登進著照所請行其詳細章程仍著該衙門會同禮部妥議具奏等因欽此又浙江巡撫廖壽豐奏請 飭妥議章程以收實效一摺三月三十日奉 硃批該衙門議奏欽此仰見 皇

上側席求賢權衡至當之意欽佩莫名臣等詳釋膠漆豐原奏大抵以藝學精寔非培養不能成材而科場積弊已深必需實事求是酌量變通始足激勵人才一洗從前陋習惟是特科曠典原所以鼓舞羣倫自非尅日舉行無以轉移士習所請分別器使諸法自可行之於既試之後不必律之於調考之先至於茂舉各節按照特科六事經由學堂選舉以修身明理繪圖知算爲根本以 聖諭廣訓孝經四書朱子小學爲入門酌改制藝書院爲學堂裁減例定鄉會中額以互相作息本末兼該實能得古人論秀書升遺意查宋世太學有積分之法歐洲學堂有卒業之憑亦並以平時考課差其甲乙參稽定論不恃一日之短長故得士多而無蹈虛之弊若仍拘拘試四書文附鄉會試則庸濫浮僞懷挾搶替之弊誠有如該撫所云法愈變而弊愈滋者蓋特科爲風聲所樹不妨寬以相求歲舉培養之基不可泥於成法臣等恭聆 聖訓但期有裨實用不敢以前次議辦大略在先稍涉迴護謹議特科章程六條開列清單恭呈 御覽如蒙 俞允卽由臣衙門通行京外各衙門一體遵行如有未盡事宜仍當隨時奏辦 邸鈔

遵議經濟特科章程恭呈 御覽

一嚴修奏稱凡所保送均填註姓名籍貫已仕未仕及其人何所專長廖壽豐奏稱遵照原奏聲明專長並其人心地操守有無嗜好出具切實考語各等語查專門之學以致用爲程取士之方以行已爲重此次特科創設欽奉 諭旨不得徒採虛聲內外臣工當明 聖意之所在應責成各大臣凡有薦舉無論已仕未仕務期誠拔前才學問博通尤必素行廉正並無嗜好者方准予保毋許濫行汲引致開倖進之

門

一廖壽豐奏稱內政外交及理財之農桑格致之算學或可命題以試此外各學非呈驗書藝不足規其
竇請等語查專門之業無非本於學問古人格致之篇冬官之冊全書雖佚大略猶存今則聲光化電製
造工藝諸書編譯刊行汗牛充棟可知得一新理卽能成一新說創一新術卽可製一新器士夫伏處巖
阿有志營世未必不著異製器以待當事之求其有著述成編及有器藝可以呈驗者一概隨同咨送以
備察驗其由各省船政製造礦冶鐵路水師陸軍諸局出身者併將其曾經所著實效切實聲明咨由臣
衙門辦理

一嚴修奏稱詞科之例不以已仕未仕而拘或布衣而擢檢討或知縣而授編修或道員而授侍讀等語
查詞科故事康熙乾隆時翰詹除授已各不同詞科取人與經濟科又異自應參酌成法略示區別應請
京官自五品以下外官自四品以下未仕自舉貢生監以及布衣一體准其保送其曾經被議人員非
計典及以貪墨敗者查照向章亦准一體保送

一廖壽豐奏稱各就所學分別器使或合在總署當差或充教習編譯或分發各省稅關水師陸軍船政
製造礦冶紡織鐵路電報各局差遣委用或交出使大臣帶赴外洋游歷習練等語查此次舉行特科有
已仕未仕之分已仕者官階大小不同未仕者舉貢生監不等該撫所擬勢難一概施行其已有出身之
員如何量材擢用自應恭候 聖裁其未有出身之員一經拔取可否 予以出身發往以上各署局差
遣委用試其實效再由該管大臣保奏量予升擢之處應俟臨時由軍機大臣請 旨辦理
一嚴修原奏寒士艱於資斧邊省或憚跋涉請酌分道里遠近量給公車之費等語查近來舉人進京會

試其沿海省分除例給公車費外有由藩司酌籌經費給發輪船印票之例其腹地邊省不通水道者亦有與等項名目此次特科自應援照成案一體辦理其遙遠省分應如何酌量從優之處亦由該督撫設法籌辦以示體恤

一查向來 殿試均先期刊印題紙按人分派此次特科 欽命策題自應查照舊章一律辦理其點名給卷監場搜檢及彌封收掌等官向請 欽派王大臣者仍請 欽派王大臣向由部院派員辦理者亦由總理衙門會同禮部派員辦理至對策之文原無定式特科之舉與古之茂才異等賢良方正命意略同自應准其直據胸臆不拘字數查向來 殿廷考試試卷各項不同 殿試散館優拔 朝考之卷有直格無橫格貢士 朝考翰林考差之卷橫直均無界格舉人貢士覆試之卷橫直均有界格校其寫之難易自以覆試卷便於筆墨可以暢所欲言現既聲明不責以楷法不苛其譌脫應即照覆試卷式備卷並多添葉數以備文字較長者得竟其詞其策文仍於卷首寫臣對臣聞卷尾寫臣謹對字樣無庸書寫策題並准其添註塗改點句畫段以清眉目 臣等

上諭總理各國事務衙門會同禮部奏遵議經濟特科章程開單呈覽一摺所擬章程六條尙屬詳備即著照所請行經濟特科原期振興士氣亟應認真選舉以廣登進而勵人才著三品以上京官及各省督撫學政各舉所知限於三個月內迅速咨送總理各國事務衙門會同禮部奏請考試一俟咨送人數足數考選即可隨時奏請定期舉行不必俟各省彙齊再行請旨用副朝廷側席求賢至意該衙門知道單併發將此通諭知之 欽此 臣等

又諭御史鄭思贊奏特科大典請嚴定濫保處分一摺經濟特科之設朝廷原期拔取真才以備賢良之選非爲俸進之徒開營謀之路中外臣工例得保送特科者務當屏除私心汲引善類必於所保之人學問才具灼見真知始可登諸薦牘不得瞻徇情面濫保私人如有言行不符及干求奔競等情一經察出定將原保大臣從嚴懲處欽此卹鈔

右制科

順治二年定鄉試填榜拆號之日將硃墨卷並黏硃卷大書姓名墨卷大書名數監臨隨督同外籤官將硃墨卷逐一查對硃卷字號無差及文字內無關節可疑字樣卽用印鈐蓋差人呈馳解部以憑磨勘會典事例

八任題准直省取中舉人硃墨卷令主考監臨布政使知府等官於出榜日公同到場包裹每十卷爲一封各用印信是日卽起程解部定限順天出榜次日到部山東山西河南限二十日到部江南陝西限四十日到部江西浙江湖廣限五十日到部福建限七十日到部雲貴川廣限九十日到部如違限十日者府尹布政使罰俸一月解送官議處會典事例

十七年禮部議覆御史胡文學疏言直省鄉試硃卷解到原有先後臣部及禮科隨到隨閱俱於二月會試場前閱畢具題今科解到試卷除順天等六處閱完外其餘陸續解到各卷隨閱送科閱完卽行具題應如舊臣所請不必拘定舊例其棍徒乘機指詐著五城御史查明糾參從之通考

康熙十五年議准府尹布政使解卷遲延每遲十日者罰俸兩個月仍詳查原文起解月日係本官渥延者責在本官如係解役就擱者另行該撫從重治罪與本官無涉科場條例

乾隆六十年定嗣後硃墨卷解部務用箱隻裝貯加封黏貼印花專委妥當員役赴部投遞毋得草率致滋貽誤通行各省一體查照會典事例

嘉慶五年奏准雲南試卷於本年十二月十九日始據到部因封印在邇應請展至明年磨勘其解卷遲延職名應查取交部察議科場條例

十六年定各省解部親供並試卷履歷內有曾經填注三代者亦有未經填注三代者辦理未能畫一應通行各省巡撫學政嗣後凡中式舉人卷面及親供內均令該士子等將三代填注照貴州省之例每科仍於所送親供外將新中舉人年貌三代另造清冊一本解部存案會典事例

二十三年參奏本年直省解到試卷除順天山東等省業經兩次磨勘題結在案此次輪應第三次磨勘其江南等五省試卷業經陸續到部惟江西省試卷於十一月二十八日始據該委員李銓解到並據呈稱於九月二十四日自江西起程道路泥濘行至直隸景州地方馬驚車翻將卷箱撇入水溝致被浸溼等語臣等細加查驗印花卷包尙無損壞惟試卷被水浸溼難以遠行揭開磨勘當即飭吏將三場硃墨卷逐頁細揭字跡尙無模糊損壞但瞭乾整理尙需時日應請將江南等五省試卷先行磨勘其江西試卷歸入下次雲南貴州等省一體磨勘所有承解試卷之江西甯都直隸州州判李銓解試卷已逾例限復不小心致將硃墨卷被水浸溼殊屬不合相應請旨將該委員交部照例議處科場條例

道光五年准山東布政使咨送乙酉科鄉試硃墨卷並不遵照定例用箱隻裝貯僅用白紙包封加用印信並多有磨損之處當傳該提塘林本立詢問據稱係由塘遞到並無卷箱提塘照原封呈投至磨損之處亦不知

情等因取具該提塘甘結在案應行文該撫嚴飭承辦衙門嗣後凡硃墨卷解部時務須遵照定例用箱裝貯粘貼印花專派官員親身赴部投遞科場條例

右解卷

順治二年定前場文以明理會心不愧先程者爲合式後場以出經入史條對詳明者爲合式各卷解到之日由部會同禮科磨勘如決裂本題不遵傳註引用異教影合時事摭入俚言諧語及小結大結不分明甚至作全不可解之語並後場空疎五策原問十不憶五者酌量所犯重輕發參首嚴弊倖次檢瓊疵此外字句偶疵念係風檐寸晷不妨寬貸會典事例

八年定舉人磨勘出文體不正及字句可疑者斥革其不諳禁例者罰停會試三科錯落在題目上者罰停會試二科會典事例

又題准磨勘試卷內有字句可疑者以卷數多寡分別處分考官降罰革職有差通典
十五年題准磨勘試卷內有字句可疑者正副主考官一卷罰俸九月二卷一年三卷降一級四卷降二級五卷降三級皆調用六卷革職七卷革職提問如有經書文理悖謬不遵小註及論內文理悖謬表判不合題策內所對非所問皆爲文體不正一卷罰俸六月二卷九月三卷一年四卷降一級五卷降二級六卷降三級皆調用七卷以上革職如字句疵蒙謬類及不諳禁例者每卷罰俸三月同考官字句可疑者一卷降三級二卷降四級皆調用三卷革職提問如文體不正者一卷降一級二卷降二級三卷降三級皆調用四卷革職五卷以上革職提問如字句疵蒙謬類及不諳禁例者每卷罰俸一年舉人磨勘出文體不正及字句可疑者斥革

字句疵蒙謬類等項罰停會試二科其不諳禁例者停會試三科如行文內筆誤二三字不礙禁例者停會試一科錯落題字者停會試二科同考官未經抹出者罰俸一年會典事例

十七年議准磨勘試卷雷同勒獎者黜革通典

康熙七年題准四書五經文章策論表判有全篇雷同勒獎者正副主考官一卷罰俸六月二卷九月三卷一年四卷降一級五卷降二級六卷降三級皆調用七卷以上革職同考官一卷罰俸九月二卷一年三卷降一級四卷降二級五卷降三級皆調用六卷以上革職舉人罰停會試二科會典事例

又定墨卷題內字及文字內錯誤謄錄不照原字謄錄自行改正對讀官不行對明徑送內簾者一卷謄錄對讀官各罰俸九月二卷一年三卷降一級四卷降二級五卷降三級皆調用六卷以上革職舉人罰停會試二科謄錄對讀生發該地方官責革其內簾主考官係憑硃卷取應行免議至墨卷內本末錯落硃卷內膠錄遺句主考官抹出同考官未經抹出者罰俸六月會典事例

四十年題准直省鄉試解卷到部者禮部即奏請 欽派九卿翰詹科道等官會同磨勘如有餽送需索事發按律從重治罪科場條例

五十二年九卿議中式舉人俱到府承衙門填寫糾供與試卷一同送部磨勘如逾限不即送部禮部題參照例議處從之通考

雍正十三年覆准主考衡文務必三場並送分闈分薦三試皆合而後取備主司遺棄佳卷雷同濫惡雜然並卷令九卿嚴加磨勘主司舉子並行處分會典事例

乾隆元年復准磨勘鄉試卷應令都察院科道及中賢以上之翰詹官員會同磨勘并令五品以上京堂之科甲出身者協同磨勘科場條例

六年議准每科鄉試中式之卷固有成數而各衙門磨勘之人難以豫定嗣後定為按衙門分股之法由部行知各該衙門將各職名移送過部酌量人數多寡分定磨勘卷數行知各衙門照數辦理遇有陞遷事故之人該衙門自行酌量代辦至題結之期北五省試卷定於十一月或十二月江南等省定於十二月其最遠省分正月開印後題結如磨勘已完而遲延不行題結即將承辦之人照事件遲延例參處會典事例

又議准直省鄉試硃墨卷解到禮部具題請旨令翰詹科道及五品以上京堂之科甲出身者咸集朝房磨勘其中有違式者該員即夾簽指出禮部照例題參分別議處禮部每日輪派司員以司收發登記之事不得假手書吏禮部堂官仍不時稽察會典事例

十五年覆准嗣後磨勘直省鄉試硃墨卷凡直省之正副考官順天同考官及有親子弟中式者俱令一體迴避毋庸入班磨勘科場條例

二十一年嚴磨勘試卷之令磨勘官俱令於卷面填寫銜名再令大臣詳加校勘呈覽草率從事交部議處著為例通典

又奉諭鄉試磨勘一事前已有旨令於下科為始將來詳加覆勘自不致視為具文惟是三場試藝篇幅繁多士子風箏寸晷中檢點偶疏輒干指摘其以磨勘獲咎者轉得有所藉口且設科立法程材無取繁文虛設今士子論表判策不過雷同勸說而閱卷者亦止以書藝為重即經文亦不甚留意衡文取士之謂何此甚無

謂也三場試以藝藝經文足規素養繼之五策更司考其抱負之淺深又何庸連篇累牘為耶嗣後鄉試第一場止試以藝文三篇第二場經文四篇第三場策五道其論表判概行刪省至會試則既以名列賢書且將拔其尤者備明廷制作之選淹長爾雅斯為通才其第二場經文之外加試表文一道即以明春會試為始鄉試以乾隆己卯科為始著為例如此則士子闈中不得復諉之於日力不給而主試者亦可從容悉心詳校無魚目混珠之混且鄉試第二場止經文四篇斯潦草完篇者當在所黜專經之士得抒夙學淺陋者亦知所奮勵去浮文而求實效斯足稱國家寶典大典可傳論該部遵行再向來會試例不磨勘未足以昭慎重亦著寬至庚辰春榜後奏請一體派員磨勘通考

又准查向例五經取士經旨悉遵用先儒傳註今學宮頒行 御纂四經 欽定三禮博採諸儒之說折衷至當集古今之大成嗣後考校經文應遵奉 聖製及傳註者為合旨其師心自用與泥俗下講章一無與承者久經申禁磨勘時尤當細心考證違者即指參議處會典事例

二十三年覆准向來磨勘之法原極簡明惟筆誤二三字停止會試一條與字句偶疵不妨寬貸一條前後互異未昭畫一易啟磨勘官任意輕重之弊嗣後應將字句疵謬之卷定為罰停會試一科其餘無心筆誤無關弊者應從免諉至外省士子及內外籓官原未能熟悉條例此後鄉試年分應令各省提調場務之員將磨勘條例刻一紙先期頒發學校曉諭士子臨期給執事各官俾知遵守會典事例

二十四年題准嗣後磨勘之京堂翰詹科道各官照禮部分定卷數悉心磨勘其試卷內有應行指出者務按將處分定例字樣註明粘簽不得隨手標指作可輕可重之語並於各卷面親筆註明應行議處共簽幾條其

例得免議者幾條並無條可指者亦一併註明勘畢彙卷後禮部照簽造冊送覆勘大臣覆勘撥勘大臣據所
指各簽分別應存應駁及並未指出有無掛漏之處一併註明開具清單進 呈 欽定交禮部照例辦理科
場條例

二十五年禮部議兵部侍郎錢汝誠條奏磨勘試卷內除直書 廟諱 御名 先師諱及失格違禁真草不
全五等誤寫題目者仍照不諳禁例罰停會試三科其行款偶悞字面違式者罰停會試一科應照所請錄入
則例再順天等五省試卷內有 御纂字樣未經三權業經奏準罰停會試三科應否一併改爲罰停會試一
科之處恭候 欽定一疏奉 諭旨依議磨勘順天等五省據寫不合試卷著一體準其改爲罰停一科通考
又奉 諭旨鄉會磨勘試卷蓋以防弊竇正文風所關甚重前經降旨飭部定議實力奉行司事者勸懲既明
持衡者去取自慎其有黜竊支離穿鑿險僻希心詭道之士諒不敢濫登選格自取糾彈第矯枉無失過中而
掄才務崇大體經義之制原以見理明通措詞爾雅爲正果能理明詞達有大醇而無小疵固稱上選若其學
識才情大端確有可取卽一二字句失檢無妨棄瑕採錄蓋風簷寸晷中一日校藝卽在學問優選者亦不能
必無瑕類要不足爲全璧之玷也爲考官者倘意在求免吏議因而吹求擯棄轉謂平庸膚淺之文似是而非
無可指摘遂致燕石冒玉魚目混珠則所云救弊適以滋弊殊非慎重磨勘本意嗣後鄉會典試諸臣務擇清
真雅正文義兼優之作爲多士準繩不得因磨勘周詳反以庸才塞責更不得因有此旨遂藉口瑣瑣不掩以
致怠忽從事負朕崇實黜浮至意將此通行傳諭知之通考

又議准庚辰科會試榜後應遵 旨磨勘但從前未經定有條例請將中式舉人及主考同考外籟官應行議

處者均照鄉試磨勘例辦理其有應行停科者改爲罰停 殿試永遠遵行會典事例

又議准嗣後磨勘各官照禮部分定卷數悉心磨勘其試卷內有應行指出者務按照處分定例字樣註明粘簽不得隨手標指作可輕可重之語並於各卷面親筆註明應議幾簽免議幾簽並無簽可指者亦一併註明勘畢彙卷後禮部照簽造冊送覆勘大臣覆勘據所指各簽分別應存應駁及並未指出有無挂漏之處一併註明開單進呈 欽定交禮部照例辦理會典事例

二十六年奉 上諭會試揭曉後中式舉子應赴廷試近以試卷到部磨勘覆勘有需時日是以酌量展期但念午節向炎多士挾策嚴場典制未爲適協計會試中卷不過二百餘名若於榜發次日卽令京堂科道翰詹等官及覆勘大臣於朝房各分坐處同時遞接檢閱隨覆自當刻日就理不致稽延所有一切事宜各該衙門速行預備於四月二十日或二十五日可以傳臚竣事其請派各員職名該部卽速開列具奏不必俟發榜欽此遵 旨議准覆勘大臣率同京堂翰詹等官於揭曉次日齊集 朝房校閱約計四月二十日以前磨勘事宜俱可完竣 按近科會試後進例覆試所有中式硃墨卷於揭曉次日先由京堂等官磨勘俟覆試畢再行覆勘 科場條例

三十一年奉 諭旨科場取士原以文體爲重士子作爲制藝惟當根柢經史發揮義理一以清真雅正爲宗自不致動多瑕類磨勘官遇試卷中詞句多疵者自應逐一簽出按例議處至科場禁例凡遇 廟諱字面理應格遵敬避如有違錯自難貸其處分若擡頭小誤既無關於弊竇且於文體無礙而條例所定字樣甚多如必漸斷較量曲爲指摘何異吹毛求疵况擡頭格式本無一定卽詞臣所進詩文尙有不能悉合朕亦從不計

較又豈肯於草茅下士風簷寸晷中過爲苛責乎又如貼例內有填寫添註塗改字數等語其於立法防弊亦所謂不揣其本而齊其末所有條例內應加刪正之處著大學士會同該部議行尋議舉子行文恭遇擢頭頂格非係廟諱御名至聖諱及例載列聖郊社宗廟皇上各實寫字樣偶失檢點誤作單擢概予免議又試卷內塗改添註字數各於卷尾填明之例一併停止從之通考

三十一年奏准本年會試磨勘試卷大臣官員仍照舊例豫期奏請卽於揭曉次日將新中貢士傳集赴部填寫親供並默寫首藝七八行當堂封固一併交磨勘大臣辦理儼或卷內文理疵謬並筆蹟不符者俱令磨勘大臣奏聞後禮部照例辦理會典事例

三十四年議准磨勘試卷如有干犯規條應行褫革進士舉人者卽將其本身生監一併全行褫革爲定例俾免辦理紛歧會典事例

三十七年諭今日禮部委會試磨勘試卷請將簽摘允當之原勘官照例議敘至以原勘遺漏之員交部察議而沿全無簽摘之員於不問定例殊未允協嗣後凡原勘官已經簽出者雖覆勘另有增易毋庸復行交議至各員內有派辦兩科並未簽摘一卷則其人全不以事爲事疏漏實所難辭照例子以處分庶足示儆所有此次會試磨勘無簽各員著該部存記俟下場磨勘時彙核查辦如此準情定例則功過皆得其平而公事亦益昭詳慎著爲令通考

四十二年諭據曹學閔奏磨勘試卷詩內間有平仄失粘應罰科者大抵北五省及雲貴等小省之人居多請將一二字偶然失粘者姑免置議一摺所見亦是北省及邊省士人語音限於風土試帖內平仄未能悉叶自

所不免者因此卽行停科致伊等往返徒勞情亦可憫但試帖著於功令且詩韻俱在士子如果留心學習斷無終於不能之理習學閱僅請將本科免議尙恐未能速改著從寬予以十科之限令此等省分科舉之人於聲韻加意講求以期通曉俟十科後仍有失拈者照大省一體停科計十科已閱三十年之久如此寬其程限若再不能改則是伊等故違功令終於不學其處分實所自取不能復爲之原諒加恩矣將此通諭知之會典事例

又御史雷翰奏准竊惟磨勘試卷原所以正文體而正文體卽所以端士習其典至重其法宜嚴謹按定例每逢鄉會兩試事竣後禮部奏請 欽點磨勘官於 天安門外朝房內按名挨次分閱其試卷由禮部司員掌管分給但向來未曾設有查班御史專司稽覆誠恐當分卷之時磨勘各官或有指名索取某卷或不由司員分給自行擇取種種情節其中不無囑託瞻徇等弊查常朝會議秋審諸大典俱經奏明設有查班御史到班稽察今磨勘屆期請 敕下該衙門卽照常朝會議之例每日派滿州御史一員漢御史一員輪流上班卽於分卷處眼同該司員照例每名挨次分給如有前項情弊卽行據實查參庶於磨勘鉅典益昭慎重而防範更爲周密矣 場科條例

四十五年奏准磨勘順天鄉試卷卽照會試之例未發榜以前先行題請派員揭曉次日卽行磨勘其各省試卷仍照例分作三次題結應令監臨提調發榜後卽將試卷封解毋得遲延逾限 會典事例

四十八年議准試卷硃墨不特至十餘處者革去舉人騰錄對讀各官察議會典事例

五十一年議准卷內主考官懸筆淨筆未去照例察議同考官圈破句照考官勾股錯誤例察議會典事例

例

五十三年議准題內字譌寫併文內用題字亦譌寫至數處照疵謬例罰停一科硃卷對讀生點句不全照磨錄譌錯例處分又士子默寫頭場文字點題處將題目內字譌錯如者與誤作矣乎之類應照疵謬例罰停一

科會典事例

五十五年奏准查士子榜後填和供時默寫首藝原以備校對筆跡嗣於乾隆五十三年議准令本生於二場題卷內摘寫頭場文字似較之榜後場外所寫更爲真確應請將榜後默寫首藝數行之例停止以免重複其揭曉後填寫親供之處仍照定例辦理科場條例

五十九年諭內閣國家以四書五經試士經書自五代鐫板以來久鮮手鈔士子誦讀者多係坊本卽者證之家亦止憑前明監本然監本中魚豕之外訛字句之衍缺不一而足甚至儀禮一經脫去六節增多二節大爲聖籍之累我朝文治光昭 聖祖仁皇帝御纂四經朕復欽定三禮武英殿官刻十三經勘謄精駁久已頒發疊序嘉惠藝林但各書卷帙繁多草茅寒素艱於臨覽未必盡人能讀近因刊刻石經出內府所皮大祿琳瑯宋版各經古今流傳舊本莫不蒼萃命總裁各官等詳悉校對與武英殿官刻諸書參稽印證多相吻合其較坊監本互異之處逐條摘出釐訂成編名爲考文提要計不過六冊而俗本相沿譌謬靡不開卷瞭然夫經學至宋儒闡發而益昌明以漢唐留貽之書又加宿學名儒積年考訂然後付諸剞劂故其本較爲精審士子以經義進身平居諷誦自當選求善本冀得真詮茲考文提要一書簡駁明備無難家誦戶習善仿唐石經時刻五經文字九經字樣例刊置經系列樹戟門並鏡板頒行天下俾士子人人傳觀爭寫共窺中祕精華不復變

別風淮雨之陋但恐爲期過促僻遠地方傳布尙有未周著於乙卯科鄉試爲始俟三科後著試四書五經題文俱照頒發各條敬謹改正倘再有沿用坊監本以致舛誤者將考官及士子分別議處停科並載入科場磨勘條例庶士子咸知折衷正義不爲俗學所惑此旨著卽弁於考文提要簡端以示朕稽古右文至意 聖訓

嘉慶六年諭內閣達椿等奏覆勘嘉慶五年四川廣東廣西雲南貴州等省中式試卷一摺已交該部照例辦理矣至附片奏各省試卷內有填用卦書及書寫古篆者緣磨勘條例向無議處明文是以未經發出等語鄉會試卷文字引用經傳語句本有取裁其隱僻字書等項卽不應濫行摭拾若似此書寫卦書及古篆字樣尤非應試文體且以啟記認闕節之弊除此次中書各卷因向無例禁姑免置議外嗣後鄉會試場禮部通行知照知貢舉監臨出示曉諭如試卷內有書寫卦書及篆體者卽照違式例貼出其有違例中式者將本生罰停一科考官及應貼不貼之外簾各官分別議處以示懲儆並請禮部載入科場條例遵行 聖訓

又奏准磨勘則例向皆由禮部刊發遵行而每次覆勘大臣往往隨專制宜通融辦理遂不免例案兩歧互相矛盾今詳加察數將同異之處改正四條乾隆二十五年山東鄉試齊繼呂恩卷空白十二字罰停會試三科乾隆四十四年貴州鄉試石象羣詩內空白一行經奏明免議空白原係犯規但一則以空白十二字罰停三科一則空白至於一行反得免議不但同罪異罰且輕重倒置不足以服士子之心嗣後墨卷內有空白者均定爲罰停一科乾隆五年十七年順天鄉試王錫田墨卷草稿內第二題未寫全題覆勘免議乾隆五十八年會試李麟徵墨卷草稿內脫寫題字罰停 殿試一科查草稿未寫全題與草稿脫寫題字事同一律乃一則免職一則停科辦理殊爲互異嗣後草稿題目如係脫一二字及筆誤一二字均免議如脫寫全題雖無弊

究屬違式應定爲罰停一科乾隆五十七年廣東鄉試梁伯昌添註塗改字數夾行旁註罰定會試二科乾隆五十九年浙江鄉試陳家駱三壞通共添註塗改字數用雙行寫覆勘奏明免議查添註塗改字數必令詳列卷面者所以防謄錄對讀之私改但字數不差卽爲無弊或寫雙行或用夾註或行款高低均無關於弊竇亦無礙於文理應以免議爲是罰停兩科未免太苛嗣後此等俱免貼出併免磨勘惟添註塗改字數原以防弊若併字數添改則贖涉可疑仍應貼出磨勘官指出仍罰定兩科乾隆六十年會試董彩鳳墨卷策內擡頭塗抹罰停一科江南鄉試查體三場墨卷第五問前塗去七字罰定會試兩科查策前塗去七字較擡頭塗抹過失似乎稍輕未便反行加重嗣後擡頭塗抹者改爲罰停二科正文之外無故塗字者以空白論改爲罰停一科會典事例

又議准俊秀員監由監錄科後卽將原卷送部俟榜後磨勘之日凡由俊秀中式者查出錄科原卷夾於中式試卷之中覈其筆蹟文理有迥不相符者卽舉出究辦會典事例

道光十四年禮部奏現纂科場條例擬酌改六條 諭曰禮部奏酌改科場條例六條詳閱單內請將它補擡頭者定爲罰停二科朕思該士子等草茅新進體例未必盡諳若以無心錯誤概予從嚴殊非愛惜人才之意嗣後中式題卷有於擡頭處它補者仍著照它補數字之例罰停一科 聖訓

十五年諭內閣禮部奏鄉試親供解部酌定校對章程各直省鄉試場廳後中式舉人例應填寫親供與試卷一併送部交磨勘大臣細加校對此次順天鄉試親供已由該部劄催順天府尹迅速解部惟各直省程途遠近不一著按照例限上緊嚴催其業經填寫者全行送部以憑送覆勘大臣覈對其實有程途較遠者著迅速

飭催填寫送部以次歸入下屬校對如第四次磨勘時仍未送到該學政聲明情節統於會試前期咨送禮部轉送覆勘大臣補行校對至遇有事故不克填寫親供者迨經補填解部往往先後不齊所有各省陸續補送親供屆時毋庸交覆勘大臣卽著禮部隨時詳細覈對

聖訓

十七年諭內閣向來鄉會試年分該部奏請派員磨勘試卷凡文理紕繆筆跡不符均應籤出照例懲辦蓋欲拔取真才必須嚴絕弊端故不得不加以詳慎近來磨勘等官往往意存寬厚僅於字句微疵略加指摘而於文理紕繆筆跡不符等弊或致草率顛覆例禁一弛律進多而真才屈其非朕振興文教之意本年宗室鄉試順天鄉試原卷及中式覆試各卷著派出之磨勘官等公同校閱認真覈對如仍前玩愒視為具文日後別經發覺惟該磨勘官等是問

聖訓

同治五年諭內閣御史王師曾奏請停止捐免罰科等語所奏不爲無見鄉會試磨勘覆試定例甚嚴近日章程准以銀兩捐免磨勘覆試幾同虛設殊於政體有礙嗣後文武鄉會試磨勘覆試罰令停科停殿試者概不准援案捐免以肅功令東華續錄

十三年諭內閣鴻臚寺少卿僧寶奏磨勘鄉試由卷應議過多請飭申明定例一磨勘試卷關係甚重近來往往視為具文上年癸酉科各省鄉試中卷經磨勘官及覆勘大臣指出疵謬甚多國家設科取士原期揀拔真才豈容以疵謬之文濫等充數嗣後鄉會試考官務宜悉心校閱認真去取毋得草率從事並著禮部於磨勘時查照向章將科場條例及磨勘處分各條詳細申明認真辦理

聖訓

右磨勘

皇朝政典類纂卷二百一

選舉十一

文科殿試 朝考 進士留京教習 宴賞 繕譯鄉會試

順治元年 詔以三年夏四月初一日殿試初五日傳臚會典事例

二年定 殿試用時務策一道會典事例

是年內三院奉 旨令科殿試較往年更宜虛懷詳慎一秉至公茲命爾等讀卷務體朕求賢若渴至意各官所閱試卷黏貼官籤止書次第不必書各官姓名以除師生陋習其各擬首卷密封進覽恐九卿等官取卷好尚不同爾等仍通加詳閱期拔真才用光大典

十五年吏部奉 諭旨設科取士原為授官治民使之練習政事向例二甲授京官三甲授外官同一進士頓分內外未為得當今科進士除選取庶吉士外二甲三甲俱著除授外官遇京官有缺擇其稱職者陞補著永著為例通考

又禮部奏言自元年以來會試舉人俱在 天安門外考試臣等伏思 臨軒策士大典攸關應於 太和殿前丹墀考試報可通考

又題准讀卷官由內三院詹事府吏戶兵刑工五部都察院通政司大理寺各衙門堂官通行開列恭請 欽點十四員提調用禮部堂官監試用御史受卷彌封掌卷用內院侍讀學士以下禮部司官六科給事中內院典籍撰文辦事中書等官印卷用禮部司官巡綽用鑾儀衛供給用光祿寺禮部司務等官寫榜用內院禮部

又照准先期一日鴻臚寺官設策題黃案於 太和殿內東旁又設黃案一於 丹陛上正中光祿寺備試桌於東西階階下至日早鑾儀衛設鹵簿大駕於 太和殿前設樂如常儀禮部鴻臚寺官引貢士至 太和殿丹墀內兩旁排立單名者居左雙名者居右王以下文武百官各具朝服王以下公以上在 丹陛上排立各官在丹墀內兩旁排立禮部鴻臚寺官奏請 陞殿 皇帝具禮服御太和殿升座作樂鳴鞭內閣官於東旁黃案上取策題授禮部官禮部官跪受至 丹陛上正中跪設黃案上行三叩禮畢禮部官舉案於殿前左階降至丹墀殿 御道正中讀卷官及執事各官北向序立鳴鑼官贊行三跪九叩禮次各貢士北向序立鳴鑼官贊行三跪九叩禮各分東西侍立鴻臚寺官奏禮畢鳴鞭 皇帝還宮讀卷執事等官各歸所司房內王以下文武百官皆退鑾儀衛軍校舉試桌列於丹墀東西俱北向禮部官散題貢士列班跪受舉鑼官贊行三叩禮各就試桌對策畢受卷掌卷糊封等官俱於左廡檐下收封用箱盛貯送進候分派讀卷官閱是日如遇雨雪或大風移設試案於東西兩廡如 聖駕不陞殿王以下各官不會集不設鹵簿餘儀均同 殿試後三日早 皇帝御中和殿讀卷各官至丹墀行一跪三叩禮入殿內東西序立讀卷官居首者執卷至 御前跪讀畢禮儀監官接卷置 御案讀卷本官三叩興復班立各讀卷官以次進讀如前儀讀三卷畢如奉 旨免讀各官即執卷同至 御前跪禮儀監官以次接卷俱置 御案各官三叩興復班即退出候 欽定試卷御批第一甲第一名第一甲第二名第一甲第三名畢其餘各卷內閣官領收 皇帝還宮是日讀卷官將第二甲第一名以下拆卷填寫黃榜讀卷後一日早鑾儀衛設鹵簿大駕於 太和殿前王以下文武各官俱

朝服侍班各進士俱具公服冠三枝九葉頂冠侍立丹墀東西班末禮部鴻臚寺官設黃榜案於 太和殿內
東旁復設黃案於 丹陛正中設綵亭於 午門外禮部鴻臚寺官奏請 升座 皇帝具禮服御太和殿升
座作樂鳴鞭讀卷執事等官北向序立鳴贊官贊行三跪九叩禮畢內院官自案上取榜奉至殿檐下授禮部
官禮部官跪接從 殿中東旁下跪置於 丹陛正中黃案上行三叩禮興鴻臚寺官導引各進士以次入拜
立鴻臚寺官贊有 制贊跪各進士皆跪鳴贊官立於 丹陛東旁傳 制某年月日策試天下貢士第一
甲賜進士及第第二甲賜進士出身第三甲賜同進士出身贊第一甲第一名某接傳至班內令前跪次贊第
一甲第二名某第一甲第三名某並令前跪贊第一甲第一名某等若干名第三甲第一名某等若干名畢鳴
贊官贊行三跪九叩禮畢退立兩旁鳴贊官贊舉榜禮部官舉榜出由中路捧至 午門前跪置龍亭內行三
叩禮鑾儀衛校尉舉亭作樂行至 長安左門外張挂於長安街狀元及諸進士等俱隨榜出鳴鞭 皇帝還
宮王以下百官皆退順天府備傘蓋儀從送狀元歸第越五日狀元率諸進士上表謝 恩先期一日鴻臚寺
官設表案於 太和殿檐下之東旁是日鑾儀衛陳設鹵簿大駕於 太和殿前王以下文武各官會集排班
如常儀鴻臚寺官引狀元捧表置於案上退立丹墀下東旁班末諸進士各依名次序立 皇帝具禮服御中
和殿執事各官行三跪九叩禮畢不贊禮部鴻臚寺官奏請 陞殿 皇帝御太和殿升座作樂鳴鞭王以下
公以上在 丹陛上序立文武各官在丹墀內序立鳴贊官贊行三跪九叩禮畢鴻臚寺官引狀元及諸進士
入拜位序立鳴贊官贊跪贊進表狀元諸進士皆跪宣表官於案上捧表跪宣畢鳴贊官贊行三跪九叩禮鴻
臚寺官奏禮畢鳴鞭 皇帝還宮眾皆退如 聖駕不陞殿鴻臚寺官設表案一於 午門外正中狀元率諸

進士俱由服從 長安左門入狀元捧表跪爵案上行三叩禮畢鳴贊官贊跪叩與狀元率諸進士行三跪九

叩禮畢興退禮部鴻臚寺官捧表送進內院次日狀元率諸進士詣 先師廟行釋菜禮易冠服禮部題請立

題名碑於 大成門外康熙三年停止立碑 會典事例

康熙九年奏准二甲三甲進士俱以知縣用因推官已裁故也通考

四十二年讀卷官等以 殿試卷進呈 御覽 諭較定前後名次必須憑文論定若稍存私意人心即不悅

服況爾諸臣從考試出身回思當日考試之時本心更不可失會典事例

五十二年 殿試讀卷官大學士等遵例以試卷十本進 呈 上閱至第二卷曰此卷必係南省人命拆視

之果然 上一閱卷畢 諭大學士等曰爾等大臣多係進士出身深知文字凡文章書法各有所習一覽

可知朕適閱第二卷未及拆封早知為南省人昭然不爽聞來京應試之人將伊等所作文字各處投送其應

開考試官悉令過目以博己之聲名以求人之採取爾等場中閱卷當一秉虛公略無私意始稱厥職至五經

四書俱係聖賢之旨考試出題專意取冠冕者則題目漸少士子易於揣摩甚有將不出題之書刪而不讀尚

得言學問乎經書內有不可出之題試官自然不出其餘出題之處須以各種題 試之則懷才實學之士自

無遺棄矣通考

雍正二年 諭總理事務王大臣今年殿試在十月二十七日天氣已寒諸貢士若照舊例在丹墀對策恐硯

池冰結難於書寫此一次著在太和殿內兩傍對策再傳諭總管太監令多置火爐使殿內和煖諸貢士得盡

心作文寫卷雍正內閣 上諭

又諭前會試舉人已經中式者除過犯黜革外其有因殿試謄錄錯誤不合體式及有事故不得考者著禮部覈實准其再行殿試會典事例

又定殿試後三日讀卷讀卷後一日皇帝御殿傳臚鴻臚寺宣制一甲三名賜進士及第二甲賜進士出身三甲賜同進士出身張挂黃榜於長安左門外會典事例

又定傳臚後狀元率諸進士上表謝恩擇日狀元率諸進士詣先師孔子廟行釋菜禮易頂服會典事例
二年諭進士題名碑始於唐時新進士榜後於慈恩寺塔下題名立碑自宋明以至我朝皆建碑於國學按諸進士甲第先後刻姓名籍貫於上凡所以重科名也今太學聖廟戟門外所立本朝歷科題名碑自順治丙戌科起至康熙戊戌科而止考會典諸進士釋菜後禮部題請工部給建碑銀一百兩文與國子監立石題名康熙三年輔政大臣裁省此典其每科皆諸進士捐資立石我國家振興文教凡鄉試會試動用帑金數萬朕卽位之始卽開恩科誠以科目一途實用人取士之所係題名之典豈宜遺缺著工部動用正項錢糧令國子監將雍正癸卯甲辰兩科題名碑記卽行建立康熙辛丑科亦行補建嗣後每科仍照舊例題請庶士子觀覽此碑知讀書之可以榮名益勸其自修上達之志會典事例

三年諭大學士九卿等前日李鍾毅奏稱翰林爲儲材重地自康熙四十五年至康熙六十年會試七科不分省分大小遠近每省俱有庶吉士查雍正元年癸卯科漢軍及河南四川進士無館選者雍正二年甲辰科蒙古及山西河南陝西四川廣東湖南廣西雲南貴州進士俱無館選之人請廣儲才之路等語朕侍奉皇考朝夕敬聆庭訓從未諭及政務所以館選庶吉士之事朕實不知朕卽位之後以培養人材最重翰林故加

憲詳慎降科多曾奏稱 聖祖時館選每省俱有庶吉士所以朕於雍正元年癸卯科館選時試其文義觀其人品於體遠省分之人亦酌量選取又時諭教習之臣盡心訓迪迨後歷經簡擇及考試文章其中惟江浙人文義實較各省爲優因將各省人員分用於內外各衙門而江浙人留館獨多雍正二年甲辰科館選亦詳加考試朕因以文華優者選爲庶吉士於是山西河南等省進士遂多不得與選蓋翰林職司文章若以文義不及者處之則用違其才而其人或有他長反無以自見矣朕凡於用人行政無不審慎籌務求當理而選擇翰林更爲留意實欲使人人勿枉其材各效所長庶國家得收器使之效豈計及於各省翰林之多寡有無也今覽李鍾義所奏是必外人有此議論故李鍾義遂以入告朕甚察之大凡國家政事朕有不及見聞者若臣下不言朕何由而知朕正欲爾等盡心陳奏朕因得以察其所奏之是否是則改兩從之否則亦可以朕意宣示爾等使天下之人曉然共白不致妄生議論嗣後館選庶吉士或應考試文義選取或應每省額選幾人或應分爲南北兩院向來教習止派滿漢各一員今若按省分各選庶吉士或亦按省分各設教習可乎至各省未得館選之進士中或有文義可充翰林之選者爾等確有所知卽行舉出毋使人有逸才之論爾大學士會同九卿詳議具奏雍正內閣 上諭

十一年諭今日諸臣進殿試卷朕閱至第五本字畫端楷策內公忠體國一條云儉采之際善則相勸過則相規無詐無虞必誠必信則同官一體也內外亦一體也文武亦一體也廣而至於百司庶職何莫非臂指手足之相關也此則純臣之居心可以不負千載一時之遭逢而贊襄太和之上理數語極爲懇摯願得古大臣之風因拔置一甲三名諸臣皆稱爲允當及拆號乃大學士張廷玉之子張若靄朕心深爲喜悅蓋大臣子弟能

知忠君愛國之心異日必能爲國家抒誠宣力大學士張英立朝數十年清忠和厚終始不渝張廷玉朝夕在朕左右勤勞翊贊時時以堯舜期朕朕亦以皋夔期之張若龜巢承家教養之世德所鍾故能若此非獨家瑞亦國之慶也因遣人往諭張廷玉使知朕實出至公非以大臣之子而有意甄拔乃張廷玉再三懇辭以爲普天下人材衆多三年大比莫不想望鼎甲臣蒙恩現居政府而子張若龜登一甲三名占寒士之先於心實有不安倘蒙皇恩名列二甲已爲榮幸之極朕以伊家忠盡積德有此佳子弟中一鼎甲亦人所共服何必遜讓張廷玉跪奏云皇上至公諸臣亦無私曲以臣子一日之長蒙恩拔取但臣家何等恩榮未備只算臣情願讓與天下寒士求皇上憐臣愚衷若君恩祖德佑庇臣子留其福分以爲將來上進之階更爲美事陳奏之時情詞懇至朕不得不勉從其請將張若龜改爲二甲一名卽以二甲一名之沈文鎬改爲一甲三名以表大臣謙謹之誠併昭國家制科盛事朕之私中公與張廷玉中公私之心迹亦令普天下士子共知之雍正內閣

上諭

乾隆四年 上諭向來殿試策中俱用聯聯以致士子得以預先撰擬分送請託致滋弊端況士子進身之始而卽習爲獻諛之辭尤非導之以正古人對策中無此體裁也今當殿試之期朕親製策問之題不拘舊式以免諸生預先揣摩諸生策內不許用四大類聯但取文理明通敷陳切當不必泥於成格限於字數此次試期已近倘有不畫一之處亦不以此爲去取臨期有告病託故不到者著禮部奏聞將來如何酌定款式著大學士九卿會議具奏欽此遵 旨酌定規模應取歷朝流傳誦習之文以爲成式如漢則禮錯董仲舒唐則劉蕡宋則蘇軾雖其短長不同要皆條對明切古茂博暢平時誦之既可以益士人之學問而對策倣之復有以佳

大廷之數陳應請通飭各省學臣廣行曉諭俾士子知悉務期貫穿古今陶鑄經史服習既久規矩在心承
問條對時自必有斐然可觀者矣再 殿試試卷舊無橫格嗣後貢士等果有通達治體學問淹通者聽其發
抒不必限以字數惟最短者亦必一千字為率不及一千字者以不入式論至於四大類聯併一切膚泛套語
槩不准復用其前幅策冒十四行後幅空白十四行原非古式不必拘泥惟承問逐條詳對起處仍書臣對臣
聞字樣訖處仍書臣草茅新進云云字樣 嘉慶八年奏准改為末學新進以昭畫一科場條例

二十五年奉 諭旨廷試士子為掄才大典向來讀卷諸臣率多偏重書法而於策文則惟取其中無疵類不
礙充選而已敷奏以言特為狂獻先資而就文與字較則對策自重於書法如文義醇茂字畫端楷自屬文字
兼優固為及格之選若其人繕錄不能甚工字在丙而文在甲者以視文字均屬乙等可以調停入彀之人自
當使之出一頭地況此日字學稍疏將來如與館選何難臨池學習倘專以此為進退兼恐讀卷官有素識真
士筆跡者轉以藉口滋弊非射策決科本義也現在定例擬選十卷進呈須俟引見始定名次決科衡文倘待
觀人而後卷時竟失抑之重字可乎又向來讀卷官雖例不回寓然皆各覓公所散住地非鎖院人得自在
監試王公大臣等既不能各分一員同居糾察而讀卷諸臣從容退息亦何不可遣人回家暫通消息此而置
之不問則凡鄉會試之設法關防又何取焉且試策不過一二百言以十四人公閱即一二日亦可竣事乃遲
之三五日始行進呈晨集暮散展轉需時於形跡尤為未協著大學士九卿將嗣後讀卷官如何參駁文字務
令取擇適中並作何住居監察刻期竣事之處一併詳悉議奏等語得本年殿試奉 諭旨令於傳臚前一日
將擬定十卷進 呈即於本日帶領引 見詳駁文品始定名次 臨軒策士本欲得明體適用文義醇茂之

卷拔置上第以備他日之用而讀卷諸臣向因原卷進呈未免兼擇其非寫精工者始行充選行之既久轉若廢於字跡而寬於文格夫點畫粗工可以弋獲而文詞醇茂或且見遺非所以權衡之準得輕重之宜也應遵奉諭旨參覈文字務令取擇適中除條對精詳楷法莊雅者盡登上選外其有繕錄不能甚工而援據典確曉暢時務卽爲有體有用之才亦應列爲上卷若對策衍成文全無根據卽書法可觀亦不得充選進呈請於文華殿兩廊並傳心殿之前後房間令讀卷官及監察之三公大臣科道收掌等官一同住宿舊例讀卷用十四人未免過多應請量行裁減派用八員內欽簡大學士二員其餘六員照會試總裁例將應行開列人員請旨欽點以兩日閱卷第三日進呈帶領擬定十卷貢士引見刻期竣事不致輾轉需時既杜形跡之嫌而於衡校益見清肅矣從之通考

又奉准鄉會試皆有監試獨房試後閱卷未經設立請仿照內場監試之例於閱卷日請旨派王公大臣及科道官員監試不與文字之優劣專察閱卷之情形有無認識筆蹟以及爭執名次之弊至閱卷既定前十名進呈之典請於擬定十名後讀卷官會同監試拆去封不得復行更調至進呈之日卽將十名帶領引見既覈其文字復察其人品恭候欽定甲第仍於次日傳臚奉旨殿試擬定十名於傳臚前一日進呈卽於本日帶領引見會典事例

二十六年諭廷試爲策士鉅典上年因宋稽條議令讀卷官會集文華殿悉心較閱其制已爲周備惟是增派王公大臣及御史等監試一節在讀卷諸臣有事讀卷而監者終日坐視此不過防其爭執扞持耳然各人意見時有不同勢難禁其折中商確亦無取其同聲附和也若云把持獨斷則今日尙覺鮮有其事卽果有之亦

非監試數人所能盡察諸事朕惟務實有名無實不如不爲自後王公大臣御史均毋庸如朱祐所云增派因思諸臣讀卷向俱各加圈點分別標識其高卽各有參差不過如上之適中中之適下品題不無互見當不至相去懸絕其或相去懸絕者必各存成見有高下其手之弊應自本料爲始俟傳臚事竣禮部卽將讀過試卷請旨另派大臣覆行察看如有標識懸絕者卽行簡明進呈候旨庶諸臣不敢稍以私意抑揚鑑別益昭公慎又讀卷官所進策目問條向有由內閣預擬之陋例漏洩揣摩不可不防其弊應一變禁止屆期令讀卷官密擬策問進呈候朕裁定發齋刊刻著爲令嗣於二十九年四月定殿試進呈十卷不必預拆彌封候 欽定後再行傳齊按名引 見通考

三十六年奏准向例 殿試應用監試御史四員受卷官十員彌封官十二員收掌官四員印卷官四員填榜官十八員由禮部於內閣翰林院都察院等衙門移取職名題請自屬慎重之意但受卷彌封等事本不甚繁應將受卷官改爲四員彌封官改爲六員印卷官改爲二員至填榜官改爲十二員並請於題派時惟將各項執事應用員數分別請 旨其聲明各衙門應用幾員之例概行停止至各項執事有應用禮部筆帖式者由禮部酌量委用無庸一體開列以符體制會典事例

又 諭今日讀卷諸臣將擬定十卷進呈閱其文詞頗多規少且有語涉瑞應朕意深爲不取現就各卷中擇其立言稍知體段不致過事鋪張者拔列前茅其措詞近浮及引用失當之卷酌量抑置以昭激勵將此通行諭諭知之通考

四十六年奉 諭向來殿試新進士有兩次早始交卷者雖伊等草茅新進對揚之始未免矜持但考試給燭

最滋弊竇至於連宵達旦則更長人倦防閑更未能周且朝考例作四題尙不過日入完場而殿試對策一道窮日之力寫作已可從容何必焚膏繼晷始得成章乎況殿廷重地尤宜謹慎嗣後殿試交卷至遲亦以日入爲度不得仍准給燭其不能完卷者仍准列入三甲末士子等各宜自勉以副朕別弊選才之至意欽此

乾隆四十八年議准士子撰擬策冒先期分送之弊應嚴行杜絕其有泛寫套語不准濫置前茅後幅空白十
四行應一併申明定例不拘字數倘應試士子仍有前期請託分送一經察出嚴加治罪至讀卷大臣務取文理明通不必限於字數其有條對詳明篇幅充暢者固不必繩以字數之多卽或言簡意該指陳切實者亦不必斥其字數之少但不及一千字者仍以不入式論又 殿試策草本由禮部辦理給發將應用一定款式開載明白鈐用印信與正卷一同散給其有復帶坊間草本查出以夾帶論完卷時交禮部堂官會同監試御史受卷官查收另行封固收貯臚唱後交察看標識大臣一併查覈再查向來 殿試正卷式樣甚長字體亦大士子書寫不易每至次早始能交卷前歲欽奉 諭旨殿試以日入爲度不准給燭士子等草茅新進或轉因趕緊繕寫以致潦草塞責請將卷式仍照翰林散館試卷式樣字體略小繕寫稍易足盡士子一日之長又士子由中書及各館臚錄中式者往往卽在內閣 誥勅房 國史館等處住宿囑託探聽理應嚴爲防範應交各該管官於 殿試前詳細稽查除各該處應行傳宿官役外尙有中式舉人在內私自住宿者查出卽行參奏交部治罪科場條例

四十八年奉 旨殿試內閣刊刻印紙時著派機軍統領一員帶領護軍校等在彼嚴密稽查爲例 會典事例

又經御史請定 殿試規條策冒頌語皆須關照本題不得泛寫套語對策不拘字數短者以千字為率草稿
副本應官繕給發完卷時一併交納其由中書及騰錄中式者不得在內閣 誥敕房 國史館等處住宿以
防賄託徒之嫌

嘉慶四年奏准四月二十五日 聖駕不陞殿傳臚仍照例設黃案一於 太和殿丹陛上正中備雲盤黃蓋
於 丹陛下設龍亭於 午門外讀卷執事各官照本年議定常朝坐班例均補褂朝珠新貢士均常服會集
屆時內閣學士奉黃榜安設 丹陛上正中黃案上鴻臚寺官引讀卷執事各官暨新貢士於丹墀內撥班排
立不贊行三跪九叩禮禮畢皆退禮部堂官進就榜案前跪行三叩禮率以興降自中階以雲盤承榜簿以黃
蓋由 太和門 午門各中門出懸 長安左門外會典事例

十三年議准新進士 殿試凡應行執事人員由禮部先備名冊知照值日護軍統領於諸貢士點名放入後
一國隨進事畢即行退出如有冒充執事官以及事畢有意逗遛者聽監試御史查參儻監試官有意徇縱及
護軍統領有滯行放入情事並聽監試王大臣一併參處即由監試王大臣於每門分派侍衛一員眼同護軍
嚴禁出入用昭慎重會典事例

道光十三年奉 上諭本日殿試新進士前十本進呈經朕親定已拆彌封填寫名次矣其餘二甲三甲進士
卷著原派之收掌官四員在內閣嚴密關防并著監試御史各二員每日輪流在內稽查不許預先官洩俟二
十九日前十名進士帶領引見後再行拆開彌封填寫金榜等因欽此 科場條例

右殿試

雍正元年諭新科進士於引見之前先行考試知其學問再行引見選拔庶人才不致遺漏考試題目將詩文四六各體出題視其所能或一篇或二三篇或各體皆作悉聽其便會典事例

五年奉 諭旨今科選拔庶常應如何簡選考試務得人材以濟實用著會議具奏尋議進士選拔庶常原屬備才大典必得其學問素優才品兼善之士方可選列清華查雍正元年癸卯科 殿試後集諸進士於 保和殿 御試並令九卿各舉所知雍正二年甲辰科照前舉行今科進士亦應詳加考試仍令內閣九卿確行保舉其考試擬用論記奏議詩五題或作一二篇或諸體全構聽其各展所長屆期 欽點大臣閱卷進呈其進士內有彼此熟悉素為眾所推服者亦令公同舉出伏候 親加選定從之通考

乾隆六年擬准查新進士 明考向例巡綽已密惟坐次按雙單名編列或可預揣應令監試王大臣臨期酌派詩韻不准自帶以 武英殿本給發會典事例

三十四年奉 上諭昨派閱朝考卷之大臣以擬取各卷進呈朕閱前列數卷併拆開彌封則擬列第一之嚴本卷論冒云人心本渾然也而要必嚴辨於動靜之殊兩句內姓名顯然併見復閱擬第二之王世維卷則云維皇降衷而擬第三卷之鮑之鍾則用包含上下句包為鮑字之半擬第五卷之程沅則云成之者性也成與程音相同竊堪詫異雖此各卷文義原屬可取而其字跡可疑且不止一卷豈得盡謂偶然適合似此隱藏字樣非關節而何若謂此非關節亦不解復有何等字樣為關節者或云朝考止論去取不關前後此小省人少者則然若江浙中式進士較多設朝考即八選而名次在後恐已難邀館選是前列實為勢所必爭即不能保無措弄筆墨希圖巧作實錄之計朕從不肯逆詐僥不旨而亦斷不能漠然無先覺為此等伎倆所欺諸巨皆

朕所信在派出不值因此遽與大獄今爲一一舉出應有內愧於心者耳此事姑從寬免究但如此擬取不周以昭公道而服人心因令軍機大臣會同原看官將各卷通行覆閱據奏請將原擬之前四卷抑置取卷之末並將所取各卷酌改前後次序另簽進呈均如所擬更定至原擬第三十一名之卷詔既不切詩復不工亦類所請斥去不取以示平允原派閱卷之大臣將此不應入選之卷濫取充數咎無可辭著交部議處並將此明白宣示俾嗣後衡文諸臣及應試士子各自猛省倍加警惕欽此科場條例

三十六年奏准鄉會科場及各項考試其詩止限排律二首乃近科來新進士 朝考有賦至一首或三四首者每次作詩數首之人爲數本少一經交衆口爭傳故雖已揭浮籤糊名莫辨竟有可卽作詩幾首而知其爲某者行之既久恐起詭過之端嗣後應各遵定式祇賦一律以肅成規而符體制會典事例

嘉慶二十二年諭內閣向來新進士朝考以論詔疏詩四項命題其詔題多係擬古朕思士子文藝試以論疏詩三項其優劣已可概見擬作古詔不過臨時強記敷衍成篇況可擬古詔本屬無多歷科命題幾徧嗣後新進士朝考著裁去詔一道以論疏詩三項命題著爲令 聖訓

右朝考

康熙五十一年諭考選進士除選庶吉士外其餘挨次續補縣令俱有刑名錢穀之責未登仕前不知事宜仕時安有裨益今歲進士勿令口籍交禮部選翰林院內學優品端者數人教習文藝從典禮如有纂修之事令伊等纂修每進士一名月給銀三兩有患病告假丁憂終養等項仍照例給假其才力不及者教習官題參行革優長者均科分名次卽行陞補平常者三年滿日註冊俱令歸籍候缺補用會典事例

又覆准教習進士頒發 御製詩集 御批通鑑古文等書撥給內務府所存房舍開館禮部翰林院分派人役四名看守每遇大朝之日令進士隨現任官員班末行禮以觀大典 會典事例

雍正七年諭令科外用進士著就伊等本籍地方掣籤派往交與各該督分派藩臬衙門令其學習伊等中式之後原須候選數年始能得官今著學習三年委署試用一年約計四年之後題補實授與伊等候選之期相仿而又得學習吏治較之閒居豈不大有裨益此三年內若該地方需用人員仍著奏請另行揀選命往不必於新科進士內選就委用倘新進士中果有才具出眾平日熟練吏治不符學習者著該督撫格外委署題補卽於本內聲明若才具庸常難以練習吏治情願改教者不拘三年之期准其具題改補其學習之期每年公費若干該督撫於公用銀兩內酌量給與著行文各督撫知之通考

右進士留京教習

天聰元年八月敕諸貝勒府以下及滿漢蒙古家所有生員俱令考試分別優劣賞緞布有差八年四月考試漢人生員賞給銀兩又考試習滿漢書中式者爲舉人各賜衣一襲宴于禮部崇德三年八月賜中式舉人等朝衣各一領秀才各賜縐布六年七月范文程等請于滿漢蒙古內考取舉人生員尋考取中式舉人各賜緞朝衣一領生員等各賜緞布有差通典

三年 上諭曰自古國家文武並用以武功戡禍亂以文教佐太平朕今欲振興文治於生員中考取其文藝明通者優獎之以昭作人之典諸貝勒府以下及滿漢蒙古家所有生員俱令考試於九月初一日命諸臣公同考校各家主毋得阻撓有考中者仍以別丁償之尋考試分別優劣得二百人一等者賞緞二二三等者

賞布二俱免二丁差徭嗣於八年三月考試漢人生員分別三等賞給銀兩有差通考

八年禮部考取通滿洲蒙古漢書文義者爲舉人取中滿洲習滿書者剛林敦多惠滿洲習漢書者查布海恩格德漢人習滿書者宜成格漢人習漢書者齊國儒朱燦然羅縉錦梁正太雷興馬國柱金柱王來用蒙古習蒙古書者俄博特石岱蘇魯木共十六人 上俱賜爲舉人各 賜衣一襲免四丁宴於禮部通考

崇德三年 賜中式舉人羅碩等十名朝衣各一領授以品級各免人丁四名一等秀才十五名二等秀才二十八名三等秀才十八名各 賜紬布授品級已入部者免二丁未入部者免一丁通考

六年內三院大學士范文程等奏請於滿漢蒙古內考取生員舉人 上從容諭曰忠經有云在官惟明莅事惟平立身惟清聽不可以不聰視不可以不明清則無欲平則無曲明能正俗聰則審於事明則辨於理爾等當善體此言從公考校尋考取中式舉人滿洲鄂謨克圖蒙古杜當漢人崔光前等七人各 賜緞朝衣一領生員滿洲科爾科代等緞布有差通考

順治二年定會試正副主考官二月初六日入場於 午門前行禮赴禮部簪花筵燕各給表裏二端出場次日行禮簪花筵燕如前直省鄉試與會試同會典事例

三年定中式新進士冠服式樣金鍍銀三枝九花頂 賜一甲一名冠服照六品頂帶及諸進士鈔銀通考

九年定每進士一名 賜銀十兩其餘每科銀五兩會典事例
十五年定 殿試傳臚後五日於 午門前領賞 賜狀元六品朝冠朝衣補服帶鞞襪進士各銀五兩次日狀元率諸進士上表謝 賜會典事例

康熙二十三年既准鄉試入場出場簪花筵宴俱照舊例舉行科場條例

又題准會試入場出場簪花筵宴及入場給表裏俱照舊例舉行科場條例

雍正元年定傳臚後 賜恩榮宴於禮部內大臣一員主席讀卷執事各官皆預進士并各官皆簪花入宴樂部和聲署承應科場條例

又定殿試進士二名以下所賞銀兩改給表裏各一端會典事例

二年命會試舉人分別道里遠近賞給歸途路費雲南廣東廣西貴州四川五省每人銀十兩福建浙江江南江西湖廣陝西六省每人銀七兩直隸山東山西河南四省每人銀五兩通考

五年定傳臚後 賜恩榮燕於禮部主席內大臣一人讀卷官提調官鑾儀衛堂官監試官彌封官收掌官供給官壇榜官護軍參領鳴贊暨諸進士皆與會典事例

七年議准考官簪花筵燕之處該衙門派官專司其事凡吏役從人不許擁擠上堂爭取餽饌如有玩法擁擠者卽行拏究監試御史將該管官指名題參照約束不嚴例議處會典事例

乾隆元年諭仲春以來農事方興雨雪時降麥秋有望殊屬可喜但羣士入闈衣服未免霑濕在羣士學古入官上焉者可服在大僚其次亦將膺民社之宰自當以天下之樂爲樂不以霑濕爲苦而朕心不免軫念著卽

發庫帑各賜白金三兩爲修整衣服之用欽此隨遵 旨查明是科會試入闈士子計四千三百有九名按名頒給共銀萬二千九百二十七兩會典事例

又覆准鄉試之年各省中式舉子概於赴省填書親供之後卽將應領坊銀當面給發不拘名次隨到隨給毋

得扣留抑勒以滋弊竇如有奉行不實或令士子虛出領狀或將公項朦混報銷者聽督撫題參議處會典事
例

三年奉 上諭前據御史甄之璜條奏各省鄉試中式舉人例給坊銀二十兩而連省遵行不實如貴州則給發三分之一廣西則全行扣留經部議令該省巡撫藩司確查報部迄今一載有餘尙未結案今朕訪聞得遠省新中舉人有應領之坊銀每見主考長途跋涉卽以恩賞之項行其束修之數而識見淺小之考官亦遂收納不辭此風行之已久今若追溯從前一一清查徒滋案牘之繁未免擾累究於舉子無補著從寬免其查問嗣後考官等各宜恪遵功令不許致受此項銀兩該藩司亦必照數給發不得絲毫扣留務使中式舉人實沾恩澤欽此科場條例

四年諭會試屆期天氣尙覺寒冷凡入場士子除照例賞給棉氈衣及薑湯茶餅外著按名給與木炭許其攜帶手爐以溫筆硯禮部卽出示曉諭入場舉子知之會典事例

又奏准鄉會試中式及殿試一甲三名皆例給坊價查舉人坊價銀二十兩在本省支給進士坊價銀三十兩由戶部支給而 殿試鼎甲加增坊價銀五十兩仍於本省支給惟是江浙等省人文最盛其鼎甲坊銀定例相沿無不支領其餘他省地方經二三十年不得一有其人遂以年遠無稽竟不給發致無以示鼓勵嗣後應照進士之例一併在部給發科場條例

三十年議覆河南巡撫阿思哈條奏嗣後各省鄉試筵宴改設巡撫衙門惟查江南鄉試監臨係上下江巡撫每科輪值巡撫衙門均與貢院同城應仍照舊設宴公所以巡撫主其事科場條例

四十一年諭向來雲南貴州舉人進京會試一路賞給驛馬騎坐所以體恤遠方寒峻者至優極渥本年陝西鄉試中式第二名舉人黃斌卽係新設迪化州阜康縣人可見關外人文漸盛殊屬可喜第念該處進京道里較雲貴等省更遠卽每科新彊士子赴西安鄉試路亦不近而新彊車馬等項僱覓維艱殊堪軫念嗣後京師關以外士子赴西安鄉試及進京會試並著加恩照雲貴之例一體賞給驛馬以示優恤邊陲寒士之至意通考

四十四年覆准順天鄉試舉人應領旗扁銀兩八旗中式者由各該旗出具印領赴戶部支領各省中式者由國子監赴戶部支領直隸中式者由順天學政赴戶部支領惟奉天中式舉人係奉天府丞錄送之人其距京遙遠應由戶部劄令順天府就近支領會典事例

嘉慶四年覆准諸進士彩花狀元銀花照乾隆四十二年之例與筵燕一同停止其披紅鍍金花自應一體無庸頒給其應給扁額之處應聽順天府自行辦理會典事例

五年准戶部查覆中式舉人例給坊銀之外另給衣服頂帶之處除直隸福建河南山西四省向無辦過成案湖北湖南江西三省係由工部發銷惟江南浙江山東陝西廣東廣西四川雲南貴州各省每名報銷若干在於何項動給應一併查明開單咨覆

江南省中式舉人每名元素袍服綢一件價銀九錢五分藍羅裏每件價銀五錢藍綢領束帶每條價銀一錢九分計該共銀一百八十六兩九錢六分其帽頂每個重三錢七分所用工料在此項開銷銀數之外係該省自行辦理動用銀兩係於額編正項及協貼耗羨銀內動給貴州省中式舉人每名衣服頂帶等銀五兩四

錢三兩在於地丁正項并耗羨等項銀內動支湖北省中式舉人每名銀帽頂一個重五錢飄帶一副價銀二錢二分五釐

湖南省中式舉人每名銀帽頂一個重三錢飄帶一副價銀二錢其應給衣帽朝靴等項係工部發銷此二省科場經費係動支額征科舉銀兩如選 恩科並無前項額征銀兩則於地丁耗羨銀內分別動支

浙江省中式舉人每名青衫一件價銀七錢緞靴一雙銀三錢紅纓緯帽一頂銀三錢忠孝帕一副銀六分披肩一塊銀一錢二分披帶一條銀一錢二分披紅一塊銀七分雀頂一個銀九分彩旗一對銀六分綠捐傘一把銀三錢錦帳一頂并綵結銀三錢鏤銀花一對銀一錢八分折盞銀一兩共銀三百三十八兩四錢如係正科在於地丁額編項下支給 恩科係在地丁程費二款內撥給

廣東省中式舉人每名給公服一件銀九錢五分絨帽一頂銀四錢雀頂一個工料銀三錢四分係在地丁及田房稅羨並本款存剩項下動支

江西省鄉試經費銀兩向於耗羨銀內動支事竣造冊題銷至舉人應支衣服頂帶等項銀兩向係造報工部撥給

四川省中式舉人每名袍服一件計銀二兩一錢九分零共銀一百三十一兩四錢一分六釐每名涼帽一頂銀五錢腰帶飄帶披肩三項共銀九錢帽頂一個銀三錢靴一雙銀三錢均於地丁銀內動支

廣西省中式舉人每名衣服頂帶等銀四兩三錢六分六釐在於正項地丁銀內動支
陝西省中式舉人每名銀花一對鍾盤一副帽頂一個軟帶一條工料共銀三兩二錢四分三釐零耗羨項下

每名青衣一件帽一頂靴一雙披紅一塊綢帶一條飄帶一副魁匾一面工料共銀四兩八錢一分三釐零
雲南省中式舉人衣服頂帶銀兩係動支地丁銀兩每名給絨纓帽一頂每頂銀六錢雀頂一個重三錢又每
個貼金箔十張價銀一分五釐緞靴一雙銀七錢束帶一條銀一錢五分綢袍一件銀一兩九錢五釐披領一
圓銀二錢四分二釐

山東省中式舉人每名發給花紅銀五兩四錢二分四釐在於地丁項下動支科場條例

又准工部查覆江西湖北湖南新科舉人應給衣帽等項查明報銷冊內製給價值開單咨覆

江西省舉人每名燒金銀頂一個銀二錢五分四釐八毫二絲銅花一對銀三釐五毫緯帽一頂銀二錢綢袍
一件銀七錢三分一毫二絲絹披紅一塊銀一錢三分五釐錫環腰帶一條銀八分白布飄帶二條銀二分八
釐布靴一雙銀一錢八分紅布綵旗一對銀三分四釐以上統共每名物料銀一兩六錢四分五釐四毫四絲
湖南省舉人每名絨帽一頂銀二錢七分四釐青絹衫一件銀七錢四分五毫絹披肩一件銀一錢一釐六毫
青絹傘一把銀五錢一分四釐裁縫工銀一錢二分朝靴一雙銀二錢五分紅絹旗一對銀一錢二分九釐木
匾一塊銀一錢五分九釐三毫絹飄帶一副銀一錢六釐五毫以上統共每名物料銀二兩三錢九分四釐九
毫

湖北省舉人每名滿帽一頂銀四錢青綢衣一件銀一兩一分四釐青綢披領一件銀一錢四分九釐綢披紅
一塊銀一錢五分青綢傘一把銀一兩三錢三分四釐布靴一雙銀二錢四分綢綵旗一對銀二錢二釐牌匾
一塊銀二錢二分六釐四毫二絲以上統共每名物料銀三兩七錢七釐三毫二絲又另給前五名舉人綢匾

各一塊每塊銀四錢五釐又捷報匾五塊每塊銀二錢二分六釐二絲科場條例

二十一年奉 上諭向來三品以上大員無論現在在籍其中式科分適遇花甲再週應重赴鹿鳴宴者該省大吏專摺陳奏朕念其曾任大員又年登耆壽每加恩晉秩以彰人瑞若尋常年老舉人准其重赴鹿鳴宴已足以昭恩澤無庸專摺具奏嗣後除三品以上大員仍准專摺奏請與宴外其四品以下者俱著該督撫咨報禮部准令與宴該部於科場事竣彙總具題欽此科場條例

二十二年奉 上諭嗣後每科恩賞新進士表裏著該部遴選司員赴庫承領按名粘貼該司印封奏派侍郎二員親自散給毋得假手吏胥以重恩賚而昭體制等因欽此科場條例

又奉 上諭昨降旨令鄉會試考官同考官於宣旨後即由午門徑行入闈所有上馬宴著永遠停止其恩賞考官同考官金花表裏盃蓋等件會試由禮部派員鄉試由順天府派員齋至午門前宣旨後按名賞給其出闈後恩榮鹿鳴二宴仍照舊例行欽此科場條例

又奏准各省應重赴 恩榮筵宴人員與重赴鹿鳴宴事同一例應遵奉本年 諭旨三品以上大員仍專摺奏請四品以下俱由該督撫咨報禮部備入彙題辦理永遠遵行科場條例

右宴賞

順治八年定凡遇應考年分鄉試取中滿洲五十名蒙古二十名漢軍五十名各衙門無頂戴筆帖式亦准應試滿洲蒙古通漢文者編漢字文一篇未能漢文者作清字文一篇漢軍文章篇數如漢人例會試取中滿洲二十五名蒙古十名漢軍二十五名各衙門他赤哈爾番筆帖式哈爾番俱准應試滿洲蒙古通漢文者編漢字

文一篇作文章一篇未能漢文者作清字文二篇漢軍文章篇數如漢人例會典事例

又定順天鄉試考試滿洲舉人主考應用滿洲內院禮部官各一員閱卷滿洲舉人止考一場考畢將文字送至禮部公同選取考試漢軍舉人聽漢主考官閱卷至漢軍舉子試藝本年鄉試明年會試第一場書藝二篇經藝一篇如未通經者作書藝三篇二場論一篇三場策一道自後試藝以次加增順治十一年鄉試十二年會試第一場書藝三篇經藝二篇二場論一篇判五條三場策三道順治十四年鄉試十五年會試第一場書藝三篇經藝四篇二場論一篇表一篇判五條三場策五道會典事例

又定順天鄉試滿洲蒙古生員筆帖式應同一榜漢軍生員筆帖式漢生員監生應同一榜明年會試殿試俱照此例會典事例

十一年定前於八年議准他赤哈哈番筆帖式哈番俱准會試查該員等皆係六七品官各有職任況歷科中式舉人應會試者頗多嗣後滿洲蒙古漢軍會試止准舉人應試其在部院等衙門他赤哈哈番筆帖式哈番等俱不准應會試庶滿漢試例一體會典事例

雍正元年總理事務王大臣奉諭旨八旗滿洲等除照常考試漢字秀才舉人進士外滿洲等編譯武藝亦俱屬緊要應將滿洲另編滿文考試秀才舉人進士武秀才舉人進士之處爾等會同該部作何考試類數多少等處定議具奏謹議滿洲蒙古能編譯者三年之內考取秀才二次舉人一次進士一次每過考取秀才之年吏部行文翰林院各部院衙門將滿洲翰林侍讀郎中等官內由清漢字出身精通編譯者咨送吏部開列具題欽點學政一員其考試之童生八旗都統備造旗分佐領三代履歷年貌清冊咨送禮部轉送兵部

考試馬步箭冊送學政於貢院內考試將四書直解限三百字內爲一編滿文一篇其編譯精通者聽考官選取考試之後將卷冊交送禮部該員仍回本衙門辦事其鄉試會試另立一場於子午卯酉年二月鄉試辰戌丑未年八月會試鄉試禮部照例咨取滿洲由清漢出身之大臣官員職名併漢大臣官員職名開列具題欽點滿漢正副主考官各二員滿同考官四員禮部滿洲侍郎一員爲監臨官會同順天府提調官管理鄉場內外之事其應考之人不拘滿漢字貢監生員其現任筆帖式能編譯者俱照例考試馬步箭咨送入場頭場將四書解義易經解義書經解義性理精義孝經衍義大學衍義古文淵鑑資治綱目等書限一百字內出題三篇二場漢主考官或判論或表策自作二篇爲題三場於入場後取現到通本一道爲題其所用通本鄉試命順天府官赴通政司親領封固親身送至貢院門首交提調官轉送內簾監試主考官公同開閱會試亦照此例由禮部官齎送其現在文舉人能編譯者亦准與編譯會試 殿試題目或於古文及律詩詞賦等文內由內閣奏請恭候 欽命餘俱照文殿試例通考

二年奉 諭旨考試編譯舉人不必分作三場只須一次考試一日一夜量其所能章奏一道或四書或五經酌量出一題其優劣便已可見此考試並無漢文不必派漢大臣再考試舉子俱係八旗內人其編譯好者衆所共知卽字蹟亦最易識認伊等試卷應行繕錄著於六部各衙門善書之筆帖式內酌量足用選取令其繕寫選中之卷進呈時再定額數仍寫備卷呈覽其分校及巡察等員亦俱照文鄉試例派用尋議定編譯舉人作一次考試或用章奏一道或於四書五經內酌出一題選取各部院衙門筆帖式等令其繕錄其堪中式之卷挑選進呈時再行定額仍選備卷數本呈 覽考試官員於滿大臣內派正考官一員副考官一員部院官

員內派同考官四員其餘應行事宜俱照文鄉試例本年甲辰科繙譯鄉試取中滿洲繙譯舉人九名通考

又定繙譯鄉試入場拆號填榜會同禮部堂官一人同進場其鈐榜印信亦照文鄉試例行謹按鄉試拆號填

榜現係順天府府尹入場辦理 會典事例

又定繙譯鄉試彌封紅印貢監生用皿字號生員用貝字號筆帖式用聿字號 會典事例

又定繙譯諸生分別官民字號 會典事例

三年禮部議覆左通政陳良弼條奏八旗漢軍筆帖式貢監生員官學生亦有學習繙譯者請照滿洲蒙古例

一體考試應如所請嗣後三年之內考取秀才二次舉人一次進士一次其取中額數視人數多寡臨期請

旨欽定從之通考

四年繙譯鄉試將迴避硃墨卷進呈奉 旨不必迴避將此卷發與場內揀選以後八旗繙譯總不用迴避會

典事例

又定繙譯鄉試增添漢軍其編號之處應照文場例滿洲蒙古用滿字號漢軍用合字號 會典事例

七年諭凡由舉人考試補用筆帖式者俱准其與舉人一體會試其由貢監考試補用筆帖式者亦准其考試

繙譯舉人時一同考試至於由貢監生員考取小京官筆帖式之員若願就鄉試俱准其與舉子等一同考試

會典事例

九年奉 諭旨看來蒙古旗下人能蒙古話及能以蒙古字繙譯者甚少如是相沿日久蒙古文字并蒙古話

必漸至廢棄宜令蒙古旗下人亦照考試滿洲繙譯生員舉人進士之例考取蒙古繙譯生員舉人進士在理

藩院補用如有讀習漢書情願考試文生員舉人進士者令照常考試著在別部院補用如此則蒙古旗下人俱各奮發勤學蒙古文字並蒙古話不至廢棄而理藩院亦收得人之效著大學士會同理藩院詳奏遵旨議准八旗蒙古人等能繙譯滿洲蒙古文字者照考試滿洲繙譯之例三年之內考取秀才二次舉人一次進士一次鄉會試與滿洲繙譯合爲一闈滿洲應試舉子在東文場考試蒙古應試舉子在西文場考試滿洲蒙古合爲一榜一同張掛考取秀才派蒙古學院一員鄉會試各添派蒙古主考官一員蒙古同考官二員俱由該衙門咨取各部院蒙古大臣官員職名開列具題 欽點考取秀才題目於清字日講四書內照漢文限三百字爲題繙譯蒙古文一篇鄉會試題目於清字日講四書內照漢文限三百字爲首題再用清字奏疏一道爲次題繙譯蒙古文二篇騰錄試卷於各衙門書書蒙古字之筆帖式內咨取派用其監臨提調監試等官於滿洲繙譯科具題 欽點毋庸另派其取中秀才舉人進士額數令考官挑取中式之卷並選備卷數本一併進呈請 旨欽定考取秀才於本年十月舉行鄉會試於考試滿洲繙譯一同舉行雍正十年壬子科繙譯鄉試取中滿洲繙譯舉人十六名蒙古繙譯舉人二名通考

乾隆元年禮部議準繙譯科鄉會試題主考於性理精義及小學內選擇數項進呈 欽定其考試生員并於性理小學內出一題考試其蒙古繙譯鄉會試及考試生員亦於清文性理小學內出題主考會同房官每一題後括其大義總論數語令士子一同繙譯通志

又奏准繙譯鄉試除滿洲編爲滿字號蒙古編爲蒙字號漢軍編爲合字號外其蒙古士子考試滿洲繙譯者自應別編字號以昭差別應卽編爲滿蒙字號會典事例

三年諭朕前降諭旨滿洲現任職員通曉繙譯者准其在禮部報名考試今思八旗武職人員內平時講習繙譯亦不乏人如有情願赴考者准其報名該部一體考試會典事例

又題准繙譯鄉試已歷六科現在繙譯舉人約有百餘名又原議文舉人能繙譯者亦准入場合之繙譯舉人數實係衆多應於乾隆己未年八月舉行繙譯會試其會試事宜俱照定例辦理會典事例

又題准繙譯鄉會試 欽定繙譯一題外再於清文四書內 欽命一題令士子作清文一篇通志

四年題繙譯人員進士出身以主事等官分別錄用先是禮部題准繙譯鄉試已歷六科文舉人能繙譯者亦准入場人數衆多請於乾隆己未年八月舉行會試其會試事宜照題定例辦理請派御史四員專司巡察至是取中繙譯進士滿洲二十名蒙古二名奉 諭旨今年繙譯會試取中二十二名雖從前有照例殿試之議但此科人數甚少不必舉行殿試俱著賜進士出身吏部帶領引見候朕酌量錄用其優者以大部主事即用次者在主事上學習行走該堂官照例題選又次者照滿洲進士例選用內有現任者即在任候陞不必出缺通考

五年覆准嗣後 咸安宮官學繙譯教習照漢教習之例准以繙譯歸班進士充補但查現今歸班之繙譯進士九名除已經補用一名丁憂一名差往兩淮一名外僅餘六名今 咸安宮官學需用三員尙應多備一二員以爲將來頂補之用現在人數適足相當毋庸再加考試應將現在繙譯進士六名按其中式次序先將三員咨送 咸安宮充補教習俟下科繙譯會試取中人數加多之後再照漢教習例考試錄取其充補教習員內有現任筆帖式者准其仍食原俸如係閒散進士亦照漢教習之例每月給食三兩錢糧俟三年期滿該管

官分別等第帶領引 員上等者以主事即用次亦以知縣即用再定例通政司漢字知事翰林院典簿詹事府主簿光祿寺署丞國子監監丞博士典簿等缺不論雙單月先將滿洲闈散進士挨科第名次補用今乾隆四年中式繙譯進士傅森布等奉 旨俱著歸進士班照例選用是項繙譯進士原係與文進士挨科第名次選用通政司知事等小京官與漢進士守候知縣者無異其充補教習三年期滿給用之處應照漢進士教習之例令該總管分別等第帶領引 員或以主事即用或以小京官即用之處恭候 欽定再歸班選用之繙譯進士內有二員係漢軍經吏部奏明選用知縣如將該員充補教習其期滿銓用之處應與漢進士一例辦理會典事例

七年奏准繙譯會試第一場試四書清文一篇孝經性理清字論一篇第二場試繙譯一篇恭請 欽命題目

又奏准 殿試另請 欽頒繙譯題一道一同 殿試會典事例

又奏准繙譯會試與文會試合為一場所有試卷仍照例令行部院衙門筆帖式謄錄彙齊封送照迴避卷例

請 旨別派大臣閱看擬定進呈恭候 欽定會典事例

又奏准繙譯會試於文會試時別編字號合為一場揭曉別出一榜中式後別請 欽頒繙譯題一道一同

殿試即令滿洲讀卷官閱看照例進呈分定甲第二甲者附於二甲之後三甲者附於三甲之後一體填入金榜帶領引 見恭候 簡用會典事例

十年奏准繙譯進士照文進士例給發建坊銀兩併給表裏各一端並謁 先師孔子廟行釋褐禮會典事例

十一年奏准九品筆帖式祇應考生員若竟准其鄉試殊屬躐等嗣後九品筆帖式俟考取生員後再准鄉試

至七八品筆帖式小京官不由貢監出身者其中不無留心滿漢文
其鄉試則伊等限於品級又不得降等考試生員平日所學莫由未
現任七八品筆帖式小京官有能編譯者仍照雍正元年定例准其
十三年議准編譯考試從前並無定額歷科鄉試應考滿洲編譯者
或四十餘名五十餘名不等通計十名取中一名亦有十一二名取
六十餘名不等取中舉人或五六名或八九名不等通計六七八名
人未免過濫嗣後滿洲編譯舉人額中三十三名蒙古編譯舉人額
日盛取中之數亦不得有逾定額至編譯進士應照文進士例禮部
中額交閱卷大臣遵 旨取中會典事例

十四年奏准凡應編譯鄉試者除生員已遵例錄科外其文生員書
旗貢監錄科之例一體錄科列在一二三等者准其鄉試其餘概不
錄科題目應照考試編譯童生之例恭請 欽定其試卷由閱卷士
冊併交禮部出榜曉諭以昭畫一所有錄科應用供給食物紙張等
其餘一切事宜悉照考試編譯童生之例辦理會典事例

二十二年議准停止編譯鄉試會典事例

四十一年諭編譯鄉試停止已二十餘年近日滿洲學習清文

考試繙譯舉人已亥年三月考試繙譯進士尋議繙譯會試所有中式繙譯進士應與文進士一體截取選用知縣其有歸班銓選者應以翰林院典簿等缺補用通考

四十三年奉准向例考試滿洲繙譯約五六百人額中三十三名考試蒙古繙譯約五六十人額中六名此次鄉試應考人數多寡難以預定未便即照原額取中應俟臨期將滿洲蒙古八場各實數具奏應各中若干名隨時具奏其會試中額向係臨時題請 欽定仍照舊例遵行會典事例

又奏准繙譯鄉會試向例並無迴避之條現在考試繙譯生員等項俱經議准照文場之例迴避所有繙譯鄉會試主考官同考官知貢舉提調監試受卷糊封收掌等官舉子內有應迴避者皆令迴避不得與試如本官不自行開出因而中式者本官議處該生斥革會典事例

又 諭向來繙譯鄉會試墨卷亦用膠錄對讀再送內簾校閱雖照科場條例辦理但滿洲字與漢字不同筆跡難於識認本無弊之可防原不必循文場易書之例況膠錄之領僅於繙譯文義不能盡通膠寫易於訛錯且多延時日殊屬無謂現屆繙譯鄉試所有試卷止須糊封送交內簾校閱無庸另行膠錄對讀著為令會典事例

四十四年諭近來凡有諭旨兼蒙古文者必經朕親加考正方可頒發而以理藩院所擬原稿示蒙古王公等多不能解繙譯人員未能諳習蒙古語戲虛文實字敷衍成篇遂致不相脗合又如從前德通所繙清文阿魯錫之往往不能盡曉夫阿魯錫精國語無不備知其所以不曉德通之清文者非阿魯錫不通清語乃由德通物泥漢字文義牽綴為文於國語神理全未體會是歧清語與清文而一之無怪其相背也則蒙古王公等之

不解其滿院之蒙古文其義亦然總由國朝定鼎至今百有餘年八旗滿洲蒙古子弟自其祖父生長京城不但蒙古語不能兼通卽滿洲語亦日漸遺忘又復憚於學習朕屢經訓飭而率教者無幾因由習俗所移亦其人之不肯念本向上耳繙譯清文蒙古文當實力講求勿仍陋習此旨著頒示貢院暨各省學政及繙書房理藩院各書一道揭之堂楣俾皆矚目警心欽承毋忽併諭中外知之會典事例

又奏准繙譯會試中式滿洲蒙古進士應請 賜進士出身停其 殿試禮部將該進士等造具名冊送吏部帶領引 見會典事例

五十二年諭向來滿洲蒙古繙譯鄉會試每屆三年將應否舉行之處請旨辦理但思旗人進身之途甚廣並不專藉繙譯且其中亦未見出有真才也三年奏請考試一次爲期太近嗣後竟著每屆五年舉行一次亦不必請旨可行與否矣 東華續錄

又 諭據喀爾喀等奏考試八旗各處滿洲教習人等進呈試卷內所繙風俗字樣俱繙安科禮此雖照舊定成語但初定時已失字意矣蓋久行不易者謂之科禮隨時成習者謂之風俗理應繙作格掄尼塔親除見將進呈試卷改正外著交繙書房將清文鑑亦照依改正宣示各處遵行從前德通所繙清語內阿岱所不曉者甚多阿岱善於清語何至不曉究係德通固執漢文拘泥成語不能會意以致繙成漢文語氣阿岱始不能明晰曾經降旨以繙清必順滿文會意方可令人易曉若會滿文語氣因循漢文繙譯則竟至失却滿文本義著將此再通行各處嗣後一切繙清必遵朕屢次訓行遵照滿文本義繙譯斷不可拘泥漢文再今日進呈試卷逐一閱視立意措辭大類相同恐有不肖之徒濫圖僥倖互相代倩情弊著嚴飭嗣後派出之考試大臣御史

等須嚴行監試備經察出弊竇一併從重治罪 東華續錄

嘉慶七年諭宗室繙譯鄉試另行命題由順天府照例請領其試卷不必進呈將來繙譯鄉會試俱照此辦理
會典事例

又奏准宗室繙譯會試照宗室文會試之例考試一場試以清字四書文題一道繙譯題一道會典事例

八年諭向來繙譯鄉會試照文鄉會試之例辦理簡派大臣及執事官多員以昭慎重但此項應試人數無多
究與文闈春秋兩試有尚本日據繙譯會試考官總布奏稱從前鄂爾泰會經條陳繙譯鄉會試請附春秋兩
闈於頭場考畢後將應試繙譯人等隨同士子進二三場另號局試曾議准行旋復照舊例另場考試等語繙
譯鄉會試歸併文闈考試除添派試官外此外毋庸另派多員於一切支應較為簡便而防範亦更周密著禮
部詳查此例於何時准行於何年停止併嗣後遇有繙譯鄉會試是否可以歸併文闈春秋兩試及應如何酌
定章程之處一併妥議具奏欽此又侍郎廣音奏繙譯鄉會試請照科場定例三年一舉奉 旨著交禮部一
併議奏欽此遵 旨議定繙譯鄉會試年分宜歸併文場鄉會試將五年一舉之處改為三年一舉如遇 恩
科亦一體舉行號舍宜量為區別場中內龍門左右兩旁轉角之處為兩翼彈壓副都統住房貼近住房各有
小號三四處如於科場點名之日先儘此六號坐繙譯舉子俟點完時各令彈壓副都統親身封號以一員在
至公堂管束八旗舉子以一員即在住房管束繙譯舉子不使出號行走考期定於會試二場點進繙譯之頭
場會試三場點進繙譯之二場至順天鄉試二場人數眾多繙譯祇考一場所有應試士子應於三場點進閱
卷仍照乾隆七年之例於每科繙譯完場後與宗室試卷由監臨知貢舉封固送交軍機處請 旨特派大臣

校閱試人數較多照 殿試例在 文華殿閱看會試人數較少照 朝考例在 內廷閱看凡 內廷閱
卷如 南書房 正大光明殿東配殿 禁藥深殿俱可不必再加防範惟 文華殿閱卷則地在外廷且須
住宿二三日關防不可不嚴請 欽點滿漢御史四員以二員住宿 文華門內左側 文淵閣班房其右側
一間向係茶房居住乃日用必需不能移出亦即令稽察管束不得任意出入所有 文華殿左側一角門亦
令兼管以二員住宿 傳心殿南犧牲房其東西二角門及北通會典館之夾道小角門均令稽查至 文華
殿前後門原有護軍掌管應即令值日護軍統領晝夜巡視會典事例

十年諭內閣向來繙譯會試頭二場題目均係欽命因思順天鄉試及會試文場每屆命題惟頭場四書詩題
係由欽命其二三場題目由正副考官公同擬出繙譯會試事同一例其二場題目何以概請欽命況主司既
能閱文焉有不能出題之理嗣後繙譯會試除頭場文論欽命題目外其二場題目應否即交考官擬出之處
仍著禮部妥議奏定載入科場條例 聖訓

十三年諭禮部具題繙譯會試中額一本朕已酌定批示矣繙譯會試與文會試事同一例自應將上三層應
試人數及取中額數分晰開單呈覽以便比較增減乃該部具題本內僅將上三層取中額數開單進呈而於
應試人數若干未經彙敘辦理殊屬草率禮部堂官著交部察議嗣後著照文會試之例分晰開單請旨以昭
畫一會典事例

十四年諭據禮部奏本年繙譯會試應試蒙古文士子僅止三名可見八旗蒙古人等平日俱不用心習學八
旗蒙古人等中式者不少今屆會試之期應試者僅止三人或由別途授職或因挑取別項差使遂

心生怠惰不加勤習以致不能會試此皆由該管大臣官員等不能督為訓導所致均著申飭外此次會試三人俱著扣除所有派出閱看蒙古文試卷大臣博興及同考官等著即出關嗣後八旗蒙古人等務須加意督學下屆會試時報考者著至七八人方准考試如人數不敷即著停止著為令會典事例

十五年諭向來鄉會試文闈各有例設漢字書籍以備考官檢查之用其編譯考試亦應仿照辦理著禮部酌議應用何書奏明交武英殿備辦每屆試期照例咨取應用欽此遵 旨議定查編譯會試於嘉慶十年議准照文場鄉會試例由 武英殿發給書籍存貯備用在案現查 武英殿發給禮部存貯清漢字書籍六種為

數究屬無多尙恐未能周備酌擬編譯應用清漢字書籍書目及禮部現存書目分繕清單恭呈 御覽俟命下行文 武英殿除前經發貯禮部者毋庸再給外其餘各種備辦二分一頒發順天府預備編譯鄉試一頒發禮部預備編譯會試均令敬謹存貯頒發順天府 聖諭廣訓清漢各一部 日講易經清漢各一部

日講書經清漢各一部 日講春秋清漢各一部 日講四書清漢各一部清漢合璧五經各一部清漢合璧四書一部孝經清漢各一部性理精義清漢各一部小學清漢各一部通鑑綱目清漢各一部古文淵鑑清漢各一部四體清文鑑一部增訂清文鑑一部蒙古清文鑑一部又補發禮部 聖諭廣訓 日講易經 日講

書經 日講春秋 日講四書性理精義通鑑綱目古文淵鑑清漢各一部增訂清文鑑一部會典事例十六年奉 旨嗣後內務府人中編譯舉人仍在內務府補用中式編譯進士人員著與八旗編譯進士一體製錢分部行走會典事例

道光八年諭我朝掄才取士於定立制科之外復設編譯科目既以廣八旗士子登進之階亦識不忘本業立

注注無如近日旗人力學者少轉視科目爲迂途不復勉區進取卽如從前乾隆年間繙譯鄉試滿洲約五六百人蒙古約五六十人本年應試人數計考滿洲繙譯者僅一百三十餘人蒙古繙譯者僅二十餘人人數既較前多寡懸殊取中之卷自係簡拔其尤乃昨日覆試中式滿洲繙譯舉子八名內卽有文理欠通錯誤太甚者四名罰令停科其餘未經中式之卷六藝字書概可想見清語騎射爲旗人根本近日八旗生齒日繁而勤學應舉者轉日見其少豈國家設立科目本意特降旨申諭八旗人等嗣後務當父教其子兄誡其弟勤加策勵共效觀摩期於精研本業以備旁求毋負朕諄諄誥誥至意東華續錄

二十三年諭國家分設八旗兵丁駐防各省立意至爲深遠嗣因生齒日繁披甲名糧例有定額勢不能概令食糧當差而各弁兵子弟亦有讀書向上通曉文義者聽其應試以廣進取之階所以造就人才體恤旗僕者無微不至但思八旗根本騎射爲先清語尤其本業至兼習漢文亦取其文義清通便於繙譯乃近年以來各駐防弁兵子弟往往贅於虛名浮華相尚遂致輕視弓馬怠荒武備其於應習之清語視爲無足重輕甚至不能曉解朕恭閱嘉慶五年 皇考諭旨各省駐防人等准於該省考試文生原係於伊等格外恩施若專務此而廢棄清語騎射卽停止此例不准考試亦屬應該俟清語騎射演習熟練時方准考試等因欽此仰見我 皇考聖慮周詳 訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉此進身方能益加奮勉見在武備鄉試各省駐防一體與考應試之人弓馬如果熟嫻不患無登進之路其應文試者必應改試繙譯庶不至專習漢文轉荒本業除本科各省文鄉試仍照例准其應考外嗣後各處駐防俱著改應繙譯考試俾有志上進者咸知非熟習清文不能倖邀拔擢自必爭相磨厲日益精通其

各該將軍副都統等尤宜隨時訓練董勸兼施毋得視為具文因循積習以副朕崇實黜浮之意其考試一切章程及繙譯童試進額鄉會試中額應如何酌定之處著軍機大臣會同該部悉心詳議具奏東華續錄
咸豐十年諭內閣禮部題請派繙譯會試提調官一本所有開列揀選司員二員著照文會試之例由該堂官帶領引見候旨揀派並著該部彙入則例永遠遵行東華續錄

十一年諭內閣致仕大學士祁雋藻奏請復各省駐防考取文舉人生員舊例等語各省駐防八旗向來本有考取文舉人生員之例自道光年間改為繙譯將舊例停止原為八旗人員均應諳習國語清文以為本務恐其因考試漢文致有荒廢現在繙譯考試各省遵行已歷有年其駐防八旗中通達漢文積學之士不克觀光誠為可惜嗣後著於駐防繙譯科甲外仍復駐防考取文舉人生員之例均准其鄉會試與繙譯一體錄用以廣登進該駐防八旗人等仍不得以專習漢文致將繙譯國語稍涉荒廢用副朕敦本育才至意 聖訓

同治九年諭內閣桂清奏請嚴密繙譯鄉會試及考試拔貢關防一摺繙譯鄉會試及考試八旗拔貢均係國家大典如該侍郎所奏近日考試繙譯歸併文場關防不能嚴密士子專占一號既不免有代倩等弊且士子十六日出場十八日始行奏派閱卷十七日一日竟無關防亦難保無請託情事至考試八旗拔貢卷面雖揭浮籤仍將佐領之名註於旗分之下殊不足以昭慎密著自明年會試起繙譯鄉會試均改復舊制其考試八旗拔貢並著自同治癸酉科為始由部頒發卷面字式永遠遵行以重關防而杜弊竇 聖訓

右繙譯鄉會試

皇朝政典類纂卷二百二

選舉十二

武科 武鄉試 武會試 武鄉會兼行事宜 武殿試 考試八旗騎射

順治二年題准武鄉試定於子午卯酉年十月舉行各省武生該州縣給文由布政使司造冊彙送監臨主考官考試照額取中會典事例

又題准順天武鄉試由部遴選滿漢司官各一員爲提調官併滿漢司官各二員爲外場監射官其外場考試官四人將送到內大臣大學士都統職名開列監試御史二人將送到滿漢御史職名開列內場正副考試官二人將送到編檢職名開列受卷欄封官四人將送到進士舉人出身之員外郎主事中行評博國子監助教守部進士舉人並行取主事職名開列均於臨期密題請 旨簡用至同考官四人由吏部將應開列各官職名密題請 旨簡用監門巡綽搜檢官兵及金鼓旗角等項由順天府咨呈到部行巡捕營分撥備用會典事例

又定各直省武生鄉試例京衛武生在兵部鄉試直隸各府在保定府鄉試各省在本省布政司鄉試大同府在大同府鄉試西延漢鳳及榆林鎮在西安府鄉試平慶臨鞏暨兩河等處在甘肅鄉試十六年大同府武生歸山西省合試京衛及直隸各府奉天府武生俱歸順天府鄉試通考

又題准各省武鄉試以本省巡撫爲監臨主考官同知以下知縣以上科甲出身者遴選四人爲同考官會典事例

又題准武鄉試內外場考試及執事各官需用筵燕供給並銀牌金花杯盤表裏筆墨心紅紙張等項在京由

順天府照例行文各衙門支取備辦事竣發銷在外聽巡撫酌量於司庫支取備辦事竣發銷會典事例

八年併合畿南畿北兩武闈於真定府兵部奏言直隸巡按既以歸併一差則畿南畿北兩武闈亦應歸併一

闈查真定府爲畿南畿北適中之地且場屋寬敞便於考試請嗣後武闈於真定舉行從之通考

又歸併上下江武闈鄉試兵部奏言江南改直爲省其武闈不應分上下江應照各省事例統於省城鄉試從之通考

十六年樞密院左副都御史袁懋功奏言用人之途文武並重直隸文場合八府之士於順天府而彙試之乃武場在內者兵部主之在外者巡撫主之一事兩分與文場殊異請於八府武生鄉舉之年令各道臣試其弓馬策論合式者冊送按臣按臣彙送兵部合試於京師其試錄亦如文場進呈御覽以重大典上是其言下所司詳議尋議直隸八府武生與京衛武生總屬畿輔人才允宜歸併合試其中額應酌量共取二百名京衛一百名外州縣衛所一百名用翰林官二員爲主考小京職四員爲同考官順天府堂官爲提調御史二員爲監試其頭場二場監射馬步箭考驗技勇仍照舊例臣部滿漢右侍郎著試報可通考

康熙五年舉行雲南省武鄉試照文闈場數取中二十七名通考

又舉行貴州省武鄉試照文闈額數取中二十名通考

六年河南道御史朱裴疏言國家開科取士文武相等查順治十五年以後歷科武舉武進士未經選用者甚多因部科效力及提督劄委之人混淆雜進躐等先用而科目反不得與較遲速非制科取士之本意也請將

外委效力等項與武進士武舉等較人數多寡做二八分缺之例使科目人員量行先選其外委各弁續有戰功及捕盜績不可止焉該衙門一概咨送選補下部議行通考

八年六月定四川省武鄉試中額照文場例取中四十二名通考

二十三年照准武鄉試中額順天一百四十名山東六十名山西一百一十名河南六十名江南一百六十二名江西四十四名福建五十名浙江五十名湖廣五十名西安五十名甘肅五十名四川四十二名廣東四十二名雲南二十七名貴州二十名廣西人數不足不設科俟應試人多再定中額會典事例

二十六年照准順天等府取中一百八名漢軍四十名奉天錦州二府三名其各省均照文舉額數山東四十六名山西四十名河南四十七名江南六十二名今六十三名江西五十七名今四十四名福建五十四名今五十名浙江五十四名今五十名湖廣五十名今湖北二十五名湖南二十四名陝西二十名今五十名甘肅二十名今五十名四川四十二名今四十名廣東四十三名今四十四名雲南四十二名貴州二十名今二十三名廣西三十名會典事例

二十八年三月 敕武鄉試考試馬箭以中四箭為合式步箭以中一箭為合式通志

四十九年兵部議覆陝西肅州總兵路振聲疏請增陝西武舉額數應不准行 上諭大學士等曰陝西人材壯健者甚多又令兵丁一體鄉試武舉額數若少則有才者不免遺漏以致壅滯著將武舉中額照原數增二十名通考

五十二年覆準各省武鄉試係巡撫專責嗣後到京會試之武舉內從前中式武舉不議外自康熙五十三年

鄉試爲始如新中式武舉內弓馬不堪人材不及弓刀不能者將監試取中巡撫等官比照文科場例處分通

五十六年定武鄉試日期自十月初九日至十三日試騎射技勇十四日入闈從府尹俞化鵬請也通考

五十九年兵部奏定將在部效力之武生及官員子弟停其取用專取武舉其武進士內有情願效力者亦惟收錄宗人府鑾儀衛兵科俱照兵部一體取用効力三年後考試武進士一等者以營守備推用二等者以衛守備推用武舉一等者亦以營守備推用二等者以守禦所千總推用通考

雍正元年定滿洲武鄉試中額八旗滿洲照漢軍例考取武舉二十名編設滿字號會典事例

雍正二年諭兵部陝西人材壯健強勇者多騎射嫻熟勝於他省每科取中不過三十名而入學額數亦與他省不相上下額少人多不無屈抑自雍正四年鄉試爲始西安甘肅武舉各加中十名其武童入學額數若通省俱加恐有冒濫照文童改學例令督撫會同學臣查明技勇最優之州縣酌量數目奏請加額雍正內閣上諭

又兵部奏考試武舉應編立好字號奉 上諭依議考試武舉議定編好字號在京武鄉試朕派信任大臣考試嗣後各省武鄉試或以好字號取中或以文章好取中之處著於解部武鄉試錄內註明以便會試查對

正內閣 上諭

又覆准湖廣分南北二闈鄉試武生中式原額五十名湖北湖南各分二十五名會典事例

四年八月兵部覆準武鄉試令提調監試各官將外場較射冊帶入內場於舉子出場交卷時查明外場較射

原册原填某號技勇酌量覆驗一二項如果相符准其交卷放出倘與原填技勇全不相符卽嚴加查究以清頂替從御史甄之璜請也通典

七年奉 上諭各省每科考試武舉例用該省巡撫爲主考官其閱看文字則用屬下舉人進士出身之同知州縣等爲同考官朕思各省巡撫多有平日未曾學習騎射技勇者忽司衡鑑之任何以詳定舉子外場之優劣從今科爲始各省巡撫考試武舉時著就近省城之提督總兵一員同考外場秉公拔取務令得人以光大典若提鎮駐劄路遠或因公他出則令總督或提鎮派委副將一員代之雍正內閣 上諭

又奏準八旗副驍騎校前鋒護軍驍騎人等有願應武鄉試者準其鄉試又 敕各省督撫考試武舉時著就近省城之提督總兵一員同考外場通志

又覆准武鄉試中類湖南減一名定爲二十四名四川減一名定爲四十名廣東增一名定爲四十四名貴州增四名定爲二十三名會典事例

九年兵部覆準外省武鄉試均由巡撫會同提鎮校閱外場其總督同城省分外場則督撫兼往監臨內場仍由巡撫主試通志

十年議准山西止有巡撫江西湖南廣西貴州等省雖有總督均係隔省應令巡撫監臨主考會同提鎮校閱馬步射技勇其江南福建浙江湖北四川廣東雲南等省頭場二場照例巡撫會同提鎮校閱總督親往監臨以重體統至三場仍以巡撫爲主考官會典事例

乾隆元年八月奏準武闈大省人數多者展限于初五日開弓十三日入闈通志

乾隆元年 諭陝甘之人長於武事其人材壯健弓馬嫻熟較他省爲優向來武闈鄉試中額每省各四十名應試之人每以限於額數不能多取其如何量行廣額取中之處著該部議奏欽此遵 旨議定陝甘二省每省原額取中四十名今酌加十名各取中五十名會典事例

又題准順天武鄉試向例止有御史二人監試但既分天地黃字今改辰宿列張四圍考較馬步射技勇監試御史應增二人每圍以一人監試會典事例

二十一年安徽巡撫高晉奏武闈鄉試頭二兩場合式舉子例於左右兩類用以印記以杜頂替代情之弊法誠善也第首场印面之後計至三場點名之時將及經旬之久始則一面有印繼則兩類皆然日則不能照洗夜則難以就枕旬日之內必致模糊臣愚以爲與其印面不若卽以印面之印印記於各舉子左右小臂而臂雖更例實相符從之通考

又浙江學政李因培請令中式武舉就本州縣衙門親自填寫親供由各州縣申送布政使彙齊送部不得違限并定無故三科不赴會試之禁以防恃符生事從之通典

三十三年改定江南武鄉試令總督主考例從兩江總督高晉請也通考

三十六年覆准各省兵生入場應試由本營官員出具印結交標中軍覆覈加結併取五人互結詳送方准收考備有頂名冒考情弊一經發覺將出結各官併互結兵丁與本兵一體分別治罪會典事例

十一月巡撫巴延三請外委應准其與食糧之武生一體鄉試從之通典

四十四年十一月覆准在營食糧武生掛補外委仍準一體鄉試由本營該管官結報送考通志

乾隆五十三年 上諭內閣據忠齡奏辦理武闈事宜摺內稱連場較閱將各武生照例考試馬箭地毬及步箭弓刀石等技將弓馬嫻熟技勇可觀年力強壯者挑取記注其餘生疎軟弱者一概汰去仍出示曉諭將該生等或因騎射或因技勇未能入選之處於各名下詳悉註明使該生等各知汰去之故等語所辦可嘉已於摺內批示向來武闈校閱率多循例辦理未能實心甄別是以順天武鄉試及武會試特派皇子大臣監同閱看以昭慎重至各省舉行武闈係巡撫專司其事往往於技勇弓馬並不認真考校無所激勸今惠齡將各生技藝可觀者密爲挑記仍將未能入選之人於各生名下註明出示使被汰之故曉然共知令各生等自知愧勉思奮所辦殊爲妥善各省巡撫俱當照此辦理認真校閱不得草率從事以副掄才至意 聖訓

嘉慶六年議准武鄉試內場卷面歷科將地毬一項併入馬箭筋內並未另註嗣後照武會試之例將地毬一項另款開註會典事例

又 諭國家設立科目文武原應並重但文闈條例甚嚴防弊頗爲周密及中式後將本生硃墨卷解部後欽派大臣磨勘其中文理疵謬者分別次數停科至武生應試考官均係面定去取並非暗中摸索較之文場易於滋弊向來各省武鄉試本未定有磨勘之例嗣後各省武鄉試題名錄內俱著將中式武生馬步箭弓刀石技藝逐一分註俟各該省題名錄進呈後隨時發交兵部陸續覈對其中有未經合式濫行取中者卽著兵部查照文闈之例酌定章程將本生量予停科考試官分別議處自下科爲始通行遵照著各省因有此旨而於題名錄內浮開具報別經發覺必當治以捏飾之罪欽此遵 旨議定武鄉試題名錄內俱將馬步箭所中枝數並弓刀石斤兩分晰註於中式武生姓名之下進呈後交兵部陸續覈對其中有一項未經合式者本生罰

停會試一科二項者罰停二科三項者罰停三科再多者本生所中武舉斥革考試官各按濫行取中名數多寡分別議處如有本未合式捏飾浮開除考試官嚴行治罪外將本生斥革訊究兵部於每屆鄉試之年欽奉勅交題名錄依次覈對完竣後卽行彙總題覆會典事例

九年議准武鄉試挑入好字者中箭枝數多在十枝上下技勇三項皆係頭號或有二項頭號者蓋以試闈取士原以備千城之選必須據拔真才不得濫行取錄嗣後凡馬步箭於五枝定額之外又能多中而三項技勇內有二項二號者同停會試一科一項二號一項三號者罰停會試二科二項三號者罰停會試三科如馬步箭僅中五枝又有二項三號者卽將本生斥革考試官分別議處統俟覈對完竣後兵部彙總具題至順天府試向係兵部侍郎會同順天府尹府丞較射其中式武舉是否合式之處未便仍歸兵部磨勘應俟題名錄勅發兵部比照文闈磨勘之例將內閣六部都察院通政使司大理寺各官銜名開列清單進呈恭候 欽點二三員磨勘以杜瞻徇會典事例

又覆准文闈鄉試恭進 御覽題名錄及送部鄉試各錄均於姓名下開載年歲其武鄉試錄照文鄉試之例辦理以昭畫一會典事例

又 諭順天武鄉試大典乾隆年間朕屢蒙 皇考高宗純皇帝欽派監射計自十月初五開弓至十一日始行出榜其校藝時日本爲寬裕因思初六係舊詩節日大小臣工均應行禮祝釐其派出各員若紛紛前往武闈未能全班恭祝既無以抒其忱悃亦於體制不合嗣後順天武鄉試外場應改於十月初七日開弓十二日出榜會典事例

道光二年 上諭內閣順天武鄉試大典乾隆年間定於十月初五日開弓十一日出榜至嘉慶九年始改爲十月初七日開弓十二日出榜因思校藝時日自應稍從寬裕嗣後順天鄉試外場著仍照舊例於十月初五日開弓十一日出榜著爲例 聖訓

光緒四年兩江總督沈葆楨片奏再摺節經費各省情形不同而就大局言之曰節無用以裨有用而已 國家文武並重論求才之道原謂取多則用宏然文職以科甲爲正途而武職科甲升階獨居行伍軍功之後則 祖宗立法之精意不可不深長思也 歷科武闈報部經費每省已數千金而不合部例又不能徑裁歸於外銷者不與焉其院試郡試縣試則爲牧令虧累之一大端果所拔者爲 朝廷折衝禦侮必不可少之才卽所費滋多亦不當吝惜願自軍興而後竊計 國家所以收得人之效者多半由額兵練勇而來科目之榮遠不逮焉卽以京旗論人才輩出者首推火器營健銳營今則神機營出色當行矣何者所習其所用也 臣到任日武舉聯銜稟訴投營幾及十年不得一差心焉憫之然詳細察看其曉暢營務實不足與行伍出身者比其奮勇而勞實不足與軍功出身者比何者所用非所習也其歸標効力者尙能束身自愛勉就範圍而無事家居者往往頂戴爲護符以武斷鄉曲蓋名雖爲士實則遊民有章服之榮而無操防之苦故以不守臥碑註劣者文生少而武生多則又非徒無用也誠奉 廷旨飭停將武闈例銷之款提解部庫每科合各省亦可得數萬金而綜計州縣所省虧累尤屬不少爲州縣省一分虧累卽爲民間留一分元氣其有志向上者或兵或勇任其所託早得窺見行陣真際以自奮於功名樓息者歸農無從沾染習氣則財與才均化無用爲有用矣可否請 旨敕下部臣通籌定議出自 聖裁謹就管見所及附片上陳伏乞

聖訓示謹奏沈文憲政書

右武鄉試

順治二年題准武會試定於辰戌丑未年舉行揭榜之日由兵部堂官鑄印入場鈐榜張掛部前會典事例

又題准武會試之年六月內由兵部遴選滿漢司官二人開列職名題請 簡用滿漢各一人提調會試事務知武舉官一人將兵部左右漢侍郎職名開列外場考試官四人將送到領侍衛內大臣大學士都統職名開列監試御史四人將送到滿漢御史職名開列內場正副考試官二人將送到內閣六部都察院翰林院詹事府各堂官職名開列同考官四人將送到進士舉人出身之中書給事中郎中員外郎主事職名開列收掌試卷官將送到中書科中書職名開列受卷彌封印卷等官將兵部漢司官遴委監門巡綽搜檢供給等官將門千總及順天府送到各官遴委一併開列均於臨期密題請 旨簡用會典事例

又題准武會試策論題兵部委司官一人齎送內閣恭進其揭曉日期預行題明於是日將場內騰繕題名錄由兵部堂官恭進會典事例

三年定武會試事宜內三院官二員為主考官科臣二員部臣二員為同考官御史二員為監試官其受卷彌封驗錄對讀關防及巡視等官俱於兵部各司官內差委初九日試騎射十二日試步射十五日試策論是時外省以巡按為監臨官後歸巡撫會同布按各官監射同知以下知縣以上正途出身者四員為閱卷官康熙八年以學政為閱卷官旋罷之仍以本省總兵官一員會同巡撫監射通考

十六年二月兵部再舉行會試 命內大臣及大學士監射恭為例通志

十七年奉 諭旨武科取士拔其韜略諳通弓馬嫻熟者以備將才至於開弓舞刀擲石俱屬虛文無益以後俱不必試是年兵部再舉會試 命內大臣及大學士監射永著為例兵部又以第二場步箭合式者不及取中之額疏請酌減得 旨取一百名通考

又兵部奉 諭旨武闈取士原以遴拔將才以資實用向來考試馬步箭沿習舊例用高大之的較射以致軟弓小箭易於倖中其用滿式弓矢者反不得合式殊非收羅材勇之意以後鄉會考試馬箭用滿洲例射帽步箭亦照滿洲例射尋常小的兩部卽通行傳諭遵行至四月 上親試會試中式武舉馬步射於 南苑通考康熙三年兵部議覆禮科給事中廖丹疏言邊省投誠官員應於各省分用其武進士候推選者甚多請暫定武闈會試查會試大典不便停止應於本科武進士減去一百名中額止取百名從之通考

三十三年覆准武舉於頭場二場合式之後試第三場策論將直隸山東山西河南陝西定爲北卷取中五十名江南江西福建浙江湖廣四川廣東廣西雲南貴州定爲南卷取中五十名會典事例

又 諭天下武舉會試者或其人材可用騎射亦優而以不合式之故遺而不錄者有之朕意殊爲憫惜令兵部宣示有願効力與再試者具呈候該部請旨再行考試遴選交火器營令其服習戎事於會試時照常考校既悉知其人亦便於拔取有超羣者卽與錄用會典事例

五十二年十一月 上御暢春園內西廠閱試武舉騎射技勇選宋如柏等十五人再以騎步射令善射侍衛等射畢 上親射二次每發皆中 諭大學士等曰近見直隸各省考取武進士額數或一省偏多一省偏少皆因其不知弓馬武藝止憑文章取中以致騎射嫻熟諳韜略之人多有遺漏嗣後考取武進士不必拘定

額數俟天下會試武舉齊集京師令該部將各省赴試到部武舉照例考試弓馬將合式武舉等實數查明預行奏明朕計省之大小人之多寡照考取文進士例按省酌定取中額數則學習武藝弓馬優長者不致遺漏矣通典

又議准會試武舉由部會同外場考試官考試外場完畢即將八旗漢軍及直隸各省合式武舉實數並註記弓馬好者分晰開明繕摺具題請旨定取中名數會典事例

雍正元年覆准嗣後武會試外場所取好字號皆令監射大臣與監射御史當面註定較對明白務於十一日全完十二日即將號冊親交兵部堂官按冊印清卷面併將號冊所註好字號各就省分騰清一本俱用兵部堂印送入內場會典事例

又定八旗滿洲等亦照漢軍例考取武進士四名外場停其舞刀擡石俱令射馬步箭有能開硬弓馬上熟練樣式好者令其入內場編滿字號照漢軍例考試其殿試亦照此例會典事例

五年 敕浙江武舉照舊會試時停止浙江文會試兵部奏浙江武舉會試應一併停止得旨士習澆漓不干武途況浙江省文有餘而武不足武科著照舊會試通考

十一年十月定會試武舉到部務取同考五人連名互結倘三場有人冒名頂替令互結之人立時首出將頂替與本人拿送刑部治罪鄉試亦照此例從御史朱士伋請也通典

乾隆元年覆准武會試向例於九月初七日起至十二日止考試馬步射技勇為期甚迫嗣後武會試外場於九月初五初六初七等日考試馬射初八初九初十等日考試步射技勇十一日將合式武舉內復加揀選好

字號十二十三等日收卷填明籍貫履歷十四日將試卷移送貢院外籙各官編號點名十五日考試策論會典事例

四年覆准文會試有監試滿漢御史六人至內籙監試又有滿漢御史二人惟武會試止用滿漢御史四人外場監試後卽入內場稽察點名散卷等事並未設有內籙監試御史是以內龍門均係主考官親視啟閉但主考較閱策論不便兼管別務應增御史一人在內籙監試視內龍門啟閉並稽察一切事務至武會試舉子雖不及文會試人數之多而受卷彌封向各委官一人未免過少應各增一人會典事例

二十四年覆准武闈考試外場時每闈各備一箱每晚將箭冊人箱封鎖交提調收掌其箱鑰交於監試之員於次日公同取出較閱外場事畢卽完雙單好字號後將冊箱公同封固交提調送入內場箱鑰交監試御史帶入場內會典事例

二十九年覆准武舉會試照官員起復赴選之例令原籍地方官查明具結申送藩司由司駁明詳院請咨發司轉給所有應造各冊一體查造送院發明咨部至起送之期仍照定例辦理如有稽延違限聽部查參會典事例

又覆准直隸武舉請咨會試除千把等官及巡捕營兵丁中式武舉仍由各該管衙門給文赴試暨向隸順天府屬給文會試之武舉亦仍由順天府給文赴試外其直隸總督所屬地方武舉亦照文舉人會試之例令各州縣徑詳布政司駁明詳院請咨發司轉給會典事例

四十年八月覆准武會試前期一日兵部堂官率同提調按人數多寡分爲四冊何省派入何圍臨場準籤又

中式武舉 殿試前奏 派大臣按會試原冊所填弓刀石觔重號數令該武舉逐一演試有前後參差者照文會試磨勘例處分並將原挑監射大臣議處通志

又 諭科場定例毋許臨場條奏如臣工果有見於考試規條未盡妥協之處卽當早行入告文會試不得過上年冬月武會試不得過本年春月何必於考試臨期紛紛陳請嗣後如有違例臨期陳奏者該部將其事於議覆摺內一併將該員察議具奏會典事例

五十五年議准鑄 欽命知武舉關防存貯兵部俟 派出知武舉後齋帶入場印用試卷會典事例

又定武會試外場每圍兩旗各派參領一員兵丁十名巡管辰字圍鑲黃正黃兩旗宿字圍正白正紅兩旗列字圍鑲白鑲紅兩旗張字圍正藍鑲藍兩旗兵部先期行文各旗滿洲蒙古漢軍都統照數派定將職名送部交提調官臨時查點會典事例

嘉慶六年奉 旨嗣後武舉會試中式後覆試著該部將近派親王郡王及兼管都統之親王郡王各部滿漢尚書侍郎一併開列會典事例

道光十三年諭內閣向來武會試內場取中試卷先於雙好字號內選取如不足額再於單好字號內選取是以各武舉試卷彌封後仍送外籙御史各照原箭冊印明雙單好字號馬箭地毯步箭弓刀石於各卷面上分六項填註移送內籙以憑去取此定例也武科之設以外場為主其弓力強弱尤足定其優劣至馬步箭本有一日之長短第能合式自可命中卽如朕御紫光閱試中式武舉馬步箭其能全中者再閱時未必仍能疊中至默寫武經又其餘事斷不能憑此爲去取本科會試特派白鎔胡達源爲正副考官宜如何認真考覈爲國

求材乃殿試後特命軍機大臣覆覈箭冊除貴州本無雙好此次中式單好武舉王家燮陳正坤應無庸議外
辰字圖福建武舉現有雙好一名取中單好許逢時一名陝甘有雙好四名除呂廷魁丁定國二人中式外取
中單好馬興臨一名宿字圖滿洲蒙古有雙好五名除慶喜隆山雅爾胡善三人中式外取中單好烏和哩一
名列字圖山東有雙好六名除紀冠軍唐汝藩樓夢麟三人中式外取中單好楊雲鳳一名廣東有雙好五名
除韓南輝何如啟二人中式外取中單好李達元池化龍二名此數人俱僅開十力弓惟烏和哩開十二力弓
及派員覈試又復不符其馬興臨許逢時二人覆試弓亦不符尤不可解究竟該考官等置雙好而中單好以
何爲憑若以中箭多寡爲辭則陝甘雙好中均係馬步全中何以舍此取彼若以默寫武經爲去取則是重其
所輕伊等有心支吾欺飾強詞奪理其咎更重至內籙監試御史蘇芳阿給事中黃爵滋試卷原不寓目亦不
應干預考官取中之事第現有雙好字號考官取中單好出闈後卽應據實劾參何竟緘默不言亦安用此監
試爲耶白鎔胡達源蘇芳阿黃爵滋俱著革職各具摺明白回奏不准會商聯銜 聖訓

咸豐九年諭內閣兵部題請派本年武會試提調官一本所有開列滿漢司員四人著照文會試之例由該堂
官帶領引見候旨揀派並著該部纂入則例永遠遵行東華續錄

同治元年諭內閣兵部奏罰科武舉可否一體覆試請旨遵行一摺直隸己未科武舉邠慶春等辛酉科武舉
王玉魁等均於上年覆試因技勇不符罰停此次會試一科自不應隨同各省新中武舉再行覆試惟念該武
舉等於恩詔條款內寬免停科之旨未經詳釋遽行跋涉來京且值初元特開恩榜亦不妨稍爲變通以廣登
進所有該罰科武舉等均著准其附入此次各省中式武舉覆試場內一體覆試如覆試相符卽著免其罰科

一體會試備仍不相符卽作爲兩次不符再行罰停下次會試一科以杜取巧而示限制 聖訓

又諭內閣武會試考官趙光等奏武舉試卷不合可否取中請旨遵行一摺本年壬戌科會試山東山西廣東各省武舉試卷有曳白及多寫題目等字樣者雖據奏稱該武舉等外場較優而內場究屬違式不合該考官將各武舉試卷仍遵定例取中其違式不合者不得取錄以符定制 東華續錄

又諭內閣前因武會試考官趙光等奏武舉試卷不合可否取中請旨當經諭令遵例取中違式者不得錄取茲據御史張晉祺梅啟照各奏稱武闈鄉會試定例應先於雙好字號內選取如不足額始取單好至內場默寫武經違式者不得取中例有專條本年壬戌科武會試山東等省武舉有外場列入雙好因內場誤寫題目或越幅書寫與例載違式者不同請飭嗣後武場照例辦理等語武闈鄉會試均以外場爲重內場試卷小疵原可不必苛求惟有干例載違式專條者不准取中其內場試卷別有舛誤並非例文所指違式專條外場已列雙好應否仍行錄取並無明文應如何畫一辦理之處著兵部妥議章程具奏尋議上武闈以外場爲主至小場有犯違式專條者應遵照定例不准取中其餘舛誤仍准取中但不得濫置前列從之 東華續錄

右武會試

一武鄉會試頭場試馬箭豎立三大靶各離三十五弓每人跑馬二回共射六箭再射地毯一箭計七箭以中三箭者爲合式缺一者不准考試步靶二場試步箭技勇步靶高五尺五寸寬二尺五寸以三十弓爲則每人連射六箭須直衝靶子中央者爲中其磁湯擦框及中靶子根靶子旗者俱不算六箭內以中二箭者爲合式監試御史用合式觀記印下各武舉左右小臂准試技勇如缺一者不准再試技勇技勇以八力弓八十筋刀

二百筋石爲三號十力弓一百筋刀二百五十筋石爲二號十二力弓一百二十筋刀三百筋石爲頭號弓必開滿乃必舞花石必離地一尺弓力有能加重者聽亦不得過十五力三項內必須有一二項頭號二號者方准挑入好字號若俱係三號不准挑入好字號

一馬步箭弓力馬弓以三力爲率步弓以五力爲率該武生武舉等於投文時先將弓力報明註冊以備臨時抽驗如所用之弓力與原報不符不准應試有能加重者聽

一內場考試默寫武經由主考擬出一段約百餘字有不能書寫或塗寫錯亂及卷子倒寫者卽爲違式不得取中中樞政考

順治二年定鄉會試外場頭場試馬射縱馬三次發九矢中二者爲合式二場試步射發九矢中三者爲合式再開弓舞刀擲石以試技勇步射布侯馬射毬毬三場試策二問論一篇會典事例

又定順天武鄉試及武會試皆分天地黃字今改辰宿列張四圍考試馬步射技勇鄉試外場考試官會兵部侍郎順天府府尹府丞及御史分圍考試會試外場考試官會兵部尙書侍郎及御史分圍考試會典事例

又定順天武鄉試及會試所有論二篇策一篇均由內場考試官出題各省鄉試由巡撫出題會典事例十七年諭武闈取士原以遴選將材以資實用向來考試馬步箭沿習舊例用高天之的較射以致軟弓小箭

易于倖中其用滿式弓矢者反不得合式殊非收羅材勇之意以後鄉會考試馬箭用滿洲例射帽步箭亦照滿洲例射尋常小的通典

又題准馬射以中四者合式步射以中二者合式是年奉旨武鄉會試馬射以中四矢爲合式步射以中一

矢爲合式不合式者不准取中會典事例

十八年兵部議准吏科給事中何澄條奏武闈考試之法請照舊例以馬步射箭數詳註卷面以便閱卷分別名次不得專憑策論得旨武闈著先試策論後試馬步箭通考

康熙七年定先試馬步箭後試策論通典

又擬准第一場馬射以中三矢者爲合式會典事例

十三年覆准頭場考試馬射樹的各距三十五步縱馬三次發九矢中三矢者爲合式不合式不准試二場二場試步射樹大侯高七尺闊五尺以八十步爲則中二矢者爲合式不合式不准入三場馬步射後再以八力十力十二力之弓八十斤一百斤一百二十斤之刀二百斤二百五十斤三百斤之石試其技勇弓必開滿刀必舞花掇石必去地一尺三項內能一二者爲合式全不及者亦不准入三場會典事例

康熙二十三年議定鄉會試暨立大把射馬步箭外再試開弓舞刀掇石驗其技勇三場考試策論通志

二十八年三月兵部覆御史錢三錫請定武闈條例以馬箭中三步箭中二者爲合式上諭馬箭弓刀等項俱已合式惟因步箭中不及兩箭不准合式似屬屈抑著再議尋步箭雖未中式其射法精善者亦准考取至此箭時應令內大臣總統內閣大臣與兵部公同監射得旨嗣後武鄉會考試馬箭以中四箭爲合式步箭以中一箭爲合式通志

三十二年奉旨步箭大把以八十步爲則太遠善射之人多致遺棄嗣後著改爲五十步以中二箭爲合式通志

四十一年覆准武場考試立空白印册二本第一場馬射合式者於面上用印記時令本人親填姓名籍貫年貌於印册第二場合式者仍令本人親填對其字跡相符准入三場並將親填册封貯至拆號之時將本人中式策論墨卷與前册磨對字跡如有不符作弊顯然者褫革查究會典事例

四十八年五月 上諭考試武舉當擴其典以備錄用現今八旗監生爲護軍驍騎者俱有入文場考試之例直隸各省綠旗營兵千把總及年滿千總其中有通文理願入場就試者可分別令就武鄉會試卽於其充伍爲弁之地就近鄉試不必令回原籍尋道 旨議定直隸各省綠旗營兵有通文藝願就武鄉試者于充伍地方該營將弁申送巡撫一體鄉試不中者仍令歸營又各營千把總及年滿千總門衛所千總有願應會試者該督撫提鎮給咨赴部一體會試不中者仍歸原職由兵丁千把中鄉會試願歸職伍者聽通典

又奉 諭旨漢軍人等一體考試武舉武進士尋議定八旗漢軍內務府無品筆帖式庫使由官學生補授之外郎閑散人等有願考武生者該旗移送順天府考取八十名鄉試時所取武生并中書及部院衙門筆帖式廕生監生及監生之披甲護軍領催執事人員願應武鄉試者亦移送鄉試取中四十名如不中仍令當差會試取中八名照文場編合字號通考

四十九年太原總兵馬見伯疏言武經七書註解互異請選定一部頒行經部議駁 上諭大學士等曰武經七書朕俱閱過其書甚雜未必皆合於正所言火攻水戰皆是虛文若依其言行之斷無勝理且有符呪占驗風雲等說適足取小人邪心苦平三逆取臺灣定蒙古朕料理軍務甚多亦曾親身征討深知用兵之道七書之言豈可全用孟子云仁者無敵又云天時不如地利地利不如人和今日若欲另纂一書此時又非修武書

之時李光地奏曰令習武者讀左傳卽佳 上曰左傳浮誇昔人曾議之孟子有言可使制梃以撻秦楚之堅甲利兵矣若知此意而用兵方是總之仁者無敵此是王道與其用權謀詐僞無稽之言不若行王道則不戰而敵兵自敗矣王道二字卽是極妙兵法從古窮兵黷武皆非美事善戰者皆時至事迫不得已而後用兵也昔吳三桂反時江南徽州府屬叛去一縣將軍額楚往征之有人獻策於賊云滿州不能步戰若令人誘至稻田中卽可勝之矣豈知滿洲兵強勇爭先未及稻田已將誘者盡殺之此獻策之人亦爲我兵所殺用武經七書之人皆是此類今於武經七書內作何分別出題及論語孟子一併出題之處著九卿定議具奏尋議武經七書惟孫子吳子及司馬法議論近正嗣後考試武生武童論二篇一題出論語孟子一題出孫子吳子及司馬法舊例鄉會試論一篇策一篇今改出論題二策題一從之通考

五十六年十一月定武場初七日爲始考試十三日入闈十四日編號點名十五日考試策論從府尹俞化鵬請也通典

雍正元年覆准文武鄉會試錄事同一例文場試錄例既刊刻武場試錄亦應照例刊刻嗣後順天武鄉試錄由府尹恭進各省武鄉試錄送部彙齊恭進武會試錄登科錄由部刊刻恭進會典事例

又定滿洲武鄉會試中額八旗滿洲等照漢軍例考取武舉二十名武進士四名編滿字號至十二年停止通

又立武闈好字號取中外場兵部議覆吏部侍郎史貽直條奏武闈直省鄉試請照會試例擇其弓馬嫻熟技勇出羣者另立好字號以便取拔應如所請得 旨考試武舉議定編好字號在京武鄉試朕派信用大臣考

試嗣後各省武鄉試或以好字號取中或以文章好取中之處著於解部武鄉試錄內註明以便會試時查對至雍正四年定鄉會試外場弓馬技勇好者另編好字且分別雙單好字移送內籙先於好字號卷內選取如不足數乃選取餘卷通考

七年奏准八旗副驍騎校前鋒護軍驍騎人等有願應武鄉試者准其應試會典事例

又奏准順天武鄉試及武會試頭場二場試弓馬技勇人材分別雙好單好字號將雙好字號之人編入東文場坐號單好字號之人編入西文場坐號歸號之後令巡綽官按號查對備有不符立即訊究仍將字號移送內籙試官先於雙好字號內擇其文理平順者取中如不足額卽於單好字號內擇其條暢者補中足額會典事例

十一年諭武場鄉會兩試原期選俊儲材所以人材壯健技勇兼優者外場考試另編好字號並分別雙單令入內場再考試文藝比較取中以杜冒濫俸進諸弊本年會試有頂替入場作弊者當經查出交部治罪又有武舉劉元方等人材技勇皆屬平常而考試大臣濫列好字號入場取中經王大臣等查出參奏已降旨不准中式並將原考試大臣交部察議俾各知儆戒至於各省學臣考試聞有弓馬平庸文理粗通之人混入內場越號換卷傳遞代筆希圖取利以致好字號之武童自知文理平常多有賄囑倩代者揆厥所由總因府州縣考試時每以廣收博取市寬大之名無論騎射優劣悉行錄送遂令技藝不堪漢仗猥瑣之輩混入內場種種作弊若不定以處分豈肯加意甄別嗣後府州縣官考試武童倘不悉心校閱仍蹈前轍濫行錄送著該學臣於校射時查出題參交部議處其該學臣校閱外場尤當會同監射之武員加意選擇若將平常懦弱之人濫

列好字號入場取中亦著提調官詳報督撫查參如此則各顧考成自必詳慎去取庶武場之夙弊可除將鄉會之人材日盛矣雍正內閣 上諭

十二年諭朕御極以來於滿漢人材廣開登進之途冀收得人之效是以雍正元年定有滿洲亦准考試武場之例今已行之十年未見有宜用綠旗之才況滿洲弓馬技勇遠勝於漢人將來行之日久必至科場前列悉爲滿洲之所占而滿洲文藝不及漢人又恐考試內場時不免有傳遞代作等弊似於作養人材之道未有裨益著行停止會典事例

乾隆元年議准各省監生有素習騎射願入武場者准與武生一同鄉試其中式者造入武舉冊內不中者仍歸監生原冊不准再行改考會典事例

兵部右侍郎吳應棻請酌定大省人數多者移期於初五日開弓十三日入闈較之從前寬兩日之限則監射官得從容較閱從之二年九月兵部會同監射大臣奏請考試外場除馬步箭俱各缺一箭者仍不准合式倘馬步箭兩項止缺一箭者仍令其再試技勇如弓刀石三項俱能勝頭號者准與合式缺一者即不准合式其中果有勇力過人技藝傑出者仍准其一體挑選好字號鄉會試俱照此例從之通典

三年十二月覆準武闈三場點名冊按圍分造武會試有五名互結之例武生鄉試亦做此例行通志

四年八月覆準武鄉會試令提調監試各官將外場較射冊帶入內場於舉子出場交卷時弓刀石覆驗一二項如與原填技勇全不相符者嚴查治罪通志

六年六月定武場試卷誤填雙單好合式字號之禁并申嚴懷挾代倩之弊從御史七格請也通典

七年額准文武准其互試原欲簡拔全材但日久弊生夾帶傳遞卷替勢所必有內簾但憑文取中外簾皆查甚難應將文武鄉會互試之例永行停止會典事例

九年議准外場馬射九矢中四步射九矢中二方爲合式行之已久近於中數已經合式者不復令其再射應將中數合式者亦必令足九矢之數則選取單好雙好亦可就中數之多寡以定高下會典事例

二十四年十一月覆准武闈考試凡弓刀石三項技勇必有一二樣頭二號者準以合式入內場其皆係三號者不準合式凡挑雙單好字號者列內場甬道東號舍合式字號列內場甬道西號舍所試文藝減試四書論一篇止試五經論一篇策一道通志

二十五年三月巡撫陳宏謀條奏武場考試向來外場考試馬箭連射三回共計九箭中四箭爲合式請馬箭止射二回共射六箭後復考地毬一回總以中三箭者爲合式其缺一者不准考試步箭弓刀石其刀石後考試地毬之例併請停止又向來考試遠把以五十步爲程請酌改三十步每人各射六箭以中二箭者爲合式缺一者不准復考弓刀石其考試弓刀石後再射近把之例併請停止又應試之弓馬弓以三力爲率步以五力爲率其不及三力五力者不準合式從之通典

二十六年十月兵部侍郎張師載請外場監箭原册及分別東西號舍只令監試提調等官公同辦理不得假書吏之手從之通典

二十七年十月侍郎王際華請停武科鄉會試合式字號惟挑選雙單好字號令入內場從之通典

三十一年九月覆准武鄉會試外圍監試大臣閱定雙好單好字號畢將原册封送內場外簾其卷面箭弓刀

石數日弓力筋重俱由監試御史親筆填註并親用雙單字印凡內場執事人員俱俟發榜後放出通志

三十三年設立武鄉會試內場監試兵部議覆江南道御史覺羅汝岱疏稱武鄉會試內場應設立監專試司其事嗣後鄉會試臣部咨取滿漢御史職名開列具題恭候 欽此滿漢各一員令其入場監試其場外牆垣俱照文場之例派弁兵員役晝夜巡查以昭嚴密從之通考

三十五年覆准順天武鄉試內場於開列主考官及同考官名單內將直隸人員扣除至武會試係各省士子一同應試難以迴避未便扣除應照文會試本省人不看本省卷之例並一辦理會典事例

三十六年兵部議覆署雲南巡撫諾穆親條奏武闈內場主考等官改用筆色請嗣後武闈鄉會試內場闈卷房考官定以紫筆主考官定以赭黃其印卷戳記及一切應用藍色之處俱照文闈之例改用紫色以歸畫一從之通考

四十年兵部議覆鴻臚寺卿江蘭奏請會試武舉於試期前一日酌量各省人數多寡分為四冊繕籤封固於宣 旨後分圖考試再於殿試之前將六部滿漢堂官開列奏請 欽點二三員傳集中式武舉按照會試原冊弓刀石筋斤號數令其逐一演試如有前後參差者即行參奏將該武舉照文會試磨勘之例罰停 殿試仍將原挑之監射大臣交部議處從之通考

四十年御史李廷欽條奏監試大臣隨帶跟役不得過四名之數又監射大臣及兵部堂官宣 旨後即不准歸私宅并外國住宿以違嫌疑從之通典

四十五年九月 敕向來武場硬弓以十二力為頭號近來士子每多填註十七八力及至較試類多勉強

後硬弓以滿足入毅為度有能過頭號弓十二力以上者亦不得過十五力著為令通志

四十七年覆准武鄉會試內場出題之日令監試御史偕同提調等親入號舍照例挨查備有坐號不對立即究治至水火夫役差使完畢後即局閉空室外加封條不許擅行出入其圍牆以外嚴飭巡緝員弁多派兵丁晝夜巡邏以肅場規會典事例

五十一年覆准武闕外場步箭以十人為一排每人連射六矢會典事例

嘉慶五年諭向來順天文鄉試及文會試分左右兩翼請派副都統二員帶領章京等入場彈壓惟辦理武鄉試會試並無彈壓大員不足以昭慎重嗣後武鄉試會試屆期著該部不必拘定翼分亦請派副都統一員帶同章京等一體入場彈壓至武鄉會兩試內場閱卷之主考房考雖向有迴避之例尚未詳盡著軍機大臣會同兵部妥議具奏會典事例

又議准武鄉試會試兵部於咨取主考房考外籙及監試御史知武舉提調收掣等官職名時令各該處將應送人員內如有本族及有服姻親考試即自行呈明不必開送凡開送之員均於文內聲明並無應行迴避之人始列入本內儻不自行呈明經欽點入場而應行迴避之人因而中式者即照例將本官革職該生黜革會典事例

六年諭內閣國家設立科目文武原應並重但文闈條例綦嚴防弊頗為周密及中式後將本生硃墨卷解部復欽派大臣磨勘其中有文理疵謬者分別次數停科至武生應試考官均係面定去取並非暗中摸索較之文場易於滋弊向來各省武鄉試本未定有磨勘之例昨披閱山東省進呈武鄉試題名錄於中式武生名下

將馬步箭所中枝數弓刀石斤兩分晰註明辦理尙屬周詳其山西省所進題名錄並未一律開註可見各省未能畫一辦理嗣後各省鄉試題名錄內俱著將中式武生馬步箭弓刀石技藝逐一分註俟各省題名錄進呈後隨時發交兵部陸續覈對其中有未經合式濫行取中者著兵部查照文闈之例酌定章程將本生量予停科考試官分別議處自下科爲始通行遵照若各省因有此旨而於題名錄內浮開具報別經發覺必當治以捏飾之罪將此通諭知之 聖訓

十二年議准武闈內場策論改爲默寫武經由主考官擬出一段約百餘字有不能書寫或塗寫錯亂者卽爲違式其試卷照舊糊封士子等統於本日出場毋許住宿並令監試御史等按號嚴查以清積弊其試卷既係默寫武經則內籙房考官自可裁撤所有 殿試及各省鄉試並學政考試原設試以策論之處俱改爲默寫

武經會典事例

十五年諭內閣董教增奏據藩臬朱勳詳請陝西朝邑縣武舉蘭廷薦係乾隆庚午科中式呈請重赴鷹揚宴當卽查照向例今同本科新中之武舉一同入宴並捐給花紅表裏等語向來各直省文闈鄉試遇有本省應行重赴鷹揚宴者該督撫於先期具奏朕疊經降旨施恩錫予加銜以昭渥典文武兩闈事同一例所有武舉蘭廷薦著加恩賞給千總銜嗣後各直省鄉試遇有武舉應行重赴鷹揚宴者並著該督撫先期具奏請旨候朕施恩著爲例 聖訓

十六年諭嗣後武闈鄉會試卷糊名之處照文鄉會試一律加厚以符定制 會典事例

二十五年諭內閣武科規制於馬步射之外試以開弓舞刀擲石以驗技勇由來已久嗣於嘉慶十八年議令

滿洲蒙古旗人與漢軍漢人一體應試滿洲蒙古舊例祇試馬步射硬弓遂將舞刀一事一律停止今思技勇內既向有舞刀一項滿洲蒙古士子自應一體練習亦不迫以時日著自道光三年為始凡滿洲蒙古漢軍漢人之應童試者俱仍試以舞刀至五年鄉試六年會試均已嫻熟一體考試以復舊規 聖訓

道光三年諭內閣御史溥治奏武闈考試請歸簡易一摺武鄉會試向有出號弓原以試其人之挽強與否其能從容滿引入敬者自較頭號為優本年朕親選新科武舉一甲進士張雲亭等皆係出號之弓且能開挽從容是以拔置一甲如該御史所奏將出號弓裁汰是於武舉較試之道全然不曉矣其所請酌改考官進內場日期係為節省一日之費用起見不知大體妄思更變舊章其屬紕繆所奏不可行 聖訓

六年諭內閣軍機大臣會同兵部奏覆試中式武舉章程一摺舊例覆試停科下屆仍令覆試積至三次即行斥革固屬過重惟概免其再令覆試迨補行殿試時仍不合式轉致紛繁自應循照舊例量為變通仍令隨同新科武舉覆試寬其斥革之罰與以登進之階嗣後武鄉會試著該考官悉心甄別除弓刀石三項皆係三號者不准合式外如有一二項頭二號者固為合式即有一項頭號二項二號並三項俱係二號者俱准合式仍以前三項頭號為最優取中覆試時即照初次填註字號認真考校所有中式武舉覆試技勇不符及覆試合式殿試技勇不符罰令停科者下屆概令隨同新科武舉覆試積至三次覆試不能合式即將中式字樣註銷仍留武舉准其入營差操按照該武舉科分照例銓選其該武舉等初次覆試因何項不符罰科者下屆即覆試何項以歸簡易至取士必嚴初進各直省考試武童亦宜慎重遴選向來取進童生原有缺額勿濫之例乃近時每因人數不足輒以技藝軟弱之人取充學額何以杜倖進而拔真材著通諭各省學政嗣後考試武童時

務須一體嚴加選擇如人數不敷卽行缺額毋得濫竽充數

聖訓

十二年諭內閣御史達鑄奏請定武關章程一摺定例馬射三靶相距各三十步俾士子得有引弦持滿之候若如該御史所奏馬射之靶請各減六步則三靶相離過近三矢不及引發且所稱第一靶請設於考棚前二十步以便查看獨不思第二第三靶轉致遼遠更難查閱又請於硬弓靶上繫以絲繩直達弦上必繩直弦纒始爲引滿其絲繩尺寸須定例限試思士子臂有長短不能一律相同何能拘定絲繩尺寸又據稱擲石時用方石置於棚前令士子擲起號石置大石上欲令士子將號石擲至大石上又令何人將號石擲下以待按名試擲所奏各條均屬窒礙難行著毋庸議至比試大刀不可使背面花不全及刀尖拂地此種不合格者原不准錄取亦毋庸議所稱雙單好字應如何明定格式及酌量人數予以定額之處著兵部議奏其另片奏稱武場附近地方近年多有銀號布鋪之人扮作擺攤賣藥等項探聽風聲隨機撞騙著責成監試御史及步軍統領衙門順天府認真訪查懲辦以杜弊端

聖訓

又諭內閣兵部議駁御史達鑄條奏明定雙單好格式及酌量予以定額一摺雙單好皆係密記予以格式定額是先已揭曉不足以昭慎重該御史所奏著毋庸議惟思分闈校閱恐監射大臣意存見好寬嚴不能盡一此之單好卽彼之雙好內籙憑卷面所鈐雙單好字號取中亦不足以昭平允嗣後武關雙單好字宜量予限制不准逾額應如何分別密記著兵部再行妥議具奏如有格礙難行或恐別滋弊端著於摺內據實聲明

請旨 聖訓

又諭內閣前因兵部議駁御史達鑄條奏明定雙單好格式酌量予以定額當交該部再行妥議茲據該部

奏稱武闈挑取雙好分按各圍應試人數每百名酌挑二十二名不及百名者卽按數遞減等語分圍校閱務在嚴明得人嗣後監射較射大臣總須嚴加鑒拔每百名挑取不得逾二十二名之數如不得人卽再行減少亦無不可斷不得以材技未嫻之人勉強挑取充數致滋冒濫 聖訓

十三年諭武科爲掄才大典所有派出監射之王大臣宜如何公平考校以副朕求才若渴之心歷科中式武舉俱有能開出號弓者是以一甲進士卽在此內挑取上年壬辰科中式武舉雖有出號弓而比較馬步箭及刀石技勇之優劣拔取一甲一名李廣金係十二力本科朕親試中式武舉內牛鳳山孫和平俱報開十二力弓朕見其從容引滿因賞給十三力弓仍能開滿可見此中不乏人才皆由監射較射之王大臣自顧考成慮覆試殿試時弓力不符先爲此避重就輕之舉武科大典竟無一出號弓成何事體若使牛鳳山等竟不能開出號弓朕應何取中一甲武進士乎嗣後各直省考試武場當認真挑取練習挽強之技其派出監射較射之王大臣等務須秉公校閱爲國求才用備千城之選不得規避處分屈抑人才豫爲弓力不符地步再八力弓係屬三號歷科間有備數充選之人究非上乘本科會試中式武舉陳正坤常奎基余碧元王家燮俱係開八力弓未免過多甚不出色嗣後有似此開八力弓而刀石並無頭號者該王大臣等卽不准挑入好字以杜倖進而拔真才東華續錄

十九年諭內閣御史扎克丹奏請將武鄉會試卷面浮夾各籤改爲黏貼等語本年武鄉試正藍旗玉山與正黃旗玉山卷面填寫互相舛錯據該御史稱係因試卷內浮夾名籤互相舛錯以致填寫不符自應酌改以昭慎重嗣後武鄉會試卷內浮夾名籤之處著改爲長方小籤書寫姓名籍貫旗分黏於卷面空處印用戳記俟

彌封後交與監試御史按冊填寫與監臨提調等官面對紅號印簿無訛即將黏貼小籤揭去再行交入內籠以免訛錯而杜更換 聖訓

二十七年諭內閣載銓等奏會議另造硬弓以備應用著武備院於明春另行製造時先將弓胎盤挽極熟試歷兩寒暑再畫樺皮上架墜驗較之所議歷一寒暑當更妥協且於下科武鄉會試仍可不誤調取平時妥為收貯屆期於前兩月調理純熟務要一律整齊毋許弓力稍有多差及至閱情形致調用時轉滋弊竇其五旗所存硬弓亦著武備院一律另造亦如前驗試再交兵部令該旗領回收貯備用所有舊存硬弓著仍交各該處照例存貯不可令胥吏等隨意拋擲或乘間竊取備新製各弓有多差之處著即以舊弓比較 聖訓

光緒二十四年給事中高燾曾議設武備特科摺 奏為議設武備特科敬陳管見仰祈 聖鑒事竊臣恭讀 光緒二十三年十二月二十六日 上諭榮祿奏請設武備特科參酌中外兵制造就人才等語著軍機大臣會同兵部議奏欽此仰見 皇上整軍經武發憤為雄至意臣不諳軍旅然蒿目時艱竊欲貢一得之愚以備芻蕘之採朝廷准設特科自與尋常武備迥異若但較量技勇即成就可觀不過得一兵之用而止擬請 飭下軍機大臣等詳議章程始也求之有道寬其途嚴其格不拘文武不拘已仕未仕總以能勝將帥之任為指歸令內外三品以上大員各舉所知懸五事以為之的一嫻韜略兼貫中法西法二熟輿地工測繪三練身體善擊刺四習洋槍洋礮及中國擅長火器此四者闕一不可五精製造創新械此則於四者之外別為一格為專長或兼長皆可保薦其有名實相符者詳具姓名以聞至京考校合格者分別給予職官俾為武備學堂教習教有成效准予超擢由是而教之方可言矣京師設武備學堂遍及於各行省亦教以

上所陳之事外省兩年報滿拔其尤入京師武備學堂仍令肄習一年三年學成請 欽派王大臣一體考校分別等第以備任使或充各營教習或充哨官營官其顯異者令充出使大臣隨員以廣聞見卓著勳勳乃升統帶似此條理略具但使王大臣各疆吏懇懇懇實事求是勿徇情面勿尚酬應日漸月磨必有名將出乎其間臣管窺所及是否有當伏乞 皇上 聖鑒謹奏 邸鈔

軍機大臣和碩恭親王等遵 旨會議具奏仰祈 聖鑒事光緒二十三年十二月二十五日內閣奉 上諭榮祿奏請設武備特科參酌中外兵制造就人材等語著軍機大臣會同兵部議奏欽此光緒二十四年正月初六日內閣奉 上諭給事中高燾會奏請設武備特科一摺著軍機大臣會同兵部歸入榮祿奏請參酌中外兵制特設武科片內一併議奏欽此欽遵先後將原奏二件抄出臣等伏查榮祿所奏請設武備特科分列格致諸學槍礮諸科以爲之目舊制之武鄉會試姑仍其舊其應特科之人由武童層遞作爲武舉武進士每次限以三年略取九年大成之意不必與舊科同歲舉行止須將原有中額之半撥入特科試之有效再將舊制全停自係爲轉移風氣造尙人材起見臣等伏維武科定制沿自有明從前火器尙未盛行卽泰西各國亦迥不如今日之精我 朝龍興遼瀋八旗勁旅騎射絕人因而武科亦沿用馬步箭弓刀石各項技藝在當日原屬制勝之具今則製造槍礮考校準頭精益求精西人謂之藥彈世界弧矢誠不足以威天下習非所用與制藝取士流弊正同改絃更張自宜首議及此惟是變法之始貴乎耳目一新使天下曉然知 上意之所在無不踴躍奔赴始足以振作士氣鼓舞人才故舉行之年限可稍遲而中額不宜分撥應用之槍礮必畫一而流弊亦宜豫防當茲時勢多艱辦事務求核實無取鋪張亦不必有特科名目

臣等謹按照原奏各條細心紬繹擇其輕而易舉簡而可行者爲我皇上續析陳之查武場改試槍礮係屬創舉武童初學必用教習多則經費難籌且精於操練兼通西法者一時亦難數觀少則又苦不敷分布卽使一省之中各就府廳直隸州酌爲延聘而武童各安土著距所屬本府州廳遠者或至數百里平時院府兩試已苦跋涉之艱若令就地教練充役三年始准作爲武生誠恐資斧不繼閱時過久轉致半途而廢臣維國家功令之設不過懸的以招至於儲材待售則視其人之自爲但使明定章程通行各省立定年限自某科爲始廢馬步箭弓刀石不用所有武場一律改試槍礮其向應武試者決不至因此輟業自必購求利器磨厲以須猶制科之詩賦策論八股屢易其體士人無不爭自濯磨所謂利祿之途使然初不煩官爲督責也章程既定屆時武童應考仍由各該省學政按臨考試合格者照額取中武生則進取有資人思自奮矣取中武生之後人數較武童爲少而且發軔伊始已有上進之階應請卽如原奏所擬由地方官酌量設法每省籌立武備學堂一區擇武生之才識聰穎者或年力富強有志觀光自願入堂肄業者酌照省分大小核定人數按名挑入學習重學化學格致輿地諸學分馬步礮隊槍隊工程隊諸科派定總分教習督同訓練其挑選教習之法如南北洋湖北等省先經設有武備學堂止須酌添教習員數他如直隸之新建陸軍江南之自強軍以及各省所練之洋槍礮隊熟於以上諸法堪勝教習之任者自不乏人擬請無論官弁勇丁一體就近酌量派充其餘各省由該督撫籌定款項自行延聘學堂功課聽總教習按照人數勻撥教練官中派員認真稽查其未經挑入之武生仍令回籍自行學習鄉試屆期合一省之武生無論堂內堂外一律由該督撫用改試槍礮新章詳加考驗列入優等者照額取中武舉其內場默寫武經原屬具文

且易滋弊竇應請卽行裁去新武舉咨送會試卽將本屆新武生挑選換入學習嗣後按照科分挨次輪換
風氣一開互相傳習挽強蹶張者廢然思返不必仍留舊額之半亦不患應試乏人矣各省既設武備學堂
整齊畫一新中武舉人數裒然可觀京師首善之區自應設立武備大學堂以養衆材而光盛典惟大學堂
規模較之各省尤爲繁重一切總訂章程應用器具亦非倉猝所能集事且各行省既經遍設學校如林其
八旗順天武生或由該管地方官先行設立尋常學堂或就近往天津學堂學習均無不可京師大學堂之
設似可稍緩各省武舉亦毋庸再限三年在京肄業擬請每屆武會試之年先期由各省督撫將此項武舉
咨送兵部由部奏請 欽派王大臣考試仍照鄉試之例以槍礮中靶之數爲斷擇其優者取中武進士名
數與當年中額相同其 殿試兩場尙有應行略爲變通之處擬請先期由兵部奏明請 旨辦理至給事
中高燮曾所奏專爲求將帥之材備教習之選先設京師武備學堂然後遍及各行省所陳五事除練身體
習槍礮二條外餘三條皆專門名家所難備責令武生武舉等蹴等而進必至有名無實徒滋繁費餘與榮
祿所奏大致略同應請毋庸置議以上各節臣等悉心核議參酌中外擇善而從寓營制於科舉之中陰以
兵法部勒之與泰西豫備兵留後兵之意相合各疆吏誠能認真舉行需以歲月有勇知方之士必有脫穎
而出者卽綠營練勇亦可收互相觀摩之益矣其未盡事宜及應駁改緣由摺內未及詳敘者另列簡明章
程十條開單恭呈 御覽仰 聖等更有請者 國朝軍政自提鎮以下一切武職本以行伍爲正途其武舉
武進士原不過聊備一格道光以前姑不具論卽如咸豐同治以來蕩平粵捻在事將帥滿洲如多隆阿塔
齊布漢人如鮑超劉松山皆係行伍出身蔚爲名將武科所得率多偏裨奔走之材斷不能與文場鄉會相

提並論即歐美各國講求武備如英國德國之水陸軍大書院美國之委士盤大書院皆博學入伍之人始
准入堂學習學成之後即令分隸各營充當士卒並無所謂武科也今欲建威銷萌折衝樽俎宜就各省營
勇認真挑選厚其贍養嚴其功課腹心干城之寄在彼不在此至於武科改制臣等今日所議業已得其大
概宋臣蘇軾所謂取士之法不過如此不得以區區一科遂足盡天下之人材也所有臣等遵 旨會議緣
由謹恭摺具陳伏乞 皇上聖鑒 謹 奏

再正在繕摺間欽奉正月二十六日 上諭胡燏棻奏酌設武科章程等語著軍機大臣會同兵部歸入榮
祿等前奏內一併議奏欽此查該府尹所奏亦主改試槍礮與榮祿等原奏大致略同其所請以馬二礮二
步六分成取中先由兵部核定額數一節竊礮良多如以人數分別馬步礮則武場非營陳可比無所謂馬
隊礮隊步隊也如就一人所試各項分別成數即使照該府尹所擬首場仍試騎射次地毬改爲步法手法
次弓刀石改爲槍礮亦難強分爲三六成原奏駁叙既未明晰兵部亦無從核定額數應請毋庸置議至各
省會設大學堂各府廳設中學堂各州縣設小學堂似乎章程明備然現在各省議設各種學堂已非易易
若專爲武備一項安得如許物力廣爲分設且武舉生童等風氣甫開自不如久經訓練之勇丁較爲得力
勇丁且未能多設學堂何論武科又如默寫武經一場改試策論取其熟悉韜略並洞明行軍之法方爲中
選等語查武科內場從前本試策論嗣後默寫武經誠以韜略精微非粗通文字之武人所能猝辦若仍改
策論徒屬具文應毋庸議他如槍礮之名目中靶之成數教習之功課考選之多寡事關變法必應逐細講
求或待臨時斟酌皆非臣等所能懸擬大抵國家定制貴在簡明若節目太繁必有不能推行盡利者該府

尹所交各節業經臣等於議得榮祿等摺內分別准駁其詳細章程應
斟酌妥議分別奏咨辦理謹附片具陳伏乞 聖鑒謹 奏

謹將臣等會議按照原奏分別准駁緣由約舉十條開單恭呈 御覽
一事關變法必須提綱挈領然後簡而易行倘如原奏所擬就地教
裁矣不知變法伊始其機括全在童試業經改用槍礮小試其端得有
場徑令赴省鄉試所謂就地教練者究屬有名無實臨場報考必至
一心思平日專用則靈況乎科場大典其所以專心致志百折不回者
明定章程改試槍礮若仍參用舊制酌分中額之半必俟試之有效而
舊技不必講捐人情狃於守舊難與圖新必至用槍礮應試者不數由
一馬步箭地毬刀弓石等項相沿雖久在今日則爲無用槍礮兩項
試士不得謂之特科其舉行年分不可太驟亦不宜太遲應請 飭下
宥出示諭以改章伊始各生童武舉趕緊學習毋得自誤現在各省業
應自本屆武生錄科起即行照改鄉試自光緒二十六年庚子科爲始
始童試自下屆歲試爲始一律改試槍礮其本年戊戌科會試姑仍其
一改章之後舊制取中之武生武舉應准其照新章一體應鄉會試毋
制兵防營練勇在省城附近駐紮者不妨准其報名鄉試如距省太遠

一武備學堂之設事極繁雜各省萬不能同時建齊必有先後參差之處立法之始必須略予變通其未
經設武備學堂省分應先准其改用新章鄉試如有願附他省學堂學習者亦聽其便惟應考則必須
本籍

一近年以來槍枝礮位名目繁多日新月異武場應用之件必須價值較廉而又堅固耐久者始可通行
無阻惟是利之所在弊即因之如坊間石印書籍因便於攜帶每遇鄉會試年分購取既衆獲利不貲今
武科各場需用槍礮甚夥久之必有一種窳敗惡劣之器專爲武場射利而作製造不精手法亦壞演習
既久授以精品反不能用立法之始宜預防流弊應請於小口輕快槍陸路快礮擇其合用者指定名目
由該衙門奏准官爲代購肄業之武舉生童等繳價給領並行知各省必須畫一不得任意濫用

一私藏火器例禁甚嚴越越武夫尤多獷悍之氣從前疊經臣工奏請改章部議不准具有深意今欲開
拓風氣使之學習槍礮藥雲彈雨如取如攜誠宜加意防閑立法限制擬請由各該地方官查明轄境之
內武舉武生童肄業者若干名並教習姓名學堂坐落以及槍枝之件數礮位之有無槍礮之名目按件
報明該管州縣存案所有槍礮必須存放學堂酌派教習或學長收管不准私自攜回似亦慎重之一道
一新章既定武童在家自行操演武舉給會試解庸在京學習其在各省城武備學堂肄業者止有武
生一項較之原奏已屬簡而易行惟是辦事務求實際武生雖有籍可稽勝於招募究不及兵勇人數之
多各省建立武備學堂無費經營自非專爲武生而設應請明定章程武生入堂肄業者通數人數不得
過十分之四其餘名額留爲他項人口肄業之資

一武舉武進士既經改定新章加意教育得人必較盛於前誠宜廣其登進之途俾得及時自効譬之士產製器既精必求銷路也禁嚴所請各路軍營自哨長以上均用此項武舉武進士充補高燾曾所請分別等第以備任使或充各營教習哨官營官其穎異者令充出使大臣武隨員是否可行抑或略仿其意另定章程之處應請 飭下該衙門詳細核議

一事兩科舉不厭求精其考試詳細章程及武備學堂規模有應由部臣釐定者有應由各省疆臣舉區籌辦者一切未盡事宜嗣後隨時奏明 旨辦理即鈔

諭前據榮祿高燾曾胡燏棻先後奏請設立武備特科酌改章程各摺片當經諭令軍機大臣會同兵部議奏茲據該王大臣等分別准駁詳議復奏並擬定大概章程開單呈請朕詳加披閱尙屬核實可行國家設科武備與文事並重原期遴選真才以備折衝之用現在風氣聿新雖無庸設立特科亦應參酌情形變通舊制著照該大臣等所議各直省武鄉試自光緒二十六年庚子科爲始會試自光緒二十七年辛丑科爲始童試自下屆爲始一律改試槍礮其默寫武經一場著卽行裁去所有一切未盡事宜及各省應如何設立武備學堂之處著該衙門隨時奏明辦理現在時局艱難朝廷釐定章程專務振興實學武場改試槍礮亦轉移風氣之一端嗣後主試之王大臣及督撫學政尤當加意講求認真考核務在作其忠勇開其智識平時則嚴督功課校試即秉公去取毋得奉行日久又成具文致有作育人材至意該部知道欽此 邸鈔

湖廣總督張之洞奏爲變通武科遵 旨詳議闡明舊制酌擬新章以防流弊而勵將才恭摺仰祈 聖鑒事竊准兵部咨開具奏變通武科一摺並擬定大概章程十條光緒二十四年二月二十六日欽奉 上諭

著照該大臣等所議鄉試自光緒二十六年庚子科爲始會試自光緒二十七年辛丑科爲始童試自下屆爲始一律改試槍礮等因欽此又准該部咨議復廣西巡撫黃槐森奏武場改試洋槍並考取中式分別選用一摺令各督撫各就見聞所及詳細奏明並開列各項章程報部酌辦等因光緒二十四年三月二十八日具奏奉 旨依議欽此咨行到鄂仰見 皇上因時制宜請戎奮武之至意欽佩莫名部咨並稱令各省體察情形指陳利弊各抒所見陸續奏咨等因竊維今日用兵專恃火器外洋各國槍礮之製日出而益精武學教練之法日推而益密中國武科取士斷宜專習火器別定新規然後無所習非所用之弊惟是變法伊始防弊宜慎取才宜精 臣查初次部咨會奏各條恐器械之不能盡一也則定指名代購之例恐藏用之漫無限制也則定報明有案之例二次部咨照廣西撫臣黃槐森原奏洋槍由士子購買槍桿鑄考者姓名防微杜漸頗極周詳顧 臣猶有颺颺慮者軍火一項例禁甚嚴固立法之精義亦有國之權規考之東西各國保安之槍遊獵之銃皆須繳納稅捐頒發執照違者或科罰或沒入或監禁則視其多少而爲之差蓋與我國舊例用意大略相同自髮捻蕩平以來各省遂無大亂其實陬澁邊隅亂萌時有卽如近年熱河教匪甘肅回匪亦甚披猖或兵甫集而衆降或鋒一交而敵潰實由同治初年洋槍洋礮流入中華漸推漸廣官軍所用無論精粗總係洋械火器精利聲威震讐亂民無抗拒之資宵小弭孽芽之漸今若概准演習一縣火器累百盈千收藏之家良莠不齊武生武舉本多強梁生事之徒又假以利器一有意外會匪游勇糾結橫行頃刻亂作其禍豈可勝言雖云稽察責諸地方然州縣事繁習惰不過視爲查私鑄查燒鍋禁宰牛禁賭博之類但以員文行之若時常挨戶搜查則不免騷擾若但憑差役一報鄉保一結則必然有名無實卽

如民間私藏鳥槍州縣官例有處分而閩粵鄉鎮槍礮如林然則稽察之說豈可恃乎光緒十七年江南有查獲洋人美生私賣軍火接濟會匪謀奪鎮江以及金陵之案二十二年廣東有查獲匪徒孫文私運軍火入城爲亂圖據廣州省城之案前鑒不遠豈可更揚其波且近日各國槍礮式樣日新名目繁雜同一槍礮而藥彈同類區別甚多改造原裝等差不一若應考者每人各執一式之槍如何考校高下如須同係一式私家零購則先後參差由官代購則不勝稽擾此層似多窒礙臣詳稽舊制參考新章密酌通籌謹擬一營伍學堂武科三事合一之法查原奏章程第四條云欲廣爲招徠則綠營制兵防營練勇不妨准其報名鄉試又二次部咨云此次改革意在合考試與操防通融定制凡武生投營營兵應試以及武舉武進士如何教練管束各大吏當參酌營制妥籌良法各等語竊謂莫如就此條之意而推之查武場條例八旗驍騎校前鋒領催等官以及馬甲步甲分別准應武鄉試武童試綠營兵丁有願應武童試者各歸本縣與武童一體若試其取進武生准應鄉試取中武舉准應會試其千把等官或係武生或係武舉均分別鄉試會試故各省向有兵童兵生名目是武科人才取諸旗綠各營弁兵本係國家舊制旣以用其素習兼以勵其勤操立法之意至爲精切閱遠至今於旗綠弁兵而外又有防營弁勇一項比之綠營年力人才較爲強壯操練火器較爲熟嫻今武科改試槍礮莫若卽令營弁兵勇應試最爲無患於地方而有益於軍旅若令應武試者皆於武備學堂肄業一節勢有所難目前風氣初開有武備學堂者祇四五省一省亦祇一堂且武學教習甚難求不取材異地故學堂之經費旣鉅學生之額數無多大率一堂不過數十人又必須文理清通氣習馴謹者若各府各縣均設學堂一時斷無許多之經費亦斷無許多之教習若謂令武職教練則中

華將弁向來惟尚勇敢其精細者不過約束紀律較爲詳明其于火器理法測算繪圖工程製造邊海形勢罕能通曉至文理通暢能讀洋書者尤不易觀故各省大小武職能教兵勇者或間有之能教將弁者決無其人其稍能通曉一二能教兵勇者卽已矜貴非常則必留在防營使充營官教習豈肯令其散往各屬教授武生武童乎是學堂之廣設尤爲不易至各營兵勇究係曾經本營華洋教習教練雖不能速語精深尙可得其粗淺且外洋定章凡入武備學堂三年者必須隨營操練一二年以增閱歷斷無學生常在營伍之外者若卽令兵勇應試名籍易考鈐束易施所用槍礮發之本營自然一律擬請惟兵勇准應武童試兵勇取進武生後仍在營充伍者准應武鄉試兵勇取中武舉後仍在營充伍者准應武會試其已拔實缺外委實缺把總候補千總者准作爲武生應鄉試已補實缺千總守備者准作爲武舉應會試綠營弁兵令該營專管之參游都守保結冊送勇營弁勇令該管之本營管帶官保結冊送童試由各營送交原籍知府錄送學政考試免其縣考以省紛繁而免曠誤旗營仍照舊章鄉試仍由綠營勇營各營官冊送學政錄科會試仍照舊章但武弁兵勇均應照例歸原籍考試不得混考凡非在營現充武弁兵勇者均不得應武童試此後既無營外之武童自無營外之武生既無營外之武生自無營外之武舉武進士矣其從前取進取中之武生武舉現未入營者准其呈請附入本省防營或學堂自備資斧隨同學習其槍礮卽用本營本堂者藥彈價值由該生呈繳並仿照外洋學堂章程令其酌繳本生火食束脩雜用器具各費由該管營官及管堂之員察其年力精壯性情謹樸者方准收錄若不守規條不能勤學頑鈍難教者均隨卽斥退其學堂畢業者分發本省各營酌量委用將來風氣漸開華弁可充教習者漸多各府州縣有自行籌資設立武備學堂

者准其稟官辦理既設學堂則必由官約束稽察堂中雖有槍礮可無伏戎藉寇之虞迨學成後統發各營分別効用則營伍學生合爲一貫而整飭科舉卽所以整飭營伍矣總之非現在營伍之兵勇不准應武童試非現在營伍之武生武舉不准應武鄉試武會試卽例准應試之武弁若現不在營者亦不得錄送咨送鄉會試正與部臣前奏寓營制於科舉之意相合而其利有三外洋火器價值甚昂平日練習需用藥彈爲數尤鉅若生童惜費不購則操練無具臨場考錄勉湊中額仍無裨益若各省紛紛購買則合計所費不資似平空增一絕大漏卮亦爲非計今應試取之兵勇則操練械藥本是各營應有之需間有願附防營專心練習者規矩歸肅人數必不甚多且所有槍礮卽由官借用藥彈由該生繳價是曰塞漏其利一也我朝將材輩出大率不外乎旗營官校綠營弁兵招募練勇三項總之皆係行伍自成豐軍興以來其由武舉武進士呈功著稱者實屬寥寥此輩恃符武斷如虎而冠魚肉鄉民窩庇匪盜每遇歲試鄉試武童武生聚集省城府城必滋生無數事端街市店舖日有戒心訛詐逞兇防範隱忍待至場畢則彼此相慶各省官商士民無不以爲巨患萬口一辭徒以舊例相沿幾如附骨之疽去之無術究其所長者不過粗豪膂力倖中箭枝不識字者十人而九臨敵之火器既未嘗習制勝之韜鈴更未嘗解卽使安分守法豈能與於干城腹心之選乎且各省武生武童舊習騎射硬弓刀石亦只臨場肄習數月無論中否過考輒已廢棄於國家儲材禦侮之意毫不相涉今若專令營弁兵勇就試卽入武學登武科以後仍有本營長官鈴束無從爲非其技藝亦不至荒廢如慮專准兵勇應試恐武童武生必少則又不然一省綠營弁勇合計多者二萬以外少則一萬五千以外三年之內止取武生千餘名取武舉數十名或十人而取一或二十人而取一何慮不敷

爲兵勇儼然並列士流欣然同得高第夫然後世族文儒皆肯入伍感慨漸發人人有執干戈行社稷之心然則今日欲求中國士氣之奮軍實之修轉移微權必在於此又臣區區之微意也綜考各國軍政有武學而無武科其各等學堂以次考拔發營錄用卽是中武科武試從無不由學堂出身之官弁亦無不充軍營將校之學生其法實將武營武學武科三事合而爲一其法最善故今日欲採擇西法莫如先自練兵始學西人之練兵莫如自開兵勇之升階合學堂營伍始矣若其學習考試之法非僅改用槍礮遂能收效歷考外洋諸國從無不讀書不明算不能繪圖之將弁亦無不識字之兵丁誠以今日戰事日精戰具日巧卽一哨弁之微亦斷非粗材下品所能勝任若祇考槍礮準頭從容施放中靶者多殊難去取且憑此卽授以待衛參遊都守之官似亦太易擬請仿馬步箭弓刀石武經三場之制頭場試槍礮準頭兼令演試裝拆運動之法二場試各式體操及馬上放槍步下擊刺之技三場試測繪工程臺壘鐵路地雷水雷與他戰法等學鄉會試格式宜較嚴重試格式宜較寬三場合較智勇兼優將來將領庶可勝任又考外洋兵制及武學章程初入營及未弁入學堂者多不得過二十歲蓋以年力少壯則體操及測算各事始能按程學習穎悟易通以後凡應試武童武科亦宜酌定年限卽武科從寬亦不得過二十五歲至所試之槍礮則以單響毛瑟爲主蓋此項槍彈各局多能自製礮則以單響七生半車礮及六生車礮爲主蓋此項礮用處最多而江南局製熟鐵六生車礮一名兩磅礮成本較輕雖不如外洋之精操練亦頗可用他局仿造尙不甚難卽自江南購造亦不甚貴若本省自有七生半車礮者亦可通融學習考試通行似惟此兩種槍礮最爲適用而易得若快槍快礮過於精巧珍貴各路軍營尙且難得各省生童豈能皆習此種他日製造既廣改習

亦不難也方今時際艱危宜防隱患事關變法不厭求詳臣管見所及不敢緘默是否有當恭候
有未盡事宜自當遵照部咨陸續開單奏報所有變通武科闡明舊制酌擬新章以防流弊而勵將
理合恭摺具陳伏乞 皇上聖鑒勅部核議施行謹 奏張宮保政書

二十七年兩江總督劉坤一湖廣總督張之洞條奏文武兩科並稱而兩科之輕重利弊迥然不同國
求才無論章程如何總之必用讀書明理之士因近年帖括之士有文無實故改革以求實學先略
章程以取已有之人才次廣設學堂以教未成之人才他日專門學成體用兼備仍是此等讀書明
其法小變其意仍同若武科則不然硬弓刀石之拙固無益於戰征弧矢之利亦遠遜於火器至於
經大率皆係代倩文字且不知無論韜略以故軍興以來以武科立功者概乎其未有聞凡武生武
士之流不過恃符篆黜健訟佐闔抗官擾民既於國家無益實於治理有害此海內人人能言之無
之煩言者也或謂武生等可使改習槍礮不知利器散布民間流弊太大實無防察之法萬不可行
生等可使入武備學堂肄業不知學堂定法無論水師陸師皆必須會讀普通文理若不識文字者
師善教精者不能解粗者不能記斷無受教之地或謂武科所以收強梁不馴之人才不知凡應武
率小康之家子弟椎魯遊蕩不肯讀書乃使之習武以博科目之榮其弓馬衣裝之費較之文生爲
俗有窮文富武之諺夫取士求將本欲得良善守法之士教以禮義授以技能以備干城腹心之用
羅不遲加虎以冠且天下盜賊會匪亦多矣豈武科所能網羅者哉今日勇營甚多其材武有力之
容納何藉武科或謂古今名將未必盡能知書不知古之孫吳韓岳戚繼光今之羅澤南王鑫彭玉

一非學古能文之士間有不學問而爲名將者多由歷闈而來故兵勇起家爲良將者有之然在今日已不能與強敵角勝若應武科者平日所習皆與兵事無涉既不曉槍礮之精復不諳營陣之法及取中武科年齒已長習氣已深循資數年即可爲參遊都守何所謂閱歷哉查 國家官制武職以營伍爲正途八旗世家無非兵籍此時講求兵事必須武學西操相資爲用其學堂畢業入營操練精熟者自必予以出身升擢官職將來內而禁衛外而將校皆可於此取之考拔擢用之法另詳專條若仍以循舊之武科濫廁右職殊於講武勵才之出路有妨近年自故督臣沈葆楨以後中外大臣言武科改革者甚多蓋久已共知其弊臣等揆之今日時勢武科無益有損擬請 宸斷奮然徑將武科小考鄉會試等場一切停罷其舊日之武進士武舉兵部差官一律發標學習考察人材酌量委用補署不必按資挨次選補實缺武生年壯有志者令其講求武學以備應募入伍之用疲老者聽其改業如此則學堂講武學者營弁精操練者在標有戰功勞績者登進之途較寬必皆鼓舞奮興而將校皆有實用此誠自強講武之一大關鍵也鈔郵

諭武科一途本因前明舊制相沿既久流弊滋多而所習硬弓刀石及馬步射皆與兵事無涉施之今日亦無所用自應設法變通力求實際嗣後武生童考試及武科鄉會試著卽一律永遠停止所有武舉人武進士均令投標學習其精壯之武生及向經應試之武童均准應募入伍俟各省編立武備學堂後再行酌足挑選者試章程以備將材將此通諭知之卹鈔

右武鄉會試兼行事宜

會試武舉揭曉後兵部將 嚴試默寫武經及考試馬步箭弓刀石并傳臚日期奏請 皇上親臨 紫光閣

景運門外 御箭亭或派王大臣考試之處候 旨遵行 皇上親臨考試兵部於考試默寫武經後十月十八日先將黃冊陳設 紫光閣 皇上親閱黃冊考試馬步箭十九日在 景運門外 御箭亭考試弓刀石回 宮後兵部將中式之人帶領引 見恭候 欽定甲第交讀卷官填榜二十日 陞殿傳臚如派王大臣考試將擬在前列者帶領引 見恭候 欽定中樞政考

順治二年題准會試之後於十月內舉行殿試會典事例

又題准武 殿試提調官以本部滿漢堂官職名開列讀卷官四人以內閣吏戶禮刑工五部都察院通政使司大理寺翰林院詹事府送到各堂官職名開列監試官以都察院送到御史職名掌卷受卷彌封官以內閣翰林院詹事府六科送到各官並本部司官筆帖式職名巡綽官以鑾儀衛送到各官職名填榜官以內閣送到中書並本部司官筆帖式職名印卷官以本部司官筆帖式職名供給官以光祿寺送到各官並本部司官筆帖式職名各擬定開列均密題請 旨簡用會典事例

又題准武進士臚唱行禮畢禮官待舉榜本部尚書舉榜出至丹陛下授司官由中路奉至 午門前跪設龍亭內行三叩禮然後校尉昇樂部作樂前導至 長安右門外張掛 賜給武狀元盛甲諸武進士隨出觀榜巡捕營備繖儀從送武狀元歸第次日讀卷執事各官及諸武進士在部 賜會武燕其狀元盛甲及腰刀繖袋鞵帶鞞襪等項並賞給諸進士銀由部具奏行文戶工二部文取傳臚燕鳴贊作樂行文樂部光祿寺鴻臚寺豫備其餘儀注均與文傳臚同會典事例

十二年九月 上諭國家選舉人材共襄治理文武允宜並重今科中式武舉應照文進士例一體殿試朕親

行閱視先視馬步箭後視策文永作爲例屆期舉人各於 天安門就試畢以卷送 午門外東直房讀卷官
公閱進呈候 御批一甲三名畢各赴內院公同填榜十月 上親試武進士選取于國柱等以初行殿試宜
加優異第一名授副將品級二名授參將品級三名授遊擊品級四名至二十三名授以應得品級俱令在京
學習騎射先行照品級給俸祿頂帶俟滿一年題請實授其歸班武進士 欽派大臣揀選一二等者註冊以
營守備用三等者以衛守備用嗣因衛守備人多缺少於乾隆元年十六年三十六年四十八年俱經兵部奏
明另派大臣將以衛用之武進士復行揀選其有年力精壯弓馬可觀者拔置以營使選用又武舉會試後
欽派大臣會同兵部揀選考試騎射分別一二三等以衛千總用 通志

又 諭國家用人文武並重今科武進士俱照文進士殿試大典一體舉行朕思文進士有考選庶吉士作養
教習之例武進士亦應簡選教習隨侍衛學習騎射會典事例

十八年十月兵部請 殿試天下武舉得 旨武閣已考過步箭及策論又經內試選定停止殿試 通典

雍正元年十二月奉 旨今科武進士係元年所取狀元授一等侍衛榜眼探花授二等侍衛二甲十三名授
三等侍衛令帶孔雀翎三甲記名三十六人俱授藍翎餘照例揀選補用 通志

五年定武進士授官例一甲進士照元年例補授侍衛二甲挑選十名授三等侍衛三甲挑選十名授藍翎侍
衛俱俟補授缺時照侍衛品級兼銜其三甲武進士候選守備者兵部奏請 欽點大臣會同兵部揀選一
等二等者以營守備註冊三等者以衛守備註冊得缺之日俱兼以署守備管事如有弓馬生疎者令其回籍
學習俟射騎可觀再行赴部考驗 通考

乾隆元年奉 諭旨今科武舉殿試照該部所擬日期舉行朕在三年服制之內其考試弓馬等項著派王大臣在紫光閣看將擬在前列者帶至養心殿候朕親定揭曉之日照今年文殿試之例傳臚朕不陞殿通考三十七年諭新科武進士朕御紫光閣親試騎射技勇原係一體通行閱看即可定其等第無庸另派大臣揀選著兵部即於紫光閣校場時將上屆分別營衛人數開單進呈候朕一併酌量分記錄用併毋庸重複帶領引見著爲令會典事例

國十年八月鴻臚寺卿江蘭請於 殿試之前 欽點大部滿漢堂官二三員傳集中式武舉按照會試原冊弓刀石筋重號數令其逐一演試如有前後參差者卽行參奏將該武舉照文會試磨勘之例罰停 殿試一科原挑之監射大臣交部議處從之 通典

四十三年諭殿試舉人有一人出派護軍二名照料亦照校尉之例給與腰牌出派某人照料某人註明腰牌儻有事故指名查辦會典事例

嘉慶四年諭內閣本年值武會試之期向例於殿試後除挑用侍衛外其餘俱分別營衛守備選用但念今年武會試業經加恩廣額中數稍多其衛用守備及各營守備員缺需次自不乏人又有捐班輪次間用者是此項分別營衛選用守備計其得缺須在十餘年或數十年之外未免守候年久著再加恩將此次殿試武進士除挑用侍衛外其餘俱分發川陝楚豫及曾經調兵各省以營守備試用俾得及時自効並著兵部查明檔案所有現在用兵及調兵各省按照調兵多寡擬定應發若干員數目開單進呈候朕簡發 聖訓

六年諭內閣向來武舉會試中式後覆試馬步箭及弓刀石三項技藝其不合式者罰停殿試一科二次覆試

仍不合式又罰停一科至三次不能合式卽行斥革因思文會試舉人有覆試停科者俟停科已滿卽准其殿試不再隨新科覆試文武會試辦理未爲盡一旦武舉若停科至二三次年歲愈增其技藝自更遜於前疊經覆試必至終於斥革嗣後武舉會試中式著照文會試覆試一次之例將馬步箭弓刀石逐一覆驗如前後不符罰停殿試一科俟下屆會試之年卽著加恩准其一體殿試 聖訓

又定會試中式武舉 殿試策文前一日內閣刊刻題紙由部豫期奏請 欽派護軍統領一員帶領護軍校等在內閣前後門外嚴密稽查會典事例

十六年奏定會試取中武舉於十月十五日 殿試默寫武經十七日 紫光閣 閱看馬步箭十八日 紫光閣 閱看弓刀石十九日帶領引 見恭候 欽定甲第二十日傳臚奉 旨兵部奏本年會試取中武舉諸旨於十月十七日紫光閣閱看馬步箭十八日閱看弓刀石十九日帶領引見二十日傳臚如此排日辦理諸可詳審從容嗣後該部俱著照此奏請會典事例

十九年奉 旨向例武殿試御紫光閣第一日閱視中式武舉馬步射第二日閱視技勇畢回宮卽於是日帶領引見諸武舉由西苑門進內趨走不無擁擠本科武殿試朕於十月十八日御紫光閣閱視馬步射十九日在景運門外御箭亭閱視弓刀石回宮後帶領引見二十日陞殿傳臚著爲令欽此中樞政考

二十四年諭本月二十日朕御太和殿專爲武殿試傳臚其應行謝恩人員尙係附於是日行禮乃臚唱時一甲一名武進士徐開業一甲三名武進士梅萬清均未到班當經都察院鴻臚寺參奏交兵部查詢據稱徐開業梅萬清寓居西城是夜先至西華門因門未開啟繞至東華門以致遲誤等語各進士分住東西城是夜多

有由闕門進內者一甲二名秦鍾英等均未遲誤何以徐開業梅萬清二人獨未到班所言殊不足信事關典禮非尋常失誤可比本應全行斥革念其究係草茅新進徐開業著革去一甲一名並頭等侍衛梅萬清革去一甲三名並二等侍衛施恩俱仍留武進士再罰停明年殿試一科俟下屆武會試時再與新中式武舉一體殿試其本科一甲一名武進士卽以秦鍾英拔補授爲頭等侍衛一應宴費兵部照例給予一甲二名三名均無庸再補東華續錄

右武殿試

原定八旗考試文童生文舉人由部將領侍衛內大臣大學士尙書都統護軍統領職名開列具奏請 簡四人監試騎射考文進士由部將領侍衛內大臣大學士都統職名開列具奏請 簡二人監試騎射考筆帖式及繙譯童生舉人進士由部將領侍衛內大臣職名開列具奏請 簡二人監試騎射均擇其能合式者准入內場考試其奉天八旗考文童生由該將副都統等驗其騎射能合式者送該府丞考試會典事例

雍正七年議准八旗考文生員舉人進士者於未考騎射之先每旗委參領一人每參領下委賢能官一人令其送考本佐領內管領下各委領催一名率領應試之人與委出之參領等令其識認各旗將所委送考識認參領等職名同應試名冊一併咨送禮部存案由禮部造冊送部傳集參領等查對名冊及試騎射入場之時該參領等親身識認送考如參領等本身不到者各罰俸一年領催鞭五十會典事例

乾隆二十三年諭滿洲蒙古現任三品以上大臣之子孫及親兄弟子姪有應試者必國語騎射皆有可觀方准入場考試會典事例

四十年議准八旗考試進士舉人生員等除眼近視不能
免考馬步箭至十五歲以下及五十五歲以上者止考步
四十四年諭八旗考試進士舉人生員之人各該都統等
可觀以及稍可者准其送名儻有平常之人被特派王大
不寬恕會典事例

嘉慶四年諭內閣宗室向有會試之例後經停止敬惟
其專攻文藝沾染漢人習氣轉致弓馬生疏然自停止考
應試廣其登進之路兼可使讀書變化氣質不致無所執
場於騎射原不致偏廢舊制宗室俱不由鄉舉徑赴會試
一體鄉試應定中額著禮部發議奏聞候朕酌定再向來
臨闈後各部司員准以宗室補用其如何酌定額缺之處
五年議准宗室應鄉會試及考試繙譯照八旗考試之例
大臣覆試後再行錄科其奉天宗學考試馬步箭合式者
場時於宗人府左右宗人內先期簡派一員彈壓巡查
十四年定八旗考試文章生文舉人文進士筆帖式繙譯
職名開列奏請欽點二員監試騎射考試武生兵部將

考試騎射弓刀石其 盛京滿洲蒙古漢軍考取生員由 盛京將軍副都統等驗射馬步箭能射者交與奉

天府丞考試會典事例

二十二年諭御史李振祐奏請禁考試騎射頂替積弊一摺所奏甚是八旗以騎射為根本是以考試進士舉
人生員以及考試繙譯均先閱看騎射其弓馬生疏者即不准應試此我朝之舊典必應永遠實力奉行若其
人素不練習騎射臨場倩人替代即與文場考試槍替無異必應按律治罪嗣後凡遇此項考試著各旗都統
等親身先行考驗能騎射者始准送名派出監試之王大臣於考試時令各旗章京等逐排識認射畢步箭即
射馬箭仍令本人下馬至階前報名如查有替代情弊將雇倩之人與替代之人一併治罪儻監試王大臣等
市惠徇縱別經發覺定將王大臣等一併懲處嗣後遇有考試著報明御前大臣奏派乾清門侍衛二人至放
馬處監視 東華續錄

馬處監視 東華續錄

道光十六年諭本日引見新進士內正白旗滿洲進士慶廉一名形同殘廢步履甚艱因思我朝錄用旗員首
重騎射八旗士子應試必先試以騎射合式者方准入場此乃一定之例不可廢者也慶廉既有殘疾豈能考
試馬步箭適據御史永桐奏請飭查以實等語著兵部查明派出監射之王大臣如何定為合式准其會試之
處秉公據實具奏並著監試王大臣及咨送考試之正白旗滿洲都統等明白回奏 東華續錄

又 諭前因正白旗滿洲進士慶廉形同殘廢步履甚艱當降旨著兵部查明准其會試之處據實具奏並著
監射王大臣及咨送考試之都統等明白回奏茲據兵部及該旗都統監射王大臣等奏中樞政考內載凡遇
考試進士舉人生員人等其有手拐者免考馬步箭等語並准兵部呈送大清會典暨中樞政考經軍機大臣

開單進呈朕詳加披閱會典內載係手疾字樣中樞政考所載係手拐字樣兵部即遵照會典改正以歸畫一該監射王大臣及咨送考試之都統等於會試雖屬遵例免其考試馬步箭但慶廉形同殘廢尙不止於手疾該都統等不行駁斥率准送考自係瞻徇情面不肯認真該監射王大臣按照原冊不復行查依樣葫蘆不能實心於此可見睿親王仁壽貝子繇偲及正白旗滿洲都統文孚等俱著交各該衙門嚴加議處慶廉著仍照前有歸班銓選東華續錄

又命嗣後咨送八旗士子考試添派滿御史一員監射東華續錄

右考試八旗騎射

皇朝政典類纂卷二百三

選舉十三

文選滿洲銓選一

旗員按缺補用 順治初年定凡官員隸滿洲旗者以滿洲額缺補用隸蒙古旗者以蒙古額缺補用隸漢軍旗者以漢軍額缺補用不得互相調補會典事例

旗員改公額 康熙十年題准各部郎中堂主事定爲公額八旗通行陞用會典事例

又題准蒙古員外郎以下官員亦改爲公額八旗通行陞選會典事例

雍正六年奏准科道郎中員外郎堂司主事及小京官等員缺均定爲公額八旗通行陞選至鑾儀衛主事一員爲上三旗公額仍照定例陞選會典事例

乾隆十四年奏准內閣中書清字本房七員漢字本房七員作爲公額八旗輪用會典事例

科甲除授 順治九年題准一甲第一名進士授翰林院修撰第二名三名授翰林院編修二甲三甲進士選授庶吉士同一甲進士送翰林院讀書其餘由他赤哈哈番筆帖式中式者以員外郎主事用由舉人中式者以他赤哈哈番用會典事例

康熙十一年題准庶吉士散館以司主事用

雍正元年議准滿洲進士除庶吉士外照例以正七品有職掌之員缺挨次補用庶吉士散館平常者照散進士補用會典事例

乾隆六年二月 敕滿洲進士依甲第名次選用知縣通志

又奏准蒙古進士一例照依甲第名次選用知縣其繙譯進士係分調中式應附於本科之後挨名選用會典事例

七年奏准滿洲蒙古進士繙譯進士及文舉人奉 旨外用者進士與漢進士照依甲第名次選用舉人歸於雙月知縣兩班之後照依科分名次選用知縣不准外用者以國子監監丞等小京官十三缺用國子監監丞一缺博士一缺典簿一缺翰林院典簿一缺詹事府主簿一缺光祿寺署丞八缺 會典事例

十六年奏准現任筆帖式中式繙譯進士奉 旨以知縣歸班選用者令其在任候陞不行開缺嗣後如各項候補筆帖式中式進士奉 旨歸班銓選者遇該員應補筆帖式時亦應准其一例選用得缺後仍照現任之例在任候陞會典事例

嘉慶五年議准滿洲蒙古漢軍文舉人均以會試三次後准其赴部揀選投供候選仍歸雙月按班選用遇各省請挑知縣准其與挑截取之例停止會典事例

十一年奏准滿洲繙譯進士奉 旨以部屬用者學習三年期滿向照漢進士之例奏留補用其期滿歸班以知縣用者亦與漢進士一體選用至奏明咨部改用人員不能悉照漢進士之例專以監丞助教二項補用查國子監滿洲監丞惟一缺滿洲蒙古繙譯進士均可補用其滿洲助教十六缺蒙古助教八缺均非科甲額缺至漢軍人員並無監丞助教二項惟內閣有漢軍中書八缺太常寺有漢軍博士一缺現在繙譯會試已定三年一次將來滿洲蒙古漢軍繙譯進士接續有人自應分別定擬除奉 旨以部屬用者應照例辦理毋庸另

議外其歸班以知縣用者與漢進士一體截取將來此項人員或先或後礙難懸定查例載六部理藩院漢軍堂主事於應陞人員揀選補放五缺之後將繙譯舉人出身之漢軍中書筆帖式陞用一人繙譯進士應照此辦理歸班知縣俟文進士不論雙單月銓選五人之後將繙譯進士選用一人不積進士之缺備本科繙譯進士選完仍俟文進士選完後再行截取次科歸班之人按本科班次計缺銓選以昭平允其學習期滿奏明咨部改用京職者如係滿洲蒙古人員均照改補科甲小京官之例以翰林院典簿詹事府主簿光祿寺署丞國子監監丞博士典簿六項先儘補用如係漢軍人員以內閣漢軍中書太常寺博士二項補用會典事例十三年定滿洲蒙古文進士及中式文舉人之筆帖式並開散文舉人俱與漢進士舉人一體選用知縣文進士照依科第名次銓選滿洲蒙古漢軍繙譯進士俟文進士不論雙單月銓選五人之後將繙譯進士選用一人不積進士之缺倘本科繙譯進士選完仍俟文進士選完後再行截取次科歸班之人按本科班次計缺銓選舉人於雙月選用漢舉人兩班之後選用一人均毋庸截取考試各省請揀知縣時一體入挑如自揣不宜民牧之任情願改補小京官者准其臨選時呈明改補其分部學習期滿奏明咨部改用京職之滿洲蒙古繙譯進士俱不論雙單月遇有翰林院典簿詹事府主簿光祿寺署丞國子監監丞典簿缺出統按改補咨部各日期先儘補用如改補無人將滿洲蒙古進士舉人繙譯進士各按科第名次輪流間用文進士繙譯進士歸於漢進士按科分截取開選舉人選用京官仍擬定正陪其漢軍繙譯進士咨部以小京官改用者以內閣漢軍中書太常寺漢軍博士二項先儘補用至銓選知縣到任後如不宜外任該督撫查明該員爲人勤慎才具可用將應否改補小京官之處具本詳細聲明送部引見如奉旨准其改補與應選文舉人分缺間用單

月遇科甲出身之降調人員其品級應用小京官者亦准一體補用至內務府漢軍閒散文舉人與外旗閒散文舉人一體選用知縣於會試三科後准其赴部投供候選其包衣漢軍文舉人出身之內務府筆帖式仍不准與外旗一體較俸陸用主事等缺包衣繙譯舉人出身之內務府筆帖式內務府既有應陞應選之缺亦不准與外旗人員一體陞選內務府滿洲包衣文進士文舉人仍與外旗人員一體選用科甲小京官 會典事例

又定宗室文進士除奉 旨以翰林改用其以部屬錄用者歸於宗人府及各部額外主事上學習行走其歸班者不選外任知縣應以科甲小京官用 科甲小京官十二缺宗室人員應否與滿洲人員分班補用臨時酌量人數多寡具奏辦理 宗室繙譯進士如奉 旨以主事即用及額外主事學習者亦應以宗人府各部院主事分別辦理其歸入進士班次照例用者例應以小京官用查科甲小京官缺本無多應以內閣公缺中書補用毋庸考試遇有滿漢本堂缺出俟按旗考補一人後將宗室繙譯進士不論所輪旗分按取中名次補用一人再各部院宗室主事僅止四缺此後宗室文進士繙譯進士 簡用部屬如人數眾多臨時再行酌量奏請改撥至宗室文舉人繙譯舉人應專以宗人府筆帖式補用查宗人府筆帖式由効力筆帖式補授文舉人繙譯舉人毋庸先補効力遇有實缺出先用効力筆帖式二人次用文舉人一人繙譯舉人一人如無人即行過

班會典事例

又定八旗選拔貢生 朝考錄取一二等引 見以部員用者令其赴部掣籤分派各部在七品小京官上學習行走給予正俸以到部行走之日起扣滿三年該堂官確加考覈如果行走勤慎留心部務准其奏明留部授為七品小京官食俸辦事倘於部務不能諳習即奏明咨部以七品筆帖式用至給銜留部之員歷俸又滿

三年該堂官復加甄別果能始終奮勉准其作為額外主事再一體比較先後補缺陞用其或行走平常亦據實奏明如係滿以從七品小京官內閣中書酌量補用會典事例

十六年議定滿洲蒙古漢軍中式繙譯進士由禮部造冊咨部事卽用者遇歸部銓選之缺不論雙單月先儘奉旨卽用進用者照特用人員之例歸於不論雙單月無論保題陞選一科甲小京官如奉旨分部以額外主事用者照文進士之例期滿甄別奏留與各項候補人員以題選之缺較日期先後滿京官選用內務府人員有中式繙譯進士者歸於八旗繙譯漢式滿洲文字者不用理藩院額缺中式蒙古文字者以六部理以主事卽用並以主事用者悉照滿洲班次以戶部兵部工部三部掣籤學習行走會典事例

道光五年定滿洲蒙古考職例由恩拔副貢生考取一等者以及考中監生捐納貢監生考取一等者以主簿用二等以吏目各官開缺康熙三十九年題准凡大小官員由開列推陞者旗咨文到日開缺保題調補回旗等項由各該處咨文到日

處分官員俟考功司移付文選司日開缺病故者由該衙門該旗咨部日開缺其科抄咨文移付等項每月三十日以前到部者作為本月之缺三十日以後到部者作為下月之缺其事關開缺各衙門均於五日內行文到部係考功等司者即行回堂移付文選司開缺至俟具題奉 旨方准開缺者均於每月二十五日以前具題如有遲延皆照例議處會典事例

五十年奏准嗣後如遇科道部屬奉 旨署理侍郎副都統者即將本任之缺另行題補會典事例

嘉慶九年諭此後各衙門缺出引見以及外省送部引見人員著吏部酌定期限仍隨時知照稽察各衙門如有逾限即行參處示儆欽此遵 旨議定嗣後除滿漢月選筆帖式各省保薦俸滿教職及現任人員陞補有

關開缺者各按截缺日期先行帶領引 見外至在京各衙門應行題補之缺出缺後向由各該堂官酌擬定稿應以出缺後限二十日內帶領如遇有不合例事故須輾轉行查者酌寬十日限三十日內帶領再內外雜項人員人文到部於驗到後統限二十日內帶領其有歷任事故須行查各部往返需時者亦酌寬十日定以三十日內帶領至應行帶領人員內有驗到後呈報事故或遇值日推班併封印日期不能帶領者自應稍緩仍將詳細緣由移咨稽察各衙門查覈會典事例

又奏准在省告病病故丁憂休致終養參革等項出缺者亦以該省題奏出咨之日作為出缺日期如奉 特旨簡放降調革職及出差人員遇有事故出缺者以該員接咨之日作為出缺日期如開復日期在出缺之前者議准開復日期在出缺之後者議駁嗣後各省附調等官均於題奏及咨文內聲明何日出缺何日開復以

備稽考會典事例

十三年定科抄咨文移付等項每月三十日以前到部者作為本月之缺三十日以後到部者作為下月之缺其事關開缺各衙門官員出缺在每月二十八九等日者該衙門即咨報開缺如過三十日截缺之期雖未過五日之限俱照例議處如適在三十日病故可以即時報部者應即行報部開缺如本日不及報部令該佐領於圖片內聲明緣由以便查辦其員缺歸下月若文到吏部事屬考功等司不即回堂移付文選司開缺亦照例議處備俟其題奉 旨方准開缺者每月二十一日以前到部俱於本月二十六日以前具題已經具題或至截缺之後科抄始行到部者仍歸原選月分將應選之人擬用如遇例不進本日期吏部即專摺奏 閱請旨開缺如有遲延照例議處會典事例

各衙門留缺○雍正十三年議准各部院滿漢郎中以下等官員缺例應題補者務於每月三十日截限以前將所題之人咨部查明是否合例並知照各該科道以便稽查其保奏人員亦應定於次月截限以前即行保奏如所題之人遇有出差事故亦於截限以前即行咨部歸於月分銓選備已過截限之期始行咨留者一概不准題補或留缺之後又復輾轉遲延逾限不能題補一經查出參奏將該堂官交部察議會典事例

乾隆四年議准凡奉 旨交部補用及奏明留部題補者無論應題不應題之缺准該堂官酌量奏請補用會典事例

二十五年議准刑部滿漢司員缺出定例咨二留一其應留之缺上次留滿下次留漢分缺間留應留之缺一時不能按次扣留必須通融題補准該堂官據實查明辦理如保題無人仍咨吏部銓選會典事例
嘉慶六年議准刑部司員各缺仍照舊例如有三缺二咨吏部銓選一留本部保題應留之缺嗣後定例郎中

一次員外郎一次主事一次輪流相間留題滿缺與滿缺自爲積算不得牽連漢缺如過應留郎中適解郎中之缺准其於員外郎主事內酌留一缺下次仍留郎中會典事例

嘉慶九年議定各部院衙門自郎中以下等官俱照漢司員之例一體分司定額祇許該堂官量材更調不得更有增減其吏部文選考功兩司專司銓選處分職掌緊要事務殷繁文選司酌定郎中二員員外郎一員主事一員考功司酌定郎中一員員外郎二員主事一員定爲題缺戶部陝西雲南山東福建四司各定郎中一員員外郎一員江南廣東廣西貴州四司各定員外郎一員主事一員禮部儀制司酌定員外郎一員主事一員祠祭司酌定郎中一員員外郎一員主事一員兵部武選職方兩司各定郎中一員員外郎二員主事一員工部營繕司酌定郎中二員員外郎二員主事一員都水司酌定郎中一員員外郎二員主事二員理藩院衙門酌定蒙古郎中二員滿洲司主事二員蒙古司主事二員均定爲題缺各按缺底令各該堂官揀選題補其理藩院滿洲郎中滿洲蒙古員外郎如有三缺一缺留題二缺咨選仍分別郎中員外郎滿洲蒙古各積各缺計算再理藩院滿洲蒙古均有額設題署主事遇有滿洲蒙古題缺主事缺出先由題署內揀選題陞題署主事缺出先儘京察一等筆帖式內咨部查覈至刑部所屬各司事務均屬殷繁准該堂官酌量保題如有三缺一咨吏部銓選一留本部保題其應咨二缺內酌量一缺奏補本衙門候補人員仍積咨缺之數如候補無人均咨吏部銓選應行過班不得因上次已送過二次下屆聲明扣算至應留之缺定爲郎中一次員外郎一次主事一次輪流相間留題滿洲員缺不得牽連漢缺積算如應留郎中時適無郎中之缺准其於員外郎主事內酌留一缺下次仍留郎中光祿寺大官署珍饈署滿洲署正二缺亦准作爲題缺以上各衙門應出先

儘京察一等人員題陞如一等無人再由二等人員內揀選如主事任內京察一等題陞員外郎者其一等之處已滿用過有郎中缺出不得再行先儘題陞由京察一等筆帖式題陞主事者遇有員外郎缺出亦不得先儘題陞其由京察一等記名同知通判等官之員遇有題陞主事缺出仍准先儘題陞不得因該員等業已記名外用卽行扣除如一等無人將二等人員揀選照保送京察之例在本衙門實歷俸三年者准其題陞如將年分不符之員查覈卽行咨駁其六部蒙古司員爲數無多有曾經保列京察准作一等者遇有應陞缺出准該堂官酌量指名保題再各衙門保題司員務於每月三十日截缺以前將員缺扣留及題補之人擬定正陪一併咨部查覈併知照各科道以便稽查不合例者駁回另行揀選合例者該堂官卽行保奏將所出之缺應行題補之處於摺內詳細聲明帶領引見請旨補授如無可保之人仍咨部銓選其有已過截缺之期再行咨留者概不准題補至所題之人未經引見遇有出差事故仍准該堂官咨明另行保題如不得人咨送銓選尙有保題遲延以及朦混保奏者經吏部與稽察之科道糾參將該堂官議處又理藩院差務繁多辦事需員其滿洲蒙古員外郎以下遇有出差推限得缺者無論題選之缺一經筆籤卽行開缺移咨該院分別查辦其擬陞之員仍照本身原銜俸俟差滿回京之日照例補行引見其有奉旨交部補用並奏明留部題補者無論應題不應題之缺仍准該堂官酌量奏請補用會典事例

又奏准滿洲主事近年以來各衙門候補者多遇有應選主事缺出全行扣留留部人員現在陵寢併盛京主事期滿日積漸多未能依限調京奉旨以主事卽用並奉旨以六部主事補用以及各項卽用主事均無缺可補而俸深應陞人員銓選更屬無期查漢主事有五缺截留之例應仿照漢員之例暫爲調劑除刑

部仍照咨二留一之例辦理外其吏戶禮兵工五部理藩院太僕寺滿洲主事各積各缺不論奏補何項人員總以留補四缺後至第五缺截留歸選各部院衙門蒙古主事亦各計各缺留補二次後至第三次歸部銓選會典事例

留館開缺○雍正十三年議准各部司官筆帖式奏明留館辦事者其員缺歸部別選各照原銜食俸陞轉俟該館告成時各回原衙門於額外辦事遇有原衙門應補之缺即行坐補會典事例

嘉慶四年奏准恭修 高宗純皇帝實錄所有應用纂修收掌各官由內閣翰詹衙門人員充補俱不開缺由

六部各衙門八旗如係現任即開本衙門之缺但查現在各館行走之員多有仍兼本衙門差使此項人員似應仍令其兼攝行走毋庸開缺另選其應陞應轉及過京察之年俱由本衙門出具考語保送等因具奏奉

旨依議今擬定 實錄館辦事各部司員筆帖式俱歸部另選各照原銜食俸陞轉俟該館告成時各回原衙門於額外辦事遇有原衙門應補缺出即行坐補如奏明令其兼攝行走者毋庸開缺另選其應陞應轉及過

京察之年由本衙門出考保送如有奉 特旨陞用人員該館仍留在館行走者吏部具奏請 旨會典事例 讀官製籤○雍正三年覆准凡奉 旨即用及扣除別補迴避人員無論雙單月不入班次即行選用捐納議

敘人員較日期先後補用降議候補開復人員較文到先後補用如議敘人員同日奉 旨捐納人員同日到 部行俸香論俸之淺深食俸相同者論資之先後如捐納議敘人員計有即用字樣雖係同日同俸准以本班

先用會典事例

又覆准部中以下等官每月於三十日截限初一日至初三日言議初四日堂議初五日傳齊各官到部將籤

封固公同掣籤其十二月正月封印前後所出之缺均於二月初五日掣籤仍按雙單月陞選出差外任者堂官代掣掣籤之後現任者咨取本衙門堂官考語現任及候補者咨取各旗查明該員本身及祖父有無拖欠錢糧覆審後引 見其部院堂官出具考語有辭語含糊與例不合者即行文該衙門更改至外任官員掣籤後行文該管官出具考語給咨該員赴部附於每月月選官後補行引 見出差患病者差滿病痊之日亦附於每月月選官後補行引 見會典事例

嘉慶十一年奏准應陞主事之各項滿洲蒙古漢軍小京官及筆帖式如遇京察月分該員已保列一等又經本衙門保題合例應陞主事俟京察引 見後再將該員保題陞任之處由各該衙門自行帶領引 見補授其前任所得一等照卓異之例准其於原任內加一級會典事例

清漢字分缺○順治初年定滿洲員外郎以上及司主事小京官等員缺陞選各官均不分清漢字樣通行補用堂主事翰林院典簿等員缺均按清漢字樣分別補用會典事例

雍正十二年奏准六部漢字堂主事不論雙單月將由科甲出身人員陞用五人後將繙譯舉人出身之小京官筆帖式論俸陞用一人單月有缺其科甲出身之降調人員亦准其一例補用會典事例

乾隆三十年奏准滿洲郎中以下及小京官等缺陞選各官俱不分何項出身一體銓補其六部滿洲員外郎內各定一缺將由科甲出身人員按月分班選用會典事例

科甲出身知縣改補○乾隆八年議准滿洲科目人員已就知縣各官有自揣不勝民牧之任情願補用小京官者准其於臨選時呈明改補不論雙單月遇有國子監監丞等十三缺通照改補日期先儘補用其不自度

量必欲銓選知縣等官及到任後不能勝任者該督撫即分別題參如果有不宜外任為人實係謹慎才尚可用者該督撫將應否改補小京官之處具本聲明送部引 見恭候 欽定備載 俞允即以國子監監丞等十三缺不論雙單月遇有缺出通駁奉 旨日期與現在應選文舉人等輪流間用會典事例

嘉慶六年議准滿洲蒙古進士舉人繙譯進士於會試三科後由該旗驗看咨部投供以知縣小京官二項按名次先後銓選如有自揣不宜民社情願改補小京官者不論雙單月遇有科甲小京官缺出照改補日期先儘補用如改補無人將滿洲蒙古進士舉人繙譯進士各按科第名次輪流間用至銓選知縣後如有不宜外任經該督撫將應否改補小京官之處聲明送部引 見如奉 旨准其改補與應選文舉人分缺間用會典事例

官員迴避○康熙三年題准各部院尚書以下筆帖式以上祖孫父子親伯叔兄弟若同一衙門令官小者迴避會典事例

十年議准同衙門補授同官應迴避者將後補之人迴避會典事例
雍正四年三月遵 旨議定八旗漢軍人員不得補刑部司官並應照漢人迴避本省之例凡直隸道府州縣等缺於銓選時扣除通志

乾隆十四年奏准旗員月選如有應迴避者擊籤後呈明即准迴避以別缺掣補如有一人一缺應迴避者扣除下月銓選仍行文該旗取具本旗都統印結送部存案如係應陞應選者照例以迴避日期較各項年滿請用日期先後銓選其外任年滿並各項即用迴避人員補用時仍較從前年滿即用日期先後補用會典事例

例

四十三年諭在京各部院堂司等官雖非外任上司屬員可比亦有管轄考核之責而外嫻親屬中如翁婿甥舅之類戚誼最爲親近向例概不迴避究未妥協著該部另行定議具奏尋議得嗣後京官外嫻親屬中母之父及兄弟妻之父及兄弟己之女婿嫡甥若在同衙門令官小者迴避其同衙門同官者令後進者迴避從之

通考

嘉慶十七年奏准部院尚書以下司員小京官以上嫡親伯叔兄弟若在同衙門令官小者迴避同衙門補授同官者令後補之員迴避至祖孫父子應行迴避除分係堂司概令司員以下迴避外如係同官及品秩或稍有大小雖其祖父係後至及官小者均令其子孫迴避外姻親屬中母之父及兄弟妻之父及兄弟己之女婿嫡甥有爲堂官者亦令官小者迴避其由御史迴避者以郎中用由孤缺人員迴避者以對品別缺補用無對品之缺者降品補用仍食原俸陸轉至部院宗室司員照部院迴避之例辦理歸於宗人府另行銓選若同係司員免其迴避此外宗族及親屬中妻之姊妹夫本身兒女姻親中表兄弟子婦之親兄弟概不迴避凡應行迴避各官初五日掣籤時呈明准其迴避以別缺掣補出差人員有陞至同衙門者俟差竣之日再行令其迴避 陵寢現任司員未滿六年 盛京現任官員未滿三年均以京外之缺令其統補如補授外缺仍以到任之日起另扣三年六年咨部調京如已滿年限出咨候補之員該管官聲明緣由給咨到部仍按年滿日期以京缺調補停其補用外缺以上迴避官員仍行文該旗取具本旗都統印結送部備案如有捏飾情弊照例議處至內閣中書係事由考取補用之員理藩院蒙古司員係專陞本院之缺 盛京本處司員係專補本處之缺各處

贊禮部讀祝等官係專司唱贊並非辦事司員可比如有嫡親祖孫父子伯叔兄弟及翁婿甥舅同在一衙門者榮令毋庸迴避其例不迴避之員有經該堂官奏請迴避如奉 旨交部者吏部仍照例議駁如奉 旨依議者照依所奏令其迴避以別衙門之缺調補再各衙門署任各堂官如本任之員身在外任暫無回任期限奉 旨長署者仍令司員筆帖式等迴避其有本任隨圍出差等項事故奉 旨暫行派署者司員筆帖式等榮令毋庸迴避會典事例

旗員終養 乾隆九年諭向例官員告終養者俟養親事畢方得補缺但旗人回京與漢官回籍不同或在旗在部皆可補用以供驅策朕思旗員有老親在堂銓選赴任二三年內卽請終養若臨選之時令其內揣難以久任卽將親老緣由向部具呈轉奏不必補用外缺恐因此或生趨避之端其如何定例之處該部妥議具奏欽此遵 旨議定旗員補用外任如 凌寢及東三省官員筆帖式各省駐防將軍城守尉督撫隨印筆帖式雖係外任究非地方有司可比有告請歸旗終養者應仍照舊辦理無庸再議外其滿洲蒙古現任藩臬道府同知通判州縣及滿洲蒙古理事同知通判等官如遇祖父母父母年老例得終養者照例准其具呈該管上司出具切實者語題奏到日由部咨查該旗出員確實印結到部令其回京各該處引 見請 旨遵行至漢軍外任官員從前告請終養者均照漢人之例辦理但漢軍與滿洲蒙古均係旗人在旗在部均可補用原與漢人不同嗣後漢軍外任各官告請終養者亦照此例令其回京各該處引 見請 旨凡滿洲蒙古漢軍告終養外任各官引 見時除奉 旨以旗員補用者應聽各該旗辦理並奉 旨指名以何部何官卽用者照例補用外如奉 旨以部員改補者自應按照品級改補如藩臬均係大員例應改補京堂應照例與應陞人

員開列具題請旨如係府例應以各部郎中以外郎補用理事同知通判及地方同知例應以主事補用知州與地方通判例應以七品小京官補用知縣一項因養親以京官補用者應仍以科甲小京官改補漢軍知縣因養親以京官用者以各部院衙門漢軍七品筆帖式改補其應改補小京官以上人員均於雙月陞選五人後選用一人其漢軍知縣應改補筆帖式者入於各本旗應用筆帖式人員內無論是否積存補用五人後選用一人至現任京職應陞選外任各官如有親老在堂二三年卽屆終養之期者由部於該員將及應用之時每項按人數多寡截取數員咨查該旗令其自揣如有親年衰老難以久任情願終養者卽於該旗呈明取具確實印結咨部轉咨俾其補用外任仍在現任京職行走再滿洲蒙古漢軍候選外任者止有進士舉人之筆帖式並開散進士舉人應選知縣一項其滿洲蒙古候選知縣人員告終養者如係現任之員仍令現任上行走係開散科甲候選知縣者以應用科甲小京官照科分名次補用漢軍候選之開散進士舉人告請終養在京無應用之官應照現任知縣告請終養之例以七品筆帖式補用此等候選人員亦於將屆選用之前每項截取數員咨查該旗如有親老情願終養者呈明該旗照例取結報部註冊停其銓選外任此等外任改補外候選改補京官與現任停其陞選外任各員如於養親之際遇在京有應陞之缺仍准其與京官一同較俸陞轉再養親無一定年限至應補之日補用外官不免有衰老之人應令各該堂官於各員起復之時查明該員年力並無衰老咨部仍以應得外任補用如有官在年力衰老者停其補用外任仍令在京職上行走再此等人員在京養親之際未經陞任者如係外任改補京職之人遇有應得之缺照丁憂起復之例補用如係在京現任及候選改補京職之人歸於本班遇有應得之缺先儘選用如養親之際已經陞任者照伊現任

京官品級應用之外任不論雙單月陞補選用五人之後選用一人以上各員如有應遴選引 見者亦照例
與記名人員一同引 見再州縣佐貳以及雜職漢軍人員在京並無可補用之官此等人員無論現任及候
補候選如有告終養者均無庸題奏移咨到部轉咨該旗遇有應行揀補差使之處如有情願充補者准其充
補俟該員應補之日仍以各應停外任歸本班先儘選用至漢軍捐納各項人員如有因親老告終養者俟應
補之日仍歸原班選用再服滿候補開復赴補並由現任降補各官有親老議終養者即令該員於起文赴補
之時呈明該旗取結報部停其補用外任令各該處照現任外官終養之例將該員引 見請 旨如蒙 恩
以京官補用亦照伊品級以京官補用至一應陞轉與應補之日補用外任之處均照現任外任改補人員之
例辦理此等呈報終養各官如咨查時並不豫行呈明及赴任後二三年內復請終養者概不准行倘有假捏
事故浮圖年歲藉端規避等情一經發覺將該員及出結各官照例議處會典事例

四十二年諭兵部奏請陝西鳳協副將伸泰母老終養一摺旗員向無終養之例我滿洲從來清樸之習但
知尊君効力家計有所弗顧即外任有因親老情願回旗者原不妨據實呈明該上司回京當差候朕酌用京
職若照綠營終養之例回京間住轉屬非是而其人不得俸祿亦必致艱窘如因該員養親事畢仍得外用則
旗人更不應如此存心計圖便宜伊等外用原係朕特恩豈可因此希圖戀職設使奉派出差出兵伊等亦得
因親老呈請終養乎所有嗣後旗人終養之例著停止其有親老情願回京者准其具呈督撫奏明送部引見
文員以部屬用武員或用侍衛或用旗職候朕酌量降旨通考

嘉慶十年諭旗員終養之例久經停止如果在外服官年久因親老呈請回旗亦所不禁若不定以限制恐該

員等或於到任後見缺分平常希圖規避或與上司有意見不合之處藉辭引退或因彙案已飽莫得歸家安享託詞親老懇辭回京種種情偽亦不可不防其漸嗣後旗員如果有親老已逾七十家無次丁及其親年未合例素有疾病者均於在京補放時卽行呈明留京當差倘於到任後一二年間遽行呈請回京者俱不准行著爲令會典事例

丁憂起補 乾隆二年議准官員遇有丁艱在二十七個月內者除奉 特旨陞補外其餘凡有陞遷停其開列陞轉服滿後仍准算俸會典事例

五年奏准凡應陞選應補人員已經銓補得官適遇親喪扣除及服制內因過班過缺未經銓用者如係雙月之人仍歸雙月先儘銓用單月應用者仍歸單月先儘銓用如係數缺之員服制內過缺者服滿後准其不積算缺卽用至過班過缺人員內有同月同班服滿者以每月截限以前先行掣定名數挨次銓補其各省之終養旗員至應補之日如未滿年分一年以外者仍以外任用一年以內者再扣一年半年以內者再扣半年均以京官用病痊起補人員已經坐補得任又因服制扣除服滿後如京缺官員准其以京官通補如 盛京 陵寢等處官員准其以 盛京 陵寢等處員缺通補如係有年限之缺准其以有年限之缺通補內有年限未滿者照旗員終養之例扣限補用如奉 旨指定何衙門者服滿時仍以指定衙門補用會典事例

四十一年敕吏部凡滿洲蒙古人員由道府同知通判州縣丁憂回旗已滿百日在部行走者每年十月引見一次候 旨簡用通志

嘉慶十三年定滿洲蒙古人員外任道府以下等官丁憂回旗俟該員百日孝滿體旗帶領引 見如奉 旨

所在原衙門行走者道員以郎中奏署知府以員外郎奏署同知知州直隸州知州以主事奏署通判以小京官奏署毋庸分別品級知縣專以七品筆帖式奏署其由科道補用之道府並科甲出身捐納卽用之道府以下等官並無原衙門可以行走及原衙門無相當缺者令其掣分各部院衙門行走遇有相當缺出各堂官奏請署理服闋之後移咨吏部實授其論俸陞轉准其京外接算以上各員如服滿後行走衙門未出有應得之缺可以奏署准其咨部俟咨文到部之日爲始扣限三十日方准歸於月分通融坐補應得之缺會典事例

又定丁憂回旗人員有奉 旨以六部司員用者歸於五缺後用令其在旗候選有情願呈請分部者准其先行分部俟服滿後銓補實缺如本衙門奏請署理准其奏署至各項迴避裁缺降革開復病痊起用援例開復原官在部候補並由京得缺業經引 見奉 旨尙未到任及捐納揀用分發各省試用未經得缺旋即丁憂者得照漢官之例俟二十七箇月服滿仍以外缺用會典事例

又定外任旗員如有陞署題署未經實授分發試用未經得缺以及由京得缺引 見尙未到任人員丁憂回旗俟百日孝滿後該旗咨部卽令其在原衙門行走如無原衙門及無相當之缺籤分各部院行走毋庸奏署額缺支給公費不給俸祿每年十月停其帶領引 見俟二十七箇月服滿後卽令離任咨部給與執照令其仍赴原省候補會典事例

丁憂借署 乾隆十五年奏定丁憂道府人員其借署應照改補之例道員以郎中借署知府以員外郎借署同知知州以主事借署通判以七品小京官行走知縣以八品小京官行走遇有七八九品小京官員缺均准借署至由小京官筆帖式外用以次陞至道府等官丁憂者除原衙門有相當員缺仍在原衙門行走外其原

衙門並無品級相
掣錢分發部院衙
知通判州縣等官
四十一年諭嗣後
引見一次即自今
又諭滿洲蒙古
至滿員內曾任丞
明照道府回京人
四十四年奏准外
遇丁憂事故應俟
相當之缺者令其
領引 見俟服滿
患病候補 乾隆
嘉慶十四年議定
如實係患病令益
之限如逾限不終

限如逾限不痊卽行停俸俟病痊之日仍在原衙門行走如係捏飾有疾呈報者別經發覺照例議處其盛京官員因差來京若遇患病准其在旗呈請給假將給假緣由咨部辦理至候補各員如業經到班見缺始行告假停選者概不准行仍照例銓選掣定缺分將該員患病之處照指缺推陞擬補人員告病之例辦理會典事例

先後記名人員論俸 乾隆十三年奏准嗣後記名以道府用之滿洲郎中以同知通判用之滿洲小京官止於同日記名人員內論俸陞用其後次記名者俟前次人員用完再將後次人員論俸陞用會典事例

嘉慶四年諭昨永保奏請簡發滿漢道府各二員辦理軍需事務經吏部檢查京察記名應用道府人員止有兩人部中候選候補知府亦僅有五人又係截取應用簡缺之員未便發往軍營現在京察記名人員已將用完著各部院衙門堂官於滿漢司員內秉公遴選其才具優長堪勝道府者各保舉二三員出具切實考語咨送吏部同前次京察記名各員一併帶領引見候朕簡用會典事例

廩生錄用 康熙十年題准滿洲一品官廩生以員外郎用二品官廩生以都院司主事都察院經歷大理寺寺丞光祿寺署正用三品官廩生以通政使司經歷太常寺典簿部寺司庫光祿寺典簿用四品官廩生以鴻臚寺主簿用如學習期滿該部院奏留以本衙門筆帖式補用者遇本衙門本旗員缺准其坐補蒙古一品官廩生以員外郎用二品官廩生以司主事用三四品官廩生以都院筆帖式用均俟學習期滿奏明留班歸班分別敘用會典事例

乾隆元年奏准文武官員廩生監生至十八歲有情願在武職行走者該旗部准其隨旗行走其年二十

以上者咨部引 見如奉 旨以旗員用者令其隨旗行走分部學習者令其掣籤分發各部院衙門試看學習照品級食俸三年期滿該堂官出具考語據實奏 聞移咨到部按其品級照例銓補會典事例

三十四年諭內文武大臣皆分職任事爲國宣力分應予廢世爵公侯伯等祖父勛庸懋著錫慶承家卽照一品子廢亦與延賞之義相符若子爵男爵之一品二品或先世績本稍微或承賜久而遞減平日並無職任不過朝期上班及本旗應差不應與內外大臣公侯伯等一體予廢著照雍正二年 諭旨子爵視三品官男爵視四品官下部議行通考

又議定滿洲子爵廢生以通政司經歷太常寺典簿部寺司庫光祿寺典簿用男爵廢生以鴻臚寺主簿用或一時無缺可補以各部院八品筆帖式用會典事例

又定蒙古三品廢生並子爵廢生以部院七品筆帖式用四品廢生並男爵廢生以部院八品筆帖式用會典事例

嘉慶六年諭八旗大員廢生年已及歲者俱由各該旗咨報吏部帶領引見分別錄用惟宗室廢生向無引見之例朕思自前年以來六部各衙門已有宗室額缺並准宗室子弟應鄉會試以廣登進之路則宗室廢生自宜一體任用所有嘉慶元年宗室廢生俱著加恩交宗人府查明於及歲時送吏部帶領引見候朕分別錄用以示錫類推恩至意會典事例

又定宗室二品廢生如奉 旨以三品用者應以宗人府主事及有宗室主事之吏禮刑工四部分用三品廢生專以宗人府七品筆帖式用四品廢生如奉 旨以八品筆帖式用者查宗人府筆帖式二十缺俱係七品

應令其授爲八品食俸仍補七品筆帖式額缺會典事例

雙月陞選 原定郎中以下等官先儘卽用之人如無卽用之人宗人府理事官乾隆二十九年奏准理事官

專用宗室不歸部選各部院郎中將應陞官員論俸擬正陪陞補宗人府副理事官乾隆二十九年奏准副理

事官專用宗室不歸部選各部院員外郎一陞一選應陞官與一品廕生分缺間用各部院衙門司主事大理

寺寺丞都察院經歷光祿寺署正等員缺用應陞二人二品廕生一人學習期滿進士一人乾隆四十七年裁

學習期滿進士一班散館庶吉士一人年滿大使並三庫司庫一人較年滿日期先後用乾隆二十九年裁年

滿大使並三庫司庫一班宗人府經歷乾隆二十九年奏准經歷專用宗室不歸部選各部院清字堂主事都

察院都事太常寺寺丞等員缺用應陞二人二品廕生例不選用清字堂主事等缺仍將應陞之人抵補嘉慶

七年奏准用廕生一人學習期滿進士一人學習進士一班散館庶吉士一人年滿大使並三庫司庫一人

年滿大使並三庫司庫一班裁如進士庶吉士二項皆無人將應陞之人抵補一人漢軍大理寺寺丞用應陞

一人二品廕生一人通政使司經歷太常寺典簿部寺司所用俸深筆帖式應陞一人三品廕生一人鴻臚寺

主簿用俸深筆帖式應陞一人四品廕監生一人其小京官內通政使司清字知事大理寺評事太常寺博士

部寺司務無論陞選二人後用年滿大使一人以上陞選各官每月註冊下次接算如應選無合例之人卽將

俸深應陞人員陞補會典事例

單月陞選 原定郎中以下等官均先儘病痊坐補原部之人次儘卽用之人宗人府理事官乾隆二十九年

奏准理事官專用宗室不歸部選各部院郎中宗人府副理事官乾隆二十九年奏准副理事官專用宗室不

歸部選各部院衙門員外郎及堂司主事宗人府經歷乾隆二十九年奏准經歷專用宗室不歸部選漢軍大理寺寺丞漢軍太常寺博士如無坐補卽用人員均將捐納議敘應陞人員不論現任候補補用六人之後用降調開復一人捐納議敘無人專用降調開復其六品官員缺用捐納議敘一人降調開復一人小京官等員缺用捐納議敘一人降調開復一人期滿教習一人三年期滿補用一人後將六年期滿用一人三年期滿無人將六年期滿者抵補年滿倉庫官一人如各項無應用人員仍將俸深應陞人員陞用會典事例
遇缺卽用 乾隆三十年奏准奉 旨卽用及扣除另補迴避人員無論雙單月不入班次卽行選用會典事例

內閣侍讀保送註冊 乾隆五十五年奏准內閣侍讀一官係六品職銜五品頂戴向以之揀補侍讀學士未免過優今將內閣侍讀學士之陞階刪除若按俸陞轉該員等俸次較淺銓補較難准其遇侍讀學士缺出陞用之後由內閣將侍讀內揀選一員卽行咨部註冊遇有在京各部院郎中缺出於雙月推陞人員之前先行補用如侍讀學士並未出缺仍按俸推陞會典事例

國子監博士助教甄別改補 乾隆三十四年議准嗣後博士助教聽該監隨時秉公驗看如文理生疎不堪訓課而年力精壯尙能辦事者咨部以對品改補其由科甲出身者以詹事府主簿光祿寺署丞典簿等官改補如非科甲出身者專以光祿寺典簿補用會典事例

京員差滿保題 乾隆三十年議准京員若往伊犁等處辦事文員年滿後按例保題或奉 特旨准行或交部議覆者俱照 特用人員之例不論雙單月無論保題陞選一併計算俟五缺之後選用會典事例

十二年定烏里雅蘇台額定內閣章京一缺戶部章京一缺兵部章京一缺理藩院章京一缺三年期滿由該將軍咨請更換到部由部咨取各該衙門照例保送一員帶領引見派往科布多塔爾巴哈台章京各一缺專以理藩院司員派往由理藩院自行辦理至伊犁等處糧餉章京員缺不得用本處駐防該將軍等奏請更換由軍機處將記名廢員請旨派往如奉旨交部辦理吏部將現任司員帶領引見其印務駝馬章京等缺由部咨取各部院衙門現任人員照戶部保送稅差之例行文六部理藩院太僕寺光祿寺國子監欽天監不分滿洲蒙古司員內除本員年過六十歲並親年七十五歲以及親年六十五歲以上之獨子均不保送外將年力富強者各保一員註冊不得以無員保送聲覆遇有缺出吏部帶領引見派往俟餘剩二三人後將業經簡放現在無人之該衙門再行咨取其剩餘各衙門用完之日咨取至各處印務章京本處駐防筆帖式內如才具可以造就者亦准各該處大臣保奏又專用蒙古人員之喀喇沙爾糧餉章京二缺一由理藩院專派毋庸咨取一由吏部咨取六部理藩院國子監欽天監蒙古司員引見派往以上各項人員由現任司員派往三年期滿辦事好該處大臣不得保奏即陞祇令出具考語給咨送部帶領引見平等之員咨回本衙門供職照依原官補用由新疆本處駐防筆帖式經該處大臣奏請賞給主事職銜辦事者七年期滿送部引見如奉旨照例用者照新進士之例分部分行走三年期滿甄別奏留以本衙門主事補用平等之員咨部銓選歸於不論雙單月陞選一缺之後選用其有奉旨以主事用者歸於不論雙單月五缺之後選用並准其先行分部分行走由廢員賞給主事小京官等職銜派往並發往効力人員奏請賞銜頂補者三年期滿該管大臣專摺具奏吏部無論從前公私情罪將該員革職原案詳敘事由帶領引見恭候欽定如奉

旨昭例用者歸於不論雙單月五缺之後選用不准其先行分部行走會典事例

各館議敘蒙古主事積缺銓補○乾隆四十七年奏准各館効力蒙古中書書成議敘以主事數缺補用者照

票擬改本蒙古中書之例不論保題陞選一併積算八缺之後選用一人會典事例

覺羅學副管長議敘○乾隆十三年奏准覺羅學副管長五年期滿能於所管學生內成就五人以上由閒散

覺羅充補者該管王公保送宗人府題明授爲八品官食俸二次五年期滿咨部議敘照各學教習之例以小

京官補用至現有官職人員充補者初次期滿亦准其歸於議敘班內以小京官補用以上已經議敘陞之

員又經在學行走五年期滿者准其補官日記錄一次會典事例

盛京調補部屬司庫等官○雍正九年議准 盛京銀庫司庫三年期滿令該堂官出具考語咨部以在京司

庫並與司庫對品之小京官員缺卽行調補會典事例

乾隆三年議准 盛京各部郎中員外郎主事司庫等官三年期滿報部時不必令其赴部俟在京有應調缺

出授伊等年滿報部日期先後不論雙單月卽行調補會典事例

特用人員分部○乾隆四年奏准八旗現任職官奉 特旨補用部屬者如已經指定某部卽令其在該部類

外行走仍食本身原俸俟有缺出該衙門知照過部題請實授毋庸引 見如未經指定某部令其籤掣分發

各部院學習行走亦照其本身職銜食俸以奉 旨之後無論雙單月保題部選一併計算俟用五人之後選

用一人仍行引 見恭候 欽定補授會典事例

內閣票籤中書○乾隆四年議准中書五年期滿該衙門出具考語咨部註冊後不論雙單月除不積算外陞

嘉明文典頁集 卷二十三 選舉十二 文選

選十人之後選用一人會典事例

三十七年奏准內閣票籤改本中書五年期滿該衙門出具考語咨部註冊不論雙單月遇有主事等官缺出除不積缺外於各項陞選入缺之後陞用滿洲中書一人其蒙古主事員缺較少不論保題部選一併計算入缺之後陞用蒙古中書一人會典事例

刑部司獄○乾隆三十八年議准 盛京刑部添設滿司獄一員定為滿洲額缺於該部滿洲筆帖式內揀選送部引 見補授仍食筆帖式原俸五年期滿仍回原任開缺另選照 盛京倉官之例令該侍郎出具考語咨部註冊俟有 盛京應陞之本部主事缺出歸於單月陞選三缺之後陞用一人會典事例

年滿倉官○雍正十三年議准 盛京等處倉官三年期滿該衙門堂官出具考語咨部註冊後歸於雙月遇有各項小京官員缺於應陞人員計積三缺之後陞用一人會典事例

五十一年奏准黑龍江倉屯官驛站官三項官員均定為四年期滿時仍照舊例分別陞用會典事例

五十四年奏准吉林所屬驛站官二員助教二員六年俸滿倉官六員三年任滿未能均平請照黑龍江所屬官員之例作為四年之限查吉林倉站等官與黑龍江倉站等官年滿後陞轉相同其改就武職亦事同一例

黑龍江官員既經議准定為四年限滿而吉林倉站等官自應一體酌改四年任滿以歸畫一會典事例

又定 盛京所屬倉官十員亦係三年報滿陞轉與吉林黑龍江倉官亦屬相同均請照議准之例悉改為四年之限年滿後仍遵照舊例分別陞用會典事例

由京補授八旗游牧員外郎○乾隆二年議准五年期滿該總管出具考語咨部註冊後遇有京官員缺由六

部出身者補用六部之缺由理藩院等衙門出身者補用理藩院等衙門之缺不論雙單月無論保題陞選一併計算用一人之後按俸調補一人會典事例

盛古塔驛站官○乾隆四年奏准六年期滿該將軍出具考語咨部註冊後不論雙單月遇有京官員缺除不積算外其應用主事等官者陞選八人之後選用一人應用小京官者陞選六人之後選用一人會典事例

五十四年奏准盛古塔驛站官改爲四年期滿陞選仍照舊例會典事例

駐防額外官員○乾隆六年議准駐防軍營辦理糧餉之額外司官筆帖式三年期滿回京該將軍保題列爲一等者准其以應得之官不論雙單月不入班次卽用列爲一等者以應得之官入於本班先用列爲二等者以本班應得之官選用二人之後補用如該員應用班次在先者仍照例銓補陞用照現任司官筆帖式之例分別加級紀錄准其帶於新任會典事例

內繕書房効力期滿○乾隆五年議准各部院衙門司官筆帖式選在內繕書房行走如在兩處行走列居優等者十年期滿由該處移咨過部按照該員原銜以應陞之官歸於單月修書議敘班內與從前各項議敘人員較奉旨日期先後補用其止在一處行走者雖列優等其議敘之處應量加酌減會典事例

各學教習期滿○乾隆三年奏准八旗義學覺羅學各教習三年期滿引見如有由舉人及筆帖式充補者以小京官用貢生生員充補者以筆帖式用均歸各議敘班內選用會典事例

盛京官員陞轉○乾隆三年議准盛京五部郎中員外郎主事員缺由部將在京人員照例陞選以到任之日扣限三年該堂官於將滿三年之時出具考語預行咨部註冊俟在京有應調員缺不論雙單月按該員年

滿日期先後指缺擬補其 盛京員缺歸於下月銓選行文調取該員來京引 見調補如該員任內有未完事件令該堂官將不能即行赴部緣由聲明咨部將在京員缺別行補授如未滿三年者遇有應陞之京官時以陞銜留任仍以陞銜較俸若係 盛京應陞之缺仍照常陞用會典事例

十年諭盛京五部所屬郎中員外郎主事各部原祇設有保題一缺餘皆選缺多係自京選補且係六部各衙門通選並非以在京何部人員專選盛京何部到任後於一切公事全未熟習人地生疎安能資其辦理於部務殊有關繫而盛京五部所屬之筆帖式等人數較多陞擢維艱亦不免於壅滯著軍機大臣會同吏部將盛京五部司員各缺詳細查駁按照部分繁簡酌分自京銓補者爲若干缺由本衙門題陞者爲若干缺俾五部辦事得有熟手而陪都僚屬亦可漸就疏通其悉心妥議具奏欽此遵 旨議准 盛京戶部無本處員外郎擬撥禮部本處員外郎一缺與戶部京缺員外郎互調刑部無本處郎中員外郎擬撥禮部本處郎中員外郎各一缺與刑部京缺互調工部亦無本處郎中員外郎擬撥兵部本處郎中員外郎各一缺與工部京缺互調戶刑二部事務較繁所擬本處郎中員外郎各缺均爲題缺禮兵工三部事務稍簡應於本處員外郎內各定一缺保題餘歸吏部統行論俸陞轉會典事例

大部理藩院蒙古司官陞轉○康熙十五年議准六部蒙古主事員缺由吏部兵部太僕寺欽天監等衙門筆帖式並由吏部等衙門筆帖式考用之中書五官正等不論旗分通行較俸陞補理藩院蒙古主事員缺由國子監助教理藩院筆帖式各口驛站將軍衙門筆帖式駐防游牧筆帖式並由理藩院等處筆帖式考用之中書五官正並唐古特等學之中書助教通行較俸陞轉會典事例

乾隆三年議准六部出身人員陞至六部員外郎理藩院出身人員陞至理藩院員外郎太僕寺員外郎內閣侍讀二項人員均通行論俸陞補六部理藩院郎中陞至郎中再與各部院滿洲郎中等官一例較俸陞轉又蒙古科甲人員不補理藩院司官以大部司官用會典事例

陞寢官員陞轉○乾隆元年奏准各 陵寢郎中遇有應陞員缺與在京郎中等官一例論俸開列引 見候

旨簡用會典事例

十六年奏准 陵寢員外郎主事員缺亦照郎中之例歸於月分陞選統歸於在京人員內一例陞用會典事

例

各項執事人算俸○雍正四年覆准各項執事人在部院行走已經具題對品實授者以其題實授之日算起五年限滿由部將有品級食俸者通算從前執事人俸祿無品級仍食錢糧補用九品筆帖式者通算從前執

事人錢糧照常陞用 執事人今改名拜唐阿 會典事例

贊禮郎等官較俸○乾隆元年覆准太常寺贊禮郎讀祝官鴻臚寺鳴贊官如由驍騎校護軍校前鋒護軍等項選授者俟該員食俸三年後將從前在武職上所食錢糧年分呈部註冊以二年錢糧准作一年俸祿通行

接算陞轉會典事例

遺職官員算俸○乾隆五年奏准滿洲蒙古漢軍內外各官除被災告假丁憂告病人員前任所食之俸並議敘卽陞加級紀錄均准通算帶外若緣事議處應降應革遇有 恩詔免議本案審虛開復或奉 旨以該員參處之案本屬寬抑復還原職者均准接算前俸其議敘卽陞加級紀錄亦准隨帶其餘並非本案開復以

及業經降革奉旨起用人員原係棄職用非本局冤抑開復者可比一概不准接算前俸所有卽陞加級紀錄均不准隨帶至品大之官已經降級調補後經復還原級補用先降補任內所有議敘卽陞加級紀錄亦不准隨帶至降革留任官員卅滿年限開復之日除去降革日期仍准通算前俸會典事例

十六年奏定各部院實缺司員降革卅復原官並降品卅復者均歸單月五缺之後選用各該衙門將該員奏請留部應以選缺酌量補其正途出身之額外人員旗員除捐納之外俱爲正途緣卅復不歸部

選仍回原衙門行走其從前未經年滿奉留應以後次到部之日爲始另扣行走年滿照例甄別如從前業經期滿奉留應以後次到部之日作爲候補日期與各項候補人員較日期先後補用會典事例

各官試俸○嘉慶十一年奏准滿洲人員在內捐納郎中等官以下小京官以上在外捐納道府以下知縣以上俱令其於現任內試俸三年方准照常陞轉論已未滿三年又照例卅陞者仍令於陞任內試俸三年降

革按例開復者於補任內試俸三年俱自到任之日起其試署之員於試看期滿題准奉旨及議准之日算起在內由各衙門堂官在外由各該督撫具題到日准其授銷去試俸字樣至滿洲官員由各項議敘陞補

者照捐納人員之例試俸三年方准照常陞轉再員外郎等官由主事等官論陞補其本有前俸奉旨特旨補授者俱試俸一年如係保題及本無前俸奉旨特旨補授者試俸三年若廢生補用並各項出任者俱試俸

五年方准陞轉主事等官由小京官筆帖式等論陞補並降官補用者俱試俸二年如本無前俸奉旨特旨補授及各省理事同知通判俱試俸三年如係保題及廢生補用並各項初任者俱試俸五年方准陞轉至郎

中員外郎等官缺出無試俸期滿應陞人員將俸次在前之應陞各官論俸掣籤擬定正陪候旨簡用至在

京各衙門遇有題缺出如將捐納人員題陞者查係在部候選及初捐分部未經奏留即行銓選實缺人員應於題銷試俸三年之外食俸二年方准題陞分部學習期滿奏留復又行走過三年以上始行得缺者三年期滿題銷試俸准其題陞其得缺在三年以內者如已捐免試俸毋庸復行題銷仍於得缺後扣足三年方准題陞如未捐免試俸必須歷俸四年以上方准題陞其三年期滿只准題銷試俸不准題陞如題銷試俸之後該員情願捐免試俸者准其於捐免後題陞毋庸另扣一年之限至由部推陞人員仍照舊例按俸推陞毋庸於試俸年滿後另扣年限會典事例

考試繙譯筆帖式○康熙十年四月吏部奏八旗滿洲監生識滿漢字者考試繙譯專識滿字者考試繙寫優者投爲正八品以部院筆帖式補用其漢軍監生識滿漢字者照滿洲監生例考試取用專識漢字者照漢監生考職例以州同等官用從之通典

雍正元年議准滿洲蒙古漢軍文舉人繙譯舉人貢生監生文生員繙譯生員官學生義學生等均屬應用筆帖式之人每遇考試之期由部行文各旗查送到部彙齊奏 聞造冊備卷由部將大學士以下侍郎以上御史開列具奏請 旨欽點閱卷大臣監試御史分別等第進呈恭候 欽定俟奉 旨後交部出榜註冊會典事例

考試滿洲蒙古繙譯○雍正六年議准蒙古舉人貢監生員官學生義學生等除考試滿漢繙譯取中者以各部院衙門蒙古筆帖式補用外其能繙譯滿洲蒙古字語之人由部會同理藩院考試取中者以理藩院蒙古筆帖式按旗挨次補用會典事例

又議准考試唐古特筆帖式於唐古特官學生內由理藩院考試編譯蒙古唐古特字語選取好者遇唐古特學分內筆帖式員缺由理藩院擬定正陪咨送到部引見補授其唐古特筆帖式陞用中書仍兼唐古特學行走俟陞至主事令其離學再掌印喇嘛隨印筆帖式由喇嘛行文唐古特學選取官學生擬定正陪咨送喇嘛處考試補授仍咨理藩院轉咨吏部註冊給以八品空銜不准食俸會典事例

乾隆七年奏准理藩院蒙古筆帖式缺出先將咨送貼寫筆帖式用一人次將考取蒙古字語人員用一人再將實錄館議敘人員用一人輪流用用如輪用貼寫筆帖式班次該員於每月十五日截缺以前將應用之人咨部歸於月分銓選如無合例貼寫之人即將考取與議敘之人分班用會典事例

二十五年奏准欽天監蒙古筆帖式缺出將考中滿洲蒙古編譯之人按旗揆補會典事例

嘉慶八年定托忒學生考試列一等者作為貼寫中書列二等者作為理藩院筆帖式俱食原餉學習行走三年後遇缺坐補列為三等之員留學五年後再行考試不入等第者革退其列為一等之員該學如欲令其作為教習兼教學生者亦准其照從前之案報部兼攝行走再俄羅斯學生考試一等者授為八品官二等者授為九品官三等者交學嚴加教導五年再考不入等第者革退至已經得授官品五年復考八品官又居一等陞授七品九品官者居一等陞授八品其不及等第者各照現考之等第分別降級留學若七品官又考居一等始准授為主事學分各衙門學習行走遇缺即補會典事例

考試候補筆帖式○乾隆四年奏准凡考取騎閱散編譯考取舉貢生監編譯肄業期滿拔貢印房年滿考試清字取中未經考試編譯及咸安宮官學生世家子弟奉旨以筆帖式補用等項人員均令其考試編

譯注册補用將及用完再行按數考取會典事例

盛京筆帖式考○試原定 盛京五部奉天將軍驛站邊門等處筆帖式由 盛京兵部將本處應用人員考試等第試卷進呈後由部行文在京各部院衙門咨取滿堂官職名開列奏請 欽點閱卷大臣將試卷覆加校閱擬定等第進呈奉 旨後造册咨送 盛京兵部遇有員缺咨部引 見補授其考取人員若係漢軍於未補筆帖式之先遇有外郎缺出即准挨次補用咨部注册會典事例

考試現任筆帖式○雍正元年議准現任筆帖式行走三年考試一次遇應考之年由部行文各衙門將應考之人造册咨部照候補筆帖式之例請題考試取中者留任不中者解退不算廢官如能學習繙譯下次應准考試如有得過功牌者令堂官查明奏請交與該旗以武職對品補用儻有出差患病不能赴考者該堂官即於册內注明俟差滿病痊時補行考試如臨考不到者交部議處會典事例

盛京五部現任筆帖式考試○雍正二年議准 盛京五部現任筆帖式亦應照在京考試之例交與 盛京兵部會同考試取中者留任不能中式者由部行文該堂官詢問行走如何如果行走年久辦事好者該堂官具題保留其不稱保留者解退不算廢官如能學習繙譯下次仍准考試如有受傷及得過功牌者令該堂官查明奏請以武職對品用會典事例

嘉慶九年議准 盛京考試覺羅學生繙譯列爲一等者九名添設考試漢文列爲二等者二名咨送前來查從前 盛京覺羅學生從未考取漢文今既有考取文章之人應將考取漢文人員補五缺之後將覺羅學生考取文章者用一人俟再用者取五缺後將考取繙譯者用一人各按名次補用至捐納筆帖式按照覺羅學

生之例挨補五缺後將捐納人員選用一人各按考取捐納日期各積各缺補用會典事例

駐防旗人考試障用○乾隆十一年議准各省駐防將軍都統副都統衙門筆帖式由該將軍等於各該處正身兵丁暨舉貢生監內照盛京考試之例考試繙譯不必限以額數擇其優者將試卷送部由部奏請欽點大臣覆閱每處量取數卷進呈後交造冊咨送各該處遇有員缺擬補送部引見補授無庸擬陪將次用完各該處仍應照例辦理至考取筆帖式內如有舉貢考中者補用時授爲七品生監考中者補用時授爲八品兵丁考中者補用時授爲九品均准其與在京筆帖式一體較俸陞轉如有情願改補本處武職者應酌定食俸六年以後准其於該將軍副都統等處具呈咨部准其改武後與該處預行保舉領催一同送部引見記名遇有驍騎校員缺挨次補用其並無預行保舉領催之省分令其與兵丁一同遴選得官後卽將筆帖式開選會典事例

考取各館繙譯謄錄○乾隆元年議准由部行文八旗將舉人副榜貢生生員監生官學生義學生等有情願考試者造冊送部由部查明人數照考試筆帖式之例考試繙譯清字好者多取數十人註冊遇有員缺知照到部按考定名次咨送補用將次用完之時再行照例考取會典事例

各部保題筆帖式○乾隆四年奏准各部院衙門筆帖式職司繕錄清字與辦事司官必須諳練才能指名保薦者不同嗣後一概不准保題坐補會典事例

二十九年諭近聞各部院辦事惟司員說堂畫稿而各司筆帖式經年不得常見堂官其所熟悉者不過跟班數人而已筆帖式將來俱可障用司員若該堂官未經謀面遇有保題陞用之處止以司官之言爲憑於理未

協該堂官自應於筆帖式內留心察看遇有堪以造就尙能辦事者時加訓勉以期有成嗣後各衙門司員說堂書稿時並令筆帖式隨同行走仍就各該處筆帖式人數多寡酌定班次輪流上堂識認則該堂官自可悉其才且因材造就如有怠惰庸劣之員該堂官亦可隨時參革會典事例

補用筆帖式○雍正四年題准內外各衙門筆帖式均於每月十五日截限二十日掣籤將考取人員除未滿十八歲者停其補用外餘各按旗分照考取名次擬補舉人貢生授爲七品監生生員授爲八品官學生義學生驍騎散及親軍領催庫使人等均授爲九品如有績中舉人者准改給應得品級食俸續捐監生者改給八品仍照九品食俸一應陞轉均以補筆帖式之日較算其由小京官告降考取補用者按其應補小京官品級補用會典事例

乾隆四年奏准補用筆帖式各按旗分先儘病痊起補額外坐補及先用 現任裁汰並迴避別補及年滿調補卽用 各項議敘不入班次卽用及開復人員並奉 旨以筆帖式卽用者 不積算人員補用外各項無人將考

試繙譯取中之人挨次用三人 照取中名次挨次補用次用譯敘一人 照奉 旨日期先後補用次用繕本一

人戶部八旗司繙譯兵部繕寫印軸之人同繕本之人及各部寺年滿庫使共較年滿日期先後補用次月降

補一人 滿洲降至正九品漢軍降至正八品均較奉 旨日期先後補用 各部院繕本筆帖式員缺先將驍騎

清字人員不論旗分挨原考名次輪補三人後將考清字之拔貢並考清字取中未經考試繙譯及世家子弟

咸安宮官學生等考中清字之人論名次補用一人各項清字無人除考定候補人員外將八旗生監考試

繙譯取中者不論旗分按名次補用三年期滿入於繕本班內按期滿日銓選會典事例

皇朝政典類纂卷二百三

石滿洲銓選一

皇朝政典類纂卷二百三終

選舉十四

文選滿洲銓選二 漢員銓選 滿洲開列

宗人府宗室筆帖式○雍正二年議准由宗人府將應補宗室人員引 見補授移咨過部照咨轉行戶部該旗給與七品食俸會典事例

嘉慶五年定宗人府効力筆帖式缺出先用議敘二人次用考取一人議敘內如舊班有人先用舊班一人再用新班一人各按議敘考取名次先後挨次補用造冊咨部存案遇有効力筆帖式缺出咨部覈覆相符再行補用均毋庸覆加考試會典事例

內務府筆帖式○雍正二年議准由內務府將應補人員補授移咨過部照咨轉行戶部該旗仍按其出身照依品級食俸會典事例

吏部兵部掌稿筆帖式○雍正五年覆准文選司題稿房筆帖式科房各設掌稿筆帖式二人五年期滿勳慎無過案卷清楚堂官保題以應陞之官陞用會典事例

理藩院委署筆帖式○康熙五十六年奏准由理藩院於八旗蒙古前鋒護軍領催唐古特學生蒙古學生內選蒙古字語好者考取十名令伊等仍食原錢糧書寫文移兼原差事行走俟蒙古字語筆帖式員缺補用會典事例

三庫大使筆帖式庫使調補○乾隆九年奏准三庫筆帖式並三庫掌籍筆帖式共十有五人不論旗分作為

遴選調補戶部行文各部院衙門保送六部各保送二人其餘衙門各保送一人由該庫堂官每一缺遴選二人引見調補三年滿日照例更代其更代之筆帖式即補所調員缺俟有本旗分員缺仍按調庫人員旗分銓補會典事例

步軍統領衙門筆帖式○雍正十二年奏准遇有員缺由該衙門移咨到部轉行各部院衙門於現任筆帖式內遴選老成諳練之人出具考語保送由部會同步軍統領再行遴選二四人引見補授如有奉旨記名者即行註冊俟有員缺引見補授會典事例

三旗領侍衛府筆帖式○乾隆四年奏准領侍衛府筆帖式十有二人由領侍衛內大臣於親軍內考試編譯擬定正陪咨部再行考試擬補三年期滿遇有本旗部院筆帖式員缺與外任年滿調補人員較年滿日期先後調補遇考試現任時一同考試至陞轉時將伊等得補侍衛筆帖式之日所食親軍錢糧准其接算會典事例

盛京刑部蒙古筆帖式○乾隆四年議准蒙古筆帖式二人將盛京考取蒙古編譯之人補用如盛京無應考之人即將在京考取蒙古編譯之人掣籤補用六年期滿照例調補會典事例
督撫衙門筆帖式○康熙十年題准各省督撫筆帖式員缺咨部請補者由部行文各部院衙門遴選出具考語保送過部引見補授會典事例

遴選協辦同知○雍正八年奏准歸化城協辦同知筆帖式員缺交與理藩院將八旗蒙古筆帖式內人明白能通曉漢文者選取以筆帖式原品令往歸化城協理同知辦事會典事例

八旗隨印筆帖式○康熙四十六年議准滿洲蒙古漢軍都統護軍統領兩翼前鋒統領滿洲火器營隨印筆帖式由各該都統將前鋒護軍領催騎步軍內選取能繙譯者擬定正陪咨送過部會同兵部考試補授如願在旗候補以騎騎校守衛 增 廟及城門六七八品等官補用其 景運門筆帖式由護軍統領於護軍及後左門筆帖式內遴選咨部考試會典事例

吉林寧古塔黑龍江將軍衙門等處筆帖式○康熙五十三年題准由將軍副都統選取本處應用之人坐名補授咨部註冊會典事例

吉林黑龍江將軍衙門理刑司銀庫筆帖式○乾隆二年奏准吉林將軍衙門理刑司增設筆帖式一人黑龍江將軍衙門銀庫增設筆帖式二人令該將軍於本處應補人員內遴選通曉漢文能繙譯者送部引 見補授會典事例

游牧筆帖式○雍正元年議准八旗游牧總管隨印筆帖式員缺由該總管於本處蒙古兵丁內每員缺選取二名擬定正陪咨部考試補用授爲八品食俸會典事例

粘竿處筆帖式○乾隆二十七年奏准粘竿處筆帖式三員由該處於拜唐阿內挑選咨部補放四年期滿如果行走勤敏咨部以各部院衙門本旗筆帖式員缺補用按照出身給以品級會典事例

善撲處筆帖式○乾隆三十五年奏准善撲處筆帖式六員內掌稿筆帖式二員由該處於本處筆帖式揀選送部考取補放四年期滿如果行走好照粘竿處筆帖式之例咨部以各部院衙門本旗筆帖式調補照按出身給以品級其餘筆帖式四缺由該處揀選咨部補放會典事例

補用庫使○乾隆四年奏准部寺庫使員缺由部行文國子監將本旗應補庫使之官學生詳加考試編譯每員缺取中四人將考卷一併咨部由本部堂官覆行考試擇其佳者指名坐補三年期滿免其考試入於各部繕本班內較期滿先後以筆帖式補用會典事例

八年諭據富俊等奏稱盛京戶部等四部庫使請照京城庫使之例考取等語此項庫使本應豫由該處官學生內量才考取數十名遇有缺出按名補用從前遇有一缺僅止考取一人實屬紛煩亦且難免私弊著卽照富俊等所請由該處兩翼應考之官學生內每翼考取十餘名咨行吏部註冊遇有缺出按翼按名補用其現在所出庫使一缺卽照此辦理該部知道會典事例

盛京各部庫使○乾隆四年奏准由盛京兵部會同盛京禮部將本旗未經考取筆帖式之官學生遴選二人聖補咨部註冊三年期滿與生監一同考試編譯取中者以筆帖式用不能中試者解退庫使下次考試時仍准其一同考試會典事例

十七年覆准盛京各部庫使員缺分爲左右兩翼如遇員缺仍照例令盛京兵部會同盛京禮部不拘旗分在本翼四旗官學生內考取編譯擇其佳者指補咨部註冊會典事例
三十年議准盛京各部庫使考試筆帖式取中者以筆帖式補用不中者暫免解退庫使俟下次考試仍令入考再不能中卽將庫使員缺解退另補會典事例

各處補用外郎○康熙二十九年題准八旗滿洲蒙古漢軍外郎員缺由該旗咨部行文國子監於本旗年久官學生內遴選一名咨送由部考試編譯補用六年期滿出具考語咨送到部考職錄用會典事例

嘉慶七年奏定考試八旗滿洲蒙古漢軍隨印外郎由吏部行文漢軍旗分將生監官學生諸學生造冊送部如該學生內兼養育兵者仍准考試其有兼領催馬甲敖爾布者不准咨送與考由吏部酌量附入何項編譯場內考試每旗考取四五名揆名補用俟六年期滿由該旗出具考語咨部考職以州同州判縣丞錄用 盛京外郎缺出由 盛京兵部於考試編譯候補筆帖式之漢軍生監官學生人等遇外郎缺出揆名補用咨部註冊俟六年期滿出具考語咨部考職錄用如年滿後願就筆帖式者在 盛京兵部具呈准其以筆帖式即行補用若考試取中者即將原考職銜註銷以補用筆帖式之日算俸會典事例

兵部武選司架閣科增設外郎○雍正三年奏准由兵部於領催內遴選咨部補授五年期滿並無過犯經手冊籍交代清楚本司出具印結咨部以八品筆帖式即用會典事例

福州將軍衙門增設外郎○雍正八年奏准由該將軍於學習清書已成漢軍子弟內選補八年期滿照例註冊補用若止曉清文弓馬可觀者遇有領催缺准其拔補會典事例

乾隆二年奏准廣州駐防福州駐防之例八旗增設外郎各一名由該將軍於現在國語明晰之官學生內選取八年期滿咨部照例註冊補用若止曉清文弓馬可觀者遇有領催缺准其拔補會典事例

三年奏准京口將軍八旗各設外郎一名選取熟悉國語者充補八年期滿咨部照例補用若止曉清文弓馬可觀者如馬步兵丁照閒散之例如係領催照記名領催之例以驍騎校題補遺缺仍照例拔補會典事例

各處年滿筆帖式調京○康熙九年題准 陵寢筆帖式及各省城守尉駐防協領筆帖式六年期滿由各該處出具考語咨送到部由部查覈相符以本旗月分所出之在京各部院衙門筆帖式員缺論期滿之前後先

行調補會典事例

盛京驛站筆帖式停調補○雍正十一年議准 盛京 三陵總管及驛站等處筆帖式無年滿之例停其調補盛京五部止與在京部院衙門筆帖式一同論俸陞轉會典事例

筆帖式病痊起補○康熙元年議准筆帖式有不願在伊本衙門行走因而告病解退希圖別補好衙門此等人員起補時仍俟伊本衙門有缺補用會典事例

補用天文生○雍正五年議准欽天監滿洲漢軍天文生缺除舉人貢生並原任筆帖式不行補用外於考試編譯取中之監生生員官學生義學生內各按旗分名次歸八月選與所出筆帖式員缺一例掣籤補用不算筆帖式班次如有缺本旗無應擬之人則扣留俟有取有人之日再行補授不准借補別旗之人會典事例

嘉慶二年奏定除漢軍天文生定額八缺按旗選用外滿洲蒙古天文生十六缺以八缺為滿洲八旗額缺以四缺為滿洲左翼二缺右翼二缺以四缺為蒙古左翼二缺右翼二缺蒙古天文生如轉補旗分無人將以次旗分之人轉補所有蒙古博士二缺以一缺在蒙古筆帖式內題補以一缺在蒙古天文生內較俸陞用會典事例

選擇貼寫中書○乾隆五年議准內閣貼寫中書員缺八旗共四十八人內滿本房二十四人每旗定為三人漢本房十六人每旗定為二人由內閣知會到部行文各部院各該旗各按旗分將現在候補筆帖式內除坐補

原部及先用即用人員外其餘無論已未考取註冊各部院繕本筆帖式及文舉人編譯舉人貢監生員官學生義學生等移咨過部轉送內閣會同考試選取補授照筆帖式例給俸會典事例

生義學生等移咨過部轉送內閣會同考試選取補授照筆帖式例給俸會典事例

生義學生等移咨過部轉送內閣會同考試選取補授照筆帖式例給俸會典事例

又定內閣貼寫中書八旗共四十缺滿本房一十四缺每旗定爲二缺漢本房十六缺每旗定爲二缺滿本房學
習十六缺每旗定爲二缺漢本房學習十六缺每旗定爲二缺遇有缺出先用議敘一人次用學習一人如用學
習到班時無論學習日期按考定名次先後相間輪用會典事例

十二年定內閣蒙古貼寫中書六缺添設學習中書八缺遇有缺出不論旗分先用議敘一人次用學習一人
如用學習到班時無論學習日期按定考取名次先後相間輪用會典事例

三四品官廕生補用筆帖式○乾隆五年奏准漢軍三品四品官廕生分部者學習期滿准其入於議敘班內
以學習期滿日期較先後補用各部院衙門筆帖式三品官廕生授爲七品四品官廕生授爲八品會典事例

繙書房筆帖式○乾隆十五年奏准將戶部刑部筆帖式額內各撥給五人遇缺不論旗分亦不分滿洲蒙古
漢軍員缺於繙書房行走人員內遴選咨部引見補授如有應補之人於每月截限以前咨部卽行坐補附

於月選筆帖式內引見補授俟有本旗缺翼缺卽行補選會典事例
翼缺輪流間用○乾隆三十七年定左翼四旗公缺缺出鑲黃正白鑲黃正藍四旗輪流轉補右翼四旗公缺

缺出正黃正紅鑲紅鑲藍四旗輪流轉補如有各衙門奏留不論旗分借補者將來調補本旗時或係本旗所
出之額缺或係翼缺應輪至本旗之缺悉准調補會典事例

筆帖式庫使借缺遺抵○乾隆三十七年定各部院衙門繕本筆帖式年滿庫使如果辦事熟悉准該堂官奏
請保留不論旗分先行借補俟有本旗缺出再行調補其借補之缺另行銓補會典事例

考試健銳營八旗官學教習○乾隆四十七年定健銳營八旗教習八缺由吏部行文八旗滿洲蒙古漢軍應

行考試人員造冊送部奏請 欽點大臣監試御史嚴加考試錄取數名交部註冊遇有缺出按名次充補如
果教導好三年期滿准其以筆帖式補用平常者卽行駁回會典事例

裁缺筆帖式○乾隆三十三年定筆帖式裁缺另補除滿洲旗分毋庸分部學習外如係蒙古旗分之人裁缺
係未經得缺之先吏部傳令聖籤分派各部院衙門學習行走會典事例

軍營回京候補蒙古筆帖式分部○乾隆四十七年定各處軍營蒙古額外筆帖式由奮勉効力經該處大臣
奏請以筆帖式補用者俟年滿回京引 見後照調京人員之例未經得缺以前准其掣分各部院衙門學習
行走會典事例

註銷候補筆帖式○乾隆三十七年定各項候補筆帖式復經考中貼寫中書有情願註銷候補筆帖式除筆
帖式遇缺頂補之人仍不准註銷外如非頂補者一體准其註銷等候貼寫中書補用會典事例

候補繕本筆帖式等項人員補缺○乾隆五十六年定考取候補繕本筆帖式八旗司貼寫筆帖式庫使繙譯
勝錄等官遇缺應補時適遇丁憂未滿百日者均停其補用俟百日孝滿遇有缺出仍按名次卽行坐補會典
事例

補用新疆各處筆帖式○乾隆五十四年定各處新疆筆帖式員缺由各該將軍辦事大臣於各本處另戶委
署筆帖式兵丁內挑補咨部查覈補放如有不合例者具奏駁回會典事例

右滿洲銓選二

分月選官○順治初年定雙月推陞大選單月急選會典事例

投供驗到○康熙二年定投供銓補例舊例凡缺出於十二日以內到部者作本月之缺十三日以後到者作下月之缺雙月大選於單月十五日投供點卯單月急選於雙月十五日投供點卯至是奉 諭旨大選急選投供日期若距選期太近揀選出缺美惡易於滋弊以後改每月初一日投供自投交到部後隔一選銓補初選官投供結候補官止投原籍印結俱令親身赴部通考

閏月停選○康熙九年題准閏月不行選官其候選官亦不令投供驗到會典事例

京察大計停陞○順治十三年議准內外各官遇京察大計之月題明停其陞補俟出榜後仍按各月所出之缺陞補會典事例

嘉慶五年諭向來四五品京堂及翰林院讀講學士並左右庶子等官每遇京察之年係吏部開列王大臣名單請旨簡派驗看分別等第吏部帶領引見但此等人員職分較大係朕特加簡擢伊等與王大臣向無交涉事件又無統屬其賢否何由深知所定等第亦未必確實況於驗看後仍須帶領引見又何必多此一番驗看為耶嗣後四五品京堂及翰詹學士等官卽照三品京堂之例一體帶領引見不必由王大臣驗看著為令會典事例

截取候選官員○康熙四年諭候選各官酌量出缺多寡應截留者留京候選其餘聽其回籍俟選期將近咨令赴部會典事例

四十五年諭嗣後教職截取選授知縣人員其到任五年後該督撫以衰老甄別者則原驗之督撫大臣毋庸議若未屆五年卽以衰老被劾則距原驗時甚近何至遽形衰邁其察驗時之不實可知卽將該督撫及

派出驗看大臣均照例議處著爲令會典事例

候選文結○順治初年定旗員取本旗都統印文漢員取原籍地方官印結開明科分名次年貌籍貫及三代履歷並無假冒頂替違礙事故在京師中以下小京官以上在外道府以下七品官以上取具同鄉京官印結人文到部於單月初一日驗到如有該撫咨報起程之文而無原籍印結者不准入選會典事例

康熙四年八月議準截留官員照例挨次取選令於單月初一日親身赴部投遞互結通志

十年題准截取官員如丁憂回籍服滿起文赴部者仍照原班名次挨選會典事例

又議准候選官若途中遺失赴選文取具該地方印結投部查對與該省咨報本官起程日期相符者准取京官印結候選會典事例

候補文結○順治初年定凡丁憂治喪服滿及病痊假滿漢官取具原籍印文旗員取具都統印文其裁汰迴避降調及降革還職解任開復者均取具原任印文人文到部於雙月初一日取具京官印結投部驗到單月遇有員缺照赴補之文先後挨補其部寺司務不專補原部寺員缺遇單月所出各部寺員缺補授京官候補坐補原衙門惟部寺司務通補內閣中書不歸月選具題補授不拘雙單月人文到部遇有員缺由內閣移送

准其先補會典事例

正八品以下候選候補官○康熙六十年題准八品以下應選人員停其投供驗到在籍候選文憑咨發該撫驗看如有出身不正行止不端及年老殘疾之人咨部革退會典事例

雍正七年議准冊報到部之職吏員由部開明令該督撫府尹傳齊驗看衰老者休致年力精壯者照限彙

册報部如已驗之人將次用完再行文各省督撫府尹驗看凡正八品以下均給文咨部即准候選考職吏員
經年久遠多有年力衰邁故必驗看報部方准銓選 會典事例

教職候選候補○順治十年議准教職就近選補令在籍候憑仍取地方官印結並親供三代履歷本身年貌
報部會典事例

文結分投部科不准臨選駁查○康熙五十一年議准凡赴選官員取具文結分送部科會典事例

六十年應准赴選文結內小有舛錯取有都統咨文同鄉官印結即准改正不必再行駁查如有應行駁查之
處限二十日內駁查文結換到亦不再扣五十五日之限至投供驗到各員限十日內查明二十日內註冊其
註冊日期亦不再扣五十五日之限其服滿病痊文內有候補候選字樣者停其重取文結會典事例

文結投部定限○康熙四年題准在京者限十日直隸限兩月山東山西河南限三月江南江西浙江湖廣陝
西限四月福建四川廣東廣西貴州限五月雲南限六月會典事例

開缺截限○國初定內外官員推陞更調告假遷葬省親告假遷葬省親等項乾隆七年定以各衙門咨到之
日開缺

增設復設等項均以奉 旨科抄到部之日開缺丁憂終養俟稽勳司移付文選司開缺休致告病解
任督審降調革職提問及大計京察甄別處分官員均俟稽功司移付文選司開缺斥革官據督撫咨册開缺
病故官京官由本衙門咨文外官由督撫咨册或科抄揭帖先到者即行開缺承襲官爵者由該旗咨送開缺
在京領憑及外官奉差到京病故者據該城司坊官申報開缺會典事例

嘉慶十六年議准各衙門查覈行文期限吏部以堂到發司之日起文選司限五日具稿呈堂堂官亦限五日

內畫齊扣滿十日行文不得故遲亦不得少速以杜壓缺趕缺之弊如有違者即將該司員交都察院議處
有不合例事故例應駁查者以後次咨到之日起限惟每年恭遇 皇上啟鑾前後封築屆期各衙門查覈到
部在半月以前者即飭司趕辦行文無庸拘定十日定限以便帶領引 見至各衙門題補應行引 見之員
前經議奏定限三十日內帶領今既嚴立限期各衙門亦應一體明定例限嗣後各衙門於出缺之日起限十
日內查覈吏部按限查覆後各衙門限十日內帶領引 見前後統限二十日仍於引 見後將日期知照吏
部及稽察各衙門查明有無往返駁查如有遲延即查取職名議處其所遺月選之缺在二十日以前出缺者
即歸本月在二十日以後出缺者即歸下月不得遷就挪移會典事例

十四年七月奉 旨此後若朕在京月選州縣有掣籤後告病者準附於下月引見如下次尙未病痊該部即
行開缺至遇朕巡幸之前兩月有托病不即引見冀下月驗放者一經具呈告病即扣除開缺將來另選得缺
仍著該部於帶領引見時將該員原選缺分之遠近繁簡字樣一併註明候朕定奪著為令通考

五十年十月御史梁景陽奏月選人員告病無論何項官員概定以一月之限逾限不痊即行開缺將來病痊
照例以原缺坐補從之通志

職官掣籤○國初定二十日截缺二十一二兩日司議二十三日堂議後出序單二十四日過堂同官同日及
兼項者掣定二十五日於 天安門外封籤公同看掣 出差外任及在籍人員堂官代掣 臨期無故掣籤不到

書付考功司詳處會典事例

順治十八年定吏部掣籤例大選急選之日吏科河南道各滿漢官一員赴部驗明缺籤公同封固吏部堂官

聖鏡科道官掣缺錄通考

月官考驗○順治初年定京官主事以上外官知縣以上及由知縣陞任之中書評事博士等官並各部寺司務直隸州州同州判均令考試會典事例

雍正七年飭考試月官摺子密封進 呈選人得缺之後順治年間令吏部當堂考其身言糊名考其書判分爲三等進士舉貢不論甲第考案前後總以考試等第爲次序其法未久輒停至康熙年間令寫履歷以三百爲限又有九卿驗看之例月官內有行止不端出身不正者各據見聞陳奏後又定月選各官所得地方繁簡難易必預爲籌畫何以治民何以厚俗以及催科撫字之術獄聽訟之方令各出已見詳陳一二事於繕寫履歷之後以觀其才識其補任陞任之員令其將舊任地方利弊明白敷陳至是奉 諭旨月官條奏原欲觀其人之存心今漸有將地方關係事務條奏者伊等新進小臣恐或受人囑託或將條奏事件在外聲揚以沽虛名或刻入文集此等情弊一經查出必治以重罪爾等卽明白傳諭嗣後月官考試履歷令其密封進呈

四年奉 諭旨月選各官考試履歷條奏原以觀其學識卽知將來之趨向今考試各官內將所進履歷條奏詢問本人竟有不能奏對者明係倩人代作甚屬不合嗣後如有預倩親友代作者一經查出將代作之人與本人俱以違旨例治罪通考

四十一年諭朕向來駐蹕熱河所有月選文武各員令該堂官帶至行在引見如遇巡幸各省則月選之文員通判州縣等官武員驍騎校千把等官卽令留京辦事王大臣驗放不使選員久羈旅食以示體恤第王大臣

考者擬三十原備擬進備有卿科相官掣否驗

雙月選法○郎中員外郎主事均先儘丁憂服滿坐補原部之人如無人用病痊假滿坐補原部之人又無人郎中用推陞四人捐納一人員外郎用推陞二人捐納一人廩生一人京官推陞五次之後將在外同知知州推陞一次京官每遇雙月陞班不論員缺多寡均爲一次俟五次後將在外同知知州遇雙月推陞班次亦不論員缺多寡陞用一次仍歸陞班積算本月無缺或未用陞班仍不過班京官推陞六人之後將漢軍各部堂主事推陞一人漢軍司主事均歸併漢官一同較俸陞轉惟漢軍堂主事別立陞班俟司主事等官陞用六人之後陞用一人不入二陞分內積算主事推陞漢小京官二人學習進士一人散館庶吉士一人捐納一人廩生一人推陞外官二人學習進士一人散館庶吉士一人捐納一人廩生一人漢小京官推陞兩班之後每班每人將漢軍小京官筆帖式等推陞一人主事以上漢軍歸併漢官小京官以下漢軍漢人仍各分額故漢軍小京官筆帖式別立陞班不入一陞分內積算○乾隆十九年奏准漢軍例不用刑部又吏禮兩部專屬進士出身之人漢軍應陞時遇此三部缺卽行通班扣除嗣後遇漢軍例不得用之缺下月有合例之缺卽准補陞仍於原過班月分積算○三十九年奏准分部進士三年期滿分別留部改補將學習進士一班刪去○五十年議准大考翰詹改補主事人員作爲正班雙單月選法學習進士一人改爲翰詹大考改部一人都察院都事入於主事班內一例陞選乾隆十七年奏准改爲一選一陞京府治中嘉慶四年奏准改爲一選一陞○六年奏准選班內廩生與捐納之人間用通判經歷光祿寺署正典簿太常寺典簿鑾儀衛經歷詹事府主簿均四選一陞通政使司經歷知事二項合爲一班○乾隆十七年奏准知事改爲一選一陞中書科中書大理寺評事太常寺博士三項合爲一班總計四選一陞選班內廩生與捐納之人間用廩生捐納均爲選班一廩一捐

輪用兩次爲四選如捐納無人即用廩生廩生無人卽專用捐納統計應捐選用四人之後方用推陞一人
院經歷四選一陞選班均用廩生乾隆十一年議准四選分內廩生與捐納間用大理寺寺正均歸推陞乾隆
十一年議准捐納之人與陞班之人間用十七年奏准改爲寺丞部寺司務一選一陞選班專用捐納之人國
子監監丞向例揀選乾隆三十四年定改歸月選先儘應補之人如無人用進士一人舉人二人與捐納之人
輪流間用○三十九年奏准如應補無人用進士分部學習期滿改補之人國子監博士典籍乾隆十一年議
准捐納之人與陞班之人間用○嘉慶十六年奏准博士缺出用科甲捐納一人外陞府教授一人京陞一人
京陞由國子監學正學錄內倫俸推陞國子監典簿向例揀選乾隆三十四年定改歸月選先儘應補之人如無
人用進士一人舉人二人與捐納之人輪流間用翰林院典簿禮部會同館大使乾隆十三年議准俱歸推陞
翰林院待詔向例揀選乾隆三十四年定改歸月選選用舉人二人捐納一人○嘉慶四年奏准雙月捐班之
後用推陞一人在外道府計缺輪流間用第一次用漢班一人在外推陞一人道由郎中知府推陞知府由員外
郎同知運同治中直隸州知州推陞卽陞卓異班內用二次俸深班內用一次如卽陞卓異無人仍將俸深班
用卽陞卓異班內先儘卽陞次用卓異○乾隆五十五年定嗣後漢科道照六部漢郎中之例都察院分別繁
簡送部截取御史以知府用科以道用○又定道員缺出內班用記名給事中一人推陞外官一人捐納一人
知府缺出內班記名御史與記名郎中相關輪班陞用一人外班運同等官陞用一人捐納一人○嘉慶元年
奏准嗣後雙月道府缺出一內班一外班一捐班捐班無人過班內班無人應用員缺缺官簡放外班到班
輪用卽陞卓異各二人俸深一人卽陞無人以卓異卽陞卓異無人以卽陞抵卽陞卓異俱無人過班捐納一人

漢班一人在外推陞一人捐納一人滿班一人第二次用漢班一人外班推陞一人捐納一人滿班一人而復始向例道府督值郎中應陞月分令其兼舉○乾隆十七年議准郎中以進陞用員外郎以府陞用又奉旨滿員保送道署暫行停止○四十五年奏准員外郎暫取知府停止運同同知知州提舉均一選一陞同知陞選兩班之後用滿洲小京官記名以同知用一人直隸州知州專用應選之人主事等官記名滿漢分班計缺間用○乾隆四十一年奏准嗣後六部及步軍統領衙門主事先儘京察一等人員保送記名如一等無人准於二等內詳加甄別保送滿漢合爲一班統較本任俸次先後改爲二陞班一捐納通判四選一陞陞班之後用滿洲小京官記名以通判用一人知縣進士五人舉人五人捐納四人捐納無人將舉人抵選推陞三人凡十七人爲一班進士一班之後用新進士二人新科進士奉旨以知縣即用者無人將應選之進士抵選舉人一班之後用俸滿教職二人各省教職六年俸滿保題奉旨以知縣用者無人將應選之舉人抵選兩班之後用舉人教習一人計班選用只將正班積算餘仿此○乾隆四十七年奏准嗣後應隨舉人班次後用之各項插班人員如遇舉人投供員數短少卽接班接選毋庸計缺○嘉慶七年奏准舉人教習到班與貢生教習一體選用二人三班之後用漢軍舉人一人貢生教習一人乾隆三十七年議准貢生教習改爲舉人二班之後選用二人推陞一班之後用滿洲俸深筆帖式一人兩班之後用滿洲舉人一人嘉慶十一年奏准漢軍舉人作爲雙月正班三班後陞班之末選用一人直隸州州同專以舉人選用直隸州州同併入知縣內將應選知縣之舉人按缺備擬一例兼舉將掣得之人擬補如止出有州同缺卽將科分名次在前之人坐補○乾隆三十年議准改用舉人四人捐納一人州判以恩拔副榜貢生選用經各省驗看以直隸州州判咨補者

通較年分先後同年者一例製籤將製得之人擬補二缺之後用恩拔副榜捐納一人其餘州同州判縣丞均
四選一陞選班內用貢監考職一人捐納一人恩拔副榜考職輪用二人貢監考職選用七人之後用外郎考
職一人外郎考職入於貢監考職分內積算○嘉慶五年議准選班內用恩拔副榜考職二人捐納二人陞選
七缺之後用外郎考職一人不積算選班之缺教授專用進士就教之人無人將學正教諭論俸推陞仍算前
俸與縣丞等官一體陞轉經制學正教諭四選一陞選班專用舉人教職之人四選一陞之後用舉人教習一
人明通舉人三人下第舉人揀選明通久停○嘉慶五年奏准舉人教習改用二人復設教諭用恩貢一人拔
貢一人副榜一人由正途捐納一人捐納舉人以舉人就教者抵補貢生教習一人 乾隆三十七年議准貢
生教習改用一人明通舉人二人下第舉人揀選明通久停教習輪用二人之後將肄業期滿之恩拔副貢選
用一人貢生教習每班改用二人肄業期滿恩拔副貢改爲教習輪用四人之後選用一人經制訓導專用歲
貢候選之人復設訓導用歲貢二人由廩生捐納一人歲貢教習一人教習輪用二人之後將肄業期滿之歲
貢優貢選用一人正八品府經歷四選一陞選班內用在京吏員一人在外吏員二人各分一應考職吏員一
捐如先用京應一人次用外應外捐各一人再用京捐一人外應外捐各一人以下仿此大選四班之內用監
生捐納一人吏員考職捐納不論京外計三缺後用監生捐納正八品一人主簿吏目均四選一陞選班內用
監生一人吏員一人各分一應一捐如先用監生考職一人次用吏員考職一人再用監生捐納一人次用吏
員捐納一人按次輪用其吏員考職捐班仍以一京兩外分算與正九品一同積算歲貢考職二人四選一陞
之後各用漢軍貢監考職一人正九品四選一陞選班內用在京吏員一人在外吏員二人各分一應一捐從

九品四選一陞選班內用在京吏員一人在外吏員二人各分一應一捐監生捐納一人州縣總吏京通倉書
提牢典吏於外應之後選用一人其應用班次內三項合爲一班一班之內再加分晰先用總吏三人次用倉
書一人再用提牢典吏一人以次輪用內閣六部事繁書吏每於京應京捐之後各選用一人太常寺等衙門
事繁書吏止於京捐之後選用一人乾隆七年定京應京捐之後用漢軍告降一人未入流選法與從九品同
惟禮部儒士以府檢校坐補如府檢校無缺俟典史選用十四人之後將儒士選用一人以上正八品正九品
從九品未入流除各項不入班次卽用人員併陞班貢監考職儒士供事不積算外計吏員選用如吏員捐納
者職總吏提牢典史倉書事繁書吏均積算七人之後用內閣供事一人宗人府供事隨內閣供事挨班輪選
一人十四缺之後用律例館供事一人乾隆二十一年奉旨著於律例館議敘供事選用兩班後用步軍統
領衙門年滿書吏一人其餘各缺均四選一陞凡應選各缺例內未經別立班次者均用四選一陞選班無人
均歸推陞每月月選後註冊下次積算會典事例

單月選法○郎中以外郎主事先儘服滿坐補原部之人次儘病痊假滿開復坐補原部之人如皆無人郎中
用應選之人嘉慶七年奏准添京陞一人員外郎用降補一人捐納一人嘉慶七年奏准添京陞一人主事用
行取二人知縣行取乾隆十六年停學習進士一人乾隆三十九年奏准刪除○五十年議准學習進士班次
改爲翰詹大考改部一人散館庶吉士一人降補一人捐納一人嘉慶七年奏准添京陞一人國子監監丞典
簿向例揀選乾隆三十四年改歸月選○又定先儘應補之人無人用進士一人舉人二人與捐納之人輪流
間用○三十九年奏准監丞如應補無人次用分部學習期滿奏明改補之人翰林院待詔向例揀選乾隆三

十四年改歸月選○又定先儘應補之人無人用舉人一人捐納一人○嘉慶七年奏准添京陞一人道員先儘科道外轉之人乾隆五十五年科道內陞外轉都察院三年題請之例停如無人用應補一人捐納一人嘉慶七年奏准添京陞一人知府直隸州知州用應補一人捐納一人嘉慶七年奏准添京陞一人知縣用服滿西人請復二人捐納四人進士四人新進士二人舉人四人俸滿教職二人鹽場期滿一人嘉慶七年奏准添京陞一人捐納新進士俸滿教職無人將應選之舉人抵選直隸州州同用應補一人舉人一人捐納一人乾隆三十年定兩班之後用捐納一人直隸州州判用應補一人恩拔副榜就職一人捐納一人如應補捐納無人州同將舉人選用州判將恩拔副榜就職人員選用教授專用應補之人經制正諭用應補一人明通舉人一人應補無人將明通舉人抵補明通舉人今停訓導專用應補之人復設教諭用應補一人應選二人捐納一人明通舉人二人捐納無人用明通舉人抵選明通舉人今停訓導用應補一人應選二人捐納一人應補無人將應選者抵補京府治中通判都察院都事大理寺丞光祿寺署正通政司經歷知事太常寺典簿鑾儀衛經歷詹事府主簿都寺司務翰林院典簿國子監典籍運同同知知州通判布政司經歷理問州同嘉慶七年奏准用一應補一捐納一京陞餘皆補班凡服滿假滿降革解任開復降調別補均爲補班通較文到日期先後與捐納同用凡應選各缺例內未經別立班次者均用一應補一捐納應補無人專用捐納捐納無人專用應補註冊下次接算不行還班如單月無人歸於大選會典事例

官員給憑○順治三年定在京官以除授日爲始在外官以領到吏部照會日爲始各依定限赴任其外官陞轉京職亦行給憑會典事例

繳憑○順治四年議准各官領憑到任後送該督撫藩司繳部並到任日期均按季繳報內有違限吏科覈實
題參會典事例

同治元年諭內閣本日吏部具題繳憑違限之鮑懷隆調一本經內閣票擬雙鏡進呈已准將繳憑違限半年
以上之湖南辰溪縣知縣鮑懷交該督撫出具切實考語送部引見矣近年軍務省分銓選各員往往沿途逗
遲藉詞規避嗣後遇有此等違限之案著該部將領憑繳憑年月日期詳細聲明不得以違限半年以上等詞
籠統聲請以杜規避而免牽混 聖訓

扣除別補○雍正六年諭扣除別補人員爾部於每月月選之前將該員應否令其一體掣籤之處具奏請旨
會典事例

遇缺卽用○雍正十二年議准奉 旨卽用人員無論雙單月不入班次卽用會典事例

又議准凡裁缺赴部別補之員人文到部無論雙單月不入班次卽用會典事例

乾隆四十五年奏準嗣後欽奉 特旨卽用人員仍照舊例遇缺卽補其修書優敘卽用之員請與正班人員

分缺輪流間用通志

計缺選用○乾隆四年奏准奉 旨補用人員除外任降革起用均歸於單月開復應補班內以奉 旨日期

與各項候補人員按投文日期統較先後挨補其凡有本班可歸者仍歸本班銓選如有並無班次者歸於月

選不論雙單月是否積缺一併計算俟五缺之後選用一人照奉 旨日期先後挨補其郎中員外郎主事凡

有應歸月選之缺無論保題月選一併計算五缺之後選用一人會典事例

特用部屬○乾隆四年奏准凡奉 特旨補用部屬人員除本人原係候補候選降革廢官並原係現任部屬仍以部屬陞用及外任改補京職者均俟補官後再行赴部任事外其餘現任在京文職武職奉 旨以部屬用者如業經指定部分即令其先在該部額外行走仍食本身原俸俟有缺出該堂官遵 旨題補未經指定部分者掣籤分發各部行走亦照本身職銜食俸俟有缺出由部照例銓補會典事例

降調官員得缺後引 見○雍正十三年議准知縣以上官員蒞任後隸事降調者該員赴部候補得缺時不論品級均與戶選官一同引 見請 旨其未經補缺以前如有業經引 見奉 旨照所降之級用者俟月選得缺時係知縣以上仍照例引 見係不應引 見之員毋庸再行引 見會典事例

勒休人員引 見○乾隆三十七年定勒休人員引 見奉 旨仍以原官用者應照降革起用人員之例入於開復班內與各項開復人員通較奉 旨投文各日期先後挨補會典事例

廢生外用○乾隆元年奏准廢生引 見奉 旨內用者本有正班外其有奉 旨以同知知州用者應歸於雙月一選一陞之後選用一人以通判用者歸於雙月四選一陞之後選用一人以知縣用者歸於雙月捐班之前選用一人會典事例

七年定難廢生應用外任者均歸於雙月捐班之前選用會典事例

查奏廢官○乾隆三年定都察院查奏廢官引 見奉 旨以主事用者歸於單月學習散館庶吉士降補捐納輪用一週之後選用一人會典事例

保舉選用○乾隆四年奏准各省保舉孝廉方正及保薦幕賓奉 旨以知縣用者歸於雙月五十一人之後

選用一人奉 旨以佐雜等官用者歸於單月一應補一捐納之後選用一人以直隸州州同州判用者俟單月補用一人之後選用一人直隸州州同州判舊無捐班孝廉方正奉 旨以教諭用者歸於雙月以後設教諭恩拔回捐輪用一週之後選用一人以訓導用者歸於雙月以後設訓導肄業人員選用兩班之後選用一人會典事例

教職俸滿○雍正四年議准各省教職六年俸滿該督撫學政保題引 見奉 旨以知縣用者歸於雙單月舉人班次之後各選用二人會典事例

新科進士○乾隆六年議准新科進士奉 旨以知縣即用者歸於雙單月進士班次之後各選用二人如雙月新進士無人將進士抵選單月新進士無人將舉人抵選會典事例

鹽大使庫大使俸滿○乾隆四年奏准舉人候選知縣及貢生候選州同州判補授鹽庫大使五年期滿保題以應得之缺用者如係知縣歸於單月舉人四人之後選用一人如係州同州判歸於單月一應補一捐納之後選用一人如係直隸州州判歸於單月補用二人之後選用一人會典事例

鹽大使庫大使補用○乾隆三十年定鹽庫等項大使缺出改爲一應補一捐納一舉人如應補無人即以舉人抵用會典事例

各學教習期滿○康熙七年議准國子監教習由貢生者補者三年期滿國子監咨送到部以知縣註冊入於本年據選舉人之後選用會典事例

雍正十三年議准舉人教習奉 旨以知縣用者應將前五年舉選用之例酌改歸於雙月十舉之後選用一

人其由貢生出身者原非應得知縣之人凡教習期滿奉 旨以知縣用應歸於雙月陞選五十一人之後選用一人其以教職用者舉人以學正教諭入於雙月四選一陞之後選用一人恩拔副榜貢生入於雙月恩拔副捐輪用一週之後選用一人歲貢以復設訓導入於雙月兩歲貢一捐納之後選用一人會典事例

司官外用道府○乾隆十四年議准各部漢郎中陞用道府由部於各部俸深郎中繳行截取十人令各堂官秉公保舉出具考語分別才具或宜於繁或宜於簡或只可留部辦事者一併咨送過部引 見恭候 欽定奉 旨記名以繁缺簡缺用者按其俸次週缺挨次陞用俟將次用完再行取奉 旨留部人員屆應陞時准其於現任內加一級註冊會典事例

主事等官外用直隸州知州○乾隆十三年奏准將六部滿漢主事令各該堂官秉公遴選保送吏部彙齊人吸引 見記名後遇有直隸州知州選缺按依俸次歸於雙月一滿班一漢班輪流間用會典事例

十五年議准品級陞轉與主事相同之宗人府經歷都察院都事經歷大理寺寺丞太常寺滿寺丞光祿寺滿書正均令各該堂官一例遴選保送補用不必按月分班定以一滿一漢計缺輪用會典事例

黑龍江蒙古塔等處倉官年滿陞用○乾隆六年奏准倉官由漢軍人員補放者三年期滿該堂官保題到部歸於雙月遇各司漢主事缺出入漢軍班次之內俟漢軍俸深陞用一人之後將倉官陞用一人會典事例

滿洲蒙古小京官外用○乾隆七年議准滿洲蒙古小京官引 見以同知通判記名者雙月同知一選一陞兩班之後陞用一人通判四選一陞之後陞用一人會典事例

滿洲蒙古文舉人選用○乾隆七年議准滿洲蒙古文舉人出身之筆帖式閒散文舉人奉 旨以知縣用者

於雙月五甲五舉四捐三陞輪用二班之後選用一人會典事例

滿洲蒙古俸深筆帖式外用○乾隆十四年奏准滿洲蒙古俸深筆帖式奉 旨以知縣記名者雙月以三陞

之後陞用一人會典事例

選拔貢生銓選教職○乾隆三十年定各省選拔貢生 朝考後揀選引 見以教職錄用遇有復設教諭併

訓導復設訓導勒令休致之缺無論文內有無甄別字樣併大計年老有疾勒休者先儘此項人員選用俱不

積缺如至同年拔貢開選時而引 見之員尙未選完卽併入拔貢本班先儘此項人員銓補俟選完之日再

將同年歸班各員以次輪用會典事例

分部學習選拔貢生期滿甄別改補○乾隆四十八年議定分部學習選拔貢生三年期滿甄別奏明仍以直

隸州判復設教諭改補者聽其就職銓補歸於雙單月先儘銓補其有六年期滿甄別奏明以各衙門正從

七品小京官內閣中書酌量改補者遇有各項缺出例應先儘應補之人仍先儘應補人員銓補如並無先儘

應補之人俱准其以奉 旨之日註冊投供驗到扣足限期歸於雙單月先准銓補教職毋庸扣限會典事例

內閣漢典籍中書俸滿截取○乾隆二十八年議准典籍接算中書之俸中書試俸一年仍接算俱扣限六年

滿後按俸截取行文內閣分別內外用保送引 見請 旨記名以主事同知分別註冊歸於雙月不論何

項缺出五缺之後陞用一人會典事例

嘉慶七年奏准單月照雙月之例五缺後陞用一人會典事例

漢中書小京官京察記名○乾隆五十一年奏准漢中書小京官京察一等記名外用各以應陞之同知通判

註冊於俸滿截取記名人員之前先行陞用一人再到班時再行陞用一人如遇俸滿記名無人即以奉旨之日註冊歸於雙月不論是否積缺一併計算五缺之後陞用一人不積俸滿記名之缺漢軍筆帖式按照品級各以應陞之知縣通判運判州同州判縣丞於俸深人員到班時先行陞用一人均不積陞班之缺遇各省奏請揀發亦准一體揀選會典事例

各項小京官外用○乾隆五十年議准各項小京官俱扣限六年滿後按俸截取行文各衙門分別內用外用保送引見請旨記名分別註冊部寺司務太常寺博士典簿漢軍博士中書科中書大理寺評事內閣漢軍典籍中書通政司經歷知事國子監監丞博士助教光祿寺署正鑾儀衛經歷十五項外用者以同知註冊詹事府主簿光祿寺典簿國子監學正學錄翰林院典簿外用者以通判註冊俱另立一班歸於雙月不論是否積缺五缺之後陞用一人內用者仍各歸原班論俸內陞會典事例

嘉慶七年奏准外用者單月照雙月之例五缺之後陞用一人內用者各於應陞項下應補捐納之後添設京陞班次會典事例

兵馬司吏目陞用○乾隆三十七年議准五城兵馬司吏目應俸三年都察院保薦咨送引見照例陞用者自奉旨之日起以該員應得之缺歸於雙月陞選十缺之後陞用會典事例

嘉慶六年奏准俸滿兵馬司吏目於單月各項應陞項下各計一應補一捐納十缺之後陞用一人會典事例
候補候選人員告降○康熙五年議准通判告降以按察司經歷知事布政使司都事鹽運使司經歷外府經歷京外縣丞外衛經歷州同州判告降以縣丞用正九品之主簿等官告降以從九品等官用會典事例

十四年題准提舉告降以府通判用銜經歷告降以府經歷用會典事例

二十二年題准運副告降以府通判用凡例內未經指出者不准告降降補之後不准仍帶原銜凡告降官均

令取具在京文官印結具呈投部准其告降以具呈日期註冊附於本年本班之末選補會典事例

本籍接壤迴避○順治十二年題准在京戶部司官刑部司官迴避各本省司分戶部福建司兼管直隸八府

錢糧直隸人亦應迴避在外督撫以下雜職以上均各迴避本省教職原係專用本省止迴避本府會典事例

康熙四十二年遵旨議定候補候選知縣各官其原籍在現出之缺五百里以內者自行迴避於每月二十

日截限後將原籍住址及界連省分接壤相去現出之缺在五百里以內者如本人原籍住址在某縣或在城

在鄉以住址地方扣算至界連省分程途若干又由界連省分扣算至現出之缺所屬地方係道缺則應以所

轄之地計算係知府州縣缺則應以本府屬州屬縣屬交界地方計算程途若干自本人原籍住址至現出之

缺共計程途若在五百里之內即行迴避逐一分晰呈明併取具同鄉京官印結於二十四日過堂時投遞令

其迴避以別缺與會典事例

雍正四年奉諭旨漢人爲外官者俱迴避本省朕思漢軍之在直隸亦當如漢人之迴避本省也直隸去京

城甚近漢軍中親戚朋友散處直隸州縣伊等莊田地土亦多分隸其地保無請託牽制徇私報怨之弊乎嗣

後應照漢人迴避本省之例停其在直隸居官令於別省各缺銓用著九卿連議具奏尋議八旗漢軍人員應

照漢人迴避本省之例凡遇直隸道府州縣等缺於銓選時扣除布按二司缺出亦停其開列得旨布政使

按察使仍行開列通考

七年敕嗣後凡江蘇安徽湖北湖南陝西甘肅諸處府州縣以下官者不必令其迴避其相隔五百里之內者仍照隔省迴避之例一體乾隆七年議准寄籍人員凡寄籍原籍地方均令迴避如江浙人家每月月選在部驗到各官如有寄籍者於二十四日過堂時取具同者於起送赴選文結時將原籍聲明咨部均以別省之缺掣補會典三十八年廣東布政使姚成烈請商籍中式歸籍之員銓選時并迴五十二年諭向來鹽大使因無地方之責並不迴避本省但思鹽場鹽斤既關係民食且所屬晒丁竈戶錢糧詞訟俱係該員經理究恐發俱令迴避本省以示慎重官方之意著爲令會典事例

五十五年議准查河工人員專司修防搶護原無地方詞訟徵收錢歲修雇夫購料均與地方交涉恐日久弊生亦宜豫防其漸嗣後各一體令其迴避至現任人員有原籍距任所在五百里以內均照地親族迴避○康熙三年題准在京各部院尙書侍郎以下筆帖式以令官小者迴避會典事例

十年議准京官同衙門補授同官應迴避者令後補者迴避京官惟親屬概不迴避外官有關繫刑名錢穀考覈糾參者不分遠近係族

遠而聚族一處者情誼關切均令官小者迴避支分遠居各省各府籍貫迥異於同姓實爲疎屬毋庸迴避若在五服之內者雖住處不同仍行迴避 會典事例

雍正七年議准外姻親屬若母之父及兄弟妻之父及兄弟已之女婿嫡甥分屬至親同在外官不能無所瞻顧亦令官小者迴避至母兄弟之子姨母之子雖服制三月親屬漸遠毋庸迴避 會典事例

乾隆九年奏准外任司道原屬同官向無兒女姻親迴避之例若本身兒女姻親而爲上司下屬者則關繫舉劾與司道同官者不同應令迴避 會典事例

三十七年諭嗣後道府以上等官如有同胞及同祖兄弟叔姪共在一省爲丞倅牧令等官者雖非該管本屬並該督撫查明具奏量於近省對調以昭慎重 會典事例

四十三年遵 旨議定在京堂司各官外姻親屬中母之父兄弟妻之父兄弟姊妹之夫已之女婿嫡甥同衙門令官小者迴避同官今後進者迴避其兒女姻親中表兄弟妻子姊妹夫子婦之親兄弟仍毋庸迴避 會典事例止於親祖孫父子伯叔兄弟迴避 通志

道光二十八年申定道府以下官員祖孫父子及外姻親族同省同府迴避例督撫與河督鹽政有關糾察者亦令迴避 東華續錄

師生迴避○雍正七年議准鄉會試考官取中之人以外官員缺銓補者爲數甚多毋庸迴避至中式閱文之同考試官鄉試會試合計不過數人若取中之人爲督撫司道而考官適在下屬應令官小者迴避如考官外任督撫其屬官內有係伊取中者咨部存案遇舉劾時於本內聲明考官外任司道其屬官內有係伊取中者

申報督撫存案如有舉劾於督撫本內亦將該員與司道誼係師生之處一併聲明以憑察覈至知府與所屬州縣一切刑名錢穀之案考覈盤查最為親切如分屬師生均令官小者迴避直隸州知州管轄屬縣與知府同有誼關師生者亦令其迴避此等迴避之員即以本省州縣之缺交與督撫酌量具照調補若在部候補候選人員將月分所出州縣之缺查明屬某府管轄或直隸州管轄現任知府直隸州內與該員有師生之誼者即令該員於吏部過堂時照親族迴避之例取具印結聲明迴避掣籤時以他缺令其掣補其考官現任督撫司道而取中之人在部候補者毋庸迴避俟到任後申明存案如考官現在候補而取中之人現任該省督撫司道仍令其將該省所出之缺於過堂時聲明迴避至佐貳教職原無地方專責均毋庸迴避會典事例

乾隆三十二年議准外任官員有受業師生為上司下屬均照鄉會師生之例一體辦理會典事例

揀選人員迴避○嘉慶九年諭向來遇有揀選各缺特派大臣等公同揀選人員帶領引見派出之大臣理應各矢公正慎重遴選乃近日風聞有派出之大臣即將本人至親挑入揀選擬正已經補放不便撤回引見時所派之人並不入班朕何能記憶及原派之人一時簡放已為所愚此人姑不深究自問於心能無愧乎試思鄉會試迴避者官之例最嚴至揀選得官立法尤應嚴密若變儀衛官員一經邀恩錄用不數年即可至副將參將二三品武職使相率贍徇悉取貴游子弟何以收得人之效以此類推則凡文武揀選各項員缺派出之滿漢大臣想亦未必悉能杜絕嫌疑毫無瞻顧著吏兵二部將揀選派出官員其宗族姻親應如何迴避之處酌量限制奏明載入則例以昭公慎欽此遵 旨議准揀選照京員迴避之例令官小者迴避惟查滿洲詹事府庶子翰林院侍講司經局洗馬國子監滿洲蒙古司業 盛京刑部蒙古主事倉場步軍統領督撫等衙門

筆帖式等缺應據人員如與 欽派大臣內有祖孫父子伯叔兄弟母之及兄弟妻之父及兄弟已之女婿
嫡甥令官小者於臨據時呈明扣除至六部理藩院漢軍堂主事 盛京戶部司庫例應先儘京察一等人數
較少如有應行迴避令 派出之大臣自行迴避備有徇隱照例議處 會典事例

迴避調補○康熙四十二年題准凡迴避另補之員人文到部歸於單月不入班次卽用 會典事例

又定外任迴避例督撫兩司及統轄全省之道員其族人迴避者赴京另補若分巡數府之道員及知府同知
通判知州等官所轄之地無幾本族迴避官員卽於本省內調補通考

坐補原缺○順治初年定各官需爛倉穀及虧空錢糧全完開復並道府州縣等官病瘥起用者均坐補原缺
會典事例

乾隆十四年諭向例官員以親老改補近地者仍令坐補原缺所以杜規避也而告請終養之人未有坐補原
缺之例夫父母年逾耆耄許令侍養乃國家錫類之令典然親年子所素知何必俟莅任後方行請告安知其
非因現缺平常將來卽可銓補他缺藉以自便其私是轉爲巧於自便者開捷徑矣嗣後官員親老與終養之
例相符者於未得缺前許其呈請其已經銓選抵任者將來亦坐補原缺著爲例 會典事例

孤缺改補○康熙四十二年題准在京候補孤缺六品以下官員准其對品調補 會典事例

嘉慶十七年奏准嗣後各省遇有候補直隸州准其借補府屬知州同知准其借補通判無論陞調所遺及告
病病故休致各缺俱俟本項候補無人方准借補其委用人員應俟陞調所遺應歸月選之缺本項委用無人
方准借署遇告病病故休致之缺仍歸部銓選初任捐納分發人員俟本項缺出方准題署仍不准其借署別

裁缺留補○乾隆七年議准雲南貴州四川廣東廣西福建等省與內地近省不同凡裁缺各員准留本省補用其非雲貴等省過有裁缺人員仍照例赴部另補會典事例

右漢員銓選

大學士至三品京堂開列○原定大學士各部院尚書左都御史各部侍郎內閣學士翰林院掌院學士副都御史通政使大理寺卿員缺開列具題太常寺卿光祿寺卿太僕寺卿俱論者語俸次陞補會典事例

乾隆十三年諭大學士缺定例請旨開列亦有遲至一月後始行請旨者朕思大學士職司褒貶如其實力有年遇有告休病故不忍遽行開缺應俟至一月以後乃國家眷念舊臣加恩輔弼之意若緣事降革機務重地未容久曠自應即行開列不必請旨將此載入會典永著為例會典事例

四十七年定各部院侍郎奉 特旨補授都統內閣學士補授副都統及護軍統領者其武職品級優於文職係屬陞任吏部將侍郎學士員缺應否開列請 旨補放抑或仍令兼理之處奏 聞請 旨會典事例

五十四年奏准奉天府尹一缺專以滿員開列照太常寺滿卿之例辦理會典事例

四五品京堂開列○原定大理寺少卿太常寺少卿太僕寺少卿鴻臚寺卿內閣侍讀學士通政司參議光祿寺少卿鴻臚寺少卿員缺均論俸陞補會典事例

乾隆三年議准滿洲蒙古科道均內陞外轉遇有京堂員缺先將內陞科道開列具題補用一人再有缺出科道毋庸開列將俸深郎中論俸開列內人引見候 旨簡用其出差外任者不行開列如遇內陞科道無人

仍將俸深邸中論俸附補科道不准通行論俸會典事例

四年奏准內閣滿洲漢字侍讀學士員缺將漢字出身之郎中等官論俸擬出十人送內閣取擬定正陪交部與各項記名議敘人員一同開列引 見補授其內閣清字侍讀學士二員將應陞各官論俸擬正陪陞補會典事例

又定內閣侍讀學士仍按滿洲蒙古補用通政使司副使大理寺少卿係大四品由小四品京堂太常寺少卿鴻臚寺卿太僕寺少卿開列具題鴻臚寺卿由內閣滿洲蒙古侍讀學士五品京堂通政使司參議光祿寺少卿鴻臚寺少卿欽天監監正科道接依俸次併記名參領通行開列具題太常寺少卿由內閣滿洲蒙古侍讀學士五品京堂通政使司參議光祿寺少卿鴻臚寺少卿欽天監監正科道該寺贊禮郎各保一員併記名參領一員一體帶領引 見補授太僕寺少卿由內閣滿洲蒙古侍讀學士五品京堂科道接依俸次併記名參領一員通行開列具題不分滿洲蒙古通行陞補其通政使司參議光祿寺少卿鴻臚寺少卿將應陞之滿洲人員陞用通政使司參議由光祿寺少卿鴻臚寺少卿科道開列其蒙古科道不開列三品京堂光祿寺少卿由鴻臚寺少卿科道開列鴻臚寺少卿先由科道各保送一員與該寺所保之鳴贊一同帶領引 見一次由宗人府理事各部郎中各保送一員或宗室郎中或滿洲郎中每部止保一員與該寺所保之鳴贊一同帶領引 見一次如記名副參領佐領列於理事官班次之末帶領一員凡分班帶領二項如奉 旨將別項人員補放者即行過班至降級應補四五品京堂人員遇有缺出俱列名在應陞人員之前一同開列引 見候旨簡用會典事例

翰詹官員陞轉○原定詹事府詹事少詹事國子監祭酒翰林院侍讀學士侍講學士左右春坊庶子翰林院

侍讀侍講國子監司業司經局洗馬左右春坊中允贊善員缺俱論俸題補會典事例

雍正元年定滿洲翰林陞轉例 上以滿洲進士舉人出身之翰林無陞轉之途著吏部議尊議嗣後翰林院侍讀侍講諭德洗馬國子監司業缺出將由庶吉士授職編檢之翰林論俸推陞一員將由進士舉人出身之中允等陞補一員講讀學士少詹庶子等缺出將現任之講讀諭洗司業推陞一員之後將進士舉人出身之科道等官陞補一員從之通考

四年議准嗣後翰林院侍讀侍講詹事府諭德洗馬國子監司業缺出將翰林院編修檢討論俸陞補一員次將由進士舉人出身之中允員外郎等官通行論俸陞補一員翰林院侍讀學士侍講學士詹事府少詹事庶子國子監祭酒等官缺出將現任之侍讀侍講諭德洗馬司業論俸陞補一員之後將進士舉人出身之科道郎中等官論俸陞補一員其陞授侍讀侍講諭德洗馬國子監司業等官並主事等項陞授之詹事府中允小京官陞授之贊善俱著兼理部務兩處行走會典事例

又議准翰林院侍講學士侍講詹事府少詹事右庶子洗馬右中允等員缺將應陞之翰詹官員與科甲出身之部屬應陞官員分班間用均論俸擬定正陪引 見請 旨如部屬無科甲出身人員即將翰詹官員陞補

會典事例

乾隆五十六年奏准嗣後少詹事員缺專以內班翰林院侍讀學士侍講學士論俸擬正陪侍讀學士員缺由侍講學士轉侍講學士員缺專以內班之侍讀侍講洗馬司業論俸擬定正陪帶領引 見補授庶子侍讀侍

講中允贊善員缺將應陞翰詹官員與科甲出身之部屬官員分缺間用翰詹論俸部屬由大學士會同吏部
揀選擬定正陪帶領引 見補授如內班無合例之員卽將外班人員陞補俟內班有人時卽按照次數歸還
中允贊善雖係外班究屬翰詹官員遇應陞時毋庸試俸會典事例

宣慶八年諭向例滿洲內班翰林不陞轉中允贊善遇有缺出專由外班揀選補授朕思漢缺中允贊善定爲
編檢陞階滿洲翰林品級與漢缺一例嗣後遇有滿洲中允贊善缺出著先儘編檢論俸陞補以次遞轉如內
班無人再由外班揀選其侍讀侍講缺出應用內班者先儘內班之中允贊善陞用如內班中贊善無人仍准其
以編檢陞補會典事例

又定國子監祭酒員缺將應陞之翰詹官員按品級統行帶領引 見請 旨補放詹事府少詹事員缺專以
內班之侍讀學士侍講學士論俸擬定正陪侍讀學士員缺由侍講學士轉侍講學士員缺專以內班之庶子
侍讀侍講洗馬司業論俸擬定正陪 如有俸次相同者按品級次序定擬品級亦相同者再論前俸帶領引

見請 旨補授詹事府左庶子員缺由右庶子轉翰林院侍讀員缺由侍講轉左中允員缺由右中允轉左贊
善員缺由右贊善轉其右庶子侍講洗馬等員缺將應陞之翰詹官員與科甲出身之部屬應陞官員分缺間
用翰詹官員論俸 祇論翰詹任內之俸擬定正陪陞補部屬班次由補用部屬之日論俸開列清單 由部開列

大學士九卿職名恭請 欽派俟 派出後卽於次日起 上諭館公同揀選擬定正陪帶領引 見如內班
無合例之員卽將外班人員陞補俟內班有人時卽按照次數歸還或祇有一人卽以擬正將外班之人擬陪
擬陪之員亦由吏部開列大學士九卿職名奏請 欽派揀選仍以擬正之班接算揀選班內如不敷選用或

試俸未滿及其次應陞人員揀選引 見時於欄內聲明右中允缺出先儘授職編檢併降任編檢論俸陞補如無編檢將科目出身之應陞各官論俸擬定正陪右贊善缺出亦先儘編檢補用如無人將科目出身之小京官與筆帖式論俸各帶一人引 見陞用遇有中贊缺出如編檢內止有一人應卽以擬正將應陞人員擬陪其由編檢陞用之中贊本係內班遇有侍講洗馬缺出輪用內班時先儘內班之中贊陞用如內班中贊無人仍以編檢陞用至外班中允贊善遇應陞時照侍讀侍講等官之例毋庸試俸以上各缺其論俸擬正之員遇有出差應否俟其回京之日再行帶領引 見抑或將其次應陞人員另行擬定正陪補授之處奏請 欽定如有候補人員 如緣事開復陞調列名在應陞官之先一同帶領引 見請 旨補授會典事例

翰詹兼理部務○雍正四年議准進士舉人出身之郎中等官陞授侍讀侍講諭德洗馬國子監司業等官並主事等項陞授之詹事府中允小京官陞授之贊善俱著兼理部務兩處行走京堂翰詹開列夾單○康熙五十二年議准未報到任官員停其開列陞 會典事例

雍正五年諭開列京堂翰詹等官照例開列應陞人員其轉補及其次應陞人員皆著別行開單夾於本內進呈會典事例

京堂 特旨陞補○雍正十二年議准凡四品以上京堂有停俸降級革職留任之員奉 特旨陞補者卽將停俸降級之案由部查明具奏 會典事例

稽察宗室覺羅各學○乾隆二年議准宗室覺羅各學奏點滿漢文臣稽察由部行文各衙門咨取三四品科甲出身滿漢文臣學問淵博編 精通者開列職名奏請 欽點二三人 宗室學分點四人左翼四旗覺羅

學分點四人右翼四旗覺羅學分點四人督率教習勤加訓迪仍同該管王公不時稽察如遇陸標外任事故等項出缺由部別行開列具奏會典事例

兼管威遠堡等關口事務○乾隆三年 諭邊口章京員缺著仍以文員補授會典事例

又定威遠堡等六關口事務由部將 盛京五部侍郎職名開列奏請 欽派一員管理會典事例

右滿洲開列

皇朝政典類纂卷二百五

選舉十五

文選漢員開列 滿洲選選 漢員選選一

京外應陞官員開列○原定在京大學士以下京堂翰詹官員以上在外總督巡撫布政使按察使鹽運使等官均開列具題會典事例

雍正五年諭嗣後開列京堂翰詹等官照例開列應陞人員其轉補及其次應陞人員均著開單夾於本內進呈其布政使等官應內陞者亦開單夾於本內進呈會典事例

乾隆三十六年諭向來內外各官遇應陞缺出其開列人員有陞轉在出缺之後者吏部例於本內聲明扣除原以該員未經陞轉之前其資序本不在應行遷擢之例是以不令一體開列所以重官階而防越次也但思陞與轉各自不同舊例相仍未爲明晰如侍郎應陞尙書設令尙書缺出時其官品未及侍郎者原不在應開之例若本係右侍郎卽屬應陞尙書之人其循例轉左於官品初無分別乃因其轉左在尙書出缺之後卽於本內扣除反不如前任右階之得以預名於情理未爲允協推之翰林讀講缺出所有應陞之左右中允贊善亦然此皆相沿前明故套亦猶武職大小銜之節次遞加故爲條目紛繁潛滋淆混今武職加銜之弊久已刪除此等陞轉舊例亦宜酌量妥改以祛膠柱刻舟之習著吏部通行分別詳查除缺出在前陞補在後之員不應開列應陞者仍照舊例辦理外其有舊例拘泥未妥者概行酌量定議具奏欽此遵 旨議定嗣後除出缺之日或出缺之後始行補任或本係不應開列之員出缺日並出缺後陞任始得列入者俱不開列於本內聲

明扣除若原職已應開列出缺後又經陞轉並原職在其次應陞例得夾單進呈出缺後陞任應列入題本之內者俱准其照現陞現轉之銜一併開列將出缺後由何項官員陞任轉補及曾否到任之處於本員名下註明會典事例

大學士京堂等官候補○雍正十二年定大學士以下侍郎內閣學士以上到京候補止將咨文投部停其赴部驗到遇有缺出與應開列人員開列具題三品京堂以下鴻臚寺少卿以上人文到部遇各本項員缺亦與開列人員通行開列應開列人員如應陞應轉及其次應陞均詳品級其內順天府府丞奉天府府丞乃一項之缺得與互相補授以上候補官員開列本內列名在應陞官之前會典事例

乾隆三十六年諭向來翰林院侍讀侍講學士及侍讀侍講中允贊善等官有需次候補者例俱坐補原官不得通融借用此等詞費清秩額缺有數一經回籍至來京應補時輒格於成例未免守候需時因思讀之與講繫銜雖殊品秩相等而漢缺中允贊善亦非若滿員之銓用殊途分別五六品頂帶者可比從前坐補之例未免過於拘泥即稍為變通於體制亦無妨礙嗣後此等候缺人員讀講中贊准其各自通融補用著為令通考督撫藩臬等官候補○原定督撫有裁汰開復候補者仍令本身到京照其到京日期不必起文有病痊假滿服闋者亦令到京取具原籍文結照人文到部遇有員缺與應陞人員一併開列具題會典事例

康熙五十二年定候補布政司按察使鹽運使均令人文到部遇有員缺與應陞人員一併開列具題以上候補官員開列本內列名在應陞官之前

翰詹衙門陞轉○原定翰詹開坊開列具題如有候補人員一併開列

乾隆七年奏准由翰林陞轉部院之人如遇翰林應陞之內閣學士翰林院掌院學士員缺將翰林轉補部院之太常寺卿以下正三品之左副都御史通政使大理寺卿宗人府府丞典學士陞轉相同不行開列大四品京堂以上一併開列正四品之太常寺太僕寺少卿鴻臚寺卿順天府奉天府府丞暨小四品不行開列諸事員缺將由翰林院轉補部院之從三品及大四品京堂一併開列均列名於翰林官之後會典事例
十一年諭國子監祭酒爲成均司鐸之長有造就人才之責嗣後遇有員缺將應行開列及其次應陞人員一併引見補授會典事例

學政開列○康熙二十三年議准直隸江南浙江學政將侍讀侍講洗馬中允鑄善由翰林院咨送開列其各省學政由翰林院論俸咨送編修檢討十員與各部進士出身俸深郎中一並開列具題由部屬等官補授者其部屬等員缺卽行開選會典事例

雍正四年道旨議定凡學政官銜由翰詹衙門補授者各以原銜提督學政其由郎中等官補授者二甲加編修三甲加檢討一例授爲學政會典事例

十五年諭本日召見廣東學政程國仁詢知該員係截取御史業經保送繁缺知府將來遇有應選之缺吏部仍行銓選學政係特派之員職任較重若仍照原職歸部選用地方官轉將學政開缺於體制未爲允協程國仁著停其銓選俟任滿後再照常歸選嗣後應行外選人員有簡任學差者應照此辦理著爲令會典事例

督撫兼銜○順治初年定凡加尙書侍郎銜者總督兼兵部巡撫兼工部會典事例

雍正元年議准川陝總督控制番羌兩江總督地連江海此一處地關兵多不論何項官員補授皆授以兵部

尚書兼都察院右都御史其餘各省總督由各部侍郎以及別項官員補授者皆改爲兵部右侍郎兼都察院右副都御史如各部尚書及左都御史補授者不論省分皆授爲兵部尚書兼都察院右都御史至各省巡撫由侍郎補授者改爲兵部右侍郎兼都察院右副都御史由學士副都御史及卿員布政使等官補授者皆授爲右副都御史會典事例

四十八年諭向例總督俱兼兵部尚書右都御史銜巡撫俱兼兵部侍郎右副都御史銜但漕運河道總督並無地方之責究與各省總督不同況又有由道員陞署及簡擢初任之員若一例兼銜未免太優不可不量爲區別嗣後漕運河道總督該部奏請給與兵部侍郎右副都御史銜著爲令會典事例

嘉慶十二年定總漕正副總河巡撫應否兼兵部侍郎銜具奏請 旨如由尚書補授總漕正副總河巡撫應

否兼兵部尚書銜或兼兵部侍郎銜之處奏明請 旨恭候 欽定直隸四川總督兼巡撫事務陝甘總督兼

管甘肅巡撫事務貴州巡撫加節制通省兵馬銜安徽山東江西巡撫加提督銜河南巡撫加提督銜節制駐

防滿營官兵山西巡撫亦加節制駐防滿營官兵其應否兼管提督之處吏部移咨兵部具奏請 旨至各督

撫有於欽奉 特旨兼銜後又因緣事降革奉 旨給予降品頂戴留任者所有原兼各銜除奉 特旨撤銜

欽遵辦理外其未奉 特旨撤銜者毋庸奏請撤回會典事例

十四年諭嗣後凡遇以二品頂戴爲總督者均著兼侍郎銜俟加恩給與頭品頂戴吏部再行奏請兼兵部尚

書銜著爲令會典事例

撰給 敕書○雍正十一年定督撫補授後卽移揭內閣撰給坐名 勅書布政使按察使各道運使均撰給

傳 勅學政移咨禮部轉揭內閣撰給坐名 勅書會典事例

乾隆四十四年奏准各省驛站改令巡道分司以按察使總其成至糧驛各道關防傳 勅內從前有驛務字樣者均應一律刪除改換止留其所管糧驛等項字樣會典事例

應考試差○順治五年定各省鄉試考官內院吏部禮部公同考選會典事例

雍正三年諭前各省正副主考官皆視其人謹慎者命往並未試其文藝間有不能衡文者此皆由中式之後荒疎年久故耳著將應差委之翰林由進士出身各部院官查奏朕試以文藝差委會典事例

嘉慶五年定每屆鄉試之年應考試差吏部豫期行文宗人府內閣 起居注中書科翰林院詹事府都察

院大部理藩院大理寺太常寺國子監等衙門將補授實缺滿漢進士出身應行與考之員翰詹衙門少詹事

讀講學士以下編檢以上司業科道部院郎中員外郎主事內閣侍讀學士以下中書以上中書科中書大理

寺評事太常寺博士國子監監丞博士助教各名銜年歲籍貫科分名次旗分佐領清漢姓氏及曾否出過試

差分房之處於各員名下註明送部彙齊人數奏請考試日期俟奉有 諭旨定期考試先期奏請 欽派監

試王大臣屆期由監試王大臣恭請 欽命試題其試卷內毋庸添寫草稿卷內或請內府圖章或監試王大

臣書押臨時候 旨遵行考畢時將試卷封固進呈由軍機處奏 派閱卷大臣候 旨帶領引 見考試之

日應給茶餌應需桌案及派撥軍校等事行文各該處照例辦理其餘各項京官卽由進士出身例內未曾載

及者概不准與考考試之員如病痊假滿了憂起復在本年復任者亦不准與考其病痊假滿起復先於上年

在本衙門行走續於本年補授實缺者仍准與試惟翰林院侍講以上詹事府少詹以下國子監司業及科道

等官病痊假滿服滿赴部候補向無先在本衙門行走之例如於上年人文到部於本年補授實缺亦准其一
驗考試此外各官可以先在本衙門行走而不行走者雖於上年人文到部亦不准考會典事例

右漢員開列

國子監司業○雍正六年奏准滿洲司業員缺傳齊應陞各官交九卿遴選四五人由部引 見恭候 簡用
會典事例

七年議准蒙古司業員缺由吏部傳齊各部院蒙古郎中員外郎會同理藩院遴選能翻譯蒙古文藝通曉清
文蒙古字語者四五人由部引 見恭候 簡用會典事例

科道員缺○雍正五年遵 旨議定稽察宗人府御史二人由宗人府於宗室內揀選引 見補授仍屬都察
院統轄會典事例

十二年議准滿洲給事中員缺由部行文都察院咨取現任宗室滿洲蒙古監察御史通行引 見轉補再蒙
古御史額設二員若蒙古御史遇轉科時將所遺御史之缺歸於滿洲陞補俟蒙古給事中員缺如將滿洲御
史轉補卽以所出滿洲御史之缺歸於蒙古陞補仍統計蒙古科道共一員會典事例

戶工二部庫官調補○康熙十年題准工部節慎庫郎中員外郎員缺由工部郎中員外郎選擇調補其製造
庫員外郎員缺由吏部照例陞選會典事例

乾隆三年奏准戶部三庫郎中員外郎員缺由該堂官行文各部院於郎中員外郎內遴選潔已奉公辦事勤
慎之人保送由該庫堂官帶領引 見調補三年期滿照例更代會典事例

步軍統領衙門司員○雍正十三年奏准步軍統領衙門員外郎員缺各部院將主事等官保送該衙門遴選通曉清漢文移熟悉刑名者補授其主事員缺卽於該衙門司務筆帖式內遴選補授均由該步軍統領帶領引見司務員缺由該步軍統領於筆帖式內遴選咨部題補會典事例

領侍衛府主事○康熙二十七年擬准侍衛府遇有主事員缺由該府將應陞人員擬定正陪引見補授會典事例

各部司員酌定保題○乾隆十三年奏准吏部文選司酌定郎中二員員外郎二員主事一員考功司酌定郎中一員員外郎二員主事一員戶部陝西雲南山東福建四司各定郎中一員員外郎一員江南廣東廣西貴州四司各定員外郎一員主事一員禮部儀制司酌定員外郎一員主事一員祠祭司酌定郎中一員員外郎一員主事一員兵部武選職方二司各定郎中一員員外郎二員主事一員工部營繕司酌定郎中二員員外郎二員主事一員都水司酌定郎中一員員外郎二員主事二員理藩院衙門酌定蒙古郎中二員滿洲蒙古司主事各二員均定爲題缺各按缺底令該堂官揀選題補又光祿寺大官署珍羞署滿洲署正二缺亦定爲題缺遇有缺出該寺堂官揀選題補會典事例

各部院堂主事○康熙十五年題准起居注衙門滿洲堂主事六部理藩院漢軍堂主事員缺令各部院衙門將熟習繙譯之應陞主事人員出具考語保送會同吏部堂官擬定正陪由吏部引見補授會典事例又題准理藩院滿洲蒙古堂主事員缺由理藩院將應陞之小京官筆帖式等每缺遴選二人擬定正陪出具考語咨部引見補授會典事例

內閣侍讀中書員缺○康熙十六年題准滿洲蒙古漢軍侍讀員缺由內閣於中書內每缺遴選二人擬定正陪出具考語咨部引 見補授會典事例

嘉慶十一年定滿洲中書七十缺 每旗七缺內滿本堂清字中書四缺漢本堂繕譯中書三缺八旗共五十六

缺其餘十四缺定爲八旗公缺滿本堂七缺漢本堂七缺 旗缺由內閣於貼寫中書內按期每缺擴選二員如

遇本旗無人准於八旗年久貼寫中書內通行論俸公缺換旗輪補遇有缺出由內閣行文吏部轉咨該旗除

曾經考取候補貼寫中書以及別項考取候補者不准開送外應專以閒散文舉人與該旗貼寫中書一同考

試繕譯清字擇其佳者錄取二人以上俱擬定正陪咨送吏部帶領引 見補授其各館議敘以本旗中書即

行坐補人員如遇公缺仍與該旗閒散文舉人一同考試如將議敘之員考補者其議敘之處照例改爲級紀

除由各項小京官轉補司庫年滿與中書對調者對調何堂卽專候本堂本旗之缺調遣外其由中書出身之

司庫調回中書並丁憂回京之通判仍以中書補用及議敘毋論滿漢本堂不論旗分補用之員按其從前考

取清字者准以滿本堂不論旗分先行借補如係考取繕譯者准以漢本堂不論旗分先行借補各俟有本旗

之缺卽行調遣其滿洲文進士奉 旨以中書用者俟內閣補用貼寫中書二缺之後無論滿漢本堂不論旗

分將滿洲進士補用一人俟有本堂本旗中書缺出卽行調遣

又定蒙古中書缺出由內閣於貼寫中書內每缺論俸擬定正陪咨送吏部引 見補授次由吏部將應用之

現在蒙古筆帖式並文舉人繕譯舉人出身之筆帖式及閒散文舉人不論旗分一同移送內閣考試擬定正

陪交與吏部引 見補授由理藩院等衙門筆帖式考取中書者遇應陞時仍以理藩院等衙門陞用由吏部

等衙門筆帖式考取中書者遇應陞時仍以六部等衙門陞用統計補用五缺後將降調人員免其考試補用一員如降至從六品以原銜借補中書仍以原俸陞轉蒙古教習期滿併各館議敘以小京官用者歸於考班之後補用一人俱分缺間用蒙古文進士奉旨以中書用者俟蒙古中書貼寫考取降調各班補用二缺之後將蒙古進士補用一人至各項卽用人員應先儘卽用一人次用正班一人輪流間用再唐古特中書員缺由唐古特學出身之筆帖式陞用會典事例

又定漢軍中書由吏部將應用之現在漢軍筆帖式併繙譯舉人出身之筆帖式不論旗分一同移送內閣揀選考試揀取數名咨送吏部註冊遇有缺出吏部照取定名次先後列爲正陪帶領引見補授其漢軍文進士有奉旨以中書用者俟漢軍考取中書補用二缺之後將漢軍進士補用一人議敘人員按議敘班次補用捐復人員歸於五缺後用會典事例

掌關防郎中○乾隆元年奉准孝陵奉祀掌關防郎中員缺由吏部行文各部院於郎中內將老成謹慎之人各遴選一員出具考語保送過部與陵寢各郎中一同較俸擬定正陪引見恭候欽定會典事例
十九年覆准盛京三陵掌關防員缺將三陵尙茶正尙膳正內管領一併遴選題補尙茶正尙膳正內管領員缺將副管領一併遴選題補至副管領員缺於本陵尙茶尙膳香燈執事人內遴選題補會典事例
各助教員缺○雍正二年議准國子監蒙古助教員缺於理藩院及修書處筆帖式國子監閒散巴克什內令該監會同理藩院遴選滿洲蒙古字語好者擬定正陪引見補授會典事例
三年議准國子監滿洲助教員缺由國子監將應陞應用人員傳齊考試咨送吏部列名引見補授會典事例

例

乾隆五年議准唐古特學蒙古助教一員由理藩院於應用人員內考選唐古特字語好者擬定正陪引見補授與理藩院衙門出身之人一同論俸以理藩院應用之職陞用會典事例

盛京禮部助教○乾隆八年議准盛京禮部助教四員均歸本處人員考試補授遇員缺由盛京禮兵二部會同考試將各部等處筆帖式及本處舉人貢生副榜傳齊考取咨部引見補授會典事例

十一年奏准嗣後助教四員遇有本處主事缺出與贊禮郎讀祝官筆帖式等一體較俸陞用會典事例

靈古塔助教○雍正二年議准靈古塔助教二員由該將軍於本處八九品筆帖式內擬定正陪咨部引見補授六年任滿該將軍出具考語具題到部由八品筆帖式補授者以京城主事等官用由九品筆帖式補授者以京城正從七品小京官用均歸於雙月推陞五人之後與盛京等處倉官較年滿文書到部先後陞用一人會典事例

咸安宮教習○乾隆五年議准咸安宮教習三人由禮部將繙譯進士考取挨次充補其有現任筆帖式者令其仍食原俸其由閒散進士充補者月給三兩錢糧三年期滿該管官分別等第引見錄用會典事例

嘉慶十一年定咸安宮教習由禮部於各部院衙門現任筆帖式及舉貢生員併繙譯生員內有精通繙譯善考試校取試卷進呈欽定俟有缺出按名補用現任之員仍食原俸毋庸開缺三年期滿該管官分別等第帶領引見後行文吏部照各學教習之例銓補會典事例

京學教授訓導○雍正四年奏准增設順天府滿洲教授一人由進士舉人補用滿洲訓導一人由貢生補用

均赴禮部具呈考取正陪送部引 見補授會典事例

乾隆十一年議准滿洲教授訓導六年俸滿經府尹學政等保題引 見奉 旨准陞者將該員應陞之處註冊以奉 旨之日起不論雙單月保題陞選一併計算五人之後選用會典事例

欽天監屬官○康熙二十年題准滿洲五官正以下漢軍秋官正以下均由欽天監將應陞人員擬定正陪出具考語咨部引 見補授會典事例

雍正六年議准欽天監蒙百五官正員缺由理藩院於內閣中書各衙門筆帖式內考選擬定正陪送部引

見補授由理藩院等衙門出身者以該衙門應陞之官陞用由六部出身者以六部應陞之官陞用會典事例

太常寺寺丞○乾隆十四年奏准太常寺寺丞員缺由該堂官於本衙門博士典簿讀祝官贊禮郎司庫筆帖式內揀選熟悉典禮之員擬定正陪帶領引 見補授會典事例

贊禮郎等官○乾隆二年議准太常寺並 陵寢讀祝官贊禮郎鴻臚寺鳴贊員缺由八旗驍騎校護軍校護軍各部院筆帖式庫使及舉人副榜貢生令該寺堂官遴選聲音洪亮唱贊好者引 見補授由護軍校驍騎

校補授者仍授爲六品由筆帖式等補授者均授爲七品均准用六品頂戴會典事例

盛京禮部讀祝官贊禮郎○雍正三年題准由部選取應用人員咨送太常寺與在京應陞人員一同唱贊遴選好者引 見補授會典事例

寶泉寶源二局大使○雍正七年奏准戶部寶泉局大使由戶部堂官於該部筆帖式內遴選補授工部寶源局大使由工部會同戶部於工部筆帖式內遴選補授均咨吏部註冊五年期滿保題咨部陞用會典事例

司庫員缺○乾隆五年奏准理藩院太常寺司庫員缺令各部院衙門各遴選俸深筆帖式一人出具考語保送過部由吏部再行遴選每一缺以二三人引 見恭候 欽定會典事例

盛京三部司庫○乾隆三年議准盛京戶部刑部工部司庫員缺由在京部院衙門各遴選筆帖式一人保送過部論俸擬定正陪引 見補授三年任滿堂官覈明該員經手錢糧出具考語咨部以在京司庫並司庫對品小京官調補如三年任內遇有應陞時以陞銜留任仍以陞銜較俸陞轉所遺司庫員缺另行遴選會典事例

刑部提牢司獄○雍正十一年議准刑部提牢官由該部堂官於額外及試俸主事內選委管理一年果能稽查防範勤敏無過俟期滿後該堂官出具考語咨送吏部額外者題請實授試俸者准作實俸會典事例

乾隆六年議准刑部司獄四人由該堂官於該部筆帖式內遴選補授其筆帖式員缺不必開選移咨吏部註册三年期滿仍令回筆帖式原任保送過部候陞會典事例

內務府官○乾隆元年議准內務府遇有員缺由本衙門將應陞人員擬定正陪引 見補授其堂郎中一人總理六庫郎中二人補授後咨送吏部於應陞之處一例列名陞用會典事例

道光二十二年十二月定內務府署卿司員由總管大臣列等註考三院卿員隨京堂帶領引見東華續錄太僕寺主簿○雍正二年奏准太僕寺主簿由該衙門筆帖式內遴選正陪出具考語咨部引 見補授會典事例

王府官員缺○順治初年定王府官員缺由該王府咨送補授註册會典事例

五旗司弓員缺○順治初年定五旗司弓員缺由該旗咨送補授註冊會典事例

盛京刑部蒙古主事○乾隆十四年奏准 盛京刑部蒙古主事於各部院蒙古小京官筆帖式內遴選能辦

事者引 見授爲主事銜三年無過保題到部准其實授三年期滿准其調補在京各部院主事會典事例

盛京將軍等衙門主事○乾隆二年議准 盛京將軍衙門掌案主事一員照 盛京五部主事例陞轉吉林

將軍衙門掌案主事一員理刑司主事一員俱由在京六部堂官各遴選筆帖式一人保送由吏部帶領引

見補授均不准調補京職其黑龍江將軍衙門掌案主事一員由該將軍將本處應陞人員擬定正陪咨部帶

領引 見補授會典事例

三年議准黑龍江將軍衙門增設理刑司主事一員銀庫主事一員其員缺亦照吉林主事之例於六部筆帖

式內遴選保送引 見候 旨補用會典事例

十六年奏准 盛京將軍衙門主事止有一員應歸於本處小京官內較俸選用會典事例

八旗游牧員外郎○雍正十一年議定八旗游牧員外郎共十六人每旗二人由京補授八人由該總管補授

八人遇有員缺其係由京補授之缺交與理藩院於部院本旗蒙古主事小京官中書筆帖式內遴選滿洲蒙

古文理好能辦事者咨送吏部引 見補授由主事補授者卽授爲員外郎各論俸陞轉由小京官中書筆帖

式補授者授爲主事其係本處總管補授之缺令該總管於本處散秩官筆帖式及驍騎校護軍校內遴選人

去得者咨送理藩院引 見補授如保送之人平常將京城本旗通曉滿洲蒙古字語之護軍校驍騎校護軍

內遴選辦事去得者亦由理藩院引 見補授均於本處以佐領陞轉不准調京會典事例

驛站監督○雍正十二年議准 盛京五路驛站正副監督各一員由 盛京五部堂官於郎中員外郎主事內公同遴選人明白能管理者各一人出具考語題請實授管理三年令 盛京戶部兵部會同稽察驛站副都統察該員果能整飭驛務錢糧不致浮冒保題到日由兵部移送吏部照例議敘有浮冒錢糧廢弛驛務等事照參治罪會典事例

調補驛站官○乾隆三年奏准張家口喜峯口獨石口殺虎口古北口管站員外郎員缺由理藩院於該院員外郎內遴選引 見差往管理三年期滿照例更代所遺更代員缺不行開選即將換回之人頂補會典事例
靈古塔黑龍江驛站官○乾隆四年議准靈古塔驛站官二員由該將軍於本處倉官筆帖式內每一缺遴選二人擬定正陪出具考語咨部引 見由倉官八品筆帖式補授者授為七品由未入流筆帖式補授者授為八品六年任滿該將軍出具考語咨部註冊七品官以京城主事等員缺陞選八人後陞用一人八品官以京城正從七品小京官員缺陞用六人後陞用一人至黑龍江驛站官員缺由該將軍於本處應陞之官遴選正陪咨部引 見補授會典事例

三十六年奏准嗣後黑龍江驛站官定以六年期滿其有由八品筆帖式補授者授為七品由未入流筆帖式補授者授為八品年滿時令其離任以驍騎校用會典事例

邊地同知通判○雍正十一年奏准理事同知有管理民人辦理刑名之責必得通曉漢文律例之人方能勝任應令各部理藩院將滿洲蒙古員外郎主事內通曉漢文人明白者遴選引 見補授會典事例

乾隆四年議准各部院衙門遇有保送理事同知通判之時將京察一等合例人員內保送儻此等人員內有

服制未滿現患疾病及實有不能離京情節並通曉部務而不宜於外任者均令該堂官將不便保送情由逐一聲明過部別行遴選合例人員保送會典事例

五年定 理事同知通判無論內地邊地俱於保送記名之中書小京官筆帖式內由吏部帶領引 見補授會典事例

威遠堡六關守口官○雍正十一年議准威遠堡等六關口各設守口官一人 盛京兵部會同將軍於五部員外郎主事小京官內每一缺遴選二人擬定正陪咨部引 見補授二年期滿仍令 盛京兵部會同將軍察明該員果能匪勉効力者保題到日由部按該員原銜議敘如尋常供職者咨回吏部以應得之官補用如有怠忽廢弛等事即行題參若二年內遇有應陞以陞銜留任即以陞銜較俸會典事例

盛京銀庫官員○雍正元年議准 盛京戶部銀庫掌關防監督一員由在京部院堂官遴選郎中出具考語咨部引 見恭候 欽點管理三年期滿更代會典事例

乾隆三年議准 盛京戶部銀庫增設員外郎一人於該部司分員外郎內遴選一人管理庫務三年期滿照例調京仍於司分員外郎內遴選調補所遺司分員外郎缺再行咨部銓補會典事例

守衛 壇 廟等官○順治初年定凡守衛 天壇 地壇 社稷壇 太廟 堂子 皇史宬官並朝鮮通事員缺由禮部及該旗開送正陪移咨吏部五品以上引 見補授六品以下本部堂官驗看補授會典事例
乾隆三十三年奏准嗣後守衛 天壇 地壇 太廟 社稷壇官員四品官缺由各處五品官陞補五品官缺由各處六品官陞補俱由太常寺揀選正陪送部引 見補授其六品官員缺按旗補用仍照例驗放

盛京工部屬官○康熙二年題准 盛京工部司匠員缺由盛京五部暨在京各部院衙門九品筆帖式令堂官各遴選一人保送過部列名引 見補授如有奉 旨記名者由部註冊知照該部遇司匠缺挨次補用會典事例

乾隆十九年奏准 盛京工部所屬看守 大政殿六品官一缺改為公缺於 盛京各部衙門滿洲漢軍筆帖式內揀選歷俸年久當差勤慎之人擬定正陪送部引 見補放會典事例

奉天等處倉官○原定奉天黑龍江寧古塔等處倉官員缺由將軍副都統五部堂官於各本處八九品未入流筆帖式內每一缺遴選二人擬定正陪出具考語咨部引 見補授會典事例

鳳凰城迎送官○乾隆五年奏准迎送官三員定為八旗公額遇員缺由禮部並該旗咨到吏部吏部行文八旗將騎都尉以下驍騎校以上官員每旗遴選一人出具考語咨送過部由部驗看擬定正陪引 見補授如係驍騎校補授者授為五品會典事例

三十六年議准原設鳳凰城迎送官三員俱行裁汰遇朝鮮國人進京將至鳳凰城時令該城守尉於防禦內酌派一員作為迎送事畢仍回本任會典事例

滿官掌印○順治十八年題准各部院衙門堂司悉令滿洲官員掌印六科及京畿道河南道掌印由都察院題請 欽點其餘各道以現任資深者轉補各部院屬司由各該堂官遴委郎中掌印若郎中有事故則遴委員外郎掌印會典事例

右滿洲選選

考選科道○原定郎中編修檢討補授御史停其試俸內閣侍讀員外郎主事試俸一年都察院考覈稱職員題實授會典事例

順治十二年吏部奏考選御史現在科道缺員太多應將在內中行評博及五部主事歷俸二年以上者咨取考補十員餘缺於在外推知內查歷俸三年薦有三次者咨取考選至內院中書應否考選伏候 上裁得旨內院中書不准考選科道著爲令通典

康熙三十年議准凡父兄現任三品京堂外任督撫子弟均不准考選科道其父兄在籍起文赴補及後經陞任者有子弟現任科道皆令迴避改補各部郎中會典事例

雍正四年定內閣侍讀准其一體考選御史會典事例

五年議准給事中員缺將監察御史帶領引 見補授御史員缺將應考選人員帶領引 見補授其候補科道人員人文到部遇有員缺由部帶領引 見補授會典事例

乾隆三年敕科道爲朝廷耳目之司將例應考選之翰林部屬通行引見候旨補授通志

九年奏准御史員缺每缺於記名人員內論俸分班以編檢一人部屬等官二人帶領引 見恭候 欽定補授會典事例

十六年諭科道近列臺垣優絀尤爲易見自可不時擢用而定例內陞外轉給事中則一年一次御史則一年兩次每逢奏請時自康熙雍正年間以至今日亦率除旨停止者多每年徒增此題奏繁文於吏治亦復無益

嗣後內陞外轉三年舉行一次著爲例會典事例

行取知縣○康熙七年上諭舊例科道之員行取在外有司補授因有司乃親民之官諳悉民間利弊得以據實指陳有裨政治且外官內擢足以鼓勵人才振興吏治今後科道缺出可移文督撫有司內舉賢能素著者咨部行取來京朕親選用每歲行取幾人爾部酌議以聞尋議行取知縣既咨行各省令將才能夙著者選送但勿預定員數凡知縣內有卓異薦舉無錢糧盜案者列名咨送如無卓異薦舉之員將歷俸三年無錢糧盜案才能夙著者令該督撫詳確選擇列名咨送吏部詳核具題行取來京者選以科道用者註冊以次題補若無才能官員不必充數濫送督撫咨送非人及錢糧盜案未結之員治以徇情之罪從之 通典

二十九年五月吏部以行取知縣奏請 上諭行取知縣以科道用者甚多科道職任關係緊要著九卿各以平昔所知學問優長品行可用者面同舉奏尋經舉出彭鵬邵嗣堯陸隴其趙蒼璧等得 旨俱準行取 通志四十四年議准凡行取知縣引 見後以主事掣補用遇考選科道時准其考選會典事例

乾隆六年敕定行取知縣準兼以同知補用 通志

七年三月敕各督撫於行取人員務將有守有爲聲名卓越者舉出其有多罰者亦準入選 通典

十六年奉 諭旨向例直省知縣三年行取一次吏部按期奏請康熙雍正年間少舉多停當朕臨御之初臣工中有援引成規入告者朕以舊制可循勅部議覆旋經准行由今觀之此特相仍故套而於吏治人材毫無裨益所當永行停止蓋此制始於前明其時專重資格按俸遷轉不得以部口一途疏通壅滯而亦銓部漁利之一途也今則直省州縣定缺陞調其途甚廣凡有才能傑出之員督撫無不保薦擢用常有要缺懸待一

時不得合例之人而越格奏請者在此時之州縣實無壅滯之歎督撫於地方能員亦無不欲其駕輕就熟收臂指之功遇有隔省陞調往往爲之懇切奏留未肯令其遠離原任且繁劇之任參罰必多凡所謂無事故合行取之例者大率庸流居中簡之缺尋常供職幸免處分者耳卽以銓補部曹多屬迂疏潦倒了無出色在該部又無得力之處況縣令身膺民社百里之寄任既非輕才亦可展使其果屬賢員方議令久任以責成效而部曹分局一司遇事簡之缺無所表見長才處此轉覺用違其材若謂司員當由邑令陞用深知民生利弊於部務有益此又不然部務責成自有尙書侍郎夫尙書侍郎亦惟視其才識勝任否耳何必曾任邑令方知民生利弊豈非所謂學養子而後嫁者耶若必待行取之人數歷多年方授以總理部務之任此尤事勢所難行試觀我朝九卿無論滿員卽漢大臣中多由翰院陞用起家縣令者幾何人外而督撫起家縣令者又幾何人可指數而知其爲拘墟之論矣此實向來沿襲具文揆之當今之務亟須改絃無庸守轍所有直省知縣三年行取一次之處著永行停止通考

各部司員酌定保題○乾隆九年題准近年以來部屬所出滿漢員缺保題者多歸選者少致令應陞及候補候選之員多致壅滯於銓法未爲均平請令各部院堂官覈明各司辦理事宜酌定應題之繁缺造冊送部遇有員缺准其保題其餘各缺均歸銓選至刑部事務雖屬殷繁但遇有員缺若照例咨一留一所題缺數未免過多嗣後滿漢司官員缺如有三缺准其咨二留一儻題缺遊選無人仍咨部銓選會典事例

又奏准吏部文選考功兩司漢郎中員外郎定爲題缺主事四缺內二缺亦定爲題缺遇有缺出於現任屬員內揀選保題其餘主事二缺並稽勳驗封兩司員缺均歸銓選戶部陝西雲南山東福建等司每司漢郎中一

員主事一員河南廣東廣西貴州等司每司漢員外郎一員禮部儀制司漢郎中一員員外郎一員祠祭司漢員外郎一員兵部武選司漢郎中一員員外郎一員職方司漢員外郎一員主事一員工部營繕司漢郎中一員員外郎一員都水司漢郎中一員員外郎一員均定為題缺餘俱歸選會典事例

主事題補截留歸選○乾隆四十年奏准各部主事缺出如係應題之缺聽各部咨留保題不計外其餘應選之缺以六部通計題補至第四缺後即截留一缺歸吏部銓選以次接連遞算各部缺出查覈到部時吏部查明已屆五缺即按數截留歸銓知照各部將應題之員俟下次缺出再行題補會典事例

宗人府主事○雍正元年設漢主事二人由進士出身之小京官及行取知縣在部候缺者遴選引 見補授與各部主事一同論俸陞轉會典事例

選 會典事例
乾隆十六年議定知縣行取之例既經停止其由行取知縣揀選宗人府主事之例亦停今由 欽派大臣據

起居注主事○雍正十二年奏准增設漢主事一人令翰林院掌院學士於進士舉人出身之現任中書內遴選引 見補授與各部主事一同論俸陞轉會典事例

內閣中書○順治八年題准將在京舉人貢監生者補會典事例

康熙六年議奏查得例監生考補中書未免太優應行停止嗣後將各科進士照年分前後一缺五人咨取考試奏 旨各科進士不必拘年分前後人數有願考者豫行選取堪用者遇缺即補會典事例

二十三年覆准除進士願考中書者仍行考取例監准貢不准考取外將舉人恩拔副歲廩貢正途出身之人

有年少善書文理清通情願考試者行文各直省取具印官文結赴部照例考取換次補用會典事例

雍正四年增設漢侍讀一員由內閣中書典籍內遴選擬定正陪咨部引 見補授與各部員外郎一同論傳

陞轉會典事例

中書科中書○雍正十二年議准滿漢掌印中書舍人各一人筆帖式二人准留本科辦事外其不掌印之中

書筆帖式均令至內閣協辦中書事務如共遇 覃恩內外 誥軸繁多之時仍回本科專司辦事今傳 會

典事例

乾隆三十七年改中書舍人為中書科中書會典事例

國子監監丞助教等官○康熙二十六年覆准吏部將候缺各官職名開送國子監考取文學優通之人咨送

題補四員之後照例將正途出身之現任官推陞一缺會典事例

雍正元年覆准國子監監丞助教博士等官將進士舉人出身之教授陞補學正學錄等官將舉人恩拔副榜

出身之學正教諭陞補其典籍典簿仍照舊例考試補授其不係正途出身候補候選之監丞助教博士均令

改補國子監典簿鴻臚寺主簿學正學錄均令改補詹事府錄事國子監典籍其服滿假滿候補之員改授者

陞轉時仍照原銜陞轉會典事例

嘉慶十六年諭多山等奏博士懸缺有關訓課據實奏聞一摺據稱國子監漢博士自嘉慶十四年應選外府

教授均以告病告休咨部開缺續選之員亦久未到任員缺久懸於課士之道殊多未便等語國子監漢博士

一缺向例由外省府教授多係論俸陞轉資深年久之員往往不能赴京供職應如何更定選法俾人缺相宜

不致曠官著吏部妥議具奏欽此遵 旨議定國子監博士缺出雙單月選法內增入京陞一項雙月缺出用

科甲捐納一人外陞府教授一人京陞一人京陞由國子監學正學錄內論俸陞用會典事例

翰林院待詔孔目○康熙二十四年議准待詔員缺將候補國子監學正等項官員孔目員缺將候選官員內

應陞孔目者考試能文善書之人擬補會典事例

乾隆七年定待詔員缺如修書舉人無人行文到部咨取現在守部舉人候選知縣情願改就者考用孔目員

缺於各館修書恩拔副貢考取如不得人行文國子監咨取現在肄業之恩拔副貢者用均由翰林院考試善

書之人奏 闕咨部題補會典事例

三十年定待詔孔目二項雙月用考取二缺之後用捐納一人單月用考取一缺之後用捐納一人會典事例

禮部鑄印局大使○康熙十年題准以禮部儒士選用會典事例

乾隆二年議准由禮部於現在儒士內遴選移咨吏部題補五年任滿果無過誤該堂官出具考語咨送過部

以未入流應陞之官歸於雙月即行陞用儻五年任內有參罰事故仍不准陞俟咨送過部後照依該大使對

品之官歸於單月與應補人員統較文到日期先後改補會典事例

刑部司獄○雍正八年議准刑部司獄補授後三年無過該堂官出具考語咨送過部以從九品應陞之官即

行陞用會典事例

乾隆六年議准嗣後刑部司獄無論雙單月遇有員缺照五城兵馬司指揮吏目之例由部於從九品候補候

選人員內一例遴選引 見補授仍照舊例陞用會典事例

盛京刑部司獄○乾隆三十五年議准 盛京刑部司獄六年俸滿查其任內並無參罰事故准該堂官咨報吏部入於卽陞班內以外省司獄應陞之官照例在任候陞會典事例

刑部提牢官○乾隆二十四年奏准刑部漢提牢官一員由本部堂官於額外及試俸並捐納分部主事內一體揀選派委管理一年期滿果能稽察防範勤敏無過俟期滿後該堂官出具考語咨部額外及捐納分部者遇缺具題補授試俸者准作實俸捐納分部之員未經期滿如本班遇有應選之缺仍准按班銓選會典事例各部設立督催所○乾隆三年議准各部設立督催所酌委司官專司稽察將已未完結之處三月具奏一次會典事例

吏部兵部設立稽俸廳○雍正七年定吏部設稽俸廳鑄給印信歸併稽勳司司官管理會典事例十二年議准兵部設立稽俸廳鑄給印信該堂官於事簡司分內酌委司官兼理凡文武各員俸祿冊籍各由吏兵二部稽俸廳註明咨送戶部支給會典事例

太常寺官○順治十五年題准漢寺丞員缺由協律郎贊禮郎內遴選擬補協律郎贊禮郎員缺由司樂論俸陞補司樂員缺由樂舞生遴選頂補奉祀員缺由祀丞論俸陞補署正員缺由署丞論俸陞補祀丞署丞員缺由樂舞生遴選頂補以上官員均於本衙門陞轉陞至寺丞止准加品級食俸不得陞補別衙門遇員缺先儘丁憂服滿病痊假滿之人如無人即於應陞應補人員內不論雙單月補授會典事例

鴻臚寺官○順治元年議准序班員缺由直隸河南山東山西四省學習生員內選擇儀度聲音擬補鳴贊員缺由序班內考選聲音洪亮者擬補主簿員缺由鳴贊論俸陞轉其丁憂起復病痊假滿之員仍由寺考取聲

音按原職卽行補用會典事例

十七年奏准山東山西河南三省離京稍遠在寺學習者行走維艱且聲韻各別土語難變學習唱贊時雖極力教演究難合式惟直隸一省近居京城該生等行走不致拮据其聲音唱贊亦易合式應將山東山西河南三省額設生員六名裁去四名止留二名合直隸原設六名共八名一併歸於順天學政咨取會典事例

欽天監官○順治十五年題准凡欽天監官陞至監正止加京官職銜仍掌監事會典事例

康熙五十八年議准監副以員外郎陞用五官正以主事陞用照滿官陞轉之例由部按其得有品級令俸之日算俸入於論俸推陞之月八月十一月遇缺卽補不積各項陞轉之缺每年陞用一人或八月或十二月止

陞一人此陞用時先陞監副一次後陞五官正二次輪次陞補監副員缺由五官正靈臺郎主簿挈壺正陞補五官正員缺由主簿五官司書博士陞補靈臺郎員缺由五官監候博士陞補主簿員缺由挈壺正司書監候博士陞補挈壺正員缺由博士陞補司書員缺由博士陞補監候博士員缺由天文生考授至天文生員欽天監於世業肄業二班人員內自行考補凡欽天監官生丁憂均不開缺離任扣限三月期滿仍行供職會典事例

太醫院官○順治十五年題准凡太醫院官陞至院使止加京官職銜仍掌院事會典事例

又題准太醫院院判員缺由御醫陞補御醫員缺由八品吏目陞補八品吏目員缺由九品吏目陞補九品吏目員缺由醫士陞補遇有員缺不論雙單月由太醫院於應陞人員內按其醫學優長行走勤慎者遴選正陪

奏聞請旨補授丁憂起復限滿候補之人仍按照原銜先儘坐補會典事例

五城司坊官○雍正十一年議准五城司坊官如有闕俸已滿三年果能辦事勤慎才猷練達任內雖有因公參罰事故准令該城御史註明事實呈送都察院堂官查覈薦舉並將因公參罰之處於疏內聲明由部帶領引見請旨陸用以示鼓勵會典事例

乾隆三年議准五城司坊官由部於候補候選人員內遴選引見補授如候補候選人員不敷遴選正指揮於候補候選之正六品通判內揀用副指揮於候補候選從六品州同內揀用吏目於候補候選正從九品人員內揀用補授後均照原銜陞轉會典事例

順天府治中○乾隆二十五年議定順天府治中一缺如一時無本項合例應選之員卽於在部候補候選品級相當之同知直隸州知州人員內奏請欽派大臣公同揀選引見恭候簡用會典事例
嘉慶九年奏准順天府治中本係選缺若無合例應選之員仍照向例於守部人員內揀選引見請旨簡用不積本班之缺會典事例

順天府四路捕盜同知○康熙二十六年議准直隸設捕盜同知四員令該撫揀選保題會典事例

雍正二年題准順天府四路同知員缺令該督於本省現任官員內遴選駕馭捕役緝盜有方之人具題引見補授如所屬內遴選無人應令題明吏部照理事同知之例將各部院衙門筆帖式中書小京官內遴選保舉引見補授會典事例

大興宛平二縣○雍正十一年議准大宛二縣闕俸已滿三年如果才守兼優著有實績任內雖有因公參罰事故令該府尹總督開列事實加具考語別行保薦將參罰之處聲明俟部議覆准後送部引見量加陞轉

乾隆四年奏准大宛二縣向由外縣知縣推陞嗣於雍正二年奏請 特簡賢員補授邇年以來有由部揀選者亦有由該督題補者未爲畫一嗣後令該督會同府尹於屬官內遴選具題引 見補授會典事例

順天府學教授訓導○雍正十二年議准順天府學教授訓導員缺令直隸總督會同學政於通省現任教職內遴選人品端方學問優長者具題調補六年俸滿准其一例保題會典事例

奉宸苑開官○雍正四年奏准奉宸苑開官員缺由部於候補候選未入流內遴選補授附入月選雜職內具題俟奉 旨後給憑准作京俸與未入流等官較俸陞轉會典事例

旗員遴選理事同知通判○康熙二十八年覆准理事同知員缺將應陞主事八旗滿漢字人員論俸擬正陪具題補授理事通判員缺由八品小京官筆帖式內選擇具題補授會典事例

乾隆三十三年諭向來各衙門保舉撫民同知通判例由吏部請旨特派大員考試第思此項人員原不過取其通曉字義標判文書而止並非揚屋衡文可比若一一傳集校藝恐其中轉易滋代倩傳遞諸弊甚屬無謂嗣後各衙門保舉此項人員彙送吏部照月選官之例令其赴部親筆繕寫履歷以憑覈對不必另爲派員考

試著爲令會典事例

傳深筆帖式截取知縣○乾隆十四年奏准在京各衙門滿洲蒙古筆帖式吏部論俸截定二十員行文各衙門令各該堂官秉公酌量出具切實考語將該員可否堪勝外任之處詳細聲明咨送除不勝外任人員照例

註冊仍歸原班以京缺陞用外其堪勝外任者彙齊人數奏請 欽派大臣考試時務策一道按其優劣分別

名次進呈後吏部帶領引 見奉 旨記名者按班論俸陞用一人會典事例

五十二年奏准嗣後筆帖式截取知縣各計額缺在十五員以上者方准保送一員餘則按數遞加若一時不能得人盜缺勿濫各按類缺多寡定以准保員數吏部准保四員戶部六員禮部二員兵部四員刑部七員工部五員都察院二員理藩院六員翰林院二員三庫吏科戶科兵科刑科光祿寺太僕寺欽天監俱各准保一員其餘 上諭處 起居注通政司大理寺詹事府禮科工科鑾儀衛提督衙門太常寺鴻臚寺國子監中書科倉場衙門繙書房侍衛處各衙門額缺俱不足十五員之數其中果有人材出眾堪膺民社者亦各准保送一員如無人亦不得濫保會典事例

記名人員不許占兩途○乾隆十五年議定各省理事及撫民同知通判並陞用知縣等項之滿洲蒙古人員除論俸應陞者仍准陞用外其有曾經奉 旨記名以何項員缺補用者即令其專候本項之缺再遇擴選記名補用之缺不准復行與選或於此項奉 旨不必記名下次凡遇擴選亦不准保送會典事例

查辦卓異卽陞州縣等官陞任京職○乾隆三十六年諭前諭各省督撫將州縣陞授京職人員填註切實考語送部另班引見原欲爲外省留熟練之員期於吏治有益第思此例行之日久恐不免有流弊昨曾諭吏部將現任京員中由卓異等項內陞者查明帶領引見並予甄錄記名備用自無慮其終滯曹司亦可無庸預爲別擇所有月選內陞人員督撫出具考語送部之例可不必行嗣後吏部將此項人員每三年查辦一次列名帶領引見候朕量加錄用著爲令 通考

又定凡由卓異卽陞之知州知縣同知等官陞任京職並推陞京職後又經陞任至科道及服滿開復赴補者

每三年吏部查辦一次列名帶領引見恭候錄用除交軍機處記名人員應聽軍機處辦理外如奉旨交部記名科道遇有請旨道員缺出郎中員外郎遇有請旨知府缺出分別開列名單缺單開具履歷恭請簡用主事以下小京官各以應得之項註冊入於單月與應補人員較奉旨投文日期先後陞用至應補赴部人員尚未得缺奉旨記名及從前由現任小京官曾經奉旨記名者歸於單月較各項日期先後附於現任記名人員之末陞用至記名主事以下小京官單月未經陞用者遇伊等俸深班次應陞時仍准較俸陞用會典事例

捐納議敘試俸各官期滿保送○乾隆三十三年奏准凡各項捐納及議敘陞補之滿洲蒙古主事並各項小京官俱俟試俸期滿後方准以直隸州知州撫民同知通判等官保送請旨記名陞用未經期滿者由部查明駁回不准帶領引見會典事例

記名人員揀選時患病扣限○乾隆四十八年議定凡有各項記名外用京官遇各省奏請揀發時傳喚赴挑有以患病扣除者俟報病痊到部之日起扣足五十五日限期方准按班銓選會典事例

揀選直隸熱河等道員○乾隆七年議准直隸新設熱河兵備道山西添設歸綏兵備道以上二道缺出吏部行文各部並理藩院令各該堂於滿洲蒙古郎中內揀選保送過部帶領引見恭候簡用會典事例

四十二年奏准直隸口北道一缺管轄口外三廳辦理滿洲事件與熱河兵備道事同一例自應畫一改用滿員以收實效會典事例

外官題缺定限○乾隆元年議准各省正印佐雜官員及河道總督所屬官員由在外遴選各缺如係丁憂病

故人員即以督撫題咨開缺之日起限一月內題咨調補其緣事議降議革及陞任調任終養告休等官由部於每月二十日截限時行文知照以接到部文日起限一月內令該省照例題咨調補如有違限分別議處會典事例

嘉慶四年議准嗣後題調各缺該督撫接到部文之後統限一月內揀員陞調於送部揭帖內聲明某日接到部文某日具題以憑查覈如有違限分別議處至各項陞調所遺應歸部選之缺留於該省補用者或應題補或應題署亦均不得過一月之限會典事例

官員題陞○乾隆元年議准各省督撫應行保題各員如將官員題請陞補陞署止准以應陞之職題補不得越級保題會典事例

官員題調○乾隆四年奏准各省題請調補調署官員除降革留任例有展參及督催分數錢糧承追虧空職罰不准調補外其承追督催不作分數之雜項錢糧及降俸住俸罰俸緝拏之案仍准題補如降革留任並無展參亦准一例遴選調補將降革之案帶於新任接算年限開復至奉旨題補之人亦不論何項參罰悉准遴選調補此等調補官員均毋庸送部引見其因不能勝任題請調簡者仍送部引見請旨會典事例
二十九年議准州縣以上官員任內有參罰在十案以外者不准揀選調補亦照題陞之例辦理如督撫遺漏聲敘照例議處凡繁簡互調之有司官如才堪治繁現任偏僻或才止堪治簡現任繁劇准該督撫酌量對調會典事例

嘉慶十一年諭各省督撫因州縣員缺緊要揀調需人往往將不合例之員奏懇補用朕節次發交部議部中

皆照例議駁並將違例保題之上司一併奏請議處部議上時朕每有仍照該督撫所請准其陞調者並將該上司處分寬免原以地方治理帶人不得不破格錄用非可視爲常例乃近來督撫等違例保奏者漸多明知部議必駁部駁之後仍可邀准而一經題准處分亦無不寬免遂爾心存玩易任意保題積習相沿成爲故套惡滋流弊試思一省之大州縣佐貳不少豈無廉能任事合例可保之員何至出一缺卽非此一人不可必欲違例奏請此在存心公正之督撫一時爲人地起見諒無別情而假公濟私者或因此徇情薦舉意爲愛憎不論人才之當否惟視缺分之肥瘠其弊將何所不至所關於吏治者甚大朕固不疑天下督撫俱有不肖之心然不明定條例恐封疆大吏保舉屬員竟致無所顧忌不可不防其漸嗣後督撫等違例保奏之員除照依部駁者仍照舊例議處外其有部駁之後仍率特旨准行者著交該部存記將來所保之員如犯有貪私散法之事其原保之上司竟當奏請革職如係別項劣蹟致罹參革者亦應照本員罪名之輕重以定原保上司獲咎之等差著該部詳議章程載入則例永遠遵行

右漢員遴選一

知府知縣等官闕俸陞調○乾隆十三年議准守令各員內凡有應題員缺必本任內闕俸五年以上方准題陞應調員缺必本任內闕俸三年以上方准題調該督撫於所屬知府直隸州知州及府屬知州知縣內每於年底細加訪察將曾經陞調各員在任又滿三年才守兼優政績卓著者保題到部知府加道銜直隸州知州加知府銜知州加同知銜知縣加通判銜註冊遇有應陞准其卽行題陞向例凡降革留任之員概不准題陞此等加銜註冊之員在內如有降革留任之案例有展參者自不准題陞外其例無展參者原可帶於新任接算年限開復應准其一例聲明題陞如此等加銜人員有緣事降調及開復服滿候補者准卽照其加銜降用及補用若照銜降調之員而所降之級尙在現任以上及與現職相當者均毋庸令其離任惟將所加之銜查銷會典事例

煙瘴臺灣各員題調○乾隆十四年議准邊省內有煙瘴之缺與內地情形不同如必循照三年准調五年准陞誠恐一時難得合例之人嗣後內地及苗疆各缺仍照例計算本任之俸如無俸深之員卽請旨揀發若係煙瘴各缺不必註俸惟擇才優與能耐煙瘴者卽准陞調會典事例

又議准福建臺灣一府越在海外均由內地調補既應覈其年力又須察其辦事才情若亦以三年俸滿始准調補恐合例者未卽勝任勝任者又難合例於海外要區鮮有裨益嗣後內地各缺不得援照此例惟臺灣各

官無論開俸年限仍照舊例遴選調會典事例

佐貳首領題陞州縣○乾隆四十二年 諭吏部議請將從大品之州同以及布政司經歷理問等官概不准其題陞知縣一摺該部因從前疏通舉人案內未經議及州同等官不得復估知縣因有此奏自應如所議行但此等人員內或有才猷出眾者在該省閱歷年多若令借補知縣較部選新任人員於地方公務似有裨益而才堪造就之員若限於成例概致積薪亦未免可惜嗣後著各督撫於此等人員留心察看如才具果優堪膺民社而其人地實在必需者准其據實聲敘專摺奏請候朕酌量降旨會典事例

署事實授○乾隆四年奏准凡各省署事實員題請實授係銜職相當銜大職小者除降級降職革職留任之案不准實授外其餘各項處分均應一例准其實授銜小職大實授者與題陞無異如任內有住俸停陞緝拏降俸罰俸之案准其實授其降革留任及承追督催停陞徵收等案均應俟銷案之後再行保題實授以上署事實員任內有此等案件本與題陞實授之例不符而從前題署之時欽奉 特旨准行者將來題請實授由部於議覆本內聲明應否准其實授恭候 欽定至於署事實授銜大職小銜職相當者均毋庸送部引 見其銜小職大者如從前奉 旨命往之時指明以何項官員試用者亦毋庸引 見如係 命往酌量委署試用未經指定銜銜及由現任等項題陞凡係銜小職大之員均於題請陞署之時送部引 見請 旨將來題請實授毋庸再行給咨送部若各省督撫以要缺需人題明先行陞署者仍於實授時送部引 見會典事例
河工署事實授○乾隆十六年議准河工官員例應先行題署試看是以必經閱三汛後如果稱職送部引 見實授若由現任調署之員均係從前業經引 見之人非題陞及未經引 見者可比至期滿題請實授時

原可毋庸重複引 見嗣後除題陞及未經引 見人員仍照定例遵行外其由現任調署者一年後果能勝任具題實授毋庸再行引 見會典事例

保運官員引 見○乾隆四年奏准各省保運官員應行引 見者均俟部議奉 旨後行文知照該省再給文送部引 見不得未准部擬即行隨本給咨送部

二十二年奏准各省題請陞補陞署以及月選推陞例應引 見人員向例俟部覆到日該督撫飭令該員交代清楚給咨送部引 見恭候 欽定此等人員有因公辦差來京適遇該員題請陞補陞署業經議准以及

推陞得缺者免其回任領咨准令該員於差竣之日呈明吏部行文該管衙門查明如無未清事件准其就近帶領引 見會典事例

調缺准酌量題陞)康熙三十八年議准苗疆員缺停其部選該督撫保題調補會典事例
雍正七年 諭煙瘴地方文武官員缺向例調補者該督撫提鎮等於屬員內秉公酌量若有可以題陞之人即具題請旨陞授會典事例

補用試用人員題缺○乾隆四年奏准凡各省奉 旨命往及督撫題准以道府補用試用人員遇有員缺無論應調應選之缺令該督撫酌量才具擇其相宜者悉准題請補授署理其同知通判州縣如奉

旨命往補用及督撫題明留於該省候補者無論應題應選之缺均准該督撫酌量具題如係 命往委

署試用及督撫題准試用人員俟該省有應題缺出於現任內遴選調補陞補其所遺應歸月選之缺准其署理俟題補完日仍歸部選此外應歸月選之缺概不准將試用人員題署至例應題補之缺原准陞調兼行不

拘一格試用人員內有能勝任者准其一例遴選署其應於現任內調補之員如試用人員內原係候補及發往之後曾經署得職緣事離任後經別補亦准遴選署理其有將初任試用未經得缺人員徑行題署調補之缺概不准行又佐雜等官惟咨報要缺者應於現任內遴選調補其餘悉歸部選應將各省以佐雜補用試用人員遇有應歸月選之缺該督撫酌量才具咨部補用應行委署者咨部委署果能稱職別請實授一例附入月分彙題至應行調補要缺令該督撫悉行照例於現任內遴選調補其有命往以佐雜補用及留於本省候補並試用佐雜內有原係候補並曾經咨署得職亦准酌量遴選補用署理如有將初任試用佐雜請署調補之缺者亦不准行會典事例

又奏准河工缺出自同知以至佐雜等官如有欽奉特旨留工之員仍照例先儘補用至各項人員經該督保奏奉旨留工者究與特旨留工之員有間自應明定班次應先用該督保奏奉旨留工之員一人次儘仍赴原工一人兩項相間輪用輪至第五缺用投効分發試用一人會典事例

陞調官員事故隨本開復○乾隆四十五年奏准外省四五品以下各官任內有降革留任事故如奉恩詔開復未經造冊報部之前該員適遇陞調准該督撫隨本另備咨文逐案聲敘吏部核覆時隨本駁明開復仍令各督撫於彙咨冊內詳細聲明查駁會典事例

試用人員補缺次序○乾隆四十八年定各省凡係督撫奏請揀發試用以及試署未經實授仍赴原省試用者或奉旨命往或係曾經得缺之員該省遇有相當缺出先儘此項人員補用不得以分發各員初次撥補

又定捐納議敘並大挑分發人員各該督撫均按到省日期先後其間有告假等項離省者除去離省年月扣明實在試用日期多寡按照次序每季造冊咨部查覈遇有缺出應行補用之員按班各計先後補用其具題出咨日期亦一體分別先後不得撥越會典事例

直隸州知州題補 原定直隸州知州員缺令各省督撫於本省知州內遴選賢能之人引 見調補如無可調之員卽令於知縣內擇其才守素著明敏練達者保題陞用會典事例

乾隆十六年議准嗣後直隸州知州陞轉與同知一同較俸陞用知府等官不必與府屬知州較俸仍陞同知其府屬知州題補直隸州知州者應照題陞之例辦理會典事例

卽陞參罰保題 乾隆五年議准各省保薦卽陞人員比照保題行取之例任內如有降革留任之案亦准保舉註冊俟開復銷案再行陞用其降俸降職罰俸住俸等項參罰仍准陞用將降俸之案帶於陞任會典事例

運副運判題補 雍正十三年奏准各省鹽運使司運副運判員缺令該督撫會同鹽政於現任屬官內遴選具題送部引 見補授會典事例

乾隆七年奏准江賑議敘條款內開運副運判例不歸月選係在外題補之缺此項議敘人員人文到部籤掣省分令其先赴該省委用遇有員缺不論日期先後先將議敘之人題補一人再將應陞之人照例簡選題補

一人輪流間用會典事例
衝繁疲難各項揀選調補 雍正九年議准除道府員缺係請 旨補授並沿海沿河苗疆煙瘴及一切應行

題補調補之缺無論四項或兼或全或專及並非衝繁疲難均令督撫遴選具題外其同知通判知州知縣內

督撫册報衝疲難四項三項相兼者令該督撫於現任屬員內揀選調補二項一項及並非衝疲難者悉歸月分銓選於考試履歷進呈時將員缺註明候旨簡用會典事例

佐貳要缺調補 雍正七年諭各省佐貳微員有地方職掌緊要者亦有新設新移正需料理者必須於眾員中揀選才具稍優熟練事務之人方克勝任各省督撫將佐貳緊要之缺察明具奏交與該部註冊遇有員缺該督撫揀選題請調補如本省乏人或將別省所知現任之員題補或請旨揀發永著為例會典事例

十三年議准各省佐雜要缺均令督撫揀選咨部調補由部查明與例相符將各員詳晰開明履歷並督撫考語按月彙題俟命下之日由部行文知照准其補授會典事例

試用人員仍發原省 乾隆五年奏准凡各省委署試用人員未經實授者丁憂服滿降革開復令其即由本省督撫給咨該員仍赴原任省分委署試用仍咨部存案至降革人員應行引見開復者俟奉旨准其開復後由部即行給照發往原省試用會典事例

八年奏准陞署未經實授人員丁憂服滿令其仍赴原任省分交與該督撫遇缺酌量題署會典事例

一等舉人以知縣佐貳分別補用 乾隆三十一年奏准大挑分發各省之一等舉人於到省後該督撫通行甄別分為兩班心地明白試有成效者即以知縣補用才識中平尚堪學習者先以佐貳借補果能有志向上留心吏治再以知縣調補該督撫分別奏明註冊仍按試用日期輪班補用其以原銜借補直隸州同州判

府屬州同州判府經歷縣丞鹽庫大使等項之後有丁憂回籍嗣經服闋不准照大銜借補小缺之例一體赴部照知縣補用由本籍督撫給咨仍發原省令該督撫仍以佐貳等缺酌量補用詳加試看如果堪勝民社之

重

任再以知縣調補會典事例

五十五年諭向來大挑一等舉人分發各省以知縣試用並令督撫等察其才具嚴加甄別原爲慎重地方起見不得以庸劣之員濫竽貽誤其人果能勝民社之責自應補用知縣而拘執無能或年老者卽當以佐雜教職等官改補素行已久嗣經條奏多列例款於兩字一字之外復加以專簡無字之缺將此等大挑人員分別補用既屬整頓亦明係寬設其途爲庸劣之員姑容地步此例不可行著軍機大臣會同該部另行妥議具奏欽此遵 旨議定嗣後一等舉人到省後應令各該督撫切實甄別詳加察看其有果能勝民社之責者卽以知縣用其拘執無能年老者分別題明以佐貳教職改補概不准其分別專難專衝一字兩字等缺以昭慎重

會典事例

河工服闋假滿仍准留工 乾隆四年議准凡河工効力人員丁憂治喪除未經得官及題咨委署尙未實授者俟服闋假滿之時令原籍督撫給咨前赴河工聽候該督酌量委用仍咨部存案其已經實授得官人員於該員丁憂治喪之時令該河道總督詳察如係諳練河務或該員情願前往河工候補准其於題咨內聲明俟服闋假滿後卽由原籍督撫給咨前往該省河工聽候河督題補並咨部存案其未經聲明留工者仍照例給咨赴部別補會典事例

督撫不准隨帶人員 乾隆二年議准凡各省督撫除河工効力外如有赴任之時奏請將平日所知人員帶往以備委用者概不准行若調任後於前任屬官內確知有才能出衆人品卓越者准其保奏送部引 見恭 候 欽定會典事例

候欽定會典事例

揀選分發人員 乾隆十六年四月定 特派大臣揀員分發例 上諭向來分發各省人員由吏部堂官揀選雖職掌所在然未足以示慎重嗣後凡有揀選之處該部將滿漢大學士九卿并該部堂官一同開列候旨 特派大臣揀選吏部帶領引見著爲例 通典

又奏准嗣後除揀發各省及驗發河工人員先期將滿漢大學士戶禮兵刑工等部都察院通政司大理寺並本部各堂官職名繕寫名單進呈恭候 欽點揀發外其餘例應在京揀選各缺內除各衙門自行揀選送部引見及由部會同各處揀選引見各缺應照舊例辦理外至五城司坊官刑部司獄太常寺司庫所牧國子監監丞典簿宗人府主事理藩院司庫鳳凰城迎送官督撫衙門筆帖式奉宸苑開官等向皆由部揀選以上揀選各官人數無多與揀發外省人員有間亦仍照舊例在部揀選 太常寺所牧鳳凰城迎送官後裁 會典事例

嘉慶十二年諭嗣後凡遇請派揀選文職官員係會同吏部者吏部堂官卽無庸開列著爲例 會典事例
十六年諭嗣後揀選各項人員著承辦之衙門先後擬定日期將應行與挑人數概行傳齊屆期奏請簡派該大臣一經派出卽於本日前往秉公挑取毋許稽遲如有遷延後期者該衙門查參著爲令 會典事例
咸豐六年諭內閣前因御史李鶴年奏敬陳管見各條當交軍機大臣會同該部議奏茲據文慶等會議具奏向來月選揀發分發各員原應依限赴省赴任乃近來用兵省分揀發人員往往經本籍及經過地方督撫大臣留營差委或留辦團練防堵等事甚至特旨簡放之員亦復觀望徘徊延不赴任似此規避取巧以致員缺久懸尙復成何事體著各省統兵大臣及各該督撫等查明從前奏留各員如有已著勞績保奏有案者仍准

准留於該處差委其餘並無勞績者自奉旨之日爲始勒限飭赴本任本省不得復行藉詞奏留仍一面報部
查覈嗣後月選揀發分發人員概不准經過地方督撫大臣奏留差委其推升軍務省分人員應行引見赴任
者如原省本無軍務尤不准奏留展限如有借端奏請者卽著該部查明奏參至失守城池罪名最重各省州
縣賊至則稱出城堵禦賊去又稱帶兵收復紛紛開脫何以申法紀而肅官常嗣後失守城池各員仍著照本
例定擬罪名必實係禦賊接仗身受重傷或真能督率兵勇隨同克復城池情節實有可原者方准各省統兵
大臣及督撫等奏明請旨不得概以功過相抵等詞曲爲開脫 聖訓

違省揀發人員○雍正二年 諭違省州縣員缺部選官領憑赴任必需數月甚而懸缺日久署印屢易其官
以致貽誤地方者不少著將候選舉人選期尙違者揀選命往各省委署會典事例

十二年議准各省題請揀發委署試用人員概行停止其雲南貴州四川廣東廣西等違省經督撫題請揀發
奉 旨後由部將候補候選人員揀選引 見命往會典事例

直隸揀發人員○乾隆十五年 諭直隸爲畿輔重地路當衝要政務繁多州縣各官或過調委差務署內事
件勢難兼理著該部將候補候選人員內揀選州縣十人佐雜二十人俟朕回鑾時引見交與該督差遣委用
遇有員缺酌量補授至所發人員將次補完之日再行請旨揀發永著爲例會典事例

奉天州縣各員缺揀選○乾隆十五年議准奉天共十有二州縣其有戶婚田土訴訟等事凡旗民交涉者皆
會同旗員審理往往意見參差致難完結若此十二州縣卽將旗員銓選則不必會同該城旗員辦理較爲
一查奉天州縣向例衝繁疲難四項三項相兼者該府尹於現任屬官內揀選調補陞補二項一項著歸於月

分銓選原不論旗員漢員通行補用今既改用旗員則應用人員班次不得猶豫行酌定又知縣一項滿洲文進士繙譯進士文舉人俸深筆帖式皆例得選用但進士舉人各按科分甲第名次先後銓選筆帖式於雙月五甲五舉四捐三陞之後選用一人今奉天知縣專用旗員若仍歸月選恐奉天出缺之月未必卽屬旗員應選之班將遇缺先儘選補則於選法有礙將扣缺以俟旗員應用班次則員缺未免久懸嗣後遇有奉天應選知縣員缺將應用知縣之滿洲文進士繙譯進士按照科分甲第文舉人按照科分名次筆帖式按照俸次深淺三班各擬一人引見候旨簡補至知州員缺向由在部候補候選人員補用如無候補候選人員卽將同知借補承德縣乃京縣知縣係正六品例由該府尹於所屬知縣內揀選陞補如所屬無可陞之人亦應在部揀補今既改用旗員則滿洲小京官外用同知通判人員原係各堂官遴選能通文理辦事明白者保送引見記名陞用同知與知州通判與京縣知縣官階尙屬相近似可通融借補嗣後奉天應選知州員缺將記名以同知用之滿洲小京官揀選擬定正陪帶領引見候旨簡補承德縣知縣員缺如所屬知縣內無可題陞之人將記名以通判用之滿洲小京官揀選擬定正陪帶領引見候旨簡用其四項三項相兼要缺仍照舊例令該府尹於現任屬官內揀選旗員調補陞補如一時無可陞調之人卽令該府尹具摺奏請揀補亦卽照此辦理會典事例

揀選佐雜○乾隆六年奏准凡各省請揀發佐雜試用人員由部將候補捐納議敘卽用選用恩拔副歲貢生考職並倉書總吏提牢典吏應行卽用人員均准揀選貢監吏員考職者不准揀選其河工海塘等處請發効力人員亦先儘候補及前項應行卽用選用人員揀發如人數不敷貢監吏員考職人員亦一同揀選至於捐

納職銜人員無論各省河工概不准揀選會典事例

十五年議定恩拔副歲貢生考職就職俱定限六年之後方准揀選惟揀選河工不必拘定年限會典事例

揀選人員分別款項○乾隆二十四年奏准各省揀發人員指定何項職銜者吏部出示傳喚均照該督撫所請之項揀選帶領引見發往其應補直隸州知州一項守候需時不無壅滯遇委請揀發同知知州時准其挑補候補候選言府首領等官遇各省請揀發佐貳直隸州州同州判並府屬州同州判俱准一體揀選至從六品州同以下至九品之縣主簿等官俱入於佐貳項下從九品府照磨以下至末入流等官俱入於雜職項下一體揀選會典事例

鹽庫大使揀選○雍正六年議准各省鹽大使布政使司庫大使於候選知縣州同州判縣丞內揀選引見補授給與正八品職銜與按察使司知事等官一例較俸陞轉會典事例

鹽運司知事試署○乾隆四十八年議准各省鹽運司知事到省試用在五年以上尙未得缺遇有巡檢典史應歸月選之缺以從前到省日期與本項人員統較日期先後酌量試署實授後卽照現補之缺計俸陞轉遇鹽運司知事缺出不得再以該員請補會典事例

教職考試保題○雍正四年奏准凡教職選授後發題本省督撫考試一二三等者均准給憑赴任四五等者解任學習三年再行考試如果文理優通題明補用如仍前荒謬革職六等者革退其考列一二等之教官到任後如果文品兼優才能出眾所屬士子無抗糧興訟等過犯以到任日扣算俸滿六年督撫會同學臣保題送部引見恭候簡用會典事例

鹽場教職俸滿分別核算保題○乾隆十一年議准鹽大使教職俸滿多有兩任核算保題者惟是俸滿保題原令該管上司覈其才守果優方准保題選用若將前任之俸一概准其核算恐到任未及數月閏俸已滿援例保題其才守之優劣難以遠定嗣後俸滿各員除前任閏俸甚淺後任尙需數年者仍算五年滿日分別報部如有前任閏俸已深在四年以上者雖核算年限已滿亦應俟到任一年後覈其才守果優方准核算保題

會典事例

雲貴等省教職○康熙三十八年議准貴州普安一州餘慶安化普定平越都勻鎮遠銅仁龍泉永從等縣雲南永北一府昆陽彌勒陸涼馬龍霑益雲龍等六州各增設訓導一人均將恩拔副榜選授以教諭管訓導事

照教諭陞轉會典事例

雍正四年遵○旨議定雲南貴州四川廣東廣西福建等省教職將進士舉人恩拔副榜換貢及捐貢人員照依科分名次所捐雙單月先後日期開列選法截定人數填給執照遇員缺令該督撫揆次陞選每月具題照例考試令其到任並將各員履歷到任日期原發執照按季彙冊送部查覈再雙月推陞之例教諭陞教授訓導陞正諭止在本省較俸亦截定俸次分發本省擬陞以上各項均截給三十名惟教諭陞助教知縣等缺訓導陞府經歷縣丞等缺原與各省通同較俸仍歸部推陞如遇月選推陞之後本省又行擬陞具題者將擬陞之本省教職扣除以俸次之人選用會典事例

外任各官護理委署○乾隆二十七年諭蘇昌奏託恩多離任將巡撫印信交布政使史奕昂護理一摺此節拘泥成例於事理深屬未協向來巡撫遇有事故將印信交與布政使護理原爲督撫不同省者而言若同

省則督憲既可交巡撫兼攝豈無策轉不可令總督兼署而必以布政使爲重足倚恃乎且封疆大吏或因此自分畛域彼此意見不和於政事尤有關係不可不防其漸嗣後凡督撫同省遇有應行攝篆非旦夕可以緩待者均不得率交布政使護理將此明著爲例

會典事例

三十三年諭教職遇有員缺向來率多委別學教官代理此等司鐸微員兩任豈能兼顧現在各省挑選二等舉人在籍候選教職之員伊等得缺尙遲如有情願自効者卽赴本省督撫報明聽候該督撫會同學政揆次派委暫署則員缺既不久懸而需次者亦不令閒曠自爲一舉兩得

三十七年議准州縣缺出事簡者令鄰近州縣及試用候補等官署理事者於別府同知通判等官內選擇廉能之吏署理本管之道府本府之同知通判遇本管及本府州縣之缺均不准委署並不准將相隔寫遠之員委令兼攝

會典事例

五十九年諭向來督撫委署藩臬兩司者其人俱將接任日期具摺陳奏但此等委署人員所奏之摺不過尋常交代等事並無緊要嗣後除奉旨署布按之人外其督撫委署者若關係地方緊要及所管事務查有弊端或有應行調劑事件准其專摺陳奏其餘不過尋常接收交代到任日期等事止須呈報督撫咨部存案均毋庸專摺具奏以歸覈實

東華續錄

道光二十年諭各省藩臬運司道府出缺不得以賜品及試用人員濫行署理

東華續錄

順天府屬會銜題調○乾隆四十一年議准嗣後直隸各府人員陞調至順天府屬者直隸總督專銜題咨毋庸會同順天府尹列銜其順天府各員陞調至直隸者總督主稿會同順天府尹列銜題咨

會典事例

道府請 旨部選各缺不准改題調缺○乾隆三十七年定道府各缺如原係請 旨補放及部選之缺者俱不准其改為在外題調至原係部選之缺或因地方情形今昔不同令該督撫隨時具題准其改為請 旨簡

補註冊會典事例

內外陰陽醫學僧道等官○康熙十三年定陰陽醫學僧道等官均由禮部查明咨送照咨註冊仍咨禮部知

會各該衙門會典事例

沿河州縣調補○雍正元年議准河南之祥符滎澤中牟鄭州蘭陽儀封商邱考城虞城武陟孟縣河內山東

之德州東平濟寧臨清單縣滕縣嶧縣魚臺汶上陽穀恩縣曹縣鉅野江南之山陽江都甘泉高郵邳州宿遷

銅山沛縣虹縣靈璧泗州盱眙各州縣員缺均令該督撫於本省現任州縣內遴選調補三年俸滿保題陞用

若三年內雖無衝決而多費 國帑或鄰近隄工有衝決水勢已洩仍不准卽陞○乾隆元年議准直隸沿河

之良鄉固安永清東安通州武清寶坻涿州霸州滄州薊州南皮清河天津青縣靜海玉田交河景州吳橋故

城東光等州縣亦照豫東江南之例於現任州縣內遴選保題調補會典事例

沿河佐雜○乾隆三十八年議定直隸通州吏目和合驛驛丞兼巡檢武清縣典史河西務巡檢楊村驛驛

兼巡檢寶坻縣典史薊州吏目中營巡檢香河縣典史玉田縣典史良鄉縣縣丞典史涿州州判吏目霸州吏

目大城縣典史固安縣典史永清縣典史東安縣典史天津縣典史葛沽巡檢楊青驛驛丞兼巡檢北倉大使

兼巡檢靜海縣典史獨流巡檢青縣典史流河驛驛丞滄州吏目孟村巡檢南皮縣典史交河縣典史新橋巡

檢景州吏目龍華巡檢吳橋縣典史東光縣典史故城縣典史鄭家口巡檢清河縣典史大名縣典史江南淮

安府經歷檢校稅課大使大軍倉大使山陽縣縣丞主簿典史清河縣縣丞典史安東縣典史桃源縣典史史家集巡檢揚州府經歷照磨檢校江都縣典史萬壽司巡檢甘泉縣典史邵伯司巡檢儀徵縣典史舊江司巡檢稅課大使高郵州吏目界首司巡檢寶應縣典史槐樓司巡檢衡陽司巡檢徐州府經歷銅山縣典史沛縣夏陽司巡檢邳州舊城司巡檢宿遷縣典史海州沭陽縣縣丞惠澤司巡檢通州吏目宿州州判壽州正陽關巡檢泗州同山東濟南府經歷東昌府經歷泰安府經歷兗州府經歷沂州府經歷曹州府經歷聚阿縣縣丞典史嘉祥縣典史壽張縣典史鉅野縣典史聊城縣縣丞典史堂邑縣典史博平縣典史清平縣典史魏家灣巡檢館陶縣典史夏津縣典史武城縣典史河南開封府照磨歸德府經歷彰德府經歷衛輝府經歷懷慶府經歷陳留縣典史封邱縣典史陽武縣典史汜水縣典史廣城縣典史安陽縣典史湯陰縣典史內黃縣典史汲縣典史淇縣典史輝縣典史獲嘉縣典史新鄉縣典史滑縣典史老岸鎮巡檢修武縣典史原武縣典史溫縣典史均以沿河註冊如有留心河務之員遇有河工汛員缺出准其一體揀選陞調所遺各缺仍歸部選如並非沿河地方不得混行陞調會典事例

五十五年議准直隸灤州吏目榛子鎮巡檢清苑縣典史張登司巡檢雄縣典史正定縣典史河間縣典史北魏司巡檢獻縣典史任邱縣典史均准以沿河字樣註冊遇有河工汛員缺出一體揀選陞調會典事例

又定山東德州州判吏目東平州吏目濟寧州州同吏目臨清州州同吏目滕縣縣丞典史恩縣縣丞典史汶上縣縣丞典史嶧縣縣丞曹縣魚臺單縣各典史河南儀封廳照磨府符中牟蘭陽滎澤考城河內武陟孟縣各典史商邱河縣丞典史鄭州吏目等缺俱註明沿河字樣遇有河工汛員缺出一體揀選陞調會典事例

河員遴選○康熙三十七年議准直隸河間府同知定為管河要缺會典事例

四十年議准直隸順德府漳河同知定為管河要缺會典事例

雍正元年議准河道總督所屬直隸永定河道江南淮揚道直隸順天府屬之南岸同知北岸同知石
 景山同知河西務同知張家灣漕運通判薊州通判天津府屬之管河同知泊河通判楊村通判邢州通判王
 慶坨通判保定府屬之管河同知大名府屬之同知正定府屬之通判江南淮安府屬之山安南岸海防河務
 同知桃源同知山安同知山清裏河同知外河同知高堰通判山盱通判桃源安清中河通判鎮江府屬之糧
 捕通判揚州府屬之東臺同知瓜洲同知揚河通判下河通判徐州府屬之邳睢同知宿虹同知銅沛同知徐
 州通判中河宿遷通判山東兗州府屬之運河同知總捕同知張秋河捕通判泃河通判管泉通判沂州府屬
 之沂刻海贛同知東昌府屬之上河通判下河通判河南開封府屬之上南河同知下南河同知上北河同知
 下北河同知歸德府屬之管河通判河捕通判懷慶府屬之黃河同知至州同知以下佐雜等官直隸天津縣丞
 滿城縣丞青縣子牙河主簿涿州州判吏目霸州州判吏目宛平縣管河縣丞主簿良鄉縣丞主簿固安縣丞
 主簿永清縣丞主簿東安縣丞主簿武清縣丞主簿河西務主簿要兒渡縣丞東楊村主簿薊州州判灤州州
 判玉田縣丞豐潤縣主簿灤州州判分防楊村縣丞香河縣丞主簿祁州州同蠡縣縣丞魏縣縣丞武清縣丞
 唐縣主簿東安縣主簿霸州州同州判清河吏目安州州判新安縣丞任邱縣主簿保定縣主簿寶坻縣主簿
 大城縣丞交河縣主簿景州州判吳橋縣丞故城縣丞東光縣主簿青縣主簿靜海縣主簿滄州州判南皮縣
 主簿清河縣丞元城縣丞大名縣丞長垣縣丞江南丹徒縣丞丹陽縣丞阜寧縣糧河縣丞山陽縣糧河縣丞

外河縣丞主簿清江關官高堰主簿寒河主簿高良潤主簿鹽城縣丞清河縣丞中河主簿外河主簿惠濟
 關通濟關官安東縣丞主簿桃源縣丞南岸主簿北岸主簿中河主簿海州州同通州州判江都縣丞瓜洲
 關芒稻河關官儀徵縣丞清江關官高郵州州同州判興化縣丞寶應縣丞主簿泰州州同州判甘泉縣主
 簿如皋縣丞銅山縣丞南岸主簿北岸主簿蕭縣主簿揚山縣主簿豐縣主簿沛縣主簿楊莊關夏鎮關關官
 邳州州同州判宿遷縣糧河縣丞中河縣丞運河主簿北岸主簿南岸主簿睢寧縣丞主簿靈璧縣主簿盱眙
 縣丞山東德州州同廣平州州判靳家口關安山關戴廟關關官滕縣主簿嶧縣縣丞頓莊關萬年莊關臺莊
 關韓莊關關官魚臺縣主簿南陽關關官汶上縣主簿開河關寺前鋪關南旺上下關袁家口關關官濟寧州
 州判在城關趙村關天井關仲家淺關石佛關新店關聚林關關官陽穀縣主簿阿城荆門關七級關關官壽
 張縣主簿曹縣縣丞主簿鉅野縣主簿通濟關關官單縣主簿郟城縣丞聊城縣主簿永通關通濟橋關關季
 關關官堂邑縣主簿梁家鄉關官清平縣主簿戴家關關官臨清州州判南坂關關官館陶縣主簿夏津縣主
 簿武城縣丞河南祥符縣丞北岸主簿南岸主簿陳留縣丞中牟縣丞陽武縣主簿封邱縣主簿蘭陽縣丞主
 簿儀封縣丞主簿鄭州州判滎澤縣丞主簿商邱縣主簿虞城縣丞主簿考城縣主簿安陽縣丞獲嘉縣丞淇
 縣縣丞滑縣主簿濬縣縣丞河內縣丞原武縣主簿修武縣丞武陟縣丞主簿孟縣主簿湯陰縣丞內黃縣丞
 汲縣縣丞新鄉縣丞均係專管河務之員會典事例

十一年議准添設直隸天津府通判定為管河要缺會典事例

十三年議准河道總督所屬道缺均令該督揀選諳練河務者具題引見補授同知通判員缺令該督將

命往人員並現任及從前題准留工之人擇其對品或應陞者遇有員缺揀選題請委署俟一年後經過三汛果能勝任出具考語保題送部引見實授至佐雜等官員缺亦令該督將命往人員並現任及題准留工之人揀選對品或應陞人員擇其諳練河務著有勞績者先行咨部委署俟一年後察其果能勝任再行保題實授該員等如不勝任不必拘定年限立即調回別行遴員分別題咨署理會典事例

乾隆五年議准山東曹單同知曹儀通判俱定爲管河要缺會典事例

又定改河南歸德府屬河捕通判爲河捕儀考通判衛輝府糧河通判定爲管河要缺會典事例

七年議准各省河工同知通判缺出沿河州縣中有應陞者果能平日留心河務遇有緊要工程辦料撥夫不致貽誤准河道總督會同該督撫具疏保題署理不必專於河員內選補其河工汛員亦准該督撫以應陞之缺題陞沿河州縣會典事例

十年議准直隸新城縣丞定爲管河要缺會典事例

十六年議准江南宿州州同定爲管河要缺會典事例

十八年議准江南丁溪開閘官草堰開閘官俱定爲管河要缺會典事例

十九年議准河庫道大使定爲管河要缺會典事例

二十年議准直隸滄州吏目子牙河主簿改爲天津縣減河主簿山東東平州州同均定爲管河要缺會典事例

二十三年議准直隸新河縣縣丞定爲管河要缺會典事例

二十四年定直隸通州土壩州同石壩州判清苑縣縣丞雄縣縣丞高陽縣縣丞河間縣縣丞文安縣縣丞
縣主簿正定縣縣丞靈河縣蘆台巡檢河間縣景河巡檢青縣興濟巡檢杜林巡檢滄州青滄減河巡檢江南
天妃石碓間福興間白駒間各間官阜寧縣羊寨鄉馬邏鄉大套山陽縣童家營清河縣馬頭安東縣五港瀋
口長樂桃源縣三義江都縣瓜洲興化縣安豐泰州西溪銅山縣呂梁洪關虎店邳州直河口新安宿遷縣劉
馬莊歸仁隄各巡檢山東甲馬巡檢靈陽縣縣丞曹縣安樂巡檢河南祥符陳留二縣北岸巡檢蘭陽儀封二
縣北岸巡檢均定爲管河要缺會典事例

二十六年議准直隸慶豐間官通流間官均定爲管河要缺會典事例

三十年議准効力人員已經實授及得缺未經實授併寤浸之後又經調署陞署緣事離工服滿假滿仍赴河
工者亦毋庸補額遇有缺出准其題咨署理其未經得缺人員仍赴河工該督詳加甄別如果諳練河務咨部
補額之後方准補用會典事例

三十三年議准江南淮徐道改爲淮徐海管河兵備道令該督揀選諳練河務者具題引 見補授會典事例

三十九年議准直隸節運通判裁汰其江南丁溪間官裁汰改設富安場巡檢定爲河缺在外揀選會典事

例

五十年奏准直隸河工同知通判缺出准其將灤州清苑河間獻縣任邱正定雄縣七州縣與沿河之良鄉固
安永清東安通州武清寶坻涿州霸州滄州薊州南皮清河天津青縣海玉田交河景州吳橋故城東光等州
縣一體揀選陞用如仍不得人亦准於現任缺州縣內擇其由河員出身及曾任沿河者聲明奏請陞署

典事例

嘉慶四年議准山東曹州府管糧通判准其改爲糧河通判河南修武縣縣丞改爲曹單管河縣丞在外揀選曹單同知改爲曹河同知遇有缺出在外揀選曹州府管河通判定爲管河要缺在外揀選會典事例

五年議准嗣後河員補缺俱以銜缺相當或大銜借署小缺仍分別題咨署理其陞銜補缺之例剔除遇有缺出先儘欽奉 特旨留工補用之員次儘曾經實授仍赴原工及未經實授並前次揀發之員此外投効各員亦應擇其在工年久諳練河務者先行署理不得任意撥越照地方之例將在工効力大小各員開具履歷按季造冊報部以便查覈會典事例

又議定山東沂州府沂鄆海鹽管河通判改爲沂州府地方通判作爲簡缺歸部銓選會典事例

十四年議准山東新設曹考通判定爲管河題調繁缺會典事例

又題准直隸永定河道改爲請 旨簡放之缺清河河道改爲題陞要缺會典事例

又題准河南上南河同知下南河同知下北河同知商虞通判均作爲管河要缺管河儀陞通判作爲題調要

缺會典事例

十六年奏准河南歸德府增設歸河通判作爲河工題缺會典事例

又奏准江南增設分巡淮海河務道一缺作爲題缺又增設淮安府南岸海安同知一缺淮安府北岸海阜同知一缺仍兼撫民淮安府外河通判一缺作爲管河缺會典事例

河工揀發○雍正二年題准河工効力人員必須詳慎果係身家殷實熟習工程者該督酌量足用人數詳開

歷歷奏明奉 旨准其留工効力者於年終將各官名數造冊報部存案俟題補之日以便查覈會典事例

乾隆十八年應准向例取具本籍殷實印結者始准驗發河工但行之日久地方官不免濫結部中亦止據結發往其實在殷實者究屬寥寥應將身家殷實由部驗發之例停止遇有河工需人奏請揀發時照各省揀發試用人員之例奏請 欽點大臣揀發先儘曾在河工之人次儘各項候補之人如應補不敷將各項守部候選人員及未經截取之進士舉人考職就職之貢監舊班之捐納各項人員取具同鄉京官印結一例揀選引見發往再効力河員向係由部驗發是以到工之後復行具題補額今既引 見揀發應無庸再行具題如有不諳河務者仍咨回別補再江南効力定額一百二十人直隸定額七十人河東定額六十人應各裁減一半江南定為六十人直隸定為三十五人河東定為三十人嗣後請發不得過於此數會典事例

道光十二年諭本日據大學士會同軍機大臣議奏京員揀發河工學習章程河防關係重大必得通曉熟練之員方有裨益著於內閣翰詹六部都察院各衙門不分滿洲漢人擇其正途出身清慎勤敏者每衙門保送一員咨交吏部帶領引見候旨發往東南兩河學習如不得其人無庸濫保並著定為兩年揀派一次該員到工後隨同該河督等專心學習估工查料及一切疏濬堵築各事宜不必承辦要工亦不准經營錢糧並著該河督量才差遣周歷河湖堤堰查勘情形俾資歷練其有謬妄滋事者不但該河督應隨時參劾即兩江總督山東河南各巡撫均有兼轄之責並准其據實劾參毋稍瞻徇其匪勉勤慎尙堪造就者二年差竣著該河督出具切實考語送部引見候旨錄用此係為慎重河務起見其不諳河務者准其仍回本任不准乞恩改補地方如遇大挑年分仍照舊例分發試用著該河督隨時甄別各該員等務須實心學習期於熟諳宣防釐工照

續以備國家任使東華續錄

沿海各員調補○雍正二年覆准江南之太倉常熟崇明華亭上海南匯昭文海州泰州通州浙江之仁和海鹽平湖鄞縣慈谿奉化鎮海象山定海臨海黃巖溫海永嘉樂清瑞安平陽山東之諸城掖縣昌邑萊陽文登膠州靈海州廣東之東莞香山順德新會新寧歸善潮陽揭陽饒平澄海海陽陽江甯白以上各州縣員缺均令該督撫於本省內揀擇調補三年內果能緝盜安民實有益於地方該督撫保題以應陞之官卽陞會典事例

乾隆十六年議准浙江寧海縣知縣改歸部選會典事例

十九年議准福建之閩縣侯官福清晉江南安惠安同安龍溪漳浦等九縣均係沿海要地照山東等省沿海州縣之例三年內果能緝盜安民教養實有成效者該督撫保題照例陞用會典事例

二十三年議准浙江紹興府總捕海防通判南塘水利通判杭州府東塘同知西塘同知嘉興府乍浦海防同知溫台玉環同知俱係沿海之缺三年俸滿准其保題會典事例

二十四年議准江南蘇州府船政同知松江府金山衛同知川沙城同知柘林水利船政通判太倉州州同均定爲沿海要缺在外揀選調補果能防守如法有益地方俟著有勞績令該督撫據實具題議敘加一級註冊會典事例

三十二年議准浙江慈谿奉化二縣俱改去海疆字樣原定三年俸滿卽陞之處停止會典事例

三十四年議准浙江杭州府東塘同知西塘同知嘉興府乍浦海防同知紹興府總捕海防通判南塘水利通

例俱經海塘獨有缺出令該督撫於本省內揀選調補三年俸滿詳加察覈如果修防妥因辦事勤幹准其保題入於卽陞班內照例陞用若循分防守辦事中平者卽於俸滿時題報註銷撤回另補得缺時照調簡之例送部引見其玩誤塘工及別項劣蹟立卽題參會典事例

三十九年議准山東昌邑縣沿海縣缺改歸部選會典事例

四十五年議准山東萊陽縣沿海縣缺改歸部選會典事例

四十六年議准廣東廣州府屬坑頭村新設永安通判及番禺縣黎塘司沙灣司巡檢各缺由該督撫於通省現在對品人員內分別題咨揀選調補果能緝盜安民著有成效俟五年期滿分別保題入於卽陞班內照例陞用如有承緝盜案處分停其陞轉其五年期滿卽陞註冊未經陞用人員遇有五年內沙菱兩處盜案後經發覺其卽陞之案卽照例註銷會典事例

嘉慶四年奏准廣東高州府知府改爲海疆要缺請旨簡放會典事例

六年議定福建泉州府蚶江通判沿海缺改爲簡缺歸部銓選詔安縣知縣改爲衝繁疲難沿海兼四要缺會典事例

十三年題准福建霞浦縣知縣改爲沿海久任要缺在外揀選調補會典事例

十五年題准浙江樂清縣知縣改爲沿海要缺在外題補會典事例

又奏准廣東雷州府遂溪縣楊柑墟地方添設縣丞一缺作爲調缺吳川縣廉州巡檢遂溪縣湛川巡檢均改爲海疆調缺會典事例

十六年議定江蘇松江府青浦縣改爲繁疲難兼三要缺在外揀選調補柘林通判改爲簡缺歸部銓選會典事例

又議定浙江嘉善縣知縣改爲繁疲難兼要缺在外揀選調補興府南塘通判改爲簡缺歸部銓選會典事例

直隸邊缺佐雜調補○乾隆二十一年奏准直隸口外地方遼闊旗民錯處土城子黃姑屯郭家屯大關兒鞍匠屯塔子溝熱河張三營喀喇河屯三座塔八溝烏爾哈達以上各巡檢均係沿邊要缺遇有缺出令直隸總督於內地八員內揀選調補三年俸滿如果著有勞績該督分別咨部陞用會典事例

三十四年議准嗣後熱河三座塔烏爾哈達大關兒巡檢四缺在口外張三營等巡檢八員內揀選調補其俸滿分別咨部陞用仍照舊例辦理會典事例

三十九年奏准靈壽縣文頭巡檢裁汰移駐鄂爾土板歸三座塔理事通判管轄員缺在於內地各巡檢內揀選調補三年俸滿著有勞績咨部陞用會典事例

四十三年議准熱河同知改爲承德府其餘六廳改爲州縣熱河巡檢改爲承德府經歷兼攝巡檢併管司獄事仍於內地人員內揀選調補其平泉灤平豐靈建昌赤峯朝陽六州縣獄務卽令各該處巡檢就近兼管三年俸滿如果著有勞績令該督分別咨部陞用會典事例

嘉慶十六年奏准裁祁州州判改設平泉州州判裁涑水縣縣丞改設建昌縣縣丞裁棗強縣縣丞改設赤峯縣縣丞裁赤城縣雲州驛驛丞改設建昌縣巡檢裁龍門縣長安驛驛丞改設承德府司獄均作爲口外調缺會典事例

口外理事同知通判調補○乾隆三十四年議准熱河八溝二同知四旗喀喇河屯塔子溝三通判均改爲在外調補之缺遇缺出時卽於直省現任理事同知通判內題請調補會典事例

三十九年議准裁前運通判移駐三座塔改爲理事通判分理土默特兩旗喀爾喀左翼一旗奈曼一旗其餘各處仍歸塔子溝理事通判管理裁順德府通判移駐烏蘭哈達改爲理事通判分理翁牛特兩旗巴林兩旗其餘旗分仍歸八溝理事同知管理均定爲繁難要缺令該督於通省現任理事通判內揀選調補會典事例

四十二年諭熱河地方朕每歲木蘭秋獵先期駐蹕數十年來戶口日增民生富庶且耕農蕃殖市肆殷闐其秀民並知蒸蒸向化粒誦相聞現已興建學宮議定序額並命設立考棚將來人文日盛已儼然成一大都會而稱名尙仍熱河之舊殊於體制未協因思熱河從前會稱爲承德州嗣後應改承德府卽以熱河同知改設其廢署並毋庸另設其餘六廳如八溝較大應改爲知州喀喇河屯等處酌量改縣均隸新設之承德府管轄並隸熱河道考覈著將應行酌改各事宜悉心妥議具奏欽此遵 旨議定熱河同知改爲承德府喀喇河屯改爲灤平縣八溝改爲平泉州四旗改爲豐寧縣塔子溝改爲建昌縣烏蘭哈達改爲赤峯縣三座塔改爲朝陽縣駐劄口外事務殷繁均定爲在外揀調之缺知府缺出令直隸總督於現任應陞知府人員內揀選題補知州知縣缺出於現任理事同知通判內揀選勝任之員題請陞調管理知州知縣照原銜陞轉除知府無內陞之項應於外省各知府較優陞轉外至理事同知通判調管平泉等缺之州縣遇積俸推陞京缺時該督詳加區別除循分供職者照例以京員補用果有辦事出色才堪外任者出具考語送部引 見恭候 欽定如奉 旨准其外陞仍留本任三年再行遇缺題補會典事例

嘉慶九年諭承德府管轄地方寬闊事件繁多每歲秋獮木蘭兼有彈壓稽查之責承德府著改爲請旨簡放之缺會典事例

同治五年吏部議覆熱河都統麟慶奏請變通熱河州縣調補舊例擬請嗣後灤平豐甯二縣定爲一調一補輪應調缺出由該都統會同直隸總督於見任理事撫民各同知通判及滿漢州縣一體揀調輪應補缺出即以熱河揀發州縣按名酌補其平泉建昌赤峯朝陽四州縣缺出先於灤平豐甯二縣內揀調如俱不堪調再於見任撫民同知通判內曾經署理州縣及滿漢州縣內請調如再無可調之員則委揀發州縣試署一年果能勝任准請實授從之東華續錄

陝甘邊缺調補○雍正五年議准陝西赤金靖逆柳溝及安西歸德各廳衛所各官均准作邊俸陞轉遇員缺該督撫揀選具題調補如在任五年果能盡心供職該督撫保題到日准其以應陞之缺降用會典事例

乾隆二十四年奏准安西柳溝沙州靖逆赤金五衛悉行裁汰改爲一府三縣安西城改設知府一員安西柳溝二衛併爲一縣駐劄安西城靖逆赤金二衛併爲一廳駐劄靖逆沙州衛戶口較繁改爲一縣駐劄沙州一經歷一教授隨同知府駐劄安西三典史三訓導隨同知縣分駐三縣其新設之一府三縣 欽定爲安西府淵泉縣玉門縣燉煌縣安西衛移駐哈密安西同知移駐巴里坤靖逆通判移駐哈密俱令管理糧餉兼辦地方事務歸安西道統轄其訓練三員於文縣燉煌縣鎮原縣移改安西道與新設知府俱定爲衝繁難最要缺出請 旨簡用巴里坤同知哈密通判淵泉玉門二縣均作爲衝繁要缺燉煌縣作爲繁難中缺同經歷典史照邊缺之例於內地人員揀選調補五年俸滿存明政績知府以下題咨吏部註冊卽陞道員送部引

見候 旨陸用會典事例

又議准涇州判改爲安西新設首縣縣丞駐劄馬蓮井地方照邊缺之例五年俸滿卽陞缺出於內地對品人員內揀選調補會典事例

二十五年奏准烏嚕木齊添設同知一員通判一員倉大使一員巡檢二員同知通判倉大使駐劄烏嚕木齊城內巡檢二員一員駐劄昌吉頭屯一員駐劄羅克倫三屯地方其新設同知通判倉大使巡檢等官陞轉調補之處俱照巴里坤同知併新設經歷典史五年俸滿之例辦理會典事例

二十七年奏准伊犁烏嚕木齊關展庫車哈爾沙爾阿克素葉爾羌喀什噶爾等處文員如果奮勉効力已滿三年無過各該處辦事大臣出具考語保題以應陞之缺卽行陞用

二十八年奏准安西府知府改爲在外具題調補之缺會典事例

二十九年奏准裁陝西鳳縣清風關巡檢改設哈密巡檢缺出於甘省現任對品屬員內揀選調補五年俸滿咨部卽陞會典事例

三十二年議准蘭州府河橋同知平番縣苦水巡檢裁汰均移駐關展五年俸滿如果辦理勤慎分別題咨卽行陞用同知定爲邊遠緊要滿缺缺出由陝甘二省滿員內揀選調補會典事例

又議准伊犁惠遠城添設巡檢一員綏定城添設巡檢一員三年期滿出具考語保題照苗疆之例卽行陞用會典事例

三十七年議准奇台通判定爲邊遠緊要滿缺於內地滿員調補新設巡檢亦定爲邊缺於對品人員內揀選

調補五年俸滿分別題咨陸用會典事例

又議准安西道移駐巴里坤更名爲巴里坤屯田糧務兵備道於陝甘兩省滿員內揀選調補會典事例

三十八年遵 旨議定安西府改爲安西直隸州知州淵泉縣裁汰應設學正吏目即將淵泉縣訓導典史裁改應設州判即將原設馬蓮井縣丞改置分駐仍以玉門燉煌爲屬員巴里坤改設知府應添附府知縣一員其應設經歷卽由安西原設之經歷移駐兼管司獄事教授一員亦由安西移設烏嚕木齊原設同知改爲知州倉大使改爲吏目仍管倉大使事添設學正一員原設寧邊城通判改爲州同特訥格爾縣丞改爲州判所有改設府州縣各缺定爲衝繁難最要缺專用滿洲人員遇有缺出於陝甘兩省滿員內揀選調補安西直隸州知州併新設州同州判俱定爲邊缺於內地對品揀選調補五年俸滿查明政績題咨到部以應陞之缺陸用會典事例

又議准巴里坤改爲鎮西府原設同知裁汰宜禾縣照添設典史一員應設訓導將華亭靈臺二縣訓導裁汰移宜禾縣訓導一員其餘一員改爲迪化州學正哈密所屬之酷水地方將巴里坤巡檢移駐仍歸哈密通判管轄巴里坤道移駐烏嚕木齊新設迪化州以資彈壓仍統轄哈密關展奇台併新設鎮西府等處新設鎮西府宜禾縣二缺定爲衝繁難最要滿缺出在於陝甘兩省滿員內揀選調補安西直隸州一缺定爲衝繁難題缺州同州判府經歷教授學正訓導吏目巡檢典史等缺定爲邊遠要缺遇有缺出在於內地對品人員內揀選題咨調補至鎮西府知府經歷教授宜禾縣知縣訓導典史安西直隸州知州學正吏目馬蓮井州判酷水巡檢五年俸滿分別題咨陸用巴里坤道仍定爲衝繁難邊遠要滿缺五年俸滿送部引 見會典事例

三十九年議准靈邊州改爲昌吉縣知縣應添設典史一員應設訓導將靖遠縣訓導裁汰移駐昌吉迪化直隸州知州定爲衝繁難最要滿缺昌吉縣知縣定爲繁難邊遠緊要滿缺均於陝甘兩省滿員內揀選調補迪化州判吏目學正並昌吉縣典史訓導暨瑪訥斯縣丞均定爲邊遠要缺在外咨調五年俸滿分別題咨陞用會典事例

四十一年議准特訥格爾新設阜康縣將裁汰之莊浪訓導典史改爲阜康縣訓導典史仍隸迪化州管轄平涼縣訓導裁汰改移新設之奇台縣其典史一員將裁汰之濟木薩巡檢改設仍隸鎮西府管轄濟木薩新設縣丞卽作爲特訥格爾分駐濟木薩縣丞奈安縣隴城巡檢裁汰改移迪化州巡檢巴里坤糧務兵備道改鑄分巡鎮迪糧務兵備道關防新設阜康縣知縣定爲衝繁難邊遠最要缺奇台縣知縣定爲衝繁難最要滿缺缺出在於陝甘兩省滿漢各員內揀選調補濟木薩縣丞迪化州巡檢阜康奇台二縣訓導典史等缺定爲邊遠要缺缺出在於內地對品人員內揀選咨調五年俸滿分別題咨陞用會典事例

四十四年瑪訥斯改設知縣 欽定爲綏來縣均爲衝繁難邊遠要缺缺出在於陝甘兩省人員內揀選題補典史訓導定爲邊遠要缺在外揀調五年俸滿分別題咨陞用會典事例

四十五年題准吐魯番同知定爲衝繁難最要缺缺出在於陝甘滿員內揀選調補新設吐魯番巡檢定爲邊遠要缺於內地對品人員內揀調均五年俸滿分別題咨陞用如調補之員才具優長勤幹奮勉者准其照舊三年俸滿保奏入於卽陞班內陞用會典事例

又議准伊犁添設撫民同知一員定爲邊遠緊要滿缺在於陝甘兩省滿員內揀選調補期滿後照吐魯番同

知之例辦理添設巡檢二員一員駐劄仁果爾斯一員駐劄綏定城均定爲邊缺由陝甘兩省現任人員內揀
選調補同舊設之惠遠城等巡檢統歸撫民同知管轄三年俸滿亦照惠遠城等巡檢之例辦理會典事例
四十六年奏准伊犁撫民同知仍由伊犁揀員請旨補授若不得人由陝甘人員內揀選調補內地若不得
人再由部院揀補會典事例

又題准綏化同知定爲衝繁難邊要缺在於烏嚙木齊及陝甘兩省人員內揀選題謂五年俸滿分別題請
陞用如調補之員果有才具練達辦事勤能者准其照苗疆三年俸滿保奏入於卽陞班內陞用會典事例

右漢員遴選二

選舉十七

文選漢尉 三 滿洲陞補 漢員陞補

廣東理藩同知○雍正十一年議准廣東理藩同知一官該督撫揀選熟悉番情之人具題調補仍與內地各官一同較俸陞轉會典事例

廣東煙瘴邊缺○雍正九年題准廣東崖州感恩昌化陵水四州縣水土最為惡毒州縣佐雜教職等官於內地調補三年俸滿卽陞會典事例

又奏准瓊州府同知移駐崖州仍管十三州縣捕務三年俸滿果能稱職該督撫具題到日入於卽陞班內陞用其員缺於本省同知內遴選調補會典事例

康熙十九年諭廣東瓊州府屬儋州萬州地近煙瘴水土惡劣該處武員已定有五年俸滿陞轉之例而文員未經議及所有該二州及教雜等官著加恩一例准其五年報滿候陞以示體恤會典事例

二十年諭據兩廣督撫等奏廣東廉州府屬欽州及珠場西鄉二司巡檢水土惡劣請將該處文武官弁一體改爲煙瘴要缺等語著照所請欽州知州及佐雜教職游擊守備等官並合浦縣珠場司巡檢靈山縣西鄉司巡檢均改爲煙瘴要缺照例分別報滿會典事例

二十一年議准廣東廉州府屬之欽州知州州判吏目學正訓導長墩司巡檢沿海司巡檢如昔司巡檢那陳司巡檢防陳司巡檢暨合浦縣屬珠場司巡檢靈山縣屬西鄉司巡檢十二缺均以煙瘴要缺註冊五年俸滿

卽陞正雜各員缺出俱令該督等先儘福建等五省人員內揀選調補俸滿之員留於該省分別題咨陞用會典事例

廣東水土惡毒次要缺○雍正十三年題准瓊山縣之水尾安定縣之太平各巡檢准以水土惡毒次要缺註

冊如果三年無事令該督撫查明咨部分別議叙六年無事保題陞用遇員缺歸部銓選會典事例

廣西煙瘴邊員調補○康熙二十五年議准沿邊煙瘴之太平府知府左州知州善利州知州崇善縣知縣恩

恩府知府鎮安府知府天保縣知縣東蘭州知州歸順州知州五年俸滿卽陞百色同知太平府通判靈明州

知州明江理土同知西隆州知州西林縣知縣泗城府知府陵雲縣知縣三年俸滿卽陞會典事例

雍正七年議准沿邊煙瘴佐貳雜職各官忠州河池西隆各州州同太平龍英萬承江州南丹田州思州各工

州州同安平憑祥那地奉議向武各土州州判慶遠太平思恩泗城各府經歷鎮安府知事思恩府司獄上林

宜山崇善陵雲各縣縣丞河池西隆歸順東蘭各州吏目下雷蒼盈結安佶倫都結下石西都康左州養利永

康寧明果化各土州吏目三都汎穿山鎮江口鎮思吉鎮德勝鎮龍門司平樂司百色通道鎮梅寨各巡檢崇

善馬平上林天河思恩西林天保陵雲各縣典史等官三年俸滿卽陞會典事例

乾隆三年議准太平府明江理土同知通判甯明州知州吏目泗城府知府經歷平樂司巡檢陵雲縣知縣縣

丞典史西隆州州知州同吏目西林縣知縣典史慶遠府屬之東蘭州知州吏目太平府屬之佶倫結安都結

若盈四土州吏目憑祥土州州判思恩府屬之百色同知巡檢鎮安府屬之向武土州州判都府土州吏目下

雷土州吏目二十七缺水土最爲惡劣別省人員不甚服習應於內地揀選福建湖南廣東雲南貴州等省人

員調補由部於各邊省附近之廣東等五省候補候選人員內揀選正雜三十人 命往廣西交與該督撫過
有調補煙瘴所遺之缺卽將發往人員委署補授以備將來調補之用會典事例

二十年議准清水鎮巡檢裁汰改爲太平府知事以煙瘴註冊三年俸滿在任候陞會典事例

三十一年議准柳州府司獄裁汰改爲西林縣潞城巡檢定爲煙瘴調缺三年俸滿撤回內地候陞會典事例

四十二年議准上林縣知縣改爲苗疆要缺五年俸滿在任候陞甘肅司巡檢裁汰移駐思隴定爲苗疆調缺
三年俸滿在任候陞會典事例

四十四年議准結安土州吏目裁汰改設馱廬巡檢定爲煙瘴要缺三年俸滿撤回內地候陞會典事例

五十六年議准太平府龍州通判改爲同知吏目改爲照磨仍定爲極邊煙瘴要缺在外調補三年俸滿撤回
內地候陞會典事例

煙瘴俸滿人員甄別○乾隆二十六年定各省調補煙瘴人員俸滿時或撤回內地或在任候陞復令該督撫
詳加考覈果有才守兼優政績卓著者保題照例陞用如無實在政績而年力強壯尙堪驅策者將俸滿應陞
之處查銷仍以原官補用照內地腹俸陞轉其有雖無劣蹟而辦事因循年力就衰者卽行查參勒令休致該
管道府平時不加策勵聽其因循至俸滿時又不詳覈捏填事實混行保結者俱照例議處其在任候陞之員
若係循分供職或年力尙堪驅策應准其再展限一年如能奮勉向上仍准確覈保題卽陞儻仍只循分供職
卽一例將俸滿應陞之處咨部註銷會典事例

苗疆題補○雍正五年題准雲南省元江府知府他郎通判鶴慶府維西通判廣南府知府鎮沅府威遠同知

普洱府知府思茅同知昭通府知府大關同知師宗州鎮雄州知州魯甸通判恩樂縣知縣永善縣知縣恩安縣知縣甯洱縣知縣寶甯縣知縣以上各員缺該督撫揀選題補三年俸滿保題即陞會典事例

十二年題准貴州省古州兵備道黎平府古州同知鎮遠府台拱同知清水江通判都勻府八寨同知丹江通判都江通判銅仁府松桃同知永豐州知州荔波縣知縣各缺該督撫揀選題補三年俸滿保題即陞會典事例

又題准雲南東川府知府會澤縣知縣貴州之貴西道貴陽府知府長寨同知黎平府知府鎮遠府知府安順府知府郎岱同知歸化通判都勻府知府大定府知府水城通判南籠府知府普安州知州黃平州知州獨山

州知州清平縣知縣施秉縣知縣永從縣知縣清鎮縣知縣貴筑縣知縣普定縣知縣畢節縣知縣鎮遠縣知縣湖南之寶慶府知府理雅同知乾州同知鳳凰營通判永順府知府同知通判永州府理雅同知辰州府永

綏協同知沅州府知府通判靖州知州道州知州新甯縣知縣宜章縣知縣綏寧縣知縣城步縣知縣寧遠縣知縣永明縣知縣江華縣知縣永順縣知縣龍山縣知縣保靖縣知縣桑植縣知縣安福縣知縣芷江縣知縣

永定縣知縣湖北之施南府知府同知通判宜昌府知府同知鶴峯州知州恩施縣知縣宣恩縣知縣來鳳縣知縣咸豐縣知縣利川縣知縣長樂縣知縣以上員缺亦令該督撫揀選題補五年俸滿保題即陞會典事例

又題准佐雜各官如雲南之猛班巡檢按板井抱母井二大使廣南府經歷普洱府經歷元江府經歷知事師宗州同吏目鎮雄州學正吏目昭通府教授經歷知事鎮沅府經歷知事恩樂縣典史鹽渡井巡檢魯甸巡

檢母亨巡檢永善縣丞教諭井底典史藝良州同威信州判劍川州忠甸州判宣威州吏目會澤縣者海典史

寶寧縣典史可渡巡檢新撫巡檢猛統巡檢猛緬巡檢則補巡檢恩安縣典史靈洱縣典史貴州之開泰縣丞承從縣丞天柱縣丞荔波縣丞册亨州同羅斛州州判永豐州吏目黎平府照磨潭溪司吏目遇有員缺該督撫揀選咨部調補三年俸滿保題卽陞其雲南之東川府經歷歹補巡檢貴州定番州知州判威靈州知州獨山州州同普安州州判黎平府經歷安順府經歷南籠府經歷鎮遠縣丞施秉縣丞清平縣丞威靈州巡檢黃平州巡檢湖南之永州府經歷龍山縣典史隆頭司巡檢桑植縣典史上下峒巡檢永順縣典史保靖縣典史安福縣典史辰州府丞綏協經歷花園鎮巡檢排補美巡檢靖州直隸州州判綏靈縣典史城步縣典史青坡巡檢寶慶府寨頭巡檢江頭汛巡檢沅州府涼山巡檢永定縣典史保靖縣張家壩巡檢永順縣王村巡檢遇有員缺揀選咨部調補五年俸滿保題卽陞會典事例

乾隆元年議准雲南永善縣副官村縣丞定爲夷疆要缺揀選調補三年俸滿保題陞用會典事例

八年議准湖南綏寧縣臨江口巡檢定爲苗疆要缺在外揀選調補五年俸滿卽陞會典事例

十二年議准雲南緬寧通判巡檢定爲夷疆要缺三年俸滿保題陞用會典事例

二十五年議准湖南永順府知府同知通判永順龍山保靖桑植四縣寶慶府理雅同知城步縣辰州府乾州同知永綏同知鳳凰營通判江華縣芷江縣靖州綏寧縣通道縣十七缺五年俸滿以陞銜留任再滿三年以應陞之缺題請陞用會典事例

又議准雲南原定夷疆之昭通府及所屬之大關同知魯甸通判鎮雄州恩安縣永善縣普洱府及所屬思茅同知靈洱縣威遠同知恩樂縣師宗州原定極邊之中甸同知維西通判以上十四缺並貴州古州道古州八

寨台拱松桃四同知丹江都江清江三通判荔波一縣皆係苗疆均應照湖南之例辦理會典事例

二十六年議准雲南雲州知州吏目定為煙瘴要缺三年俸滿即陞會典事例

又議准雲南東川府知府會澤縣知縣原定夷疆五年俸滿亦照湖南之例辦理會典事例

又議准貴州苗疆五年俸滿各缺糧驛道貴陽安順鎮遠都勻黎平大定南籠七府長寨郎岱二同知歸化水

城二通判定番普安威寧黃平獨山五州貴筑清鎮普定永從鎮遠五縣均照湖南之例辦理會典事例

二十九年議准雲南保山縣知縣定為邊缺在外揀補會典事例

三十年議准雲南原定夷疆久任之普洱府知府思茅同知靈洱縣知縣改為煙瘴調缺三年俸滿撤回內地

選用原定煙瘴即陞之廣南府知府寶靈縣知縣改為夷疆久任三年優敘後再歷三年加銜候陞會典事例

又議准雲南廣南元江鎮沅等府知府並順寧府屬之緬寧通判雲州及廣南府屬之寶靈縣元江府屬之他

郎通判暨元江府經歷因遠知事廣南府經歷寶靈縣典史鎮沅府經歷新撫司巡檢順甯府屬之緬甯巡檢

雲州吏目景東府屬之猛統巡檢以上十六缺照廣西之例三年報滿撤回內地候陞會典事例

三十五年議准雲南元江府鎮沅府均改為直隸州知州元江府屬之他郎通判鎮沅府屬之威遠同知均改

歸普洱府管轄師宗州改為縣歸元江府經歷裁汰改設元江州吏目因遠知事裁汰改為因遠巡檢鎮沅府

經歷裁汰改設鎮沅州吏目師宗州吏目裁汰改設師宗縣典史原說邱北州同裁汰改為邱北縣丞歸師宗

縣管轄師宗縣知縣典史歸部銓選邱北縣丞仍在外揀選調補三年俸滿咨部陞用元江直隸州知州吏目

因遠巡檢與歸併普洱府屬之他郎通判及改設之鎮沅直隸州知州吏目同所轄之新撫司巡檢照舊在外

揀選調補 俸三年題咨報滿撤回內地候陞按板并抱母并大使二缺三年俸滿撤回內地卽陞威遠同知
三年報滿量予優叙仍留本任三年保題陞用知事三年俸滿咨部卽陞猛統巡檢歷俸三年撤部撤回內地
候陞會典事例

四十四年議准貴州楊老驛丞移駐水城廳改爲通判照磨定爲苗疆要缺在外揀選調補五年俸滿咨部卽
陞會典事例

又議准貴州松桃同知改爲直隸廳添設經歷一員貴筑縣縣丞裁汰 嗣仁縣縣丞正大營巡檢移駐營
石營貴陽府司獄裁汰改設鎮遠縣四十八溪主簿均定爲苗疆要缺在外揀選調補三年俸滿卽陞會典事例

嘉慶三年議准貴州平越縣知縣與史裁汰移駐黃草壩地方歸興義府管轄卽名興義縣擇卽巡檢令該縣
管轄黃草壩州判裁汰改爲縣丞移駐新城歸普安縣管轄新城巡檢裁汰移駐募校司地方歸永寧州管轄

新設興義縣知縣與史捧卽巡檢均定爲煙瘴苗疆要缺在外揀選調補三年俸滿撤回內地卽陞改移新城縣縣
丞移駐之募校司巡檢定爲苗疆要缺在外調補五年俸滿咨部卽陞會典事例

又議准湖南新設鳳凰廳經歷乾州廳河溪巡檢麻陽縣巖門縣丞俱定爲苗疆要缺揀選調補五年俸滿咨
部卽陞會典事例

六年議准排補美巡檢裁汰改爲鳳凰廳知事花園汛巡檢裁汰改爲永綏廳知事俱定爲苗疆要缺五年俸
滿卽陞用會典事例

七年照准貴州平越州知州定爲衝繁難要缺在外揀選調補會典事例

十六年題准雲南東川府添設同知一員定爲夷疆要缺在外題調五年俸滿入於卽陞班內陞用大理府同知一缺裁汰昭通府魯甸通判改歸部選則補巡檢改爲者海巡檢歸會澤縣管轄會澤縣典史移駐東川府城缺分俸次仍循其舊普洱府他郎通判添設知事一員定爲煙瘴要缺三年俸滿撤回內地候陞賓川州赤石崖巡檢裁汰恩安縣要缺典史改歸部選會典事例

邊疆久任○乾隆二十五年諭嗣後專任邊疆要缺之員概不得調辦別項工程差務並通查邊缺內有地非煙瘴宜令其久任於俸滿之時或量與優叙或准其陞銜留任或其人實係才能出眾卽於本處附近應陞之缺酌量陞擢使該員等亦得熟悉本地事宜實力經理方爲允協其如何分晰定例之處著各督撫就本省情形悉心詳查妥議具奏候朕降旨欽此遵 旨議定湖南五年俸滿之苗疆各缺永順府知府同知通判永順龍山保靖桑植等知縣黔慶府理藩同知城步縣知縣辰州府乾州同知永綏同知鳳凰營通判江華縣知縣芷江縣知縣靖州直隸州知州綏寧通道等知縣以上各缺令該撫揀選題補五年俸滿之員如果才守兼優政績卓著該撫覈實保題以陞銜留任註冊俟再滿三年察其治行卓越撫綏得宜遇有附近應陞之缺毋論應題應調應選應請 旨者俱准題請陞用初次俸滿之員如政績未能卓著人才僅屬穩妥准該撫照明留任三年果能奮勉仍准保題陞銜再滿三年以附近應陞之缺題陞未經俸滿之先概不得以他缺更屬緊要藉詞陞調遇有應入卓薦之員該督撫仍以薦舉毋庸卽行給咨送部俟俸滿題陞時將曾經卓薦之處於摺內聲明請 旨其不勝苗疆之員隨時撤回以相當簡缺題補得缺時照調簡之例送部引 見至苗疆知府同知通判直隸州知州缺出准其先儘苗疆俸滿人員內題請陞用知縣缺出亦先儘附近苗疆人員內揀補

如無人始於內地人員內揀選陞用雲南貴州三年俸滿之夷疆極邊各缺雲南昭通府知府大關同知魯甸
通判鎮雄州知州思安永善等知縣廣南府知府寶甯縣知縣鎮沅府威遠同知恩樂縣知縣師宗州知州中
甸同知維西通判貴州古州道古州八寨台拱松桃等同知丹江柳江清江等通判荔波縣知縣五年俸滿之
夷疆各缺雲南東川府知府會澤縣知縣貴州糧驛道貴陽安順鎮遠都勻黎平大定南籠等知府長寨郎岱
等同知歸化水城等通判定番普安威寧黃平獨山等知州貴筑清鎮普定永從鎮遠等知縣以上各缺俱令
該督撫揀選題補俸滿之員如果撫綏得宜覈明題請量予優敘仍留本任再滿三年果能才守兼優政績卓
著准其保題以陞銜註冊停其推陞道府俱送部引 見道員候 旨錄用知府仍回本任與俸滿之丞倅州
縣照湖南之例一體題請陞用雲南道員各缺內糧儲驛鹽二道於地方民情不甚親切其俸滿知府引 見
回任後遇有迤東迤西二道缺出題請陞用其苗疆缺出揀補與初報俸滿政績未著及未經俸滿列入卓薦
並不勝邊疆之員俱與湖南一例辦理廣西苗疆之思恩府知府桂林府龍勝通判二缺令該督撫揀選題補
五年俸滿俸滿之員如果熟悉風土才具優長覈明題請量予優敘再立限三年果係才能出眾據實保題照
湖南之例遇有附近應題調應選題請 旨之缺題請陞用其苗疆缺出揀選初報俸滿未有政績與未經
俸滿列入卓薦及不能勝任各員均與湖南一例辦理福建海疆之間縣侯官福清晉江南安惠安同安龍溪
漳浦等縣各缺令該督撫揀選題補三年俸滿其俸滿之日果能緝盜安民實有成效政績卓著者准該督撫
覈實具題以陞銜留任註冊再滿三年照湖南苗疆之例保題陞用其初次俸滿之員三年內未有實在政績
不准加銜查部停其俸滿照例較俸陞轉如平日居官奮勉政事並無懈弛者亦准該督撫題明留任三年觀

其後效仍照前例辦理未經俸滿列入卓薦與不能勝任之員亦照湖南之例辦理四川打箭爐同知松潘同知雜谷理番同知地處極邊控制土司亦令該督於內地屬員內揀選熟悉風土諳練夷情之員調補五年俸滿如能盡心經理番民相安駁明題請量予優敘仍留本任再限三年果屬才能出眾撫馭得宜政績卓著該督撫據實聲明送部引見恭候欽定如蒙俞允照湖南等省之例遇有應題應調應選應請旨之缺俱准保題陞用其初報俸滿未有政績與未經俸滿列入卓薦及不能勝任之員俱照湖南等省一例辦理會典事例

三十五年奏准貴州貴陽府通判移駐下汀隸黎平府管轄定為苗疆要缺照都江等通判之例三年俸滿會典事例

三十六年議准雲南鶴慶州觀音山巡檢裁汰移駐龍陵所有龍陵廳同知巡檢均准其定為夷疆邊缺在外揀選調補三年俸滿加銜留任再滿三年該省題咨陞用會典事例

又議准廣西懷遠縣羅城縣二缺改為苗疆俱在外揀選題補照苗疆久任之例五年俸滿再立限三年分別考覈具題如不勝任隨時更撤會典事例

五十五年議准湖南通道縣知縣改為簡缺歸部銓選鳳凰廳通判改為同知仍定為苗疆俸滿之缺會典事例

海疆久任○乾隆三十四年議准浙江海疆杭州府屬之仁和海鹽興府屬之平湖海鹽寧波府屬之鄞縣鎮海象山定海台州府屬之臨海黃巖温州府屬之玉環同知及永嘉樂清瑞安平陽等十五廳縣缺出俱令

該督撫於本省內揀選調補三年俸滿保題以陞銜留任註冊俟再滿三年該督撫覈實題報准其以應陞之缺題請陞用其僅只循分供職者該督撫卽行撤回以相當簡缺題補得缺時仍照調簡之例送部引見備有因循怠忽貽誤地方者卽行查參分別議處會典事例

三十八年議准浙江杭州府屬之海鹽縣知縣改爲海鹽州仍照舊定爲海疆要缺在外揀選題補三年俸滿照例加銜會典事例

四川辦理屯務派駐亭站委管錢局官員○乾隆四十一年議准四川辦理懋功章谷撫邊綏靖崇化等五屯屯務令該督等揀員派委三年更換現任人員以到屯之日計算試用未經得缺人員遇有相當之缺准其先行分別奏咨補用以得缺之日計算三年期滿查其屯墾事務如果實心奮勉出具考語分別題咨以應陞之缺註冊卽陞駐防打箭爐裏塘巴塘拉里察木多西藏六處臺站揀員派委三年更換以在事之日計算有能撫輯番民經手錢糧清楚三年期滿南墩迤西地方由駐藏大臣查明南墩迤東地方由該督等查明分別保題以應陞之缺註冊卽陞會典事例

六十年議准西藏錢局事務該督於同知知州知縣內派往管理一年一換期滿該督遴選派委更換派往之員一經到藏駐藏大臣專咨報部查覈如由試用未經得缺人員派往者遇有相當之缺准其先行分別奏咨補用以得缺之日計算一年期滿撤回該員如果勤慎出力駐藏大臣據實奏明保題卽以報滿之日註冊再扣二年入於卽陞班內陞用會典事例

右漢員遴選三

官員加級○乾隆五年奏准凡文武改補班聯相等者任內所有加級如原係隨帶之級仍准帶於各任如係尋常加級亦照對品補授之例准其隨帶如世爵改補文職品級稍優文職承襲世爵班聯越等者均照陞任官之例每級改爲紀錄一次其有世爵品大文職品小例應開缺之員或奉 特旨仍著兼理部務或經該堂官保留其文職任內所有加級仍照例每級改爲紀錄一次註冊如由公侯伯奉 旨補授卿貳大員若遇再陞任者其在世爵任內所得加級紀錄仍准隨帶在文職任內所得加級亦照陞任官每級改爲紀錄一次會典事例

二十年定京外大小各官任內議敘加級情願將加一級改爲紀錄四次抵銷罰俸者准其改抵如改爲紀錄之後又經陞任抵銷餘剩紀錄若係隨帶之級所改者仍准隨帶若非隨帶之級所改在任時抵銷過一次二次三次者陞任後概行註銷若在任所改紀錄並未抵銷只准將紀錄一次帶於新任其 特恩賞加之級及捐納加級不准改爲紀錄四次抵銷罰俸至任內有加數級者遇有虛分降級案件俱照年月先後次第挨順抵銷先將尋常加級挨次抵銷後再將隨帶及軍功加級挨次抵銷內外大小官員有降級留任者後奉 恩旨加級及議敘加級准其抵銷前降之級會典事例

武職世爵各官兼理部院○順治年間定由郎中補授參領由員外郎補授佐領者均兼部院行走其由員外郎各官補授參領由主事等官補授佐領者均解部院職任會典事例

康熙四十五年題准凡山參領男爵輕車都尉補授郎中等官由副參領侍衛騎都尉佐領補授員外郎等官可騎尉補授主事護軍校驍騎校補授小京官均俟三年限滿遇有陞轉將武職食俸年分以上朝之日起通

行較算如原係部院主事筆帖式授爲侍衛佐領復用員外郎等官者陞轉時將前在部院之俸及現任之俸准其接算其在武職上行走之俸不必通理會典事例

乾隆十三年奏准八旗世爵及武職官員改補文職者輕車都尉參領以科道郎中用騎都尉副參領佐領以員外郎用雲騎尉以主事用護軍校騎馳校等官以七品小京官用其世爵均仍帶於本身侍衛有奉 特旨以文職用者一等侍衛係三品應以三品京堂用二等侍衛係四品應以四品京堂用過有員缺三品者開列於應陞人員之前四品者開列於俸深人員之前請 旨補授此內各員缺如有應用科甲以及考試擬正陪者仍照例不行開列至三等四等侍衛係五品應將三等侍衛以郎中用四等侍衛以員外郎用藍翎侍衛係六品應以主事用過有員缺置於月分照例補用會典事例

十六年奏准嗣後小京官筆帖式承襲雲騎尉以上等官者仍照例開缺其有承襲七品官者俱令其兼理行走毋庸開缺會典事例

宗人府題補各官○雍正二年議准宗室理事官由鎮國將軍輔國將軍副理事官由奉恩將軍佐領經歷主事由廕生五六品官並考取一等閒散宗室均由宗人府擬定正陪引 見補授會典事例

乾隆二年奏准宗室理事官遇有郎中應陞員缺與旗員郎中一例較俸開列陞轉會典事例

嘉慶五年定宗人府理事官員缺由副理事官陞補副理事官員缺由經歷主事陞補經歷主事員缺由委署主事補用委署主事員缺由筆帖式陞補筆帖式員缺由効力筆帖式補用原例內所載理事官缺由鎮國將軍等補授之處應行刪除會典事例

宗室官員出差○乾隆三年議准宗人府理事官凡遇出差亦令該部行文宗人府將才能俸深者保舉一人咨送該部與各部院保送之旗員一同引見候旨簡用會典事例

嘉慶四年奏准六部理藩院滿洲郎中員外郎主事共撥出十六缺作爲宗室額缺遇保送京通各倉監督三庫司員戶工錢局通州坐糧廳各處稅差應以宗人府司員部院宗室司員俱由各該堂官與各衙門司員一體保送如有調庫者差滿之日先回原衙門行走過有各衙門宗室缺出卽行坐補會典事例

內務府堂郎中等官陞轉○乾隆五年奏准內務府官員向由內務府陞轉其堂郎中總理六庫事務郎中等三缺經內務府奏准咨送過部以應陞之官列名應准其與部院官一例較俸陞轉此內有由漢軍郎中遴選調補者應令其以補授堂郎中等缺之日扣算食俸三年之後再行接算前任郎中之俸與漢郎中一例較俸陞轉若暫時差往外省本任不行開缺者仍照現任官例論俸陞轉其出差例有年限如鹽政關差等項本任員缺內務府別補有人亦應准其論俸仍俟扣滿年限再行擬陞未經差滿之時如應陞道府准其以陞銜註冊俟差滿回京照依原陞補用其未經差滿之前如尚未陞用俟回京之時未經補用以前仍不准算俸得官之後或仍補堂郎中等缺或補授對品官方准一例較俸推陞會典事例

漢軍典籍陞轉○乾隆三年議准以推陞中書後准其與漢中書較俸以主事同知兼舉與各項應陞人員一例推陞會典事例

二十八年議准漢軍典籍中書定以六年俸滿截取引見記名以主事同知分別註冊統歸雙月不論何項缺出五缺之後陞用一人漢中書已另立班次例內與漢中書較俸之處應刪會典事例

漢軍年滿大使陞轉○乾隆四年奏准戶部三庫及戶部寶泉局工部寶源局大使均由筆帖式補授五年期滿仍照原筆帖式品級以應陞之官用其由漢軍筆帖式補授大使年滿者歸於雙月如過應陞京官班次與漢軍俸深人員分缺間用如應陞外官班次歸於單月分與在外各項卽陞人員統較日期先後補用其未入流筆帖式改爲九品者陞轉之處仍照品級考所載以州同州判縣丞陞轉會典事例

京官降調候補○順治年間定京堂降官三品以上者悉照品級補用降至正四品者不補大四品如通政使司副使大理寺少卿以小四品用如太常寺少卿太僕寺少卿內閣侍讀學士降至從四品者不補祭酒借補正五品京堂仍支從四品俸會典事例

三十五年諭向來吏部定例四品以上京堂降至六品以下者既無應補之京堂員缺又以京堂品秩崇優若補用司員與體制不合遂停其補用殊屬非是京堂品級雖優如因事獲譴既經予降自應按品授銓用人乃朝廷大權黜陟進退惟視其人之自取設官雖有崇卑示謫本無同異卽由崇階而降爲末秩惟上所命孰敢抗違若拘堂不降司之說輒以曾膺高位不屑於復就下儼是國家詔祿之典竟任臣下自專揀擇紀綱之謂何且以堂官降爲司員於體制又有何礙若因而停其補用則此等人員一經錯級遂致擯錮終身所謂愛之適以害之於伊等亦復何益此皆相沿前明陋習不可爲訓著該部另行改議具奏欽此遵 旨議定京堂降至從五品以上者均有缺可補應仍舊例如降至六品以下悉照品級與各項降官一體以應得之缺敘補會典事例

外任旗員降補京官○乾隆十四年奏准各省理事同知道判遇有降調者悉照京官降調至滿洲蒙古知縣

事同一例應均以京官降調嗣後凡降一級者即以七品筆帖式改補降至八品者即以八品筆帖式改補降至九品者即以九品筆帖式改補會典事例

十五年奏准外任道府以下滿洲蒙古人員如由正印降調赴補者准其各按品級遇正印佐貳員缺均准降補如由佐貳官降調赴補者不准降補正印均以對品別官補用惟降至從六品以下除正七品之知縣一項由正印官降調者尙堪補用外其餘均係首領並無補用旗員之例考定例內理事同知通判降調者原以京官補用但京官品大外官品小若降至外任無可補之缺概以京官對品借補未免過優嗣後凡降至從六品以下者皆降一等以京官補用如降至從六品者以正七品之小京官借補降至正七品者以從七品之小京官借補降至從七品者以正八品補用但滿洲蒙古帶正八品之小京官應均以從八品之小京官降補降至從八品以至正九品者均以九品筆帖式補用不准仍帶原銜以上降調借補小京官人員有情願告降補用筆帖式者仍按品級准其以七八品筆帖式降補會典事例

開列出差監督○乾隆七年議准凡戶部開列大小各差監督於每年十月內行文過部咨取八旗應出大差官員按旗通行論俸每旗發送五人應出小差官員較本任俸每旗亦發送五人將職名開單敘明俸次移送戶部開列會典事例

卓異理事同知通判等官陞轉○雍正十三年議准歸化城等處同知通判及協理各官停其三年更代其原缺卽別行銓補若遇才守出眾者題請陞擢不及者黜革供職惟謹者仍照原銜較俸推陞奉旨依議同知筆帖式等不得題補道府知州等官如有出眾者該督撫保題後以京官越等陞用平常者著較底俸陞轉會

典事例

乾隆五年奏准各省滿洲理事同知通判如有卓異之官經該督撫具題到部俟來京引見奉旨註冊後歸於每年二四六十月分除各項不積算人員及應選班次仍照例辦理外如過應陞月分不論食俸深淺以應陞之官先儘陞用仍以陞班積算備有俸次已深者仍准論俸推陞其卓異應陞之處銷去會典事例

官員停陞○乾隆三十年奏准大小各官除移送停其陞轉者停陞外其降職革職留任官員遇應陞改補缺出不得列名俟開復之日方准照常陞轉會典事例

旗員子弟隨任○乾隆七年諭嗣後外任旗員子弟年至十八歲以上在外令督撫題請在內該旗都統查奏俱准其隨任會典事例

旗員留任就養○乾隆二十年奏准嗣後滿洲蒙古漢軍旗員有子姪外任懇請留養或出差京外隨往差所准其照旗員子弟隨任之例詳明各上司該督撫覈實情節先行咨明部旗吏部行文該旗查明現在有無當差之處如該旗聲覆並無當差准其留任就養仍於年終彙題會典事例

因公呈誤人員効力○雍正八年議准盛京本處降調各官及因公呈誤革職人員令該將軍揀選一人協同筆帖式等辦理事件先將揀選之員報部註冊三年滿日該將軍出具考語保題咨送吏部帶領引見候旨起用如行走平常仍留該衙門効力儘能奮發另行出具考語送部若有徇私怠忽等事題參治罪如降調人員三年內遇有應補之缺照常擬用外令該將軍另行揀選充補會典事例

軍營奏留効力人員回京分別引見○乾隆三十六年奏准革職廢員有由軍營奏留効力者於回京時由

該處辦事大臣詳加考覈如實係奮勉出力出具切實考語保奏送部帶領引見恭候欽定如並無實在奮勉効力行走亦卽據實奏明給咨回京令其歸旗毋庸帶領引見會典事例

官員赴任給照○乾隆三年議准選授盛京等處官員以奉旨之日爲始由部咨行兵部給與路引由部給與執照限一月到任儻中途有阻滯令地方官驗照詳察情節揭報該部俟該員到任之後將執照呈繳該堂官咨部查銷如有無故違限者查明咨部題參照例議處除公事差遣外有告假來京者各該堂官奏明奉旨給假者准其來京會典事例

右滿洲陞補

各部司官陞補○乾隆元年議准郎中員缺於六部員外郎內通行論俸不拘年限先儘俸深者互相陞補員外郎員缺於各本部主事及應陞各官通行較俸陞補主事員缺於應陞應選人員輪班陞選其應陞班次內將漢小京官與在外知縣各陞一次會典事例

漢軍司官歸併漢缺○雍正五年議准各部漢軍郎中員外郎主事及盛京漢軍員外郎主事共三十員內除六部理藩院校對清漢本章之堂主事九人仍補用漢軍以各部漢缺陞轉外其餘二十一員均裁去於額設漢缺內除戶部禮部刑部增設外吏部文選司增設員外郎一員考功司增設主事一員兵部職方司增設郎中一員武選司增設員外郎一員刑部江南司湖廣司陝西司增設郎中各一員浙江司山東司增設員外郎各一員工部營繕司都水司增設郎中各一員屯田司虞衡司增設員外郎各一員以上增設十三員並額設各缺令漢軍漢人一例補授候選者均照投交並捐納日期以應得部分挨次銓補又向例漢軍陞轉通算

前倅漢人陞轉只較本任之俸今漢軍既以漢缺銓補如過陞轉應除去前倅與漢人一例較本任之俸會典
事例

萬慶十二年奏准漢軍司員歸併漢缺凡各部漢缺令漢軍漢人一體補授仍以應得部分銓補雙月應陞主
事之漢軍小京官筆帖式遇有主事缺出俟漢小京官陞用兩班之後用漢軍一人單月應陞主事之漢軍小
京官遇有缺出俟漢小京官陞用四缺之後將漢軍小京官典籍中書陞用一人漢軍例不入刑部如遇刑部
之缺卽行扣除吏禮二部例用進士出身之人其非進士出身者遇吏禮二部缺出亦卽扣除俟再有應行推
陞之缺卽行陞補仍於原過班月分接算積缺至漢軍堂主事吏部禮部兵部刑部工部各一缺戶部二缺理
藩院一缺 盛京刑部一缺共九缺遇各部漢員外郎缺出俟漢司主事陞用六缺之後將漢軍堂主事陞用
一人會典事例

京官計俸○康熙二十六年議准小京官與外官較俸陞轉者連闕二年滿後算作三年遇應陞員缺陞用未
經年滿者不准陞轉所餘一日算作日半內閣中書試俸一年仍接算扣限二年滿後算作三年遇應陞員缺
陞用未經年滿者不准陞轉餘一日算作日半至京官陞轉雖有罰俸不行停陞將所罰之俸帶於新任會典
事例

外官計俸○原定雲南開化廣西二府正雜等官廣西分防五槽通判五槽通判今裁新平縣知縣祿勸州知
州祿勸州今改縣麗江府知府經歷鶴慶府維西通判維西通判今改麗江府維西通判劍川州中甸州判中甸
州判今裁黑白二井提舉彌沙阿晒二井大使鶴慶府今改州順寧永昌永北永北府今裁四知府劍川

州騰越州雲州陝西赤金靖逆柳溝安西衛陝西四衛今改州縣均算邊俸其餘各省官員均算腹俸在外有司官員以下雜職以上除不論俸滿卽陞卓異等項官員遇缺卽行陞補外司道閔俸二年知府以下閔俸三年方准陞轉其邊地司道閔俸年半爲二年知府以下閔俸二年半爲三年餘一日均作二日算若邊俸腹俸相當則先將邊俸陞轉會典事例

陞轉論俸扣算日期○乾隆四年奏准內外官員均按到任日期較俸陞轉如有離任事故者計日扣除外任官員於陞任內論俸降補官員於降任內論俸均將前俸截扣調任官員准其通理前俸其舊任郵事以後新任未到之前或本身交代未清或因患病稽留時日及往返程途候缺日期悉行扣除不准計算如有因承辦公事未竣一時不能赴任經該管官題咨到部所有留辦以後事竣以前日期仍准一例論俸會典事例

京員出差軍前陞轉○雍正十年奏准在京現任各官俸滿應陞者除出差內地之員仍照例俟回京時引見補授外其往軍前効力辦事滿漢各官如論俸應陞得缺後卽行具題請旨補授准照陞任食俸陞轉所遺之缺歸於月分銓選俟回京時補行引見會典事例

藩臬奏請 陞見○乾隆十四年 諭藩臬兩司有通省錢糧刑名之責前經臣工條奏令其抵任三年該陞見以明述職之意朕已降旨允行但伊等是否屆期奏請該部未有查覈之例嗣後藩臬到任已滿三年該員奏請陞見或經朕批示不令來京卽令其自行咨部如逾期不行陳請該部查明具奏會典事例

十八年 諭藩臬兩司履任三年屆滿請旨陞見乃古述職之意朕得隨時察看以備簡用其奏請未經允准次年以後每年俱應復行具奏若又待三年之期是六年矣近來各省藩臬中具奏之例多未盡一該部可通

行傳諭嗣後均照此旨行會典事例

府佐州縣閱俸十年引 見○乾隆十八年 諭前令各省督撫保舉堪勝知府人員送部引見其劣者駁回

優者已不次擢用至勅部記名者不過備數充用各省府佐州縣千有餘員其中惻惻無華者不見知於上司

或有十年不調之歎而庸才幸膺簡缺無他劣蹟者督撫亦未免苟且姑容殊非澄敘官方之道其各省同知

通判及知州知縣內有本任閱俸十年以上者該部查明行文該督撫出具考語陸續送部引見著爲例欽此

遵 旨議定凡調任服滿裁汰迴避等官雖非一任但一官已閱俸十年自應前後接算行令該督撫出具考

語陸續送部引 見其議降議革奉 旨留任及降革之後別補原官者皆係棄瑕錄用之人應於留任補任

之後計算年月扣足十年再行調取各員任內有降革留任之案於疏內聲明引 見其調取之員或題陞推

陞及降革等事例應引 見者或本員適有因公來京應引 見者該督撫照例給咨引 見將十年調取之

處一併聲明其調取之後因事故離任者俟將來赴補到部之日引 見至將來陸續期滿應行引 見各官

若逐員調取未免紛繁嗣後定以三年之期調取一次庶辦理不致參差而遵行較爲簡易會典事例

卽陞加級紀錄○順治年間定凡官員因勞績加級紀錄不論俸滿卽陞各官除已經病故革職者不敘外現

任官員准於現任註冊降調終養丁憂候補者准於補授新任註冊休致者准於原任註冊如有解任議處等

官俟事結之日再行議敘其已經陞任各官應敘加級紀錄亦准於陞任註冊如前任之功應准卽陞者於陞

任內准紀錄四次此指已經陞任而言如前經議敘卽陞尙未陞任後復有前任之功應准卽陞者亦於陞任

內改爲紀錄四次此指已經議敘卽陞尙未陞任又應議敘卽陞者而言 會典事例

又定內外官員前任得有紀錄無論調任陞任均准隨帶至所得加級除對品調補如調繁調簡或特旨改調迴避調補之類轉補如有轉左侍講轉侍讀郎中補科道之類並非陞任者仍准隨帶新任註冊如已經陞任無論品級大小均不准隨帶俱改爲紀錄一次會典事例

宣慶十四年諭向來恩詔加級均須俟各員到任後分別註冊但官員赴任有遲速遠近之不同若以到任爲斷則同時引見之人其程途較近者自必行走較速到任可以在恩詔之前獲邀加級其到任在後者卽不得加級殊未公允而部中遇有參罰駁議之案必須行查到任日期不但輾轉稽遲案多壅積而其中先後參差含混捏報易滋弊端今兵部請將應行引見人員以引見奉旨之日爲斷毋庸引見人員以其題奉旨之日爲斷但於新任內給予加級自應如此辦理至文武事同一例所有本年恩詔內文員加級著吏部亦卽照兵部此次所定章程辦理以昭畫一會典事例

通理前條○康熙三十九年 諭凡復職官員必果屬冤抑准復者通理前條其餘一概不准接算前條會典事例

康熙八年奏准凡由翰詹大考降調者查其現由何官任內降調卽將此任內之俸不論深淺全行扣去而以現在所降之官接算從前此官曾歷之俸如少詹學士降爲庶子講讀止准接從前庶子講讀所歷之俸中贊降爲編檢止准接從前編檢之俸此內有從前陞遷本係越級如由編檢卽擢講讀而今降中贊是中贊從前並無已歷之俸卽但令准接編檢之俸餘俱照此辦理其非由大考降調者仍不得援此爲例其滿缺翰詹開列引見等項皆以一任俸比較其陞轉本不爲迴應仍照舊辦理會典事例

又奏准京外官員陞任引見奉旨仍回原任或仍以原官補用者亦不准計算前俸其陞任未經引見人員有該督撫並該堂官奏明仍因本任者所歷前俸仍准通理會典事例

官員停陞○順治十三年議准在京官員任內推罰俸之案不行停陞其別項參處事故均俟開復後再行陞用在外官員任內凡有未完參處罰俸事故概行停陞會典事例

乾隆四十八年諭向來滿漢官員人等家奴在本主家服役三代實在出力者原有准其放出之例此項人等既經雇主放出作為旗民正身亦未便絕其上進之階但須明立章程於錄用之中仍令其有所限制嗣後此等旗民家奴合例後該家主放出者滿洲則令該家主於本旗報明咨部存案漢人則令該家主於本籍地方官報明咨部存案經部覆准後准其與平民一例應考出仕但京官不得至京堂外官不得至三品以示限制著為令會典事例

官員不停陞○乾隆三十一年議准直隸州知州論俸應陞知府任內有罰俸住俸查係並無展參及雖有展參不至實關降調者准其一體陞用俟到新任後將原任罰俸銀兩勒限一年完解逾限不完即飭令離任仍以原官降用會典事例

三十五年奏准兼三兼四知縣任內罰俸在十案以內例無展參其雖有展參不至實關降革者准其論俸推陞知州任內如有命盜等案住俸限緝之案展參即應降留降調者雖罰俸在十案以內仍不准陞俟到任後將罰俸銀兩勒限一年完解逾限不完即飭令離任仍以原官降用會典事例

推陞離任○雍正十三年議准直省推陞之道府運同同知知州知縣等官不論何項出身均調來京引見

其推陞之員由部代掣得缺之後具題開缺行文各該督撫將該員任內經手事務交代清楚出具考語給咨赴部引見補授後給憑令赴新任其知縣以下推陞官員均毋庸引見由部具題開缺將文憑給發該督撫查明任內交代清楚催赴新任會典事例

卽陞推陞月分○順治年間定每年二月四月六月十月此四月先將不論俸滿卽陞之員如烟瘴苗疆之類次將不論俸滿陞轉之官如押進議叙之類均各照日期先後推陞知縣以上照奉旨日期註冊知縣以下照

文到日期註冊又次陞卓異之官以上各官有同日奉旨者則准俸深者先行陞補若無此等官員仍將俸深之人陞補八月十二月陞授俸深之官此內有不論俸滿卽陞不論俸滿陞轉卓異之官係俸深者仍論俸陞補其卽陞等案照例查銷會典事例

卽陞推陞次序○順治年間定京外官員推陞如遇月分所出之缺均係應陞者悉按京外品級大小照品級考所載俸深者論俸次先後卽陞卓異者論卽陞卓異年月先後先儘京官次用外官京外相同者則以品級大小爲序如品級又相同者則以品級考所載先後爲序挨次坐陞會典事例

科道內陞外轉○十二吏部議覆吏科都給事中朱徽疏言吏部司官一年內陞一人外轉一人科員一年內陞二人外轉二人御史二年內陞三人外轉三人司道除陞巡撫外每年亦內陞三人其司道內陞滿洲不論科目漢人仍以科目出身爲限必查其會舉卓異俸薦俱優者方准內陞此外若又有缺出則以在京衙門應陞之人補用從之通考

乾隆元年諭科道內陞外轉者俟得缺後再離原任其未得缺之先仍食原官之俸照舊辦事會典事例

五年奏准內陞外轉官均按品級考註冊在任候補係內陞者候缺具題外轉者不必投文驗到亦不必論已未隔五十五日於單月遇缺先補其未經得缺以前如遇丁憂告假降革事故後經服滿假滿開復遇有應陞卽准具題陞補單月應轉員缺亦准卽行轉補若一時無應陞應轉之缺仍令其原官補用在任候陞會典事

五十五年諭向來滿漢科道相沿前明內升外轉之例徒資貨緣都察院三年題請一次殊爲具文滿漢科道果有才具出衆供職勤慎者京察之年原准該衙門分別保送引見時記名以道府升用或亦時有命各部院保用道府者是升途不至久滯又何用相沿舊例屆期題本徒滋案牘卽嗣後滿漢科道內升外轉三年請旨之例著停止無庸題本東華續錄

又諭科道三年內升外轉之例原屬具文昨已降旨停止今思京察之期都察院堂官原有保送記名道府之例但外轉止此一途熱中之輩未免以壅滯竊議嗣後漢科道當照六部漢郎中之例都察院堂官覈其才具分別繁簡送部截取御史以知府用科員以道用照例截取則選用道府者人數較多所有漢郎中科道論俸截取俱定以四年之俸准其截取如該員等歷俸未滿吏部月選遇有繁簡知府缺出不敷選用屆期該堂官另行奏聞候朕簡放如一時簡放無人再令該堂官分別揀選庶於甄錄之中仍杜躁進之漸東華續錄額外署職實授○順治年間定在京大小官員在部院行走未經坐補正額者俟坐補後方准算俸陞轉額外之俸不准通算以實授後到任之日起會典事例

雍正十二年議准 命往試用道府以下州縣以上署職各官銜大缺小銜缺相當者試用一年銜小缺大者

試用二年果能稱職該督撫將差委効力署印實在政績序入本內保題實授果係卓越之才卽不滿年限亦准聲明題請會典事例

乾隆二年奏准佐雜署職官員亦按其銜缺分別試用一年二年果能稱職將差委署事勞績查覈咨部准其實授附入月分彙題會典事例

無保舉人員陞選○康熙六年議准生員例監生吏員出身等官經堂官及督撫保舉者方陞京官及正印會典事例

又議准由生員例監生吏員出身之郎中員外郎主事等官無保舉者郎中以運同陞補員外郎以運同府同知陞補主事以府同知陞補仍算京俸與應陞人員較俸陞轉在外官員由生監吏員出身無保舉者亦不准陞京官及正印官會典事例

十五年議定凡捐納等項出身人員如奉旨指明以知縣等官陞用者免其捐免保舉會典事例

陸銜留任○順治年間定凡加銜出自特恩無定秩其開列陞轉仍照本任陞轉會典事例
乾隆十六年諭江蘇巡撫奏稱元和縣知縣錢陞貴州永甯州知州該員操守謹飭才具幹練懇以陞銜暫留元和縣任遇有江省相當知州缺出酌量題補等語元和省會首邑既屬人地相宜以陞銜仍留原任於理尙屬可行但既留任遇相當知州缺出卽行題補又須離任仍於該地方未有裨益轉啟規避之端朕思守令久於其任可以勵官方而收實效既准予陞銜已合古增秩進階之義嗣後知縣錢陞外省督撫奏留本任者俟留在五年後遇有相當之知州缺出題補如首郡知府陞任道員該督撫題留者視此著爲例會典事例

十八年諭據江蘇巡撫奏丁憂服滿知縣前經推陞貴州永寧州知州原任撫臣奏請以陞銜仍留元和縣知縣任今回籍服滿來蘇應坐補原缺但該員籍隸山陰在五百里之內與例未符請令赴部別補等語著仍發往貴州以知州補用向來近省知縣內往往有任違省而該督撫以人地相宜奏請陞銜留任者雖因地方起見亦易啟規避之漸嗣後各省奏留人員內如遇丁憂事故起復之日皆令仍赴陞任省分候補著爲令會典事例

嘉慶八年諭嗣後各部堂官等遇司員截取時惟當公同詳酌除照例分別保送繁簡缺知府外如果係必須留部之員卽具摺奏明將來入於京察一等設或京察引見時經朕記名外用而該員係部中必不可少之人准該堂官據實奏留仍不得以陞銜懇請著爲令會典事例

推陞知縣等官截取○雍正十年議准應陞知縣之教職以及經歷等官由部按其俸次最深任內無參罰案件及下第舉人補授教職按其科分名次輪班應選者酌量截取令該督撫詳加驗看擇其年力才具可勝民牧之任者出具考語給咨該員赴部照例陞選與月選官一例考試引見補授其有年力就衰辦事平常自揣不勝縣令之任者該督撫咨部註冊除正印官不准陞用外其應陞教職佐貳等官仍照例陞用至教職等官有題定三年或五年俸滿卽陞者該督撫報滿部議准其卽陞後給咨赴部仍照月分陞用以上截取人員將次用完再行酌量截取備離任後原任內有降罰事故均照離任官例議處將降罰之案帶於新任其俸次在前應截取之員現任內有參罰事件未獲截取續經銷案卽補行截取仍較俸陞用會典事例

卽陞卓異丁憂候補○康熙三十八年定凡外省官員本任內經督撫保薦卽陞卓異未經陞用丁憂者起復

赴補之日仍歸單月不入各項候補班次遇缺補其卓異仍帶於新任會典事例

擬陞擬選丁憂候補○乾隆五年奏准凡各省現任官員推陞得缺具題之後應調來京引見如未經引

見奉旨補授適遇丁憂事故或緣事降革後經服滿開復俟赴部候補之時仍歸所陞班次原係節陞者歸

於卽陞月分先儘陞用原係俸深者歸於俸深月分先儘陞用卽以陞班積算其督撫保題陞用人員如已經

奉旨引見緣事離任者俟赴部候補之時引見或准其以陞缺仍發往該省別行題補或歸於月分仍

以原官候補之處請旨遵行至佐雜教職例不引見如經部擬陞擬選已經具題奉旨補授該員適遇

丁憂事故未及考試驗看到任及各省咨陞佐雜等官本部已經議准彙題奉旨補授該員適遇丁憂事故

未及到任者將來服滿開復赴補均歸於應補班內悉照陞缺選缺補用其有雖經擬陞擬選尙未具題奉

旨及督撫咨陞人員尙未具題奉旨者仍歸各原班選用會典事例

京官降補○順治年間題准三品以上降至正四品者以小四品京堂補用降至從四品者不補祭酒以正五

品京堂借補仍支從四品俸會典事例

乾隆四年奏准從四品內惟祭酒陞轉甚優既不准其降補自不便照祭酒陞轉應以從四品銜管五品京堂

事遇有開列陞轉列於各項五品京堂之先專以應陞之四品京堂陞轉如通政使司參議光祿寺少卿均係

正五品京堂而參議又係光祿寺少卿應陞之缺其由從四品借補者遇有開列列於通政使司參議之前專陞

小四品京堂遇有參議不行開列借補會典事例

又奏准京堂降至正五品從五品者不補郎中員外郎各照依對品以堂官員缺補用如降正五品則以通政

使司參議光祿寺少卿補用降從五品則以鴻臚寺少卿補用四品以上京堂降至六品以下者並無堂官可補應停其補用四品以上京堂品秩優崇若降至六品以下補用司官與體制不合故停其補用五品京堂降從五品者亦不補員外郎以堂官用降從五品堂官有鴻臚寺少卿可補故仍不補員外郎如降至六品以下悉照所降之級與各項降官一例補用五品京堂降至六品以下均係司官若一概不准降補則降一二級卽屬無官可補故仍准與各項降官一例補用其餘各項降官均照所降之級序補悉按品級考所減序補如降從五品以員外郎用降正六品以主事寺丞京府通判都察院經歷用降從六品以光祿寺署正補用之類惟降至從五品者不補鴻臚寺少卿係堂官不便將司官降補降至正七品者不補大理寺評事太常寺博士評事博士與六品陞轉相同故不准補降從七品者不補中書舍人中書亦與六品陞轉相同故不補用降從九品者不補司務司務品級雖微陞轉甚優故不准補均各照對品別官補用又五品京堂及翰詹科道謫官如遇大理寺寺丞一缺惟五品京堂謫官准其補用謫官寺丞應開鴻臚寺少卿由五品京堂降補未爲從優故仍准補其餘詹科道謫官不准降補以對品別官用翰詹科道謫官若准補用寺丞則一經降補卽得以鴻臚寺少卿先行開列陞轉過優故不准補如已降至署正等官遇有寺丞仍准陞轉俟陞至寺丞後再行開列鴻臚寺少卿此外各缺均與各衙門降官一例按其品級較文到日期先後補用補用後亦與各項官員一同較俸凡遇應陞概准陞轉至品級考所載京堂翰詹科道謫官寺丞開列陞轉及謫官補用後推陞之處仍准兼陞如寺丞應陞員外郎係謫官又應開列鴻臚寺少卿署正應陞主事係謫官又應陞用寺丞之類均仍准其兼陞

會典事例

選舉十七 文選

十五

三十五年諭向來吏部定例四品以上京堂降至六品以下者既無應補之京堂員缺又以京堂品秩崇優若
補用司員與體制不合遂停其補用殊屬非是京堂品級雖優如因素獲譴既經予降自應按品授銜用人乃
朝廷大權黜陟進退惟視其人之自取設官雖有崇卑示謫本無同異卽由崇階而降爲末秩惟上所命孰敢
抗違若拘堂不降司之說輒以會膺高位不屬於復就下儼是國家詔祿之典竟任臣下自專據擇紀綱之謂
何且以堂官降爲司員於體制又有何礙若因而停其補用則此等人員一經銷級遂致擴錮終身所謂愛之
適以害之於伊等亦復何益此皆相沿前明陋習不可爲訓著該部另行改議具奏欽此遵 旨議定京堂降
至六品以下者悉照品級與各項降官一體以應得之缺叙補會典事例

外官降補○順治年間定凡在外降級各官皆照所降之級遇相對員缺補授惟布政使降一級不補按察使
借補正四品道員仍帶所餘之級運使降一級不補道員通判布政使司經歷理問運判州同降級不補知縣
佐貳不應降正印無論何項出身均不准其補用凡降級官員內有例監生員吏員出身者不論有無保舉不補
正印官均以對品別官補用前段係佐貳不降正印此係無論正印佐貳降級由例監生員吏員出身者概不准
補正印均以別官補用如原係正印由正途出身應降正印仍應准補 會典事例

道府不准改用部曹○乾隆十四年 諭各省督撫於所屬道府內有不能勝任者或奏請調簡或勒令休致
不得仍請以部曹改用此定例也朕思此等人員既以不能勝任經督撫奏請改補由部執例請駁往返之間
轉得遷延時日該員明知不能久留未竟意未驟頓視同傳舍甚至繫情弊竇寔爲不飭於地方殊屬無益嗣
後各督撫題奏改補人員務於本摺內分晰聲明或宜調簡或勒令休致其才具平常而年未衰老者或以同

知降補皆著送部引見有違例仍請改用部曹吏部一面將該員議處一面行令離任毋致貽誤地方此本內山東巡撫所請改補之登州知府著送部引見會典事例

試用借補人員陞轉降補○乾隆二年奏准凡各省試用人員有大銜借補小缺小銜借補大缺者除小銜借補大缺照銜陞轉外其大銜借補小缺之員如原銜係候補候選捐納即用者准其照銜陞轉如原銜係考職捐職惟河工効力人員准照原銜陞轉其各省試用之員均照現缺陞轉若各該省有應題陞咨陞之缺與伊等職銜相當或在原銜以下者仍准該督撫酌量題咨陞用至借補各員緣事降調除小銜借補大缺悉照原銜降調外其大銜借補小缺者惟候補候選捐納即用之人准照原銜降調其捐職考職者無論河工効力及各省試用人員皆照現缺降調其原有職銜准其於降補任內隨帶不准照銜陞轉如現缺無級可降卽行革任給與原銜休致不准補用會典事例

借缺候補○乾隆四年奏准凡各省大銜借補小缺小銜借補大缺人員服滿開復赴部候補由部查明該員原銜如係候補候選捐納即用例應照銜陞轉者准其照原銜補用如係捐職考職例應照缺陞轉者均令其照缺補用至考職捐職人員惟借補河工者方准照銜陞轉如緣事離任復經別補若仍留河工准河臣酌量補用如並不留工赴部候補亦照各省之例概令照缺補用不准仍帶原銜此內有銜小缺大者卽照原銜補用會典事例

三十年議定同知通判知州不准借補知縣其現有同知各項借補知縣人員遇有本項缺出不分題調部選俱准其按銜改補如任內有展參事關將來降革離任處分者不准改補會典事例

首領佐貳俸滿保薦○乾隆二十六年議定各省首領佐貳雜職自從大品以至未入流並捐納之鹽庫大使俱准前後接算歷俸已滿六年者該督撫鹽政調取驗看詳加甄別其有舉人據補及舉人捐納之鹽庫大使仍歸五年期滿案內辦理其中實有人材出眾著有勞績堪膺保薦人員詳細確查出具切實考語送部引見恭候 欽定如奉 旨准其照例陞用入於卓異班內以應陞之缺統數日期先後陞用仍令該員回任候陞會典事例

四十二年議准嗣後首領佐雜人員俸滿應以實授之日扣算六年准其保薦會典事例

道府請 旨○乾隆三十七年定道府請 旨缺出除捐納 特用各項候選人員暨部議降用道府並降革捐復捐入補班捐陞道員註銷仍補知府各項人員均不准開列外應將丁憂服滿裁缺迴避候補降革開復及終養病痊引 見不必坐補原缺人員開列名單交部記名另繕夾單以及 命往各省補用人員查其在部候補時係例得請 旨之員遇本省請 旨缺出統駁投文及奉 旨日期先後開列進呈恭候 簡用會典事例

五十八年奏准查鹽運使各缺有請 旨補放開列具題之不同辦理稍覺參差且鹽運使與道員相同均係知府應陞之缺自應一體酌定改為請 旨之缺恭候 簡用鹽運使服滿赴補有情願具呈改補道員者奏明帶領引 見如奉 旨以道員用照奉 旨改補日期與候補道員駁投文日期先後敘補會典事例

丁憂人員不准保題留任○乾隆二十九年 諭御史秦雲以戶部郎中馮光熊刑部郎中杜玉林俱係丁憂之員該堂官不應奏留一摺內稱若遇陞遷外任又未聞以幹練留部其持論實中事情卽該堂官等亦無辭

可對官員遇有事故並聽離任終制原係卹下常經第以堂官而請留司員督撫而請留屬吏則上官之推情瞻顧與下僚之因事干求其流弊將何所不有不可不懲其漸況國家分職任才豈必少此一二人與此一二入二三年少待之期而必權宜破格而爲之誠亦可以不必嗣後凡朕特旨酌量令其留任外內而部院堂官外而督撫等均不得率行請留則弊端既無自而生而言官之揀拾建白者亦無從藉口著爲令會典事例加級食俸○乾隆七年定卿貳大員議敘加級食俸後經陞任如品級相同本係無俸可加者仍食本身之俸如三品陞至二品及二品陞至一品俱將食俸一級改爲尋常加一級其三品陞至二品已將食俸加級改爲尋常加級若又經陞任改爲紀錄一次會典事例

特有陞用人員回任題補○乾隆三十三年 諭向來各省知縣內有拏獲盜犯等案送部引見者皆係留心政務可造就之材朕加恩錄用令其仍回原任以本省同知州陞補其無回任字樣者係一時降旨所未及並未分別於其間而該部卽拘泥成例祇令在部候選將原缺另行銓補不知此項人員原因其平日官能事是以前調取引見加恩擢用俾得及時自効若僅令其在部候選不能銓補而原缺又另選有人是徒有空銜而需次閒居久淹時日非曰愛之其實害之非所以示鼓勵嗣後此等知縣引見時以同知直隸州知州用者俱著仍回原任遇有本省缺出補用其從前在部候選之員均著該部給咨發往原省差遣委用以應得之缺卽行題補至知縣十年俸滿引見以同知等官陞用者亦係因其久任民社材具尙可擢用之員著該部一體辦理會典事例

候補候選人員回籍○原定到京候補候選內外大小官員有情願回籍者具呈准其回籍俟其來京之日仍

照原文補授其考定內閣中書有其呈請給假回籍者亦應准給來時仍照考取註冊名次挨補會典事例
乾隆十九年定告假回籍人員到京之日仍令投供扣足五十五日之限方准銓選會典事例

各項佐雜人員回籍候補○嘉慶八年議准各項佐雜分發人員到省後試用一年期滿應令各督撫查照各項缺數減半酌留如從九品額設四十員即將新舊班試用從九品到省在先已滿一年者按照次序統留二十員其借補人員卽入本項統計有在二十員之外情願回籍者聽其餘各項視此如名次本在當留之列而亦願回籍者則是該員得缺本不甚遲而亦願回籍偷安此等人員回省之時仍照舊例查扣回籍日期其情願回籍之員該省一面給照一面專咨報部其持照回省者不必請領本籍咨文第報明起程日期原籍督撫一面咨明原發省分一面報部存案一經到省該省卽將到省日期專咨報部以憑稽查應當留省之員閱時既久補缺者多而回籍者未見回省則恐有差委乏人及懸缺待人之事應令各督撫咨補一人卽按名咨取一人足額以出咨之日起限省分遠者限以一年次遠者限以八月近者限以半年如逾限不行回省則咨取以後之人所有已奉咨取未見回省之員咨取後在籍日期亦卽仍照舊例查扣該省仍將已咨取某員及咨取未到更復咨取某員詳開年月專咨報部查覈再從前試用已滿一年之告假人員大率多因補缺維艱資斧不繼回籍應與丁憂回籍者一併照此免其查扣會典事例

右漢員陞補

皇朝政典類纂卷二百八

選舉十八

文選除授

進士授職○原定進士除選第一甲第一名除翰林院修撰第二名第三名除編修二甲三甲進士選庶吉士外分送各衙門觀政三月內外以次兼除會典事例

順治十五年諭二甲三甲進士除選庶吉士外俱除授外官會典事例

康熙五十四年禮部以教習期滿三年進士具題奉旨著考試將文理優者留京遇有月官扣缺即行補用其餘聽其回籍候應補之缺欽此遵旨議定進士考試一等者按現考名次遇有月官扣缺知縣補用其餘回籍候缺照原科分按現考名次以知縣選用其現在留京修書與教習內官學生者照考試名次以內閣中書缺出補用用完之日遇有缺出將現在留京學習之進士補用會典事例

雍正八年六月 敕定新進士在六部額外主事上學習行走三年後如能稱職該部堂官題補如不能稱職該部奏回其內若果有才猷出眾明練政治之員於一年之後該堂官將情由聲明保奏帶領引見請旨部行走之員俱照額外主事之例給與俸祿通志

乾隆五十五年諭向例錄取中書係於會試揭曉後將未經中式墨卷送入內籙交主考閱取朕思移送時拆閱彌封查對紅號恐有漏洩情弊而考官閱看墨卷筆跡亦易於認識其時會閱已經撤棘復行甄錄中書尤非慎重關防之道向來定例本未周密況中式進士引見歸班者十年方能銓選知縣而落第者錄取中

書簿可即日得官補缺後六年俸滿又可內用主事外用同知比縣令階級轉大實未平允著將落卷內錄取中書及學正學錄之例卽行停止俟帶領覆試合式之新進士引見後除已經錄用之庶吉士部屬卽用知縣外其餘歸班進士再交吏部按照甲第名次通行帶領引見候朕記名二三十人其中書錄用不記名者仍行歸班如此則考官無從滋弊而歸班進士添一錄用之途實屬兩有裨益嗣後如挑取學正學錄亦照此辦理

會典事例

嘉慶十年諭新科進士均著交吏部掣籤分發各省以知縣卽用會典事例

庶吉士散館酌原定庶吉士散館奉 旨留翰林院者二甲授編修三甲授檢討以知縣卽用者不論雙單月卽用以知縣歸班用者仍歸進士原班候選會典事例

乾隆四年奏准庶吉士散館以主事用者令其掣籤先分發六部在額外主事上行走選用班次載雙單月選其中如有實心辦事熟練部務者遇本部主事員缺該堂官保奏引 見補授會典事例

十六年諭國初庶吉士分習清書係與漢書各半雍正年間每科派十四五員七八員不等嗣於乾隆十六年欽奉 皇考高宗純皇帝諭旨除去雲貴川廣邊省不派外其直隸山東河南山西陝西等省庶吉士若在三四員以上派一二人浙江等省庶吉士在五六員以上派二三人每科通計在十人內外定制昭垂自應循例酌派若爲數太少不足以備典制而均教育嗣後每科清書庶吉士著遵奉乾隆十六年 諭旨仍著派在十人內外勿致過少會典事例

進士分部學習○雍正二年引 見新進士奉 諭朕批內用者著用爲六部額外主事學習辦事會典事例

乾隆元年議准學習進士三年期滿該堂官分別引見其以主事用者照甲第名次歸於月分選用班次詳

載雙單月選法未經補授之先仍令在部辦事如有熟練部務者遇本部主事員缺亦准該堂官保奏引見

補授以知縣用者歸進士原班選用如才具平常奏明咨部以國子監助教監丞司經局正字司經局正字乾

隆三十六年裁三項遇缺挨次具題補授有情願改教者准其呈明改補會典事例

進士選用知縣○雍正元年議准進士歸班候選知縣均令回籍俟投供候選進士將次用完具題被取赴部

投供照依甲第名次挨選會典事例

乾隆元年奏准新科進士奉旨以知縣即用者照奉旨名次先後歸於雙單月進士班次之後各選用二

人會典事例

進士選用教職○康熙四十八年題准進士候選知縣有情願就教者無論已未截取具呈到部以本省府教

授授科分甲第名次挨選其有進士未任知縣奉旨以教職用者遇本省府教授員缺即行補用會典事例

內閣中書官改補○嘉慶三年奏准內閣中書准其註銷改補教職會典事例

六年奏准國子監學正學錄准其註銷改補教職會典事例

九年奏准分部主事內閣中書准其註銷仍歸知縣原班銓選會典事例

八年奏准新進士即用知縣有情願改就教職者准其呈明以教職改補會典事例

舉人據選○原定舉人會試下第後願就選者考授推官知縣通判等官會典事例

順治九年議准會試三科為限以推官知州知縣考用會典事例

乾隆四年奏准嗣後舉人候選知縣俟截取時各該督撫仍照舊例驗看給咨赴部其下科鄉試時先行驗看之例概行停止至各省舉人就教應於每科會試發榜後雲南貴州四川廣東廣西福建湖南等省會試一科後直隸等近省會試三科後願就知縣者在部具呈揀選擇其年力富強者准以知縣註冊其年力就衰者以教職註冊備有患病丁憂事故未經揀選准其下科補行揀選會典事例

三十年奉 諭旨舉人選用知縣需次動至三十餘年其壯歲獲售者既不及鋒而用而晚遇者年力益復就衰每為軫惜朕常中夜思維籌所以疏通壅滯之法因查每科中額一千二百九十名統十年而計加以恩科則多至五千餘人而十年中所銓選者不及五百人除各科會試中式外其曾經揀選候選者尚餘數千經久愈多隨成壅積而直省知縣員缺本祇有此數即使一時概行銓用亦屬缺少人多不能使人人皆紆墨綬此固必然之勢也而不知者或歸咎於捐班之占缺因復核計捐班所選每歲亦不過三四十人縱令盡予舉班仍屬無幾見在捐例已停自可無虞占缺卽或將來再議開捐其知縣一條不必載入捐款至向來吏部截取舉人例由各省督撫咨送往往意在姑息不加甄別及至部選得缺經九卿驗看始以衰庸改補教職是督撫徒欲博寬厚之名使此等衰邁之人僕僕道途終歸無益所謂愛之實適害之也嗣後各省督撫於舉人截取領文時留心驗看如果實在精力已衰難膺民社者或該員情願就教卽於本省呈改以省跋涉之勞其有自揣耄齡不願就銓者並令彙冊咨部請 旨酌給職銜以慰其寒窗積學之志明歲丙戌春聞各省舉人雲集當於會榜後特派大臣分別揀選引見量其年力才具及時錄用其有科分已深非因丁憂事故自分年老材庸不願赴京會試者亦聽其自便其作何給予職銜如何挑選錄用及選班中更有如何可以疏通之處著

大學士九卿會同詳詳以聞副朕體恤寒峻及時登進羣才至意尋議嗣後截取舉人令各督撫秉公據實驗看其堪膺民社者赴部候選如果精力已衰情願就教者准其在本省呈改教職至年在七十以上衰邁尤甚自問不堪供職者免其調取驗看督撫核實查明開列姓名年歲造冊具題恭候 恩旨賞給職銜此等舉人已經揀選原係候選知縣應請從優將小京官品級相當之中書科中書大理寺評事太常寺博士三項職銜由吏部分別掣定奏明請 旨給予伊等仰邀曠典得以京銜榮身至庚辰科以上准其挑選惟見任教職毋庸赴挑請按照前次大省四十員中省三十員小省二十員之數大省再加二十員共六十員中省再加十五員共四十五員小省再加十員共三十員帶領引 見請 旨分別以知縣教職錄用其中分發以知縣試用約計亦不過十之五六在各省可以陸續請署請補不致壅滯久候以教職用者數年內亦均可得官所有未經挑選之員其有年在七十以上精力已衰難以入選者伊等科分既深轉不能一體沾 恩亦屬可憫此內如有情願得受京銜者應請一併交與派出大臣令其自行呈明查其實在年歲開列清單奏明請 旨交部分別掣定給與中書科中書等項職銜查舉人應選班次有知縣直隸州州同鹽庫等大使三項銓例內知縣雙月用五甲五舉四捐三陞單月用四補四捐四甲四舉共計雙單月各班內舉人應得九缺捐班無人原以舉人抵補今既奉 旨將來再議開捐其知縣一條不必載入捐款除已捐人員按班用完之後將捐班全用舉人是知縣既無捐班其舉人抵捐名色應即改為舉抵班仍不積舉人之缺統計雙單月內即可多用八員又直隸州州同鹽庫等大使遇有缺出即酌量以舉人間補從之通考

三十七年正月 敕春闈後揀選下第舉人分別錄用扣除近四科不入選以疏濶滯通志

嘉慶二十二年諭大挑舉人原以疏通寒峻近來各省分發人員漸覺壅滯昨經大學士會同吏部酌議章程量加調劑朕思南河東河北河三處河工亦需員差委若於此項大挑一等人員內分發試用俾之學習河務以河工之繁簡定人數之多寡既可策勵人材亦可疏通額缺其應如何酌定員數並試用甄別限期及補用缺分章程著吏部詳議具奏尋議分發南河三十員東河二十員北河十員赴工差委一年期滿甄別擇其諳練河務堪膺民社者咨部註冊以知縣用照地方以原銜借補佐貳之例先行咨署管河佐貳俟經歷三汛後實授遇有沿河關缺知縣缺出准其調補若甄別以佐貳改補者得缺後照見缺升轉不准調還知縣得有此項大挑一等分發河工人員著定為試用二年經歷六汛後甄別該河督秉公察看其能通曉河務者留於河工照新定章程分別補用如河務不能借習而才具堪膺民社者奏明改撥地方仍以知縣補用其才識迂拘者以教職改補東差續錄

舉人兼舉州同○雍正三年議准直隸州州同歸於知縣班內令舉人兼舉補授仍與知縣一例陞轉會典事例

舉人就教○康熙九年議准舉人願就教職者照考定名次以學正教諭用會典事例

乾隆七年議准舉人一科不第如有情願就教及已經據選知縣情願改教取具同鄉京官印結呈部或由本省督撫具呈咨部註冊補用與驗看註冊人員同較科分名次換選會典事例

三十年定在部具呈就教者按照具呈日期與出缺日期先後如出缺在先具呈在後扣除另選俟續有缺出再行選用會典事例

漢軍舉人授職○順治九年題准漢軍舉人以筆帖式用會典事例

三十九年覆准漢軍舉人照漢人例三科不中願就知縣者以知縣用各項知縣每遇過三班大選以十七人為一班三班共五十一人選用一人會典事例

乾隆七年奏准漢軍舉人每科會試榜發後願就知縣者不論科分取具該都統印文具呈到部揀選擇其年力富強者以知縣註冊換科分名次按班選用如年力就衰者以教職註冊與直隸漢舉人較科分名次按班選用會典事例

小京官教職中式留任○乾隆三年諭現任教諭會試得中進士例應歸班者仍令回原任以教授銜管教諭事現任訓導鄉試得中舉人副榜者仍令回原任以教諭銜管訓導事若該員本班應選時仍照常銓選遇卓異薦舉亦照常陞轉永著為例會典事例

四年奏准現任內閣中書中式進士奉旨以部屬用者以六部主事補用會典事例

七年奏准訓導中式舉人又經中式進士歸班者亦令留任以教授銜管訓導事會典事例

又奏准七品以下小京官中式進士除欽選庶吉士及奉旨用為部屬或以知縣即用者該衙門即行移會到部開缺其歸班選用者令留原任不必加銜仍按算前俸照現任推陞停其以知縣候選會典事例

進士舉人知縣改補教職○原定進士舉人出身知縣及直隸州州同到任後不能勝任如原係揀選命往省准該督撫以教職題請改補俟回籍後本省咨文到部仍歸原班與就教改教之人一體通較科分名次先後按班揀選如原係月選之員或年力衰邁或才識庸愚該員即當於未選之先或臨選之際呈請改教並令

吏部堂官於銓選時詳加甄別凡年老才庸之人卽諭令改教若本人不自度量必欲銓選知縣等官及到任後不能勝任者該督撫或以才力不及或以滿職分別題參不得奏請改補教職如果有爲人謹慎學問優邁者著該督撫將其應否改教之處具奏聲明送部引 見如奉 旨准行方以教職改補歸於月分不入班次

選用進士舉人未任知縣於月選引 見之時奉 旨以教職用者進士以教授卽用舉人以經制正諭卽用以上改補教職人員俟到任後果能實心訓課振興士習大計之年及六年俸滿准與各該教職一體保薦照例陞用未經保薦者論俸應陞之事不准陞用知縣祇以國子監博士典籍等官陞轉會典事例

乾隆十五年議定由恩拔副榜歲貢優貢廩生捐貢出身知縣改補教職者恩拔副榜以復設教諭選用歲貢優貢以經制訓導復設訓導選用廩生捐貢以復設訓導選用照進士舉人改教之例分別銓選如原係揀選發往者回籍後咨部各歸恩拔副榜原班選用如係月選得缺之員引 見後不入班次卽用訓導例不陞用知縣毋論已未保薦仍照例以翰林院孔目各省州判府經歷縣丞州學正縣教諭等官陞轉會典事例

選拔貢生分部補用○乾隆四十三年奏准各省選拔貢生 朝考後揀選一二等引 見以部員用者令其赴吏部掣籤分派各部在七品小京官上學習行走給予正俸以到部行走之日起扣滿三年該堂官確切考覈如果行走勤慎留心部務准其奏明留部授爲七品小京官食俸辦事儻於部務未能諳習卽奏明咨部仍以直隸州州判復設教諭二項聽其就職銓補至給銜留部之員歷俸又滿三年該堂官復加甄覈果能始終奮勉熟悉部務准其遇有本部主事缺出保題陞用其或行走平常亦卽據實奏明以各衙門之正從七品小京官內閣中書酌量改補吏禮二部例用進士出身之人分派學習之拔貢如若扣除未免礙滿吏禮二部一

併分派年滿後果能稱職一體准留部以主事陞用會典事例

五十五年諭內閣向來各省選拔貢生赴京朝考因省分遠近不一分作三次考試此次各省拔貢俱已陸續到齊著在貢院內併作一場考試嗣後拔貢朝考統俟各該生等齊集京師後禮部卽行奏請定期在貢院考試不必分作三次至朝考取入一二等者向派王大臣挑選其入選者帶領引見以小京官分部學習及以知縣教職等官錄用較之進士歸班舉人截取銓選者更速是拔貢一途尤爲士子捷徑必須秉公考覈以杜躐進而整士風但各省學政考拔時拘於成例按照府廳州縣應拔定數考取往往有一學中並無真材可膺是選而濫行充數并有於鄉紳子弟中選拔者是各學政已不免有瞻顧徇情之處而到京朝考後若仍令王大臣挑選安知不又互相請託殊非覈實遴材之道所有王大臣挑選之例著卽行停止此次各省拔貢朝考取入一二等者著於正大光明殿覆試再行欽派大臣秉公閱卷取定後按照等第名次帶領行見候朕分別錄用其朝考及覆試題旨屆期欽定以昭慎重著爲令 聖訓

候補捐納考敘人員中式進士舉人○乾隆四十年奏准候補內閣中書中式進士奉 旨歸班銓選併中式之後改授庶吉士散館奉 旨歸班選用者俱仍歸中書原班銓選俟有缺出歸於進士班內以次補用若遇舉人到班亦准其按照考取名次仍歸舉人原班補用各項捐納考職職敘人員中式進士歸班及中式舉人有願就原班選用者候選之學正教諭訓導准照現在教職中式之例加銜管事停其論俸推陞俟該員進士舉人本班截取應選時仍照常銓選如經卓異薦舉亦准其歸卓異卽陞班內照銜陞轉其候選之州同州判縣丞鹽庫大使及司府首領等官俱照七品以下京官中式各按本班推陞之例辦理俾其知縣候選州同以

下各官陞途各異選法不同是以不得照數職之例加銜管事以上願就原班候選人員在京取具六品以上京官印結具呈投部在外由本籍督撫咨部均免其註銷原職不願者仍准專歸進士舉人本班截取赴部候選會典事例

嘉慶十二年奏准用訥分發試用訓導未經期滿以前中式舉人俟本員請就原班咨報到部後方准照例甄別報滿咨部註選會典事例

題補主事統較行走先後○乾隆四十八年議定各衙門題補主事遇有缺出將學習期滿進士已授額外主事又經報滿之選拔貢生並捐納議敘主事俱自期滿奏留之日爲始學習期滿進士內屬各按科分甲第名次之處仍載入本例庶吉士散館及現任小京官中式進士以部屬用並現任小京官由各處奏明分部補用留部陞用人員俱自奏准到部之日爲始庶吉士散館及現任小京官中式進士分部者俱以到部之日爲始現任小京官由各該處奏明分部及留部陞用各項人員俱自奏准之日爲始除去告假等項事故計其實在行走日期仍按其應得題選各缺一體統較先後題補其進士分部學習及議敘捐納人員各衙門有未滿三年豫行奏留者仍扣滿三年方准與各項人員較算行走日期題補各衙門於移咨吏部查數時即將行走日期一併詳細聲敘以備查數會典事例

副榜恩拔歲貢授職○原定各省學政歲科考竣會同巡撫將恩拔副榜與歲貢傳齊驗看彙冊送部註冊副榜照科分名次恩貢拔貢歲貢照年分先後係同年者由部遇缺代爲掣籤副榜恩拔均以復設教諭用歲貢以副導用會典事例

乾隆五十年議定恩拔副榜就職直隸州州判得缺後行文各該督撫驗看除年力衰庸者咨明開缺堪以供職之員照例給憑赴任免其赴部引 見會典事例

貢生肄業期滿○雍正八年復准恩拔副榜歲貢生肄業三年期滿使充教職給發執照回籍候選會典事例
乾隆二年復准在監肄業恩拔副榜貢生三年期滿如其中果有學問優深人品卓越者令該監秉公薦舉引見請 旨其餘循謹之士堪任訓迪者咨部以復設教諭選用如本班頂選仍歸原班選用歲貢肄業期滿各部以復設訓導選用本班頂選者亦仍歸原班選用各省保舉優行生員准作貢生者照歲貢肄業期滿歸於各本年歲貢分內以復設訓導用 肄業貢生選用教職各照期滿日先後挨選班次詳載月選例如遇考職之時一同咨送會典事例

貢監考職○原定貢生監生考職一例以州同州判縣丞主簿吏目錄用會典事例

雍正六年議准貢監生考職照科場式例漢人取具地方官文結漢軍取具本旗印結及國子監肄業咨文到部將原摺執照呈驗併將年貌履歷三代籍貫投具親供取具同鄉京官主事以上印結及同考五人互結由部奏請 欽點大臣閱卷並滿漢御史二人本部滿漢司官各二人點名給卷編列字號分坐如有包攬代作等弊該御史即行查參會典事例

乾隆元年議准恩拔副榜歲貢生除本人已就教職及直隸州州判仍歸原班選用毋庸赴部考試其願就佐貳者准其照例考試恩拔副榜貢生考取一等者候選州同二等者候選州判三等者候選縣丞歲貢生考取一等者候選主簿二等者候選吏目入於雙月一應一捐之後選用二人均按考案年分名次接選均令在籍

候選未經選用之先遇鄉試之年照舊聽其鄉試考取之後有願就教職者仍准以教職用會典事例

十二年議定考職貢監應扣限期滿日方准咨送考試恩貢及廩生副榜扣滿六箇月增附生副榜及歲貢扣滿八箇月廩生拔貢及廩生捐貢扣滿十四箇月增附生拔貢及增附生捐貢扣滿十六箇月俊秀捐貢及四品廩監生官學生考取監生扣滿二十四箇月監生計其捐監月分扣滿三十六箇月連開計算年分未滿不准收考考取之後未經得缺以前照舊聽其鄉試會典事例

考職各項領照限期○乾隆五十六年奏准各項應給執照在部之貢監考職肄業期滿各館議叙騰錄供事俱於奉旨文到之日為始限一月內取具同鄉京官印結赴部祇領至在京各衙門役滿書吏於文到之日查明合例將執照封發著役衙門限一月之內給發各省捐輸議敘在外役滿書吏於奉旨文到之日查明合例即將執照封發各省督撫轉發該管地方官限兩月之內傳令本員驗明給發如有違限即將執照繳銷應銓選者停其銓選應給與職銜頂戴者一概查銷其在京在外給發執照俱取其本員親領甘結年終彙冊報部查覈會典事例

廣生錄用○雍正元年覆准尚書給與一品官廩生以員外郎用侍郎給與二品官廩生以主事用總督與尚書同巡撫與侍郎同會典事例

七年議准正一品官廩生以員外郎治中用從一品官廩生以主事用正二品官廩生以主事都察院經歷京府通判用從二品官廩生以光祿寺署正大理寺寺副用寺副乾隆十七年裁正三品官廩生以通政使司經歷太常寺典簿中行行人司乾隆十二年裁評博兼用從三品官廩生以光祿寺典簿鑾儀衛經歷詹事府主

薄京府經歷用四品官廕監生與捐納貢監生考職者一例考定職銜入於應選班內分缺輪班選用會典事例

三十四年諭大臣子孫予廕爲國家推恩令典亦所以酬獎勤勞源澤所加自宜嚴禁嗣後子爵子廕著照三品例議給男爵子廕照四品例議給其如何授以官資著詳悉妥議具奏欽此遵 旨議定漢世職之子爵既改廕三品應照正三品例給廕以中書科中書大理寺評事太常寺博士典簿通政使司經歷外縣知縣等缺選用男爵照四品例廕監生仍與捐納貢監生考定職銜歸於應選班內分缺輪班選用會典事例

漢軍廕生錄用○康熙十二年題准一品官廕生以員外郎用二品官廕生以大理寺寺正乾隆十七年寺正改爲寺丞知州用會典事例

雍正七年定廕生例用知州者以主事改補會典事例

乾隆五年奏准三品官廕生以七品筆帖式用四品官廕生以八品筆帖式用會典事例

廕生外用○乾隆元年奏准廕生奉 旨以外任用者正一品官以府同知用從一品官以知州用二品官以通判用三品官以知縣用會典事例

三十四年議定漢世職子爵廕生如奉 旨外用者專以知縣銓選會典事例

廕生考試○原定廕生肄業期滿由國子監咨送到部照品級題廕年月先後揆選武職廕生咨詢兵部品級題廕年月有無事故其同日具題者照題疏名次先後錄用會典事例

三年考試八旗滿洲漢軍廕生頭等遇缺卽用二等照本班揆次補用三等隨旗上朝通考

補廢復廢○乾隆四年奏准凡文武官廢生廢監生未經出仕中式而病故及患病殘廢者均准將 詔前所生子孫咨部聲明具題補廢仍以原廢廢生題廢年分選授其由廢監生已得官職及科目中式者不准補廢已補而又病故及殘廢者亦不准復行補廢再文武官廢生廢監生國子監咨送到部除已經補用外其註冊未用者如所廢之官降調少剩微職免其革廢其所廢之官革職廢生監生亦革去扣選後所廢之官選職或選職後別經降調及奉 特旨起用不論文武銜缺如品秩相當及在原品以上者均准其將原廢之人咨部具題給還原廢備原廢之人殘廢病故或於革廢後業經出仕中式准其別將 詔前所生子孫咨部具題補還原廢仍照先廢年分註冊揆選會典事例

廢生改武○雍正三年議准武職廢生內除選習文理者照例考試以文職補授外其有幼習武藝人材壯健願改武職者呈報到部移咨兵部准以武職改用會典事例

十二年奏准文職尙書等官並四品廢監生如願改武者均准按照品級改用會典事例

廢生錄用○康熙三年定三品以上廢知州四品以下廢知縣會典事例

十八年定布按都三司首領及州縣佐貳六品七品官之子准廢縣丞八品九品官之子准廢縣主簿未入流之子准廢州吏目均照本銜廢子不照廢銜 會典事例

衍聖公襲職及所屬執事等官題補○順治元年議定衍聖公襲封由山東巡撫題請吏部具題承襲其所屬官員俱由衍聖公咨部具題衍聖公由長子承襲主子思子祀事五經博士由衍聖公次子承襲三聖澤書院祀事太常寺博士由衍聖公三子承襲世襲國子監學正亦照衍聖公題請承襲尼山書院學錄由衍聖公咨

送弟姪題補四氏學錄洙泗書院學錄由孔氏生員咨送題補 至聖廟司樂由各省生員題補其管勾典
籍掌書書寫知印奏差等缺均由衍聖公保舉堪用人員咨部題補四氏學教授由衍聖公於舉人貢生內揀
選保送吏部題補與直省各學教授一體較俸陞轉曲阜縣知縣由衍聖公會同山東巡撫於孔氏族中揀選
擬定正陪二人保送部引 見補授遇大計年分仍令衍聖公會同山東巡撫考覈 聖廟執事官各按品
級給與章服每遇 聖廟祭祀之時虔肅冠裳駿奔趨事遇有缺出令衍聖公會同山東學政於孔氏族中秉
公揀選擇其人品端方威儀嫺雅者報部充補吏部於年終彙題每年各給俸銀二十兩如恭遇 覃恩悉照
本身實在職銜給以應得 封典原無職銜之貢監生童等俱以八品給封其孔氏子孫內情願充補之人或
曾經出仕而退休在籍或身有職銜而未曾出仕以及貢監生童等皆可入選若屆鄉試之期其充補之生童
有情願入場者俱准以監生入場應試會典事例

二十一年吏部議覆山東巡撫白鍾山所奏曲阜縣知縣改為題缺一本得 旨闕里為毓聖之鄉自唐宋以
來率以聖裔領縣事夫大宗主嚶既以爵列上公而知縣一官專以民事為職奉法令則以裁制傷恩厚族黨
剛以偏私廢事甚至因緣為奸簠簋不飭者有之且亦非古人易地而官之道我國家尊崇 先聖遠邁前朝
延恩後葉有加無已豈於此而有靳焉但與其循舊制而致燥官有乖政體何如變通宜民俾吏舉其職民安
其治於邑中黎庶孔氏族人均有裨益著照該部所議行其見在世職知縣既已謝事若歸部改銓不過恩及
其身而止於朕心猶有未備著加恩授為世襲六品官仍令揀選充補用副重道崇儒至意通考
是年議准原世職曲阜縣知縣欽奉 恩旨授為世襲六品官准其專主 崇聖祠祀事缺出悉照執事官之

例揀選咨部彙題如係進士舉人補授遇本班應選之年照例銓選由貢生生員補授者遇鄉試之年准其一體鄉試會典事例

二十六年議准四氏學教授缺出應令衍聖公於舉人貢生內揀選或於歷俸六年之學錄內揀選移送撫臣驗看再行保送四氏學學錄於孔氏歲貢及廩生捐貢內與生員現係廩生者一體揀選亦移送撫臣驗看保送吏部題補會典事例

世襲五經博士○順治元年覆准主子思子祀事五經博士由衍聖公次子承襲顏曾孟仲五經博士由嫡派子孫承襲但照衍聖公咨送題補宋儒程子朱子五經博士由禮部具題咨送嫡派子孫到部題請承襲凡世襲五經博士令衍聖公交現在博士各將子弟嚴加訓導將應行承襲之人由衍聖公保送禮部考試果能文理通曉註冊存案俟應承襲之時衍聖公查案具題准其承襲會典事例

九年覆准南宗孔氏五經博士由嫡派子孫承襲會典事例

康熙二十四年議准以周公後裔世襲五經博士會典事例

二十五年議准以宋儒周子後裔世襲五經博士會典事例

二十六年議准以宋儒張子後裔世襲五經博士會典事例

二十九年覆准以宋儒朱子閩派嫡孫世襲五經博士會典事例

三十九年覆准以閩子後裔世襲五經博士會典事例

又覆准以端木子後裔世襲五經博士會典事例

四十年覆准以宋儒邵子後裔世襲五經博士會典事例

五十一年題准以言子後裔世襲五經博士會典事例

五十八年題准以關氏後裔世襲五經博士會典事例

雍正二年題准以顧孫子後裔世襲五經博士會典事例

乾隆三年議准以韓子後裔世襲五經博士由河南巡撫查明大宗嫡派子孫承襲具題禮部查覈議准移咨

吏部給發劄付會典事例

嘉慶七年議准查伏勝爲秦博士秦時焚書六經幾至息傳漢孝文時能治尙書者無有其人賴伏勝口授尙

書於晁錯自是典謨誓誥之文藉以不墜其傳經之功甚鉅既據山東巡撫查明伏勝祠墓碑記遺蹟尙存嫡

派子孫世系可考應添設五經博士一員准其承襲仍俟咨送禮部考驗後再行移咨吏部給發劄付會典事

例

薦舉孝廉方正○康熙六十一年十一月 詔每府州縣衛各舉孝廉方正暫賜六品頂戴榮身以備召用務

期採訪真確毋得濫舉會典事例

雍正元年 詔舉孝廉方正先是康熙六十一年 詔各直省每府州縣衛各舉孝廉方正暫賜以六品頂戴

榮身以備召用至是奉 諭旨國家敦勸風俗首重賢良前所頒恩詔內有舉孝廉方正一條距今數月未有

疏聞豈通都大邑之中海濫山陬之遠遂無潛修砥操克稱俊乂可應詔旨者與誠恐有司怠於採訪雖有端

方之品無由上達殊負朕殷殷延攬之至意著各直省督撫速遵前詔確訪舉奏 通考

皇朝政典頌慶 卷二百八 選舉十八 文選

九

二年引 見浙江直隸福建廣西孝廉方正各二員俱以知縣用五十五歲以上者以知州用通考

乾隆元年吏部議准凡府州縣衛保舉孝廉方正悉由地方紳衿耆庶鄰佑里黨合詞具呈該州縣採訪公評詳稽事實所舉或係生員會同該學教官查核造具清冊加具印甘各結申詳該督撫核實保題照 恩詔內開專例給以六品頂帶榮身如其中果有德行才識兼優堪備召用者準破格保薦倘所舉不實除本人斥革追究外其濫行出結各官照濫舉匪人例分別議處通考

五年議准嗣後保舉孝廉方正除樓閣指謹無他技能不能考試者照例給與頂戴榮身毋庸送部外其有德行才識兼優督撫逾格保薦者俟驗看之後試以時務策一道擬奏一篇會同禮部定期具奏於 太和門內考試其試題先期移咨內閣由大學士恭擬進呈會同禮部監試將試卷進呈引 見候 旨簡用會典事例

嘉慶元年 恩詔每府州縣衛各舉孝廉方正暫賜六品頂戴榮身以備召用務期採訪真確毋得濫舉會典事例

道光元年諭內閣御史許乃楨奏保舉孝廉方正請覈實奉行一摺國家頒發明詔令府州縣衛保舉孝廉方正及薦舉才品優異之士原以廣勸人材冀收得賢之效乃比來外省視爲不急之務或數郡不舉一人其所舉者又或牽於情賄漫以衰庸充數以致此事竟成具文殊失拔滯顯幽之義夫鄉舉里選古有其制天下之大豈無遺才此次著各省督撫各飭所屬悉心採訪務得操履純潔才猷傑出物望允孚可備國家任使者登諸薦牘其行誼幹略各於名冊內切實註明咨部引見以備錄用不得託言矜慎率以無人可舉爲辭若以濫舉所舉不公則國有常罰諒各督撫亦不肯出此也 聖訓

咸豐元年正月諭內閣給事中蘇廷魁陳奏一摺朕詳加披覽所稱求宏濟之道防驕泰之萌意在推誠任賢慎始圖治能見其大朕甚嘉之其論孝廉方正一條亦合循名責實之意著各省督撫學政認真訪擇務將品學兼優衆所推服之人切實保舉以備錄用毋得虛應故事名實不符如所舉非人惟濫保之員是問其各慎之

九年諭內閣吏部奏孝廉方正知縣懇請分發試用一摺向來各省保舉孝廉方正各員引見後以知縣用者例應雙月單月歸部銓選茲據該部奏候選知縣孫長順等呈稱銓選無期不甘自棄自應量爲變通俾得及時自效著准其籤分各省照拔貢知縣試用二年期滿後歸於拔貢補用一人之後將孝廉方正補用一人具以州同州判用者亦准其一體分發歸於試用班內序補東華續錄

同治元年諭內閣我朝自 列聖以來於御極之初各直省督撫選舉孝廉方正原以振拔幽滯用端風俗與至鉅也朕於上年御極後卽詔各直省督撫秉公選舉並因知縣黎庶昌條陳復諭各督撫等迅速選舉見距上年頒詔之日已閱年餘而各省選舉甚屬寥寥十室之邑必有忠信今各州縣大者不下數萬戶小者亦萬餘戶豈無忠信誠懇之士堪膺是選良由地方有司視爲具文既不虛心延訪而潛修之士又不肯干謁公庭以致應詔無人足國家登明選公之典轉成具文其何以振風俗而勵人材著在京四品以上大員及直省督撫學政無論紳士布衣其有實在堪膺孝廉方正之選者各舉所知總以躬行實踐爲先不准專取文詞藻麗者濫膺盛典俟送部引見後候旨分別錄用其有年登耄耋或誠樸無華足爲里閭矜式不願來京者卽著該地方官歲時存問賜以酒米俾後進知所則倣用副朝廷側席旁求振興實行之至意東華續錄

徵召山林隱逸○順治十三年工科給事中
林隱逸一時懷才應聘之士自不乏人然採
未幾以焚臧革職又山東巡撫特舉王運陞
匡濟之才不過爲梯榮之藉耳臣思江南乃
者何謂其遠於朝市也隱逸者何謂其異於
祈通飭各省督撫按臣細加採訪凡地方人
川要害或智可籌兵或才堪足國不拘已官
職庶大典不致濫及爲千古求賢之盛事疏
康熙九年 詔地方有才品優長山林隱逸
二年四十七年五十二年五十七年 恩詔

雍正十二年議准遵奉 恩詔如有山林
典事例

乾隆二年四月 詔地方有才品優長山林
咸豐七年湖北巡撫胡林翼奏竊惟鄂居五
目染相習成風變本加厲識者蓋隱憂焉治
然亦天心人事轉振之機會也臣維移風口

若其...之...士大夫...夕與...皆易通而言易入者亦勢使然也特以側陋寒微不求聞達當道者又不搜
羅汲引任其淪沒巖阿無怪乎滔滔皆是提倡無人而浮僞之士且以爲積學立品如某某者卒亦無所表
見甚至窮餓終老人亦何樂爲君子而恥不爲君子哉此世風之所以日下而人才之所宜亟舉也鄂之興
國州爲江西入楚門戶逆匪頻年囑負蹂躪特甚處士萬斛泉結茅山中讀書講道賊至時正襟端坐絃誦
不輟賊亦不敢逼自相引去平日以朱子小學暨近思錄爲宗尤精研大學衍義並性理諸書家貧性孝取
與不苟前學臣龍啟瑞杜翰將拔爲秀才遂不應試延主崇正書院講席深裨士林其弟子宋鼎鄒金粟均
布衣不求仕進安貧樂道砥礪廉隅爲鄉里所矜式臣徵之皆不肯出復加採訪輿論翕然竊以造物生才
原關氣數 國家選士不限雲泥當茲力挽頹風得才士百不若得醇士一可否仰乞 天恩准將興國州
處士萬斛泉給予國子監學正銜宋鼎鄒金粟均給予翰林院待詔銜庶幾觀感奮興頑廉懦立共率由於
仁義道德之域實於人心風俗大有裨益胡文忠遺集

賞湖北隱逸布衣萬斛泉七品頂帶宋鼎鄒金粟八品頂帶從巡撫胡林翼請也 東華續錄

薦舉優行生員○順治十五年吏部議覆憲臣魏裔介條奏舉用孝子授官從未有例但孝行關係風紀若有
司呈報果有真正孝子許撫按具題禮部覆核敕臣部考試選授縣正佐貳等官如有冒濫捏報原舉官參處
從之通考

雍正四年諭國家設學校以儲養人才鄉會試試拔其尤者而用之卽古選士造士之道意也但士子作文有
一日之長短縱使主司公明搜羅豈能無遺況去取惟憑文藝其人品之高下才能之優絀無由得知每有出

羣拔萃之才屢試不售或晚得一第而年力衰邁不堪爲國家任使朕思各省學政奉命課士黜劣舉優係其專責嗣後學政三年任滿將生員中實在人品端方有猷有爲有守之士太省舉四五人小省二人送部引見朕親加考試酌量擢用現在報滿各學政卽遵照薦舉其到任未久者如有所知亦卽舉出夫一省而舉數士不可謂無人學政巡歷各府三年之久日與士子相親考文察行不得謂不知但能虛公衡錄所舉必得其人且風聲所樹凡讀書士子必皆鼓舞振興力學敦行求爲有用之儒於士習人材大有裨益該學政其各實心奉行毋得苟且塞責會典事例

五年敕州縣會同教官于諸生內核其孝友端方有才能文者各舉一人八旗滿洲蒙古每佐領各舉一人尋經吏部帶領各省薦舉人員引見以知縣用者三人餘以國子監助教學正學錄用通志

幕賓議敘○雍正元年議准各省幕賓凡籍隸本省者概不得聘如違交部議處其督撫幕賓務令選熟練老成深信不疑之人先將姓名履歷具題造冊報部存案如果効力年久勤慎無過者該督撫保題議敘原有職銜者按其應得職銜卽行補用無職銜者量給職銜如有才守出羣者特疏薦引從優議敘會典事例

乾隆元年議准司道以下各官幕賓除緣事斥革及職掌書算內號瑣事並本官子弟親屬來署幫助者不准申送議敘外其餘在聘來管理刑名錢穀之幕賓於到任時先將姓名籍貫申報督撫存案自申報之日計算六年期滿該員任內並無參罰事故果能深信其有爲有守才識兼優出具印結申送督撫詳加驗看考試其文理欠優才具平庸者卽行駁回如果文理優通熟諳吏治才具確有可用者方准保送將考試原卷一併送部俟直省彙齊之日由部照舊職例請旨欽點大臣校閱試卷分別等第給以職銜分班選用原有職銜者

酌量予以先用年老不能出任者給與頂戴榮身如有文理荒謬不諳律例者將濫行申送之原保官並具題之督撫分別議處會典事例

道光十三年諭御史尙開模奏請飭禁幕友濫邀議敘一摺朝廷甄敘之典所以鼓勵人材其襄理幕務由本官自行延請與在官供職不同朕曾通諭各督撫隨政等概不准將幕友保列以杜冒濫前據盧坤奏請將襄辦文案出力之幕友候選州同宋緒加以獎勵朕因係五品虛銜與授職稍有區別是以降旨准行今該御史奏此端一開各省相率效尤將有職人員延入內署商榷公事以爲將來保薦地步其需次各官藉此賈緣招搖均所不免實不可不防其漸所有候選州同宋緒賞給五品銜之處著卽撤銷盧坤違例奏請並著交部議處嗣後各直省督撫概不准以本省屬員入幕襄理如再有以幕友濫行邀請議敘者著吏部查明參奏以重名器而肅官常東華續錄

各省書院掌教年滿議敘○乾隆三十年諭省會設立書院所以樂育人材前經降旨令督撫等慎選院長如果教術可觀六年之後著有成效奏請酌量議敘乃降旨以來各督撫並未遵旨具奏著將因何不行遵旨辦理之處查明具奏嗣後均以六年爲滿秉公考察分別駁辦庶於勸學程功均有實濟著傳諭各該省督撫知之欽此遵 旨議定各省省會書院掌教均以六年爲滿該督撫等秉公考察如果教術可觀著有成效奏請分別議敘會典事例

吏員授職○康熙三年題准吏員考職分爲四等一等以正八品經歷用二等以正九品主簿用三等以從九品雜職用四等以未入流雜職用會典事例

五年定倉庫儒士錄用例吏部議奏京通各倉倉書五年役滿倉糧毫無虧空咨送到部免其考職以從九品未入流二項筆掣再禮部儒士食糧三年期滿咨送過部免其考職以府檢校典史選用通考

十三年議准各館供事缺將頂補之人姓名籍貫著役日期及頂補某人之缺讓先咨部如各衙門咨送著務令在原衙門著役四年以上方准送館俟到館後再補缺食公費二年方准咨部如各館自行召募者令其補缺食公費之後五年期滿方准咨送考職如不足年分者不准選用會典事例

乾隆二年奏准內閣六部太常寺等衙門事務書吏五年役滿該堂司各官察其平素勤謹並無過犯者出具考語咨送過部將從九品未入流二項令其兼掣以掣得之缺註冊選用會典事例

四年奏准內閣六部並各衙門即用書吏五年役滿各該衙門務於一月之內即將該吏著役時地方官印結並取具同鄉京官印結一併咨部註冊選用會典事例

五年奉 諭旨前經吏部覆役滿書吏應飭令回籍其中願就揀選之人於三箇月揀選一次帶領引見將奉旨准用者註冊俟將來外省請人時派往等語昨日已經引見一次為數亦止五人朕思此等微員一年之中

頻頻引見亦覺非體嗣後著交與大學士會同吏部堂官三月揀選一次將名姓奏聞請旨著為例通考
外省吏攬授職○雍正四年議准吉林將軍烏拉衙門書吏考職之後照例即用會典事例

十二年議准直隸等省吏攬五年役滿令該管衙門取具本吏親供保結送巡撫於每年七月內考試將試卷封固送部限於十月內到部與在京各衙門役滿書吏試卷一併校閱分為四等考定名次品級即將執照

封發原省給各該員收執在籍候選會典事例

乾隆三十年定國展雅爾等處新疆辦事書吏五年役滿經各該處大臣奏明交部議敘俱免其考職以照用之各項代為掣籤歸於雙月外應班七缺之後選用若辦事好奏留二年三年者准其以原掣之項統於雙月陞選十缺之後選用如奏留年滿又復留二三年者准其過缺即用年滿後俱令其回籍候選會典事例

三十四年奏准在京各衙門事簡書吏五年役滿由各該衙門自行闕防考試仍取其本更親供黏連印結將試卷封固加具冊結移送過部存貯年終由部開列九卿翰林等官職名奏請 欽點數員在 朝房內將京外書吏試卷秉公校閱分別去取會典事例

又奏准北路軍營隨印供事三年期滿免其考職給與正八品職銜歸於內閣各館供事班內按考職年分即用其有期滿留營再行効力三年者期滿報部於內閣各館供事到班時先用一人不積內閣各館供事之缺會典事例

外郎錄用○原定外郎六年滿日考定州同州判縣丞職銜將漢人例依次選用會典事例

康熙二十九年題准外郎六年滿後考定職銜歸於貢監分內將貢監選七人外郎選一人會典事例

考補騰錄○乾隆三十七年定各館需用漢騰錄吏部行文禮部國子監將情願赴考之舉人恩拔副歲貢生及捐納貢監生查明造具清冊並取具六品以上同鄉京官並無頂冒印結彙齊送部奏請 欽點閱卷大臣傳齊出結各官於點名時認識給卷考試取中者註冊俟各館咨取時挨名傳喚咨送充補將次用完之日再行考取三傳不到除名另送其次考取之員遇有親喪事故照例具報回籍守制不准留館起復到部准其遇缺先儘充補未經充補者丁憂服闋仍按考取名次咨送其由候選人員及記名中書考取教習者未經選

補之先仍准咨補若已銓選得缺或已挑取在閣行走即將騰錄註銷現充教習尙未期滿不准兼補騰錄兩處行走至應行送館之時呈明患病者俟病痊之日仍令其坐補原館其未經咨送呈明患病暫假調理概不准行如回籍措費及回籍調理俱定限六箇月方准銷假假滿仍撥具呈日期扣限三十日限期未滿雖有缺出亦不准咨送以杜擇館之弊至傳喚不到之員於除名之後除因丁憂一項不能赴館者具呈到部時准據呈行查原籍如果確實准其開復仍照原考名次送館其餘各項事故概不准其開復會典事例

嘉慶三年奏准每逢順天鄉試及會試時由部查明候補騰錄人數多寡應否於未經中式薦卷內挑取具奏請旨如奉旨准行查照奏定名數鄉試挑取一百二三十名會試挑取四十名臨時酌量分別挑取移會至公堂先將硃墨卷首彌封令正副考官率同考官秉公校取擇其字畫端楷者於墨卷面上擬定名次咨部拆封填榜註冊遇各館需人仍照原奏按其名次將生監咨送三人舉人咨送一人其候補投供驗到及丁憂告假等事悉照考試騰錄之例辦理會典事例

十一年諭內閣給事中曹錫齡奏慎重繕寫實錄一摺據稱騰錄字畫以考取者爲工現在實錄館需用騰錄四十名吏部擬將驗到人員傳補四十名考班祇有三名其餘盡係鄉會試落卷中挑取者可否將會典館考取騰錄裁去一二十名將所裁之人咨送以昭慎重等語實錄正本本年可進至乾隆六十年現在繕各處尊藏正本及聖訓正副本需用騰錄四十名業經吏部擬將驗到人員咨送因考取騰錄所屬無多將鄉會試挑取者一併傳補自應如此辦理今該給事中以會典館騰錄三十名內有考班充補該館每月祇進書十五本所用騰錄三十名似多閒曠請將考班裁去一二十名咨送實錄館殊不思實錄館祇叙本

優非他館可比該騰錄等既同在會典館當差今見 實錄將次告成又將翻館騰錄繕往所屬之人得有捷徑其未撥者自必向隅勢必紛紛求請輾轉更換殊屬不成事體且 實錄館現需四十名而未補之考班祇有三名卽如該給事中所奏將會典館考班騰錄咨送一二十名人數仍屬不敷自必將挑取者一併傳補所辦亦不盡一若舍鄉會試挑選者另行考取未必考取之人定係能手况鄉會試挑取者均由薦卷挑選其文理較優字書亦屬端整豈轉應棄置淹抑不令充補乎且會典館仍須分繕正副本亦未便率將現充騰錄裁減看來此事必係會典館騰錄因 實錄告成在邇可以速遞議敘遂爾百計營求希圖更調或係覬覦考試之人從中徇濫而該給事中受人請託率爲此奏殊屬挾私不曉事體各館傳補騰錄皆因適值乏人其議敘遲速自有該館定例似此任意轉移顯開僥倖之門此風斷不可長該給事中所奏著不准行 聖訓

緝譯騰錄等官議敘○乾隆二十七年奏准修書各館効力人員原有應得議敘如遇考試筆帖式時俱不准其考試其議敘年分俱照 國史館之例定以五年期滿令該館分別等第奏請議敘一次其行走未滿五年者於奏請議敘時亦令該館奏明先行分別等第咨部存案另派別館緝譯騰錄漢官上額外行走不食公費按其從前補館月日通計核算扣足五年再行咨部仍照各本館原定等第議敘 會典事例

四十四年二月奏準四庫館効力騰錄人員年滿議敘後派員重加考試再予錄用 通志
軍機處緝譯上諭官員議敘○乾隆二十二年奏准各衙門凡奉清漢 上諭譯漢緝清俱送軍機處緝譯該大臣於行走官內揀派緝譯精通者六人定爲六缺專司辦理五年之後如果辦理無誤奏明交部議敘紀錄

二次會典事例

修書議敘○康熙十一年 世祖章皇帝實錄彙編將纂修等官內停陞轉之現任官員停補授之候補官員議敘以應陞之缺先用書吏以州判即用

四十九年 聖祖仁皇帝平定朔漢方略告成議敘監修總裁加二級副總裁以下各官加一級勝餘監生及供事已經考職者照所考之職即用未經考職者俟考職之日照所考之職即用會典事例

五十二年議准修成佩文韻府人員舉人貢生照應得之缺遇缺即用監生候選州同六年滿者以知縣即用其中勤敏貢監生不必限定年數遇缺以知縣即用勤敏候補中書典籍等員以應陞之缺加等即用布衣以翰林院待詔用會典事例

五十七年 皇輿全覽書成其修書人員舉人原任教諭以舉人應用之缺加一等遇缺即用副榜即用縣丞以知縣遇缺即用會典事例

五十八年議准修成駢字類編人員 內廷行走候補訓導之貢生以中行評博即用會典事例

又議准修成 萬壽盛典人員進士內閣中書修書年滿者除試俸一年不算外再歷俸三年以應陞之缺即用舉人加捐主事修書年滿者以本班主事內即用教習知縣以知縣即用副榜捐教諭先用者以知縣用會典事例

六十一年奏請議敘纂修算法人員奉 旨伊等俱朕親選令學習算法內廷行走之人與在外各館効力者不同且修算書處甚嚴伊等行走必然勤力所奏人員分別等次議敘具奏欽此遵 旨議定分三等第一等現任官以應陞之缺加一等遇缺即用候選官以應用之缺加一等遇缺即用護軍比照監生以監生應用之

缺加一等過缺卽用第二等現任官以應陞之缺過缺卽用再加一級候選候補官以應用之缺過缺卽用再加一級第三等現任官以應陞之缺過缺卽用候選官以應用之缺過缺卽用貢生比照生員以生員應用之缺過缺卽用庶吉士已授編修者以授編修之日扣算俟三年期滿過應陞之缺卽用會典事例

雍正三年議准修成子史精華人員內童生准作監生會典事例
四年議准修成古今圖書集成人員已滿六年者進士以知縣卽用加一級舉人以知縣卽用滿洲舉人以應用七品京職之缺卽用貢生候選州同以知縣用候選州判以州判卽用監生候選州同以知縣用候選州判縣丞主簿以應用之缺卽用監生未考職者俟其考職後以所考之職卽用廩生以訓導用生員俟其考職後以所考之職卽用滿洲生員照伊應用無品筆帖式卽用原品休致翰林院檢討以堂主事用現任官員各加二級會典事例

隆乾四十六年議定 內廷三館纂修曆錄供事俱有定額每月均給予公費書成議敘自滿漢翰詹部屬及漢中書等官按依該館所列等第予以加級紀錄不得援照並無公費 特旨開設之館率請從優其曆錄供事只准分別等第相同者科甲按其科分名次捐納按其上庫日期吏員按其結到日期按次銓選不得又請照該館冊開名次敘用以杜挪先移後奔競之弊會典事例

嘉慶七年 諭前因恭纂 高宗純皇帝實錄已進至乾隆二十年特降旨將在館官員及曆錄供事等交部議叙茲據該總裁等將在館官員等分別等第開單具奏並聲明總裁官總纂官不敢仰邀議敘敬念 皇考高宗純皇帝享國久長 功德昭垂超越前古恭纂 實錄卷帙繁多該總裁纂修等盡心編輯闡釋 前謨

將來全書告成自當一體給予議敘至尙書彭元瑞專期奏本尤爲出力此次卽著交部議敘依議會典事

十二年 諭欽惟我 皇考高宗純皇帝久道化成至誠無息 臨御六十年兢業常如一日 敬 天 法

祖 勤政愛民 盛德大業極於史不勝拜仰惟 聖武布昭無遠勿屆拓地數萬城績 十全自古未隸

版圖之域莫不來庭向化同我車書至於 宸章 聖製卷帙盈千廣開儒科蒐採遺籍天祿石渠之秘四庫

七閣之藏 文教誕敷日星並煥矧夫 福由 天錫萬祥畢臻 聖壽純常享祚永久稽諸往牒罕有比隆

朕自沖齡渥承 眷顧迄 授璽以後親承 訓政仰見 聖德 神功懿鑠隆茂爰於親政之初命大學士

等督率官員敬謹纂修 實錄比年紀事一歸簡質共成書至一千五百卷又續經恭輯 聖訓三百卷 典

謨宏富實爲邃古之所未有茲全書告成百寮共慶式瞻 魏煥億禩爲昭金縢尊藏紹庭彌切館臣等八載

以來悉心編勘爰速竣功允宜優加甄敘以彰鉅典而獎勤勞監修總裁官副總裁官暨提調纂校收掌繙譯

勝錄等官與執事人等作何議敘之處著該部查照舊例妥議具奏 會典事例

十七年 諭本日文穎館總裁等奏續編清涼山志纂輯西巡盛典告成請將提調纂修及勝錄供事等分別

超一二等給予優敘等語朕披閱書內所載宸章恩綸秩祀闕武以及程途歌頌之類祇須編次繕錄卽可成

書且卷帙無多較警駁易若遽加之優敘則各館編輯無論卷數多寡皆思濫邀恩獎殊非所以示限制嗣後

各館纂辦書籍至一百數十卷以上者方准其奏請優敘分別超一二等其不及一百卷者止准分別一二等

照例議敘以杜冒濫欽此遵 旨議定 內廷各館每屆五年奏請議敘其編刊纂辦書成無不在百卷以上

機查各館歷年成案各項議敘班次已極從優若援前次成案復於優敘之中再請加等未免漫無限制嗣後如有欽奉 特旨開設之館纂辦書籍告成據其卷數分別奏請議敘其常年久開之館據刊續修纂辦書成其在一百數十卷以上只准照前次成案奏請議敘分別等第咨部如有援照已經優敘之案復請再予加優者悉照該館前次議敘成案駁辦不得再予加優奉 旨依議會典事例

又定凡欽奉 特旨開設之館及常開各館有 特交書籍纂辦者書成時其編纂人員內如有格外出力者該館臣擇其年久出力之員酌量保奏請 旨遵行其餘常年開設各館如纂辦尋常書籍議敘時均不准率請保奏陸用致取冒濫之漸至各館供事如有已邀議敘選用者不得奏請暫行扣選其有保奏儘先選用並請分發各省試用者概不准行會典事例

武英殿修書議敘○乾隆三年諭武英殿寫字需人著在國子監肄業之正途貢生內看其年力精壯字畫端楷情願效力者選取十人送武英殿以備騰錄繕寫之用其在監肄業每月所領膏火之資仍照舊給予若有缺出該監照例送補俟數年之後行走若好該管王大臣等秉公具奏酌量議敘會典事例

三十四年議准 武英殿繕寫人員國子監咨送貢生之例停止卽於吏部考取騰錄內遴選正途出身書法端楷者咨送仍聽 武英殿覆加考驗再行充補會典事例

議敘吏部堂司各員送都察院查辦○乾隆三十七年奏准吏部滿漢堂司各員遇有應行議敘之案俱將應敘職名開送都察院查辦會典事例

刑部司員駁正案件議敘○舊例刑部題咨案件細小事情與例不符應行駁駮者毋庸置議外其有各省將

續擬重罪人犯竟令脫網或無辜之人羅織擬罪刑部司官細心查覈該行復經審訊未得實情者於呈堂准行之時即將定讞司官記名檔案俟改正後於每年十二月內具題交部議敘每一案准其紀錄二次會典事例

乾隆十八年諭刑部議駁外省題運案件經督撫遵駁改正者司員得並遞議敘夫指駁案情必有首先立議之人乃將各員通行議敘其中隨同書押並學習額外之員均得濫邀敘錄非覈實之道且由刑曹陞調別衙門者恃有加級紀錄可以抵銷往往不肯認真勉力辦事因思吏部司員向因議處之案較多別部僅將承辦之滿漢司員各一人開送議處此雖非正例然吏部議罰可以通刑部議敘其於考課之法方為平允嗣後刑部各司遇有因題駁議敘者著照此旨行會典事例

官員捐墾荒地議敘○乾隆三十年定本省文武官員用給牛種招墾荒地十頃捐銀一百兩者准其紀錄一次四十頃捐銀四百兩者准隨帶加一級多捐者計算增加令該督撫隨案咨部備覈吏部附入年終彙奏會典事例

軍臺議敘○乾隆二十一年奏准各部院現任筆帖式派撥坐臺三年期滿更換回京令該總管出具考語分別等第咨送吏部帶領引見如奉特旨指明以何項官錄用者遵旨辦理外如奉旨准作一等者准其加一級隨帶二等者紀錄二次三等者紀錄一次會典事例

廣東福建商民運米議敘○乾隆二十一年議准廣東省生監商民有自備資本領照前赴安南等國運米回省籍商民食者令地方官查明數在二千石以內者酌量獎勵數在二千石以上者確查取結奏請分別議敘

其間運米二千石以上至四千石者生監給與吏目職銜民人給與九品頂帶四千石以上至六千石者生監給與主簿職銜民人給與八品頂戴六千石以上至一萬石者生監給與縣丞職銜民人給與七品頂戴福建省生監商民前赴暹羅等國運米回至漳州泉州二府糶濟民食者令地方官查明數在一千五百石以上至二千石者生監給與吏目職銜民人給與九品頂戴二千石以上至四千石者生監給與主簿職銜民人給與八品頂戴四千石以上至五六千石者生監給與縣丞職銜民人給與七品頂戴六千石以上至一萬石者生監給與州判職銜民人賞給把總職銜其帶回米石情願運赴省城糶賣者照漳州等處糶賣之例仍按照米數分別生監商民給與職銜頂戴其有已邀議敘之人仍照米數遞加如廣東省生監已遞加至縣丞職銜民人已遞加至七品頂戴福建省生監已遞加至州判職銜民人已遞加至把總職銜又有運米數多者令該督撫酌量獎賞毋庸再議加級職銜頂戴會典事例

捐栽蘆葦樹木議敘○乾隆三十七年定江南蓄水諸湖豫東二省黃河兩岸月格等隄內外以及沮洳坑塘等處栽種蘆葦准其議敘印河官員栽種蘆葦一頃者准其紀錄一次二頃者紀錄二次三頃者紀錄三次四頃者加一級民人有情願捐栽者確查數目分別造冊咨部議敘如捐栽蘆葦不及議敘之數者准其次年補栽地方官先行查驗收管申報河督存案俟三年之內統計種葦四頃者造冊報部議敘給與九品頂戴榮身三頃者除福建浙江廣西三省凡可種植樹木之處業已栽種無遺無事再為勸種貴州省現在試種桑麻俟有成效再行酌辦外其直隸等十五省地方官員有能自出已資在官山官地栽種樹木三年後培養長成該督撫委員查驗數目造冊送部成活五千株者紀錄一次一萬株者紀錄二次一萬五千株者紀錄三次

二萬株者加一級分別議敘各省商民如在官山官地栽種成活二萬株及在已地內栽種成活一萬株者給以九品頂戴兼身如生監能於官地內栽種成活四千株及在已地內栽種成活二千株者免其考職給與主簿職銜會典事例

孳生馬匹議敘○乾隆三十年定游牧總管等所管馬羣於應孳生額定正數外多孳生馬一千五百匹者以應陞之缺卽用如再多生以三百匹計算准加一級會典事例

各倉監督議敘○原定各倉監督定以二年更換滿漢監督每一年著一員更替二年內有俸滿應陞人員准其照常陞轉仍俟差滿更換二年之內果能出入公平糧儲無虧倉廩不致滲漏米石不致霉變於任滿時令倉場侍郎保題交部議敘准其加一級會典事例

乾隆十七年議准京通各倉監督均改爲三年期滿會典事例

押運抵通無欠議敘○乾隆二十三年議叙江南浙江江西湖廣押運同知通判抵通如一次無欠加一級二次無欠加二級三次無欠不論俸滿卽陞其河南山東押運同知通判抵通一次無欠紀錄二次二次無欠紀錄三次三次無欠加一級四次無欠不論俸滿卽陞押運官員俱令該督撫出具考語咨部抵通之日船幫起卸通完倉場侍郎送部引 見如恭邁 皇上巡幸熱河運員未便久候吏部奏明令該員親身押運回空免其引 見會典事例

四十二年諭本日吏部將倉場侍郎咨送押運漕船之同知通判帶領引見本年漕務早竣該押運官何以遲至今日始行引見殊屬遲滯嗣後漕艘抵通糧石交完後所有應行送部之運員該倉場侍郎卽行咨送部

該部即循例帶領引目著為令會典事例

報開新廠督辦官員議敘○乾隆三十六年議准雲南開報新廠督辦之地方各官有每歲獲銅二十萬斤以上者准其紀錄一次三十萬斤以上者准其紀錄二次四十萬斤以上者准其紀錄三次五十萬斤以上者准其加一級均於歲底查明分別議敘如能獲銅至八十萬斤以上者該撫專摺奏請陞用如報開之廠迄無成效視年月之久近查明該廠員若有玩忽隨時查處會典事例

承運銅鉛無欠議敘○嘉慶三年奏准雲南貴州兩知通判知州知縣承運銅鉛抵京依限運交足數戶部帶領引見後知照過部查明如係實授人員任內並無不合例事故與卓異之例相符者准其入於卓異班內按照引見日期先後陞用陞署題署人員按實授奉旨日期陞用如試用人員題補者接到任日期題署者按奉旨日期統較先後會典事例

好善樂施議敘○原定各省地方遇有收成歉薄及修城築隄義學社倉等項公事紳衿士民有蓋藏豐裕樂於捐輸者按其捐數多寡大者題請議敘小者量加旌獎至應行議敘之員該督撫務須覈實具題並飭令地方官出具並無胥吏使漁浮冒印結一併咨部仍將捐助用數目逐一造冊具題係賑濟則報戶部係工程則報工部覈實確查如果相符會同吏部分別議敘備有抑勒捐助及以少報多者或傍人首告或科道糾參除本人不准議敘外將題請之督撫申明之地方官一併交部議處會典事例

乾隆二十年議准士民捐輸社倉稻粟捐至十石以上捐資修城銀十兩以上給以花紅銀三十石以上銀三十兩以上獎以匾額銀五十石銀五十兩以上申報上司遞加獎勵捐銀三四百石銀三四百兩據實奏請給

以八品頂戴如本有頂戴人員於奏請時聲明聽部另行議敘其有捐資不及十兩者與出資較多之人無論捐資多寡將其姓名銀數統行勒石以垂永久捐至一二千兩及三四千兩者題請從優議敘其議敘頂戴人員令該督撫查明年貌籍貫三代履歷造具清冊送部填寫執照封發該督撫轉給該員收執遇有開捐事例准其照捐職人員之例一體報捐會典事例

二十六年議准現在地方官捐資修城五十兩者記功一次一百兩者記功二次一百五十兩記功三次俱聽該督撫自行查辦一百兩以上者准其紀錄一次三百兩以上者准其紀錄二次會典事例

皇朝政典類纂卷二百九

選舉十九

武選八旗武選 緣督武選一

補授八旗武職通例 順治初年定上三旗四品以上官都統等擬正陪具題補授四品以下官擬正陪咨部具題補授其前鋒參領護軍參領前鋒侍衛親軍校前鋒校護軍校等由該管官具題補授咨部註冊下五旗五品以上官該旗揀選擬定正陪咨部具題補授至上三旗驍騎校以下下五旗六品以下官及王公護衛均照咨補授概不具題會典事例

雍正七年定滿洲武舉武進士補官例 滿洲武舉補授內九門千總者遇會試之年仍准入場考試平時令步軍統領考職限以三年材技優長者補授巡捕營守備中平者補授佐領下護軍校并本旗驍騎校等缺平常著留門營差學習有成再行保送至滿洲武進士除選授侍衛外其餘仍以各營守備與驍騎校護軍校等缺補授 通典

十年十一月兵部議准八旗武舉應請派大臣驗看分別等次交與該旗以護軍校驍騎校等缺挨次委署補授通典

十一年七月敕補授驍騎校如本佐領下不得其人即於合旗通行揀選如一佐領下人材果好即可多補數員通典

六年揀選八旗護軍前鋒分發補用凡八旗護軍前鋒人等除候本佐領下護軍校驍騎校等缺補用外向會

於此等人內揀選補用綠旗守備千總茲奉 諭旨著八旗護軍統領前鋒統領於護軍前鋒內每旗各揀選四名帶領引見內務府總管於內務府三旗護軍內每旗亦各揀選一名帶領引見分發步軍統領及兩處隨寢總兵官令其在千總上効力行走通考

補授掌鑾儀衛事大臣 順治初年定掌鑾儀衛事內大臣員缺今為掌鑾儀衛事大臣由領侍衛內大臣將應補領侍衛內大臣內大臣職名開列送部由部具疏題請 乾隆十九年奉 旨員缺不必由兵部具奏 會

典事例

補授部統 順治初年定滿洲都統員缺將蒙古都統前鋒護軍各統領滿洲蒙古副都統及外省將軍副都統並子爵以上官開列題補蒙古都統員缺將前鋒護軍各統領滿洲蒙古副都統及外省將軍副都統並子爵以上官開列題補漢軍都統員缺將漢軍副都統漢軍外任提督及外省副都統並子爵以上官開列題補 會典事例

乾隆七年奏准滿洲都統員缺將本翼蒙古都統蒙古任漢軍都統前鋒護軍步軍各統領滿洲蒙古副都統滿洲任漢軍副都統外省滿洲將軍都統副都統滿洲外任提督及由京官授歸化城都統副都統開列題補蒙古都統員缺將本翼前鋒護軍步軍各統領滿洲蒙古副都統滿洲任漢軍副都統外省滿洲將軍都統副都統滿洲外任提督及由京官任歸化城都統副都統開列題補漢軍都統員缺將本翼前鋒護軍步軍各統領滿洲蒙古漢軍副都統外省漢軍副都統漢軍外任提督開列題補其子爵以上官停其開列 會典事例 補授副都統 順治初年定滿洲副都統員缺將蒙古副都統及王府長史前鋒護軍各參領論俸開列十人

額補蒙古副都統員缺將王府長史前鋒護軍各參領論俸開列十人題補漢軍副都統員缺將參領及漢軍外任總兵官並男爵以上官開列題補會典事具

乾隆七年奏准滿洲副都統員缺將本翼蒙古副都統滿洲任漢軍副都統開列題補並將本翼滿侍郎按旗開列本翼蒙古侍郎亦按旗開列本翼步軍翼尉參領等官每旗開列十人內先將步軍翼尉前鋒統領之協理事務前鋒參領護軍統領之協理事務護軍參領滿洲蒙古都統印房協理事務騎參領不論俸通行開列次將王府長史前鋒護軍騎各參領游牧總管論俸開列各足每旗十人之數滿洲外任總兵官者按旗開列於後如開列滿洲副都統遇有滿洲任漢軍副都統職名即將應陞漢軍副都統之本翼漢軍侍郎按旗開列本翼漢軍參領每旗開列二人內先列都統印房協理事務參領一人次列俸深之參領一人再將本翼滿洲蒙古散秩大臣公侯伯子男冠軍使一等侍衛王府長史一等護衛前鋒護軍騎各參領內府護軍統領別列名單附疏以進蒙古副都統員缺將本翼蒙古侍郎按旗開列本翼步軍翼尉參領等官每旗開列十人內先將步軍翼尉前鋒統領之協理事務前鋒參領護軍統領之協理事務護軍參領滿洲蒙古都統印房協理事務騎參領不論俸通行開列次將王府長史前鋒護軍騎各參領游牧總管論俸開列各足每旗十人之數其滿洲外任總兵官者按旗開列於後再將本翼滿洲蒙古散秩大臣公侯伯子男冠軍使一等侍衛王府長史一等護衛前鋒護軍騎各參領內府護軍統領別列名單附疏以進漢軍副都統員缺將本翼步軍翼尉前鋒統領之協理事務護軍參領滿洲漢軍都統印房協理事務騎參領不論俸通行開列次將王府

長史前鋒護軍各參領滿洲漢軍驍騎參領論俸開列各足每旗十人之數併將外省總兵官通行開列於後
再將本翼滿洲漢軍散秩大臣公侯伯子男冠軍使一等侍衛王府長史一等護衛前鋒護軍驍騎各參領內
府護軍統領別列名單附疏以進會典事例

補授統領 順治初年定前鋒統領員缺將滿洲蒙古副都統及前鋒護軍各參領開列題補護軍統領員缺
將滿洲蒙古副都統及王府長史前鋒護軍各參領開列題補會典事例

嘉慶六年奏准步軍統領員缺將內大臣八旗滿洲蒙古都統滿洲任漢軍都統左右翼前鋒統領八旗護軍
統領左右翼總兵八旗滿洲蒙古副都統滿洲任漢軍副都統職名開列題補會典事例

補授駐防將軍 順治年間定駐防滿洲將軍員缺將八旗滿洲蒙古副都統及本駐防副都統開列題補漢
軍將軍員缺將八旗漢軍都統開列題補會典事例

補授駐防都統 乾隆二十六年奏准察哈爾都統員缺將前鋒護軍各統領滿洲蒙古副都統滿洲蒙古任
漢軍副都統滿洲蒙古任外省提督職名開列題補會典事例

補授駐防副都統 順治初年定駐防滿洲副都統員缺將滿洲驍騎參領本處協領各城守尉開列題補駐
防漢軍副都統員缺將漢軍參領駐防漢軍協領按翼論俸開列十人並將外省總兵官一併開列會典事例

雍正十二年十二月敕各省將軍於所屬協領內保舉堪勝外省副都統人員通志
乾隆五年議准駐防滿洲副都統員缺將在京記名參領等官各按本翼開列十人如八旗公額每翼開列十

人均附疏以進會典事例

八年議准駐防漢軍協領引 見記名者遇駐防漢軍副都統員缺別列名單附疏以進黑龍江水師營漢軍總管與各省協領品級相同准照協領之例論俸開列會典事例

補授火器營大臣 康熙三十年奏准火器營總統員缺將領侍衛內大臣前鋒統領護軍統領滿洲蒙古都統副都統滿洲蒙古任漢軍都統副都統開列題請兼管會典事例

補授嚮導大臣 原定嚮導總統員缺將前鋒統領護軍統領滿洲蒙古副都統滿洲任漢軍副都統開列奏補謹案現行例係開列具奏兼管 會典事例

補授京營左右翼總兵 嘉慶四年諭步軍統領衙門添設左右翼總兵二員嗣後八旗都統併各省提督缺出但准其將兩翼總兵開列如兩翼總兵缺出即將八旗副都統及京營副將開列簡用會典事例

稽查營房 乾隆七年奏准城外營房將本翼都統副都統開列具奏請 簡一人管理稽查會典事例

稽查京倉 雍正十二年議准在京各倉每倉以都統或副都統一人專司稽查三年期滿更代接任之人未滿三年者遇更代之期亦准更代屆期除已經稽查之都統副都統外其餘都統副都統由部通行開列具奏恭候 簡用每倉設掣一人管理會典事例

值年 乾隆十六年奉 旨八旗大臣等辦理事件每多遲延雖有值月大臣將一應事件彙總承辦然推諉成風惟以草率塞責過此一月移交下旗可以完事並無實力辦理與事無益嗣後分旗大臣不必按旗值月朕特命數人一年一次輪流值年著該部將都統副都統等職名不論旗分全行進呈朕酌量選用令伊等於各旗參領等官內揀選好者將八旗一應彙辦事件令其承辦至年終將一年內已完事幾件未完事幾件按

欽定大清會典事例
嘉慶六年奏准值年大臣如遇調補外省及差等事由值年旗自行奏請派員署理會典事例

嘉慶六年奏准值年大臣如遇調補外省及差等事由值年旗自行奏請派員署理會典事例

挑取侍衛拜唐阿 乾隆五十年諭近來外任旗員子弟成丁時多有挑館當差及捐納文職隨任候補此不但挑取拜唐阿侍衛不能得人伊等久隨外任不習清語騎射以至廢弛滿洲故業所關非細嗣後外任旗員子弟無論王公屬下俱一例挑取拜唐阿侍衛若有隱匿經該旗查出參奏從重治罪著為例會典事例

又 諭向來滿洲世僕等以侍衛拜唐阿爲近御差使視爲最榮於挑選侍衛拜唐阿時則甚欣願近來在京文武大臣及外任大臣官員子弟多有在館行走否則捐納翼圖文職且跟隨伊父兄任所安逸不願侍衛拜唐阿者甚多是以挑取侍衛拜唐阿時不能得人及至成丁尙不當差在任日久並不學清語騎射技藝至廢棄滿洲舊俗昔 皇祖時曾經整飭查辦今在京文武大臣外任文武大臣官員等皆受恩深重得項較多伊等子弟長成更當挑取侍衛拜唐阿效力行走方合滿洲世僕之道是以降旨命軍機大臣等詳細查辦各開名單呈覽其年已及歲經朕指出者卽著帶領引見但年未及歲者若不酌定年限查辦則日久仍致舊習復萌將此飭諭八旗所有指出見隨任所年已及歲者卽行咨取帶領引見嗣後著由該旗五年一次照此查明咨送軍機大臣等彙辦具奏請旨至從前准令外任大臣官員等各帶一子隨任辦理家務係朕曲成之恩乃伊等藉此將所有子孫俱留任所是誠何心嗣後飭令八旗嚴查伊等子嗣內年已及歲者止准奏請一人隨任習辦家務其餘年已及歲之子弟及孫俱著催令回旗以備挑取差使儻御情面不行咨催者將該都統等一併治罪將此通諭八旗各省永遠遵行東華續錄

五十一年諭嗣後乾清門侍衛員缺著將閒散侍衛引見補放閒散侍衛若少再將官員勸誘人等保送閒散侍衛則伊等陞階有別而亦可示鼓勵矣著爲令會典事例

道光十年諭從前內外八旗大員之弟兄子孫每逾五年查閱一次挑取侍衛拜唐阿當差原因侍衛拜唐阿係體面差使大員子弟挑取侍衛拜唐阿後伊等益得演習清語技藝騎射差委得人自道光六年查辦以來已屆五年又應查辦之期惟念該大員子弟內各有不同或因身弱馬上平常或因自幼讀書一時不及學習騎射似此之人縱使挑取侍衛拜唐阿焉能得力理宜量加調劑嗣後在京文職三品以上武職二品以上外任文職自總督起至按察使止武職自將軍提督起至總兵止該大員之弟兄子孫內如有年已及歲堪任侍衛拜唐阿差使每遇五年查辦之期情願挑取者該大臣等仍照上屆呈報本旗由該旗造冊咨送軍機處彙題經朕指出帶領引見儻身弱有疾或弓馬平常不稱侍衛拜唐阿者該大臣等卽據實報明該旗轉行軍機處聽其自便該旗亦無庸催取名字以示朕培養旗僕因材器使之意東華續錄

署印 雍正元年奉 旨八旗事務緊要嗣後都統有奉差者該部奏請署印

嘉慶六年奉 旨嗣後前鋒統領護軍統領凡遇出差將八旗滿洲蒙古漢軍副都統職名一併進呈候朕簡派將此永著爲例會典事例

開缺 雍正十三年議准在京八旗大臣有出征者其員缺開列題請補授俟凱旋之日將該員已經回京及原官已有人補授之處具奏請 旨會典事例

補授王公屬官 原定王府長史員缺由該王於所屬前鋒護軍驍騎各參領佐領散騎郎一二等護衛輕車

都尉騎都尉內揀選擬定正陪咨部引 見補授員勒司儀長員缺由該員勒於所屬佐領二三等護衛輕車
都尉騎都尉及三四品官內揀選擬定正陪咨部引 見補授一二三等護衛及四五六七八品典儀員缺除
佐領輕車都尉以上世爵不准揀選外由該王員勒貝子公等於所屬內按其應陞品級揀選擬定正陪咨部
五品以上者咨部引 見補授六品以下者照咨補授會典事例

又定揀選護衛典儀如一時不得其人准將越銜一等者擬補不得越二等其新封王員勒貝子公無可擬補
護衛典儀之人聲明情由准於無職人內擬定正陪咨部補授會典事例

補用記名官 乾隆五年奏准奉 旨記名各官三品者遇外省城守尉總管員缺或由部引 見或由該旗
引 見照例分別辦理四品以下者該旗查由軍政卓異或軍前効力有年按其品級遇應陞之缺指名奏請
補授如記名人內未在前効力又無軍政卓異遇有應陞之缺仍將記名之人擬正軍政卓異之人擬陪軍
前効力有年之人開列於後一併引 見若無軍政卓異之人即將軍前効力有年之人擬陪至此項記名之
人遇調補陞遷後將記名之處註銷若新任內又經記名於有缺應陞時仍照從前記名之例辦理會典事例
補用卓異官 雍正六年奉 旨駐防卓異引見之官如遇應陞員缺停其引見該將軍等即行奏開補授會
典事例

乾隆三十一年奏准各省駐防輕車都尉以上世職等官如遇軍政卓異者以副參領及佐領用會典事例
駐防豫保領催 乾隆五年復准各省駐防滿洲蒙古漢軍領催由該將軍都統副都統等揀選材技優長曾
經効力者以本處驍騎校額數為準多者不過四十人少者不過三十人撥保送部引 見恭候 欽定記名

發回記名一等者遇驍騎校員缺卽行補用二等者不必論次序將効力好人去得者補用若記名之後有行止改變者咨部註銷俟用完之後再行豫保會典事例

八旗世爵及武職外用三十八年五月議准世職伯爵以下補用武職例伯子男參領俱以副將用伯子男參領兼都督叅事銜輕車都尉火器營參領俱以參將用兼參將銜佐領騎都尉等官俱以遊擊用兼署參將雲騎尉等官以都司守備用兼都司叅書銜護軍校驍騎校等官俱以守備用通典

乾隆元年議准自山海關至殺虎口保德州並古北口宣化大同所屬地方均係沿邊關隘要地副參游都守等官以三分留與綠旗補用以七分給與旗員對品補用補用之後五年爲滿如果熟諳營伍人地相宜准該提督等以各該員應陞之官題補其餘咨部轉咨該旗按該員原職應陞之官先儘陞補會典事例

六年議准直隸山西沿邊副將以一等侍衛冠軍使王府長史前鋒護軍驍騎參領步軍翼尉並一品二品世爵補用參將游擊以二等侍衛雲麾使前鋒侍衛副參領佐領步軍協尉三品世爵補用都司以三等侍衛治備正步軍副尉步軍尉四品世爵補用守備以藍翎侍衛整儀尉五品世爵及親軍校前鋒校護軍校驍騎校補用副將分左右翼輪用參游都守八旗輪用均於缺出時行文領侍衛內大臣鑾儀衛火器營八旗都統前

鋒護軍步軍統領等揀選三四人出具考語咨送到部考試弓馬揀選引見恭候欽定補授會典事例
七年奏准陝西甘肅沿邊並四川松潘鎮均地處邊陲番夷錯雜應分用旗員以資彈壓陝甘應題補之副參

游都守共二百有九員四川松潘應題補之副參游都守共十有六員無論沿邊腹地第一次員缺補用旗員第二三四五次補用綠旗再有員缺照此輪用凡遇員缺應以旗員補用者按照旗分咨取應用之人考驗據

選三四人引 見恭候 欽定補授至補授之後如果熟諳營務遇有應陞之缺准其與綠旗人員一例揀選
原補其開列推陞亦與綠旗一例較俸陞轉儘不宜外任即咨送回部仍發各該旗令在原處行走俟有該員
原職應陞之官先儘補用至陝甘二省千總一百九十三員四川松潘千總十有八員第一次員缺補用前鋒
護軍第二三四五次補用綠旗再有員缺照此輪用由部行文左右二翼前鋒統領八旗護軍統領揀選人材
壯健弓馬嫻熟語言明白者每旗各保送十人咨部考驗引 見記名註冊遇有陝甘松潘千總員缺應補旗
員者掣籤補用補用之後均照綠旗千總之例一體六年俸滿如有材技優長熟悉營務者准其不拘年限以
守備題陞其未經題陞食俸已滿者該督照綠旗俸滿千總之例出其考語送部引 見恭候 欽定備有不
能熟悉綠旗營務不宜外任者即咨送回部發回各該旗仍在原處行走會典事例

二十九年奏准火器營烏鎗營總護軍參領滿洲礮營參領健銳營前鋒參領 圓明園營總并護軍參領俱
以副將用火器營烏鎗副護軍參領健銳營副前鋒參領 圓明園副護軍參領俱以參將游擊用信礮章京
委署前鋒侍衛委署護軍參領火器營委署烏鎗護軍參領健銳營委署前鋒參領 圓明園委署護軍參領
俱以都司用火器營烏鎗護軍校以守備用遇有應用滿員缺出與各營應用人員一體揀選補放會典事例
四十一年議準嗣後八旗漢軍人員歷俸三年方保送外任兵部揀選引 見如無歷俸已滿三年之員即將
應選之缺扣除歸部另行銓選 通志

四十八年遵 旨議定旗員簡用綠營向定副將一缺於鑾儀衛滿洲蒙古漢軍三項應陞人員揀選補放今
請與侍衛處滿洲蒙古漢軍應陞人員一體輪用其用滿洲蒙古之參將一缺都司一缺守備一缺向於鑾儀

衛滿洲蒙古應陞人員揀選補放今請與侍衛處滿洲蒙古應陞人員一體輪用其用漢軍參將一缺遊擊一缺都司二缺守備二缺向於侍衛鑾儀衛及護軍營行走世職人員揀選補放今請與八旗漢軍世職及應陞章京一體輪用得旨此項鑾儀衛應用綠營人員所議額缺內著將守備三缺撥歸綠營由部銓選其餘俱著分年輪用通志

嘉慶十二年議准駐防保送綠營人員向係按照旗分揆補往往一旗積至數人有歷數年尙未輪用者亦有一二旗所保人數無多一遇保送即可輪用未免偏枯應請仿照綠營撥保之例統以引見先後爲斷不必按照旗分揆用其同日引見者先用出兵人員如同係出兵未出兵者較食俸年分補用此內有奉旨交軍機處記名者無論引見先後先儘陞用至保送各員每項僅止一二員兵部卽行文各省咨取至輪用時俟京員補用三缺後將駐防保送人員補用一人駐防滿洲補用四缺後用駐防蒙古一人會典事例

八旗官改補○乾隆元年議准旗員補授綠營員缺五年俸滿有於營務不甚相宜者該督提咨部轉咨該旗仍歸原處行走俟應用之官有缺副將以步軍翼尉城守尉協領改補參將游擊以前鋒參領護軍參領驍騎參領改補都司以前鋒侍衛副參領步軍協尉佐領及各省防守尉改補守備以步軍尉五品防禦改補其由副將改補步軍翼尉各官者仍照從二品頂戴食俸遇應陞之官一同開列會典事例

七年議准文職改補旗員者給事中御史郎中道知府以副參領佐領城門領改補同知知州以步軍尉司信職官改補主事通判知縣以驍騎校改補小京官司府首領官州縣佐武筆帖式以城門更改補都統等量才器使或令隨印辦事或令隨旗行走試用一年果能黽勉遇應補之官擬定正陪引見補授會典事例

降補○原定王公府屬各官有因王公薨故或王公緣事解任者如曾遇 恩詔受封交旗酌量補用會典事
例

乾隆五年奏准一品之領侍衛內大臣內大臣都統將軍降一級調用者以內外副都統擬補降二級調用者
係滿洲以 陵寢總管步軍翼尉城守尉協領前鋒護軍驍騎各參領擬補係蒙古以游牧總管副管協領前
鋒護軍驍騎各參領擬補係漢軍以在京參領在外協領擬補降三級調用者係滿洲以 陵寢翼領信礮總
管前鋒侍衛副護軍副驍騎各參領佐領步軍協尉城門領防守尉擬補係蒙古以前鋒侍衛副護軍副驍騎
各參領佐領步軍協尉城門領擬補係漢軍以在京副參領佐領步軍協尉城門領在外參領擬補降四級調
用者係滿洲漢軍以司信礮官步軍副尉外省防禦擬補係蒙古以步軍副尉外省防禦擬補其二品之前鋒
護軍步軍各統領副都統鑾儀使散秩大臣降一級二級三級調用者與一品官降二級三級四級調用之例
同以上遇有員缺查明降調應用之人係開列具題者聲明降調情由列名於應陞各官之後係引 見補授
者聲明降調情由列名於應陞各官之後均候 欽定至一品官降五級調用二品官降四級調用者不補前
鋒校護軍校等官除該員原有世爵者令以世爵隨旗行走外其無世爵者帶所降之級隨旗行走三年無過
該都統等出具考語引 見請 旨將降五級之一品官照降四級例擬補降四級之二品官照降三級例擬
補者降級數多至無官可補者停其補用會典事例

駐防官入 覲○雍正四年 諭盛京等處將軍副都統等每年令輪班陛見各省駐防將軍副都統亦應來
京陛見其作何輪班之處兵部議奏欽此遵 旨議定右衛寧夏江寧京口荊州廣州等處各有將軍一人副

都統二人初次令將軍來京二次三次令副都統各一人來京西安杭州二處各有將軍一人副都統四人初次令將軍來京二次三次令副都統各一人來京歸化城有都統二人副都統四人初次二次令都統副都統各一人來京三次令副都統二人來京福州有將軍一人副都統一人初次令將軍來京二次令副都統來京均依次輪班週而復始每年定於十二月到京將軍印務酌交副都統署理內有新任及因公 陛見回任未久者卽暫停來京俟未經 陛見之人輪班已週再行來京四川成都止有副都統一人令其三年來京一次印務交總督署理天津距京甚近每年令於封印後來京會典事例

八旗官守制○乾隆二年奏准八旗都統前鋒護軍步軍各統領遇有親喪所有印務由部奏請署理副都統遇有親喪該旗同辦事之副都統又有事故亦奏委署理其餘有職任各官均由該旗委官署理報部駐防將軍都統副都統遇有親喪或回京治喪或扶柩歸葬如將軍都統來京印務交本處副都統署理副都統代爲具題副都統來京將軍都統代爲具題若副都統不與將軍同城者該將軍仍委人署理均一面具題一面回京其本無將軍統轄之副都統遇有親喪將印務委官護理報部由部奏請署理俟署理之人前往交代後起程回京會典事例

又奏准八旗武職遇有親喪各部註冊百日後入署辦事照常支俸朝會祭祀均免執事二十七月內除奉特旨陞轉外其餘論俸推陞之處概行停止服闋時准其積算前俸 會典事例

十八年奉 旨旗人補用八旗武職非文員外任可比嗣後旗員丁艱除文職及綠旗武職仍於二十七月內停其陞轉外其在京武職及外省駐防 陵寢各官於丁艱二十七月以內遇應陞員缺仍准其照例列名請

旨補授毋庸停其陞轉會典事例

終養○四十九年奉 旨嗣後各旗文武官員如有父母年至七十五歲以上者均不准其保送外任會典事例

五十六年諭嗣後武職病痊起復在侍衛旗員上行走及終養事畢人員俱著照吏部文員之例於每年冬季一併彙齊引見會典事例

右八旗武選

武職開列○康熙三年題准直省提督員缺以八旗副都統現任總兵官論俸開列總兵官員缺以八旗參領現任副將論俸開列如一缺內外輪推二員缺內外各推一人均將俸深十人列名具題請 旨補授副將員缺將應陞副將之人通行較俸推陞會典事例

康熙八年三月定提鎮會推例給事中張登選疏言提鎮統轄將領捍衛地方其權甚重不可不共同選擇請照順治年間定例提督總兵官仍著九卿會推開列恭候簡用至武官功績令兵部逐一詳開九卿會同查核則無功者不致倖進矣得 旨提督及總兵官統轄邊疆地方關係重大以後缺出將應補授官員兵部冊內開載功績逐一開列著九卿科道會推通考

四十二年諭嗣後漢鑾儀使缺出兵部止須將俸深之總兵幾員註明年歲及有無事故同俸深冠軍使一員開列進呈候朕簡放其提督一項毋庸開列著為令會典事例

乾隆五十年諭向來各省副將缺出兵部於由部推陞者將本省之合例應陞參將同各省俸深及一等卓異

人員開單進呈而於應題之缺外省如無合例人員兵部開列請旨則止將記名及一等卓異者繕單進呈其本省參將及各省倖深人員並不開列雖係向例如此但條例繁多轉易啟吏胥高下其手之弊嗣後各省副將缺出兵部開列時無論部推題補等缺將本省合例應陞參將及各省倖深人員與記名及一等卓異者概行開單進呈候朕簡放以昭畫一著為令通考

銓選○順治十一年題准職方司每兩月一選武選司每三月一選會典事例

康熙元年題准兩司選期均改雙月今併歸武選司由都會同科道掣籤會典事例

十一年題准候選營衛各官均於單月初一日投供初三日過堂照文到先後於雙月二十五日掣籤如掣籤不到者以規避題參革職有衰老病廢者於過堂時驗明勒令原品休致會典事例

又議准每月裁缺以二十日為限二十日以內員缺到部者入於本月推選二十一日以後到部者歸於下月推選其由部議處以降革具題開缺者每月十二日以內到部於十七日以內具題入本月推選十三日以後到部歸下月推選會典事例

又題准單月參將員缺將小銜參將署參將銜以下守備銜以上管參將事者大銜游擊都督銜以下游擊銜以上管游擊事者通共較倖陞用游擊員缺將小銜游擊署游擊銜以下署守備銜以上管游擊事者大銜小銜都司都督銜以下署守備銜以上管都司事者大銜守備都督銜以下署都司銜以上管守備事者通共較倖陞用都司員缺先將藍翎侍衛擬補一人一年止用五人如並無都司止有守備即以守備一缺先擬補藍翎侍衛合都司守備每年止用五人其餘員缺係正月七月分將加都司銜之門衛千總奉旨以營員用者

陸用係三月五月九月十一月分以營衛守備較俸陸用守備員缺係正月七月分將門衛千總並加署都司
衛守備衙署守備衙之門衛千總以營員用者陸用係三月五月九月十一月分將現任千把總捐陞守備及
門衛千總陞陞營守備者共爲一班捐陞用二人之後次用應陞者一人爲陞班一現任千把總之功加應用
守備者驗一等者用一人爲功班一營衛署守備衙管守備者用五人爲小衙守備班五分發各省題補之千
總用一人爲分發千總班一巡捕營當差千總用一人爲當差千總班一會典事例

又題准雙月參將游擊都司員缺係二月分以參將游擊之缺用一等二等侍衛參將游擊並有員缺先用參

將每年止用一人係四月六月八月分以游擊都司之缺用三等侍衛游擊都司並有員缺先用游擊每年止

用三人均按月行文領侍衛內大臣鑾儀衛將行走已滿三年揀選二三人出具考語送部引見恭候簡

用守備員缺以開復降調捐還三項相間輪用一人爲還班一武進士用二人爲科班二年滿保送千總註冊

候推者用二人爲委班二澎臺俸滿千總與難廢守備以營用者相間輪用一人爲劄班一無職任之功加應

用守備考驗一等者用一人爲功班一効勞期滿以營用者用一人爲勞班一候補候選守備捐卽用者用一

人爲捐班一武進士充補提塘年滿者用一人爲効力班一分發各省題補之千總用一人爲分發千總班一

巡捕營當差千總用一人爲當差千總班一廕生改武以營用者用一人爲廕生改武班一會典事例

乾隆十一年奏准內河水師都司應歸部選者四守備應歸部選者八如遇都司員缺仍用水師藍翎侍衛其

守備員缺以水師藍翎侍衛及水師年滿千總輪流間用會典事例

十七年奏准外海水師降補人員因並無部推之缺該員等到部後均奏請引見或發往該員本省或發往

No. 292 1912

42

鄰省有外海水師之題缺者交與督撫等以該員應用之缺酌量題補至內河水師降補人員向來未有辦過成例該員等一經降調赴部其參將游擊尚有部推之缺可以銓補至守備一項部推雖有八缺先經奏准第一缺用水師藍翎侍衛第二缺用造冊送部選用之水師年滿千總再有缺均照此輪用在案是降調赴部應補內河水師守備無班可歸按內河水師守備題缺江南十有二廣東三嗣後內河水師守備照外海水師之例遇有降調守備者由部引見請旨發往有內河水師守備題缺之江南廣東二省交與該督等與應補人員一同酌量題補再查內河水師部推都司止有四缺亦經奏准補用水師藍翎侍衛如有降補都司之人亦無班可歸查內河水師都司題缺江南四浙江一嗣後遇有降補都司赴部者並照守備一例辦理會典事

例
三十三年奉 諭旨向來外省請簡文職各員俱特派大臣揀發而武職則止交兵部揀選引見嗣後遇有請發參將以上人員著兵部臨時奏派大臣會同該部揀選帶領引見發往著為令通考

三十八年兵部奏河南山東江西湖廣江南等省俱係腹地閩浙兩廣等省半係水師均應停止揀發員材技本優兼有勞績其得缺陞用較速是以各省副將參將半屬旗員而綠營未及題補查甘肅四川幅員遼闊差務殷繁有新疆屯種彈壓地方之責雲南貴州地接苗疆多邊防要隘之處實在需員之時仍准其聲明奏請宜定以限制副將參將不得過二員遊擊都司每次不得過四員守備一項自有候補候推人員足資差遣不得率行請揀所揀人員請仍照原例先儘在部候補候選及俸滿卓異一等預保各次之到部未經引見并引見後未經起身者揀選補放或人數無多不敷揀選再行咨取旗員一並揀發其到標合例後應與現

任預保人員兩掣一題輪流補用其甘肅一省四川松潘一鎮揀發人員遇有旗員卽以該處輪用旗員之缺補用不得更佔綠營之缺從之通典

四十年諭向來馬蘭泰寧二鎮標遇有千把總員缺俱由各該鎮擬定正陪送部引見候旨簡補其未經補用之擬陪各員下次雖得擬正亦尙須赴京引見今思此等微弁既經挑選擬陪原係可供錄用之人若下次遇缺擬陪再令來京師引見未免復勞跋涉嗣後馬蘭泰寧二鎮陞補千把總所有擬陪未用之員著該部記名下次遇有應補缺出卽按次補用毋庸再行送部著爲令通考

四十三年二月兵部議定漢侍衛行走年滿由該管大臣出具考語分別保送兵部考驗弓馬將應用何官註册之處帶領引見恭候欽定如遇應用之缺毋庸指定與候補候選人員一同掣簽從之六月兵部奏候補人員例歸雙月銓選如遇軍政之年二月四月六月十月此四月專用卓異不選候補八月十二月此二月專選候補不用卓異若八月十二月未有缺出必致守候需時請嗣後卓異人員與候補人員不必拘定月分按其應得缺數核計雙月分遇有缺出先用卓異二人後用候補一人如無候補專用卓異如無卓異專用候補從之通考

四十八年三月兵部奏查藍翎侍衛年滿後分別以都司守備用歸于正三五七九月內都司守備合選一員至歸班武進士以營守備用者歸于雙單月科班選用其藍翎侍衛以守備用者應選月分遇有都司之缺則以守備用者便當退班較之歸班進士得缺較遲請嗣後藍翎侍衛以守備用者按科分名次歸于雙單月科班內銓選以昭平允從之通典

四十九年奏准鑾儀衛滿洲蒙古漢軍三項應陞人員內揀選補放副將一缺與侍衛處滿洲蒙古漢軍應陞人員一體輪用鑾儀衛滿洲蒙古應陞人員揀選補放參將一缺都司一缺守備一缺與侍衛處滿洲蒙古應陞人員一體輪用侍衛處鑾儀衛及八旗護軍營行走世職人員揀選補放漢軍之參將一缺游擊一缺都司二缺守備二缺與八旗漢軍世職及應陞章京一體輪用其應行補放時仍按原定額數月分行文咨取其應用滿洲蒙古漢軍副將一缺應用滿洲蒙古參將一缺都司一缺守備一缺將侍衛處與鑾儀衛人員間年輪用如甲年補用侍衛處人員則乙年用鑾儀衛人員其漢軍人員應用六缺內參將一缺游擊一缺將侍衛處與鑾儀衛八旗分在護軍營行走世職八旗漢軍世職及應陞章京間年輪用如甲年補用侍衛處鑾儀衛人員則乙年用八旗分在護軍營行走世職八旗漢軍世職應陞章京其都司二缺守備二缺以二月分都司二月分守備用八旗護軍營行走世職八旗漢軍世職及應陞章京備應用月分並無缺出准於下月補還其漢軍人員補用綠營歷俸三年後方准保送至舊例內每年二月八月十二月分漢軍人員應用守備三缺均改歸部選會典事例

又奏准一等侍衛二等侍衛行走已滿三年三等侍衛藍翎侍衛行走已滿四年由領侍衛內大臣鑾儀衛大臣出具考語保送由部考驗弓馬將應何分別錄用之處帶領引 見恭候 欽定註冊應用月分參將游擊都司按行走年月日期挨次銓選如俸次相同按科分甲第名次銓選守備與歸班以營守備用之武進士按科分名次銓選一等二等侍衛奉 旨記名以參將游擊用者遇應用月分參游之缺並出參將俸深即用參將游擊俸深即用游擊如本月無游擊之缺專用參將如無參將之缺專用游擊參將游擊俱無缺出本年停

選歸於下年應用月分三等待衛記名以游擊都司用者俱照此辦理其缺毋庸先行指定與月選人員一同
學籤其年滿記名人員如遇各省奏請揀發准與在部候補候選人員一體揀發會典事例

嘉慶二十三年諭御史卿祖培奏武職都司以下各官請照文職一體欽派大臣公同揀選一摺當奏上時朕
節以其言爲是批交大學士軍機大臣會同兵部議奏茲託津等議覆應如所奏辦理向例文職揀發各官佐
雜微員尙奏請欽派大臣揀選武舉於會試後揀選營衛亦由兵部奏派王大臣考驗何獨於武職都司守備
轉由兵部堂官自行揀選辦理原不畫一自應一體欽派大臣公同揀選以昭公慎卿祖培此奏毫無私見甚
屬可嘉言官陳奏事件總當屏除私念如果出於至公實能有裨國事朕必鑒其悃誠降旨嘉許立予施行若
聽屬徇私亦不能曲從所請沾納諫之名誤國家之政也東華續錄

咸豐十年諭內閣兵部奏武職月選等員可否比照文職一律辦理一摺所有武職月選分發各員及軍營奏
補該部擬補並學習期滿世職人員由各該督撫咨送到部者均著俟該部考驗後再由留京王大臣覆加考
驗另繕清單請旨分別發往補放如有人材軟弱弓馬生疏者卽著留京王大臣扣留俟回鑾後帶領引見其
應行請旨錄用及擬定正陪請旨簡放等員均著俟回鑾之日帶領引見 聖訓

銓選論俸○順治初年定陞選題補各官均照所報到任日期論俸會典事例

又定同日補授同日到任者遇推陞時若從前曾經出任照原任俸次先後若初任之人照原題疏內名次先
後會典事例

銓選停陞○順治年間定地方失事督撫提鎮題參疏防各官以揭帖到部卽行停陞如無揭帖者以科抄到

刑部如推陞已經鑒尚未具題有以地方失事題參奉旨到部者亦除扣停陞督撫提鎮特疏糾參各官亦以揭帖到部即行停陞如無揭帖者以科抄到部停陞其提問拘問者不候事結即行停陞若督撫提鎮題參因公望誤案件詳覆未結及科道糾參或被人訐告等事詳覆未結遇有應陞不停會典事例

拔補千把總○康熙二十九年覆准營千總員缺該將軍督撫提鎮於把總內揀選把總員缺於在營倉糧兵丁內揀選均將材技優長弓馬嫻熟者拔補咨部請劄如未經受劄者止稱委署千把總會典事例

三十年議准巡捕營千總員缺以把總拔補把總員缺以兵丁拔補如有應用千把總人員亦准拔補會典事例

雍正五年定拔補千把就近調補例先是督臣高其倬奏凡兵丁不得拔補本營千把部議準行至是奉諭旨朕思本營兵丁卽爲本營千把誠不能免於牽制瞻徇若於同城之中互相更換庶於公私兩便其地方止有一營者或於就近調補或仍照從前舊例著該部定議尋議嗣後督撫提鎮於本標下左右前後等營准其互相拔補或同城協營亦許彼此更換至獨營地方千總有左哨右哨之分把總有頭司二司之別如無隣近營汛可卽於本營左右哨二司調拔庶兵丁營理汛務各皆嫻熟且可免遷移之累從之通考

乾隆二十三年諭各省水師所設兵弁自以熟悉水務爲要若較騎射是輕其所重而重其所輕殊非設立水師本意嗣後除內河仍照舊拔補外其外海各兵弁著該管官於出巡時留心查察分別等第詳記檔案遇有考拔外委以一等兵丁考補千把總以一等把總外委考補如一等不敷卽用二等庶不致所試非所用而營務可收實效至水師保送俸滿千總著各督提等嚴行考覈分發隔營統巡大員帶領出海試驗如果嫻習水

師准其送部引見或濫行保送及扶同徇庇者查明參處俱著爲令會典事例

四十三年大理寺少卿江蘭奏嗣後選拔外委把總于補用三缺後選拔精習鳥鎗者一人併註明精于鳥鎗兼部備查其步兵果能精習鳥鎗雖弓馬未能純熟亦准予三缺後拔補馬兵一名從之通典

漢世爵外用○國初定漢官得世爵者不必註術籍取其本籍文結支派宗圖給與勅書會典事例

雍正八年議准伯子男以副將用輕車都尉以參將用騎都尉又一雲騎尉以游擊用騎都尉以都司用雲騎尉以守備用凡年及二十以上者該督撫咨送到部引見或留京學習或分與督撫提鎮標下學習効力三年如果弓馬嫻熟諳練營伍該管大員出具考語具題按其品級以應得之官補用儻不用心學習行走懶惰

該管大員奏請令其回籍如行止卑污題參革退將應獎之人別請承獎會典事例

乾隆三十二年諭向來綠旗世職無承襲罔替之例第念官弁等果能宣力効忠勳猷卓越則國家延賞酬庸誼無歧視所有國初以來功冊可稽之殉節陣亡官員或致命疆場或折衝閩外均宜錫以殊施俾臣工知所激勸著加恩各賞給恩騎尉世襲罔替以副朕格外嘉績褒忠之至意欽此遵旨議定漢世職向無恩騎尉人員其作何補用之處並未著有成例查八旗恩騎尉遇有驍騎校缺出補用驍騎校係六品與綠營千總品

秩相當請將漢恩騎尉照旗員補改驍騎校之例以千總補用其應行承襲時令該督撫給咨送部帶領引見可否准其承襲並發往何標學習之處恭候欽定如奉旨准其承襲發回本省學習三年期滿考驗弓

馬如果可觀遇有千總缺出卽行咨部拔補會典事例

五十年奏准嗣後漢人陣亡請給世職應行承襲人員令該督撫查明年歲照旗員之例年已十八歲者送部

引 見承襲發標學習准食全俸其年未及歲者先將宗圖冊結查覈具題請賜奉 旨准其承襲後給與半俸俟及歲時補行送部引 見會典事例

五十二年諭本日兵部帶領武職人員引見內承襲伯爵之趙曰泌一員係趙良棟五世孫見在陝甘督標學習期滿此項世職人員向來學習年滿後例應發往該省或留部皆當以副將補用副將係武職大員且可護理總兵設遇征調卽有專帶弁兵之責今趙曰泌尙屬年輕未曾諳練若遽以副將補用於地方營伍不能整飭儻致貽誤轉非所以保全其祖父立功之意伊等爵秩較大又不便改補微末將弁嗣後此項承襲公侯伯子男世職人員於學習年滿帶領引 見後應令在侍衛上行走俟三年後領侍衛內大臣看其才具如果能勝武職大員出具考語咨送兵部帶領引 見再以副將等官補用如才具中平難期勝任仍令在侍衛上行走若能始終勤慎無過卽以散秩大臣補用亦無不可所有本日引 見之趙曰泌一員卽照此例行東華續錄

千總俸滿○順治初年定千總六年俸滿咨部時將原領劄付令本人隨帶赴部親繳如不將原劄親帶赴繳者不准註冊引 見會典事例

康熙三十年議准巡捕營千總與直省千總一例六年俸滿不算京俸會典事例

雍正六年議准河營千總六年俸滿如有熟悉椿掃勤敏盡職者該督咨部留工効力遇守備員缺與現任千總一例揀選題補會典事例

乾隆七年諭武弁中守備一官乃將帥之臂指千把之表率非平庸之人所能勝任各省有分發候補守備之

年滿千總該督撫自必先儘材技可觀者題請補用若弓馬人材不及之人守候日久年力愈衰技勇日退及得官之後於營伍操防何能收其實用非整飭戎行之道著各省督撫提鎮將現今分發候補守備之年滿千總秉公甄別除年力壯盛材技可觀者仍留候補外其弓馬人材平常年力漸衰者皆准其原品休致則強銳者既得及時授官而衰庸者亦免於守候嗣後三年舉行一次所留候補之人著於支食千總俸銀外加給步兵糧以資其食用至保送年滿千總務將人材壯健可以造就及實曾出力者舉出儘缺毋濫不得姑息庶不致陞途壅滯亦可收得人之效矣會典事例

二十八年諭直省各項年滿千總著秉公分晰甄別有年在六十以上者候題之員降爲候補推之員降爲留任俱俟下次甄別以次遞降至六十六歲卽予休致其咨部留任之員一至六十以上者概予休致其年雖未及期而技藝生疎人材闕茸不堪造就者並卽勒休出缺毋得稍存遷就之見如此則把總陞用之途不致過闕而營政官常均有裨益著爲令會典事例

營兵外委定額○雍正五年議准各營之中凡額兵二百名許外委把總一人額兵四百名許外委千總一人均於馬步兵丁內考驗操防勤慎及人材弓馬好者秉公選擇造冊報部會典事例

六年議准外委千把總於額兵數內拔補給與八品頂戴令其同經制千把總辦理汛務如遇經制千把總員缺揀選拔補會典事例

乾隆二十六年奏准各省千把外委不敷差遣照經制外委額數添設額外外委一半給與頂戴仍食本身糧餉遇有把總以及經制外委缺出准其一體揀拔會典事例

武進士錄用○順治三年題准一甲一名授參將二名授游擊三名授都司二甲均授守備三甲均授署守備
會典事例

康熙十一年議准自一甲一名起前半選授營職後一半選授衛職會典事例

二十七年十二月定武進士推選營衛守備例向例武進士分別名次在前半者候選營缺在後半者候選衛
缺以營缺多而衛缺少至是定例嗣後不拘營缺衛缺將武進士挨次補用通典

二十九年議准新中武進士由部請旨交領侍衛內大臣引見選擢侍衛會典事例

雍正二年議准武進士作何銓選不令壅滯之處查每科武進士前半以營守備用後半以衛守備用今衛守
備之缺既經裁減嗣後請將衛守備用之武進士內再分十五名以營守備用於雙月營守備各班之末另立
一班推補會典事例

五年三月定武進士授官例一甲進士照元年例補授一二等侍衛二甲挑選十名授三等侍衛三甲挑選十
名授藍翎侍衛俱俟補營缺時照侍衛品級兼銜其三甲武進士候選守備者兵部奏請欽點大臣會同兵
部揀選一等二等者以營守備註冊三等者以衛守備註冊通典

乾隆五年十一月准武進士隨營差操向例各省兵丁應鄉試者中式武舉後仍准食本身馬糧若中式武進
士除選取侍衛外餘皆離營候選開除名糧上諭伊等開糧之後衣食拮据且恐離營日久漸疏技藝嗣後
兵丁中式武進士之後有情願回營效力者準仍留本身馬糧隨營差操遇有署事之處准一體酌量委署
通典

三十七年諭新科武進士朕御紫光閣親試騎射技勇即可定等第毋庸另派大臣揀選著兵部卽於紫光閣

較閱時將上層分別營衛人數開單進呈候朕一併酌量分記錄用著爲令會典事例

四十八年兵部具奏歷科武進士向由兵部奏請 欽派大臣揀選一二等者以營守備用三等者以衛守備

用嗣因衛守備人多缺少選補無期于乾隆元年十六年三十六年俱經兵部奏明將以衛用之武進士奏派

大臣復行揀選其有年力精壯弓馬可觀者拔置以營缺選用續于乾隆三十七年十月內欽奉 諭旨新科

武進士毋庸另派大臣揀選著兵部卽于紫光閣較閱時將上層分別營衛人數開單進呈候朕酌量分別錄

用著爲令查每科以營用之武進士約有十餘人一二年內俱已選用而歷科以衛用之武進士積有百餘人

雖同一錄用而遲速懸殊應請仍照前例 屆十年奏派大臣復行揀選考驗人材弓馬其中拔置以營用者

帶領引 見恭候 欽定交兵部註冊歸入本班選用其弓馬平常者仍以衛用如有年力衰老弓馬平庸飭

令回籍將衛缺選用之人註銷從之通典

武舉錄用○雍正七年議准武舉會試落第具呈情願隨營差操者由部咨回本省分發各標協營効力該督

撫提鎮等給與經制馬兵糧與外委千把一例差操如偷安規避咨部除糧內有已經揀選衛所千總年分已

深選期將近者行文該省給咨赴部仍歸本班選用年分較淺選期尙遠者効力三年期滿如果材技優嫻曉

習營伍該督撫提鎮等保送到部考驗分發鄰近省分以營千總拔補分發之後將揀選註銷不得復歸本班

銓選至末經揀選者効力三年期滿如果材技優嫻曉習營伍該督撫提鎮等保送到部考驗分發鄰近省分

以把總拔補此等應拔千把之武舉到標後與營中庶拔千把者秉公較量一例揀拔若係由營兵中式之武

舉在本省隨營差操者保送到部後仍發回本省止迴避本營其餘各營准其拔補會典事例

乾隆十八年覆准武舉會試不中具呈分發隨營差操者向未定以額數今酌定直隸陝甘各分發三十名山西江南福建各分發二十名河南浙江湖廣四川雲南各分發十五名山東江西廣東廣西貴州各分發十名均令該督撫提鎮酌量營分就近發往隨營差操會典事例

功加銜用○原定經制千把總及外委千把總無職任效用官因功加至都督等銜並副將署副將銜者以游擊用加至參將署參將游擊署游擊銜者以都司用加至都司署都司守備署守備銜者以守備用會典事例康熙二十四年題准功加應用游擊都司守備等官有因人多壅滯願降補千把總者准其降補會典事例雍正三年議准外委千把及無職任效用官內有因功加至都司等銜以下署守備銜以上者該督撫提鎮會同考驗分爲三等其人材超羣技藝純熟者爲一等或曾經血戰帶有傷痕者亦立爲一等保題送部引見將加都督等銜副將署副將銜者以游擊用加參將署參將游擊署游擊銜者以都司用加都司署都司守備銜者以守備用其引見候補之際或令在侍衛上行走或發巡捕營當差或發回原營候准由部臨時請旨其人材技藝雖不及保題之格尚屬可觀者爲二等造冊報部遇該省把總員缺與兵丁輪班以三缺一拔補功加如能盡力巡防技藝精進許再行保題送部引見仍以功加應得之官用平常者止照把總陞轉若技藝尚須學習營伍尙未諳練者爲三等均留營食糧如學習果能諳練堪以保題者亦許再行保題送部引見仍以功加應得之官用可以拔補把總者仍許咨部拔補把總功加千總銜者該督撫提鎮考驗將列爲一等之人造冊送部與功加署守備銜以上考驗二等者相間拔補把總餘均留營食糧至功加之現任千

把總有人材超羣技藝純熟堪以保題者概不論俸保題送部引 見卽以功加應得之官用人材技藝稍次者千總六年俸滿以守備補用仍帶功加銜把總止挨次拔補千總人材技藝不堪錄用者咨部註冊會典事

例

又議準功加弁員分別錄用是時以功加人員甚多遊擊都司守備不能盡補遇該省有把總缺出準其二缺內將功加人員補用一員又議準功加人員既有職銜不便令千把管轄該督撫提鎮收入標下效力差操給與兵糧如果差操勤慎給與外委把總名色率兵巡防地方以觀後效再令督撫提鎮會同考驗分爲三等其人材超羣技藝純熟或曾經血戰受傷者爲第一等保題送部引 見以應得之缺用候缺之際或令侍衛上行走或發巡捕營當差其人材技藝尙屬可觀者爲第二等造冊報部以把總用如技藝精熟許再保題引

見以應得之缺用其技藝尙須學習營伍尙未諳練可以保題者亦許其保題可以拔補把總者許其拔補至功加人員內現任之千把總有人材超羣技藝純熟者概不論俸令其保題引 見以應得之缺用稍次者千總六年俸滿以守備用仍帶功加職銜把總照常拔補千總其人材弓馬不堪錄用者咨部注冊通考

廢生改武○雍正十二年議准廢生願改武職者具呈吏部咨送到部考驗弓馬技藝將年力精壯者引 見

恭候 欽定選用侍衛外其餘或交巡捕營當差或交外省督撫提鎮隨營試用俟弓馬嫻熟營務通曉在巡捕營者由該統領引 見交部按品補用都司按人文到部先後補用守備衛千總於各班之末輪用一人守禦所千總歸入劄班內用在外省試用者該督撫提鎮按品題補給咨赴部引 見恭候 欽定會典事例
又議准廢生改用武職者在京一品尙書等官在外總督將軍廢生均以都司銜管都司用在京二品侍郎等

官在外巡撫提督廕生均以署都司銜管都司用在京三品副都御史等官在外總兵官布政使廕生均
備銜管守備用按察使加一品銜副將廕生均以署守備銜管守備用二品銜副將廕生以守禦所千
銜副將廕生以衛千總用會典事例

乾隆三十四年諭大臣子孫予廕爲國家推恩令典渥澤所加自宜嚴實乃向來議廕止論品秩之崇卑
詳加區別定例原未允協卽世爵內之公侯伯等其祖父勳庸懋著錫慶承家襲爵既尊敘廕自難從減
一品予廕亦與延賞之義相符若子爵男爵之一品二品或先世功績稍差或襲次久而遞減伊等得列
已爲厚幸竟與公侯伯爵一體授廕殊非所以重官聯昭風勸也嗣後子爵予廕照三品例議給男爵予
四品例議給其如何分別授以官資之處著詳悉妥議具奏欽此遵 旨議定漢子爵三品廕生改武職
總分別營衛用男爵四品廕生改武者以把總補用會典事例

難廕守備○雍正十一年議准難廕應用守備人員赴部候選時考試弓馬技藝引 見應以營衛守備
之處恭候 欽定加以營用者入於雙月劄班內與澎臺倭滿千總相間補用以衛用者入於衛守備
補用會典事例

乾隆四十年兵部議奏請將漢員難廕都司守備照漢世職分發學習之例帶領引 見其守備一項
別營衛俱發回本省隨營學習以三年爲限如果弓馬嫻熟諳練營伍都司守備送部引 見或由部
發回本省題補恭候 欽定通典

四十九年諭向來旗員効力行間懋著勞績及臨陣捐軀者其子孫俱得世職而綠營員弁陣亡議卹

得難廢一次同一抒忠死事朕不忍涉歧視嗣後陣亡人員無論漢人及旗人之用於綠營者一體給予世職卽與次已完亦應酌給恩騎尉俸賞延於世其應如何酌定章程之處該部詳議具奏欽此遵 旨議定綠營陣亡提督照都統例議給騎都尉兼一雲騎尉總兵官照副都統例議給騎都尉副將以下經制外委以上照參領以下及有頂戴官員以上例俱議給雲騎尉其應襲人員令該督撫查明年歲照旗員之例年已十八歲者送部引 見承襲發標學習准食全俸其年未及歲者先將宗圖冊結查覈具題請襲奉 旨准其承襲後給與半俸俟及歲時補行送部照例辦理會典事例

提塘錄用○康熙六十一年議准各省提塘員缺限部文到日該督撫卽行揀選行例人員送部頂補如不速行揀選將督撫題參照事件遞延例議處如揀選之人領文不卽赴部在路逗遛者亦照赴部違限例議處會典事例

雍正六年議准各省提塘令該督撫於本省武進士及候補候選守備內揀選家道殷實小心謹慎之人取其地方官印結申送考驗咨部頂補三年期滿如果勤勞無過由部註冊照本班卽用怠惰偷安貽誤塘務者將該提塘斥革如將應審事件豫通信息及恐嚇詐騙交刑部治罪其出結申送之該地方官照濫舉匪人例議處督撫照失察例議處會典事例

嘉慶六年奏准一二等武舉充補提塘三年期滿以守御所千總用者歸入効力班選用會典事例
差官錄用○原定本部額設差官四十名武舉有情願効力者具呈充補遞馬公文本報會典事例

雍正十二年議准額設差官四十名內裁汰二十名會典事例

乾隆五年議准差官二十名於武舉內取用三年期滿由部考驗弓馬一等者引 見恭候 欽定以營衛守備分別補用次等者以守禦所千總註冊候推其弓馬生疎人材不及者停其推用仍令學習下次再行考驗三次不到者除名會典事例

保舉○康熙四十七年議准福建廣東二省武進士舉人生監民人內有練習水師事宜願隨官兵出洋巡哨効力者該督撫豫先列名咨部果能擒盜立功保舉引 見敘用會典事例

五十二年七月奏准督撫提鎮保送武弁先儘出兵効力之人如無論俸選保通志

六十一年三月遵 旨議定副參遊都守各官仍遵定例內應保送之缺揀選銜缺相當者題補其餘不應題補調補之缺及有事故並越銜保題者概行停止從之通典

雍正三年大學士等奉 旨進剿青海等處兵弁其人材可觀技勇優長者著將軍岳鍾琪揀選保奏守備二員千總二員把總二員馬兵四名總兵官黃喜林王嵩紀成斌宋可進孫繼宗每人保奏守備一員千總一員把總一員馬兵四名文到限三日書名報部候旨調來引 見錄用通考

又議准各省武職各官有例應題補者該督撫提鎮分別水師陸路將現任屬官內擇其才守兼優勤慎奉職或洞悉水師事宜者豫行公同保舉其有事故者除失察大盜革職留任戴罪圖功不准保舉外如有降職降級住俸降俸及承追督催未完案件均於保舉本內聲敘由部覈明引 見未滿三年與例相符者均題明註冊其未經引 見及引 見已滿三年者均題明調取引 見陸續送部恭候 欽定註冊俟有本省員缺應題補者各按應陞之官掣籤補用會典事例

五年十月改定武職部選之缺準督撫提鎮將所屬人員預行保舉備用通典

七年正月 上諭各省守備內有操守廉潔漢仗去得諳練營務熟習水師堪用遊擊之員飭兵部行文該提督出具考語分別水師陸路填寫年歲籍貫履歷照保舉副將參將分定等第之例開列一等者咨部俟降諭旨再行調來引 見倘保舉之後有改易前轍不思奮勵精進者亦照副將參將更換等第之例咨部改定通典

十年敕各省督提保題將弁務重弓馬兼選漢仗不得以軟弱機巧之員濫行保題通典

十一年敕各省提鎮等保題將弁務重弓馬兼選漢仗以重武備通典

乾隆六年奉 旨副將等分別等次之處累年各省咨部具奏者皆不盡一旦各該員新舊不一復不時陞調若不定以限期各省督撫勢難遵行嗣後著以五年舉行一次永著為例會典事例

又奉 旨各省副將參將從前曾降諭旨令督撫提鎮會同分別等第五年舉行一次現在陸續咨部著將所保一等之副將參將皆送部引 見永著為例會典事例

十四年八月 上諭從前降旨令各省督撫于所屬副將內保舉堪勝總兵之員陸續保舉調來引 見人皆平常著該督撫提督等再於所屬副將內擇其實在堪勝總兵者各保二三人倘副將內乏人卽於參將內揀選亦可通典

十五年五月 上諭前令督撫提臣保舉堪勝總兵人員今於引 見時觀其人材弓馬勇力頗少當意卽如年滿千總一項類多猥瑣不足入目國家擢用武職營伍實爲正途折衝禦侮之用必預籌於昇平無事之日

不可視為緩圖漢不經意也通志

二十二年奉 諭旨總兵一官有表率營伍彈壓地方之責每遇缺出甚難其人必經降旨令各省督提將堪勝總兵之副將各保數員以備簡用年來漸次陞擢所餘無幾再著各省總督提督於見任副將內歷俸五年以上勝任總兵之員各保一人或二人亦可其參遊都守等官如果才略出眾足膺專閫之寄不拘資格並各保舉一人一體送部引 見以儲將材通考

右綠營武選一

皇朝政典類纂卷二百十

選舉二十

武選 募營武選二

選補○原定直隸河屯協副將都司督標前後二營各游擊守備易州營游擊守備杜勝營八溝營各都司馬
蘭鎮標左右二營蕩花山頂鄉汛房山汛泇水汛水東村土城子各守備山東臨清營膠州營文登營各副將
都司臺莊營德州營卽墨營各參將守備登州水師前營游擊守備寧福營安東營各都司成山汛余家巷各
守備江寧汛口協副將游擊守備提標中營蘇州營淮安營太湖營吳淞營川沙營金山營各參將守備提標
左右前後四營松江城守營蘇松鎮標中左右奇四營狼山鎮標中左右三營劉河營福山營江陰營顧澤營
鹽城營海州營泰州營各游擊守備京口水師營柘林營青村營南匯營黃浦營楊舍營孟河營掘港營泖湖
營小關營東海營各部司江寧水師營靖江營青山營三江營各守備福建督標中營副將都司左右營水師
營各參將守備撫標中營參將守備右營游擊守備水師陸路各提標中營參將守備左右前後四營游擊守
備海壇金門各鎮在右二營游擊守備福寧漳州各鎮標中左右三營游擊守備南澳鎮標左營游擊守備興
化協福州協閩安協各副將游擊都司守備銅山營長福營同安營烽火門營泉州營各參將都司守備桐山
營連江營羅源營漳州城守營雲霄營詔安營海澄營各游擊守備安海汛灌口汛各都司浙江撫標參將守
備提標中軍參將守備左右前後四營游擊守備定海黃巖温州各鎮標中左右三營游擊守備杭州協嘉興
協象山協台州協紹興協平陽協樂清營瑞安營各副將都司守備乍浦營鎮海營太平營寧海營玉環營各

參將守備太湖營大荆營靈波城守營温州城守營各游擊守備錢塘水師營昌石汛營石營各都司海塘左
右營守備湖廣永州鎮標中左右三營鎮軍鎮標中左右前四營綏靈營城步營衛昌營保靖營各游擊守備
沅州辰州施南永綏各協都司守備永順寶慶靖州各協都司武岡營游擊守備臨武宜章桂陽九谿各營中
軍守備陝西督標中軍副將守備左右前後四營游擊守備固原甘肅各提標中軍參將守備左右前後四營
游擊守備安西提標中軍參將守備左右二營游擊守備西靈涼州各鎮標中左右前後五營游擊守備靈鳳
鎮標左右前後四營游擊守備延綏肅州各鎮標中左右三營游擊守備河州鎮標左右二營游擊守備西鳳
協靖連營神木營定邊營洮岷營西大通協中衛營花馬池營永昌營金塔寺營永固城營沙州協靖逆營各
副將都司建威營固原城守營甘州城守營下馬關鎮海營平羅營靈州營鎮番營大靖營莊浪營瓜州營各
參將守備洪廣營玉泉營廣武營興武營永安營各游擊守備紅德城營平涼城守營蘆塘營西安州營黃甫
營靖邊營臨洮營蘭州營階州營秦州營循化營北州營高古城阿壩營鎮羌營嘉峪關鎮彝營洪水營高臺
營山丹營黑城營大馬營布隆吉營擺羊戎各游擊延綏城守營常樂堡營水堡高家堡鎮羌堡孤山堡鎮靖
堡安邊堡貴德營保安堡岷山堡舊洮堡文縣營白塔營西山城守營西固堡南川營威遠堡礪伯營靈夏城
守營橫城堡新城堡涼州城守營張義堡蔡旗堡安遠營岔口營三眼井清水堡肅州城守營梨園堡馬營墩
峽口堡柳溝營赤金營黃墩堡踏實堡安西城守營各都司蘆溝堡保靈堡柏林堡木瓜園堡靈巖堡甌井堡
石空寺古水井堡同心城安定堡靈遠堡水泉堡高溝堡西把截堡土門堡紅水營松山營威魯堡南古城平
川堡紅岸堡巴暖三川亦雜石莊河拉庫托塔爾灣各守備四川威茂協泰靈協各副將都司普安營綏靈營

瀘寧營越嶲營會川營各參將守備提標中軍成都城守營各參將松潘建昌各鎮標中左右三營漳臘營疊
溪營靖遠營會同營峨邊營各游擊守備建武營游擊平番營安寧營大壩營馬邊營嘉順營懷遠營永定營
寧越營冕山營各都司南坪營守備廣東三江口春江協虎門協香山協黃岡協龍門協瓊州協澄海協各副
將都司守備平海營大鵬營新會營海門營各參將守備碣石潮州各鎮標中左右三營瓊州鎮標左右二營
左翼鎮標中營南澳鎮標右營新安營廣海寨惠來營潮陽營電白營吳川營海安營欽州營儋州營萬州營
各游擊守備雷州協中軍都司右營守備硃洲營都司徐聞營達濠營各守備廣西義寧協副將游擊守備雲
南督標中軍副將都司左右前後四營游擊守備撫標中軍參將守備右營游擊守備提標中軍參將守備左
右前後四營游擊守備臨元楚姚永順鶴麗永北開化曲尋普洱各鎮標中左右三營游擊守備騰越劍川廣
羅各協副將都司景蒙維西新嶧武定尋濤奇兵各營參將守備順雲營都司貴州撫標中軍參將提標中軍
參將安義鎮遠各鎮標中軍游擊古州鎮標中左右三營游擊守備威靈鎮標左右二營游擊守備大定黔西
定廣都勻清江上江各協副將游擊都司守備銅仁協副將及右營游擊長寨黎平台拱丹江朗洞各營參將
守備歸化長順水城畢赤下江荔波各營游擊守備凱里營都司古州道標守備以上各官遇有員缺該督撫
提鎮於所屬應陞人員內揀選材技優長諳練地方者題補會典事例

又定直隸總河標左營副將都司守備右營游擊守備永定河營守備河東總河標中軍副將守備左右營游
擊守備濟寧城守營都司守備黃運河營懷河營豫河營各守備江南總河標中軍副將都司河營參將淮徐
河營淮揚河營各游擊盱蕭揚河營銅沛河營邳州河營睢寧河營宿遷河營宿虹河營桃標南岸河營桃源

北岸河營桃源安清中河營宿遷運河營山清外河上營山阜南岸海防河營山清裏河上營山陽裏河下營
高堰河營山肝河營高寶運河營揚江防河營山安上河營安阜黃河北岸河營章蕩左營右營各守備以
上河營員缺揀選熟悉河工之人題補河標員缺揀選材技優長諳練地方者題補會典事例

又定江西南湖鄱陽二營都司南昌營守備湖廣洞庭協副將都司宜呂鎮標前營游擊後營游擊守備荊州
岳州漢陽常德四營守備廣東肇慶營參將守備左翼鎮標左右營游擊守備東莞營都司均係內河水師營
若遇員缺停其將陸路人員推陞即以內河水師人員陞補如無合例應陞補之人行文該督撫提鎮於本省
各官內揀選諳練內河江湖情形者酌量題補會典事例

九年兵部奏近見總督提鎮每遇標員缺出不問地方緩急不論銜缺相當輒將標員坐名題補其中恐有情
弊且使歷俸年久及在部候補之人益多壅滯請飭該督提鎮嗣後副將以下守備以上缺出實係近海沿邊
嚴疆果屬人地相宜酌量題補外其餘員缺不得概行題補從之通考

康熙三十年覆准巡捕營參將以游擊題補游擊以守備題補守備以千總題補由步軍統領將諳練地方材
技優長者揀選引見千總以把總拔補把總以兵丁拔補會典事例

雍正八年議准福建廣東沿海水師各營及山東江南浙江沿海水師各營參將游擊都司守備等官俟滿應
陞均加銜一等仍留原任遇有本省員缺係該員應陞且人地相宜者該督撫提鎮酌量題補會典事例

乾隆三年議准水師原有內河外海之殊人材亦有宜於內河外海之別若不分晰恐致誤用但內河水師之
缺較之外海甚少內河水師各官亦有熟悉水性宜於外海者若必俟內河員缺方許題補未免壅滯嗣後該

督撫提鎮將內河水師各官詳加考覈宜於內河者仍以內河用宜於外海者卽提補外海並准其豫行保舉仍先分別造冊送部備案經造冊之先有將內河水師各官因其熟悉水性題補外海員缺及豫行保舉者該督撫提鎮卽將該員熟悉外海水性之處於疏內聲明亦准其題補豫保會典事例

十年覆准直隸馬蘭鎮標左營游擊守護 陵寢重地提標中營參將宣化鎮中軍游擊唐三營守備均屬沿邊要區遇有員缺令該督提於通省揀選人地相宜者題補會典事例

十二年奏准江南內河水師參將止有太湖營一員原係在外題補今改設副將則內河參將已屬無人嗣後太湖內河副將員缺准將川沙吳淞二營外海參將題補至江南內河游擊十員均應陞內河參將今太湖內河參將一員已改副將內河游擊永無陞轉之期而內河都司以下各官亦因之壅滯應令該督提將江南內河游擊詳加試看如果熟悉洋面情形宜於外海者揀選題明遇有外海參將員缺准其題補會豫保者准其聖補再江南內河游擊原係水陸兼防營分隸內河游擊不能熟悉外海情形其中有長於陸路者亦令該督提詳加試看具題以陸路補用會典事例

十四年議准四川設總督管巡撫事除將標原有左右二營卽改爲督標左右二營外再增中軍一營設中軍副將並中軍都司各一人由該總督揀選材技諳練勝任者題補至撫標原設參將游擊向歸部推選今改爲督標左右二營仍照舊歸部推選會典事例

又議准直隸河道總督事務既改歸直隸總督兼理所有河標左右營中軍副將改爲天津鎮屬務關路參將左營中軍都司改爲務關路參將中軍守備至河標右營游擊原係通州協張灣營守備於雍正九年題改游

擊今應改爲張灣營都司仍屬通州副將兼轄其右營守備原係崔黃營守備改設今應仍改爲務關路崔黃營守備至改設之張灣營都司並務關路參將及中軍守備地處衝要催潛防汛責任綦重非諳練漕河之人不克勝任遇有員缺均令該督揀選題補會典事例

二十九年又覆准陝甘總督原駐西安改駐蘭州兼管巡撫事務將甘肅巡撫裁汰固原提督移駐西安河州鎮總兵移駐固原督標應設五營內除中軍副將中營都司各一員以原駐西安督標中軍副將中營都司移駐外左營參將守備以裁撤撫標左營參將守備改設右營參將守備以裁撤固原提標中軍參將前營守備改設前營游擊守備以裁撤撫標右營游擊守備改設後營游擊守備以裁撤河州鎮右營游擊左營守備改設應設蘭州城守營參將守備各一員將下馬關營參將併雜石營守備移駐作爲城守營參將守備下馬關營改設游擊一員卽以蘭州營游擊移駐西安提標應設中左右前後五營將建威營參將守備移駐作爲提標中軍參將守備其左右前後四營游擊守備以原駐督標左右前後四營改設固原鎮標應設中左右三營內中營游擊守備將原駐提標前營游擊守備改設左右二營應設游擊守備以原駐提標左右營改設應設固原城守營游擊將原駐提標後營游擊改設中軍守備一員仍留原營守備駐劄其原設提標後營守備一員裁汰河州原設總兵改鎮爲協應設副將中軍都司各一員將花馬池副將涼州城守營都司移駐河州鎮原設右營守備作爲該協右營其原設鎮標中軍游擊一員裁汰花馬池營改設參將守備各一員將鎮番營參將高溝堡守備改駐秦州營游擊移駐鎮番花馬池都司移駐秦州以上改設各標協營副將參將游擊都司守備等缺地處邊陲衝要均定爲題補之缺惟固原城守營游擊守備秦州營都司原屬推缺均仍歸部選

會典事例

又奏准駐劄甘肅巴里坤之安西提督及本標中軍參將移駐烏嚕木齊烏嚕木齊總兵及本標中軍游擊移駐巴里坤其安西提標中左右三營改爲巴里坤鎮標烏嚕木齊鎮標中左右城守四營改爲烏嚕木齊提標均仍准在外題補會典事例

又奏准外海水師人員奉 旨交部推用者副將參將兵部將該員鄰近有外海水師題缺省分開單進呈恭候 欽定其游擊都司守備兵部發往該員本籍令該總督提督於隔府別營應用之缺酌量題補如本籍無外海水師可題之缺亦將該員鄰省有外海水師題缺省分開單進呈恭候 欽定至外海水師降調人員留於該省補用會典事例

三十年題准廣東瓊州水師副將改爲海口營參將原設中軍都司改爲參將左營守備應設右營守備卽以原駐右營守備改設左翼碣石二鎮標右營水師游擊均改爲都司雷州陸路副將改爲雷州營參將原設中軍都司裁汰令原設左營守備兼管中軍事務應設右營守備卽以原駐右營守備改設欽州營陸路游擊改爲參將原設中軍守備改爲參將中軍守備至瓊州水師副將都司左翼碣石二鎮右營欽州營各游擊原係題缺改爲參將都司守備仍令在外題補雷州協副將併左營守備原係推缺副將改爲參將總理水陸事宜左營守備兼管中軍均定爲題缺潮州鎮標左右二營潮陽營惠來營各游擊守備從前因海寇未靖是以定爲題缺今承平日久地非險要應改爲都選督標中軍副將都司提標中軍參將廣州協副將都司或駐劄省會或分佈要隘均應改爲題缺其甯白吳川各營游擊均改爲都司仍准在外題補會典事例

嘉慶二年覆准湖廣提督移駐辰州其左營游擊守備原係推缺改爲題缺另設後營烏宿營都司各一員沈溪營浦市營守備各一員其原設辰州協中軍都司改爲辰州城守營都司右營守備改爲辰溪營守備另設綏靖一鎮將原設保靖營游擊改爲中軍游擊設中軍守備一員右營都司一員將原設永綏協右營守備改爲綏靖右營守備乾州改營爲協將辰州協副將移駐乾州併添設都司一員守備二員保靖營添設參將一員將原設保靖營守備改爲參將中軍守備添設鎮溪營游擊守備各一員將鎮寧鎮左營游擊守備改駐另設鎮寧鎮左營游擊守備各一員永順協添設古丈坪營都司一員永綏協增設右營守備一員均定爲題缺會典事例

三年覆准閩浙兩省副將參將員缺無論水師陸路於兩省營員內通融補用至水師游擊都司守備缺出如果本省無合例之員亦准於兩省通融揀題會典事例

十一年奏准世職人員學習期滿奉 旨發回候題者有題缺省分應題缺出俟輪用現任人員題補三缺後准其題補一缺無題缺省分遇有部推缺出俟第五缺行文以世職人員題補一缺至題缺無多省分如題補缺出亦俟應題人員補用三缺後准題補一缺如遇部選缺出俟第七缺行文以世職人員題補一缺再題缺無多及並無題缺省分內守備一項有發回候題之千總除仍照舊例准其造冊歸部銓選外其未經得缺以前與世職人員相間補用至直隸省部選缺出如遇輪調現任沿邊滿員者不在此項輪缺計算會典事例又定浙江福建陝西甘肅雲南貴州四川湖南等省副將參將游擊都司守備湖北河南二省副將廣東省副將參將山東廣西二省副將參將都司江南省參將游擊都司守備各缺俱照有題缺省分論直隸省副將參

將游擊都司守備湖北省參將游擊都司守備江西省參將都司安徽省參將游擊都司廣東省游擊都司守備廣西省游擊守備河南省游擊山東省守備各缺俱照題缺無多省分論山西省副將參將游擊都司守備江南省副將江西省副將游擊守備安徽省副將守備河南省參將都司守備山東省游擊各缺俱照並無題缺省分論會典事例

調補○原定福建臺灣總兵官三年俸滿由部將該省現任總兵官開列具題請 旨調補臺灣協澎湖協北路協各副將游擊都司守備臺灣城守營南路營各參將守備臺灣鎮標中左右三營游擊守備北路淡水營南路下淡水營各都司江西廣信營饒州營各參將鉛山營浮梁營武寧營永新營各都司廣東崖州營參將守備廣西新太協副將都司守備融懷營參將守備右江鎮標中左右三營隆林營思恩營各游擊守備鎮安協慶遠協各都司守備上林營龍憑營墟縣營三里營上思營各都司東蘭營守備雲南昭通鎮標中左右前四營游擊守備鎮雄東川廣南元江各營參將守備以上各官遇有員缺該督撫揀選諳練老成熟習風土之人題請調補會典事例

乾隆四年奉 旨廣西右江水土惡劣地方其駐劄參守等官皆准分別年限報滿候陞而總兵官以係特簡大員不准移調於情理未協應令該督撫悉心斟酌或量移營地駐劄如不便移駐亦當於通省總兵官內限年移調著定議具奏欽此遵 旨議定廣西右江鎮總兵官三年俸滿該督提題報到日由部將左江鎮並附近右江鎮之貴州安義鎮廣東右翼高州各鎮總兵官職名開列具題恭候 欽點一人調補其所遺員缺卽將右江鎮總兵官補授會典事例

八年議准湖廣苗疆之沅州辰州施南永綏永順寶慶靖州等七協副將臨武宜章桂陽三營參將遇有員缺該督提於通省副將參將內揀選調補會典事例

三十年奏准雲南普洱鎮總兵地處煙瘴三年俸滿調回內地所遺員缺令該總督於雲貴兩省副將內擇其熟悉風土邊情之員擬定正陪送部引 見恭候 欽簡會典事例

五十七年奏准湖南之鎮筵鎮東州鎮辰州協靖州協永綏協永順協宜章營桂陽營武岡營長安營綏寧營保靖營湖北之施南協衛昌營各副將參將游擊都司守備共四十七缺定為在外調之缺俱照常俸陞轉其向例五年俸滿分別保送調回之處概行停止並令該督查照原定各缺分別題補調補以杜牽混其寶慶協九谿營副將都司游擊守備四缺均改為部選之缺至荊州水師營守備一缺向來該督每以地方緊要在外遴補應改為調缺會典事例

嘉慶五年諭水師之用原與陸路迥殊必得熟習水性方克履險如夷若將水師得力之員調赴陸路不特舍其所長用其所短而洋面驟易生手於巡防無益關繫甚重著各該督撫提鎮等於所屬武弁內詳加體察若果能通曉水師者不得輕調陸路使專心練習而朕摺用提鎮大員亦覈其本係水師陸路分別簡放庶收因材器使之效會典事例

降調補用○順治年間定提督降一級不補總兵官降銜一等借補副將如降二級及總兵官降一級皆以副將用若降級多者依次以參將等官補用副將降一級補參將參將降一級補游擊游擊降一級補都司都司降一級補守備守備降一級補守禦所千總守禦所千總降一級補衛千總衛千總降一級補營千總營千總

與門千總降一級補把總無級可降革職以上應補副將者俟人文到部之後遇有員缺與應陞之人一同開列參將以下衛千總以上挨班補用應補營千總把總者到部後分發各該員原籍附近省分交該督撫提鎮與該省應行考拔之千總把總一例考驗拔補門千總降一級應補把總者分發巡捕營以把總拔補會典事例

乾隆十七年奏准外海水師降補人員因並無部推之缺該員等到部後皆奏請引見或發往該員本省或發往鄰省有外海水師之題缺者交與該督等以該員應用之缺酌量題補至內河水師降補人員向來未有辦過成例該員等一經降調赴部其參將游擊尙有部推之缺可以銓補至守備一項部推雖有八缺先經奏准第一缺用水師藍翎侍衛第二缺用造冊送部選用之水師年滿千總再有缺出均照此輪用在案是降調赴部應補內河水師守備無班可歸查內河水師守備題缺江南十有二缺廣東三缺嗣後內河水師守備照外海水師之例遇有降調守備者由部引見請旨發往有內河水師守備題缺之江南廣東二省交與該督等與應補人員一例酌量題補再查內河水師部推都司止有四缺亦經奏准補用水師藍翎侍衛如有降補都司之人亦無班可歸查內河水師都司題缺江南四缺浙江一缺遇有降補都司赴部者並照守備一例辦理會典事例

二十九年定提督降一級補總兵官俟人文到部之日遇有員缺與應陞人員一同開列至千總降二級把總降調在三級以內由部行文該督撫查明該員平日居官好者改爲革職留任會典事例

又諭向來降調官員例應引見者俱由該督撫出具考語送部引見其離任候補之員因係前任內案

件案誤降調本籍督撫而以並非現屬之員無從出具考語嗣後離任人員緣事降調應行引見者並著原任督撫一併出具考語送部引見著為令會典事例

又諭前經降旨各省離任候補之員有因前在案件望誤降調者令原任之督撫出具考語送部引見但此等人員離任事故不同多有遲至二三年及數年後始行請咨赴部其原在上司早已更易代任者又未悉其賢否何從懸擬其數嗣後著及該員等甫經請咨回籍時該督撫將該員居官如何出具切實考語即行咨明本籍督撫存案俟例應引見時徑由本籍督撫查明原咨考語敘入文內送部毋庸再赴原任上司衙門請咨註考以歸畫一著為令會典事例

引見○順治年間定巡捕營參將游擊守備及門子總推陞外任時引見請旨補授會典事例

康熙六十一年議准在部投供候選副將以下門衛千總以上得缺後引見請旨補授其現任論俸推陞參將以下守備以上均停其引見由部具題奉旨後將劄票封發該督撫提鎮詳加驗看如有年老有疾人材不及者即題明勒令休致部中別行推補如將年老有疾人材不及者給發劄票令其過任不能供職將該督撫提鎮照例處會典事例

又奉諭旨各省武職有未經引見者可行文督撫提鎮白副將以下遊擊以上除地方有緊要事務及曾經引見之員外將人材可觀素有聲名者每省陸續保送四五人輪流來京引見通考

三十一年諭嗣後凡調取引見人員內有現經丁憂者該部查明扣除俟該員服闋後補行引見如有特旨不拘事故即令引見者不在此例著為令會典事例

陞銜留任○順治初年定武職名各官已經選陞別任者其原任除係水師營緊要者許該督撫提鎮題請以陞銜留任外其餘一概不准會典事例

乾隆二年議准陝西甘肅四川廣西雲南貴州武職各官俸滿推陞他省者應否以陞銜留任請旨遵行如陞銜留任之員實能稱職該督撫等查明遇有員缺無論應題准其照陞銜題補若推陞他省因與人地相宜不便即令陞去經該督撫等題留者其員缺或經補用有人該員遇有本省題缺准其題補會典事例

武職養親○乾隆元年議准武職大小各官除現辦緊要機務不准告終養外其餘父母祖父母年七十以上家無以次成丁許回籍終養或雖有兄弟而篤疾不能侍奉與母老雖有兄弟而同父異母皆許回籍終養其父母年至八十以上雖家有次丁者亦許回籍終養各將終養情由呈報該上司轉詳督撫提鎮取親供印結聲明終養備有假捏規避將本官革職出印結官降二級調用不行詳查轉報之該管上司罰俸一年會典事例

九年諭向來文官原有親老調補近省之例武職雖與文官不同其爲養親則一但改歸本省補用殊多未便若於附近省分改補亦屬可行著該部議奏欽此遵旨議定武職各官因親老改補近地者發往原籍附近有題缺省分交與督撫遇缺題補俟該員應補之日該督撫報部仍俟原授之任有缺題請調補會典事例

二十八年諭向來親老改補近省赴補時即照例歸部坐補原缺得缺後然後引見嗣後著照病痊赴部之例帶領引見酌量分別錄用又例稱此項人員一經卓異即改入陞班免其坐補原缺同一養親而得過薦剡遂爲終南捷徑恐日久漸開夤緣趨避之風將來此等人員併著該部於引見時將緣由附摺聲明其公

當與否自難逃朕洞鑒於銓政更爲平允著爲例會典事例

又兵部奏向來武職丁憂雖有副將以上回籍守制參將以下在任守制之別而親老改補近省及呈請終養俱係與文職一體辦理今文職親年八十以上及獨子之親年七十以上者既應呈明終養武職亦未敢兩歧應請自千總以下多係本省人員仍遵照舊例外其守備以上亦照陸燿所奏辦理奉 旨兵部具奏武職守備以上各官親年凡八十以上及獨子之親年七十以上者應否照陸燿所奏呈請終養一摺文武雖無歧視而職任各有不同文職以教孝爲先武職則以教忠爲重是古人於兵革之事不妨奪情而武職當出兵打仗時雖遇私艱仍在軍營出力情形又殊原不必與文職官員一體辦理也嗣後應 旨之副將以上著照文職一例行其參將以下如有因親老呈請終養者仍照舊辦理其餘親老者不必概令離任回籍通考

病痊起用○康熙十一年題准提督總兵官除年老有疾題請休致外其年力未衰因患病回籍調理者病痊之日原籍督撫驗看具題若在原任省分調理者病痊之日該省督撫驗看具題均送部引 見候 旨簡用會典事例

雍正七年諭向來外官告病回籍者不復再行起用朕從愛惜人才起見已降 旨定例於該員告病之時該督撫若看其居官尚好卽於本內聲明俟將來病痊之後赴部引 見仍以原官補用文職已有此例文武本屬一體以後武職告病者悉照文職之例行會典事例

十一年議准副將以下衛千總以上除年老有疾告休者不復起用外其年力未衰一時患病平日居官好經該督撫提鎮請解任調理者於病痊之日驗看具題送部引 見仍以原官補用會典事例

乾隆九年准武職因病解任照文職之例回籍調治病痊之日令原籍督撫驗看送部 上念此例未定之先亦有因病不能留於本省照例告休者其中或有年力壯盛屢次出兵著有勞績病痊之後坐致廢棄行文各省將從前因病告休之遊都守備等官回籍調養今已痊愈而年力尙壯曾經隨師顯著勞績領有部劄議敘者俱令原籍督撫驗看一體送部引 見通考

迴避○原定雙月單月選補各官均迴避本省會典事例

又定外海內河水師及河營各官不拘本省之人均准題補會典事例

又定屬官於上官有錢糧盜案者覈賢否等項屬其管轄若係同族雖服制已遠而聚族以處者令官卑者迴避至支分派遠散分各省各府籍貫迴異者毋庸迴避若在五服之內雖住處不同仍令迴避其外姻親母之父與兄弟妻之父與兄弟己之女婿嫡甥均令官卑者迴避如有應迴避不行申報迴避者降一級調用會典

事例

乾隆五年奏准開列陸路總兵官時仍將迴避本省於摺內聲明會典事例

十二年議准副將參將無論水師陸路均迴避本省游擊都司守備准於五百里外及隔府別營題補至千總本屬微員發往他省不免俯仰拮据之處仍留本省題補不必迴避會典事例

同治十二年諭內閣兵部奏武職應行迴避人員申明舊章請飭揀調一摺武職各員均有管轄地方之責從前各省請補各缺多有例應迴避之員自應分別調補以符定制而杜弊端前據兵部於同治九年二月間奏明所有軍務業經肅清各省陸路副將參將水師副將籍隸本省人員水師參將游擊都司守備陸路守備係

補本府本營之缺陸路游擊都司距籍在五百里以內均令各該督撫分別揀調現在陝西雲南貴州軍務已就肅清自應一律辦理著該督等即行查明將籍隸本省之副將參將於兼轄省分揀員對調其遊擊都司距籍在五百里以內守備係補本府本營之缺即於本省合例人員內調補用符定例至各省實缺提鎮尙未陞覓之員並著具摺陳請以次來京陛見

聖訓

十憂○順治初年定武職大小官員遇有親喪在任守制二十七月照常供職不准回籍會典事例

康熙二十六年議准提鎮丁憂由督撫題報副將丁憂屬將軍轄者由將軍題報屬督撫轄者由督撫題報其專屬提鎮轄者由提鎮題報皆離任回籍守制服滿之日起文赴部候補參將以下遇有親喪皆在任守制會典事例

雍正二年議准參將以下各官遇有親喪除軍機調遣不准給假治喪外其餘無論獨子與非獨子父母在任故者准給假歸葬在籍故者准給假奔喪該將軍督撫提鎮酌量定限如任所與原籍近者不得過六月遠者不得過十月將給假日期報部事畢依限回營若於定限之外藉端遲延逗遛者照赴任違限例議處衛所官親喪亦照此例行若現在運糧者運糧回日准其給假凡遇親喪各官二十七月之內遇朝賀祭祀一應慶典免其行禮未滿服制之前不行陞轉較俸陞轉之日將回籍治喪離任月日扣除會典事例

乾隆三年議准官員出繼為人後者遇本生父母身故提鎮由督撫題報副將由該管之將軍督撫提鎮題報皆准回籍治喪一年限滿起文赴部候補參將以下各官除軍機調遣不准給假其餘報明督撫提鎮給假回籍治喪依限回營辦事以聞計之日為始一年內停其陞轉至較俸陞轉之時將給假離任月日扣除會典事例

單月衛守備選法○康熙十一年題准由守禦所千總門千總衛千總較俸推陞守備每五缺門衛千總用四
十守禦所千總用一人會典事例

雍正二年議准裁缺之衛守備及現任衛所千總應陞衛守備者於單月營守備各班之未添設裁班相間輪
用會典事例

乾隆七年奏准單月衛守備員缺將衛所千總議敘卽陞千總捐陞衛守備者用一人衛所千總領運全完加
運都司銜奉 旨以衛用者用一人再將此四項輪用一周至八人後將守禦所千總議敘卽陞及俸深應陞
並領運全完加至都司銜奉 旨以衛用者共爲一班相間輪用一人會典事例

人八年議准衛千總領運漕糧向來分別省分遠近議敘江南江西浙江湖廣等遠省一運全完加銜一等二
運完雙加銜二等三運全完歸入卽陞班內選用山東河南等近省一運全完紀錄二次二運全完加銜一等
三運全完紀錄二次四運全完加銜二等五運全完紀錄二次六運全完歸入卽陞班選用今加銜既經刪除
應將衛千總加銜改爲加級准其隨帶至於紀錄及歸入卽陞班內選用之處仍照向例行會典事例

雙月衛守備選法○順治初年定由裁汰改推選職降補三甲武進士題准給劄等項挨次選用每三缺各項
輪用一人武進士用二人會典事例

又定雙月衛守備員缺以裁汰改推爲一班選職降調爲一班武進士爲一班年滿咨送爲一班功加爲一班
効勞爲一班投誠爲一班每八缺各項輪用一人武進士用二人會典事例

雍正十一年議准難廩議敘以衛守備用者歸入給劄班內選用効力武舉三年期滿以衛守備用者歸入効勞班內選用會典事例

十二年議准藍翎侍衛奉 旨以衛守備用者歸入科班選用會典事例

乾隆元年奏准現任營守備調取引 見奉 旨以衛守備用及鑾擊營守備之武進士並効力人員年滿千

總引 見奉 旨以衛守備用者於雙月各班之未設改用班選用現任調取者於改用班內先用會典事例

七年奏准雙月衛守備員缺將開復降補捐還三項共爲一班相間輪用一人揀選二等武進士及奉 旨歸

入武進士班內以衛用之藍翎侍衛共用二人難廩守備以衛用者用一人効力期滿以衛用者用一人武進

士充補提塘期滿以衛用者用一人捐納衛守備用二人現任營守備調取引 見以衛用者又掣補營守備

之武進士並効力人員年滿千總引 見改用衛守備者共爲一班用一人會典事例

又奏准開復降補人員各照奉 旨日期先後選用如同日奉 旨公同掣籤註冊挨次選用捐還原職人員

照上庫日期先後選用如同日上庫亦公同掣籤註冊挨次選用武進士照揀選年月挨科分名次先後選用

藍翎侍衛由武進士出身者與武進士同較科分名次選任由世爵出身者按其補授藍翎日期與現在投供

武進士之科分年月日期相較選用難廩守備効勞人員各照引 見奉 旨以衛用日期先後選用如同日

奉 旨難廩人員照原職先後挨次選用効勞人員照期滿先後選用如同日期滿照科分名次選用武進士

充補提塘者照期滿先後選用如同日期滿照科分名次選用捐納人員每班用新捐三人後間用舊捐一人

其舊捐新捐各項均相間輪用如同例捐者照上庫日期先後選用如同日上庫公同掣籤註冊挨次選用現

任營員奉 旨以衛用者於改班內選用擊補營守備奉 旨改用衛守備者各照奉 旨日期先後選用如同日奉 旨武進士按揀選年分科分名次先後効勞人員照考職年月年滿千總照註冊前後備有一二項人員同日奉 旨掣定先後註冊挨次選用會典事例

四十年二月覆準卓異衛千總遇雙月所出之缺與在部候補各班相間輪用通志

守禦所千總選法○順治初年定守禦所千總員缺歸於雙月由裁汰改推遺職降補三科武舉外委題准給劄効勞等項挨次選用會典事例

七年奏准守禦所千總員缺將開復降調捐還三項共爲一班相間輪用一人南漕効力領運全完並無事故者用一人改武廢生應以守禦所用者用一人効力期滿考授守禦所用一人捐納守禦所用二人每班用新捐三人後間用舊捐一人豫籌糧運例捐納守禦所用一人會典事例

又奏准開復降調人員各照奉 旨日期先後選用如同日奉 旨公同掣籤註冊挨次選用捐還原職人員照上庫日期先後選用如同日上庫亦公同掣籤註冊挨次選用南漕効力人員三運全完咨部註冊各照文到日期先後選用如同日文到公同掣籤註冊挨次選用改武廢生照引 見奉 旨日期先後選用如同日奉 旨照題廢改武日期先後挨次選用効勞人員照期滿先後選用如同日期滿武舉照科分名次選用不由武舉出身者照考職年月揀選等第名次先後選用扣納人員舊捐新捐各項均相間輪用如同例捐者照上庫日期先後選用如同日上庫亦公同掣籤註冊挨次選用豫籌糧運事例捐納人員照上庫日期先後選用如同日上庫亦公同掣籤註冊挨次選用會典事例

門千總選法○康熙四十一年覆准門千總員缺歸入雙月將武舉選用會典事例

雍正二年議准門千總員缺停用漢人內九門將滿洲武舉選用外七門將漢軍武舉選用會典事例

又議准漢軍武舉及漢軍捐納千總者門衛並選武舉照揀選年分選用捐納照原清班次選用會典事例

十年議准內九門千總照外七門千總之例均用漢軍武舉其漢軍捐納千總者准其一同選用會典事例

乾隆七年奏准門千總員缺將漢軍武舉用二人次將漢軍監生捐納千總者用一人次將隨幫漢軍武舉用

二人再將漢軍監生捐納千總者用一人武舉照揀選年月科分名次選用監生照上庫日期先後選用如同

日上庫公同掣籤註冊挨次選用隨幫照運滿日期選用如同日運滿仍照揀選年月科分名次選用會典事

例

衛千總選法○順治初年定衛千總員缺雙月由裁汰改推還職降補一二科武舉外委題准給劄等項挨次

選用每五缺各項輪用一人武舉用四人單月由犧牲所所副論俸推陞會典事例

又定衛千總員缺以裁汰改推爲一班還職降補爲一班武舉爲一班年滿咨送爲一班功加爲一班効勞爲

一班投誠爲一班每十缺各項輪用一人武舉用四人會典事例

康熙十一年議准衛千總員缺均歸雙月選用會典事例

又奏准衛千總員缺以開復降補捐還三項共爲一班相間輪用一人揀選武舉一等科班用一人二等科班

用一人三等科班用四人南漕効力領重運者用一人難廩用一人一二三等守禦所隨幫用一人一二等武

舉隨幫用一人三等隨幫用一人一二三等漢軍武舉隨幫用一人一二三等武舉科分深者用一人一二三

等武舉擡選早者用一人一二三等世儒隨幫及二三等効勞者相間輪用一人捐納者用二人設籌糧運例捐納者用一人隨幫武舉委領重運及南漕重運之科深者共爲一班相間輪用一人廩生應以衙千總用者於各班之末用一人會典事例

嘉慶六年奏准雙月衛千總缺出將開復降調捐復三項人員共爲一班挨次輪補一人爲還班揀選三等武舉用四人爲四科班南漕効力領押重運人員用一人爲漕班守禦所隨幫用一人爲幫班三等武舉隨幫用二人爲武舉幫班漢軍三等武舉隨幫用一人爲漢軍幫班武舉隨幫內有科分深者用一人爲科深班武舉隨幫內有揀選早者用一人爲揀班武舉隨幫在天津以南委押重運一次及南漕重運科分最深人員共爲一班相間輪用一人爲代重班改武廩生用一人爲廩生班以上十四班輪流推補其廩生班輪用時如本班無人即將隨幫武舉抵補會典事例

甘肅衛所官選法○康熙五十三年議准甘肅衛所守備千總專用武舉武進士本省之人照例迴避其雙月守備千總員缺將科目出身者選用如遇別項人員頂選即將現在投供之科目出身者挨次選用不還班先儘本班科目選用如本班無人即將下班科目挨次選用單月守備員缺如現任俸深頂陞人員非科目出身者即將現任科目之人較俸挨次選用亦不還班先儘本班科目推陞如本班無人即將下班科目較俸推陞會典事例

乾隆二十四年奏准甘肅安西柳溝沙州靖逆赤金五衛每衛各守備千總悉行裁汰改一府三縣會典事例四十二年奏准烏嚕木齊頭屯蘆草灣瑪納斯營千總三缺均改爲所千總照五年邊俸之例報滿陞用缺出

時仍於烏喇木齊各標營及換班差各員內揀選調補會典事例

五十七年奏准烏喇木齊頭屯薩草博塔西河所千總缺出將該處年滿筆帖式補用一員再選缺出於綠營千總內揀調一員相間輪用會典事例

拔補貴州衛千總○乾隆三年議准貴州古州衛台拱衛清江左右衛八寨衛丹江衛凱里衛黃平衛各千總員缺由該督於通省千把內揀選通曉文義熟悉苗情辦事勤慎者無論武舉行伍出身一例調補拔補咨部彙題奉旨後給劄任事五年俸滿果能實心辦理著有成效准以營守備陞陸會典事例

二十五年奏准貴州衛千總改爲歷俸六年期滿時該督撫詳加考驗庸劣衰邁者勒令告休年力未衰弓馬尙可者仍留原任其人材壯健所管屯軍相安著有成效出具考語送部引見其曾經出兵者發回原任以守備選補未經出兵者歸於候推千總班內銓選如有材具超羣歷俸三年卽照營千總之例兼行保舉引見註冊遇缺掣補會典事例

軍慶六年奏准貴州增設石峴衛千總一缺在於鎮遠鎮各營內考驗調拔會典事例

拔補山東管河衛千總○乾隆十五年議准山東管河衛千總員缺由該總河於所屬營千總把總內揀選諳練河工之人調補拔補六年俸滿送部引見分別營衛註冊陞用會典事例

五十四年奏准山東管河衛千總改爲歷俸五年期滿該總河出具考語分別保送留在卽照衛千總之例辦理會典事例

門衛所官陞營官○順治初年定門衛所各千總食俸年深者每年於正七兩月遇營都司營守備員缺專以

衛所千總及門千總推陞餘月仍將營衛守備推陞武選司於正七兩月將衛所門千總俸滿應陞者在截限之前開付職方司陞用有裁汰停陞等項後經補官開復者即付職方司陞用移付之後如武選司有缺仍先儘武選司陞用會典事例

乾隆七年議准每年正七兩月都司營守備員缺武選司於衛所門千總守禦所千總內奏旨以營用者按單月推陞班次於截限之前開付職方司陞用其三月五月九月十一月將衛守備門衛千總開付職方司陞用內有裁汰停陞等項已經補官開復者亦通行較俸一例開付陞用會典事例

難應衛千總改營官○乾隆五年議准貴州難應衛千總願赴部候補者仍歸班推用外如有告降以把總用者由該督撫考驗如果年力壯健弓馬優嫻堪把總員缺與各項應用之人比較拔補會典事例
八年議准邊省難應衛千總有願告降以把總用者准照貴州之例行會典事例

衛所調繁○雍正五年議准山東之濟寧江南之江淮興武蘇州鎮江大河揚州泗州浙江之杭州湖北之武昌武昌左衛湖南之岳州等衛均屬事務繁難遇有守備員缺由總漕於所屬守備內揀選才具優長並無事故者題請調補給咨赴部引見其所遺之缺歸部銓選會典事例

乾隆二十九年奏准候選衛守備情願赴漕標委用由兵部揀選引見發往准以調繁所遺之簡缺題補通志
衛所千總分別營衛○雍正十一年議准單月推陞之衛所千總並正七兩月應陞都司之大衛千總由部考覈有食俸年久及完糧議敘即陞應陞者開單行令各該督撫詳加考驗出具考語咨部引見或以營缺用

或以衛缺用恭候 欽定各註冊班銓選會典事例

揀選武舉○康熙三十九年議准漢軍漢人武舉及各省世爵隨會於會試之年赴部呈報足有百人之數由部將領侍衛內大臣大學士八旗都統職名開列奏請 欽點會同考試其馬步射堪用者照例以衛所千總選用不堪者革退會典事例

又議准揀選武舉考試馬步射皆優者列爲一等馬射優步射平步射優馬射平者列爲二等馬步射皆平者列爲三等均註冊歸入各班內以衛千總選用如弓馬生疎者列爲四等令回籍學習俟下次揀選之時再行揀選其弓馬不堪年力已衰者列爲五等奏請革退會典事例

乾隆四十年兵部議奏揀選三等武舉例應以衛千總推用銓補需時請嗣後揀選衛千總之武舉有年力壯盛情願入伍效力者報明兵部考驗分發各省撫提鎮給與馬糧一分令其效力三年如果弓馬漢仗可觀以把總拔補從之通典

嘉慶七年諭會試下第各武舉內原挑在雙好單好者俱列爲一二等以營千總用此外有材技較優者亦准其揀選列入二等補用營缺其次列入三等者以衛千總選用會典事例

衛所官降補○順治初年定衛守備降一級補守禦所千總守禦所千總降一級補衛千總會典事例

康熙三十三年議准門衛千總降一級補營千總分發該員本籍附近省分與應行拔補之人一同考驗拔補會典事例

衛所官開復擬陞○順治初年定衛所各官由戶工二部題准開復到部者駁對原參分數將應准銷案各官

照截限例每月二十日內到者本月擬陞若二十一日後到者扣於下月擬陞其原疏內將錢糧已完銷案及未完各官一本彙題到部者不候題覆將應准銷案各官亦准擬陞會典事例

衛所官開缺○順治初年定衛所守備千總等官有病故者不必具題由該撫將該員病故日期咨部開缺門千總病故由該統領咨部開缺至因老病請休及告假等項事故咨文到部之日卽行開缺入於半月彙題會典事例

皇朝政典類纂卷一百一十

皇朝政典類纂卷一百一十終

選舉二十一

捐納

原定各項捐納人員俱令取其本籍赴選文結到部後毋庸自行具呈驗照吏部於二十日查明原捐衙門咨
文具稿註冊其有應行查者亦於二十日內咨查俟查覆到日再行註冊各照捐納日期先後歸於各班分缺
選用如有與例不符者卽行咨駁不准註冊至捐納人員有銓選無期情願具呈註銷准其註銷進士舉人仍
照原科分補用捐陞離任官員仍照原職補用其貢監生員准其仍以貢監生員應試至未經出仕捐納數層
止具呈註銷一二層者概不准行已經出仕捐陞者准其註銷陞銜照原職用未經出仕者則將捐納悉行註銷
不准註銷一二層如貢監生員捐州判又捐知縣又捐通判只註銷通判知縣之類 會典事例

雍正五年雲貴總督鄂爾泰奏請滇黔壘荒照營田例開捐奉 上諭鄂爾泰請開壘田事例於地方實有裨
益至於捐納一項向因各例人員甚多難於銓選故降旨停止乃數年以來捐納應用之人將次用完再越數
年必至無捐納之人而專用科目之人矣從前朕意以爲科目之人讀書明理其居官臨民必無蕩檢踰閑之
事近見科目出身之員不但多有苟且因循之人而貪贓壞法者亦復不少至於師友同年夤緣請託之風比
比皆是牢不可破假若仕途盡係科目則彼此固結背公營私於國計民生爲患甚巨應酌添捐納事款除道
府同知大員不准捐納外如通判知州知縣及州同縣丞等亦應酌議准其捐納古聖人立賢無方各途皆有
可用之才當使之得以表見不可執一而論且使富厚有力之家叨受官職便不希冀科名萌營求奔競之妄

念亦是肅清科場之道且科目中人虛聲惑眾積習相沿上司往往畏懼瞻顧而不敢參劾捐納之員一有不
善則輿論不肯姑容上司易於執法況州縣佐貳等官其職掌亦不甚大倘不能稱職即便參革且選官之時
朕必親行引見若才具庸常即令原品休致伊等捐納之時當先自度量而後從事朕已預諭矣將來科目之
人果能痛改積習盡變頹風朕又何樂而不信任重用之其如何開墾定例之處著九卿會議具奏雍正內閣

上諭

乾隆二十一年議定凡初捐人員戶部咨文到部扣足五十五日之限方准銓選至舊班已捐本項新班仍捐
本項人員如所捐選用月分與原捐無異戶部咨文到部毋庸扣限如舊班只捐雙月選用及只捐單月選用
新班加捐不論雙單月即用人員其原捐雙月者單月非應選之員仍於單月扣限原捐單月者雙月非應選
之員仍於雙月扣限會典事例

二十三年奏准同日捐納者於戶部咨文過部之日傳集上捐官生先行擊定名次先後揆選並出示曉諭會
典事例

三十九年議准官生上捐後由戶部知照各本籍督撫於准咨之日即行知布政司分發各州縣該州縣奉文
之日為始毋庸俟本員具呈即查明該員有無違礙事故取具鄰族甘結逐名造具赴選冊結限以半月出詳
再以出詳日起至府司轉詳督撫出咨之日止中間扣除程途日期再限半月統以二月之期咨部倘有延寫
舛錯於定例無礙即由府司院查明更正不得藉稱駁換聲明扣展仍於咨文內將由本員具呈起限或由該
州縣奉文之日起限並出詳府司轉詳督撫各日期聲敘以便查覈倘有違限一經查出將州縣官並知府司

遊及出咨督撫一併分別議處其有親身在部報捐未及回籍各員及八品以下佐雜等官例應在籍候選之員卽遵照定限徑咨督撫咨銓選毋庸本員親齋以杜弊竇會典事例

四十年又議准由貢監生遞捐知府及未經敘仕候選人員遞捐者於輪班得缺時祇准以簡缺選用所有繁缺樂不准其掣選在部郎中員外郎保送引見奉旨記名以繁缺簡缺用後經援例加捐者仍照原定之缺分別選用外官現在加捐人員如係曾在直隸州知州同知及州縣正印等官仍照舊毋論繁簡之缺一體銓選至由別項佐雜遞捐者亦照初任人員之例俱以簡缺選用其例不截取及未經俸滿之滿漢京職捐陞人員由吏部行文各該堂官詳加查覈或堪勝繁缺或僅堪簡缺確實聲明出具考語咨送吏部註冊照例銓選加捐分發知府原應專以簡缺選用者分發後不得以繁缺應補其無簡缺省分卽毋庸歸入分發會典事例

四十七年奏准現在各官援例捐陞未經銓選緣事降革續經捐復原官其捐陞之項不准隨帶如有後經本案審明開復或隨本奉旨留任者准其帶於新任仍歸原班選用會典事例

五十八年諭爲治之要首在用人而人才究以正途爲重前因軍需河務支用浩繁曾暫開捐例原屬一時權宜之計不久卽行停止迄今已閱二十餘年而府庫充盈並不因捐例停止稍形支絀銓選既無壅滯人才亦得奮興可見捐納一事實當不必舉行此不特慎重名器並以嘉惠士林我子孫亦應奉以爲法備復有奏請開捐者卽爲言利之臣更當斥而勿用惟資監一途乃衆所願弗占正途不過給予頂帶無礙銓政亦倣古人納粟之意事尙可行東華續錄

嘉慶四年諭給事中廣興奏道府州縣等官管理地方職任綦重捐納人員初登仕版一旦濫膺重寄難免貽誤請將此次由俊秀附生報捐道府知州知縣四項人員俱停其銓選竇缺仍准加捐分發舉職各省交與該督撫留心試看如果材堪造就者扣滿三年酌量題補等語係爲慎重地方激清吏治起見其意固屬甚善但此事若於初開捐例之時卽行條奏原可採取施行今此四項人員俱早經報捐上兌而該給事中始爲此言未免稍遲矣夫納賢仕進其中固有可用之材然吏道雜詞多端原屬出於不得已之舉今已准其援例報捐所捐之項俱已交納而又停其銓選則是示人以不信且停選後復令加捐分發於政體亦殊有關礙該給事

中此奏難以准行至所奏報捐人員由部舉職時請欽派科道數員赴部會同監掣一節於防弊之道自爲有益著照所請辦理

東華續錄

八年奏准報捐官生隨任祖父及親伯叔親兄弟現任京外職官任所者在京具呈本衙門在外申報本省上司准其請咨赴選進士舉人恩拔副歲優貢亦准取具印結具呈到部俟行查禮部如果科分名次准貢年分相符亦准註冊銓選均毋庸再取本籍文結會典事例

又奏准捐納人員三代名字姓氏存歿實在年歲以及有無次丁等項總以原取赴選文結爲憑不得任意呈請更改會典事例

又奏准官生上捐後領有戶部執照如由候補候選人員報捐者查其業經取有本籍赴選文結以及降革捐復人員已有前任交代清楚並回籍文結到部者均免其重取文結仍令該員取具同鄉六品以上京官印結具呈到部呈驗執照查與捐冊相符卽准其註冊銓選會典事例

又奏准捐納人員給有執照由原籍地方官起文赴選者該督撫嚴飭地方官查明該員有無違礙事故取具鄰族甘結逐名造具赴選冊結按限出詳不得任意遲延其中如有勒捐情事准本員取具印結呈明註選仍行文該督撫查明果有勒捐情事即行嚴參究辦如本員未經在籍具呈率行赴部呈請註選將本員嚴行議處會典事例

十年奏准現在外官有經營倉庫錢糧遵例捐陞離任及部選實缺人員各督撫等於該員赴部時確實查覈咨文內聲明交代清楚實無虧欠字樣方准銓選赴任會典事例

十一年奏准現在實授之員捐陞離任續經注銷仍歸原職補用者悉令其以原缺坐補會典事例

又奏准捐納道府如係曾任知府同知直隸州知州並州縣正印等官加捐者及現在滿漢京職堪勝繁缺准以繁簡各缺一體選用其貢監生初捐及現在滿漢京職僅堪簡缺並外任佐雜等官遞捐者專以簡缺選用會典事例

十二年定捐納道府加捐分發不論繁簡均准掣籤分發俟試用一年期滿其原係例准部選繁缺者毋論繁簡均准該督撫酌量題補至原係例應專選簡缺者該督撫詳加察看如果堪勝繁缺據實奏明留於該省遇有相當缺出酌量題補其職堪簡缺該省並無簡缺可補者亦據實奏明或歸部選或改發有簡缺省分候補請旨定奪知府原以簡缺選用者分發後不得以繁缺題補其無簡缺省分即毋庸歸入分發會典事例

又奏定舊例報捐分發教職業經保送先用復遵新例報捐過班分發者與新例捐納人員計缺輪用先用新班初捐二人次用舊班保送先用捐過新班分發者一人會典事例

又奏准捐納各項人員止准聲明實在之祖籍寄籍其有占至二三省者槩不准行會典事例

又奏准援例捐陞未經銓選緣事降革續經援例開復原官其捐陞之項不准隨帶如捐陞離任後已取有交

代文結報部即係實已離任候選之員遇有降調處分應照捐陞品級遞降註冊銓補如雖捐離任倘未有交

代文結報部仍係現任官遇有降調處分槩不准照捐陞品級遞降註冊銓補會典事例

十六年諭部院捐納各員俱係籤分學習行走既云學習則必有優劣之殊該堂官於行走年滿之時自當詳

加甄別乃近來各該堂官於捐納報滿人員無不保留一味市恩邀譽祇圖見好於人不顧登進之濫不辨賢

否之別近來大員俱中此病朕實寒心嗣後各衙門於捐納學習各員斷不准一槩留署務當秉公甄別不但

其才實高下差使勤惰不當混淆即其平素行止亦當留心審視嚴實去取切勿稍涉徇情浮濫干咎會典事

例
二十四年諭吳璣等奏從前應屆大工均有投效之例或認辦工段或交納捐貲此次武陟大工請援照成例

准令各省投效人員赴工捐輸交納豫省藩庫除准分發四省三河外其地界之山西陝西安徽湖北浙江等

省並准分發自道員至佐雜分別授職等語見在武陟大工需費浩繁著照所請准令各省人員投效其如何

按捐輸之多寡分別授職及分發之例仍著吳璣等查照上屆成例妥具奏東華續錄

二十五年諭內閣吏部議奏正途捐班選法請仍照舊例一摺銓選之法本有一定班次捐班就本班銓補於

正途並無攙越自本便因一時人數較多遽更舊制嗣後捐納人員著責成各部院堂官各省督撫認真查察

有流品猥雜及不識詩書實難稱職者隨時甄別據實奏聞勿得稍有姑容以肅官常而杜倖進 聖訓

道光二年諭朕恭閱 皇考仁宗睿皇帝實錄內載嘉慶十六年六月奉 聖諭部院捐納各員俱係籤分學習行走既云學習則必有優劣之殊該堂官於行走年滿時自當詳加甄別乃近來各該堂官於捐納報滿人員無不保留一味市恩邀譽止圖見好於人不顧登進之濫不辨賢否之別近來大員俱中此病朕實寒心等因欽此仰見 皇考激敘官方隨時訓飭至意朕思各部院行走司員不獨捐納一項即正途出身人員籤分學習於行走年滿時亦照例由該堂官察看分別奏留此等人員奏留後即可循資得缺以次升進迨其俸滿截取便薦外任若於奏留時不嚴行甄別則庸劣闖茸之員均得濫竽充數一經外任必致貽誤地方不可不慎之於始嗣後各部院堂官於所屬學習行走年滿司員無論捐納正途務當破除積習秉公和衷據實甄別毋得瞻徇情面濫行奏留如有任意姑容不加察覈將來該員得薦外任於引見召對時經朕看出或別經訪聞查有劣蹟惟該堂官是問 東華續錄

八年諭軍機大臣等此次酌增常例報捐分發人員於本月籤掣各省試用例應引見發往者共一百餘名其例不引見發往人員爲數更多此後每月尙有陸續分發之員向例試用期滿該督撫鹽政甄別去留此項捐納試用人員固未便遇事苛求斷不可稍有姑容致滋冗濫著各該督撫鹽政等於該員等到省後留心察看如有不識詩書或限於才識實難稱職者不必拘定年限隨時認真甄覈據實具奏 聖訓

咸豐元年給事中汪元方奏竊惟易重蒙養天下之生童 國家之蒙養也必繙習克端斯德性漸定達則爲純巨窮則爲正士國繁非輕而其功皆自蒙養始自來捐例之開誠非得已然道府州縣興生童不甚淡泊捐者雖多於士氣固無妨也生童之最親者莫如教官其於學也月有課季有考其於品也優有保劣有報

教官得人士風之整飭繁之人材之培養繫之向例以舉人及各項貢生分班選補內惟新科拔貢選授者或不限年餘則皆科深齒長之員方膺斯選從前捐例有廩生捐教一條蓋以各學歲貢皆以廩生之資深者充之歲貢例得就教廩生先以報捐所爭者祇年分之遲速耳且附生之補增尙易補廩較難設過廩無缺出雖屢試高等尙不獲補是以生童視廩生較重而廩生之爲教官亦多稱職查煥工例添設增附捐教一條始猶限以年踰三十順天捐輸例因之遂無年齒之限並有遇缺儘先等名目以致初入膠庠者紛紛司鐸科深年老之舉貢無力捐過缺儘先一概向隅遂使各學生童有志者墮其勤學向上之心無志者生其圖利速成之念夫中材以下大抵以科名爲振興耳天下之老師宿儒至補一教官而不可得其策勵子弟之術於是乎窮士氣之傷莫甚於此百上年到京卽欲爲是請聞部臣已議增附年輕未屆三十者仍復扣選又讀邸鈔見陝西撫臣張祥河有請改佐貳之陳部臣以銀數不符班次無歸未經議准聞欲俟大捐條例中裁撤也大捐不開此議遂寢今聞兩廣捐輸仍照順天條例各省增附捐教者勢必紛紛又起臣愚以爲一之爲茲斷不可再 皇上新政之年育才之急相應請 旨飭兩廣捐輸局停止此條仍循舊例祇准廩生捐教或謂增生會列優等不妨准其報捐不知教官有歲貢一項數年後之廩生卽歲貢也舊例准捐義極分曉增生既不能充貢卽應不准越捐或又謂增附捐教前次卽爲踴躍希冀捐項較多夫極多不過數十萬金耳而天下之生童亦不下數十萬人以數十萬易盡之金付之軍需而令數十萬有造之人羣焉頽喪孰得孰失不辨自明抑臣更有請者例載教職補缺後除大計參劾外六年俸滿無論舉貢及廩生班次准督撫學臣分別保題升用其未豫保升者概留本任今遇缺儘先之增附上兌未幾卽獲選授已超

越大挑教習等正班況皆係年富家殷計無不力謀保薦致開貪緣亦競之風於士習殊有關繫臣愚請於任內能中舉人副貢者方准與舉貢兩班一體保升其未經中式者督撫學臣於年終嚴加甄別任滿時不准一概保留不准藉詞保薦以杜干求倖進之階似此明定限制於調劑正途之中仍寓策勵捐班之意於學問功名兩有裨益臣愚昧之見是否有當伏乞 聖鑒經世文續編

諭內閣給事中汪元方奏請停增附捐納教職一摺教職有考課諸生之責增附生員學業尙淺驟令司鐸不足以示矜式著卽將增附捐教一條永行停止至前項捐生已經選補者應不准其濫膺保薦其應如何酌定限制之處著該部議奏 聖訓

戶部奏上年奏准暫開捐例擬請行文各省遵照辦理謹先酌議辦法二條一歷屆奏開事例捐生赴部報捐零費甚爲繁重應請將歸公飯銀照費並四分平餘具呈領照諸費概行裁撤一外省捐輸章程有加無已所捐銀數動用並不報銷無從稽覈此次擬開事例係在部庫交銀將外省捐輸一律停止從之東華續錄

二年定郡王載銓等奏酌擬寬籌軍餉章程一王公文武京外各官及致仕休致降革丁憂告病大小官員一體量力捐輸一八旗已未出仕之宗室量力捐輸應如何獎勵之處請 旨定奪一翰詹科道准捐外任一京察一等記名道府各員准捐分發一京外各官已補缺者試俸歷俸年限准全行捐免一內閣中書准捐免試俸一各項回衙門行走之員准報捐外任一告假告病及丁憂服滿在恩詔以前各員准仍照原官捐請封典並准加級請封一捐封不限服制並准照例定應封品級酌加推廣一准推廣外姻尊長捐封一休致人員准照原銜捐封一降革不准捐復人員除實犯贓私外其餘准加倍半捐復一舉人及恩拔歲副優貢生准報

捐國子監助教學正學錄一文武各官分別京外准各按品級報捐花翎一降革一品以下文武官員向不在捐復之例著准捐復原官頂帶一軍臺效力官犯准先繳臺費分別釋回免遣一發遣新疆等處官犯分別已未到戍酌定贖罪銀數准釋回免遣一軍營官員兵勇所得領項及商賈匯兌銀兩暫行交官充餉給與印單酌定期限給領一用廣儲司舊存金牌以抵軍營賞需一照浙江夷務案內用賞銀執照一京外置買房田未稅契者於文到日限三月內補稅一招商開採熱河及新疆各城並各直省所屬金銀礦得旨覽所辦各條各項回原衙門行走之員報捐外任仍應歸吏部帶領引見候朕欽定京外文武一二品降革人員如有願捐復原銜者亦須奏明請旨以示限制而懲惡劣新疆等處官犯贖罪一條著暫不必行餘依議東華續錄

六年諭內閣御史毛昶熙奏請嚴捐復之例並飭督撫保舉廉能各等語近年捐例疊經推廣卽如捐復一項未免失諸過寬嗣後除因公獲咎人員仍照例准其捐復外其有事涉私罪而蔽其情節尙屬可原者始准加成捐復若廢弛不職有玷官方酷虐貪汙罔念民瘼者不得率行奏請以致漫無區別其應如何分別條款明定章程以示限制之處著該部妥議具奏至澄清吏治必先拔擢賢才自用兵以來各直省牧令或堅守城池認真訓練或安輯難民靡孳土匪一經奏請獎勵無不立沛恩施嗣後仍著各直省大吏認真考察所屬各員如有治行廉能內而安民外而禦侮著有成效者隨時專摺保奏候朕錄用進賢之賞在所不吝儻所舉非人或失諸冒濫亦必治以應得之咎務當循名責實勿徇虛聲以副朕孜孜求治之至意 聖訓

七年諭內閣給事中張修育奏道府捐輸獎敘請明示限制等語各直省候補候選道府人員捐輸軍餉等項准其記名遇有本省缺出請旨簡放施恩已極優渥而該督撫等或請遇有各省缺出簡放未免漫無限制此

後除軍營保舉不計外所有捐輸及別項出力人員止准請旨記名遇有本省缺出簡放不得請放各省之缺以示限制東華續錄

又諭內閣御史何兆瀛奏捐納司員請照月選官之例由該堂官分別考其文理等語各部院司員向例於三年報滿後由該堂官分別咨留近來捐納司員人數較多能否主稿辦事自應豫爲察看著各部院堂官於該司員等奏留之先驗其文理如果能辦稿案卽與正途人員一體派差其或未能主稿而心地明白行走勤慎者派當雜項差使以資練習東華續錄

又諭內閣御史朱文江奏捐納司員應令講求例案無庸考試論題一摺前因御史何兆瀛請將捐納司員考試文理當經降旨令各部院堂官於奏留之先驗其文理如果能辦稿案卽與正途人員一體派差原以部院行走人員向來不盡由科甲出身但須明白稿案方可造就成材茲據朱文江奏聞近日兵部考試司員係用論題並未詢以本部事件是徒有考試之名於各該員之能否當差仍屬無從知悉定例學習司員三年期滿本應分別去留惟在該堂官平時察其才具能否辦事俟屆期滿之時自然去取公允毋庸以考試虛文徒飾觀聽

聖訓

八年諭內閣吏部奏遵議山西巡撫恆福等請停增附捐教一摺據稱捐例變通原屬權宜之計請俟軍務告竣再行停止等語教職有考課士子之責增附生捐教前經停止嗣因戶部奏請暫爲變通究不足以示矜式所有增貢附貢報捐教職一條仍著停止以重學校而勵真材

聖訓

九年諭軍機大臣等據勝保等前奏推廣捐例八條除該部議駁各條外其議准之候補班人員准捐候補班

先用保舉人員准捐入候補班及軍務省分人員准於鄰近軍務省分通融捐升改捐軍營帶隊差委人員准捐免赴部投供各條均經照議准行想該部業已行文知照矣東華續錄

十年諭內閣吏部奏請將正途京員捐升道府選法酌擬變通一摺吏部銓選道府各員其由正途京員捐升者俱照現行章程辦理相沿已久若為特旨錄用人員遽行更改舊章殊多窒礙且恐視為捷徑紛紛改途易開取巧之門嗣後正途京員未經補缺捐升道府者著仍仿照咸豐元年二月奏定章程專選簡缺所請以繁簡統用之處著毋庸議聖訓

又諭內閣前因軍務未竣推廣捐例節經戶部等衙門議准親屬同官一省捐免迴避茲據吏部奏稱行之日久流弊滋多著照所議即行停止其從前已經捐免各員著各督撫府尹勒限三個月飭令詳細呈明如係捐省之員准其另指一省各案原班序補倘係軍務省分不得另指無軍務省分以杜取巧業經得缺各員咨部以總督兼轄省分改掣如無總督兼轄及兼轄省分或係本籍祖籍即改掣鄰近省分均歸不入班次遇缺即補未補缺各員准其呈明戶部將迴避銀兩改為加級紀錄倘逾限不報即照隱匿例私罪議處不准抵銷以復舊制而肅官方東華續錄

十一年諭內閣給事中高廷祐奏捐官流品濶雜請飭令出結官認真稽查等語近來捐例繁多流品不一全賴各省出結官認真稽查以杜弊混若如該給事中所奏近日各官出結多虛應故事有名無實以致身家不清白之人皆得蒙捐出仕無從指摘更難保無匪徒濶跡其間實屬有干禁令嗣後各省有自俊秀貢監以及雜職虛銜捐官者先令取其親友互保到局對認無誤方准出結其餘各項報捐人員亦皆詳究來歷毋任蒙

混倘有前項情弊除出結官照例議處外其管理印結局官員該部查取職名一併嚴加議處 聖訓

同治元年諭內閣前因御史裘德俊奏商賈人等祇准捐虛銜雜職不准報捐正印實在官階當令吏部戶部會議具奏茲據奏稱商人報捐例所不禁儻其中有通達事情留心時務者亦未便阻其上進但文員正印官職於民生國計關繫尤多名器不得不益加慎重該御史所奏不為無見等語著照該部所議自此次奉旨之日為始凡由商賈出身者祇准其捐納虛銜頂帶並州同以下佐貳雜職實有官階等項以示限制其在奉旨以前報捐者均著免其置議如官聲尚好著有勞績人員仍准予以正印升途俾資觀感東華續錄

又諭前因吏部戶部會議御史裘德俊所奏商賈人等不准捐納正印官以示限制當經降旨允准續據戶部奏稱捐銅局接奉此旨後捐生觀望有礙餉需請仍照舊章辦理復經有旨依議茲據御史劉毓楠孟傳金奏稱前後所奉諭旨未符請折中辦理並明降諭旨各等語戶部所奏捐銅局捐輸章程請仍暫照舊章辦理因恐捐生畏難觀望不能不權宜一時是以於原奏內聲明軍務稍平再行遵辦於所奉諭旨倘非不符惟該御史等所奏係為澄清流品起見著該部一俟軍務稍平即將商賈人等不得報捐正印及捐生取具京外各印結章程遵照前旨辦理東華續錄

又諭內閣御史呂序程奏休致及永不敘用人員請不准開復捐復等語向來休致人員例不准其捐復其永不敘用之員劣蹟昭著情節尤重是以終身擯竊以示重懲定制嚴嚴毫末能寬假乃近來各省休致人員往往保舉開復並於永不敘用人員亦請先行開復永不敘用之案以為將來保舉地步實屬故違定制殊非朝廷澄敘官方之意嗣後各省督撫及各路總兵大臣於此二項人員不准濫行保奏亦不准代請捐復如

有仍前錮習濫保者必須將該督撫大臣從嚴懲處並將所保之員查明有無賄屬請託等弊分別從重治罪以杜鑽營而肅吏治東華續錄

二年諭議政王軍機大臣等給事中郭祥瑞奏近日捐班流品太雜竟有市井駢儻及劣紳蠹書土痞無賴與豪僕隸之徒亦皆張羅雜湊濶入仕途請飭各直省督撫遇有捐納到省人員認真考察嚴加甄覈以清吏治等語軍興以來需費浩繁國帑支絀捐銅事例之設實朝廷出於不得已現既難於停止即不得不思所以補救之方若如所奏此輩人等濫竽官途貽害百姓迨至激成事端仍復耗費軍需則是捐銅之設非徒無益而反有害近來外省大吏如左宗棠沈葆楨屢經甄覈州縣捐納出身者居多均經降旨分別准行可見各該省疆吏果能留意人才於此輩人等到省接見時早有一番考察如果才具品概不能稱職非惟不可令其到任且必當從嚴甄覈為朝廷惜名器為仕途清流品為地方弭禍亂各直省大吏實操其權嗣後著各直省督撫府尹遇有捐納人員到省務必認真察看或者其行誼或訪其聲名或令作枚令之論或令讀吏治之書隨時分別舉劾如有惡劣不堪造就者即行嚴參毋稍姑息庶吏治可望肅清流品不至混淆而於軍需亦仍無妨

礙 聖訓

三年諭內閣閣敕銘奏請重名器以裕京餉一摺據稱捐例之開藉以籌備餉糈近來行久弊滋如道府州縣等官責任均重自減成收捐以來以官為貿易者得則其間明效輸將暗虧帑項請飭將道府州縣四項仍按籌餉定例減二成章程呈繳實銀均在京銅局報捐等語所奏不為無見道府有表率之責州縣為親民之官均應慎選庶能以襄治理近因捐數較輕遂致所收易濫在挾貲干進者流且自視為無足重輕一經得官於

地方吏治民瘼漫不加察恣情侵蝕罔利營私下則朘削民生上則虧挪國帑總緣收捐太易人品混淆亟應
明定章程以示限制嗣後各省捐局除丞倅雜職仍准照常收捐外其道府州縣四項官職著戶部按照籌餉
定例減二成章程收捐實銀並令均在京銅局報捐各省捐局即將收捐道府州縣四項官職之處一律停止
東華續錄

同治四年山東巡撫閻敬銘奏竊惟捐例之開藉以籌備京外餉糈原爲朝廷萬不得已之政而行久弊滋不
但無補軍精抑且暗虧國計伏見我 皇上御極以來時以澄敘官方爲念於大學士祁寯藻順天府尹蔣
琦齡之奏下疏通正途之議於給事中郭祥瑞之奏嚴甄別捐納之條於湖南巡撫惲世臨之奏加實交免
保之例仰見 聖明洞鑒至悉至詳但流品之雜名器之濫諸臣皆詳切言之而流弊之極至於使 國帑
病民生者則言之未詳夫 國家立賢無方正途出身者未必皆賢輸納出身者豈盡不肖然捐輸原爲籌
餉計臣請卽以籌餉言之外省自道府以至佐雜等官皆准捐納丞佐雜職尙無民社之責道則巡察數郡
府則表率一方州縣一官則寄以地方寄以百姓寄以城池府庫寄以錢糧征收責任尤重自古未有不慎
選牧令而能治天下者也卽以納資階進亦不宜視之太輕今計各省捐輸減成章程合以籌餉定例直東
兩省離京不遠報捐章程與銅局相等豫省以餉票折收加一成現銀約居十成之二湖廣川浙約居十成
之三江西兩廣約不及十成之三雲貴約居十成之二安徽全收餉票約居十成之一其餘各省均無過於
三成者計由俊秀捐納州縣至指省分錢不過千金至捐免保舉一成長收實銀亦僅增數百金耳持千餘
金之本儼然爲數萬生靈託命之官宜其祇計及州縣之有錢糧未必計及地方之有百姓以臣所見收納

錢糧而計山東一省大縣五六萬兩小縣亦萬餘兩不等彼以官爲賈易者廁於其間略一侵吞已逾原捐之數卽令嚴查重究參革查抄而所侵之項已歸無著 國家所賴者惟正款之錢糧捐輸不過補助於萬一若如此明效輸將暗虧帑項通盤籌計是得於捐輸者少而失於帑項者多卽爲籌餉計亦不宜減成輕予人以州縣也道府爲督率州縣之官州縣既須照例加成道府亦應歸一律惟有仰懇 皇上飭將道府州縣四項官職仍按籌餉定例減二成章程呈繳實銀均在京銅局報捐不得以鈔票現錢纒算庶救微補偏而於京餉亦大有裨益或謂現在部定章程凡捐納人員到省後均由督撫甄別立法慎密察吏不明督撫之責也不知巧宦行徑每善彌縫到省之初類能謹慎一經受篆目見可欲遽易其操迨至上官查出糾參於事已爲無及卽於此項人員到省嚴爲考試胥子停委停補既非 朝廷示人以信之義亦無以激輸公報效之忱且停者此輩安必來自勝於前待之太輕人不自惜寧置若器政體非宜臣愚以爲徒齊其末不如力遏其源也或謂同一捐資未必捐項多者皆可用之才捐項少者盡不肖之輩不知從前捐納州縣一官不下萬金非家道殷實及白度才器尙堪在使者必不敢冒昧呈捐其父兄亦不令其子弟躁進卽在官後經手錢糧思欲染指自揣身家甚重亦不肯嘗試爲非所以我 朝屢開事例權濟一時均無大弊獨至今日不然者實因捐一州縣所費無多有力者子弟相沿爭爲壟斷無力者借貸而至易於取償官不安於末秩士不安於讀書衆志紛然羣趨於利欲其自愛其可得耶非開捐之爲害而減成之爲害昭昭然矣或謂各省軍務未平需餉正殷京師八旗營餉待用尤急遽議加增或恐捐生觀望致餉項無出不知現辦軍務各自省均不專藉捐輸直東豫晉之餉出於地丁江皖湖廣之餉出於地丁者半出於釐稅者半粵閩

之餉出於地丁鹽茶陝
合歲而計所入無幾究
補苴毋庸過慮惟京餉
者十之七出於實職官
無大損况擬收新章照
捐則此項必盡歸銅局
見其增而無所損此臣
更正部臣綜計盈虛實
於軍糈而反有傷於

訓示經世文續編

五年諭內閣左宗棠奏閩
勢彙策名右職藉爲護符
卽著該督撫一律送部引
省報捐武職均著停止東
七年諭內閣御史袁方城
嚴行裁汰等語敕令與民

駁著各直省督撫於通省州縣內凡由俊秀監生捐納之員無論實缺署事候補隨時面加考試如有文理清順議論通達者方准與正途人員一例升轉補用倘文理荒謬即以原品休致考試時仍須嚴密闈防毋任代倩傳遞虛行故事至居官之勤惰行己之貪廉雖正途人員亦當一體隨時察看秉公舉劾以肅官方而清吏

治 聖訓

八年戶部會同吏部奏竊戶部查前准吏部以銀捐遇缺儘數選補班次占缺太多擬改爲分班輪用等情查商到部當經戶部咨議以吏部所擬辦法係爲疏通各項班次起見自應照辦惟外官八品以下各員及教職內之復諭訓兩項擬令呈交十成實銀准其儘數選補既不致有乖銓政仍可以鼓勵捐輸查覆去後茲准吏部文稱外官八品以下各官既准報捐十成實銀其京官郎中以下外官道府以下等官亦應一律從捐卽由戶部議定報捐整數再議選補班次等語查京外捐輸能否隨時停止須俟各該省議覆到日可能酌核奏明辦理此次訂捐章程選補班次自應先行定擬會奏以免耽延溯查開籌餉事例之初原係十成實銀上兌咸豐三年需餉孔亟疊經奏明減折收捐咸豐九年奏請添設新班遇缺新班儘先兩班令各捐生加成報捐同治三年奏請道府直隸州州縣五項加成收捐統計京銅局現行章程除咸豐七十九等年奏定六條八條九條或收六成實銀州收一半實銀一半要折應另行核記外其餘各項銀數多寡約有四端實職等項係於減四成後每兩折收三錢五分實銀合例銀二成有奇道府直隸州或縣五項係於減四成後每兩折收銀七錢合例銀四成有奇銀捐新班儘先班次所交實銀數目其班次合例銀六成有奇銀其三班止合例銀二成有奇銀捐新班遇缺班次所交實銀數目其三班及次班均合例銀六成有

奇此現行章程之大較也以目前情形而論雖不能將各項捐輸全行改收十成實銀亦應另設十成實銀班次酌改選補章程庶捐員不必加增捐項可期充裕而各項選補班次亦可藉以疏通臣等公同商酌現行捐輸班次惟不積班一項銀數最爲減少擬請卽行裁除以杜取巧其餘新班遇缺新班儘先分缺先分缺間儘先各項以及捐銅局一切收捐章程均照舊章辦理惟於新班遇缺之上另設十成實銀一班名爲新班遇缺先其上兌章程除道府直隸州州縣外其餘京外一切准捐官職統令先捐至本例分缺然後再按各該員報捐三班及分缺先或過班及分缺先銀數統補八成實銀如已經捐至新班儘先存係分先前花樣卽令按分缺先統補八成實銀數目扣除分先銀數上兌查係分間前或儘先前花樣卽令先行補足分缺先然後再按分缺先統補八成實銀數目扣除分間前或儘先前銀數上兌如已經捐至新班遇缺卽令再行統補四成實銀均准作爲新班遇缺先至道府直隸州州縣五項如係貢監生選捐或由別項官階加捐改捐悉令先捐本例分缺先然後再按各該員報捐三班及分缺先或過班及分先銀數統補六成實銀如係已經報捐道府等項三班人員加捐新班遇缺先應令按貢監生選捐十成實銀數目分別扣除原捐銀數覈計上兌其原捐之案如係減成章程以後在臣部捐納房報捐悉按折收實銀成數扣除如係在外省報捐無論同治三年加成新章以前以後悉將原捐銀數按二成扣除又各該員原捐之案有於奏開籌餉事例之後減成章程在臣部捐納房報捐業經按十成實銀數目捐至分缺先者應令照過班之例統按貢監生報捐銀數補交二成實銀准歸入此次新班遺缺先選補其不由臣部捐納房報捐雖係按十成銀數上兌仍止准將原捐之銀按二成扣除一律補交八成實銀湊足十成數目方准歸入此次

新班遇缺先選補以昭核實再咸豐九年議定補交四成捐項之時有大四成小四成之別查捐例銀數其三班與分先之數相埒若僅按分先銀數補足十成則與新班遇缺人員應交銀數恐無軒輊其選補班次礙難分別此次議定十成捐章應不准僅交分先間儘先班次十成銀數至有空碍似此增訂捐章核其報捐銀數以新班遇缺先爲最多新班遇缺次之新班儘先又次之再其次則分缺先分缺間儘先其應如何選補之處吏部查報捐各項官職現經戶部議令照捐足分缺先例定銀數以十成實銀報捐作爲新班遇缺先自宜鼓勵報捐新班遇缺先人員以期踴躍惟查從前補足四成實銀新班遇缺人員向係遇缺儘數選用各項輪用班次已無輪選之期現正擬另定章程疏通各項班次今既議定報捐新班遇缺先此項人員自應鼓勵而各項輪用班次亦宜予以輪用之期似宜分班酌定選補額數以昭平允而免向隅擬請嗣後內選滿漢京官自郎中以至未入流筆帖式外官自道府以至未入流復設教諭訓導等官除坐補原缺近省卽用迴避卽用裁缺卽用簡缺卽用不計外無論何項到班均先用新班遇缺先三人再用新班遇缺一人再用各項輪用班次一人以五缺爲一週其俸捐分缺先前分缺間前人員應俟輪用捐班先捐班後及捐納正班到班時方准先用間用如分先前分間前無人應專俟捐納正班到班時方准用分先分間人員至不積班選用人員向係輪用各項正班五人後選用一人現既戶部議請裁除以後不准再行報捐惟從前已經報捐不積人員亦應酌改專俟捐納正班用過四人後選用不積一人其餘報捐各項本班儘先人員應仍照舊似輪用各本班時照本班額數選用其筆帖式留補班次亦照選班辦理又外官序補班次自道府以至未入流從前新班遇缺人員亦係遇缺儘數補用分先前分間前各員均係毋論何項到班俱

准先用間用僅捐分先分間人員除知縣一項俟試用到班始准插用其餘各官如分先分間前無人仍准插用分先分間之人覈計占缺尙多今選班內既經酌改其外補班次自應一律酌改擬請嗣後道府以至未入流輪補班次亦照內選先用新班遇缺先三人次用新班遇缺一人再用各項輪用班次一人以五缺爲一週至輪用各項時知縣以及佐雜並鹽務等官於試用正班到班准將分先分間前分班插補其僅捐分先分間人員應挨捐納正班到班分先分間前無人方准插用至候補即用委用以及各本班先到班應不准其插班用分先分間前及分先分間之員惟道府同知直隸州知州通判等項補用班次係儘先候補無人用委用無人試用始能到班前於同治元年奏定疏通正途章程將知縣分先分間專歸試用班內輪補因道府同通直隸州知州六項若照知縣亦歸試用班內輪補是只有分先分間名目終無補缺之期是以仍照舊各班均准插用今分先分間人員內選外補均經改定比六項補班亦應量爲分別酌改查捐納道府同知通判直隸州知州府屬知州各官定例專俟陞調遺缺方准補用今分先分間同係捐納班次應照捐納序補之例專俟陞調遺缺候補委用試用各正班到班均准先用間用仍俟分先分間前分先前無人方准用分先分間之人其各本班先到班及病故休遺缺無論何項到班均不准插用分先分間前分先分間之人如遇無題調道府缺省分其道府兩項亦准遇病故休遺缺各正班到班時插用分先分間前人員如分先分間前無人方准用分先分間之人至內選外補於新班遇缺輪用之後輪用各項班次時無論何項班次只准用一人俟再到班時再照各項輪次接用一人如新班遇缺先新班遇缺無人即過班仍將各項班次照輪次接用如此分班銓補庶捐納足資鼓勵而各班亦不致無選補之期矣再

查籌餉捐例內載知縣佐雜等官分別抵補一條凡照例外補班次毋論何項到班適遇其人均准以分缺先及捐班儘先並捐納試用之員分別抵補嗣臣部議覆前順天府府尹蔣條奏章程知縣外補班次輪用各項正班時適遇無人其新班銀捐分缺先並本班儘先暨新例正班仍准照例抵補如新班銀捐無人即行過班不准以舊班分缺先等項抵補原以鼓勵新班銀捐卽寓疏通正班之意惟新班銀捐人員亦復不少而分班抵補頭緒紛繁稽查稍有未周辦理易致歧誤擬請嗣後將籌餉例知縣佐雜抵補班次停止遇各項班次到班無人卽行過班以次輪補班次接續序補其籌餉例人員無論新班舊班概不准抵補至前經奏定遇拔貢教習教職到班無人時以進士卽用人員抵補原爲疏通正途起見應仍照舊辦理此次議定內選外補班次內選人員應以奏准之日按班銓選外補人員應以奏准後五日行文按各省照限減半計算接到部文之日按班序補其在接到新章部文限期以前所出之缺仍准其照舊章序補如蒙 俞允請自此次奉 旨之日爲始查照辦理卽由戶部等部出示曉諭並行知各直省遵照此項新班遇缺先班次無論何項官階悉由京銅局兌收外省一概不准收捐以裕京餉而杜流弊 郵鈔

馮桂芬變捐例議道光中余戊子同年安徽朱孝廉鳳鳴叩關進所爲尙書題論 上溫詔褻之其任官

惟賢一論頗傳誦京師有曰 國家用科目君子小人參半也用捐班則專用小人矣又曰上以急公好

義爲招特假以爲名下以利市三倍爲券將務求其實又曰捐班逢迎必工賄賂必厚交結必廣趨避必

熱上司必愛悅部吏必護持又曰與其開捐不如勒派富民百十家之勒派其害偏開捐則將爲貧民億

萬家之勒派其害普與其開捐不如加賦有形有限之加賦其害近開捐則將爲無形無限之加賦其害

遷挾開捐之弊可謂至矣平心論之實苛論也 國朝捐班亦有李公世傑傅公瑛諸人安得謂專用小人乎顧特千百中之一二耳夫求一二於千百中難矣近十年來捐途多而吏治益壞吏治壞而世變益亟世變亟而度支益感度支感而捐途益多是以亂召亂之道也居今日而論治誠以停止捐輸爲第一義 國朝自招民知縣以來時開捐例皆暫行而非常行道光咸豐兩朝 御極之初卽首停捐例厥後以大兵役御廷臣之請始又舉行固知開捐非 列聖意也顧今軍務未減待用方亟如之何考商鞅賜民爵爲輕名器之漸漢置錯從而鬻爵甚於鞅矣至入貲補吏創於漢武濫於東漢及晉縣延於唐宋元而幾絕於明景泰元年始命輸納者給冠帶二年令世襲武職四年令生員納粟補國子生如是而已然則必欲爲權宜之計無已其修民爵之令乎商鞅之法貧者得資與人漢時亦有民得賣爵之令又公大夫以上令丞與沉禮令捐輸之推廣無孔不入獨此二者未之及新例移獎有賣與人之實而必設爲中表至戚之限明導以欺何爲者至郎中道員之貴一縣令得坐堂皇以辱之安望抗禮哉是亦一問也應請留封典虛銜二者僥倖其捐數許於若干年內移名若干次有官者不與更仿令丞抗禮之制明定禮節以榮之韓氏葵曾有此議實行之無弊者彼諸吏以利爲國富商輒與大會敵體而絕無入仕之路一犯法則朝爲坐上客夕爲階下囚故富商僥倖犯法此亦抗禮無弊之一證其實職升銜加級及賞監一切停止現任有政績者上司特疏保留改其籍曰薦舉其餘無論實缺候補候選皆視原輸銀數改入民籍以示大信且令天下曉然知非往時甫復開之比捐班中果有才士無所繫俸無所需待羣然萃厲鼓舞於正途斯官方可以澄敘人材可以奮興矣校邪虛抗議

光緒十年戶部等衙門議奏九月初五日軍機大臣欽奉 慈禧端佑康頤昭豫莊誠皇太后懿旨現在軍餉緊要應如何豫爲籌畫之處著軍機大臣戶部總理各國事務衙門大臣會同妥議具奏隨親王奕譞著一併與議欽此仰見 皇太后垂念海防籌備餉需至意查近年各省地丁錢糧未能復額例入較減出款倍增伏思理財之要不外開源節流已另摺上陳但此時流未易節源未易開求其不病商累民而於財用即可稍裨者惟有開捐一事溯查從前歷辦成案或因軍務或因河工或因賑濟皆藉紳富衆力用充 國帑不忍重擾民生恭讀嘉慶十九年 上諭前據吳璥奏開捐例朕以捐例本非善政恐無實濟而徒滋流弊特交戶部駁議嗣經部臣兩議奏上因再降旨派曹振鏞托津鐵保英和四人另行妥議旋據英和單銜具奏極言捐例之弊本日據曹振鏞等三人議上仍以暫開例爲請現在軍需河工各項動用均出常年經費之外姑照所請暫開豫東事例著各該部會同妥議條款具奏諸臣食君之祿皆當忠君之事除此大會經交議者毋庸再行瀆奏外其餘各大臣果有真知灼見能爲裕國之策者必需字字確切毫無流弊不准泛論紙上空談仍犯議論多而成功少之病如確有把握立能應軍需河工之用奏上時朕採取施濟卽將捐例停止若止言捐例之弊而別無良謀其言皆朕所稔知毋庸虛陳奏牘也欽此 聖謨遠大通變濟時天下共見本年七月間直隸督臣李鴻章擬請在北洋開捐翎枝分發等項十月間福建撫臣劉銘傳擬請在臺灣地方開捐錢官均經戶部先後奏准仰見 聖明因時制宜之意與嘉慶十九年 上諭正相脗合臣等籌度自應作未雨綢繆之計擬請暫准開捐實官但專在部庫兌收竊恐捐生或慮僻遠交納未便擬請旨飭下各直省督撫徧行宣示一律收捐統名爲海防事例以廣招徠凡京職自郎中以下外職自道府

以下以及三班分缺先分缺間本班儘先各花樣暨分發指省等項俱准報捐其報捐各項銀數查從前各省折扣章程極爲紛亂多有扣實不及二三成者實屬不成事體今既奏請開捐若概令按照十成銀數又恐各捐生觀望不前的中釐定除道府直隸州州縣五項免保舉免考試現擬亦提歸部收均毋庸減成外所有此次京外向例歸部庫兌收仍照舊辦理其餘各項免保舉免考試現擬亦提歸部收均毋庸減成外所有此次京外准捐各項擬卽仿照籌餉例定銀數核減二成常例捐數一併減二成核收均以八成實銀上兌概不准以錢文米糧軍械折抵現在戶部暫收軍火捐輸擬請卽行停止其翎枝一項擬仍按照軍火捐章程銀數三品以上捐銀三千兩四品以下捐銀二千兩准給花翎捐銀一千兩准給藍翎此較咸豐十年奏定銀數業已減少自應以實銀上兌毋庸再行減成至四川按糧津貼捐輸仍照舊辦理其順天直隸河南浙江安徽湖北各賑捐廣東軍火捐以及福建洋藥茶捐雲南米捐統請一併停止其未奉到此次諭旨之先所收銀兩限兩個月趕造捐冊送部逾限不准請獎其臺防經費事例亦請改爲海防事例所收銀兩亦照籌餉例減二成以歸畫一其餘補班次查咸豐元年戶部會同吏部奏定籌餉新例係按五新一舊輪用班次較優此次新捐各員如能援照銓補方足以示鼓勵俟命下再由戶部會同吏部兵部詳酌籌議其從前減成報捐各員有願捐過本班歸入新班者擬援照同治八年奏案將原捐銀兩統作二成扣抵辦理謹擬酌加成數另繕清單恭呈御覽所有現在臺灣捐過班人員自應統照此次新章辦理若有已在臺灣捐各項免保舉免考試者查係在此次奉旨之前照舊核准嗣後彙令由部庫報捐臺灣不准再收其武職各官仍遵同治五年上諭一槩停止其初捐貢監各生甫入仕版者理合造具身家清白印甘各結不得稍

涉冒濫惟查從前各省收捐弊竇最多如減折之過甚糧械之抵算空照之遺失分局之爭攬轉售之無考
侵蝕之勒追賒欠之久懸收支之空冒流濫無極究請爲艱此次開捐卽由各省督撫責成藩司遴委委員
只准在該省核實辦理不准委員向他省添設分局統令交各該省藩庫上兌由該藩司遵照此次部定新
章隨時發給實收按月造冊將副實收隨冊咨送再由戶部隨時核准換給執照隨收飯照銀兩同請獎清
冊解部以資辦公惟查此項飯銀舊例每正項銀百兩隨交飯銀三兩作爲吏戶禮兵四部辦公之用此次
開捐擬無論大捐常捐按實捐銀數每百兩減爲飯銀一兩五錢每張照費三錢減爲二錢庶稍減捐費以
期踴躍各該藩司務當選派賢員以便捐生而收實數倘查有私行折減及浮收抑勒刁難等弊卽行從嚴
參辦如此於鼓舞之中仍寓慎重名器釐剔積弊之意似於 國用軍需兩有裨益如蒙 俞允卽由戶部
出示曉諭暨知照吏部通行各直省一體遵照仍督飭司員將籌餉則例詳細簽註頒發各省並將應行整
定事宜分晰妥籌以防書吏需索等弊現時海防各省需用固亟而捐事必歸藩司一手核辦糧臺軍營均
不准開捐薄庫收有實在成數按月咨報戶部由戶部撥歸該省糧臺軍營實收實銷以杜空收冒銷之宿
弊其無海防各省均令各藩司收捐專款存儲隨時報部聽候部撥不得擅自動支致款無著總之此項捐
輸因海防而開必實濟海防之用是爲要義並請自奉 旨之始扣去封印日期予限一年限滿卽行停止
俾示限制謹奉 懿旨依議 郵鈔

十一年戶部會同吏部兵部議奏竊查戶部等衙門會議海防需餉浩繁請准部庫及各直省開捐實官常例
以裕餉項一摺光緒十年十二月初八日具奏欽奉 懿旨依議欽此當由戶部遵將京外准收條款及就

職勞績保舉人員分別報捐銀數從九品銜加捐不准作抵銀數各章程開單隨同則例詳細簽註頒發各
省遵照辦理除專部庫兌收各條業經奏明毋庸繕單外其餘各條謹繕清單恭呈 御覽 臣等伏思
此次新例報捐各員雖照舊例定銀數核減二成然較從前減成報捐各員不同其銓補班次前已奏明
如能按照五新一舊輪用成案方足以示鼓勵所有京外文職三班分缺先分缺間本班儘先選用人員及
外官分發各省試用報捐分缺先分缺間本班儘先補用人員並舊例各員過入此次新例人員應如何從
優選補以示鼓勵之處吏部以現在海防事例比照籌餉例核減二成均以八成實銀上兌其分缺先分缺
間未便比照籌餉例初開選法自應按照五缺一週舊輪無論何項到班先用新例八成實銀之分缺先分
缺間三人然分缺先分缺間中間必用各項一人不准連用可否另議名目以分等差各項班次內其本班
儘先及雙單月到班均先用新例四人舊例一人俾新例均壓舊例以期踴躍再原奏內稱籌餉例初開係
五新一舊輪用班次較優如能援照銓補方足以示鼓勵等語查籌餉開捐將及三十年各班未經銓補之
人盈千累百當此物力凋敝民鮮蓋藏其舊例捐納必盡能過班不能不留舊例一線之路則五新一舊不
得不稍爲變通至銀捐四成之分缺先分缺間前現在選法捐納捐班先捐納正班到班時均准先用間
用此項到班無人方准用常捐分缺先分缺間之人現在新例八成之分缺先分缺間如另改名目而原奏
內分缺先分缺間字樣宜作何分別應由戶部酌定聲覆以憑核辦片商去後茲據覆稱新例八成實銀之
分缺先分缺間既據片稱必須另改名目方能連用三人自係仿照同治八年八成章程統屬各班辦理實
爲優定班次鼓勵新捐起見其如何另議花樣名目之處即由吏部酌定惟既另議名目原奏內之分缺先

分缺兩名自應酌改銀數以分等差所有此項分缺先分缺間應撥八成銀數之分缺先分缺間銀數各遞減四成其本班儘先亦撥八成實銀之本班儘先銀數遞減四成是以上三項花樣銀數均浮於舊例分缺先分缺間前本班儘先前之上以示區別至此未幾另議花樣名目之先已遵海防例報捐分缺先分缺間花樣著其上兌銀數皆係八成實銀銓補班次自應歸於新班連用三人之例以昭核實再查同治年間舊章分缺先分缺間捐納到班無論捐納本班先勞績捐班先捐班後捐納正班均准先用間用光緒元年御史袁承業疏通正途摺內因佔缺過多勞績捐班先捐班後方不插用此次海防開捐原爲鼓勵捐輸可否仍行插選一併由吏部酌核等因片覆前來吏部查此次奏開海防事例既係以八成實銀上兌自應分別另改名目方可仿照八成五缺一週章程辦理以分等差擬請將新例八成實銀之分缺先改爲海防新班先用八成實銀之分缺間改爲海防新班即用其照八成實銀之分缺先分缺間銀數各遞減四成報捐者應改爲海防新例分缺先海防新例分缺間其照八成實銀之儘先銀數遞減四成者應改爲海防新例本班儘先仍俟各本班到班之前儘先選用至八成實銀報捐三班分發指省等項核計逐層銀數均比從前籌餉例減成報捐較多且此次捐輸係海防經費急需應將各項班次量予加優擬請滿漢京官郎中至未入流外官道府至未入流無論月選揀補各缺除坐補各項即用及特用五缺道府截取二缺直隸州知州保送二缺不計外查從前新班遇缺先人員原係五缺得三新班遇缺人員原係五缺得一兩班各項人數現已無多自應將此項選班核減應改爲無論何項到班俱先用海防新班先用二人海防新班即用一人再用舊例銀捐遇缺一人如無人用舊例銀捐遇缺之人再無人過班即接用各項班次一人以

五缺爲一週其有未經改定海防新班先用海防新班卽用以前已照八成分缺先分缺間銀數上兌者分
別歸於海防新班先用海防新班卽用班內選用補用至舊例銀捐分缺先分缺間前人員同治年間選
法捐納捐班先勞績捐班先意納正班勞績捐班後到班均准其先間用光緒元年二月御史袁承業條奏
疏通正途因此項佔缺過多當經奏明裁減此次新例報捐分缺先用分缺間用人員應比照舊例銀捐
分缺先分缺間前現在選法辦理俟捐納捐班先捐納正班到班均准其先用間用其勞績捐班先捐班
後人員本係插班如于插班之中又復插選分缺先分缺間之人捐班佔缺太多正途益形遲滯且鼓勵捐
輸亦不在此數缺前于光緒初年甫經刪改其新例分缺先分缺捐應于此項到班時仍照舊毋庸插選至
舊例銀捐分缺先分缺間前人員須新例分缺先分缺間無人方准先用間用其舊例減成之分缺
先分缺間人員須舊例銀捐分缺先分缺間前無人專俟捐納正班方准先用間用又戶部原奏內
稱咸豐元年奏定籌餉新例係五新一舊輪用班次較優此次新捐各員如能援照銓補方足以示鼓勵等
語查籌餉事例開捐年久叨次最多未經銓補之人難以數計使舊例報捐之人永無到班之期亦不足以
示公允擬請將新例捐納雙單本班儘先及各項人員加捐儘先並捐納雙單人員均照例定額數選用先
用新例四次用舊例一人分別新舊輪選毋庸另加新增額數輪用捐納雙單正班時先用新例四人如
不足額卽以新例雙月先及雙月之人抵選其由舊例捐過班歸入新例者均照新例人員一體擊籤銓選
如新例本班儘先及新例雙單不足應選額數均准以舊例儘先並雙單例員選用舊例雙單先及雙單
儘先人員仍俟輪用舊例時照章先儘銀捐雙單儘先之人如無人方准用常捐雙單儘先之人其由捐

納雙單及雙月人員保舉不論雙單月儘先選用及不論雙單月選用者仍應照舊于尋續捐班先務續捐班後照正班額數選用統按奉 旨日期先後毋論分別新例舊例報捐以免糾葛應照章分別雙月單月不論雙單月先用捐經單單之人再用雙月單月之人其由舉人報捐教職四項間選亦按四新一舊輪選至各項教職應按虛實以上並增貢附貢分別出身選用者仍照定章分別換次選用撥叩輪選其餘各項選班照舊辦理毋庸另議所有從前大捐撥叩銀捐係一個月掣籤一次按名次先後選用大捐係四個月一叩按叩掣籤輪選此次各省海防事例開捐既經戶部定期兩個月截叩一次除封印日期不計外其有捐案核准經戶部知照到部者應截至光緒十一年三月二十日止歸於二十五日掣籤將海防新班先用海防新班即用兩項戶部核准知照到部截至十一年二月二十日止二十五日掣籤作為第一次按掣定名次先後選用俟第一次選竣後再用第二次掣籤之員至海防新例分缺先海防新例分缺間新例捐納雙單本班儘先各項人員加捐本班儘先以及捐納雙單之員均歸光緒十一年三月二十五日掣籤作為第一叩按叩輪選以後仍扣足一個月掣籤一次兩個月掣籤一叩仍會同河南道掣籤名次先後輪選俟新例載叩掣籤後遵照奏定新章核辦未經掣籤前各項選班自應仍舊按班銓選其有籌餉事例報捐之案未經知照續經核准到部者仍歸籌餉例內辦理至報捐指省分發各員仍按月驗看分發各省分別新例舊例補用又查定例在京筆帖式選用班次捐納班用三人降調班無人將捐班抵選一人 盛京滿洲漢軍筆帖式選用班次捐納班用二人蒙古筆帖式選用班次捐納班用一人今海防事例准捐新班先用新班即用新例分缺間本班儘先等項班次擬請將筆帖式選用班次除坐補先用即用不計外無論

何項到班先用海防新班先用二人海防新班卽用一人再用舊例銀捐遇缺先一人如無人用舊例銀捐
遇缺一人再無人卽過班接用各項輪用班次一人以五缺爲一週其新例報捐分缺先分缺間選用者應
俟捐納儘先及捐納正班到班時俱准前後插用舊例銀捐分缺先分缺間前人員俟新例分缺先分缺
間無人方准前後插用至舊例分缺先分缺間人員須俟舊例銀捐分缺先分缺間前無人專俟捐納正
班到班時方准前後插用其新例捐納人員按照例定額數先用新例四次用舊例一人至新例捐納本
班儘先人員悉照捐納正班額數亦按四新一舊選用舊例捐納儘先及捐納儘先人員仍俟輪用舊例
時先用捐納儘先之人如無人再用捐納儘先之人遇降調無人時卽以此次新例捐班抵選新例捐班
無人方准以舊例捐班抵選又定例各衙門留補筆帖式班次廢生繕本貼寫庫使學習俟期滿奏留後各
按本班補用一人今海防事例准捐新班先用新班卽用新例分缺先分缺間本班儘先等項班次並准捐
免期滿擬請將各衙門筆帖式留補班次亦按此次五缺一週班次輪補其新例報捐分缺先分缺間補用
人員應俟捐納本班儘先及捐納學習班到班時俱准前後插用舊例報捐分缺先分缺間前人員俟新
例分缺先分缺間無人方准前後插用至舊例分缺先分缺間人員須俟舊例銀捐分缺先分缺間前無
人專俟捐納學習正班到班時方准前後插用其新例捐納學習班人員按照例定額數亦先用新例四人
次用舊例一人至新例報捐各本班儘先補用者應分別各本班到班時按照正班額數亦以四新一舊補
用舊例捐納各本班儘先及捐納各本班儘先人員仍俟輪用舊例時先用捐納儘先之人如無人再
用捐納儘先之人其未經奏留廢生筆帖式學習筆帖式並繕本貼寫庫使及已經奏留未經期滿之員報

捐過入新班者均應先行捐免期滿後方准遞捐其已經奏留並已經期滿各員報捐過入新班者毋庸再行捐免期滿以示區別至舊例捐納候選人員有遵新例報捐分部等項班次者亦應先令報捐過入新班後方准遞捐入新班補用舊例捐納復遵新例分部人員已經期滿奏留如未報捐過入新班者仍按舊例原資補用其舊例捐納分部人員如于期滿奏留後復行補交從前原捐班次及分部未捐足銀數復行報捐過入新班者均准其歸入新班補用以昭平允至 盛京各衙門學習筆帖式亦准其一體報捐新班先用新班節用新例分缺先分缺間本班儘先等項班次其補用班次悉照在京各衙門之例辦理又外補各官輪補班次道府同知直隸州知州通判丁憂終養迴避撤回參革降補改教各項留補選缺專以正途出身之 記名分發人員請補如無人准以各項候補班前候補正班人員酌補知州丁憂終養迴避撤回參革降補改教留補選缺將各項候補班前候補正班人員酌補知縣參革留補選缺專用軍功候補人員酌補改教撤回降補迴避留補選缺將各項進士即用班前進士即用與各項候補班前候補正班人員分班酌補河工直隸州州同州判府屬州同州判縣丞如遇丁憂參劾二項所出之缺專用先儘正途次儘正途試用大挑輪流酌補以上各項均係專補之缺毋庸另議外查從前新班遇缺先新班遇缺人員內選班次現在既經核減其外補班次自應一律辦理擬請將道府同知直隸州知州通判知州知縣升調所遺及告病病故休致以及佐貳雜職並鹽務等官無論何項所出留補選缺及河工等官除坐補原缺裁缺即用迴避即用新選新補留省另補人員不計外無論何項到班俱先用海防新班先用二人海防新班即用一人再用舊例銀捐過缺先一人如無人用舊例銀捐過缺人員再無人過班即接用各項輪用班次一人以

五缺爲一週新例報捐分缺先用分缺間用人員應照籌餉准銀捐分缺先分缺間前人員輪補章程辦理俟輪用各項時知縣以及佐雜並鹽務河工等官試用及捐納正班到班均准其先用間用如新例分缺先分缺間無人方准插用舊例銀捐分缺先分缺間前人員其舊例減成之分缺先分缺間人員應俟專俟升調遺選缺候補委用試用各正班准其插用新例分缺先分缺間人員如無人插用舊例銀捐分缺先分缺間前之人如再無人方准插用舊例分缺先分缺間之人其各本班先到班及病故休遺缺無論何項到班均不准插用如遇無題調道府缺省分其道府兩項亦准遇病故休遺缺各正班到班時插用新例分缺先分缺間人員如無人插用舊例分缺先分缺間前之人如再無人方准插用舊例分缺先分缺間之人新例報捐各項本班儘先補用人員於各本班輪補到班時先用新例本班儘先一人再用本班一人輪用本班儘先時應照內選人員先用新例本班儘先四人再用舊例本班儘先一人先儘例本班儘先之人如無人卽用本班儘先之人如舊例本班儘先無人卽用新例本班儘先人員抵補如新例本班儘先無人仍用舊例之人輪用舊例時先儘本班儘先人員如無人再用本班儘先之人如再無人始用勞績本班儘先之人新例捐納試用人員俟輪用捐納到班時亦先用新例捐納試用四人再用舊例捐納試用一人如舊例無人卽用新例捐納試用人員抵補如新例無人仍用舊例捐納試用之人此次新例報捐人員惟知縣一項海防班先用海防新班卽用新例分缺先分缺間捐納試用本班儘先捐納試用並候補議

敘捐輸學廉方正報捐各本班儘先人員過輪補升調所遺及告病病故休致之缺到班時於各本班中先用正途出身及曾任知縣曾任實缺應升知縣者二人再用各班中各項出身者一人如正途出身及曾任知縣曾任實缺應升知縣無人所用各項出身之人其儘例人員再捐過班入新例者應歸新例人員內一律補用外補人員應俟裁卯墾籤後臣部開單行文各省按照限減半計算以接到過班知照部文後下月所出之缺一體遵照辦理

一舊例遇缺先選缺間等項人員願過入海防新例新班先用新班即用者仍查照上年奏定過班成數核辦外其舊例之分缺先前分缺間前本班儘先前以及分缺先分缺間本班儘先等項人員願過入海防分缺先分缺間本班儘先者其雙單月分發指省等項過班均仍照舊例銀減二成後各按原定成數交納其花樣之過班則應照籌餉例銀減二成遞減四成後亦各按原成數交納如此釐定新章方免偏枯

一有情願以原捐較大之花樣過入新例較小之花樣者仍應照此次所定各項花樣過班成數辦理不准以舊捐較大之花樣呈請多抵銀兩

一遵新例報捐銀數較少之花樣續行加捐銀數較多之花樣皆應按照舊章准將前捐花樣銀數一律扣抵惟已捐他職者不准扣算

一已遵新例報捐八成實銀之分缺先分缺間現既改名為海防新班先用新班即用則前項人員原領執照自應另行換給以歸核實

一已遵新例報捐八成實銀之捐納本班儘先人員核其原捐銀兩如與海防分缺先分缺間銀數無紕亦准其呈請改歸海防分缺先用分缺間用換給執照或該員仍願歸入本班儘先者聽庶足以昭平允而資鼓勵至報捐武職業經停止其從前已捐有實官及勞績保舉人員遵照此次海防新例報捐分發指省過班並儘先捐班前暨衛守備捐不論雙單月人員應如何銓補之處兵部查定例陸路武職各官奉旨以應升之缺卽行升用並遇缺卽補儘先升用者遇有該省題推缺出卽行題補又臣部奏章程副參兩項未經保留省分之員由督撫大臣送部隨時帶領引見開有題缺省分請旨發往候補又應歸部選之游擊都司守備人員赴部投供時准其呈請分發保有儘先者掣發各省候補未保儘先及一切應歸部選人員掣發有題缺省分歸據發班候補有願指捐各省及本省者仍照舊例辦理又漢侍衛有情願分發者准其自行呈明籤掣有題缺省分歸據發班候補有指捐省者不准指捐本省各等語是副參准其請旨發省游都守准其呈請分發均毋庸報捐此次海防新例應准其報捐指省有指捐河工者亦准其報捐其候選之衛所各官亦准其指分漕標試用均俟赴部分發後發往投標按照例章序補至報捐過班及儘先捐班前衛守備捐不論雙單月人員查軍興以來凡保舉儘先者皆係鋒刃餘生戰功卓著故奏定班次極優現在籌餉維艱又不得不優待捐生以期踴躍臣等公同酌核擬請原係保舉儘先人員補交四成作為過缺者無論銓補到班時先用捐納遇缺一人次用勞績儘先一人相間輪用其餘應升應選及勞績保舉凡無花樣各員報捐儘先花樣過本班到班時先用儘先一人次用本班一人亦相間輪用至報捐捐班前及原係捐納人員今捐過班者于輪用捐納班時先用捐班前一人

次用新捐過班二人再次用舊捐一人每輪只用一人衛守備捐不論雙單月選用歸者輪捐班內新捐過班一人後插用一人以上用納各員銓補班次無論出缺是否在前均按此次章程辦理如捐納無人仍照舊銓補戶部再奪餉事例向以四個月為一卯由吏部兵部按卯籤舉名次此次奏開海防新例若仍按從前卯次為時過久竊恐捐生巧為趨避或於將次截卯時探明某項花樣較少即指捐某項花樣掣籤之後尅期可望銓選而報捐較早者轉為失計此中取巧流弊最多勢必各省捐生觀望不前難期踴躍應于上年十二月初八日奏開海防事例奉 旨之日起除封印日期不計外所有遵照海防新例報捐無論京外收捐者由戶部隨時核准知照吏部兵部作為兩個月一卯按籤數掣籤輪選以期迅速而免流弊奉 旨依議郵鈔

十四年監察御史屠仁守奏竊以近年創辦海軍費用浩繁籌款無策竊壬倖進遂託報効為邀 恩之舉始猶觀望趨趨頗畏清議既而見嘗試報効者果如願償也乃羣視為捷徑交鶩爭趨其弊有五而大患有三其咎歸亂政害民罔上行私而不可止所謂五弊者凡報効之人不究原資不責保認庸流賈豎雜出其中金幣朝輸章服夕至流品混淆其弊一也冗散下僚遽擢以監司丞佐虛銜遂昇以州縣無班可敘者突而踞諸班之上無缺可選者儼然在首選之中名器冒濫其弊二也革員楊某 諭旨所詎聲名平常不應調辦要差者也以萬金而錄用革員姚某以僱房賃作妓寮被參 諭旨所斥為卑鄙無恥者也以萬金而請復故入人罪如馬某弊混公帑如陳某係不准捐復者也皆以報効湔洗之定章無論何項勞績不准奏保記名簡放誠重之也今則道員周某沈某等皆以捐萬金遂蒙 曠典勸懲倒置其弊三也由主事捐郎

中分部過缺先用計實銀一萬四千餘兩延某則以五千金而得之矣由郎中捐道員分省過缺先用計實銀二萬餘兩岑某亦以五千金而得之矣其他莫不如是名爲竭誠報効實則較捐絀猶不及半或三四之一名爲不敢仰邀議敘實則躡躡數等並且京平松江銀皆可交易以致捐納人員相形見絀裹足不前部捐爲之減色求益得損財計轉虧其弊四也報効者不能無因而至前則百計鑽營經手者不能空勞而無獲則多方需索聞報効萬金其營謀開通常三數千金不等而副都統恩某乾沒獨多甚有由木廠商人及吏胥等類夤緣而進者阻僉朋儔莫可究詰其弊五也五弊既滋三患隨之三患者何也 恩莫先於愛民報効之人類皆委瑣嗜利具有心計挾操奢望舉債而來者顧眉急以了其債傾貲而得者圖貸斂以百其資一旦踞於民上巧取豪奪恣意誅求本爲身家何知 君國是無異使狼刈草生民立受其害大患一國莫急於進賢而賢則非道不進故巨魚必有絕大之力駿馬必無懸棧之心今見報効得官易循路登用雖安分而寡交者陸沈有才而無力者坐困則夫道德之彥忠義英傑懇懇報 國之心勢且招之不來未應卽去人才消乏國乃空虛大患二 國所以立者紀綱法度而已流品淆官方向由澄敘名器濫典則何由昭垂勸懲倒置又何以厲世而磨鈍理財而財失任人而人欺以二百餘年未有之弊政一旦行之不疑既背定制又拂羣情使天下疑 朝廷惟利是視而不顧心之安惟功是圖而不念道之悖紀綱法度悉墮於冥冥之中雖欲振之其將莫及大患三且 國家頻開捐例因萬不得已而爲之者也然有資格之限有識認之結有加倍加五捐復之例有加倍半不准捐復之例所以多其防閑亦爲深杜流弊者可掃而空之則自 祖宗以來有事開捐之時爲勿竟取諸報効又安用此紛紛條例爲也今海軍之設事體重大宜本

臥解膏肓之苦心爲未雨綢繆之至計但章程所定措施所及外間無由悉知則亦不能輕議獨此報効一事街談巷議衆說紛紜士大夫相與偶語亦無不私竊歎戚戚於心特以由海軍衙門而達之奉 慈旨而行之無或敢苦口忠心實味入告遂使謗騰衢路而 朝廷不聞患伏隱微而 朝廷不知羣小得志寵賂滋張若不急行停止則妨賢病國播惡殃民卽平安無事之時猶將召亂況時局孔艱而復益之以疾以壞天下之事有餘矣臣待罪諫垣職司風紀臺規所載奉以兢兢不敢稍存揣摩之見不敢稍懷死辱之私謹齋戒沐浴繕摺密陳伏乞 皇太后 皇上聖鑒剛斷施行 臣無任悃款願望之至臣等

二十七年諭朕欽奉 慈禮端佑康頤昭豫莊誠壽恭欽獻崇熙皇太后慈旨捐納職官本一時權宜之政近來捐輸益濫流弊滋多人品混淆仕路充雜實爲吏治民生之害現在振興庶務亟應加意澄清嗣後無論何項事例均著不准報捐實官自降旨之日起卽行永遠停止通限一個月內截數報部毋得奏請展限其虛銜封典翎枝實監及現行常例准捐各項究竟有無妨礙著該部核議奏明辦理 臣等

皇朝政典類纂卷一百十二

選舉二十二

考績 京察 大考 大計 課吏附 軍政

國初定內外官三年考滿視其稱職與否而黜陟之會典事例

天聰五年六月 敕定考課黜陟等差通志

八年初次舉行令各部院衙門官所有過犯備開考數會典事例

崇德二年定各官辦事勤敏稱職而無過犯者准加授官爵會典事例

八年十二月甲三年考察之命通志

順治八年吏部奏言京察應以 皇上親政辛卯年爲始六年一次遇寅申年舉行從之通志

十三年諭吏部曰國家考績之典所以辨功能昭勸懲不可無畫一之程自今以後部院滿官除有事故罪過

外三年俸滿者三品以上自行具疏吏部分別議奏四品等官各衙門咨呈爾部分別議奏朕悉覈其優劣定

爲勸懲其六年一次會行京察之例三品以上自陳爾都會同都察院察議具奏四品等官各衙門咨呈爾都

爾部仍會同都察院察議具奏朕皆親覈優劣以定去留考核之時加陞者有罪者及才力不及老疾等項詳

細開列承爲定例遵行部院滿官今年卽照此例考滿通典

又吏部奏言滿官京察則例凡三品以上滿州官俱於考察之前具本自陳有出征奉差者事竣之日補陳四

品以下不論出征奉差俱由堂官詳加考核注明賢否密送部院內三院四品以下官吏部都察院會同內三

院考察六科掌印官聽部院考察其餘俱由各科掌印官開列實蹟注明考語彙送部院其考察事宜俱照八法處分從之通志

又題准各部院衙門筆帖式照有職掌官員例一體考察會典事例

又題准吏部都察院吏科河南道封門閱冊公同磨對過堂考察各衙門掌印官俱赴吏部面議後即行具題會典事例

又議准凡過京察時大小各官俱暫行陞轉俟事畢出後照常舉行會典事例

又題准六科京察吏科都給事中將六科各官行過事蹟開列冊內不註考語彙送部院考察會典事例

十八年七月奉敕內三院滿漢大學士各部院尚書侍郎等官俱著自行陳奏其滿漢中向來亦係自陳今同漢郎中以上至筆帖式俱著部院堂官詳加考核稱職與否應去應留如草率徇情姑留即以徇庇治罪以後京察者滿郎中不許自陳永著為例通典

康熙元年題准僉都御史四品正卿國子監祭酒六科部給事中及中書科行人司上林苑監等衙門掌印官咨送部院考察其餘官員俱由各衙門堂官及掌印官註考移送部院會典事例

諭內外大小官員歷俸三年考滿視其稱職與否即可分別去留以示勸懲此外又有京察六計之例實屬故舊應行停止內外大小官員俱著三年考滿之時在外責成督撫在內責成各衙門堂官失公矢慎開註事蹟考語移送部院嚴加考察分別去留以昭勸懲如開送不公併原衙門考察之官糾參治罪該部院詳議定例以昭嚴議三年考滿滿漢三品衙門堂官以上及在外督撫俱各自陳其餘官員應立三等考語一等稱職者

皆紀錄一次辦事平常者仍留原任辦事不及者降一級調用不稱職者革職以後陞轉照考語次序一等者先用又在京四品僉都御史卿員國子監祭酒六科滿漢都給事中中書科口人司上林苑掌印官並在外兼僉都御史銜之巡撫任滿三年咨送部院考核註考語此外各官在京者各部院堂官註考語在外者各督撫註考語仍咨送部院覆核如註考語官員徇情不公及明知屬員俸滿不考或地方盜案錢糧未清冒稱考滿及各官歷俸已滿規避不考者在內部院在外督撫及本官一併治罪從之旋奉 特旨改定一等稱職者紀錄一次分別賞給表裏有差通典

二年議准各旗京察以才能咨送補授部院衙門官員未及半年者由原任衙門註考會典事例

雍正元年諭在京部院衙門官員三年考察一次係好事應行查例議奏欽此遵旨 議定舊例六年京察爲期甚遠今遵 旨三年考察一次會典事例

四年敕嗣後遇京察之年著內閣滿漢大學士吏部都察院吏科河南道公同閱看著爲例通志

又題准在京大小各官遇京察時自二月二十五日起暫停陞轉俟事畢出榜後照常陞補凡科抄文中有應行議處各官亦俟事畢查議至現在奉 旨陞調官員仍行遷轉察議官員仍行察議會典事例

乾隆二年遵 旨議定嗣後京察之年應行考察官奏準引見列爲一等者準其加一級註冊至盛京五部等衙門三年期滿調回之時準列一等者引 見并加一級通志

三年鴻臚寺少卿查斯海奏外省官員有干六法者例得送部引 見惟京察被劾向無引 見之例內外似未盡一或以資本英露而堂官姓多沈抑卽旨之爲浮躁或以質稍遲鈍而堂官識多明敏卽棄之爲不及且

更有賦性慙直舉止率略不善應酬遂以嫌隙而加之吏議則廢等之中安知無片善寸長可以自効嗣後京察六法官員請照外省大計例令各該衙門咨送吏部引見恭候 聖裁從之通典

八年定四五品京堂京察送吏部都察院過堂注考之例通志

十一年奉 諭旨三年京察之典激濁揚清所以敘官方而明黜陟自當矢慎矢公甄別允當上次舉行之際

恐各部院堂官有賒徇情面濫列一等者曾降旨令大學士於驗看過堂時慎重分別有不稱一等者俱行裁

去嗣經大學士等分別去留此亦權宜辦理之道究之察核司員惟堂官最為親切要在平日留心體察臨時

舉劾公平方為允協如上次定以一等者三年中行走平常即當改為二三等不得稍存姑息之心上次原列

二三等者三年以來知所奮勉即當列為一等拘已成之見惟一秉至公分別等第庶察典肅而人人知所勸

懲明歲又屆京察之期特先行傳諭各部院堂官知之通考

十五年諭前經臣工條奏四五品京堂京察列為一等者請引見又有奏布按二司應入大計者均未議准行

朕思兩司承辦通省案件大小事務無不由其撥議詳報督撫自必隨時體察優者隨時奏薦稍不勝任必不

姑容誤事何待大計之年方入舉劾議較自屬允當至京官察典屆期三品以上堂官尙具本自陳部院司官

亦皆令引見而四五品京堂則不在自陳之列考覈之後亦不行引見雖有吏部都察院填註考語之例不過

據冊過堂虛文應事其中龍鍾庸劣者既得姑容即才具優長精力壯盛堪供驅策者亦無由自見於培養人

才澄敘官方之道蓋兩失之嗣後京察年分吏部開列王大臣等職名請有特點數人將四五品京堂秉公分

別一二三等及應去應留具奏引見以定黜陟庶優劣分而人知激勸於實政有裨其王大臣等是否秉公據

別一二三等及應去應留具奏引見以定黜陟庶優劣分而人知激勸於實政有裨其王大臣等是否秉公據

實自不能逃朕洞鑒卽於本年爲始著爲令會典事例

十七年諭京察之年部院堂官各省督撫循例自陳求斥罷候旨照舊供職此雖三載考績之義但卿貳職錢機務督撫任寄封疆朕量材簡擢日復於懷其有不副委任或克稱簡異者率已隨時黜陟斷無違待三年之理凡可俟至京察解退者不過閒曹冷署年力衰昏而又非有大過介於可去可留之間者身且身列大臣謬以斥罷爲辭是相率爲僞誠無謂也嗣自今內而部院司官外而道府京察大計之例仍舉行以昭激勸其自陳繁文著停止以示崇實會典事例

十八年二月 上諭京察之年四五品京堂特派王大臣秉公分別去留奏聞引見至三品京堂令吏部于京察時將伊等事實另繕清冊候朕親爲裁奪通典

二十四年定京察陞調人員分班引 見京察向例各部院堂官將所屬官員分別等第若陞調未滿半年者仍由原衙門堂官出具考語移咨新任衙門辦理至是奉 諭京察爲澄敘大典理宜詳慎甄擇以防濫竽各該堂官等因該員陞調別任移送考語或未免於有意假借嗣後京察人員在新任衙門年例未滿已移咨前任堂官出具考語列在二等三等者仍照舊例其有列爲一等者於帶領引見時另分一班不得因有此分班之旨轉增各部向來所定額數致滋濫觴通考

二十九年奉 諭旨大計附薦人員其有正項錢糧未完及革職留任未經開復者部議俱以毋庸議題覆第思此等人員多以才具可造由簡調繁及處分多而開復不易卽登附薦又以格于成例不復隨衆引見其中恐不無屈抑著該部分別年例酌量章程具奏等議附薦官員除係簡缺有錢糧處分及降革未經開復者仍

講駁外其現任兼三兼四繁缺者以歷俸五年爲限臣部將應否送部引見聲明如此等人員處分題本到部時現屆開復者卽與正薦合例人員一體議准又嗣後卓異計俸應以本省屆滿三年爲例其前別省歷俸不應接扣俱得旨允行通考

三十年七月吏部議覆御史王懿德奏翰林院學士及詹事府庶子過京察之年俱入于四五品京堂內一體請旨歸王大臣驗看列爲等次分別去留帶領引見從之通典

三十三年諭向來部院各衙門京察屆期所有列入一等人員均由吏部帶領引見至二三等留任各官並無引見之例該堂官等以循分供職無關黜陟之典且人數衆多其中卽有年力衰庸不無稍爲姑息人材既難考覈公務未免曠厥大典何由克副嗣後京察二三等人員內凡年至六十五歲以上者並令吏部一併帶領引見候朕鑒定庶曹司不致濫竽懸槩而該堂官甄別公私亦可立辨於澄敘官方益昭慎重著爲例通志

三十六年諭太常寺鴻臚寺讀祝鳴贊等官其職專於宣贊自以儀嫺聲亮者爲優間有陞任各部院衙門者仍兼本寺行走遇典禮執事如常並不藉其專心部務與翰林兼部者不同是其考察又當責其本寺堂官而不必歸於部院矣乃向來京察太常寺鴻臚寺官陞任部院者皆由所陞之缺註考而本寺置之不問所列一等率取其次者濫充旣非所以示平允亦不足以昭勸勵卽如前日引見鴻臚寺京察人員該寺因承信已陞刑部而以伍林泰爲一等夫承信在刑部不過旅進旅退卽二等尙屬分過而在鴻臚傳贊實爲傑出之員迥非伍林泰所能及因將二人等第更置今日太常寺之德明扎爾漢亦然若仍拘泥成例於造就人材之道無益嗣後讀祝鳴贊等官陞任後仍兼本寺行走者俱由該寺堂官註考保送著爲令通考

三十七年諭嗣後各部司員派出坐糧廳倉差者除京察仍依舊例由倉場衙門分別出考外其有於任內值報滿之期者吏部且不必行文截取俟該員差滿回部後再行知照該堂官分別繁簡及是否堪勝外任之處咨送吏部引見籍爲令通考

三十九年二月奏准嗣後都院官滿屆京察離任續補別衙門者仍由原衙門註考列爲二等三月奏準到任未及半年人員由所衙門保送得缺者京察時列爲二等其年滿調京得缺者列爲三等嗣後京察視此例通考

四十年二月吏部遵旨酌議京察大典事關考核其由別衙門陞調各員到任僅滿半年者賢否雖已灼知任事究屬未久若即準保送一等誠恐易啟躁進之風請嗣後京察除在本衙門先經任事因出差假滿服闋仍回原衙門補用人員俱準其接算仍照舊例辦理外其別衙門陞調新任及由外陞補京職人員如定俟三年方準保送未免淹滯請例半年亦覺過速應酌定在現任衙門歷俸已滿一年方準一體保送從之通典
四十二年五月 敕京察一等人員吏部引見進呈比較清單將上兩次數目一併開列若此次比上屆多一人而較之再上次數仍相仿即可毋庸裁減通志

四十八年三月諭三品京堂每逢京察屆期吏部不過照例具本開列嗣後京察時滿漢內閣學士副都御史仍著吏部開列題本外其餘大小三品京堂俱著吏部一體帶領引見註明履歷所有本年京察三品京堂卽照此例行通典

五十年諭內閣各部院衙門保送京察一等人員例應比照上屆之數咨送吏部向來辦理未能盡一殊失慎

重程材之意夫三年京察一次原以激揚黜陟期於無濫無遺現屆明年京察之期著各該堂官將屬員才具賢否秉公察看照上屆四十八年保送一等之數出考送部毋許溢額致啟濫觴以後卽定以爲例但向來有人數比上次多者吏部必駁之語此則不可或該堂官因一等人少不能足額填送卽於咨部時聲明缺額幾員何妨至下次京察若果出色之員較多仍許其補還原額吏部亦不必以上次既經缺額卽行予駁也若一次少一次則將來無人可舉成何政體若各部恐致數少勉強足數以符上次是又徇情虛應故事總成笑談矣今應定例率以不溢四十八年一等原額爲準至各省舉行大計與京察事同一例前屆甘肅湖北江西等省分因各屬內處分人員較多是以比歷次卓薦人少至不可拊以爲例而向來各督撫保薦人員本未明定限制亦非慎重者績之道且各省卓異人員有正薦附薦之名同一卓薦而分正附是名爲區別實易開僥倖之漸殊不足以澄敘官方著吏部詳覈各省大小缺分多寡酌中定制除有處分不合例人員毋許保薦外其某省應行卓薦幾員之處按其缺分多寡定額並將附薦之名裁去勿使庸材濫薦薦剋而才能之員不致稍有沉抑該部卽詳晰妥議具奏

嘉慶五年諭內閣三載考績始自唐虞至今日則爲京察用人之典至要而選士之方必推氣節未有阿諛諂媚之徒而能有廉明之政者也近年以來六部堂官所拔識之司員大率以迎合己意者爲曉事之人以執稿剖辨者爲不曉事之輩以每日僞諛卑詞巧捷者爲勤慎以在司坐辦口齒未訥者爲迂拙遂至趨承卑鄙乞憐昏夜白晝驕人仕路極風幾不可問氣節消磨殆盡成何政體耶近日堂司各官雖比前稍知檢束奔競之風恐未能盡改總由積習相沿狂瀾難返朕思轉移風氣之方須立矜式觀摩之準現已屆京察之期各部應

俱應重選舉詢謀僉同果有猷守兼優者自膺首薦餘則密取資格較久謹應樸質之員其少年滄海才華
發越者本應令其經練下屆再行保列則相觀益善更足以勵後起之俊黜華崇實於政治不無小補再京察
之時尙書侍郎應各備一册密識賢否公議之日再行同覽衆所獎許者拔之衆所屏棄者黜之以公心辦公
事勿存絲毫私意問心無愧斯可對君覈辦之時不准司官書吏家人在旁窺探亦不准豫爲洩露邀譽市恩
此有著通行曉諭各錄一道懸於公署朝夕觀覽觸目警心以副朕循名責實務得真才之至意特諭 聖訓
又 諭向來四五品京堂及翰林院讀講學士並左右庶子等官每遇京察之年係吏部開列王大臣名單請
旨簡派驗看分別等第由吏部帶領引見但此等人員職分較大俱係朕特加簡擢伊等與王大臣向無交涉
事件又無統屬其賢否何由深知所定等第亦未必確當況於驗看後仍須帶領引見又何必多此驗看爲耶
嗣後四五品京堂及翰詹學士等官卽照三品京堂之例一體帶領引見不必由王大臣驗看著爲令會典事

例

九年諭內閣京察爲考績大典各部院衙門堂官就所屬中數年以來供職勤慎者保列一等經吏部帶領引
見奉旨准其一等加一級所以獎勞示勸並非專爲簡用外任而設也至其中有經朕察看材堪任使者特行
圈出交該堂官再出具切實考語覆行引見以備簡擢外任各該堂官於所屬人員或素悉其才具優長或深
信其居官廉謹原可分別注考朕因材器使於簡用時繁簡先後自有權衡其家有老親或身非獨子而侍養
情殷者卽現任外官尙得援例終養此次京察記名後此項人員仍准其聲明留京供職外其餘概不得以不
勝外任呈請內用試思該員在京供職既係出色之員經該堂官遴注上考豈有昇以外任轉藉口才不稱職

之理且該堂官既已舉才薦能列名上達亦不得復以本衙門辦事需人奏請仍留本任現在京察引見屆期
著先將此諭令各衙門知之 謹訓

十一年諭大學士六部尚書議奏京察事宜一摺京官分隸司曹辦理部務公同酌覈原不能指定一二事註
爲某人勞績卽刑部司員平反案件亦事所常有不能因一事卽登之薦牘三載考績爲激揚大典各部院堂
官自應統計所屬司員平日人品之賢否才具之優絀秉持公正推賢選能自克名實相副爲朝廷收得人之
效此內除該司員得有尋常過失例准保薦者不計外若三年內有處分較重礙於陞轉仍照例扣除以歸覈
實若捐納人員初登仕版自應令其經歷事務藉資造就大學士等議令分別年資以示限制尙爲平允此等
人員如實有才品出眾者原准一體保薦予以上進之階若年勞相等則捐納出身之人自不若科目正途於
事理較爲明晰嗣後各部院堂官保舉捐納人員必取資格較深才具實在優長爲衆論翕服者方可與選餘
俱不准濫保充數以杜倖進至軍機處司員自雍正年間定制以來均係以本衙門額缺承辦軍機處事務其
陞遷保舉悉由本衙門堂官註考相沿已久若以計典獨歸之軍機處更定官制事多格礙惟軍機司員內其
辦事勤慎又能兼部務者自當列之上考其祇在軍機處行走而於部務未能諳習者本衙門堂官不得意存
遷就濫行保薦軍機大臣尤不得授意各部院堂官扶同薦舉以昭公慎會典事例

十二年諭內閣京察爲考績大典所以甄別賢否明示激勸向來內外大員由吏部開列具奏朕覈其勤能者
均特旨賞給講敘其餘或照舊供職或量予罷斥其司官等經各該衙門甄別等第後內保薦一等者亦皆引
見各予加級惟三四品以下京堂尙由王大臣驗看擬列一等者例無加級近年概行帶領引見除年老才具

平庸者量予降黜外餘俱照舊供職並無甄敘之例因思三品以下京堂官其才具優劣不同且三年內勤惰各異若有懲無勸既與內外大臣辦理兩岐並不得與各部院司官保列一等同邀加級未免偏枯所有此次京察引見三品以下京堂各官太常寺少卿色克精額差使勸習讀祝嫺熟太常寺少卿錢楷內閣侍讀學士文學在軍機處行走有年供職勤慎著加恩交部議敘其太常寺少卿陳鍾琛大理寺少卿楊長桂內閣侍讀學士通恩通政使司叅議周嘉言或人本平庸或年已衰邁著以原品休致餘俱著照舊供職嗣後京察三四品京堂引見均照此辦理並將此旨載入吏部則例 聖訓

又諭內閣向來部院各衙門京察一等人員引見後經朕圈出者俱交該堂官再具切實考語覆行引見以備簡擢道府其家有老親身係獨子或雖非獨子而侍養情切者俱准其聲明留京供職至內務府一等人員向來引見後有圈出者並不覆行引見辦理殊未盡一內務府人員記名後既可一體簡放道府自應交各堂官再詳駁該員平日居官辦事出一切實考語覆行帶領引見即實有親老情願侍養者亦當准其一體註明庶著績大典倍昭詳慎而於部院定例亦屬相符所有此次內務府引見京察人員照此辦理著為令 聖訓

十四年諭京察為三載考績大典自應嚴其辦中勤惰以分黜陟必須擇其品行素端才猷茂著者登之上考方足以昭激勸若祇取浮華奔競之徒嘉其趨走承順言語便捷工於迎合者即予保薦而不按其平日之品行慎加甄別則心術稍有不端才具又何足取且一等人員於保薦後可以帶領引見記名簡擇其次等者例不得預著缺守素優之人不獲仰邀登進於人才已多屈抑儼一等中竟有倖列之人一經記名擢用即可由

道府揀擢大員其居心辦事素不可問將來必致貪酷債事關繫尤重前於嘉慶五年特降諭旨令各衙門慎
重保薦茲因京察屆期特再行申諭儻有才揀擇人品率行保舉致記名擢用之後有營私敗檢貽誤地方釀
成重大案件則惟原保官是問會典事例

十七年諭京察為考績鉅典舉劾悉秉大公方足澄清仕路明年又屆舉行計典之期各堂官於保舉一等人
員務當慎重遴選迨引見記名後復令出具切實考語以備簡用道府尤當加意甄別擇其才守兼優之人登
諸薦牘不得以尋常供職者濫保充數用副朕慎簡賢良之至意會典事例

道光三年諭御史王世祚奏請嚴京察一摺國家選敘官方三載者績為激揚之大典朕恭讀嘉慶五年十一
月 皇考仁宗睿皇帝特諭近年以來六部堂官所拔識之司員大率以迎合己意者為曉事之人以執彙部
辨者為不曉事之輩以每日區謁卑詞巧捷為勤慎以在司坐辦口齒未訥者為迂拙遂致趨承卑鄙乞憐昏
夜白晝瞞人仕路頹風幾不可問朕思轉移風氣之方須立矜式觀摩之準見已將屆京察之期各部俱應慎
重選舉以公心辦公事勿存絲毫私意問心無愧斯可對君此旨著通行曉諭各錄一通懸於公署朝夕觀覽
等因欽此 聖訓煌煌至為詳備部院各堂官果能實力奉行自可黜陟允當朕即再降旨申諭亦未能出
聖諭之範圍如該御史所奏歷屆京察有出任道府督撫撤令回京者堂官薦之督撫劾之於後或保或
參互相矛盾此言未嘗不是然缺守兼優者因屬攸往咸宜其資格較久謹願堂官之具原有部務熟悉而初
膺外任未必裕知者朕屢飭直省督撫隨時甄別原非一經薦舉即不復加以參劾也其衰庸各員該堂官等
自應廉加甄法憐憫其意憊特予矜全匪徇人情好為姑息一經發覺惟該堂官是問至所稱候補各員有才

堪造就不妨試以更案策勵使前似爲得人起見然候補人員於察察事件原應一律講求以期熟悉至補缺先後挨次敘用自有一定成例各衙門有例可循尙恐堂官以愛憎爲取舍不盡公允若更成例越次揀選名爲鼓勵人才實以開奔競之門躡進者送捷足先得守分者必致補缺無期此端一開流弊滋甚所奏斷不可行至各員簡擢外任或因貪劣被參原保各官吏部本有處分定例亦無庸更立科條也東華續錄

四年諭內閣京察爲三年考績大典用以整飭吏治激揚人才所關甚重各衙門堂官果能黜華崇實推賢選能自可爲朝廷收得人之效若如近日侯際清贖罪弊弊一案牽涉官吏實出情理之外恩德盛思道均係刑部司官恩德又管理贖罪事務輒與市井棍徒朋謀賄囑撞騙多金該堂官既不能即時察辦猶復將恩德登諸薦牘其餘公同定稿各員亦皆該堂官保列一等或被佞指得贓或以聽情徇隱並有形同木偶隨和苛諾寬置公事於不問者似此名實混淆是非倒置所謂澄敘官方者安在各部院大臣爲朕素所信任其薦舉自應公允一經引見不能不量爲甄錄何至以登明選公之舉竟有踰閑敗檢者謬廁其間是該大臣於考察一事惟知奉行具文苟且塞責舉非其人豈將誰屬且此等不肖人員服官輦轂尙敢藐視法紀營私贖貨設令得膺外任勢必素撓公事朘削民膏益復何所顧忌向例九卿保舉官員如貪婪事發原保舉官定有濫舉處分此案既據托津等審明擬奏所有從前率將恩德等保列一等之刑部堂官交吏部查取職名照例議處因思刑部如是各衙門恐亦不無此弊明年卽屆京察之期著先行諭知各部院堂官務當精白乃心秉公選拔於所屬內必平日深知其居心公正辦事諳練者公議允協方准書之上考以備任使若不加覈實實濫充數甚至賄顧情面徇徇已私將來該員等款跡敗露朕惟原保之堂官是問恐不能當此重戾也將此通諭知之

聖訓

五年七月諭朕因宗室生齒日繁諭令綿課等議立章程用昭懲勸前經綿課等條奏各事宜復交大學士軍機大臣會同各該衙門詳議茲據托津等分別准駁具奏朕詳加披閱內京察宜加鼓勵一條京察爲激揚大典自應一體加以鼓勵嗣後京察一等之宗室理事官各部院宗室郎中引見圈出後著准其一體復帶引見候朕酌量錄用其副理事官等員仍照舊例辦理如有不稱職之員亦著隨時甄別

東華續錄

又諭內閣御史但明倫奏六部司官勤惰不一請定章程隨時察覈一摺部院司員之勤惰惟在該堂官隨時查察秉公甄覆若徒設科條無關激勸於治道官常有何裨益京察爲考績鉅典原應分別黜陟不宜有舉無効卽司員論俸裁取亦須察其才具之短長嚴以辦罪之勤惰分別內外繁簡不應概予保奏則激揚清獎勸懲怠自皆有所觀法豈不較該御史所奏十日不進署分別記過一月不進署卽行參處者於勸勵人材之道爲有實濟乎著通諭各部院堂官平時將該司員等留心稽考遇京察之年勤慎公明者註以上考怠惰庸劣者予以甄劾其隨時論俸裁取亦當察其才具堪勝外任與否不可徒以應對便給慣於奔競者濫行裁取以廢職守而肅吏治

聖訓

七年諭內閣御史何輝綬奏部院保舉人員請革去舊習一摺京察爲激揚大典各堂官自宜秉公考覈如該御史所奏上屆保列一等人員自下次京察不復問其差使勤惰儘數列入一等其辦事出力人員盡爲舊京察人員所壓固爲祛除積習起見但此等舊京察人員如果始勤終怠自不應仍屬上考其才具優長始終勤勉者又豈容改入二等轉爲司員疏通地步朕三載考績一秉大公各衙門堂官自當仰體朕心破除情面駁

實辦理總視其人之才具辦事以定權衡不得於新舊之間稍存軒輊方合以人專官之選斷不可驟設成見也 聖訓

給事中吳傑奏伏思京察為三載考績與外省大計武職政黜陟攸關實 朝廷進退人才之鉅典乃大計軍政皆有舉有劾而近年六部辦理京察除保舉一等數員外其餘無問否概列二等間有三等數人仍准留任臣愚以為六部者天下庶政之所自出各宜官事務繁劇每遇案件到部豈能徧觀盡識其准駁出入由司員主稿苟非操守清廉通達治體外省有應舉行者或拘牽苛細而當准者不准其稍近弊混者又或草率遷就而當駁者不駁得失之間所關尤鉅且今日之督撫藩臬即昔日曾任京職者居多今日督撫所保之道府各員又昔日由京職外用且曾任部員者居多今日部員之賢否又係他日外省人才之盛衰伏查道光四年七月刑部司員恩德於侯際清案內撞騙多金奉 旨以該員保列一等特將原保之堂官議處在案 聖諭諄諄誥誡不啻至再至三乃五年京察仍有保列一等之妄志在坐觀廳任內執法營私是奉行諸臣尙未能仰體 聖意夫所舉既不能無濫所劾必失之益寬抑思有舉有劾即古之黜陟幽明所以使賢者知勸不肖者知懲新進中材咸知勉於賢而儆於不肖若如近年辦理京察六法不施一概留任有勸無懲賢能者以為例有登進不肖者以為例無放斥而中材之尸位素餐者亦恬不知恥不思有所振作於吏治人心大有關係明年係舉行京察之歲就臣管見謹擬二條敬為我 皇上陳之一查京察條例一二等以外三等停升其應去官員照六法例注考議處是考績之典本非專為保舉而設何以近年辦理屬於六法者概不一見如謂隨時甄別不待三年則如刑部辦理侯際清之案工部私竊硝磺之案

司員徇利營私屢經發覺該堂官又未有先事糾參者且京察定例守謹而才政俱平及才長政勤而守平者已應列爲三等在各部堂官受 恩深重自不敢一味瞻徇惟於司員之科甲出身者或因其年格較深不無顧惜因而捐班雜項亦予優容試思名器至重豈爲貧老而設庶司至繁豈任庸劣久玷至有虛糜廩粟而終歲未嘗到署或常川在署而案件全不留心或文理未能通曉或奔走僅事趨承此等人且留之徒滋冗食更有浮濫不謹屢經記過徇庇書役聲名平常此等人員留之且恐誤公如謂人才難得未可以一售廢棄應請 敕下部臣於該員平日居心及所辦之事辨其過失之公私因公者尙可姑容以策後效涉私者斷無遷就何用包荒如此則吏治庶幾責實矣一查近日多有不勝外任選用部員者緣該員服官外省雖未能稱職而部司政務皆係公同辦理較之外任惟本員一人專主者其事權既分其責備亦可稍寬然如初任未諳吏事及守謹而才不足者冀可於部務觀摩藉資造就若歷任繁劇聲名平常祇因劣蹟未彰幸免革廢一旦置之政事之地復任戀棧其於內外例案較多熟悉恐串通胥吏流弊益滋且既爲公論所擯彼自知運轉無階更難望其振作應請 敕下部臣於外任改部人員加意察看其知愧知奮勤慎在公者照常供職外如有始終怙習不悛及精力衰頹辦事遲鈍者該堂官權其輕重分別黜遷毋稍爲之姑息以致貽誤公事如此則人心庶幾務實矣以上二條申明舊章釐剔鋼習懲而知勸嚴以濟寬舉錯必覈公平嫌怨勿存私見則聯常彌肅趨向日端似於吏治人心較有裨益臣愚昧之見是否有當伏乞 皇

上訓示 謹

諭內閣給事中吳傑奏京察屆期請舉劾並行一摺所奏是京察爲激揚大典現在各省督撫藩臬曾任京職

者居多。是今日部員之賢否關係他日外官人才之盛衰。嗣後各衙門堂官辦理京察務須和衷商榷。拔取賢才。其終年未經到署案件全不留心。或奔走僥倖。承文理未能通曉。暨浮躁不謹。徇庇書役。聲名平常者。概予甄汰。毋得稍事姑容。至外任改部人員。亦須加意察看。其庸碌無能及精力衰頹。難望振作者。應卽黜革。示懲。毋任戀棧。若勤慎在公。實心任事。才堪造就。仍不妨據實保列。總之人才難得。允濫須除。惟在各該堂官秉公遴選。認真甄別。毋設成心。毋存私見。務擇操守廉潔。通達治體者。列之上考。所謂惴惴無華。日計不足。月計有餘。吏治自蒸蒸日上矣。將此通諭知之。
聖訓

咸豐四年諭內閣。京察爲激揚大典。舉劾並行。自古三載考績之意。向例各衙門保列一等人員。皆有定額。原所以防浮冒。或不得其人。卽當任缺。毋濫。近來各堂官如數薦列。從無缺額。其上次一等人員。如或始勤終怠。原可改入二等。乃近來往往濫列一等。絕少更改。至應列大法官人員。除年老有疾者。各衙門尙有數人。其填浮。驟不謹等款者。亦屬寥寥。殊非慎重舉劾之道。現屆辦理京察之年。著各衙門堂官認真考覈。務擇操守廉潔。通達治體之員。列入上考。不得以濫竽充數。其庸碌無能及精力衰頹不堪造就者。並著隨時淘汰。毋任戀棧。總期舉錯嚴明。毋蹈瞻徇之習。俾該司員等咸知振作。以備簡任。庶期真才輩出。以挽回循將。此通諭各院衙門知之。
聖訓

六年諭內閣。吏部奏京察一等人員。呈明親老。請明定限制。一摺。各衙門京察一等人員。其有因親老情願留養者。例准於初次圈出後。在部呈請扣除。乃近來有俟記名後。始行移咨吏部者。雖同係據實呈請。究屬辦理兩歧。嗣後京察一等人員。如有親老情願留京供職者。著於初次引見奉旨圈出後。卽由各該衙門咨報吏部。

扣除其初次未經記名再遇復帶人員亦著該衙門於保送時咨明吏部扣除均毋庸帶領引見如於奉旨記名外用之後始行呈明親老者概不准行以示限制而歸畫一東華續錄

七年諭內閣吏部奏遵旨議覆鴻臚寺鼓勵人員一摺京察保薦例有定額鴻臚寺額保三員無分滿漢舊照定例辦理所請分別漢員擬保舉額之處著毋庸議該衙門漢主簿鳴贊序班等官應得升途著照部議援照十五項小京官六年俸滿之例變通辦理各以應升之缺歸於俸滿卽升班內與各省佐雜俸滿卽補人員比較日期先後升用如遇俸深到班仍准論俸升用不得援例捐免歷俸以示限制該部卽纂入則例永遠遵行聖訓

十年諭內閣前據吏部奏請舉行京察當經諭令各部院衙門本年京察有劾無薦發實辦理嗣據吏部奏請仍飭在京各衙門秉公保舉不必拘符定額復諭令此次列薦章者不得逾額之半並將京師戒嚴期內在署辦事並會否遷移各員分別冊單具奏惟思京察為三載考績大典各部院堂官考覈司員必察其平素勤惰始能分別舉劾若其人向來辦事認真而數目未能到署遽行甄劾似覺可惜或非出色之員僅於戒嚴期內照常到署遂登薦牘亦不足以昭平允所有在京大小官員應行辛酉年京察著展緩一年照例辦理其陵寢衙門及盛京等處仍著照舊舉行並著各該堂官留心查覈如有貽誤公事之員隨時參劾毋許瞻徇以副朕激敘官方至意東華續錄

十一年諭內閣給事中哲臣奏請嚴定京察章程先期開單進呈一摺京察為考績大典各該衙門堂官保列一等人員出具考語由吏部帶領引見本非專為簡用外任而設其特行圈出之員令該堂官再出具切實考

語覆行引見始量予錄用立法本極周密該給事中奏請令各該堂官將應行保列堪勝道府之員先期出具
考語開單進呈圈出後再行帶領引見既與定例不符且失京察本意況所保之員未經引見豈能偵據該堂
官考語遽定其人之才具所奏殊屬非是著毋庸議原摺著即擲還 聖訓

又 諭內閣大學士桂良等奏遵議御史華祝三奏部議京察截俸日期窒礙難行一摺京察為激揚大典前
經吏部奏准展緩一年至截俸日期欽奉 諭旨扣至咸豐十一年三月十五日截止自當欽遵辦理至一切
停升註考事宜亦經吏部奏明分別駁辦尚無窒礙該御史原奏內稱京察必視差使之優劣定等第之高下
上年差使應列一等至本年三月升調別衙門若仍與一等則與截俸不符不與一等則資俸以西年為限勞
績不以四年為憑等語向來升調人員一年以外仍准統計前俸至填註政績考語半年以外即由新任衙門
出考若舍新任之資俸論原衙門之差使辦理更難畫一又稱一等升遷二等降調等語向來一等加級二等
照舊供職並無升遷降調之說所奏係屬錯誤又稱西年三月以後病痊服闋升調銓補得缺各員均不應在
考察之列將不分等第從無實缺人員不加甄別之理仍分等第列入三等者必有置辯等語升調得缺本係
實缺人員該御史謂與病痊服闋銓補得缺各員均不在考察之列已屬聲敘未明至應否分別等第業經吏
部奏明例應考察及不應考察之員統以三月十五日為斷亦與截俸兩無窒礙又稱禮兵等部員缺本少本
年三月以後各員中或以事故去而此後得缺者皆係不合例人員恐致無員可保等語歷屆京察保薦不得
其人則任缺無遺 聖訓煌煌允宜遵守豈該御史尙未之知又稱本年三月後考察各員有屢經升轉者有
罪誤停升者論其體制則新階敘用與舊階敘用判然各別論其處分則考察在前罪誤在後難以持平恐升

轉易致冒濫被議者不能折服其心截俸亦多扞格等語向來考察期內凡有升轉議處事件概行停止此次展緩一年勢難一切停止不辦亦經准吏部所奏註考等項事宜均照現在官職辦理今該御史所指窒礙各情俱應歸併升之例辦理與截俸毫無干涉又片奏此次京察需以四載不為遲將來縮以二年不為速等語三載者續古有明訓該御史強為二年四載之說尤屬不諳政體所奏著毋庸議 聖訓

同治五年諭內閣御史張觀鈞奏請飭各衙門堂官認真辦理京察等語三載考績為激揚大典各衙門保薦人員一經得缺即有地方之責近來各省或軍務未平或瘡痍未起尤須得人而理惟知人不易非平日留心考察區別豈能悉當嘉慶年間曾奉 諭旨京察之事尚書侍郎應各備一冊密識賢否公議之日再行同覽眾所獎許者拔之眾所屏棄者黜之以公心辦公事勿存絲毫私意欽此 聖訓煌煌允宜永遠遵守今冬又屆辦理京察之期著各衙門堂官欽遵 成憲將該司員等人品才具悉心體察隨時存記以備臨時公同酌定期於鑒別精當以收得人之效並著各衙門堂官常川進署與該司員等講求公事藉以規其人之賢否秉公保薦用副朝廷拔擢真才至意 聖訓

八年諭內閣近來分部人員較多著各堂官認真考察如材難造就不得一概奏留至京察之期尤宜分別優劣不得有舉無劾俸滿被取之員當察其才具分別繁簡保送並於候補人員隨時稽察使有所勸懲咸知講求公事 聖訓

光緒七年禮部侍郎寶廷奏竊本年又屆京察之期十月間有 旨通諭部院各衙門諄諄訓誡仰見 聖朝澄敘官方至意然而臣竊以為諸臣仍將視為故事其文何也積弊已深非空言所能改變也近年風氣日

壞一日每屆京察堂司各官上下營營舉國若狂曠徇情面徇弊之輕者賄賂潛行恐亦未必無之不論才
 守不論資格並不論例案不論文理所保非貴近子弟卽浮華少年但藉當差勤奮一語掩飾耳目其實平
 時點派差使大半由請託而來豫爲一等地步並非熟悉部務實有勤勞以黜陟幽明之大典作攀援勢利
 之捷徑舉不能公効豈能嚴浮躁不謹之員所在皆有此輩皆營營求每爲堂官所喜不惟不効且欲舉之
 愿屆京察所保才長政勤者半是此類又安望舉劾盡當哉夫守之清濁曖昧不易知也才之真僞倉卒不
 易見也而資格之淺深例案之生熟文理之明昧則易知易見也居今之世內外大臣求才守兼優者能有
 幾人何況司員今之所謂才者不過奔走勤應對捷耳若此者何足爲才且每無守習俗移人人才難得漢
 司員例案文理尙不至不諳而氣節操守未必盡能剛正滿司員則例案未必盡明文理或甚至不通守清
 尙許有人才長殊不易覓方今滿漢司員中求才守俱平者已未能多得又何論兼優乎伏讀嘉慶五年十
 一月十八日二十年十一月初二日 聖諭咸豐九年十二月十八日十九日 硃諭諄諄戒飭以資格例
 案文理爲言仰繹 聖訓蓋知積弊已深非旦夕所能挽回任缺勿濫徒託空言有舉無効已成錮習全材
 難得與其求全責備適至以僞亂真不如核實節取可收得人之效今欲整飭京察非詳細申明舊章嚴定
 處分責成樞臣認真考察不可伏乞再降 嚴旨通諭各衙門堂官恪遵歷次 聖訓以爲考察各備一冊
 密識賢否公議同覽用憑舉劾首取猷守兼優之員以備擢用如不可得則取資格較久謹厚樸實之員資
 格過淺者苟非才猷特出不許藉口差使遽行濫保文理不通例案不明之員不許濫保貌似有才輕浮濫
 薄之員尤不許濫保如有此等弊端一經察出或被參奏卽謹遵 聖訓照例實降不貸聞近來京察堂官

多不備冊密議應令京察後將冊封送軍機處備查以觀各堂官聚取之公私偏正 皇上正在沖齡 皇太后垂簾聽政保一等者開門之後雖有引見可覘其年力 召見可考其語言而俄頃之間豈能考察詳細其應劾不劾者更無從周知當責成樞臣博採時論秉公考察乞 飭下樞臣將保列一等司員分日傳至詳加驗看請問如有不符即參奏撤銷一等原保堂官謹遵 聖訓照例實降如此核實舉劾認真考察庶有忌憚少除積弊不敢視為故事具文矣然而此猶其小焉者也部院之京察不可不公不嚴內外大員之京察豈獨可不不公不嚴甄別之權雖 皇太后 皇上操之而實樞臣替之劾一不職司員不如劾一不職大員 臣竊恐瞻徇情面之弊不專在各部院堂官矣樞臣果能精白乃心破除情面不特能考察各部院司員之賢否並能考察內外大臣之賢否若夫不免瞻徇無論不能察出也縱使察出亦不能秉公甄別試問上屆各部院京察果皆公且嚴乎內外大臣京察果皆公且嚴乎各部院瞻徇之弊果皆察出乎所察出者果皆嚴辦乎是樞臣先以京察為故事具文矣又何責於各部院堂官乎更乞 嚴飭樞臣豫將內外大臣才守聲名孰優孰劣孰當舉孰當劾孰當照舊供職秉公詳察開單進呈毋得瞻徇庇護應劾不劾尤不得徒以衰老無過與官職較小者休致數員塞責如不公不嚴經人糾參惟樞臣是問而考察樞臣之功過則在 皇太后與 皇上樞臣夙夜在公均有微勞而其中優劣亦頗不同若無所區別概予議敘是 朝廷先以京察為故事具文矣何以倡率羣下乎是在 聖明獨斷非臣下所敢妄參也 臣等

右京察

順治十年二月考試翰林各員分別陞調有差三月考試吏禮二部翰林侍郎及三院學士詹事府以下分別

去留嗣是稍修各員考試謂之大考者分別優劣陞降原各有三乾隆二十八年二十三年十七年二十三年

二十八年三十三年五十年疊加考試分別黜陟 通志

乾隆五十年諭本年考試翰詹其講讀等官之列三等者應以中允贊讀降補但該員等本以六等平常因考降職若仍以翰林補用將來再遇考試恐仍不免於降官且中允贊讀員本少降補之後得缺亦屬無期轉致淹滯嗣後翰詹等官凡遇考試應行降補者俱著對品以部屬補用俾得及時自效若果能勤奮供職自可仰邀甄拔是亦造茂人材量才器使之濟著為令所有此次接駕之張壽莊承襲即著對品以主事改補東華續錄

五十一年定大考改部翰詹及小京官等分班補用例東華續錄

道光二十三年諭大考翰詹經監試王大臣查出右贊善如山懷挾賦本如山著即革職交刑部照例治罪東

華續錄

右大考

順治二年五月覆準有司殿最宜以守己端潔實心愛民者為上考若僅幹理簿書惠鮮無策雖有才能止註中者通志

三年定外官大計憑各直省督撫覈實官評分別彙題吏部會同都察院吏科河南道詳加考察分別奏請填註考語用才守政年四格才則或長或平或短守則或清或平或濁政則或勤或平或怠年則或青或中或老其考語務按人指事應去應留明白直書不得鋪敘繁文徇情毀譽會典事例

四年二月以舉行大計 敕諭天下朝覲官員十月定大計限期吏部請以三載者績爲定制填註考語用才
守政年四格凡大計處分官員不準遷職通典

又 諭天下人民困苦極矣朝廷之德意時勤郡邑之阻格如故優游日月黃觀陞遷雖焚墨間有糾彈而姦
猾每多賄脫朕甚憤憤茲當大計已嚴飭諸司貪酷重懲闔茸罔寬爾等姑準留任仍服舊官尙思被濯前愆
勉圖後效滌穢濁以清廉易煩苛爲寬六千以助流愷溥永保治安庶稱朕奉 天子民至意嗣是每遇大計
入覲之年必嚴切 訓諭之通志

六年照准運使海鹽道照各道例令布按二司填註考語會典事例

又題准運司運同運判提舉首領屬官令各該衙門正官考覈呈布按二司覆考申送督撫按會典事例

九年吏部奏言朝覲計典三年一行舊例府州縣正官入覲勢必委署但署官害民反爲地方之累今議止令
藩臬各一員各府佐一員代覲從之通考

十年正月 上幸內院閱大計疏謂大學士范文程等曰貪吏何其多也文程奏曰彼平居未仕時亦知貪吏
不可爲一登仕籍則見利智昏矣 上曰此由平素不能正心之故也苟識見既明持守有定安能爲貨利搖
奪乎通典

十三年奉 上諭朕所興共圖治安者惟監司守令是賴朕親政大職於茲勵精圖治不敢懈逸振飭官方未
嘗寬假今又當大計之年已嚴飭所司重懲貪酷俱如例降革外姑準爾等仍服原官毋謂塗飾可以久施毋
謂僥倖可以常恃宜各正直存心清廉持已勉圖後效通志

十五年議准大計官評務期詳慎責成本道府開報署任官不必造冊其計處各官不得苛求去任刻責卑官併將已經處分之官舊事塞責會典事例

又議准州縣佐貳首領屬官令州縣正官開造賢否事實申送本府知府將所屬知州知縣佐貳首領屬官填註考語入冊送本管守巡各道轉呈布按二司覆考經督撫按考定彙冊咨達部院等衙門直隸州知州不屬府轄知府不註考語其直隸州所屬各縣悉從知州考覈會典事例

十八年吏科給事中雷一龍疏言三年大計國典攸關民生所係勿得遺大吏而摘微員懲去位而寬現任請飭部定議閱冊之日令該藩臬兩司赴部面同指實按冊詳察如大計之後或有敗類詭害地方者即治兩司以徇庇之罪再藩臬入覲例有條奏本省應行應革事宜據實數陳不許浮泛塞責下部議行通考

康熙元年吏部議嗣後大計布政使按察使俱停其入覲布政使以參政或參議道一員按察使以副使或僉事道一員代覲從之通考

四年議准奉天府府丞以下京縣典史以上等官雖在京考察仍應照例入大計冊內其奉天錦州二府所屬各官責令府尹註考會典事例

九年題准八法處分貪酷者革職提問如事在赦前免罪永不敘用不謹罷軟皆革職年老有疾皆休致才力不及降二級調用浮疎降三級調用皆不准援赦紀薦加級不准抵銷會典事例

十五年議准教官大計送學道轉呈布按二司覆考經督撫按考定彙冊咨達部院等衙門會典事例
二十五年二月直隸各省尊親官員行禮畢奉 上諭國家三載考績原以崇獎廉善擯斥貪殘今當大計已

嚴飭所司重懲貪酷餘俱如例降革其有衆論不孚是非失實者特黜一二以警積玩外姑準爾等仍服原官嗣後務須洗滌肺腸勉圖自新毋貌承心違昭常習故國憲具存決不爾貸三月覆準嗣後大計各省藩臬及各府佐貳官員入覲之例通行停止照舊例 萬壽表章例每省委道官一員齎冊入覲至官員賢否去留止以督撫文冊爲憑造五花冊三本分送吏部都察院吏科其藩臬二司所造冊籍俱行停止通志

三十一年十一月議準河官大計如係管理河務兼有錢糧之責者總河督撫各行考核其專係河官令總河考核通志

三十六年諭國家舉行大計原期黜陟幽明大法小廉以爲又安民生之本所關甚重比年以來督撫等官視爲口文每將微員細故填註塞責至確實貪酷官長有害地方者反多瞻徇庇護不行糾參以致吏治不清民生莫遂重負朕愛養元元至意殊可痛恨今當舉行大典各督撫等官應洗心滌慮力改前轍矢公矢慎整肅官方務期薦舉一人俾衆皆知勸糾一人俾衆皆知儆儆仍苟且因循徇私溺職國法其在決不輕恕會典事例

四十四年諭官員薦舉卓異關繫激勸大典所列事蹟期有實濟於地方百姓開載虛文無益嗣後薦舉卓異務期無加派無濫刑無盜案無錢糧拖欠無虧空倉庫銀米境內民生得所地方日有起色方可將卓異之選其他所用虛文俱不必入會典事例

諭三年舉行大計其居官優者列爲卓異劣者分別輕重置之八法所以澄敘官方勸善懲過與至重也朕思卓異八法所舉所劾不過數十人而平等供職不列舉劾者尙有多員如文官倉庫之盈虧辦事之能否皆未

填註考語是考課羣吏尙有遺漏之處也嗣後大計除卓異八法照舊例舉行外其平等官員文職自知縣以上俱以大計之年令替撫註明考語造冊詳報吏部務期秉公覈實不得徇情任意顛倒是非會典事例

雍正四年諭三年舉行大計所以激濁揚清整飭吏治必舉劾之間至公至當方足以昭勸懲之典查定例卓異人員俱送京引見而參劾人員則聽候部院議奏不行引見此中或有冤抑及避重就輕等弊亦未可定嗣後大計之年除貪酷之員既已指明劣跡參奏無庸再行引見外其餘參劾等官該部照例處分出缺其應作可送京引見之處九卿詳議具奏雍正內閣 上諭

定計典舉劾官員引見例計典薦舉卓異官員吏部會同都察院考核合例者引 見如果才品兼優卓異

註冊回任候陞降級罰俸者不準卓異又參劾等官除貪酷外俱準其交代清楚給咨赴部引 見 通志

六年諭國家舉行大計乃三年考績之大典其中卓異人員皆加以特恩不次擢用誠以該管上司爲國家薦拔人才必深知灼見然後列爲卓異豈無有徇私受託草率冒濫以負國恩而辱鉅典者而到任未久之上司不能深知屬員之賢否又准其題請展限以俟確訪是朝廷之所以體諒之者可謂至矣如此則屬員人品之邪正自無有不能辨晰之理乃見有從前卓異之員而後任內竟至貪贓枉法罹於重罪者夫以三年之久數百屬員之多保舉數人以光大典則非一時應詔薦舉可比也其人既犯貪贓枉法之條則平日必係行止奸邪之輩又非尋常誣誤及才力不及之類可比也督撫提鎮等專以察吏爲務而乃以此等之人列爲卓異及至敗露之後尙可藉口於知人之不易不能保其將來乎此等若不定以處分恐相沿日久必有濫舉失實之弊嗣後文武卓異官員有犯貪贓不法之款而審訊確實者將從前列爲卓異之上司一併議處倘於該員未

敗露之先有能查出參奏者免其處分其如何定例之處著九卿詳議具奏雍正內閣 上諭

十二年四月上諭各省卓異人員俱有現任地方之責每當大計之年理應先行具本候旨敕交部院查議其與例相符應準卓異者奏聞令其進京引見其與例不符不准卓異者候朕酌量引見可否再降諭旨如此則地方事務不致廢弛而與例不符之員亦不徒費往返將此永著爲例通志

七年奉 諭旨國家舉行大計乃三載考績黜陟幽明之要典督撫大臣職司其事必當秉公去私杜絕請託精明鑑別無黨無偏舉一人而衆皆知勸劾一人而衆皆知儆則官方以肅吏治以清百職修舉而民生共受其福矣昔我 皇祖 皇考嚴降諭旨訓飭再三乃朕見近來各省計典頗有視爲具文苟且塞責者或賢員不薦或劣員不糾或就目前之一端而不察居官之素或徇一己之愛憎而不參與論之同又或庇護私人瞻徇情面而使貪墨不職之人姑容在位祇將教職及佐雜微員草草填註以充其數所謂旌別淑慝者安在乎督撫受朕股肱心膂之寄於此等切要政務等語朕將何所倚賴今年乃大計之期用是特頒諭旨各督撫等務精白乃心矢公矢慎以肅鉅典倘有仍蹈前轍者經朕訪聞必當加以嚴譴通考

九年諭准鹽務各官該鹽政會同督撫考覈其有操守廉潔才具優長政事勤敏者開列事實具題有干八法者題參詳處會典事例

二十四年諭外省大計八法官員均關澄敘大典內如貪酷二款既有實迹例應特疏題參另行審結其年老有疾罷軟無爲才力不及等款尙屬見聞所共知至不謹浮躁官員向來參本內俱未將其何事不謹何事浮躁一一聲敘此內或有公事本屬無誤而節目偶爾闕疎才具尙可有爲而氣質不無粗率此等人員其才未

必不堪造就上官不能舍短取長但以意見不甚相洽遂概登之白簡固屬可惜甚或該員平日本有敗檢驗
聞而該督撫意存瞻徇僅與避重就輕轉借此為周旋劣員捷徑者均非整飭官方之意嗣後三年計典內如
有不謹浮躁等官俱著確據實迹詳細登註不得籠統參劾以昭慎重著為令會典事例

二十九年選 旨議定凡各省大計薦舉官員因有錢糧處分及別故降革留任未經開復止與附薦者吏部
議覆時必查係現任兼三兼四繁缺歷俸又滿五年之員方以可否引 見聲請 欽定簡缺官不在此例此
等附薦人員題本到部而其處分案適屆開復即與正薦官一例調取引 見凡正薦卓異官俸次以本省三
年為滿其別省歷俸不准撥算通志

三十五年督撫大計薦舉人員歷俸未滿三年分別議處吏部議覆刑科給事中虞鳴球奏請嗣後各省大計
無論正附薦舉之員除本省前後開歷數任及輾轉陞署或緣事開復一時扣算未清經臣部核明未滿三年
者照例議駁該督撫免其查議外其自到任之日起扣至該督撫具題之日止實在俸次易於扣算顯然未滿
三年者該督撫明知必經部駁故違定例濫行列入即將該督撫隨本查議照越次呈題降一級留任從之通
典

三十八年二月 敕大計之年督撫等將藩臬考語另摺具奏聲明毋庸隨本夾單通志

五十年諭各省舉行大計與京察事同一例前屆甘肅湖北汀南等省分因各屬內處分人員較多是以比歷
次卓薦人少自不可援以為例而向來各督撫保薦人員本未明定限制亦非慎重考績之道且各省卓異人
員有正薦附薦之名同一卓薦而分正附是名為區別實易開僥倖之漸殊不足以澄敘官方著吏部詳覈各

省大小缺分多寡酌中定制除有處分不合例人員毋許保薦外其某省應行卓薦幾員之處按其缺分多寡定額並將附薦之名裁去勿使材庸濫膺薦剡而才能之員不致稍有沉抑該部即詳晰妥議具奏欽此遵旨議定大計卓異按省分大小缺分多寡州縣以上至道員計十五員內准薦一員教職佐雜計一百三十員內准薦一員教職佐雜人數較多雖不能盡為兩項不得全舉一途以致偏枯併將附薦之名裁去歸入正薦定數之內總不得濫出原額如遇大計之年合例人員較少而該督撫濫舉充數至引 見時奉 旨不准卓異者即將原保之上司照保舉不實例議處直隸保薦地方州縣以上官十三員教職佐雜四員保薦河員通判以上一員鹽場運判以上經歷以下二項內保薦一員奉天保薦州縣以上官一員教職佐雜一員江蘇保薦州縣以上官七員教職佐雜三員鹽場運判以上經歷以下二項內保薦一員安徽保薦州縣以上官六員教職佐雜二員江西保薦州縣以上官八員教職佐雜三員浙江保薦州縣以上官八員教職佐雜三員鹽場運判以上經歷以下二項內保薦一員福建保薦州縣以上官六員教職佐雜三員鹽場大使一員湖北保薦州縣以上官七員教職佐雜三員湖南保薦州縣以上官七員教職佐雜三員河南保薦州縣以上官九員教職佐雜三員山東保薦州縣以上官九員教職佐雜三員鹽場運判以上經歷以下二項內保薦一員山西保薦州縣以上官九員教職佐雜三員陝西保薦州縣以上官七員教職佐雜大使二員甘肅保薦州縣以上官六員教職佐雜二員四川保薦州縣以上官十一員教職佐雜四員大使七缺歸入地方額內止准一員雲南保薦州縣以上官七員教職佐雜二員提舉大使二項內保薦一員貴州保薦州縣以上官五員教職佐雜二員廣東保薦州縣以上官八員教職佐雜四員運同以上經歷以下二項內深薦一員廣西保薦州縣以上官

六員教職佐雜二員江南河道總督所屬保薦通判以上官二員雜職一員河東河道總督所屬保薦通判以上官二員雜職一員烏魯木齊都統所屬通判以上併雜職共十三缺二項內果有實係出色者准其保薦一員如不得其人盜缺毋濫吉林將軍所屬同知學正巡檢共三缺果有實係出色者亦准其保薦一員如不得其人盜缺毋濫會典事例

五十三年諭嗣後各省督撫於府道大計卓異自當公同具奏其密奏考語務宜各抒所見分別填註自行陳奏其大計之年亦著將藩臬考語各行咨部不得彼此關會致啟扶同徇庇之弊將此通諭知之會典事例

嘉慶十一年諭據貢楚克扎布奏會議西寧辦事大臣節制兼轄附近鎮道各員酌定章程一摺西寧鎮道與青海大臣近在同城向無統屬遇有蒙古番子交涉事件僅令貴德廳營各員專司辦理未免呼應不靈不足以資彈壓嗣後著照該大臣等所請西寧文員自道府以下武員自鎮協以下俱歸該大臣兼轄節制遇有蒙古番子交涉事件卽由該大臣主政其民人地方事務仍由該督主政該鎮道等於關涉青海蒙古番子案件自當申報青海大臣若祇係尋常地方案件卽當專報總督免致牽混干預至軍政大計年分該鎮道等辦理蒙古番子案件功過由該大臣出具考語咨會該督再將該員等平日辦理地方事務是否認真由該督會同參酌舉劾以昭覈實而示勸懲會典事例

道光元年諭內閣御史龔綬奏各省舉劾人員宜詳敘事實一摺國家澄敘官方原貴循名責實惟是人材難得求其始終一轍者恆不數覲如州縣中之前舉後劾及繁簡互調亦不能禁之使無若封疆大吏果有是非倒置以愛憎爲取舍者科道等有所見卽應據實參奏徒爲事後空言於事何補至所云不採虛名務求實

際此察吏要言各省督撫有進退人材之責當秉公考察激濁揚清嗣後保舉屬吏無論大計卓異及隨時薦擢均詳其在任政績確切註考以防冒濫其列之彈章者亦必將其劣跡開載不得籠統効參致有屈抑用副朕綜覈名實精嚴黜陟之意 聖訓

十五年諭內閣御史劉夢蘭奏大計屆期請飭嚴加考覈一摺為政首重官人安民必先察吏各直省官員每屆三年大計由該督撫詳加考覈舉得其人則中材咸知嚮風黜得其實則不肖羣知畏罪是澄敘官方之中實寓選拔真才之意各省大吏身膺重任為朕耳目所寄宜如何精白乃心秉公甄別以風示羣僚若如該御史所奏牧令之勤恤民隱者類多樸訥拙誠不工容媚而不肖者專事迎合取巧並無實心任事之意該上司受其朦蔽轉予卓異此等風氣近來各省或亦不免現值辦理大計之時各督撫等務當破除情面公正居心隨事隨時認真體察於所屬各吏人品心術政蹟事實詳加考覈分別激揚斷不准賢否混淆濫登薦剋庶仕路澄清吏治蒸蒸日上朕實有厚望焉 訓

咸豐六年諭內閣各省舉行大計所以保薦循良汰除庸劣為三載考績大典全在封疆大吏秉公甄劾察吏即以安民體該督撫等平日於屬員賢否漫不經心臨時亦祇奉行故事甚至開奔競之門而黜悃愾之吏其於吏治清濁關係非淺轉瞬大計屆期各直省督撫於所屬人員務各認真察看果有勤求治理民情愛戴者始准覈實薦舉毋許濫竽充數至辦理軍務省分或地方甫經收復有待撫綏或疆圉逼近寇氛亟需保衛得一廉能之吏實足庇蔭一方尤當將實心任事各員留心存記於舉行計典時列入上考以備擢用其或以逢迎為要結固惜聲名以便佞為才能毫無政績若令忝居民牧必致貽誤地方亟應隨時淘汰以肅官常不得

因其尚無顯著劣蹟一味姑容僅以年老有疾人員參効充數似此循名責實分別勸懲庶吏治蒸蒸日上朕
實有厚望焉 聖訓

光緒十年諭御史馮應壽奏大計鉅典請飭疆臣認真考察一摺國家三載考績舉行大計典至重也特恐日
久玩生不免視爲具文嗣後各該督撫大臣每遇大計年分於所屬各員務當悉心考核舉劾一秉至公毋得
稍涉偏私有名無實另片奏大計京察濫保處分不同現值纂修則例請飭部將分別公罪私罪處分細加酌
核詳細分註等語著吏部議奏卹鈔

二十八年政務處請飭部院督撫認真課吏疏云竊維爲政之要首在得人內而部院外而封疆均應以認真
課吏爲鑒別人才之方近奉 諭旨令翰林院掌院學士考核翰林各官於五月後嚴行甄別等因欽此仰
見 朝廷澄叙官方實事求是之至意查京師各衙門司員平日無差使者多不到署即使到署本署例案
非印稿概不得見各部大都如此而吏工兩部積習尤深一旦派差諸事茫然即現充學印主稿要差其能
通達部務見事明決不假手吏胥者實不多觀疊奉 諭旨裁撤書吏是司員更宜切實練習例案方可親
自辦事不至授權書吏應請 旨飭下各部院堂官卽於該衙門內擇一寬敞房屋爲司員講習公所羅列
本署案卷凡有烏布人員每日所辦事件按其功課卽可考其才識其餘各司員不分滿漢及筆帖式均令
到署肄習互相討論或令擬奏咨稿件或策問本部例案遇有酌議事件先令各具說帖由堂官細心核考
擇其尤者酌派要差不拘資格其未派要差者卽令分管案卷俾得潛心考究果能照此整頓司員皆親身
治事書吏自不能蒙蔽濫權至各省候補官員擁擠不肖者專以逢迎奔競爲能而真才反多沉滯近來各

省間有已設課吏館考課官員應一併請 旨飭下各該將軍督撫一體設立課吏館嚴定課程認真查核或試以事或者以言參觀並用人才自出然尤在各堂督撫實心任事破除情面於在館應課各員隨時考察嚴行甄別其才識較優者量加委任以示獎勵其學久無功者分別勒限學習不堪造就者咨回原籍半年具奏一次不得稍涉瞻徇乃臨從前積習庶人才可得政事畢舉矣 邸鈔

又 諭為政之要首在得人內而部院外而封疆均應以論事考言為鑒分人才之準各部院衙門行走人員旅進旅退何以明習例章諳練政事現當振興庶務亟應切實考符以期鼓勵真才著各堂官於該衙門司員除掌印主稿各員每日自有應辦之件應隨時考試外其餘各員不分滿漢及筆帖式均令檢閱例案俾得專心考究遇有應辦應議奏各事件即今學習擬稿並准其各抒所見將說帖呈堂查閱以備采擇一切要差即由此選派務使司員皆能親身治事書吏等自無從蒙蔽攬權至各省候補人員冗濫尤甚平時不加考核一旦使之臨民從事安望其措理得宜近來各省已有奏設課吏館者自應一體通行惟現在考核人才不得視為調劑閒員之舉仍著該將軍督撫兩司等傳見僚屬訪問公事以覘其才識並查其品行其賢者量加委任不必盡拘資格其不堪造就者即據實參劾咨回原籍統限半年具奏一次務當破除情面嚴行甄別不准虛應故事稍涉瞻徇致負朝廷循名責實之至意 邸鈔

又 諭圖治必先察吏而馭吏尤在勸懲各省分發人員例應督撫切實甄別原以考查賢否分別去留法至善也乃近年各省期滿甄別類皆寬泛注考全數留補無一片退者即隨時甄別劾罷亦屬寥寥現在捐納保舉情形擁擠巧黠之流紛紛貢錄奔走即中材亦相率效尤吏治之壞皆由于此亟應痛除積習以肅官方嗣

後各該督撫務當破除情面嚴加考核自道府以至州縣凡初到省者必躬親面試其尙堪造就否均令入課吏館講習政治法律一切屬官之要隨時酌予差委以覘其才誠期滿甄別一秉大公尤耆留補劣者斥罷平等者再勒限學習均各出具切實考語不得仍前含混卽選授實缺之捐納保舉各員亦應一體考試察看分別辦理毋稍遷就瞻徇以仰副朝廷旌別淑慝澄清吏治之至意

右大計課吏摺

原定軍政貪酷有款者革職提問不謹罷軟者革職年老有疾者勒令休致才力不及者降一級調用浮躁者降一級調用前有卓異應陞及加級紀錄不准抵銷會典事例

順治十一年議准武職軍政五年舉行一次二品以上具疏自陳三品以下該管官分別優劣遇應行軍政之年由部於二月內具題行令考察如法會典事例

又議准內外軍政各官陞任裁汰降調離任一年以上者舊任不必註考於新任註考不及一年者仍於舊任註考均於十月內具題到部部會都察院兵科河南道今京畿道察覈覆會典事例

又題准各省軍政造具四柱文冊分送本部及兵科河南道今京畿道考覈其冊開各官除由部題覆出榜聽諭外如有遺漏舛錯仍聽科道各官參劾會典事例

十二年飭考選軍政照文官例卓異者賜服旌勸從兵科給事中張文光請也通考

康熙六年三月定舉行軍政事宜各衙門武職聽各該管官詳核填寫考語開明四柱一曰操守一曰才能一曰騎射一曰年歲并將各該員履歷及有無在軍前行走受傷得功之處註明分別應去應留送部其堪膺薦

舉必有行止端方爲馬爛熟管轄嚴肅當差勤慎不擾害該屬給賞無虛等考語方準薦舉其應行糾參之員必有貪酷不謹罷軟年老患病才力不及浮躁始行糾參又 敕各省提督仍聽總督註考通考

二十一年兵部議覆工科給事中碩穆科疏言滇逆蕩平軍政大典應仍舉行各官事故履歷應從康熙十一年軍政後開起九門千總等今設有九門提督應聽該提督填注考語造冊開送舊例止有現任總兵官自陳今候補總兵官等均令其自陳副將以下候缺官員仍照例各原任考察從之通考

六十一年十二月 上諭在京武職官員亦當照外省武職官員例五年一次考選軍政尋議在京武職官員如領侍衛內大臣八旗都統前鋒統領護軍統領副都統步軍統領等俱係近侍大臣不必令其自陳遇五年考選軍政時各將屬員詳核填註考語照外省薦舉及八法例分別具奏各省駐防將軍副都統等照提鎮例自陳其屬員俱照京城之例舉行至德州等處之城守尉協領派大臣前往考選其屬員卽會同城守尉協領詳核填註考語具奏從之通典

雍正元年舉行軍政兵部奉 上諭此係初次考選爾等秉公考驗內有出兵効力行走年老俸深者諸事尙能坐理仍著留任再人雖年老衰頹不宜留任而出兵効力之處甚多將伊卽行革退致令無以度日深屬可憫應另行分晰具奏朕自加恩其雖無効力行間之處而供職年久者伊身逢太平之世何由經歷戰陣爾等亦宜留心驗看通志

五年敕各省副將參將著該省之督撫提鎮出具考語分別一二三等密送兵部進呈通考
乾隆二年十月兵部議覆綠營軍政年老官內如從前曾經出兵効力者準其原品休致仍令其子弟一人入

伍貧糧如孫子弟給與守糧一分以終養贍從之通考

十七年六月 敕嗣後內而部院司員外而道府京察大計之例仍舉行以昭激勸其部院大臣各省督撫循例自陳繁文著停止武職五年軍政視此通典

二十四年諭向來內外文武三品以上大員遷京察軍政之年援例自陳文具相沿無裨實政曾經降旨停罷嗣後兵部於軍政時將在京之都統副都統在外之駐防將軍都統副都統各省之提督總兵官分列為三本備具簡明履歷清單進呈候朕鑒裁以重考績大典著為令會典事例

二十六年奏准內外軍政考選各官出差在一年以內仍一體註考一年以外者免其考察其出差一年以外若堪薦薦舉者仍准其卓異會典事例

四十一年八月 敕派出考試世職之大臣等必令各員俱射三箭加意詳閱再定等第揀選其軍政等處特派王大臣考試步射者俱照此遵行通志

四十二年十月 敕各總督將所屬總兵每屆五年出具考語分別等第密為陳奏一次無總督省分著兼提督之巡撫辦理通典

又敕伊犁等處協領等項官員遇軍政之年卓異者奏明註冊俟伊等陞缺引見時將卓異之處一併聲明通志

嘉慶二年諭考驗軍政甚關緊要特派王大臣等理應每日前往據實考驗此內如實有另派別項差使併因進班不到者可寬恕因尋常奏事後或不到實屬非是如再有出派差使推故不到者必從重治罪會典事

例

八年諭向來軍政之年不准告病以杜武員規避之弊其奉旨查閱營伍年分事關考覈卽與軍政無異著照舉行軍政之例不准告病乞休違者照例參辦會典事例

十二年奏定軍政年分告病乞休官員照查閱營伍年分題准成案辦理凡副將以下營衛千總以上未經考驗軍政之先遽請告病乞休卽勒令休致若經考驗以後仍准其告病乞休會典事例

右軍政